


भटयिाली नोआ नयिम



The Holy Bible in the Bhattiyali language of India

भट्टियाली नोआ नियम
The Holy Bible in the Bhattiyali language of India

Copyright © 2022 The Love Fellowship

Language: भट्टियाली (Bhattiyali)

Contributor: The Love Fellowship

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-06

PDF generated using Haiola and XeLaTeX on 15 Sep 2023 from source files dated 7 Apr 2023
e281c140-6dae-50a6-93ea-455c72810974

Contents

मत्ती	1
मरकुस	39
लूका	66
यूहन्ना	107
प्रेरितां दे कम्म	137
रोमियो	177
1 कुरिन्थियों	195
2 कुरिन्थियों	214
गलातियों	226
इफिसियों	233
फिलिप्पियों	240
कुलुस्सियों	245
1 थिस्सलुनीकियों	249
2 थिस्सलुनीकियों	253
1 तीमुथियुस	256
2 तीमुथियुस	262
तीतुस	266
फिलेमोन	269
इब्रानिया	271
याकूब	285
1 पतरस	290
2 पतरस	296
1 यूहन्ना	300
2 यूहन्ना	305
3 यूहन्ना	306
यहूदा	307
प्रकाशितवाक्य	309

मत्ती दा शुभसमाचार

????????

मत्ती दा शुभसमाचार यीशुए जो इस्राएल दे मसीह दे रूपे च पूरस्तुत करदा है। ऐ यीशुए दे जरिये चंगाई कने बुरियाँ आत्मा जो कडणे दे कम्मा बिच, उदियां शिक्षा दा, पहाड़ी उपदेशां दा (अध्याय 5-7), राज्य दे उदाहरण दा (अध्याय 13), कने जैतून पहाड़े पर प्रवचना दा लेखा है। पहाड़ी उपदेश च आशिर्बचन (अध्याय 5: 3-12), कने प्रभु दी सिखाइयो प्राथना (अध्याय 6: 5-15) भी शामिल है। ऐ कताब महान हुकमे (अध्याय 28: 18-20) सोगी मुकदी है। बार-बार होणे बाले प्रसंग कने “सत शापित” कथना ला यीशु कने धार्मिक अगुवां बिच टकराव है। (अध्याय 23) चारो शुभसमाचारे दियां कताबा सांई, मत्ती दिया कताबा च भी मसीह दी तिना सालां दी सेबकाई कने उदी मौत कने मरयां चे जिन्दा होणे पर ध्यान केन्द्रित करदी है। मत्तिये अपना शुभसमाचार लगभग ई स 50 ला 60 दे बिच लिखया है।

रूप-रेखा

यीशुए दे पूर्वज कने जन्म 1:1-2

यूहन्ना बपतिस्मा देणेबाले दा संदेश 3:1-12

बपतिस्मा कने यीशु दी परिक्षा 3:13-4 11

गलील च यीशु 4:12-18

यीशुए दा गलील ला यरूशलेम शेहरे जो जाणा 19: 1-20 34

यीशुए दा आखरी हफ्ता: उदी परिक्षा कने मौत 21:1-27 66

यीशुए दा जिन्दा होणा 28: 1-20

????? ???? ? ? ???? ?

(???? 3:23-38)

1 ऐ यीशु मसीह दे पूर्वजां दे ना दी सूची है, सै राजा दाऊद दा बंशज था, जड़ा अब्राहम दा बंशज था।

2 अब्राहम ला इसहाक पैदा होया, इसहाक ला याकूब पैदा होया, कने याकूब ला यहूदा कने उदे भाई पैदा होये। 3 यहूदा कने तामार ला पेरेस कने जेरह पैदा होया, कने पेरेस ला हिस्रोन पैदा होया, कने हिस्रोने ला एराम पैदा होया। 4 एराम ला अम्मीनादाब पैदा होया, कने अम्मीनादाब ला नहशोन, कने नहशोन ला सलमोन पैदा होया। 5 सलमोन कने राहब ला बोअज पैदा होया, कने बोअज कने रुत ला ओबेद पैदा होया*, कने ओबेद ला यिशै पैदा होया। 6 कने यिशै ला दाऊद

* 1:5 1:5 रुत कने राहब यहूदी जनानिया नी थियां

राजा पैदा होया। कने दाऊदे ला सुलैमान, सै उसा जनानिया ला पैदा होया जड़ी पेहले ऊरिय्याह दी घरे बाली थी।

7 सुलैमान ला रहबाम पैदा होया, कने रहबाम ला अबिय्याह पैदा होया, कने अबिय्याह ला आसा पैदा होया। 8 आसा ला यहोशाफात पैदा होया, कने यहोशाफात ला योराम पैदा होया, कने योराम ला उज्जियाह पैदा होया। 9 उज्जियाह ला योताम पैदा होया, योताम ला आहाज पैदा होया, कने आहाज ला हिजकिय्याह पैदा होया। 10 हिजकिय्याह ला मनश्शे पैदा होया, मनश्शे ला आमोन पैदा होया, कने आमोने ला योशिय्याह पैदा होया। 11 योशिय्याह ला यकुन्याह, कने उदे भाई पैदा होये। यकुन्याह कने उदे भाई इस्राएलियां जो कैदी बणाई करी बाबेल देशे जो लेई जाणे ला पेहले पैदा होये थे।

12 कैदी होईकरी बाबेल पुजाणे बाद यकुन्याहे ला शालतियल पैदा होया, कने शालतियल ला जरुब्बाबेल पैदा होया। 13 जरुब्बाबेल ला अबीहूद पैदा होया, अबीहूद ला एलयाकीम पैदा होया, एलयाकीम ला अजोर पैदा होया। 14 अजोर ला सादोक पैदा होया, सादोके ला अखीम पैदा होया, कने अखीम ला एलीहूद पैदा होया। 15 एलीहूद ला एलीआजार पैदा होया, एलीआजार ला मत्तान पैदा होया, कने मत्ताने ला याकूब पैदा होया। 16 याकूब ला यूसुफ पैदा होया, जड़ा मरियमा दा घरेबाला था, कने मरियम ला यीशु पैदा होया जिसयो मसीह बोलदे न।

17 अब्राहम ला लेईकरी दाऊदे दीकर सारियां चौदा पीढ़ियां होईयां, राजा दाऊदे ला बेबीलोन जो कैदी बणाई करी पुजाणे दीकर चौदा पीढ़ियां, कने कैदी बणी करी बाबेल पुजाणे दे बकते ला लेईकरी मसीह दीकर चौदा पीढ़ियां होईयां।

????? ???? ? ? ???? ?

(???? 2:1-7)

18 यीशु मसीह दा जन्म होणे ला पेहले इयां होया, कि जालू उदी माता मरियम दी मंगणी यूसुफे सोगी होई गेई, तां उना दा बियाह होणे ला पेहले ही सै पबित्र आत्मा दिया शक्तिया ला गर्भवती होई गेई। 19 उसा दा होणेबाला घरेबाला यूसुफ बड़ा ही धर्मी था, कने उसा जो बदनाम नी करणा चांदा था, इस तांई उनी उसा जो डोल करी छडी देणे दे बारे च मने च सोचया। 20 जालू सै इना गल्लां दे बारे च सोचा दा था, तालू प्रभु दे स्वर्गदूते उदे सुपने च आई करी बोलया, “हे यूसुफ! राजा दाऊदे दे बंशज, तू मरियम जो अपनी घरे बाली बणाणे ला मत

डर क्योंकि जड़ा उसा दे पेटे च है, सै पबित्र आत्मा दिया शक्तिया ने है।

21 कने उना इक जागत जमणा है, कने तू उदा ना यीशु रखयां, क्योंकि उनी अपने लोकां जो उना दे पापां ला छुटकारा देणा है।[†] 22 ऐ सारा कुछ इस ताई होया कि जड़ा बचन परमेश्वरे दा संदेश देणेबाले यशायाह बोलया था, सै पूरा होऐ,† 23 “दिख, इकी कुआरिया गर्भवती होणा कने उना इक जागत जमणा है, कने उदा ना इम्मानुएल रखणा है,” जिसदा मतलब ऐ है, की परमेश्वर साड़े सोगी है।

24 तालू यूसुफ निंदरा ला उठया, कने जियां स्वर्गदूते उसयो बोलया था, उनी मरियम ने बियाह किता, कने उसा जो अपने घरे लेई आया। 25 जालू दीकर उना पुत्र नी जमया तालू दीकर उनी उसा ने कोई वैवाहिक संबंध नी रखया: कने यूसुफे उदा ना यीशु रखया।

2

?????????? ???? ? ???? ?

1 जालू राजा हेरोदेस यहूदिया प्रदेश च शासन करा दा था, तालू यीशु दा जन्म उस प्रदेश दे बैतलहम शेहरे च होया। तालू तारयां दा ज्ञान रखेबाले केई ज्योतिषी पूर्व दिशा ला यरूशलेम शेहरे च आई करी पूछणा लगगे, 2 “कि सै बच्चा कुथु है? जड़ा यहूदियां दा राजा बणने ताई पैदा होया है। क्योंकि असां पूर्व दिशा च उदे जन्म दे बारे च दसणे बाला तारा दिखया है, कने उसयो नमस्ते करणा आयो न।”*

3 हेरोदेस राजा यहूदियां दे राजे दे जन्म दे बारे च सुणीकरी डरी गया। कने मते सारे यरूशलेम शेहरे दे बासी भी डरी गे। 4 कने तालू उनी लोकां दे सारे बड्डे याजकां कने व्यवस्था जो सिखाणे बालयां जो सदया कने उना ला पुछया, कि मसीह दा जन्म कुथु होणा है? 5 उना राजा हेरोदेस जो बोलया, कि मसीह दा जन्म यहूदिया प्रदेश दे बैतलहम शेहरे च होणा है। क्योंकि परमेश्वरे दा संदेश देणेबालयां इयां ही लिखया है: 6 “हे यहूदिया प्रदेश दे बैतलहम शेहरे दे लोको, तू कुसी भी तरीके ला यहूदा दे अधिकारियां चे सबते छोटा नी है; क्योंकि तिजो चे इक माणु निकलना है, जिनी मेरी प्रजा इस्राएले दी रखबाली करणी है।”†

7 तालू राजा हेरोदेसे ज्योतिषियां जो डोल करी सदीकरी उना ला पुछया, कि तारा कुस बेले दिखया था, क्योंकि राजा उस बच्चे दी उम्र जाणना चांदा था। 8 कने

उनी उना जो ऐ बोली करी बैतलहम शेहरे च भेजया, “जा” कने उस बच्चे दे बारे च ठीक ढंगे ने पता करा, कने जालू सै मिली जांगा तां मिंजो खबर भेजनयो ताकि मैं भी उसयो नमस्ते करे।

9 सै राजे दी गल्ल सुणीकरी चली गे, कने जड़ा तारा उना पूर्व दिशा च दिखया था, सै तारा उना दे अगगे-अगगे चलया, कने उस घरे उपर रुकी गया, जिथू सै बच्चा था। 10 कने सै उस तारे जो दिखीकरी बडे खुश होये। 11 कने उस घरे जाई करी उस बच्चे जो कने उदिया माता मरियम जो सोगी दिखया, कने झुकी करी बच्चे जो नमस्ते किता, कने अपणा-अपणा थैला खोली करी उसयो सोना, कने लोबान, कने गंधरस दी भेंट चढाई। 12 कने उना जो सुपने च परमेश्वरे ला चेतावनी मिल्ली कि राजा हेरोदेस बाल मुड़ी करी मत जांदे, कने ज्योतिषियां हेरोदेस जो खबर नी दिती कने होर रस्ते ला होईकरी अपने देशे जो चली गे।

?????????? ???? ? ???? ?

13 उना दे जाणे बाद दिखा, प्रभु दे इकी स्वर्गदूते यूसुफे दे सुपने च आई करी बोलया, “उठ! कने उस बच्चे जो कने उदिया माता जो लेईकरी मिस्र देशे जो चली जा; कने जालू दिकर मैं तिजो नी बोलगा तालू दीकर ओथु ही रियां, क्योंकि राजा हेरोदेस इस बच्चे जो तोपा दा है, ताकि उसयो मारी दे।” 14 कने सै तालू ही राती उठी करी बच्चे जो कने उदिया माता जो लेईकरी मिस्र देशे जो चली गया। 15 कने राजा हेरोदेस दे मरणे दीकर सै ओथु ही रिया। इस ताई कि सै बचन पूरा हो जड़ा परमेश्वरे दा संदेश देणेबाले होशे बड़ा पहले बोलया था: “कि मैं अपने पुत्रे जो मिस्र देश ला सदया।”§

16 जालू हेरोदेस जो पता लगगा कि ज्योतिषियां मिंजो धोखा दिता है। तालू उसयो बड़ा गुस्सा आया, कने उनी सिपाईयां जो भेजी करी ज्योतिषियां दे ठीक-ठीक दसयो बकते दे मुताविक बैतलहम शेहरे च कने उस दे अखे-बखे दे सारे बचयां जो जड़े दो सालां दे या उसला भी लोके थे, सै सारे मारवाई दिते। 17 तालू जड़ा बचन परमेश्वरे दा संदेश देणेबाले यिर्मयाह दे जरिये बोलया गया था, सै पूरा होई गया 18 “रामाह शेहरे च लोकां जो कुसकी दी बडे जोरे ला रोणे दी अबाज सुणोया दी थी, राहेल* अपने बचयां ताई रोआ दी थी; कने चुप नी होणा चांहदी थी, क्योंकि सै हुण मरी गियो थे।” †

?????????? ???? ? ???? ?

19 यूसुफ मरियम कने बच्चा यीशु हल्ले दीकर मिस्र देशे च ही थे। राजा हेरोदेस दे मरणे बाद तां

† 1:22 1:22 (यशा. 7:14) * 2:2 2:2 (गिन. 24:17) † 2:6 2:6 (मीका 5:2) ‡ 2:10 2:10 (लूका 2:20) § 2:15 2:15 (होशे 11:1) * 2:18 2:18 राहेल याकूब दी घरे बाली थी † 2:18 2:18 (यिर्म. 31:15)

परभु दे स्वर्गदूते यूसुफे दे सुपने च आई करी बोलया, 20 “उठ, कने बच्चे कने उदिया माता मरियम जो लेईकरी इस्राएल देशे जो चली जा, क्योंकि राजा हेरोदेस कने सै लोक जड़े बच्चे जो मारणा चांदे थे, सै सब मरी गियो न।” ‡

21 सै उठया, कने बच्चे कने उदिया माता जो लेईकरी मिस्र देशे ला इस्राएल देशे जो बापिस आई गिया। 22 पर जालू यूसुफे ऐ सुणया कि अरखिलाउस अपने पिता राजा हेरोदेस दिया जगा पर यहूदिया प्रदेश च राज करा दा है, तां सै ओथु जांणे ला डरया, कने उसयो परमेश्वरे सुपने च चेतावनी दिती, कने सै गलील प्रदेशे जो चली गिया। 23 कने यूसुफ नासरत नाए दे इक ग्रांए च जाई बसया, ताकि सै बचन पूरा हो, जड़ा परमेश्वरे दा संदेश देणेबालयां यीशु दे बारे च बोलया था: “कि यीशु मसीह जड़ा नासरत ला है कने इसी नाए ने जाणया जाणा।” §

3

¶¶¶¶¶¶¶¶ ¶¶¶¶¶¶¶¶ ¶¶¶¶¶¶ ¶¶¶¶¶
(¶¶¶¶¶ 1:1-8; ¶¶¶¶¶ 3:1-9,15-17; ¶¶¶¶¶¶¶¶
1:19-28)

1 उना दिना च यूहन्ना बपतिस्मा देणेबाला यहूदिया प्रदेश दी इक सुनसान जगा च आई करी ये प्रचार करदा था कि: 2 अपने पापां जो मनी लिया कने गलत कम्मा जो छुडी दिया, क्योंकि स्वर्गे दा राज्य नेडे ओआ दा है। 3 ऐ सै ही है, जिदी चर्चा परमेश्वरे दा संदेश देणेबाले यशायाह किती थी, “सुनसान जगा ला इक हक्का पांणे बाले दी अबाज सुणाआ दी है, परमेश्वरे ओणे तांई, अपने आपे जो तैयार करा, कने अपने मने दी सोच समझा जो खरा रखा, उनी ओणा है।” *

4 यूहन्ना ऊंटे दे बालां दे बणयो कपड़े पांदा था, कने अपने लके च चमड़े दा पटा बनदा था, कने टिड्डे कने मखिर खांदा था। † 5 तालू यरूशलेम शहरे दे कने सारे यहूदिया प्रदेशे दे, कने यरदन खड्डा दे अखे-बखे दे सारे इलाके दे लोक उदे बाल आये। 6 कने उना लोकां अपने पापां जो मनया, कने यूहन्ना उना सारयां जो यरदन खड्डा च बपतिस्मा दिता।

7 कने जालू उनी मते फरीसियां कने सद्कियां जो बपतिस्मा लेंणे तांई अपने बाल ओंदा दिखया, तां उनी उना जो बोलया, तुसां लोक जहरीले सांपा सांई बुरे न, तुहाड़ा ऐ सोचणा गलत है, कि सिर्फ तुसां बपतिस्मा लेणे ने अपने पापां दी सजा ला बची जाणा जड़ी परमेश्वरे तुसां जो देणी है। 8 इस तांई अपने पापां जो मन्नी करी बुरे कम्मा जो छुडी करी अपने पश्चाताप जो साबित

करा। 9 कने अपने-अपने मना च ऐ मत सोचा, कि साड़ा पिता अब्राहम है; क्योंकि मैं तुहांजो बोला दा है, कि परमेश्वर इना पथरां ला भी अब्राहमे तांई ओलाद पैदा करी सकदा है। 10 कने हुण कुहाड़ी रुखां दिया जड़ा च रखियो है, इस तांई की जड़ा-जड़ा रुख खरा फल नी दिंगा, सै बड्डी करी अग्गी च फूकी देणा है।

11 “तुसां पापां दा पश्चाताप करिके मन बदला, इस तांई मैं तुहांजो पांणिये ने बपतिस्मा दिन्दा है, पर जड़ा मेरे बाद ओणे बाला है, सै मिंजो ला भी शक्तिशाली है; मैं तां उदे जुते चुकणे जोगा भी नी है, उनी तुहांजो पबित्र आत्मा कने अग्गी ने बपतिस्मा देणा है। 12 उदा सूप उदे हथे च है, कने उनी अपनी कणक गांणे बाली जगा ढंगे ने साफ करणी, कने कणक पेडुआं च गठेरी रखणी, पर भूए जो उसा अग्गी च फुकणा जड़ी कदी बुझदी ही नी।”

¶¶¶¶¶¶¶¶ ¶¶¶¶¶ ¶¶ ¶¶¶¶¶¶¶¶¶¶ ¶¶¶¶¶
(¶¶¶¶¶ 1:9-11; ¶¶¶¶¶ 3:21-22)

13 उस बले यीशु गलील प्रदेशे दिया यरदन खड्डा कंडे पर यूहन्ना बाल उसला बपतिस्मा लेणे तांई आया। 14 पर यूहन्ना उसयो ऐ बोली करी रोकणा लगगा, कि मिंजो तां तेरे हथे ला बपतिस्मा लेणे दी जरूरत है, कने तू मेरे बाल आया है? 15 यीशुऐ उसयो ऐ जबाब दिता, “हुण तां इयां ही होणा दे, क्योंकि सांझो इस तरीके ने सै सब कुछ करणा चाईदा जड़ा परमेश्वर चांदा है।” तां यूहन्ना उदी गल्ल मनी लेई।

16 कने यीशु बपतिस्मा लेईकरी झट पांणिए ला बाहर आया, कने दिखया, उदे तांई अम्बर खुली गिया, कने उनी परमेश्वरे दिया आत्मा जो कबुतरे सांई उतरदे कने अपने उपर ओंदे दिखया। 17 कने दिखा, स्वर्गे ला ऐ अबाज सुणोई की, “ऐ मेरा प्यारा पुत्र है, कने तिजो ला मैं खुश है।” ‡

4

¶¶¶¶¶ ¶¶¶¶¶ ¶¶ ¶¶¶¶¶
(¶¶¶¶¶ 1:12-13; ¶¶¶¶¶ 4:1-13)

1 तालू पबित्र आत्मा यीशुऐ जो सुनसान जगा च लेई गेई ताकि शैतान उसयो लालच देई सके। 2 यीशु चाली दिन, कने चाली रात, बिना कुछ खादयो ओथु रिया, कने जालू उसयो भूख लगगी। * 3 तालू शैताने उदे बखे आई करी उसयो बोलया, “अगर तू परमेश्वरे दा पुत्र है, तां बोल, कि ऐ पथर रोटियां बणी जान, ताकि तू इना जो खाई सके।” 4 यीशुऐ जबाब दिता, “कि पबित्र

‡ 2:20 2:20 (निर्ग. 4:19) § 2:23 2:23 (लूका 18:7) * 3:3 3:3 (यशा. 40:3) † 3:4 3:4 (2 राजा. 1:8) ‡ 3:17 3:17 (भज. 2:7) * 4:2 4:2 (निर्ग. 34:28)

3 “धन्य न सै लोक, जड़े मने दे दीन न जिना जो परमेश्वर दी जरूरतां दा ऐहसास है, क्योंकि स्वर्गे दा राज्य उना दा ही है। 4 धन्य न सै लोक, जड़े शोक करदे न, क्योंकि परमेश्वरे उना जो शांती देणी। 5 धन्य न सै लोक, जड़े नम्र न, क्योंकि धरती उना दी होणी है।* 6 धन्य न सै लोक, जड़े धार्मिकता ने जिन्दगी जिणे दी सच्ची भूख प्यास रखदे न, क्योंकि परमेश्वरे उना जो रजाणा है। 7 धन्य न सै लोक जड़े दयालु न, क्योंकि परमेश्वरे उना पर दया करणी। 8 धन्य न सै लोक, जिना दे मन साफ न, क्योंकि उना परमेश्वरे जो दिखणा। 9 धन्य न सै लोक, जड़े इकी दुज्जे दा मेल करणे बाले न, क्योंकि उना जो परमेश्वरे दा पुत्र बोलया जाणा। 10 धन्य न सै लोक, जड़े धर्मे दे कम्म करणे दिया बजा ने सताए जांदे न, क्योंकि स्वर्गे दा राज्य उना दा ही है।

11 धन्य न तुसां, जालू माणुए मेरिया बजा ने तुहाड़ी निन्दा करणी कने तुसां जो सताणा क्योंकि तुसां मेरे चले न कने झूठ बोली-बोली करी तुहाड़े खिलाफ हर तरां दियां बुरियां गल्लां बोलगे। 12 तालू तुसां खुश कने मगन होनयो क्योंकि तुहाड़े ताई स्वर्गे च बडा इनाम है। इस ताई कि जड़े बड़े बकते पहले परमेश्वरे दा संदेश देणेबाले थे उना जो भी इयां ही सताया था।

¶¶¶¶¶¶¶¶¶¶¶¶¶¶¶¶

(¶¶¶¶¶ 9:50; 4:21; ¶¶¶¶¶ 14:34-35; 8:16)

13 तुसां धरतिया पर लोकां ताई लूणे साई न; पर अगर लूणे दा स्वाद बिगडी जा, तां फिरी सै कुसा चिजा ने लूणका करणा? फिरी सै कुसी कम्मे दा नी है, सिर्फ इसी ताई कि इसयो बार सुटी दिया ताकि माणुआं दे पैरा हेठ ओए। 14 तुसां पुरे संसारे ताई ज्योति न। जड़ा शहर पाहड़े पर बस्या है, सै कदी छुपी नी सकदा। 15 कने लोक दिव्या बाली करी टोकरुए हेठ नी रखदे न, पर उसयो उपर धारिया पर रखदे न, ताकि घरे दे सारे लोकां जो लौ होए। 16 तियां ही तुहाड़ी लौ भी माणुआं सामणे चमके तां सै तुहाड़े भले कम्मा जो दिखीकरी तुहाड़े पिता दी बड़ाई करन, जड़ा स्वर्गे च है।

¶¶¶¶¶¶¶¶¶¶¶¶¶¶¶¶

17 ऐ मत समझा कि, मैं मूसा दी व्यवस्था या परमेश्वरे दा संदेश देणेबालयां दिया गल्लां जो खत्म करणा आया है, मैं उना जो खत्म करणा नी, पर उना जो पूरा करणा आया है। † 18 क्योंकि मैं तुसां ने सच्च बोलदा है, कि अम्बर कने धरती खत्म होई जांगे, पर परमेश्वरे दिया व्यवस्था ला कुछ भी, ऐथू दीकर इक बिंदु या मात्रा भी पूरा होयो बिना नी टलनी है। व्यवस्था दियां सारियां भविष्यवाणियां पुरियां होणियां न। 19 इस

ताई जड़ा कोई छोटे ला छोटे हुकम चे कुसकी इकी जो भी नी मनगा, कने तियां ही लोकां जो सिखांगा, तां उसयो स्वर्गे दे राज्य च सारयां ला छोटा बोलणा, पर जड़ा कोई उना दा पालन करगा कने उना जो सिखांगा, सिर्फ उसयो ही स्वर्गे च महान बोलणा है। 20 मैं तुसां ने बोलदा है, कि अगर तुसां चे कोई स्वर्ग दे राज्य च जाणा चांदा है, तां तुसां जो व्यवस्था जो सिखाणे बाले कने फरीसियां ला बदीकरी परमेश्वरे दी व्यवस्था दा पालन करणा चाईदा।

¶¶¶¶¶¶¶¶¶¶¶¶¶¶¶¶

21 तुसां सुणया होणा, व्यवस्था जो सिखाणे बालयां साड़े पूर्वजां जो दसया कि ‘हत्या मत करदे’, कने जड़ा कोई हत्या करगा उसयो यहूदी सभा च सजा मिलणी है।‡ 22 पर मैं तुसां जो ऐ बोलदा है, कि जड़ा कोई अपने भाईऐ पर गुस्सा करगा, उसयो यहूदी सभा च सजा मिलणी : कने जड़ा कोई अपने भाईऐ जो नकम्मा बोलगा उसयो महासभा च परमेश्वरे सजा देणी; जड़ा कोई अपने भाईऐ जो निकम्मा कने मुख बोलें; उसयो नरके दी अग्गी दी सजा मिलणी।

23 इस ताई अगर तू अपनी भेंट चढ़ाणे ताई मंदरे जो लोए, कने ओथु तिजो याद ओए, कि मेरे भाईऐ दे मने च मेरे ताई कोई शिकायत है, 24 तां अपनी भेंट ओथु ही मंदरे दे सामणे छुडी दे, कने पेहले जाई करी अपने भाईये ने मेल मिलाप कर, तां फिरी आई करी अपनी भेंट चढ़ा।

25 कचेरी जांदे बकते रस्ते च ही तू अपने विरोधी ने राजीनामा करी ले, ताकि तेरा विरोधी तिजो न्याय करणे बाले दे हथे ना देई दे, कने न्याय करणे बाला तिजो जेला च पाई दे। 26 मैं तुसां ने सच्च बोलदा है जालू दीकर तू इक-इक पैसा नी भरी दिंगा तालू दीकर तू जेलखाने ला नी छुटी सकदा है।”

¶¶¶¶¶¶¶¶¶¶¶¶¶¶¶¶

27 तुसां सुणी बैठयो न कि परमेश्वरे हुकम दितया था, कि व्यभिचार मत करदे। § 28 पर मैं तुसां ने ऐ बोलदा है, जड़ा कोई कुसा जनानिया जो बुरिया नजरा ने दिखे तां सै अपने मने च उसा ने व्यभिचार करी बैठा है।

29 अगर तेरी सजी हख तेरे पाप दी बजा बणे, तां उसा जो कडी करी सट्टी दे; क्योंकि तेरे ताई ऐ ही खरा है कि तेरे अंगा चे इकी दा नाश होई जाऐ ताकि तेरा बाकी शरीर नरक जाणे ला बची जा। 30 कने अगर तेरा सज्जा हथ तेरे पाप करणे दी बजा बणे, तां तू उसयो बडी करी सुटी दे, क्योंकि तेरे ताई ऐ ही खरा है कि तेरे अंगा चे

* 5:5 5:5 (भज. 37:11) † 5:17 5:17 (रोम. 10:4) ‡ 5:21 5:21 (निर्ग. 20:13) § 5:27 5:27 (व्य. 5:18, निर्ग. 20:14)

इक हिसा नाश होई जा, ताकि तेरा बाकी शरीर नरक जाणे ला बची जा।

(2222 22 2222 2 2222222)
(22222 19:9; 2222 10:11,12; 2222 16:18)

31 मूसा दिया व्यवस्था च ऐ भी बोलया था, कि जड़ा कोई अपणिया घरे बालिया जो तलाक देणा चांदा है, तां उसा जो तलाकनामा दे। * 32 पर मैं तुसां जो ऐ बोलदा है, कि जड़ा कोई अपणिया घरे बालिया जो व्यभिचार दे सिवा कुसी होरसी बजा ने छडी दे, तां सै उसा ला व्यभिचार करवांदा है; कने जड़ा उसा छडिया ने बियाह करे, सै व्यभिचार करदा है।

222 22 2222 2 2222222

33 फिरी तुसां सुणी बैठयो न, कि व्यवस्था जो सिखाणे बालयां साडे पूर्वजां बोलया था, झुठियां कसमां मत खांदे, पर परमेश्वरे दे सामणे खादियां अपणियां कसमां जो पुरियां करनयो। † 34 पर मैं तुसां ने ऐ बोलदा है, कि कदी कसम मत खांदे; ना ही स्वर्गे दी, क्योंकि स्वर्ग परमेश्वरे दा सिंहासन है। ‡ 35 ना ही धरतिया दी, क्योंकि सै उदे पैरां दी चौकी है; कने ना ही यरूशलेम शहर दी क्योंकि सै महान राजा परमेश्वरे दा शहर है। § 36 कने अपणे सरे दी भी कसम मत खांदा क्योंकि तू अपणे इक बाले जो भी ना चिट्टा, कने ना काला करी सकदा है। 37 पर तुहाड़ी गल्ल हां दी हां, कने ना दी ना हो; क्योंकि जड़ा कुछ इसला जादा होंदा है, सै शैतान ला होंदा है।

2222 22222 22 22222 2 2222222
(2222 6:29-30)

38 फिरी तुसां सुणी बैठयो न कि मूसा दिया व्यवस्था च लिखया है, कि अगर कोई तेरी हखी जो फोड़ी दे तां तुमी उदे बदले च उदी हख फोड़ी दे, कने इयां ही दंद दे बदले दंद तोड़ी दिया। * 39 पर मैं तुसां ने ऐ बोलदा है, कि तुसां बदला मत लेंदे; पर जड़ा तेरिया सजिया खाडिया पर थपड़ मारे, तां उदे सामणे दुई खाडी भी करी दिया। 40 कने अगर कोई तिजो पर मुकदमा करी के जबरदस्ती तेरा कुरता लेणा चांदा है, तां उसयो अपणिया धोतिया भी लेणा दिया। 41 कने कोई रोमी सिपाई तिजो जबरदस्ती ही इक मील भर लेई जांदा है, तां उदे सोगी दो मील चली जा। 42 कने जड़ा कोई तिजो ला कुछ मंगे, तां उसयो देई दे; कने जड़ा तिजो ला उधार लेंणा चांदा है, उसयो मना मत करदे।

2222222 22 2222222
(2222 6:27-28,32-36)

43 तुसां सुणी बैठयो न कि व्यवस्था च लिखया है; कि अपणे पड़ोसियां ने प्यार रखा, कने दुश्मणा ने दुश्मणी

रखा। † 44 पर मैं तुसां ने ऐ बोलदा है, कि अपणे दुश्मणा ने प्यार रखा, कने जड़ा तुसां जो सतादां है उस तांई प्राथना करा। ‡ 45 जिसने तुसां अपणे स्वर्गीय पिता दी ओलाद बणना है, क्योंकि सै खरे लोकां कने बुरे लोकां दोना उपर अपणा सूरज निकालदा है, कने धर्मियां कने अधर्मियां दोनो पर बरखा बरसांदा है। 46 क्योंकि अगर तुसां अपणे चाहणे बालयां ने ही प्यार रखन, तां परमेश्वरे तुसां जो फल नी देणा, क्योंकि चुंगी लेंणे बाले भी इयां ही करदे न?

47 कने अगर तुसां सिर्फ अपणे मसीह भाईयां जो ही नमस्ते करदे न, तां तुसां दुज्जे लोकां दे बदले कोई बडा कम्म नी करदे न। क्योंकि होर जातियां जडियां परमेश्वरे दे हुकमा दा पालन नी करदियां न, सै भी तां इयां ही करदे न? 48 इस तांई तुहांजो उना जो प्यार करणा चाईदा जड़े तुहांजो प्यार नी करदे इस तरीके ने तुसां सिद्ध बणा, जियां तुहाड़ा स्वर्गीय पिता सिद्ध है। §

6

222 22 2222 2 2222222

1 ध्यान रखा तुसां माणुआं जो दसणे तांई अपणे भले कम्म मत करा, नी तां तुहांजो अपणे स्वर्गीय पिता परमेश्वरे ला कोई इनाम नी मिलणा।

2 इस तांई जालू तू दान करे, तां इदा दिखावा मत करदा, जियां डोंगी लोक यहूदी जंज घरे च कने गलियां च करदे न, ताकि लोक उना दी बड़ाई करन, मैं तुसां ने सच्च बोलदा है, कि उना जो लोकां ला अपणा इनाम मिली गया है। 3 पर जालू तू दान करे, तां तेरा दान गुप्त हो जड़ा लोकां च कुसी जो भी पता ना चले। 4 ताकि तेरा दान गुप्त रे, कने तालू तेरा पिता परमेश्वरे जड़ा गुप्त च दिखदा है, उनी तिजो उदा इनाम देणा।

2222222 22 2222222
(2222 11:1-4)

5 जालू तू प्रार्थना करे, तां कपटियां सांई मत करदा क्योंकि सै लोकां जो दसणे तांई यहूदी जंज घरे च कने सडकां दे मोड़ा पर खड़ोई करी प्राथना करदे न, सै इस तांई करदे न ताकि लोक उना जो दीखन कने प्रशंशा करन। मैं तुसां ने सच्च बोलदा है, कि उना जो अपणा इनाम मिली गया है। 6 पर जालू तू प्राथना करगा, तां अपणे कमरे अंदर जा, कने दरबाजा बंद करिके अपणे पिता परमेश्वरे ने प्राथना कर जिसयो कुनी नी दिखया है, तालू तेरे पिता परमेश्वरे जड़ा गुप्त च दिखदा है, उनी तिजो इदा इनाम देणा।

* 5:31 5:31 (व्य. 24:1-14) † 5:33 5:33 (व्य. 23:21) ‡ 5:34 5:34 (यशा. 66:1) § 5:35 5:35 (यशा. 66:1) * 5:38 5:38 (व्य. 19:21) † 5:43 5:43 (लैव्य. 19:18) ‡ 5:44 5:44 (रोम. 12:14) § 5:48 5:48 (लैव्य. 19:2)

चिंता अपु करी लेंदा है; अज्जे ताई अज्जे दा दुख ही बतेहरा है।

7

(मत्ती 6:37-38,41-42)

1 दुजयाँ पर दोष मत ला, ताकि परमेश्वर तुहांजो पर भी कोई दोष ना लाये। 2 क्योंकि जियां तुसां कुसी पर दोष लांदे न, तियां ही परमेश्वरे तुहांजो पर भी दोष लगाणा; कने जियां तुसां दुजयां ने व्यवहार करदे न, तियां ही परमेश्वरे तुहाड़े सोगी करणा।

3 तू कजो अपणे विश्वासी भाईए दियां छोटियां-छोटियां गलतियां जो दिखदा है, जड़ियां उदिया हखी च पियो छोटे दे कखे साईं न, अगर तेरिया जिन्दगिया च मते पाप न, जड़ा तेरिया अपणी हखी च इक लंटे साईं है, तां सै तजो कनी नी मिलदा? 4 जालू तेरे अंदर ही मते पाप न, तां तू खुद ला घट पाप बाले कुसी भाईये दी मदद कियां करी सकदा है। 5 कपटियों, पेहले तां अपणे आपे दे पापां जो सुधारी ले, तां तू अपणे भाईये दिया हखी दे कखे जो ढंगे ने दिखीकरी कडी सकदा है, कने तां दुजयां जो उना दे छोटे पापां जो सुधारणे च मदद करी सकणा।

6 उना लोकां जो परमेश्वरे दा संदेश मत सुणा जड़े बचना जो सुणना नी चांदे। अगर तुसां ऐसा करदे न, तां ऐ ऐसा होणा जियां पबित्र चिजां जो कुतयां अगगे फेंकी देणा, या जियां सूअरां दे अगगे हीरे मोती फेंकणा, उना तां सै पैरां हेठ गरेचणे कने फिरी करी तुसां पर ही हमला करणा।

(मत्ती 11:9-13)

7 तुसां जो जड़ा चाईदा सै परमेश्वरे ला मंगा कने उनी तुसां जो देणा; अगर तुसां तोपगे, तां तुसां जो मिलणा; अगर खटखटांगे, तां तुहाड़े ताई खुलणा। 8 क्योंकि जड़ा कोई मंगदा है, उसयो मिलदा है; जड़ा तोपदा है, उसयो मिलदा है; कने जड़ा दरबाजा खटखटांदा है, उदे ताई खोलया जाणा।

9 तुसां चे कोई भी ऐसा माणु नी है, जड़ा अपणे पुत्रे दे रोटी मंगणे पर उसयो पथर दिन्दा है। 10 इयां ही अगर तुहाड़ा जागत तुसां ला खांणे जो मछी मंगे तां क्या तुसां उसयो जरिला सप्प दिन्दे न? 11 जालू तुसां बुरे होईकरी, अपणे बचयां जो खरियां चिजा देणा जाणदे न, तां तुहाड़े स्वर्गीय पिता परमेश्वरे अपणे मंगणे बालयां जो खरियां चिजा कनी दिंगा? *

12 इसा बजा ने जड़ा कुछ तुसां चांदे न, कि माणु तुहाड़े सोगी करे, तां तुसां तियां ही उना सोगी करा;

* 7:11 7:11 (लूका 11:13) † 7:23 7:23 (लूका 13:27)

क्योंकि मूसा दी व्यवस्था कने परमेश्वरे दा संदेश देणेबाले दी शिक्षा दा मतलब ऐई है।

(मत्ती 13:24)

13 तुसां सिर्फ सुंगड़े फाटके ला परमेश्वरे दे राज्य अंदर जा, क्योंकि जड़ा फाटक चौड़ा कने असान रस्ता है, सै बरबादिया पासे लेई जांदा है; कने मते भरी लोक न जड़े इस रस्ते ला जांदे न। 14 क्योंकि सुंगड़ा सै फाटक है, कने औखा है सै रस्ता जड़ा अनन्त जिन्दगी बाल पुजांदा है, सै लोक थोड़े ही न जिना जो ऐ रस्ता मिलदा है।

(मत्ती 6:43-44; 13:25-27)

15 असां परमेश्वरे दे संदेश देणेबाले लोक न, ऐसा अपणे आपे जो बोलणे बाले झूठे लोकां ला चौकने रिया। सै उना भेड़ियां साईं न जिना अपणे आपे जो भेड़ा दियां खल्ली ने ढक्या है, लोकां जो यकीन दिलाणे ताई कि सै सच्ची च भेड़ां न, पर सै असल च भेड़िये न जड़े लोकां पर हमले करदे न। 16 उना दे कम्मा ने तुसां उना जो पछेणी लेणा है। लोक क्या झिल्लां ला अंगूर, या कंडे बाले झिल्लां ला अंजीर तोड़दे न? 17 इयां ही इक खरा रुख खरा फल दिन्दा है, कने बेकार रुख बुरा फल दिन्दा है। 18 खरा रुख बुरा फल नी देई सकदा, कने ना बेकार रुख खरा फल देई सकदा है। 19 जड़ा-जड़ा रुख खरा फल नी दिन्दा है, सै बडी देणा है, असां परमेश्वरे दे संदेश देणेबाले लोक न ऐसा अपणे आपे जो बोलणे बाले झूठे लोकां जो ऐई सजा मिलणी है। 20 तुसां उना दे कम्मा ने जड़े सै करदे न उना जो पछेणी लेणा है।

21 जड़ा मिंजो ने, हे प्रभु, हे प्रभु बोलदा है, उना सारयां ही स्वर्गे दे राज्य च प्रवेश नी करणा है, सिर्फ उना ही जड़े मेरे स्वर्गीया पिता परमेश्वरे दिया मरजिया पर चलदे न। 22 न्याये दे रोजे मतयां लोकां मिंजो ने बोलणा; प्रभु जी, प्रभु जी, क्या असां तेरे नाए दी भविष्यवाणी नी किती, कने तेरे नाए ने बुरियां आत्मा जो नी कडया, कने तेरे नाए ने कितणे ही चमत्कारी कम्म नी किते? 23 तालू मैं उना ने खुली करी बोली देणा है, कि मैं तां तुसां जो जाणदा ही नी, बुरे कम्म करणे बाले लोको, ऐथू ला चली जा।†

(मत्ती 6:47-49)

24 इस ताई जड़ा कोई मेरियां गल्लां सुणीकरी उना जो मनदा है, सै उस अकला बाले माणुए साईं है, जिनी अपना घर चट्टान पर बणाया है। 25 कने अम्बर बरया

कने बाढ़ आई, कने तूफान चलया, कने सै उस घरे ने टकराया, पर सै घर नी डेथा, क्योंकि उस दी नीव चट्टाना पर बणईयो थी।

26 पर जड़ा कोई मेरियां इना गल्लां जो सुणदा है, कने उना पर नी चलदा है, सै उस मुख माणुए सांई है जिनी अपणा घर रेता पर बणाया है। 27 कने अम्बर बरया, कने बाढ़ आई, तूफान चले, कने उस घरे ने टकराए कने सै घर डेई करी सारा भजी टूटी गया।

28 जालू यीशु ए गल्लां बोली बैठा, तां इयां होया कि सारी भीड़ उस दे उपदेशे ने हेरान होई। 29 क्योंकि सै उना जो व्यवस्था जो सिखाणे बालयां सांई नी, पर अधिकारियां सांई उना जो उपदेश दिन्दा था।

8

ⓂⓂⓂⓂⓂ ⓂⓂⓂⓂⓂ ⓂⓂ ⓂⓂⓂ ⓂⓂⓂⓂⓂ
(ⓂⓂⓂⓂ 1:40-45; ⓂⓂⓂⓂ 5:12-16)

1 जालू यीशु उस पाहड़े ला थल्ले उतरया, तां इक बड़ी बड़ी भीड़ उदे पिच्छे चली पेई। 2 इकी कोदिये यीशुए बाल आई करी उसयो नमस्ते किते कने बोलया, “कि प्रभु जी अगर तू चाआं, तां मिंजो ठीक करी सकदा है।” 3 यीशुए हथ अगगे करी के उसयो छुता, कने बोलया, “मैं चांदा है कि तू ठीक होई जा” कने तालू ही उस कोदिये दा कोढ़ ठीक होई गया। 4 यीशुए उसयो बोलया, “दिख, कुसी ने कुछ मत बोलदा, पर जाई करी अपणे आपे जो याजकां ने दस, कि तु खरा होईया कने परमेश्वरे जो भेंट चढ़ा जिदे बारे च मूसा व्यवस्था च लिखया है, ताकि लोक जाणी सकन कि तु खरा होई गया।” *

ⓂⓂ ⓂⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂ
(ⓂⓂⓂⓂ 7:1-10; ⓂⓂⓂⓂⓂⓂⓂⓂⓂ 4:43-54)

5 यीशु जालू कफरनहूम शहर च आया तां इकी रोमी सुबेदारे उस बाल आई करी बिनती किती, 6 “प्रभु जी, मेरे नोकरे जो लकवे दी बिमारी होई गियो है, कने सै हिली-जुली नी सकदा है, कने बड़ा दुखी है।” 7 यीशुए उसयो बोलया, “मैं आई करी उसयो ठीक करगा।” 8 सुबेदारे जबाब दिता, कि प्रभु जी, मैं इस लाइक नी है कि, कि तू मेरे घरे ओए, पर तू सिर्फ हुकम करी दे, तां ही मेरे नोकरे ठीक होई जाणा। 9 मैं ए समझदा है क्योंकि मैं भी अधिकारियां दे थल्ले कम्म करणे बाला माणु है। कने मेरे अधीन सपाई कम्म करदे न, कने जालू इकी सपाईए जो बोलदा है कि, तू जा, तां सै चली जांदा है; कने दुए जो बोलदा है कि, तू ऐथू आ, तां सै आई जांदा है; कने जालू मैं अपणे नोकरे जो बोलदा, कि ए कर, तां सै करी

दिन्दा है। 10 ए सुणीकरी यीशुए हेरानी होई, कने जड़े उदे पिच्छे ओआ दे थे उना ने बोलया, “मैं तुसां ने सच्च बोलदा है, कि मैं इस्राएल देशे च इक भी ऐसा माणु नी दिखया, जड़ा इस गैर-यहूदी माणुए सांई मिंजो पर भरोसा करदा है।

11 कने मैं तुसां ने बोलदा है, कि मतयां होर जाति दे लोकां पूर्व कने पश्चमें ला आई करी अब्राहम कने इसहाक कने याकूबे सोगी स्वर्ग राज्य दे भोज च शामिल होणा है। 12 पर इस्राएलियां जो बाहर नेहरे च पाई देणा है, ओथु उना रोणा कने दंद पीणे न।”

13 कने यीशुए सूबेदारे जो बोलया, “घरे जा, जदेया तेरा भरोसा है, तदेया ही तेरे तांई हो। कने उदा सेवक तालू ही ठीक होई गया।”

ⓂⓂⓂ ⓂⓂⓂⓂ ⓂⓂⓂⓂⓂⓂⓂ ⓂⓂ ⓂⓂⓂ ⓂⓂⓂⓂ
(ⓂⓂⓂⓂ 1:29-34; ⓂⓂⓂⓂ 4:38-41)

14 कने यीशु जालू पतरसे दे घरे पुज्जा, तां उनी उदिया ससु जो बिस्तरे च पिया दिखया कने उसा जो बुखार चढ़या था। 15 कने उनी उसा दा हथ छुता कने उसा दा बुखार उतरी गया, कने सै उठी करी उदी सेवा करणा लगी पेई।

16 कने जालू संज होई तालू सै यीशुए बाल मते सारे लोकां जो लेईकरी आये जिना च बुरियां आत्मा थियां, कने उनी उना आत्मा जो अपणे बचने ने कडी दिता, कने सारे मरिजां जो ठीक करी दिता। 17 ताकि जड़ा बचन यशायाह परमेश्वरे दा संदेश देणेबाले बोलया था, सै पूरा हो: उनी अपु साड़ियां कमजोरियां लेई लियां, कने साड़ियां बिमारियां जो हटाई दिता। †

ⓂⓂⓂⓂ ⓂⓂⓂⓂ ⓂⓂ ⓂⓂⓂⓂ ⓂⓂⓂⓂ ⓂⓂ ⓂⓂⓂⓂ
(ⓂⓂⓂⓂ 9:57-62)

18 यीशुए जालू अपणे चारो पासे मती भरी भीड़ दिखीकरी, यीशुए अपणे चेलयां जो बोलया, तां “ओआ असां गलील झीला दे पारले पासे चलदे।” 19 कने जियां ही सै जाणे जो तैयार होए, तां इकी व्यवस्था जो सिखाणे बाले उस बखे आई करी बोलया, “गुरू जी, मैं तुहाड़ा चेला बणने तांई जिथू कुथी तू जांगा, मैं भी तेरे पिच्छे-पिच्छे चली पोंणा है।” 20 यीशुए उसयो बोलया, “लोमड़ियां जो रेहणे तांई कुडी न, कने अम्बरे दे पंछियां दे आले होंदे न; पर मिंजो, माणुए दे पुत्रे बाल इक भी घर नही है, जिथू मैं सोई सकें।”

21 इक होर चले उसने बोलया, “प्रभु जी, मिंजो पेहले घर बापस जाणा दे। मेरे पिता दे मरणे बाद, मैं उसयो दफनाणा, कने तां फिरी मैं आई करी तेरा चेला बणगा।” 22 यीशुए उसयो बोलया, “मेरा चेला बणने तांई मेरे

* 8:4 8:4 (लैच्य. 14:2,32) † 8:17 8:17 (1 पत. 2:24)

पिच्छे आई जा; कने जड़े लोक आत्मिक रूपे ने मरयो न, उना जो मुर्दयां जो दफनाणा दे।”

([मत्ती 4:35-41](#); [मत्ती 8:22-25](#))

23 जालू सै किस्तिया पर चढ़या, तां उदे चेले उदे पिच्छे चली आए। 24 कने इकदम झीला च तूफान चलणा लगगी पिया कने किस्ति लैहरां ने डूबणा लगगी पेई, कने यीशु सुतया था। 25 तालू चेलयां बखे आई करी उसयो जगाया, कने बोलया, “परभु जी, सांझो बचाई ले, असां डूबी करी मरणे बाले न।” 26 यीशुए उना जो बोलया, “हे अल्पविश्वासियों, कजो डरा दे न?” तालू उनी उठी करी पाणिऐ कने तुफाने जो झिड़कया, कने सब कुछ शान्त होई गया। 27 कने सै सारे हेरान होए कने बोलणा लगगे, “कि ऐ कदिया माणु है? ऐथू दीकर कि तूफान कने लैहरां भी इदा हुकम मंदे न।”

([मत्ती 5:1-20](#); [मत्ती 8:26-39](#))

28 जालू सै उस पार गदरेनियों जगा च पुज्जे, तां उसयो दो माणु मिल्ले जिना च बुरियां आत्मा थियां, सै कब्रिस्तान ला निकलदे बेले यीशुए मिल्ले, सै आत्मा बड़ियाँ खतरनाख थियां, कि कोई भी उस रस्ते ला नी जाई सकदा था। 29 कने दिखा, उना जोरे ने बोलया, “परमेश्वरे दे पुत्र, साड़ा तिजो ने क्या कम्म है? तू क्या बकते ला पेहले ही सांझो दुख देणा आया है?” 30 उना ला थोड़ी दूर इक सूअरां दा झुण्ड चुग्गा दा था। 31 बुरियां आत्मा उसने ऐ बोली करी बिनती किती, अगर तू सांझो कडणा है, तां इना सूअरां बिच भेजी दे। 32 यीशुए उना जो बोलया, “जा!” सै निकली करी सुअरां च चली गियां, कने सारे सूअर भेठी ला रीड़की करी पाणिऐ च जाई पे कने डूबी करी मरी गे।

33 उना दे रखबाले नठी करी शेहर च ऐ खबर सुणाई, कने जीना च बुरियां आत्मा थियां उना दे बारे च भी दसया। 34 तालू जड़े लोक दिखणा आयो थे, सै यीशुए ने बिनती करिके बोलणा लगगे, कि साड़े इलाके ला चली जा।

9

([मत्ती 2:1-12](#); [मत्ती 5:17-26](#))

1 फिरी सै किस्तिया पर चढ़ी करी पारले पासे गिया, कने अपणे शेहर कफरनहूम जो आया। 2 कने कुछ लोक इकी धरंगे दे मरीजे जो मंझे पर रखीकरी उस दे बाल लेई आये। यीशुए उना दा भरोसा दिखीकरी, उस लकवे

‡ 8:29 8:29 (लूका 4:34)

दे मरिजे ने बोलया, “हे पुत्र, हौंसला रख; तेरे पाप माफ होइ गे।” 3 कने, इसा गल्ला पर केई व्यवस्था जो सिखाणे बालयां ऐ सोचया, कि ऐ तां परमेश्वरे दी निंदा करा दा है। 4 यीशुए उना दे मने दी गल्ल जाणी करी बोलया, “तुसां अपणे-अपणे मने च बुरा बिचार कजो करा दे न?” 5 असान क्या है, ऐ बोलणा कि, तेरे पाप माफ होये, या ऐ बोलणा कि उठ कने चल फिर। 6 पर इस तांई कि तुसां जाणी सकन कि मिंजो माणुए दे पुत्रे जो धरतिया पर पाप माफ करणे दा हक है। तालू उनी धरंगे दे मरीजे जो बोलया: उठ, कने अपणे मंझे जो चुक, कने अपणे घरे जो चली जा। 7 कने सै उठी करी अपणे घरे जो चली गिया। 8 लोक ऐ दिखीकरी हेरान होई गे कने परमेश्वरे दी महिमा करणा लगगे, जिनी आदमियां जो ऐदिया हक दितया है।

([मत्ती 2:13-17](#); [मत्ती 5:27-32](#))

9 ओथु ला अगगे जाई करी यीशुए मत्ती नाए दे इक माणुए जो कर लेणे दिया चौकिया पर बैठयो दिखया, कने उसयो बोलया, “मेरे चेले बणा।” सै उठी करी उस दे पिच्छे चली पिया। 10 कने जालू यीशु घरे रोटियां खांणा बैठा, तां मते चुंगी लेणेबाले कने पापी आई करी उस दे चेलयां सोगी रोटी खांणा बैठे।

11 ऐ दिखीकरी फरीसियां उदे चेलयां ने बोलया, “तुहाड़ा गुरू चुंगी लेणे बाले कने पापियां सोगी कजो खांदा है?” 12 जालू यीशुए ऐ सुणया तां उना जो बोलया, “जड़े लोक खरे न उना जो वैद्ये दी जरूरत नी होंदी है, पर जड़े बिमार न उना जो है। 13 इस तांई तुसां जाई करी इदा मतलब सीखी लिया, कि मैं बलिदान नी पर दया चांदा है; क्योंकि मैं धर्मियां जो नी पर पापियां जो सदणा आया है।”

([मत्ती 2:18-22](#); [मत्ती 5:33-39](#))

14 तालू यूहन्ना दे चेलयां उस बाल आई करी बोलया, “क्या बजा है कि असां कने फरीसी बरत रखदे न, पर तेरे चेले तां बरत नी रखदे?” 15 यीशुए उना ने बोलया, “क्या बराती, जालू दीकर लाड़ा उना सोगी है, दुखी होई सकदे न? पर सै दिन ओणे न जालू लाड़े उना ला बख कितया जाणा, उस बेले उना बरत रखणा।

16 लोक नोए कपड़े दा रफु पराणे कपड़यां च कोई नी लांदा है, नी तां उनी रफुये धोणे ने सुकड़ी जाणा, कने पुराणा कपड़ा होर जादा फटी जाणा। 17 नोए अंगूरा दे रसे जो पराणिया खलड़िया च कोई नी भरदा है नी तां नोआ अंगूर रस खलड़िया जो फाड़ी दिन्दा है, कने

अंगूरा दा रस निकली जांदा ऐ, ताई तां नोआ अंगूर रस नोईयां खलड़िया च भरदे न।”

ⓂⓂⓂⓂⓂ ⓂⓂⓂⓂⓂⓂ ⓂⓂⓂ ⓂⓂⓂⓂⓂⓂ ⓂⓂⓂⓂⓂⓂ
(ⓂⓂⓂⓂⓂ 5:21-43; ⓂⓂⓂⓂⓂ 8:40-56)

18 सै उना ने ऐ गल्लां बोला दा ही था, इकी यहूदी जंज घर दे सरदारै आई करी उसयो नमस्ते किते कने बोलया, “मेरी कुड़ी हुणी मरी है, पर ओथु आई करी उसा पर हथ रख, तां उना जिंदिया होई जाणा।” 19 यीशु उठी करी अपणे चेलयां समेत उदे पिच्छे चली पिया।

20 कने इक जनानी थी जिसा जो बाहरां सालां ला खून निकलने दी बिमारी थी, उना पिच्छे ला आई करी यीशुऐ दे कपड़यां जो छुई लिया। 21 क्योंकि सै अपणे मने च बोला दी थी कि, अगर मैं उस दे कपड़े जो छुई लेगी तां मैं ठीक होई जाणा।

22 यीशुऐ फिरी करी उसा जो दिखया कने बोलया, “पुत्री हौसला रख; तेरा भरोसा जड़ा मिजों पर था उनी भरोसे तिजो खरा कितया है।” कने सै जनानी उसी बेले ठीक होई गई।

23 यीशु जालू उस सरदारै दे घरे पुज्जा, कने बंसरी बजाणे बाले कने भिड़ा जो रोदे दिखया, 24 तालू बोलया, “हटी जा, कुड़ी मरियो नी है, पर सुतियो है”, इसा गल्ला पर सारे हंसणा लगगे। 25 पर जालू भीड़ कडी दिती, तां उनी अंदर जाई करी कुड़िया दा हथ पकड़या, कने सै जिन्दी होई पेई। 26 कने इसा गल्ला दी चर्चा सारे देशे च फेली गई।

ⓂⓂ ⓂⓂⓂⓂⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂ ⓂⓂⓂⓂⓂ

27 जालू यीशु ओथु ला थोड़ा अगगे गिया, तां दो अन्ने उदे पिच्छे ऐ बोलदे आये, कि हे दाऊदे दे बंशज, सांझो पर दया कर। 28 जालू सै घरे च पुज्जा, तां सै अन्ने उस बाल आये, कने यीशुऐ उना जो बोलया, “क्या तुहांजो भरोसा है कि मैं ऐ करी सकदा है?” उना उसने बोलया, “हां प्रभु।” 29 तालू यीशुऐ उना दियां हखी जो छुई करी बोलया, “तुहाड़े भरोसे दे अनुसार तुहाड़े ताई होई जा।” 30 कने उना जो मिलणा लगगी पिया, कने यीशुऐ उना जो समझाई करी बोलया, “ध्यान रे, तुसां कुस्यो भी मत दसदे, कि मैं तुहाड़े ताई क्या कितया है।” 31 पर उना निकली करी सारे देशे च उदी खबर फैलाई दिता।

ⓂⓂ ⓂⓂⓂⓂⓂⓂ ⓂⓂ ⓂⓂⓂ ⓂⓂⓂⓂⓂ

32 जालू सै दो अन्ने माणु बाहर जा दे थे, तां कुछ लोक इकी माणुये जो यीशुऐ बाल लेई आये कने सै बोली नी सकदा था, क्योंकि उदे च बुरी आत्मा थी। 33 जालू यीशुऐ बुरिया आत्मा जो उस माणुये ला कडी

दिता, तां सै बोलणा लगगी पिया। कने भीड़ हेरान होई गई कने बोलणा लगगी, कि इस्राएल देशे च ऐसा कदी नी दिखया। 34 पर फरीसियां बोलया, बुरियां आत्मा दा सरदार उसयो शक्ति दिन्दा है कने बुरियां आत्मा जो कडदा है।

ⓂⓂⓂⓂⓂⓂ ⓂⓂ Ⓜ

35 यीशु कने उदे चले गलील प्रदेश दे केई शेहरां कने ग्रां चे होईकरी गो, कने यीशु यहूदी जंज घरां च उपदेश दिन्दा, कने परमेश्वरे दे राज्य दा शुभसमाचार प्रचार करदा, कने हर तरा दियां बिमारियां कने कमजोरियां जो ठीक करदा गिया।

36 यीशु किस्तिया ला उतरया कने उनी मती भरी भीड़ दिखी, कने उसयो उना पर तरस आया, क्योंकि उना दा कोई अगुवा नी था जड़ा उना दी रखवाली करी सके, जियां भेडां बिना ग्वाले होंदियां न, सै बेचेन कने भटकयो होयो थे। 37 तालू उनी अपणे चेलयां ने बोलया, “जियां खेतरां च मती फसल होंदी है, तियां ही मते भरी लोक न जड़े परमेश्वरे दा संदेश सुणने ताई तैयार न, पर परमेश्वरे दे राज्य दे बारे च दसणे ताई लोक घट न। 38 इस ताई फसला दे मालिके ने प्राथना करा कि सै फसला ताई होर मजदूर भेजे।”

10

ⓂⓂⓂⓂⓂⓂ ⓂⓂ ⓂⓂⓂⓂⓂⓂⓂ ⓂⓂⓂⓂⓂ

(ⓂⓂⓂⓂⓂ 3:13-19; 6:7-13; ⓂⓂⓂⓂⓂ 6:12-16; 9:1-6)

1 फिरी उनी अपणे बाहरां चेलयां जो अपणे बाल सदया, कने उना जो बुरियां आत्मा पर हक दिता, कि उना जो कडन कने हर तरा दियां बिमारियां कने, हर तरा दियां कमजोरियां जो दूर करन।

2 इना बाहरां प्रेरितां दे ना ऐ न: पेहला शमौन, जिसयो पतरस बोलदे न, कने उदा भाई अन्दिरयास; जब्दी दा पुत्र याकूब, कने उदा भाई यूहन्ना; 3 फिलिप्पुस कने बरतुल्मै, थोमा, कने चुंगी लेंणे बाला मत्ती, हलफई दा पुत्र याकूब कने तदै। 4 शमौन कनानी, कने यहूदा इस्करियोती, जिनी यीशुऐ जो पकड़ाई भी दिता।

ⓂⓂⓂⓂⓂⓂⓂ ⓂⓂⓂⓂⓂⓂⓂ ⓂⓂ ⓂⓂⓂⓂⓂ ⓂⓂⓂⓂⓂ ⓂⓂⓂⓂⓂⓂⓂ
(ⓂⓂⓂⓂⓂ 6:7-13; ⓂⓂⓂⓂⓂ 9:1-6; 10:4-12)

5 इना बाहरां चेलयां जो यीशुऐ ऐ हुकम देईकरी भेजया, “कि होर जातियां बाल मत जांदे, कने सामरियां दे कुसी भी शेहरे दे अंदर मत जांदे।” * 6 इस्राएले दे लोकां बाल जा, जड़े परमेश्वरे ला दूर होई गियो न, जियां भेडां गवाची करी अपणे रखवाले ला दूर चली

* 10:5 10:5 (यिर्म. 50:6)

जांदियां न।⁷ कने चलदे-चलदे ऐ प्रचार करा कि, स्वर्गे दा राज्य नेडे आई रिया है।⁸ बिमारां जो ठीक करा: मरयां जो जिन्दा करा, कने कोदियां जो शुद्ध करा: बुरियां आत्मा जो निकाला: तुसां लोकां दी मदद करणे दा कुछ भी मत लेंदे, क्योंकि परमेश्वर भी तुहाड़ी मदद करणे दा कुछ नी लेंदा है।

⁹ कने अपने थेलयाँ च सोना, चांदी, कने तांबे दे सिक्के मत गठेरदे।¹⁰ रस्ते ताई ना कोई थेली रखा, ना दो कुरते, ना जुते, ना सोठी लेंणी, क्योंकि मजदूरे जो खाणा कने रेणे दी जगा मिलणी चाईदी।

¹¹ जिस कुसी शेहरे या ग्रांऐ जांगे तां ओथु पता करा कि कुण काबील माणु है कने जालू दीकर ग्रांऐ ला नी निकलगे, तालू दीकर उदे घरे ही रिया।¹² घरे अंदर जांदे बेले उस घरे जो आशीष दिनयो।¹³ अगर उस घरे दे लोक काबील होंगे, तां तुहाड़ी शांति उना बाल पूजणी, पर अगर सै तुहाड़ा स्वागत नी करगे तां तुहाड़ी शांति तुहाड़े बाल बापस आई जाणी।¹⁴ जिसा जगा दे लोक तुहांजो अपनांगे नी कने तुहाड़े उपदेश नी सुणगे, ओथु ला जांदे बेले अपने पैरां दी धुड़ जाड़ी दिनयो, इयां करणे ने तुसां उना जो चेताबनी दिन्दे न कि, परमेश्वरे तुसां जो सजा देणी क्योंकि तुसां उपदेश नी मनया।¹⁵ मैं तुसां ने सच्च बोलदा है, कि न्याय बाले रोजे सै शेहरे जिथू दे लोक परमेश्वर दा बचन नी मंदे, उना दी हालत सदोम कने अमोरा शेहरां दे लोकां दी हालत ला भी जादा भयानक होणी है।”

ⓂⓂⓂⓂ ⓂⓂⓂⓂ ⓂⓂⓂⓂⓂⓂ
(ⓂⓂⓂⓂ 13:9-13; ⓂⓂⓂⓂ 21:12-17)

¹⁶ दिखा, मैं तुहांजो भेडां साईं भेड़ियां बिच भेजदा है। तुसां सप्पां साईं चलाक बणा, कने कबुतरां साईं भोले बणा।¹⁷ “पर तुसां लोकां ला हमेशा चौकने रेणा। क्योंकि लोकां तुहांजो कैदी बणाना कने यहूदी जंज घरे च पेश करणा कने तुहांजो कोड़े मारणे, कने मेरिया बजा ने तुहांजो हाकिमा कने राजयां दे सामणे न्याय ताईं महासभा च पेश करणा।¹⁸ तुसां मेरे ताईं हाकिमा कने राजयां दे सामणे उना पर, कने होर जातियां पर गबाह बणने ताईं पेश किते जाणे न।

¹⁹ जालू सै तुहांजो पकड़ांगे तां चिंता मत करदे, कि असां क्रियां; कने क्या बोलणा है: क्योंकि जड़ा कुछ तुसां बोलणा है सै तुहांजो उसी बेले पता लगगी जाणा।²⁰ क्योंकि बोलणे बाले तुसां नी न, पर तुहाड़े पिता परमेश्वरे दी पबित्तर आत्मा तुसां च बोलदी है।

²¹ उसी बेले, जड़े लोक मिजों पर भरोसा नी करदे न, उना अपने भाईयां जो अधिकारियां दे हथे मारणे

ताईं देई देणा, क्योंकि सै मिंजो पर भरोसा करदे न। पिता अपने बचयां सोगी इयां ही करणा है कने बचयां माता-पिता दे खिलाफ होईकरी उना जो मारी देणा है।†²² क्योंकि तुसां मेरे चले न उदिया बजा ने सारे लोकां तुसां ने बैर करणा है, पर जड़ा आखरी दीकर सबर रखगा उदा ही उद्धार होणा।²³ जालू सै तुहांजो इकी शेहरे च तंग करगे, तां तुसां दुऐ शेहरे जो चली जानयो। मैं तुसां ने सच्च बोलदा है, तुहाड़ी इस्राएले देशे दे इकी शेहरे ला दुज्जे शेहरे दी यात्रा पूरी भी नी होणी है, कने मैं, माणुऐ दे पुत्रे आई जाणा है।

²⁴ चेला अपने गुरुऐ ला, कने नौकर अपने मालिके ला बडा नी होंदा है।²⁵ काफी है कि चले दा गुरुऐ दे बराबर, कने नौकरे दा मालिके दे बराबर होणा; अगर सै मिंजो घरे दे मालिके जो शैतान बोलदे न, तां उना मेरे घरे दे लोकां जो कितणे बुरे ना ने बोलणा है।

ⓂⓂⓂⓂ ⓂⓂⓂ
(ⓂⓂⓂⓂ 12:2-7)

²⁶ पर उना लोकां ला मत डरदे जड़े तुसां जो धमकांदे न, क्योंकि सै बकत ओणे बाला है जालू जड़ा कुछ भी ढक्या है, सै खोलया जाणा है; कने सै सारा कुछ जड़ा छुपया है, सै लोकां दे सामणे ओणा है।²⁷ जड़ा कुछ मैं तुसां ने नेहरे च बोलदा है, उसयो चले सारे सामणे बिना कुसी डरे दे बोली सकदे न, कने जड़ा तुसां बल्ले-बल्ले सुणदे न, उसयो छूती पर चढ़ी करी प्रचार करा।

²⁸ सै जड़े शरीरे जो मारी सकदे न, पर सै आत्मा जो नी मारी सकदे न, उना ला डरदे मत, पर परमेश्वर ला डरा, जड़ा आत्मा कने शरीर दोनो जो नरके च मारी सकदा है।

²⁹ क्या बड़ी घट कीमता च दो चिड़ियाँ नी बिकदियां? तमी तुहाड़े पिता परमेश्वरे दिया मरजिया बिना उना चे इक भी मरी करी धरतिया पर नी पेई सकदी।³⁰ परमेश्वर तुहाड़ी जिन्दगिया दी हर गल्ला दी परवाह करदा है। सै ऐ भी जाणदा है कि तुहाड़े सिरे पर कितणे बाल न।‡³¹ इस ताईं डरा मत, क्योंकि तुसां चिड़ियाँ ला भी जादा किमती न।

ⓂⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂ ⓂⓂⓂⓂ
(ⓂⓂⓂⓂ 12:8-9; 12:51-53; 14:26-27)

³² जड़ा कोई लोकां दे सामणे मिंजो परमेश्वर मन्नी लेंगा, उसयो मैं भी अपने स्वर्गीय पिता दे सामणे अपने चले मन्नी लेंगा।³³ पर अगर सै दूजयां दे सामणे ऐ बोलणे ला डरदे न, कि असां यीशुऐ दे चले न, तां मैं अपने पिता परमेश्वरे जो जड़ा स्वर्गे च, दसी देणा कि, सै मेरे चले न।

१२:१२-१३ १२:१४-१५ १२:१६-१७
(१२:१२ 12:51-53; 14:26,27)

34 ऐ मत सोचा कि मैं धरतिया पर लोकां बिच शांती लोणे ताई आया है; मैं तां लोकां च लड़ाई करवाणा आया है। 35 मैं तां इस ताई आया है, ताकि माणुए जो उस दे पिता परमेश्वरे ला, कने कुड़िया जो उसा दिया माता ला, कने नुआ जो उसा दिया ससु दे खिलाफ भड़काणा है। 36 माणुए दे दुश्मन उस दे घरे दे ही लोक होणे न।

37 जड़ा अपने माता पिता जो मिंजो ला जादा प्यार करदा है, सै मेरा चेला बणने दे लायक नी है, कने जड़ा कुड़िया या जागते जो मिंजो ला जादा प्यारा करदा है, सै भी मेरा चेला बणने लायक नी। 38 जड़ा मेरिया बजा ने दुख सेहन कने मरणे ताई तैयार नी है, सै मेरा चेला बणने दे लायक नी है। 39 कोई माणु ऐसा नी करगा कने अपने प्राणा जो बचाणा चाहगा, उनी परमेश्वरे सोगी आत्मिक जिन्दगी जिणे दा मोका गबाई देणा है। पर जड़ा माणु मिजों पर भरोसा करगा कने मेरे शुभसमाचार दिया बजा ने मरगा उस माणुए जो परमेश्वरे सोगी सदा ताई दी जिन्दगी मिलणी।

१२:२२
(१२:२२ 9:41)

40 जड़ा तुहांजो अपनांदा है, सै मिंजो भी अपनांदा है; कने जड़ा मिंजो अपनांदा है, सै मेरे भेजणे बालयां जो अपनांदा है। 41 जड़ा परमेश्वरे दा संदेश देणेबालयां जो परमेश्वरे दा संदेश देणेबाला समझीकरी अपनाए, उसयो परमेश्वरे दा संदेश देणेबालयां साई इनाम मिलणा; कने जड़ा धर्मी माणुए जो धर्मी माणु समझीकरी अपनाए, उसयो धर्मिये साई इनाम मिलणा है। 42 जड़ा कोई इना लोकयां चे इकी जो भी मेरा चेला समझीकरी सिर्फ इक कटोरा ठंडे पाणिणे दा पिया, उसयो पक्का ही इनाम मिलणा है।

11

१२:२२ १२:२३ १२:२४-२५ १२:२६-२७ १२:२८
(१२:२२ 7:18-35)

1 जालू यीशु अपने बाहरां चेलयां जो हुकम देई बेठा, तां सै उना दे गलील जिले दे नगरां च उपदेश कने प्रचार करणे ताई ओथु ला चली गया। 2 यूहन्ने जेला च मसीह दे कम्मा दी खबर सुणीकरी, अपने चेलयां जो उसला ऐ पूछणे जो भेजया। 3 “क्या तू ही मसीह है जिसयो भेजणे दा बायदा परमेश्वरे कितया था, या असां कुसी दुजे दी नियाल रखन?” 4 यीशुए जबाब दिता, “जड़ा कुछ तुसां दिखदे कने सुणदे न, सै सारा कुछ जाई करी यूहन्ना ने बोली दिया। 5 कि अन्नयां जो मिलदा है, कने लंगडे

चलदे न, कोदियां दा कोढ़ ठीक होआ दा, कने टोंगे सुणदे न, मुर्दे जिंदे किते जांदे न, कने गरीबां जो शुभसमाचार सुणाया जांदा है। 6 कने धन्य न सै, जड़े मिंजो पर शक नी करदे।”

7 यूहन्ना दे चेले जालू ओथु ला चली गे, तां यीशु यूहन्ना दे बारे च लोकां जो बोलणा लगगा, “तुसां सुनसान जगा च क्या दिखणा गियो थे? क्या होआ ने हिलदे होऐ सरकंडे जो? इदा मतलब ऐ है कि जड़ा बड़ी असानी ने अपने बिचार बदली दे, सै ऐसा माणु है जड़ा डरदा है कि दुज्जे लोक उदे बारे च क्या सोचगे कने बोलगे। 8 तां फिरी तुसां क्या दिखणा गियो थे? क्या इक माणुये जो जिनी बड़े मेंहगे कपड़े पायो थे? दिखा जड़े लोक मेंगे कपड़े पांदे न सै मेहलां च रेंदे न। 9 तां फिरी कजो गियो थे? कि क्या कुसी परमेश्वरे दा संदेश देणेबाले जो दिखणे ताई? हाँ, मैं तुसां ने बोलदा है, कि परमेश्वरे ला भी बड़े जो? 10 यूहन्ना सेई माणु है जिंदे बारे च पबित्तर शास्त्र च दसया, कि दिख, मैं अपने संदेश देणेबाले दूते जो तेरे अगगे भेजदा है, जिनी तेरे ओणे ताई लोकां जो तैयार करणा है। * 11 मैं तुसां ने सच्च बोलदा है, कि जड़े लोक जनानिया ला पैदा होयो न, उना चे यूहन्ना बपतिस्मा देणेबाले ला बडा कोई नी होया; पर स्वर्गे दे राज्य च जड़ा सारयां ला छोटा है, सै उसला बडा है।

12 जालू ला यूहन्ना बपतिस्मा देणेबाले प्रचार करणा शुरू कितया है, उस बकते ला लेईकरी हुणे दीकर स्वर्गे दा राज्य जबरदस्ती ने अगगे बदा दा है, कने हिंसक लोक उस हमला करा दे न। 13 क्योंकि सारे परमेश्वरे दा संदेश देणेबालयां दियां कताबां च कने मूसा दिया व्यवस्था च यूहन्ना बपतिस्मा देणेबाले दे ओणे दीकर परमेश्वर दे राज्य दे बारे च लिखया है। 14 कने तुसां मेरी गल्ल मनणा चांदे न, कि एलिय्याह जिंदे ओणे दी भविष्यवाणी कितियो थी, सै एलिय्याह ही है। 15 जिस बाल सुणने दा मन हो, सै ध्यान देईकरी इना गल्लां जो सुणे, कने समझी ले।”

16 मैं इस युगे दे लोकां दी तुलना कुसने दें? सै उना जागतां साई न, जड़े बजारां च बेईकरी इकी दुजे जो पुकारी करी बोलदे न। 17 “कि असां तुहाड़े ताई खुशिया दे गाणे गाए, कने तुसां नचे नी; असां शोक दे गीत भी गाए, फिरी भी तुसां रोए नी।”

18 क्योंकि यूहन्ना बार-बार बरत रखदा कने ना शराब पिन्दा था, कने सै बोलदे न कि उदे च बुरी आत्मा है। 19 पर मैं माणुए दा पुत्र खांदा पिंदा है, कने सै बोलदे न, “कि पेटू कने शराबी माणु है, कने चुंगी लेंगे बाले कने

* 11:10 11:10 (मत्ता. 3:1)

पापियां दा मित्र है। पर इक माणुए दे कम्मा ऐ साबित करणा कि अकला बाला कुण है।”

ⓂⓂⓂⓂⓂⓂⓂⓂ ⓂⓂ ⓂⓂⓂ ⓂⓂ
(ⓂⓂⓂⓂ 10:13-15)

20 तालू यीशुए उना शेहरां च रेणेबाले लोकां जो फटकार लगाई, जिथू उनी बड़े भरी चमत्कार दे कम्म कितयो थे; क्योंकि उना अपणे पापां दा पश्चाताप नी कितया था। 21 हाय, खुराजीन शेहर दे कने बैतसैदा शेहर दे लोको! जड़े चमत्कारी कम्म तुहाड़े शेहर च कितयो न, अगर सै कम्म सूर कने सैदा च कितयो होंदे, तां ओथु दे लोक बड़े पेहले टाट ओढी लेंदे, कने धुड़ अपणे उपर छिड़की लेंदे ऐ दसणे तांई कि उना अपणे पापां ला पश्चाताप करी लिया है। 22 पर मैं तुसां ने बोलदा है; कि न्याय दे रोज जड़ी सजा सूर कने सैदा जो देणी है, सै सजा तुहाड़िया सजा ला बड़ी घट होणी है।

23 हे कफरनहूम शेहरे दे लोको, तुसां क्या स्वर्गे दीकर उच्चे करणे न? तुसां तां पताले दीकर थले करणे न; जड़े अनोखे कम्म तुहाड़े च कितयो न, अगर सै सदोम शेहर च होंदे, तां उनी अजे दीकर बणी रेणा था। 24 पर मैं तुसां ने बोलदा है; कि न्याय दे रोज जड़ी सजा सदोम शेहरे दे लोकां जो देणी है, सै सजा तुहाड़िया सजा ला बड़ी घट होंगी है।

ⓂⓂⓂⓂ ⓂⓂⓂ ⓂⓂⓂⓂ ⓂⓂⓂⓂⓂⓂ ⓂⓂⓂⓂ ⓂⓂⓂⓂ
(ⓂⓂⓂⓂ 10:21-22)

25 तिस्सी बेले यीशुए बोलया, “हे पिता, स्वर्गे कने धरतिया दे प्रभु, मैं तेरा धन्याबाद करदा है, तू इना गल्लां जो ज्ञानियां कने समझदारां लोकां ला लुकाई रखया, कने लोक बचयां सांई न उना पर प्रगट किता है। 26 हाँ, पिता जी, क्योंकि तिजो ऐ ही ठीक लगगा।”

27 मेरे पिते मिंजो सब कुछ दितया है, कने पिता दे बिना कोई पुत्रे जो नी जाणदा है, कने ना ही कोई पिता जो जाणदा है सिर्फ पुत्र ही है जड़ा पिता जो जाणदा है। कने जिना लोकां जो पुत्र चुणदा है उना लोकां ही पिता जो जाणना है।

28 “सारे मेहनत करणे बालयो कने भोझ हेठ दबूयो लोको, मेरे बाल ओआ; मैं तुहांजो अराम देणा। 29 मेरा जुआ अपणे उपर चुकी लिया; कने मिंजो ला सिखा; क्योंकि मैं मने ला नरम कने दयालु है; कने तुसां जो अपणे मने च अराम मिलणा। 30 क्योंकि जड़ा करणे दा हुकम मैं तुहांजो दिन्दा है, सै करणा मुशकिल नी है।”

* 12:5 12:5 (गिन. 28:9,10, यूह. 7:22,23)

12

ⓂⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂ 2:23-28; ⓂⓂⓂⓂ 6:1-5)

1 उस बेले यीशु सब्ते दे रोजे खेतारां चे होईकरी चलया था, कने उस दे चेलयां जो भूख लगगी, कने सै बेलां तोड़ी-तोड़ी करी खाणां लगगी पे। 2 फरीसियां ऐ दिखीकरी उसयो बोलया, “दिख, तेरे चले सै कम्म करा दे न, जड़ा सब्ते दे रोज करणा ठीक नी।” 3 यीशुए उना जो बोलया, “क्या तुसां परमेश्वरे दे बचन च कदी नी पढ़या, कि राजा दाऊदे तालू क्या किता, जालू उसयो कने उस दे मित्रां जो भूख लगगी थी? 4 सै कियां परमेश्वरे दे घरे च गिया, कने परमेश्वर जो चढ़ाईयां रोटियां खादियां, जिना जो खाणां ना उस तांई कने ना उदे मित्रां तांई व्यवस्था दे अनुसार ठीक था, पर सिर्फ याजकां तांई ठीक था?”

5 या क्या तुसां मूसा दी व्यवस्था च नी पड़या है, कि याजक सब्ते दे रोज मंदरे च सब्ते दे रोजे दिया विधिया जो तोड़ने पर भी निर्दोष होंदे न?”*

6 पर मैं तुसां जो बोलदा है, इदा मतलब है, कि मैं तुहाड़े बाल आया है कने मैं मंदरे ला भी जादा बहुमूल्य है। 7 अगर तुसां जाणदे न कि पबित्र शास्त्र च इना अखरां दा मतलब क्या है, मेरे तांई बलियां चढ़ाणे दी बजाए, तुसां दुजयां तांई दयालु बना कने मेरे इना निर्दोष चेलयां दी निंदा नी करदे। 8 “मैं माणुए दा पुत्र ऐ बोलणे दा हक रखदा है, कि लोकां जो सब्ते बाले रोजे जो क्या करणे दी अनुमति है।”

ⓂⓂⓂⓂⓂ ⓂⓂⓂ ⓂⓂⓂⓂ ⓂⓂⓂⓂⓂ ⓂⓂ ⓂⓂⓂ ⓂⓂⓂⓂ
(ⓂⓂⓂⓂ 3:1-6; ⓂⓂⓂⓂ 6:6-11)

9 ओथु ला चलीकरी करी सै यहूदी जंज घर च आया। 10 ओथु इक माणु था जिदा इक हथ सुक्की कने बेकार होई गिया था, कने फरीसियां यीशुए पर दोष लांणे तांई उसला पुछया, कि क्या सब्ते दे रोज चंगा करणा ठीक गल्ल है? 11 यीशुए उना जो बोलया, “मन्नी लिया कि तुसां चे कुसकी दी इक ही भेड़ है। कने सै सब्ते दे रोजे खड्डे च पेई जा, कने सै उसा जो पकड़ी करी खड्डे ला नी कडे? 12 भला, माणुए दी कीमत भेडां ला कितणी जादा बदीकरी है। इस तांई सब्ते दे रोजे लोकां जो खरा करणा ठीक गल्ल।” 13 कने यीशुए उस माणुए जो बोलया, “अपणा हथ कर रुआं।” उनी अपणा हथ किता, कने उदा हथ दुऐ हथे सांई ठीक होई गिया। 14 तालू फरीसी झट बाहर आई करी कुछ लोकां कने मिलिकरी यीशुए दे खिलाफ सलाह करणा लगगे, कि उसयो कियां मारणा है।

?????????? ?? ??????? ?????

15 ऐ जांणी करी यीशु ओथु ला चली गया। कने मते सारे लोक उदे पिच्छे चली पै, कने उनी सारयां जो ठीक किता। 16 कने यीशुऐ चेतावनी देईकरी उना जो हुकम दिता, “कि मेरे बारे च कुसी ने भी मत दसदे कि मैं परमेश्वर दा पुत्र है।” 17 ताकि जड़ा बचन यशायाह परमेश्वरे दा संदेश देणेबाले बोलया था सै पूरा हो: 18 “दिखा, ऐ मेरा सेवक है, जिसयो मैं चूणया है, मेरा प्यारा, जिसते मेरा मन खुश है, मैं अपणी आत्मा उस पर पांणी है, कने उनी होरनी जातियां जो न्याय दा संदेश देणा। 19 ना उनी कोई लड़ाई करणी, कने ना उनी कोई हल्ला पाणा, कने ना ही सै लोकां बिच घमंडी सांई जोरे ने कोई भाषण नी देणा। 20 उनी कुसदा भी नुकसान नी करणा जड़ा भजयो टुटयो सरकंडे सांई कमजोर न, कने जिसयो भी कोई समस्या है सै सुलगती बतिया सांई न, उनी इसा जो कोई नुकसान नी करणा, पर उनी पक्का करणा कि न्याय किता जाए। 21 कने होरनी जातियां उदे नाऐ पर आस रखणी है।”

????? ???? ???????????

(????? 3:20-30; ????? 11:14-23; 12:10)

22 तालू लोक इक अन्ने कने गूगे जो जिदे च बुरी आत्मा थी, उसयो उदे बाल लेई आये, कने उनी उसयो ठीक किता कने सै गूगा बोलणा कने उसयो मिलणा लगी पिया। 23 इसा गल्ला पर सारे लोक हेरान होए, कने बोलणा लगगे, “क्या ऐ माणु मसीहा होई सकदा है, जड़ा राजा दाऊदे दे बंशे ला है, जिसयो असां नियाला दे न।” 24 पर फरीसियां ऐ गल्ल सुणीकरी बोलया, ऐ तां बुरियां आत्मा दे सरदार शैताने दिया सहायता लेईकरी बुरियां आत्मा जो कडदा है।

25 उनी उना दे मने दी गल्ल सुणीकरी उना ने बोलया, “अगर कुसी राज्य च लोक अपु च ही लड़दे रेंगे तां सै राज्य बड़े बकते तक नी टिकी सकदा है। कने अगर कुसी घरे दे माणु अपु च ही लड़ी पोंगे तां सै घर नी बणी सकदा।” 26 अगर शैतान ही शैताने जो कडडे, तां उनी अपणा ही बैरी होई जाणा, तां उनी अपणा ही नाश करी लेणा है, तां फिरी उस दा राज्य कियां बदी सकदा है, 27 अगर मैं शैताने दिया मददा ने बुरियां आत्मा जो कडदा है, तां तुहाड़े चले कुसदिया मददा ने बुरियां आत्मा जो कडदे न? इस तांई उना ही तुहाड़ा न्याय करणा है। 28 पर अगर मैं परमेश्वरे दिया आत्मा दिया सहायता ने बुरियां आत्मा जो कडदा है, तां परमेश्वरे दा राज्य तुहाड़े बाल आई पुज्जा है।

29 जालू दीकर तुसां जोरे बाले माणुऐ जो नी बनगे, तां तुसां उदे घरे च नी बड़ी सकदे कने उदियां चीजां जो नी चोरी सकदे न।

30 “जड़ा मेरे सोगी नी है, सै मेरे खिलाफ है, कने जड़ा मेरे सोगी नी बटोलदा है, सै खलारदा है। 31 इस तांई तां मैं तुसां ने बोलदा है, कि माणुऐ दी ओलादी दे सारे पाप कने निंदा जड़ा सै परमेश्वर या कुसी दे खिलाफ करदे न, परमेश्वरे उना दे पाप माफ करी देणे न, पर जड़ा कोई पबित्र आत्मा दे खिलाफ निंदा करगा, तां सै परमेश्वरे कदी भी माफ नी करणा है। 32 पर जड़ा कोई माणुऐ दे पुत्रे दे बारे च कोई बुरी गल्ल बोलगा, उदा ऐ अपराध माफ होई जाणा, पर जड़ा कोई पबित्र आत्मा दे बारे च बुरा बोलगा, उदी ऐ गलती ना तां इस लोक च ना ही ओणे बाले युग च माफ होणी।”

????? ???? ?? ?? ??

(????? 6:43-45)

33 “अगर रुख खरा है, तां उदे फले जो भी खरा होणा, अगर रुख बेकार है, तां उदे फल भी बेकार होणे न, क्योंकि रुख फले ने ही पछेणया जांदा है।” 34 “तुसां जहरीले सपां दे बचयां सांई न, तुसां बुरे होईकरी कियां खरियां गल्लां बोली सकदे न? क्योंकि जड़ा मने च भरया है सै ही मुऐ च ओंदा है। 35 इक भला माणु मने दे भले भंडारे ला भलियां गल्लां कडदा है, कने इक बुरा माणु मने दे बुरे भंडारे ला बुरियां गल्लां कडदा है।

36 कने मैं तुसां ने बोलदा है, कि जड़ियां-जड़ियां बेकार गल्लां माणुऐ बोलणियां न, उना सारियां गल्लां दा लेखा न्याय दे रोजे देणा है। 37 क्योंकि परमेश्वरे न्याय करणा है कने हर इक माणुऐ जो उदियां बोलियां गल्लां दिया बजा ने दोषी या निर्दोषी ठहराया जाणा है।”

????????????? ??????? ?? ??????

(????? 8:11-12; ????? 11:29-32)

38 इसा गल्ला पर मते व्यवस्था जो सिखाणे बालयां कने फरीसियां उसयो बोलया, “गुरू जी, असां तिजो ला इक स्वर्गे दा कोई चमत्कार दिखणा चांदे न, जिसने पता लगगे कि तिजो परमेश्वरे भेजया है।” 39 पर यीशुऐ उना जो जबाब दिता, तुसां चमत्कार इस तांई मंगदे न क्योंकि तुसां बुरे लोक न कने भरोसा नी करदे न, पर परमेश्वरे दा संदेश देणेबाले योना ने जड़ा होया उस जो छडी करी होर कोई तुसां जो चमत्कार नी मिलणा है। 40 योना तिन्न रात दिन पांणिए दे इकी बड़ी बडिया मच्छिया दे पेटे च रिया, तियां ही, मैं माणुऐ दे पुत्रे भी तिन्न रात दिन धरतिया दे अंदर रेणा। 41 नीनवे शेहरे दे लोकां न्याय दे रोजे इस युगे दे लोका सोगी उठी करी उना जो दोषी ठहराणा, क्योंकि उना योना दा प्रचार सुणीकरी

मन बदलया, पर तुसां तां पश्चाताप करणे मना करदे न; कने दिखा, ऐथू तां सै है जड़ा योना ला भी बडा है। 42 दक्षिणे दिया राणिया न्याय दे रोजे इस युगे दे लोकां सोगी उठी करी उना जो दोषी ठेहराणा, क्योंकि सै सुलैमान दा ज्ञान सुणने ताई बड़ी दुरे ला आयियो थी; कने दिखा, ऐथू सै है जड़ा सुलेमाने ला भी बडा है, पर तुसां पश्चाताप करणे मना करदे न।

११:२४-२६
(११:२४-२६)

43 “जालू बुरी आत्मा माणुए ला निकली जांदी है, तां सै सुकियां जगा च अराम तोपदी फिरदी है, पर उसा जो अराम नी मिलदा है। 44 तां सै अपने आपे ने बोलदी है, कि जिस माणुए ला मैं आई है उसी माणुए दे अंदर चली जां कने बापस आई करी उस माणुए जो उस खाली घरे साई पांदी है, जिसयो छेल करी साफ कने सजाया हो।” 45 तालू बुरी आत्मा जाई करी अपने ला होर बुरियाँ सत्त आत्मा जो अपने सोगी लेई ओंदी है, कने सै उस माणुए दे अंदर जाई करी रेणा लगदी है, कने उस माणुए दी हालत पहले ला भी बुरी होई जांदी है। इस युगे दे बुरे लोकां ने भी इयां ही होणा है।

३:३१-३५; ८:१९-२१
(३:३१-३५; ८:१९-२१)

46 जालू सै भिड़ा ने गल्लां करा दा ही था, तां उस दी माता कने भाई बाहर खडुतयो थे, कने उसने गल्लां करणा चांदे थे। 47 कुनकी उसने बोलया, “दिख, तेरी माता कने तेरे भाई बाहर खडुतयो न, कने तिजो ने गल्लां करणा चांदे न।” 48 ऐ सुणीकरी उनी बोलणे बाले जो जबाब दिता, “कुण है मेरी माता? कने कुण न मेरे भाई?” 49 कने अपने चेलयां पासे हथ करिके बोलया, दिखा, “मेरी मां कने मेरे भाई ऐ न। 50 क्योंकि जड़ा कोई मेरे स्वर्गीय पिता दिया मरजिया पर चले, सै ही मेरा भाई, कने बेहन, कने माता है।”

13

४:१-९; ८:४-८
(४:१-९; ८:४-८)

1 तिस्सी रोजे यीशु घरे ला निकली करी दरियाये दे बखे जाई बैठा। 2 कने उस बाल मती भरी भीड़ गिठी होई गई, कने सै किस्तिया पर चढ़ी गया, कने सारी भीड़ दरियाये दे बखे खड़ाई रेई।

3 कने उनी उना ने कहाणियां च मतियां सारियां गल्लां बोलियां, “दिखा, इक बी रांणे बाला बी रांणा निकलया। 4 रांदे बेले थोड़े बी रस्ते दे बखे पेई गे कने सै तां पंछियां आई करी चुगी ले। 5 कने थोड़े बी पथरलिया जमिना पर पे जिथू उसयो जादा मिटी नी मिली, कने जादा मिटी नी

होणे दिया बजा ला तौली लूंगी पै। 6 कने जालू खड़ी धुप पेई, तां सै फकुई गे, क्योंकि उना दियां जड़ा डुगियां नी थियां तां सै सुकी गे। 7 कने थोड़े बी झिल्लां च पै, कने जालू झिल्ल बडुए तां उना से बी डकी ले। 8 पर थोड़े बी खरिया जमिना पर पे, कने सै बी लुंगे, कने मते सारे फल देणेबाले होए; केईयां सौ गुणा, केईयां सठ गुणा, केईयां ती गुणा।” 9 जिस बाल सुणने ताई कन्न न सै ध्यान लाईकरी गल्ला जो सुणे, कने इसा गल्ला जो समझी ले।

४:१०-१२; ८:९,१०
(४:१०-१२; ८:९,१०)

10 कने चेलयां यीशुए बखे आई करी पुछया, “तू उना ने कहाणिया च कजो गल्लां करदा है?” 11 उनी जबाब दिता, “तुहांजो स्वर्गे दे राज्य दे भेदां जो समझणे दी समझ दितियो है, पर उना जो नी। 12 जिस कुसी बाल सै समझणे दी इच्छा है, जड़ा परमेश्वर सिखांदा है, उसयो होर देणा, पर जड़ा समझणे दी इच्छा नी रखदा, कि मैं क्या सिखांदा, तां सै जड़ा समझया है, परमेश्वरे से भी उसला लेई लेणा।” 13 मैं उना ने कहाणिया च गल्लां इस ताई करदा है, कि सै दिखदे होए भी, नी दिखदे; कने सुणदे होए भी, नी सुणदे न; कने ना समझदे न। 14 कने उना दे बारे च यशायाह दी ऐ भविष्यवाणी पुरी होंदी है: “तुसां कन्ना ला सुणना तां है, पर समझणा नी है; कने हखी ला दिखणा ता है, पर कुछ मिलणा नी है।”

15 “क्योंकि इना लोकां दा मन कठोर होई गया है, कने सै कन्ना ला उच्चा सुणदे न, कने उना अपणिया हखी बंद करी लियां न; कुथी इयां ना हो कि सै हखी ला दिखन, कने कना ला सुणन कने मने ला समझन, कने अपने पापां दा पश्चाताप करगे, कने मैं उना जो ठीक करे।”

16 “पर धन्य न तुहाड़ियां हखी, क्योंकि सै दिखदियां न; कने तुहाड़े कन्न, कि सै सुणदे न। 17 क्योंकि मैं तुसां ने सच्च बोलदा है, कि मते परमेश्वरे दा संदेश देणेबाले कने धर्मी चांदे थे कि जड़ियां गल्लां तुसां दिखदे न, दिखन, पर दिखियां नी; कने जड़ियां गल्लां तुसां सुणदे न, सुणन, पर सुणियां नी।”

४:१३-२०; ८:११-१५
(४:१३-२०; ८:११-१५)

18 हुण तुसां बी राणे बाले दी कहाणिया दा मतलब सुणा: 19 “जड़ा कोई राज्य दा बचन सुणीकरी नी समझदा, उदे मने च जड़ा कुछ राया था, उसयो शैतान झट पट जादां कने उना दे मने ला बचन कडी दिन्दा है जड़ा उना सुणया था; ऐ सै ही बी है, जड़ा रस्ते दे

बखे राया था।²⁰ कने जड़ा पथरिलिया जमिना च राया था, ऐ सै माणु न, जड़े बचना जो सुणीकरी उना जो झट खुशिया ने ग्रहण करी लेंदे न।²¹ पर परमेश्वर दे बचना जो मने दिया गहराईया च बदणा नी दिन्दे, उदे बाद जालू बचने दिया बजा ने उना पर कला क्लेश या परेशानी होंदी है, तां सै बचना ला पिच्छे हट्टी जांदे न।²² जड़े बी झिल्लां च पियो न, ऐ सै माणु न जिना बचन सुणया, पर सै संसारे दियां चिंता जो लेईकरी दुखी, कने संसारिक चिंजा दा लालच उना दे मने च रेंदा है, ऐ सब परमेश्वर दे बचन च रुकावट पांदा है। कने सै बचन उना तांई फायदेमंद नी होंदा।²³ कने जड़े बी खरिया जमिना पर रायो थे, ऐ सै माणु न, जड़े बचन सुणीकरी ग्रहण करदे न, कने फल दिन्दे न, कोई सौ गुणा, कोई सठ गुणा, कने कोई ती गुणा।”

॥॥॥॥॥ ॥॥॥ ॥॥ ॥॥॥॥॥

²⁴ यीशुऐ उना जो इक होर कहाणी सुणाई, “स्वर्गे दा राज्य उस माणुऐ सांई है जिनी अपणे खेतरे च खरा भी राया।²⁵ पर जालू लोक सोआ दे थे तां उना दे दुशमण आई करी कणका बिच जंगली भी राई करी चली गे।²⁶ जालू लूंगा निकलियां कने बेलां लगियां, तां जंगली दांणयां दियां लूंगा भी मिलणा लगियां।”²⁷ इस गल्ला पर घरे दे नौकरां आई करी उसला बोलया, हे मालिक, तू क्या अपणे खेतरां च खरा भी नी लाया था? फिरी खेतरे च जंगली दांणे दे बूटे कुथु ला आए? ²⁸ उनी उना जो बोलया, ऐ कुसी दुशमणे दा कम्म है। नोकरां उसला बोलया, तेरी क्या मर्जी है, कि असां जाई करी जंगली बूटयां जो जड़ा ला पुटी देन? ²⁹ उनी बोलया, नी, ऐसा मत करा इयां ना होऐ कि जंगली दांणे दे बूटयां जो जड़ा ला पुटदे बेले उना सोगी कणका दे बूटे भी पुटुई जान।³⁰ बडणे दीकर दोनो जो बडूणा दिया, कने बडणे दे बेले मैं बडणे बालयां ने बोलणा है, कि पेहले जंगली दांणे दे बूटयां जो बटोली करी फूंकणे तांई गढियां बन्नी लियां, कने कणका जो मेरे खेतरे च गटेरा।

॥॥॥॥॥ ॥॥ ॥॥॥ ॥॥ ॥॥॥॥॥

(॥॥॥॥ 4:30-34; ॥॥॥॥ 13:18-21)

³¹ उनी उना जो इक होर कहाणी सुणाई, “स्वर्गे दा राज्य इक राई दे दांणे सांई है, जिसयो कुनी माणुऐ लेईकरी अपणे खेतरां च राई दिता।³² सै सारे बियां ला छोट्टा होंदा है, पर जालू सै बडा होई जांदा है तालू सै सारे साग पतयां ला भी बडा होंदा है; कने ऐसा रुख बणी जांदा है, कि अम्बरे दे पंछी आई करी उदिया डालियां पर घोंसले बणादे न।”

॥॥॥॥॥ (॥॥॥॥) ॥॥ ॥॥॥॥॥
(॥॥॥॥ 13:20-21)

³³ उनी इक होर कहाणी उना जो सुणाई, “स्वर्गे दा राज्य खमिरे (तराक) सांई है, जिसयो कुनी जनानिया लेईकरी तीन पसेरी आटे च मलाई दिता कने होंदे-होंदे सै सारा खमीर बणी गया।”

॥॥॥॥॥ ॥॥ ॥॥॥॥॥॥

³⁴ ऐ सारियां गल्लां यीशुऐ कहाणिया दे जरिये लोकां ने बोलियां, कने जड़ा कुछ सै सिखांदा, सै कहाणिया ने ही सिखांदा था।³⁵ कि जड़ा बचन परमेश्वरे दा संदेश देणेबाले बोलया था, सै पूरा होऐ: “मैं कहाणी बोलणे तांई अपणा मु खोलणा है: मैं उना गल्लां जो जडियां संसारे दे शुरू होणे ला गुप्त न उना जो सामणे लोंगा।”

॥॥॥॥॥ ॥॥॥ ॥॥॥॥ ॥॥॥॥॥॥॥ ॥॥ ॥॥॥॥॥॥॥॥

³⁶ तालू यीशु भिड़ा जो छडी करी घरे च आया, कने उदे चेलयां उदे बाल आई करी बोलया, “खतरे दे जंगली दांणे दी कहाणी समझाई दे।”³⁷ उनी उना जो जबाब दिता, “खरे भी रांणे बाला मैं माणुऐ दा पुत्र है।”³⁸ खतर संसारे दे लोक न, खरा बी राज्य दे लोक न, कने जंगली भी शैताने दे लोक न।³⁹ जिनी दुशमणे उना जो राया सै शैतान है; बडणा संसारे दा खात्मा हे: कने बडणे बाला स्वर्गदूत है।⁴⁰ जियां जंगली दांणे दे बीऐ दे बूटे फुकणे तांई गटेरदे न, तियां ही संसारे दे खात्मे च होणा है।⁴¹ मैं माणुऐ दे पुत्रे अपणे स्वर्गदूते जो भेजणा, कने उना उदे राज्य च सारियां पाप दियां बजां जो, कने बुरे कम्म करणे बालयां जो उखाड़ी देणा है।⁴² कने स्वर्गदूतां उना जो अग्गी दे कुण्डे च पांणा, कने उना ओथु रोंणा कने दंद पीणे न।⁴³ उस बेले धर्मियां अपणे पिता दे राज्य च सूरजे सांई चमकणा है। जिस बाल सुणने तांई कन्न न सै ध्यान लाईकरी गल्ला जो सुणे, कने इसा गल्ला जो समझी ले।

॥॥॥॥॥ ॥॥॥ ॥॥॥॥॥ ॥॥ ॥॥॥॥॥

⁴⁴ “स्वर्गे दा राज्य खतरे च लुकयो खजाने सांई है, जड़ा कुसी माणुऐ जो मिलया है, कने उनी लुकाई रखया, खुशिया दे मारयो जाई करी उनी अपणा सारा कुछ बेची करी, कने उस खेतरे जो खरदी लिया।”

॥॥॥॥॥ ॥॥॥॥ ॥॥ ॥॥॥॥॥

⁴⁵ “फिरी स्वर्गे दा राज्य इक व्यपारिये सांई है, जड़ा खरे मोतियां दिया तोपा च था।⁴⁶ जालू उसयो इक बड़ा भरी मेहंगा मोती मिला, तां उनी अपणा सारा कुछ बेची दिता, कने सै मोती खरीदी लिया।”

॥॥॥॥॥॥ ॥॥ ॥॥॥॥॥

⁴⁷ “फिरी स्वर्गे दा राज्य उस मच्छियां पकड़ने बाले बड्डे जाल्ले सांई है, जिसयो समुदरे च पाया, कने सै हर तरा दियां मच्छियां जो बटोली लेई आया।⁴⁸ कने जालू जाल्ल भरुई गया, तां मछ्वारे जाल्ले जो खिंज्जी

करी किनारे जो लेई आये, कने बेईकरी खरियाँ-खरियाँ मच्छियां जो भांडयां च पाया कने बेकार-बेकार सुटी दितियां। 49 संसारे दे अंत च इयां ही होणा है; स्वर्गदूते आई करी बुरे लोकां कने धर्मियां जो लग करणा, 50 कने बुरे लोकां जो अग्गी दे कुण्डे च पाणा। ओथु उना रोणा कने दंद पीणे न।”

॥॥॥॥॥॥॥ ॥॥॥ ॥॥॥॥॥॥ ॥॥॥॥॥॥ ॥॥ ॥॥॥॥॥॥

51 “तुसां क्या ऐ सारियां गल्लां समझी गे?” उना उसला बोलया, “हाँ।” 52 उनी उना ने बोलया, “ताई तां हर इक व्यवस्था जो सिखाणे बाला जड़ा स्वर्गे दे राज्य दा चेला बणया है, उस ग्रहस्थ दे साई है जड़ा अपणी पराणियां कने नोइयां चिजां जो अपणे भंडारे ला कडदा है जिथू सै दुजयां दिया मदद करणे ताई उना जो गठेरदा।”

॥॥॥॥॥ ॥ ॥॥॥॥॥॥ ॥॥ ॥॥॥॥॥॥॥
(॥॥॥॥ 6:1-6; ॥॥॥॥ 4:16-30)

53 जालू यीशु सारी कहाणी बोली बैठा, तां ओथु ला चली गया। 54 कने अपणे देशे च आई करी उना दे यहूदी जंज घर च उना जो ऐसा उपदेश देणा लगा; कने सै हेरान होईकरी बोलणा लगगे, “कि इसयो ऐ अकल कने चमत्कारी कम्म करणे दी शक्ति कुथु ला मिली? 55 क्या ऐ तरखाणे दा जागत नी है? कने क्या इदिया माता दा ना मरियम कने इदे भाईयां दे ना याकूब कने यूसुफ कने शमौन कने यहूदा नी न? 56 कने क्या इदियां सारियां बेहणा साड़े बिच नी रेंदिया न? फिरी इनी ऐ सारा कुच्छ कुथु ला सिखया?”

57 इयां उना उदिया बजा ला ठोकर खादी, पर यीशुऐ उना जो बोलया, “परमेश्वरे दा संदेश देणेबालयां दा अपणे ग्रां कने घरे छडी करी, उसयो हर कुथी इज्जत मिलदी है।” 58 कने उनी ओथु उना दे भरोसा नी करणे दिया बजा ला जादा अनोखे कम्म नी किते।

14

॥॥॥॥॥॥॥ ॥॥॥॥॥॥॥॥ ॥॥॥॥॥॥॥॥ ॥॥॥
॥॥॥॥॥

(॥॥॥॥ 6:14-29; ॥॥॥॥ 9:7-9)

1 कने हुण राजा हेरोदेसे यीशुऐ दे कम्मा दी चर्चा सुणी जड़े यीशु करा दा था। 2 कने अपणे सेवकां ने बोलया, “ऐ सेई यूहन्ना बपतिस्मा देणेबाला यूहन्ना है! सै मरयां च जिन्दा होई गया है, ये ही बजा है कि उदे बाल इना चमत्कारां जो करणे ताई परमेश्वर दी शक्ति है!”

3 क्योंकि हेरोदेसे अपणे भाई फिलिप्पुस दी घरे बाली हेरोदियास दिया बजा ला, यूहन्ना जो पकड़ी करी बन्या, कने जेला च पाई दिता था। 4 क्योंकि यूहन्ने

उसयो बोलया था, कि इसा जो रखणा तिजो ताई ठीक नी है।

5 कने सै उसयो मारी देणा चांदा था, पर सै लोकां ला डरदा था, क्योंकि सै उसयो परमेश्वरे दा संदेश देणेबाला मंदे थे। 6 पर जालू हेरोदेस दा जन्म दिन आया, तां हेरोदियास दिया कुड़िया त्योहारे च नची करी हेरोदेसे जो खुश किता। 7 इसा गल्ला पर उनी कसम खाई करी बचन दिता, कि जड़ा कुच्छ तू मंगगी, सै मैं तिजो दिंगा। 8 उना अपणिया माता दे बहकावे च आई करी बोलया, “यूहन्ना बपतिस्मा देणेबाले दा सिर थालिया च रखीकरी मिंजो ऐथू मंगबाई दे।” 9 ऐ सुणीकरी राजा बड़ा उदास होया, पर अपणिया कसमां, कने सोगी बोणे बालयां दिया बजा ने, हुकम दिता, कि यूहन्ना दा सर इसा जो देई दिया। 10 राजे इक सिपाइऐ जो हुकम दिता, कि जेला च जा, कने यूहन्ना दा मुंड बड्डी करी उदे बाल लेईकर आ। 11 सिपाइऐ जेला च जाई करी उदा सिर कटया, कने इक थालिया च रखीकरी लेई आया कने उसा कुड़िया जो देई दिता, कने कुड़िया अपणिया माता जो देई दिता। 12 तालू यूहन्ना दे चेलयां उदिया लाशा जो ले जाई करी दबाई दिता, कने जाई करी यीशुऐ जो खबर दिती।

॥॥॥ ॥॥॥ ॥॥॥॥॥॥ ॥॥ ॥॥॥॥॥॥॥
(॥॥॥॥ 6:30-44; ॥॥॥॥ 9:10-17; ॥॥॥॥॥॥॥
6:1-14)

13 जालू यीशुऐ ऐ सुणा, तां किस्तिया च चढी करी ओथु ला कुसी सुनसान जगा जो, एकांत च चली गया; कने लोक ऐ सुणीकरी शेहरे-शेहरे ला पैदल चली करी उदे पिच्छे चली गे। 14 उनी निकली करी मते भरे लोकां दी भीड़ दिखी, कने उना पर तरस खादा, कने उनी उना चे जड़े मरीजां जो ठीक किता।

15 जालू संज होई, तां उदे चेलयां उदे बाल आई करी बोलया, “ऐ तां सुनसान जगा है, कने देर होआ दी है; कने लोकां जो भेजी दिया ताकि सै ग्रां च जाई करी अपणे ताई खांणा खरीदी लेन।”

16 पर यीशुऐ उना जो बोलया, “उना दा जाणा जरूरी नी है। तुसां ही इना जो खाणे जो दिया।” 17 उना उसला बोलया, “साड़े बाल ऐथू पंज रोटियां कने दो मच्छियां जो छडी करी होर कुच्छ नी है।” 18 उनी बोलया, “उना जो ऐथू मेरे बाल लेई ओआ।” 19 तालू उनी लोकां जो घाए पर बोणे जो बोलया, कने उनी सै पंज रोटियां कने दो मच्छियां लियां; कने स्वर्गे पासे दिखीकरी धन्याबाद किता, कने रोटियां तोड़ी-तोड़ी करी चेलयां जो दितियां, कने चेलयां लोकां जो। 20 सारे खाई करी रजी गे। कने जालू रोटी खायी बैठे तालू चेलयां बाकी बचियां रोटियां कने मच्छियां गिठेरेइयां कने उसला बाहरा टोकरियां

भरुई गियां। 21 कने खांणे बाले चे जनानिया कने बचयां जो छडी करी लगभग पंज हजार मर्द थे।

ⓂⓂⓂⓂⓂ ⓂⓂ ⓂⓂⓂⓂⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂⓂ 6:45-52; ⓂⓂⓂⓂⓂⓂⓂⓂ 6:16-21)

22 कने उनी तोले-तोले अपणे चेलयां जो किस्तिया पर चढ़ने ताई बोलया, ताकि सै उसला पेहले पार पुज्जी जान, तालू दीकर कि मैं लोकां जो भेजी करे। 23 सारे लोकां जो भेजणे बाद, यीशु पहाड़े पर प्राथना करणे ताई गिया; संझा जो सै ओथु किल्ला था। 24 उस बेले किस्ति झिल्ला बिच लेहरां ने डगमगा दी थी, क्योंकि होआ सामणे ला ओआ दी थी। 25 कने तां भयागा तड़के यीशु झिल्ला पर चली करी उना बाल आया। 26 पर जालू चेलयां उसयो झिला पर चलदे दिखया, तां से घबराईं गे, कने बोलणा लगगे कि, “भुत है ऐ!” 27 पर यीशुऐ उना ने झट गल्लां कितियां कने बोलया, “हिम्मत रखा, डरा मत, मैं यीशु है।”

28 पतरसे उसयो जबाब दिता, “हे प्रभु, अगर तू है, तां तू मिंजो अपणे बाल पाणिऐ पर चली करी ओणे दा हुकम दे।” 29 उनी बोलया, “आ।” तालू पतरस किस्तिया ला उतरी करी यीशुऐ पासे चलणा लगगा। 30 पर होआ जो महसूस करी डरी गिया, कने जालू डूबणा लगा तां चिलाई करी बोलया, “हे प्रभु, मिंजो बचा।” 31 यीशुऐ झट हथ गां करी के उसयो थमी लिया, कने उसला बोलया, “हे घटविश्वासी, तू कजो शक किता?” 32 जालू सै किस्तिया पर चढ़ी गिया, तां होआ भी रुकी गई। 33 इसा गल्ला पर जड़े किस्तिया पर थे, उना उसयो झुकी करी नमस्ते करी के बोलया, “सच्ची, तू परमेश्वरे दा पुत्र है।”

ⓂⓂⓂⓂⓂⓂⓂ Ⓜ ⓂⓂⓂⓂⓂⓂⓂ ⓂⓂ ⓂⓂⓂⓂ ⓂⓂⓂⓂⓂ
(ⓂⓂⓂⓂⓂ 6:53-56)

34 सै पार उतरी करी गन्नेसरत प्रदेश दे कन्डै पुज्जे। 35 कने ओथु दे लोकां उसयो पछेणी लिया कने अखे-बखे दे सारे देशे च बोली भेजया, कने सारे बिमारां जो उदे बाल लेई आये। 36 कने उसने बिनती करणा लगगे कि सै सिर्फ अपणे कपड़यां जो छुणा दे, कने जितणे भी छुंदे थे, सै सारे ठीक होई जांदे थे।

15

ⓂⓂⓂⓂⓂ ⓂⓂⓂⓂⓂⓂⓂ ⓂⓂⓂⓂⓂ ⓂⓂⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂⓂ 7:1-23)

1 तालू यरूशलेम ला कुछ फरीसी कने व्यवस्था जो सिखाणे बाले यीशुऐ बाल आई करी बोलणा लगगे, 2 “तेरे चेले पूर्वजां दे रीती रिबाजां जो कजो टालदे न, कि बिना हथ धोतयो रोटी खादे न?” 3 यीशुऐ उना जो जबाब दिता, “तुसां अपणे बणायो नियमा दिया बजा

ला कजो परमेश्वरे दे हुकमे जो टालदे न?” 4 क्योंकि परमेश्वरे बोलया है, “कि अपणे माता पिता दा आदर करा, कने जड़ा कोई अपणे माता पिता जो श्राप दिगा, सै पक्का मारी देणा।” 5 “पर तुसां लोकां जो इजाजत दिन्दे न की, अपणे माता-पिता जो ऐ बोली दिया कि जड़ा कुछ मैं तुहांजो देणा था, सै मैं परमेश्वर जो देणे दी कसम खादियो है।” 6 तां सै अपणे पिता दा आदर नी करदा है, इयां ही तुसां भी अपणे रीती रिबाजा दिया बजा ला परमेश्वरे दा हुकम तोड़ी दितया है। 7 यशायाह तुहाड़े बारे च ठीक बोलया था, जिनी पबित्र शास्त्र च तुसां कपटियां दे बारे च लिखया है, 8 “कि ऐसे लोक गल्लां ने तां मेरा आदर करदे न, पर इना दे मन मिंजो ला बड़े दूर न। 9 कने ऐ बेकार ही मेरी भक्ति करदे न, क्योंकि माणुऐ दे तरीकियां जो धर्म उपदेश बणाई करी सिखांदे न।”

ⓂⓂⓂⓂⓂⓂⓂ ⓂⓂⓂⓂⓂ ⓂⓂⓂⓂⓂⓂⓂⓂ ⓂⓂⓂⓂⓂⓂⓂ
(ⓂⓂⓂⓂⓂ 7:14-23)

10 कने यीशुऐ लोकां जो अपणे बाल सदीकरी उना ने बोलया, “सुणा, कने समझा। 11 जड़ा मुऐ च जांदा है, सै माणुऐ जो अशुद्ध नी करदा है, पर जड़ा मुऐ ला निकलदा है, सै माणुऐ जो अशुद्ध करदा है।” 12 तालू चेलयां आई करी बोलया, “क्या तिजो ऐ पता है कि फरीसियां ऐ बचन सुणीकरी ठोकर खादी?” 13 उनी जबाब दिता, “हर इक बूटा जड़ा मेरे स्वर्गीय पिता नी लाया है, सै पुटुई जाणा है।” 14 “उना जो जाणा दिया; सै रस्ता दसणे बाले अन्ने न, कने अगर अन्ना अन्ने जो रस्ता दसे, तां दोनो खड्डे च पोणा है।”

15 ऐ सुणीकरी पतरसे उसला बोलया, “ऐ कहाणी सांझो समझाई दे।” 16 उनी बोलया, “क्या तुसां भी हले दीकर नी समझे?” 17 “क्या तुहांजो पता नी है, कि जड़ा कुछ मुऐ च जांदा है सै पेटे च पौंदा है, कने संडास ने बाहर निकली जांदा है? 18 पर जड़ा कुछ मुऐ ला निकलदा है, सै मने ला निकलदा है, सै ही माणुऐ जो अशुद्ध करदा है। 19 क्योंकि बुरे बिचार, मारणा, परस्त्रीगमन, व्यभिचार, चोरी, झूठी गवाई कने निंदा मने ला ही निकलदे न। 20 ऐ ही है जड़े माणुऐ जो अशुद्ध करदे न, पर बिना हथ धोतयो खांणा खाणां माणुऐ जो अशुद्ध नी करदा है।”

ⓂⓂⓂⓂⓂⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂ
(ⓂⓂⓂⓂⓂ 7:24-30)

21 यीशु ओथु ला निकली करी, सूर कने सैदा दे देशां जो चली गिया। 22 उस देशे ला इक कनानी जनानी आई, कने जोरे-जोरे ने बोलणा लगी, “है प्रभु। दाऊदे दी ओलाद, मिंजो पर दया कर, मेरिया कुडिया जो बुरी

है। 15 यीशुए उना जो बोलया, “पर तुसां मिंजो क्या बोलदे न?” 16 शमौन पतरसे जबाब दिता, “तू जिंदे परमेश्वरे दा पुत्र मसीह है।” 17 यीशुए उसयो जबाब दिता, “हे शमौन, योना दे पुत्र, तू धन्य है; क्योंकि मासे या खूने नी, पर मेरा पिता परमेश्वर जड़ा स्वर्गे च है, उनी ऐ गल्ल तिजो पर प्रगट कितियो है। 18 कने मैं भी तिजो ने बोलदा है, कि तू पतरस है, कने मैं इसी पथरे पर अपनी कलीसिया बणाणी, कने अधोलोक दे फाटक उदे पर प्रबल नी होणे।” 19 “मैं तिजो स्वर्गे दे राज्य दियां चाबियां दिंगा: कने जड़ा कुछ तू धरतिया पर बणांगा; सै स्वर्गे च भी बणना, कने जड़ा कुछ तू धरतिया पर खोलगा, सै स्वर्गे पर भी खुलणा।” 20 तालू उनी चेलयां जो समझाया कि, “कुसी ने भी मत बोलदे कि, मैं मसीह है।”

२२२२२२ २२२२ २२ २२२२ २ २२२२२ २२
२२२२२२२२२२२२
(२२२२ ८:३१-३३; २२२२ ९:२२)

21 उस बेले यीशु चेलयां जो दसणा लगा, “मिंजो जरूरी है कि मैं यरूशलेम जां, कने यहूदी अगुवे, बड्डे याजकां, कने यहूदी व्यवस्था जो सिखाणे बालयां दे हथां ला मते दुख झेलें, कने सै मिंजो मारी देन, कने फिरी मैं तिन्ना रोजां बाद मरयां चे जिन्दा होई जां।” 22 पतरस यीशुए जो बखिया लेई गया कने इसा गल्ला पर झिडकणा लगगा, “है प्रभु, परमेश्वर ना करे। कि तिजो पर कदी ऐसा होऐ।” 23 उनी मुड़ी करी पतरसे जो बोलया, “शैताने सांई कम्म करणा बंद कर! मेरे सामणे ला दूर होई जा! क्योंकि तू परमेश्वरे सांई नी, पर तू माणुए सांई सोचा दा है।”

२२२२२२ २२ २२२२२२२ २२२२ २२ २२२२२
(२२२२ ८:३४-९:१; २२२२ ९:२३-२७)

24 यीशुए भिड़ा जो अपने चेलयां समेत अपने बाल सदीकरी बोलया, “जड़ा कोई मेरा चेला बनणा चांदा है, उसयो अपणिया शरीरे दियां इच्छां कने जड़ियां तरकिबां बणाईयां उना जो छुडी करी! मिजों तांई मरणे जो तैयार रैणा पोणा, सेई मेरा चेला बणी करी मिजों पिच्छे चली सकदा है।” 25 कोई माणु ऐसा नी करगा कने अपने प्राणा जो बचाणा चांहगा, उनी परमेश्वर सोगी आत्मिक जिन्दगी जिणे दा मोका गबाई देणा है। पर जड़ा माणु मिजों पर भरोसा करगा कने मेरे शुभसमाचार दिया बजा ने मरगा उस माणुए जो परमेश्वरे सोगी सदा तांई दी जिन्दगी मिलणी। 26 अगर तुसां संसारे दा सब कुछ पाई लेंगे कने परमेश्वरे सोगी सदा दी जिन्दगी जिणे दा मोका गबाई दिंगे, तां उदा क्या फायदा? इक माणु परमेश्वरे जो क्या देई सकदा है, जड़ा उदी सदा

दी जिन्दगी खरिदगा? कुछ नी! 27 मैं, माणुए दे पुत्रे अपने स्वर्गदूते सोगी अपने पिता दिया महिमा च ओणा है, कने उस बेले उनी हर इकी जो उदे कम्मा दे अनुसार उसयो फल देणा है। 28 मैं तुसां ने सच्च बोलदा है, “कि जड़े ऐथू खड़ोतयो न, उना चे केई ऐसे न, कि जालू दीकर मिंजो, माणुए दे पुत्रे जो उदे राज्य च ओदे नी दिखी लेन, तालू दीकर मौता दा स्वाद नी चखणा है।”

17

२२२२२२ २२ २२२२२२२२२२
(२२२२ ९:२-१३; २२२२ ९:२८-३६)

1 छे रोजां बाद यीशुए पतरस कने याकूब कने उदे भाई यूहन्ना जो सोगी लिया, कने उना जो एकांत च कुसकी उच्चे पहाड़े पर लेई गया। 2 कने उना दे सामणे यीशुए दा रूप बदलुई गया। कने उदे कपड़े चमकदार सफेद होई गे, 3 तालू उना तिन्ना चेलयां, परमेश्वरे दा संदेश देणेबाले मूसा कने एलिय्याह जो, जड़े बड़े पेहले जिन्दा थे उना जो यीशुए सोगी गल्लां करदे दिखया। 4 इसा गल्ला पर पतरसे यीशुए जो बोलया, “प्रभु जी, साड़ा ऐथू रेंणा ठीक है, इस तांई असां ऐथू तीन तम्बू बणादे न, इक तेरे तांई, इक मूसा तांई, इक एलिय्याह तांई।” 5 पतरस बोला दा ही था, तालू इक चमकीला बदल आया कने उना जो अपनी छाया ने ढकी लिया, बदले च परमेश्वरे जो बोलदे सुणया, “कि ऐ मेरा प्यारा पुत्र है, कने मैं इसला खुश है, कने जड़ा ऐ बोलदा है उसयो ध्याने ला सुणा।” 6 चले ऐ सुणी के मुए भार पेई गे, कने बड़े डरी गे। 7 यीशुए उना जो बखे आई करी छुता, कने बोलया, “उठा कने डरा मत।” 8 तालू उना अपने चारो पासे नजर मारी, तां मूसा कने एलिय्याह ओथु नी थे, कने उना जो सिर्फ यीशु ही मिल्ला।

9 जालू यीशु कने उदे तिन्न चले पहाड़े ला उतरा दे थे, तालू यीशुए उना जो हुकम दिता कि, “कुसी जो भी मत दसदे कि तुसां क्या दिखया जालू दीकर मैं, माणुए दा पुत्र मरयां चे जिन्दा ना होई जा।” 10 कने चेलयां उसला पुछया, “मूसा दी व्यवस्था जो सिखाणे बाले यहूदी गुरु कजो बोलदे थे मसीहा ला पेहले एलिय्याह ओणा था? अगर ओणा था, तां हाली दिकर कजो नी आया सै?” 11 यीशुए उना जो जबाब दिता, “ऐ तां सच्च है कि एलिय्याह पेहले आई करी सब कुछ सुधारणा है।” 12 पर मैं तुसां ने बोलदा है, “एलिय्याह ता पेहले ही आई चुकया था, कने लोकां उसयो नी पछेणया; पर जियां सै करणा चांदे थे तियां ही उदे सोगी किता। इसी तरीके ने ही माणुए दे पुत्रे जो भी उना दे हथे ला दुख होणे

पाहड़े पर जाई करी, उसा गवाचिया जो नी तोपगा?”
 13 “कने अगर ऐसा हो कि सै भेड उसयो मिली जाए, तां मैं तुसां ने सच्च बोलदा है, कि उनी निन्यानबे भेडां ताई इतणा खुश नी होणा, जितणा कि इसा भेडां ताई होणा।
 14 तियां ही तुहाड़ा पिता जड़ा स्वर्गे च है उदी इच्छा नी है, कि इना छोटयां चे इक भी खत्म होऐ।”

?????????? ?? ?????? ??????????

15 “अगर तेरा मसीह भाई तिजो ने कोई जुल्म करे, तां जा कने उस सोगी किल्ले च गल्ल बात करिके समझा; अगर सै तेरी सुणे ले कने अपणी गलती मन्नी ले, तां तू अपणे मसीह भाईऐ जो बापिस पाई लिया।”
 16 कने अगर सै नी सुणे, तां इक दो जणे होर लेई जा सोगी, क्योंकि मूसा दिया व्यवस्था दे अनुसार, “हर इक आरोप जो दो या उसला जादा गबाह ला सही साबित करणा चाईदा।”
 17 अगर सै उना दी भी नी मन्ने, तां तू कलीसिया ने बोली दे, पर अगर सै कलीसिया ने भी नी मन्ने, तां तू उसयो जियां तुसां होर जातियां सोगी व्यवहार करदे न, तियां ही उसयो कलीसिया ला कडी दिया।

?????? ???? ?????? ??????

18 “मैं तुसां ने सच्च बोलदा है, जड़ा कुछ तुसां धरतिया पर बणाणा है, उनी सै स्वर्गे च भी बणाणा है कने जड़ा कुछ तुसां धरतिया पर खोलणा है, सै स्वर्गे च भी खोलणा है।”
 19 मैं तुसां ने फिरी बोलदा है, अगर धरतिया पर तुसां चे दो जणे कुसा गल्लां ताई इक मन होईकरी मंगगे, तां सै उना ताई मेरे पिता दिया तरफा ला जड़ा स्वर्गे च है होई जाणी।
 20 “क्योंकि जिथू दो या तीन मेरे नाऐ ने गिठे होंदे न ओथु मैं उना बिच होंदा है।”

???? ?? ?????? ?????? ?????????? ?? ?????????

21 तालू पतरसे बखे आई करी, उसयो बोलया, “प्रभु जी, अगर मेरा मसीह भाई जुल्म करदा रे, तां मैं उसयो कितणी बरी माफ करे, क्या सत बरी दीकर?”
 22 यीशुऐ उसयो बोलया, “मैं तिजो ने ऐ नी बोलदा, कि सत बरी नी, पर तिजो उसयो माफ करी देणा चाईदा।”

23 “इस ताई स्वर्गे दे राज्य उस राजे साई न, जड़ा अपणे सेवकां ला लेखा लेणा चांदा था।
 24 जालू सै लेखा लेणा लगगा, तां इकी बंदे जो उदे सामणे लांदा सै दस हजार सोने दे सिकयां दे बोरे दा कर्जदार था।”
 25 कने उदे बाल बापस करणे ताई कुछ भी नी था, तां उदे मालिके बोलया, कि ऐ कने इदी घरे बाली कने बाल-बच्चे कने जड़ा कुछ भी इदा है सै सब कुछ बेची दिया, कने कर्ज चुकाई दिया।
 26 इसा गल्ला पर उनी सेवके

पैरां च पेईकरी नमस्ते किते, कने बोलया, हे मालिक, सबर रख, मैं सारा कुछ भरी दिंगा।
 27 तालू उदे मालिके उस पर तरस खाई करी उसयो छडी दिता, कने उदा कर्ज भी माफ करी दिता।
 28 पर जालू सै सेवक बाहर निकलया, तां उसयो इक सोगी कम्म करणे बाला साथी मिला, जिनी उसला सो दीनारां (सो दीनार: सो चांदी दे सिक्के) दा कर्ज लिया था; उनी उदा गला पकड़ी करी उसयो बोलया, जड़ा कुछ तेरे पर कर्ज है उसयो भरी दे।

29 उदे साथी सेवके उदे पैरां पेईकरी, उसने बिनती करणा लगा; कि सबर रख मैं सारा भरी दिंगा।
 30 पर सै नी मनया, कने उनी जाई करी उसयो जेला च पाई दिता, ताकि जालू दीकर सै कर्ज नी भरगा, तालू दीकर ओथु ही रे।
 31 कने उदे साथी सेवक ऐ दिखीकरी बड़े उदास होऐ, कने जाई करी ऐ सारा हाल अपणे मालिके ने सुणाई दिता।”
 32 तालू उदे मालिके उसयो सदीकरी बोलया, “हे दुष्ट सेवक, तू जड़ी मिंजो ने बिनती किती थी, तां मैं तेरा सारा कर्ज माफ करी दिता।
 33 इस ताई जियां मैं तिजो पर दया किती थी, तियां ही तिजो भी अपणे साथी सेवके दा कर्ज माफ करी देणा चाईदा था?”
 34 कने उदे मालिके गुस्से च आई करी उसयो सजा देंगे बाले दे हथे देई दिता, ताकि जालू दीकर सै सारा कर्ज नी भरगा, तालू दीकर उना दे हवालै रे।

35 “इयां ही अगर तुसां चे हर कोई अपणे मसीह भाई जो मने ला माफ नी करगा, तां मेरा पिता जड़ा स्वर्गे च है, उनी तुसां जो भी माफ नी करणा।”

19

?????? ?? ?????? ? ?????????? ?? ??????????
 (?????? 10:1-12)

1 जालू यीशु ऐ गल्लां बोली बैठा, तां गलील प्रदेशे ला चली गया; सै यहूदिया प्रदेशे ला निकले कने यरदन खड्डा दे दुज्जे पासे चली गे।
 2 कने मते भरी लोक उदे पिच्छे चली पे, कने ओथु यीशुऐ उना सारयां जो ठीक कित।

3 तालू फरीसी उदे बाल आए कने उसयो परखणे ताई उसला पुछया, “क्या हर इक छोटिया बजा ला अपणिया घरे बाली जो छडी देणा ठीक है?”
 4 उनी जबाब दिता, “तुसां क्या पढया नी है, कि जिनी उना जो बणाया है, उनी शुरू ला ही नर कने नारी बणाई करी, बोलया।
 5 इस बजा ला माणुऐ अपणे माता-पिता ला लग होईकरी अपणिया घरे बालिया सोगी रेणा, कने इना दोनो इक तन होणा?
 6 कने सै दोनो हुण इक तन न, क्योंकि हुण सै दो जणे नी, पर इक माणुऐ साई न। इस

* 18:24 18:24 इक तोड़ा पन्द्रा सालां दी दिहाड़िया दे बराबर है।

ताई उसा जनानिया कने मर्दे जो बख नी करणा चाईदा जिना जो परमेश्वरे बियाह दे बंधना च बनया है।”

7 उना यीशुए ने बोलया, “फिरी मूसा ऐ कजो बणाया, कि उसा जो तलाक देईकरी छडी दिया?” 8 यीशुए उना ने बोलया, “मूसा तुहाड़े मने दिया कठोरता दिया बजा ला तुहांजो अपणिया घरे बालिया जो छडी देंगे दा हुकम दिता, पर शुरू च ऐसा नी था। 9 मैं तुसां ने बोलदा है, कि जड़ा कोई व्यभिचार जो छडी करी कुसा होरसी बजा ने अपणिया घरे बालिया जो छडी करी दुईया ने बियाह करे, तां सै व्यभिचार करदा है।”

10 चेलयां उसने बोलया, “अगर मरदे दा जनानिया सोगी ऐसा रिश्ता है, तां बियाह नी करणा ही ठीक है।” 11 उनी उना ने बोलया, “सारे ऐ बचन ग्रहण नी करी सकदे, सिर्फ सै ही जिना जो परमेश्वरे इस तरीके ने जिन्दगी जिणे दी शक्ति दितयो है। 12 क्योंकि कुछ नपुंसक ऐसे न जड़े माऊ दे पेटे ला ही ऐसे न; कने कुछ नपुंसक ऐसे न, जिना जो माणुआं नपुंसक बणाया है: कने कुछ नपुंसक ऐसे न, जिना अपणे आपे जो स्वर्गे दे राज्य ताई नपुंसक बणाया है, जड़े इसयो समझी सकदे न, सै समझी लिया।”

????? ?? ???????????

(????? 10:13-16; ?????? 18:15-17)

13 तालू लोक बचयां जो उदे बाल लेईकरी आए, ताकि सै उना पर हथ रखे कने प्राथना करे; पर चेलयां उना जो झिड़कां दीतियां। 14 यीशुए बोलया, “बचयां जो मना मत करा कने इना जो मेरे बाल ओणा दिया, जड़े इना बचयां साईं भरोसेमदं न उना स्वर्गे दे राज्य च रेणा।” 15 कने सै उना पर हथ रखीकरी, ओथु ला चली गया।

????? ?????? ??? ?????????? ?? ???????????

(????? 10:17-31; ?????? 18:18-30)

16 इक माणुए यीशुए बाल आई करी बोलया, “गुरु जी, मैं कुण दिया भला कम्म करे, ताकि मिंजो हमेशा दी जिन्दगी मिल्ले?” 17 यीशुए उसयो बोलया, “तू मिंजो ला भलाईया दे बारे च कजो पूछा दा है? भला ता इक ही है; पर अगर तू हमेशा दिया जिन्दगिया च प्रवेश करणा चांदा है, तां तू हुकमा जो मना कर।” 18 उनी उसला पुछया, “कुण दे हुकम?” यीशुए बोलया, “ऐ कि हत्या नी करणी, व्यभिचार नी करणा, चोरी नी करणी, झूठी गबाई नी देंगी; 19 अपणे माता पिता दी इज्जत करणी, कने अपणे पड़ोसियां सोगी अपणयां साईं प्यार रखणा।” 20 उनी मुंडे यीशुए जो बोलया, “इना सारियां गल्लां जो तां मैं मनदा है, हुण मिंजो च कुसा गल्लां दी कमी है?” 21 यीशुए उसयो बोलया, “अगर तू सिद्ध

होणा चांदा है, तां जा कने जड़ा कुछ तेरा है उसयो बेची करी गरीबां जो देई दे, तां तिजो स्वर्गे दा धन मिलणा, इयां करणे बाद आ कने मेरा चेला बणिया।” 22 पर ऐ गल्ल सुणीकरी उस जवान मुंडे दे चेहरे पर उदासी छाई गेई, कने सै दुखी होइ करी चली गया, क्योंकि सै बड़ा भरी अमीर था।

23 तालू यीशुए अपणे चेलयां जो बोलया, “मैं तुसां ने सच्च बोलदा है, कि अमीरां दा स्वर्गे दे राज्य च जाणा बड़ा मुशकिल है। 24 ऊंटे दा सुइया दे नके चे निकलना असान है, पर अमीरां दा परमेश्वरे दे राज्य च जाणा बड़ा भरी मुशकिल है। 25 ऐ सुणीकरी चले बड़े हेरान होईकरी बोलया, तां कुण अपणे पापां दी सजा मिलणे ला बची सकदा है?” 26 यीशुए उना दे पासे दिखीकरी बोलया, “जड़ा माणु नी करी सकदे, पर परमेश्वरे सब कुछ करी सकदा है।”

27 तालू पतरसे यीशुए जो बोलया, “दिख, असां तां सारा कुछ छडी करी तेरे पिच्छे आयो न: तां सांझो क्या मिलणा है?” 28 यीशुए उना जो बोलया, “मैं तुसां ने सच्च बोलदा है, कि नोए संसारे च जालू माणुए दे पुत्रे अपणिया महिमा दे सिंहासने पर बांणा है, तां तुसां भी जड़े मेरे पिच्छे आयो न, बाहरां सिंहासना पर बेईकरी इस्राएले दे बाहरां गोत्रों दा नयाय करणा है।” 29 “कने जिनी घरां जो या भाई, बेहणा जो या माता-पिता जो या बाल-बचयां जो या खेतरां जो मेरे नाए ताई छडी दितया है, उसयो सो गुणा मिलणा, कने सै हमेशा दिया जिन्दगिया दा अधिकारी होणा।

30 पर मते लोक जड़े हुण महान कने अगगे न, उसी बकते सै पीच्छे होणे, कने जड़े पीच्छे न, सै उसी बकते पेहले होणे न।”

20

????? ?? ??????????? ?? ??????????

1 स्वर्गे दा राज्य इसा कहाणिया साईं है, इक जमींदार था, सै ब्यागा निकलया, ताकि अपणे अंगूरा दे बागे च कम्म करणे ताई मजदुरां जो लगां। 2 कने उनी मजदुरां ने इक रोज कम्म करणे ताई इक मजदूरी रखी, अपणे अंगूरा दे बागे च कम्म करणे ताई भेजया।* 3 फिरी कोई नौ कि बजे ब्यागा निकली करी, होर लोकां जो बजारे च बेकार खडुतयो दिखया, 4 कने उना जो बोलया, “तुसां भी अंगूरा दे बागे च जा, कने जड़ा ठीक है, सै तुहांजो दिंगा।” तां सै भी कम्म करणे ताई गे। 5 फिरी उनी दोपहर कने संझा तिन्न बजे भी निकली करी तियां ही किता। 6 कने लगभग पंज कि बजे निकली करी होरां

* 20:2 20:2 इक रोजे दी दिहाड़ी इक दीनार दे बराबर

जो खड़ोतया दिखया, कने उना जो बोलया, “तुसां कजो ऐथू दिन भर बेकार खड़ोई रेंदे?” उना उसया बोलया, “इस ताई, कि कुनी भी सांझो मजदूरिया च नी लाया।”
7 उनी उना जो बोलया, “तुसां भी अंगूरा दे बागे च कम्म करणा जा।”

8 संझा जो अंगूरा दे बागे दे मालिके अपणे भण्डारिये जो बोलया, “मजदुरां जो सदीकरी जड़े सारयां ला आखिर च आयो उना ला लेईकरी जड़े सारयां ला पेहले कम्म करणा आयो मजदुरां जो उना दी मजदूरी देई दे।”
9 जालू सै आए जड़े पंज बजे कम्मे पर लगयो थे, तां उना जो इक दिने दी दिहाड़ी इक दीनार मिली।
10 जड़े पेहले आयो थे उना ऐ समझया, कि सांझो जादा मिलणा पर उना जो भी इक दिने दी दिहाड़ी इक दीनार ही मिली।
11 जालू उना जो इक दीनार मिला, तां सै घरे दे मालिके उपर बुड़बुडाणे लगगे।
12 कि जड़े संझा दे पंज बजे आये कने इक ही घंटा कम्म किता, तू उना जो भी उतनी ही दिहाड़ी दिती जितनी तू सांझो दिती, असां दिन भर भार चुक्या कने धुप खादी? 13 तालू बगीचे दे मालिके उना चे इकी जो जबाब दिता, “कि हे मित्तर, मैं तिजो ने कोई गलत नी करा दा। क्या मैं तिजो पुरे दिन कम्म करणे दा इक दीनार नी बोलया था? 14 जड़ी दिहाड़ी तेरी है, सै ले कने चली जा; मेरी मर्जी ऐ है कि जितणा मैं तिजो दें, उतणा ही इस इक घंटा कम्म करणे बाले जो भी दें। 15 मिंजो हक है कि मैं अपणे पैसे जो अपणिया मरजिया ने खर्ची सके। तिजो जलन नी होणा चाईदी कि मैं दुजयाँ ताई दयालु है। 16 पर मते लोक जड़े हुण महान कने अगगे न, उसी बकते सै पीच्छे होणे, कने जड़े पीच्छे न, सै उसी बकते पेहले होणे न।”

[\[20:7-16\]](#) [\[20:17-24\]](#) [\[20:25-34\]](#) [\[20:35-43\]](#)
[\[20:35-43\]](#) [\[20:35-43\]](#)
[\[20:35-43\]](#) [\[20:35-43\]](#)

17 यीशु यरूशलेम शहर जो जादे बले बाहरां चलयां जो एकांत च लेई गया, कने रस्ते च उना ने बोलणा लगा। 18 “दिखा, ध्याने ने सुणा, असां यरूशलेम चलयो न, कने मैं माणुऐ दा पुत्र बड्डे याजकां कने यहूदी व्यवस्था जो सिखाणे बालयां दे हथे पकड़ाया जाणा है, कने उना मिंजो मौत दी सजा देणी है। 19 कने होर जातियां दे हथे देई देणा है। कने उना मेरा मजाक उड़ाणा है, मिंजो पर थुकणा, कने मिंजो कोड़े मारणे, कने मिंजो सूली पर चढ़ाई करी मारी देणा है, कने मैं तिजे दिने मरयां चे जिंदे होई जाणा है।”

[\[20:35-45\]](#) [\[20:35-45\]](#)
[\[20:35-45\]](#) [\[20:35-45\]](#)

20 तालू जब्दी दे पुत्रां दिया माऊ अपणे बचयां सोगी उदे बाल आई करी उसयो नमस्ते किते, कने उसला

कुछ मंगणा लगगी। 21 यीशुऐ उसा जो बोलया, “तू क्या चांहदी है?” उना उसयो बोलया, “ऐ बचन दे, कि मेरे ऐ दोनो पुत्र तेरे राज्य च, इक तेरे सजे पासे कने इक खबे पासे बेई सकन।” 22 यीशुऐ जबाब दिता, “तुसां जो नी पता कि तुसां क्या मंगा दे? हुण जड़े दुख मैं सेहणे न, क्या तुसां उना दुखां जो सेहन करी सकदे न?” उना उसने बोलया, “हाँ करी सकदे न।” 23 यीशुऐ उना जो बोलया, “तुसां भी सारे दुख सेहणे न, जियां मैं सेहणे। पर अपणे सजे कने खबे पासे बटैलना मेरा कम्म नी है, पर जिना ताई मेरे पिता दिया तरफा ला तैयार कितया है, उना ताई ही न।”

24 ऐ सुणीकरी बाकी दसो चले याकूब कने यूहन्ना पर गुस्सा करणा लगगे। 25 तां यीशुऐ उना जो अपणे बाल सदीकरी बोलया, “तुहांजो पता है ना, कि जड़े लोक प्रधान मने जादें थे, सै अपणे अधिकारां दा इस्तेमाल अपणे अधीन लोकां दे उपर हक जमाणे ताई करदे न। उना दे अगुवे लोक अपणी गल्ल मनाने ताई हक जतांदे न। 26 तुसां चे जड़ा महान बणना चांदा है, उसयो बाकियां दी सेवा करणी चाईदी। 27 कने जड़ा कोई तुसां चे प्रधान बणना चांदा हो, सै सारायां दा नौकर बणे। 28 मैं ऐ इस ताई बोलदा है क्योंकि मैं माणुऐ दा पुत्र, इस संसारे च सारयां दी सेवा करणे ताई आया है, मैं इस ताई नी आया कि लोकां ला अपणी सेवा करां। मैं तां लोकां जो पापां ला छुटकारा करणे ताई अपणे प्राण कीमत च देणा आया है।”

[\[20:35-45\]](#) [\[20:35-45\]](#)
[\[20:35-45\]](#) [\[20:35-45\]](#)

29 जालू सै यरीहो शहर ला निकला दे थे, तां इक बड़ी बडी भीड़ उदे पिच्छे चली पेई। 30 दो अन्ने, जड़े सड़का बखे बैठयो थे, ऐ सुणीकरी कि यीशु जा दा है, पुकारी करी बोलणा लगगे, “हे प्रभु, दाऊदे दे बंशज, सांझो पर दया कर।” 31 लोकां उना जो झिड़कां दितियां, कि चुप रिया, पर सै होर भी जोरे ने चीलाई करी बोलणा लगगे, “हे प्रभु, दाऊदे दी ओलाद, सांझो पर दया कर।” 32 तालू यीशुऐ खड़ोई करी, उना जो सदया, कने बोलया, “तुसां क्या चांदे न कि मैं तुहाड़े ताई करे?” 33 उना उसने बोलया, “प्रभु जी, ऐ कि साडियां हखी खुली जान।” 34 यीशुऐ तरस खाई करी उना दियां हखी छूतियां, कने उना जो झट मिलणा लगगी पिया, कने सै उदे पिच्छे चली पे।

21

[\[21:1-11\]](#) [\[21:11-19\]](#)
[\[21:1-11\]](#) [\[21:11-19\]](#)

1 जालू सै यरूशलेम दे बखे पुज्जे कने जैतून रुखां दे पाहड़े पर बैतफगे जगा च आए, तां यीशुए दो चेलयां जो ऐ बोली करी भेजया, 2 “अपणे सामणे बाले ग्रां च जा, ओथु पुजदे ही इक गधी बनियो होणी कने सोगी उसा दा बच्चा भी बनया होणा। उना जो खोली करी मेरे बाल लेई ओआ। 3 अगर कोई तुहांजो ला पुच्छे, कि ऐ क्या करा दे न? तां बोलनयो, कि साडे प्रभु जो इदी जरूरत है, कने उनी माणुए तुसां जो लेई जाणा देणा है।” 4 ऐ इस ताई होया, कि जड़ा बचन परमेश्वरे दा संदेश देणेबाले बोलया था, सै पूरा हो: 5 “सिय्योन दिया कुड़िया ने बोला, दिख, तेरा राजा तेरे बाल ओआ दा है; सै नम्र है, कने गधे पर बैठया है; मतलब कि लादूए दे बच्चे पर बेईकरी ओआ दा है।”

6 चेलयां जाई करी, तियां ही किता, जियां यीशुए उना ने बोलया था। 7 गधी कने उसा दा बच्चा लांदा कने उना पर अपणे कपड़े बछ्छाई दिते, कने यीशु उस पर बेई गया। 8 कने मते लोकां अपणे कपड़े रस्ते च बछ्छाए, कने केई लोकां रुखा जो छ्छांगी करी डालियां रस्ते च बछ्छाईयां। 9 कने थोड़े लोक यीशु दे अगगे-अगगे चलयो थे, कने थोड़े लोक पिच्छे चलयो थे, सै सारे खुशिया ने बोला दे थे, “दाऊदे दे बंशज दी होशाना; धन्य सै जड़ा प्रभु दे नाए ने ओंदा है, स्वर्ग च होशाना।” 10 जालू यीशु यरूशलेम शेहरे च पुज्जा, तां सारे नगरे च हिल पेई गई, कने लोक बोलणा लगगे, “ऐ कुण है?” 11 लोकां बोलया, “ऐ गलीले प्रदेश दे नासरते ग्रां दा परमेश्वरे दा संदेश देणेबाला यीशु है।”

[\[21:15-19; 19:45-48; 2:13-22\]](#)

12 यीशुए परमेश्वरे दे मंदरे च जाई करी व्यपारी लोकां जो मंदरे ला कडी दिता, जड़े ओथु जानवर कने चिजां खरीदणे बचने दा कम्म करा दे थे। कने पेसे बदलने बाले साहुकारां दे मेज पलटी दिते, कने कबुतरां जो बेचणे बालयां दियां चौकियां जो बाहर सुटी दिता। 13 कने यीशुए उना जो बोलया, पबित्र शास्त्र ऐ बोलदा है कि, “लोक मेरे घरे जो प्राथना दा घर बोलदे न, जिथू सारे लोक प्राथना ताई ओंदे न? पर तुसां तां इसयो डाकुआं ने भरईयो गुफा सांई बणाई दितया है।”

14 तालू अन्ने कने लंगड़े, मंदरे च उदे बाल आये, कने यीशुए उना जो खरा करी दिता। 15 पर जालू बड्डे याजकां कने व्यवस्था जो सिखाणे बालयां इना अनोखे कम्मा जो दिखया, जड़े यीशुए किते कने मंदरे च जागतां जो दाऊदे दे बंशजे जो होशाना बोलदे सुणया, तां सै गुस्सा होई गे, 16 कने उसयो बोलणा लगगे, “तू क्या

सुणा दा है कि ऐ क्या बोला दे न?” यीशुए उना ने बोलया, “हाँ; तुसां क्या ऐ कदी नी पढया की: जागतां कने दूध पिंदे बचयां दे मुए ला तू स्तुति कराई?” 17 तालू सै उना जो छ्छडी करी नगरे दे बाहर बैतनिय्याह ग्रां जो गया, कने ओथु रात बिताई।

[\[11:12-14,20-24\]](#)

18 व्यागा जालू सै नगरे जो बापस ओआ दा था, तालू यीशुए जो भूख लगगी। 19 सडका बखे अंजीर दा इक रुख दिखया, कने सै उस बाल गया, कने उस रुखे च पतयां जो छ्छडी करी होर कुछ नी था, उनी उसयो बोलया, “हुण तिजो पर कदी फल नी लगणे न।” कने अंजीरे दा रुख झट सुकी गया। 20 ऐ दिखीकरी चले बड़े हेरान होए, कने बोलणा लगगे, “ऐ अंजीरे दा रुख झट कियां सुकी गया?” 21 यीशुए उना जो जबाब दिता, “मैं तुसां ने सच्च बोलदा है; अगर तुसां भरोसा रखन, कने शक नी करन; तां सिर्फ तुसां ऐ नी करणा जड़ा इस अंजीरे दे रुखे ने किता है, अगर तुसां इस पाहड़े जो भी बोलगे कि ऐथू ला पुटुई जा, कने समुंदरे च जाई पो, तां ऐ होई जाणा।” 22 “कने जड़े कुछ तुसां प्राथना च भरोसे ने मंगगे सै सारा कुछ तुसां जो मिलणा।”

[\[11:27-33; 20:1-8\]](#)

23 सै मंदरे च जाई करी उपदेश करा दा था, तां बड्डे याजकां कने यहूदी व्यवस्था जो सिखाणे बालयां कने यहूदी अगुवे उदे बाल आये कने उसयो पुच्छणा लगगे, “तू ऐ कम्म कुसदे अधिकारे ला करदा है? कने तिजो ऐ हक कुनी दितया है?” 24 यीशुए उना जो जबाब दिता, “मैं भी तुहांजो ला इक गल्ल पुच्छदा है, अगर तुसां मिंजो जबाब दिगे, तां मैं दसगा कि ऐ कम्म मैं कुसी हके ने करदा है। 25 यूहन्ना जो लोकां जो बपतिस्मा देणे तांई कुनी भेजया था? क्या सै परमेश्वरे भेजया था या माणुए? मिंजो दसा।” तालू सै अपु चे बोलणा लगगे कि अगर असां बोलया कि, “परमेश्वर जड़ा स्वर्गे च है उनी भेजया है, तां यीशुए सांझो ला पुच्छणा, कि तुसां युहन्ना पर भरोसा कन्नी किता?”

26 कने अगर बोलन माणुए दिया तरफा ला तां सांझो भीड़ा दा डर है, क्योंकि सै उना लोकां ला डरदे थे, जड़े यूहन्ना जो परमेश्वर दे पासे ला आया इक सच्चा परमेश्वरे दा संदेश देणेबाला मंदे थे। 27 उना यीशुए जो जबाब दिता, “असां नी जाणदे।” यीशुए भी उना जो बोलया, “तां मैं भी तुहांजो नी दसणा, कि ऐ कम्म मैं कुस हके ने करदा है।”

२२ २२२२२२२ २२ २२२२२

28 “तुसां इसा कहाणिया ला क्या सोचदे कने समझदे न? कुसी माणुए दे दो जागत थे; उनी पेहले बाल जाई करी बोलया, अज अंगूरा दे बागे च जाई करी कम्म कर।” 29 उनी जबाब दिता, मैं नी जाणा, पर बादे च उसयो पछताबा होया कने फिरी चली गया। 30 फिरी दुज्जे बाल जाई करी इयां ही बोलया, उनी जबाब दिता, जी हाँ मैं जांदा है, पर सै गया नी। 31 इना दोना चे कुनी परमेश्वरे दी इच्छा पुरी किती है? उना बोलया, “पेहले बाले।” यीशुए उना ने बोलया, “मैं तुसां ने सच्च बोलदा है, कि कर लेणेबाले कने वेश्यां तुहांजो ला पेहले परमेश्वरे दे राज्य च प्रवेश करणा है। 32 मैं ऐ इस ताई बोलया क्योंकि जालू यूहन्ना बपतिस्मा देणेबाले तुहांजो दसया कि कियां सही तरीके ने जीणा है, कने तुसां उदा भरोसा नी किता। पर कर लेणे बालयां कने वेश्यां अपणे पापां जो छडी दिता कने उदा भरोसा किता: कने तुसां ऐ दिखीकरी बादे च भी नी पछताय कि उदा भरोसा करी लेदे।”

२२२२ २२२२२२ २२ २२२२२

(२२२२ 12:1-12; २२२२ 20:9-19)

33 “इक होर कहाणी सुणा: इक माणुए बागे च अंगूर लाये। उनी बागे दे चारों पासे बाड़ लगवाया, कने इक जगा अंगूरा दे रसे जो निचोड़ने ताई बणाई, कने निगरानी रखणे ताई इक उचिया जगा पर कमरा बणाया। फिरी उनी बागे जो कुछ किसाना जो ठेके पर देई दिता, कने परदेस जो चली गया। 34 फिरी जालू अंगूर पक्की गे, तां उनी अपणे नोकरां जो ठेकेदार बाल अपणा अंगूरा दे बागे दा हिस्सा लोंणे ताई भेजया। 35 पर ठेकेदारां उदे नोकरां जो पकड़ी करी, कोई कूटया, कोई मारी दिता; कने केईयां जो पथरा ने मारया। 36 फिरी उनी पेहले ला भी जादा होर नोकरां जो भेजया, कने उना ठेकेदारां उना सोगी भी तियां ही किता। 37 आखरी च उनी अपणे पुत्रे जो उना बाल ऐ सोची करी भेजया, कि उना मेरे पुत्रे दी इज्जत करणी। 38 पर ठेकेदारां पुत्रे जो दिखीकरी अपु चे बोलया कि, ऐ तां वारिस है, ओआ असां इसयो मारी दिन्दे न, कने इदी सारी जगा जमीन साडी होई जाणी। 39 कने उना उसयो पकड़या कने अंगूरा दे बागे ला बार कडी करी मारी दिता।

40 इस ताई कि जालू अंगूरा दे बागे दा मालिक ओंगा तां, तां सै ठेकेदारां सोगी क्या करगा?” 41 उना उसने बोलया, “उनी उना बुरे लोकां जो बुरे तरीके ने खत्म करी देणा; कने अंगूरा दे बागे दा ठेका होर किसाना जो देई देणा, जड़े उसयो बकते पर फल दिंगे।”

42 यीशुए उना ने बोलया, “तुसां क्या कदी पबित्र शास्त्रां च ऐ नी पढ़या: जिस पथरे जो राजमिस्त्रयां

बेकार बोलया था, सै ही पथर कुणे च सिरे दा पथर बणया? ऐ प्रभु दिया तरफा ला होया, पर साड़िया नजरा च अनोखा है।” 43 इस ताई मैं तुसां ने बोलदा है, कि परमेश्वरे दा राज्य तुहांजो ला लेई लेणा है, कने ऐसे लोका जो देई देणा है जड़े सै ही करगे जड़ा परमेश्वर चादां है।

44 “जड़ा इस पथरे पर पोंगा, उदा चूर भुर होई जाणा; जिदे पर सै पथर पोंगा, उसयो पि सड़ना उनी।” 45 बड़डे याजकां कने फरीसी उदिया इसा कहाणिया जो सुणीकरी समझी गे, कि सै साडे बारे च बोला दा है। 46 कने सै उसयो पकड़ना चांदे थे पर लोकां ला डरी गे क्योंकि सै उसयो परमेश्वरे दा संदेश देणेबाला मंदे थे।

22

२२२२२२ २२२२ २२२२ २२ २२२२२

(२२२२ 14:15-24)

1 यीशुए फिरी उना जो कहाणी सुणाई, 2 “स्वर्गे दा राज्य इक कहाणिया साई है, इक राजा था जिनी अपणे पुत्रे दा बियाह किता।” 3 उनी अपणे नोकरां जो भेजया कि जिना जो नियुंद्र दितियो उना लोकां जो बियाह दिया धामा च सदा; पर सै कोई ओणा नी चांदे थे। 4 “फिरि उनी होर नोकरां जो ऐ बोली करी भेजया, कि नियुंद्र दितियो लोकां ने बोला: दिखा मैं धाम तैयार करी दितियो है, कने सारा कुछ तैयार है; कने तुसां बियाये दिया धामा च ओआ। 5 पर सै बहाना लाइ करी चली गे: कोई अपणे खेतरां जो, कोई अपणे कम्म धंधे जो। 6 बाकी लोक जड़े बचा थे उना नोकरां जो पकड़ी करी उना दा अनादर किता कने मारी दिता। 7 जालू राजे ऐ सुणया तालू राजे जो गुस्सा आया, कने उनी अपणी सेना भेजी करी उना हत्यारां जो मरवाया, कने उना दे शेहरे जो फुकी दिता।

8 तालू उनी अपणे नोकरां ने बोलया, बियाये दी धाम तां तैयार है, पर सदयो लोक खाणे जोगे नी न। 9 इस ताई तुसां हर जगा जा, कने जितणे भी लोक तुसां जो मिलन, सबना जो बियाये दिया धामा ताई सदी लोआ। 10 उना नोकरां हर जगा पर जाई करी क्या बुरे, क्या भले, जितणे भी मिल्ले, सब गठेरे; कने बियाये बाला घर परोंणया ने भरुई गया।

11 जालू राजा परोंणया जो दिखणे ताई अंदर आया, तां उनी ओथु इक माणुए जो दिखया, जिनी बियाये ताई खरे कपड़े नी पायो थे। 12 राजे उसला पुछया, है मित्र, तू बिना बियाये दे नोए कपड़े पाई करी ऐथू कजो आया? कने सै चुप होई गया। 13 तालू राजे नोकरां ने बोलया, इदे हथ-पैर बन्नी करी इसयो काल कोठडी च पाई दिया, ओथु उनी रोणा कने, दंद पीणे। 14 क्योंकि परमेश्वरे मते

लोकां जो अपणे बाल सदया है पर थोड़े ही न जड़े चुणयो न।”

ⓂⓂⓂⓂⓂ ⓂⓂ ⓂⓂ ⓂⓂⓂⓂ

(ⓂⓂⓂⓂ 12:13-17; ⓂⓂⓂⓂ 20:20-26)

15 तालू फरीसियां जाई करी अपु चे बिचार किता, कि उसयो कुस तरीके ने गल्लां च फसान। 16 उना अपणे चेलयां जो हेरोदियां सोगी उदे बाल ऐ बोलणे जो भेजया, “गुरू जी, असां जो पता है कि तुसां हमेशा सच्च बोलदे न, कने परमेश्वरे दा रस्ता सच्चाईया ने दसदा है, कने कुदी भी परवाह नी करदे न, क्योंकि तू माणुऐ दा मुऐे दिखीकरी गल्ल नी करदा है। 17 इस ताई सांझो दस कि तू क्या सोचदा है? महाराजा जो कर देणा ठीक है, कि गलत है।” 18 यीशुऐे उना दी बुराई जाणी करी बोलया, “है कपटियों, मिंजो कजो परखदे न?” 19 करे दा सिक्का मिंजो दसा। “तालू सै उदे बाल इक दीनार लेई आये।” 20 उनी, उना ला पुछया, “ऐ आकृति कने ना कुसदा है?” 21 उना उसने बोलया, महाराजा दा। तालू उनी उना जो बोलया, “जड़ा महाराजा दा है, सै महाराजा जो, कने जड़ा परमेश्वरे दा है, सै परमेश्वरे जो दिया।” 22 ऐ सुणीकरी सै हेरान होये, कने उसयो छडी करी चली गे।

ⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂ ⓂⓂⓂ ⓂⓂⓂⓂⓂ

(ⓂⓂⓂⓂ 12:18-27; ⓂⓂⓂⓂ 20:27-40)

23 उसी रोजे सद्की जड़े बोलदे थे कि मरयां दा जिन्दा होणा है ही नी सै यीशुऐे बाल आऐे, कने उसला पुछया, 24 “गुरू जी, मूसा बोलया था, कि अगर कोई बिना ओलादी मरी जा, तां उदा भाई उदिया घरे बालिया ने बियाह करी के अपणे भाई ताई बंश पैदा करे। 25 हुण साड़े ऐथू सत भाई थे; पेहला भाई बियाह करिके मरी गया; कने ओलाद नी होणे दिया बजा ने अपणिया घरे बालिया जो अपणे भाईऐे ताई छडी गया। 26 तां दुऐे भाईऐे उसा ने ही बियाह करी लिया कने से भी बिना ओलादी मरी गया, कने इयां ही तिजे भाई ने होया कने सतां भाईयां उसा ने बियाह किता कने सतो भाई बिना ओलादी मरी गे। 27 सबना दे बाद सै जनानी भी मरी गई। 28 हुण, सांझो दस सतां भाईयां उसा जनानिया ने बियाह कितया था, जालू सै मरणे दे बाद फिरी जिन्दे होंगे, तां सै जनानी कुदी घरे बाली होणी?”

29 यीशुऐे उना जो बोलया, “तुसां दो बजा ने गलत न, तुसां पबित्तर शास्त्र जो नी जाणदे ने जड़ा मरणे दे बाद लोकां जो जिन्दा रेणे दे बारे च दसदा है। तुसां ऐे नी जाणदे कि परमेश्वर बाल मरे होये लोकां जो जिन्दा करणे दी शक्ति है।” 30 क्योंकि जालू उना मरयां चे जिन्दा होणा, तां उना लोका दे बियाह नी होणे; जियां

स्वर्गे च रेणेबाले स्वर्गदूत बियाह नी करदे। 31 “मरयां चे जिन्दा होणे दे बारे तुसां क्या मूसा दिया कताबां च नी पढ़या जड़ा परमेश्वरे तुसां जो बोलया: 32 मैं अब्राहम दा परमेश्वर, कने इसहाक दा परमेश्वर, कने याकूब दा परमेश्वर है? सै मरयां दा नी, पर जिन्दया दा परमेश्वर है।” 33 ऐे सुणीकरी लोक उदे उपदेशे ला हेरान होए।

ⓂⓂⓂⓂⓂⓂ ⓂⓂ ⓂⓂⓂ ⓂⓂⓂⓂ

(ⓂⓂⓂⓂ 12:28-34; ⓂⓂⓂⓂ 10:25-28)

34 जालू फरीसियां सुणया कि यीशुऐे सद्कियां दा मु बंद करी दितया है, तां सै गिठे होए। 35 उना चे इकी यहूदी मूसा दी व्यवस्था जो सिखाणे बाले परखणे ताई, यीशुऐे ला पुछया, 36 “गुरू जी, परमेश्वरे जड़े भी हुकम दितयो न, उना सारयां चे सारयां ला बडा हुकम कुण दिया है?” 37 उनी उना जो बोलया, “तू अपणे प्रभु परमेश्वर ने अपणे सारे तन मन कने सारे प्राण कने अपणिया सारिया अकला सोगी प्यार कर।” 38 सारयां ला बडा कने मुख्य हुकम तां ऐे ही है। 39 कने उस साई ऐे दूजा हुकम भी है, कि तू अपणे पड़ोसियां सोगी अपणे साई प्यार रख। 40 “इना दो हुकमा पर ही सारी व्यवस्था कने भविष्यवाणियां आधारित न।”

ⓂⓂⓂⓂ ⓂⓂⓂⓂ ⓂⓂⓂⓂⓂⓂ ⓂⓂ?

(ⓂⓂⓂⓂ 12:35-37; ⓂⓂⓂⓂ 20:41-44)

41 जालू फरीसी गिठे थे, तां यीशुऐे उना ला पुछया, 42 “मसीह दे बारे च तुसां क्या सोचदे न? सै कुदा पुत्र है?” उना यीशुऐे ने बोलया, “दाऊदे दा बंशज।” 43 यीशुऐे उना ला पुछया, “तां दाऊद आत्मा च होईकरी उसयो प्रभु कजो बोलदा है?” 44 “प्रभुऐे, मेरे प्रभु ने बोलया, मेर सजे पासे बो, जालू दीकर मैं तेरे दुशमणा जो तेरे पैरां हेठ नी करी दें।” 45 “भला, जालू दाऊद ही उसयो प्रभु बोलदा है, तां सै उदा पुत्र कियां होया?” 46 उदे जबाबे च कोई भी कुछ नी बोली सकया। पर उस रोजे ला कुसयो भी फिरी उसला पूछणे दी हिम्मत नी होई।

23

ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂ ⓂⓂⓂ

(ⓂⓂⓂⓂ 12:38-40; ⓂⓂⓂⓂ 11:37-52; 20:45-47)

1 तालू यीशुऐे भिड़ा कने अपणे चेलयां जो बोलया, 2 “फरीसियां कने व्यवस्था जो सिखाणे बालयां जो मूसा दिया व्यवस्था दी व्याख्या करणे दा हक है।” 3 इस ताई सै तुसां ने जड़ा कुछ बोलगे सै तुसां करणा कने मनणा, पर जड़ा सै करदे न सै मत करदे; क्योंकि सै उपदेश दा दिन्दे न पर उना दा पालन नी करदे। 4 सै

अपु अपणी व्यवस्था दा पालन करणे दी कोशिश भी नी करदे । कने ऐसे नियम बणादे न जिना दा पालन करणा बड़ा मुशकिल है ।⁵ सै अपणे सारे कम्म लोकां जो दसणे तांई करदे न: सै अपणिया बांई कने मथे पर पट्टियां बनदे न जिना च पबित्र शास्त्र दे बचन लिखयो होंदे न, कने अपणे कपड़यां दियां झालरां बदांदे न ।⁶ धामा च समानित जगा च बोणा चांदे न, कने यहूदी जंज घर च भी खास-खास आसना पर बोणा पंसद करदे न,⁷ बजारां च सारे लोक उना जो नमस्ते कने सारे उना जो गुरु जी बोलन सै उना जो खरा लगदा है ।

⁸ पर तुसां गुरु मत बणदे, क्योंकि तुहाड़ा इक ही गुरु है: कने तुसां सारे भाई-बेहणा सांई न ।⁹ कने अपणे पिता जो छड़ी करी कुसयो भी धरतिया पर अपणे पिता परमेश्वरे दा आदर मत दिन्दे क्योंकि तुहाड़ा इक ही पिता है, जड़ा स्वर्ग च है ।¹⁰ कने कुसी दे गुरु भी मत बणदे, क्योंकि तुहाड़ा इक ही गुरु है, मतलब कि यीशु मसीह ।¹¹ जड़ा तुसां चे बडा है, सै तुहाड़ा सेवक बणे ।¹² जड़ा कोई अपणे आपे जो बडा बणांगा, सै नम्र करी देणा: कने जड़ा कोई अपणे आपे जो छोट्टा बणांगा, सै बडा करी देणा ।

ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂⓂⓂ ⓂⓂⓂⓂ
ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ
(ⓂⓂⓂⓂ 12:40; ⓂⓂⓂⓂ 11:39-42,44,52;
20:47)

¹³ “हे कपटी व्यवस्था जो सिखाणे बाले कने फरीसियों, तुहांजो तांई बड़ा बुरा होणा है । तुसां लोकां जो स्वर्ग दे राज्य च जाणे दी इजाजत नी दिन्दे, ना तां अपु स्वर्ग च जाणा, कने ना तां स्वर्ग जांणे बालयां जो जांणा दिन्दे न ।”¹⁴ “हे कपटी व्यवस्था जो सिखाणे बालयो कने फरीसियां, तुहांजो तांई बड़ा बुरा होणा है । तुसां धोखे कने वेईमानिया ने विधवां दे घरां दी चिजां पर कब्जा करी लेंदे है । कने लोकां जो दसणे तांई बड़ी देरा दीकर पुराथना करदे न, परमेश्वरे इना जो बड़ी बुरी सजा देणी है ।”

¹⁵ “हे कपटी यहूदी व्यवस्था जो सिखाणे बाले कने फरीसियों, तुहांजो तांई बड़ा बुरा होणा है । तुसां इक जणे जो अपणे भरोसे च लोणे तांई सारियां जगा च दुरे-दुरे दीकर गुमदे फिरदे रेंदे न, कने जालू सै भरोसे च आई जांदा है, तां उसयो अपणे ला दुगणा नरक जाणे जोगा बणाई दिन्दे न ।”

¹⁶ हे अन्ने अगुवाई करणे बालयो, तुहांजो तांई बड़ा बुरा होणा है, कि तुसां सिखांदे न कि अगर कोई मंदरे दी कसम खा तां कोई फरक नी है, पर अगर कोई मंदरे दे सोने दी कसम खा तां उदे तांई कसम पूरी करणा जरूरी होई जांदा है ।¹⁷ है मूर्खो, कने अन्नयो कुण बडा है, मंदरे

दा सोना या सै मंदर जिसला सै सोना पबित्र होंदा है? ¹⁸ कने फीरी तुसां ऐ भी सिखांदे न कि अगर कोई वेदी दी कसम खा तां कुछ फर्क नी है, पर जड़ी भेंट उस पर चढ़ाई है, अगर कोई उसा दी कसम खा तां फर्क पोंदा है ।¹⁹ हे अन्नयो, कुण बडा है, भेंट या वेदी जिसने भेंट पबित्र होंदी है? ²⁰ इस तांई जड़ा वेदी दी कसम खांदा है, सै उदी कने जड़ा कुछ उसा पर है, उदी भी कसम खांदा है ।²¹ कने जड़ा मंदरे दी कसम खांदा है, सै उदी कने उदे च रेणेबाले परमेश्वरे दी भी कसम खांदा है ।²² कने जड़ा स्वर्गो दी कसम खांदा है, सै परमेश्वरे दे सिहांसने दी भी कने उस पर बोणे बाले दी भी कसम खांदा है ।

²³ यहूदी व्यवस्था जो सिखाणे बाले कने फरीसियों, तुहांजो तांई बड़ा बुरा होणा है । तुसां पुदीने, कने सौंफ, कने जीरे, दा तां दसमां हिंसा दिन्दे न, पर तुसां व्यवस्था दियां जरूरी गल्लां जो मतलब कि न्याय, कने दया, कने इमानदार होणा छड़ी दिता है; तुहांजो दशमांश तां दिन्दे रेणा चाईदा था, पर इना गल्लां जो भी नी छड़णा चाईदा था ।²⁴ हे अन्ने यहूदी अगुवो, (अगुवाई करणे बाले) तुसां जड़े नियम जरूरी नी न उना जो तां बड़िया साबधानिया ने मंदे न, जियां कि पिंदे बले माखियां जो दूर करदे पर परमेश्वरे दी जरूरी गल्लां जो मंदे नी न! ऐ ऊंटे जो निगलने सांई है ।

²⁵ “यहूदी व्यवस्था जो सिखाणे बाले कने फरीसियों, तुहांजो तांई बड़ा बुरा होणा है । तुसां ऐसे कटोरे कने भांडे सांई न जड़े तां उपरे-उपरे ला तां साफ न, पर अंदरे ला अजे भी गंदे न । सै ऐ कि, तुसां अपणे आपे जो भले लोकां सांई दसदे न, पर तुहाड़े मन लालची कने मतलबी न ।”²⁶ हे अन्ने फरीसी, पेहले तुसां जो लालची कने मतलबी होणा रोकी देणा चाईदा तां तुसां से ही करी सकणा जड़ा धर्म है ।

²⁷ “यहूदी व्यवस्था जो सिखाणे बाले कने फरीसियों, तुहांजो तांई बड़ा बुरा होणा है । तुसां तां उना सफेदी कितियां कबरां सांई न जड़ियां उपरे ला तां छेल मिलदियां न, पर अंदर मुर्दयां दियां हडियां कने हर तरा दियां गंदगिया ने भरूइयां न ।”²⁸ इना कबरां सांई तुसां भी उपरे ला तां माणुऐ जो धर्मी लगदे न, पर तुसां अंदरे ला कपट कने पापां ने भरूयो न ।

ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂⓂⓂ ⓂⓂⓂⓂ
ⓂⓂⓂⓂⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂⓂⓂⓂⓂⓂ
(ⓂⓂⓂⓂ 11:47-51)

²⁹ “यहूदी व्यवस्था जो सिखाणे बाले कने फरीसियों, तुहांजो तांई बड़ा बुरा होणा है । तुहाड़े पूर्वजां जिना परमेश्वरे दा संदेश देणेबालयां जो मारया था उना दियां कबरां जो सजांदे न कने धर्मी लोकां दियां कबरां जो सम्मानित करदे न ।”³⁰ कने बोलदे न कि, अगर असां

अपणे बाप दादयां दे बकते च होंदे तां असां परमेश्वरे दा संदेश देणेबालयां दिया हत्या च हिस्सेदार नी होंदे।³¹ इसला तां तुसां अपु ही साबित करदे न कि तुसां उना लोकां दे बंशज न जिना परमेश्वरे दा संदेश देणेबालयां दी हत्या कितियो।³² तुसां उस बुराईया जो पूरा करणे बाले न जिसयो तुहाड़े पूर्वजां शुरू कितया था।

³³ हे जहरीले सप्पां दे बचयां साईं लोको कने करैतों दे बच्चयो, तुसां नरके दिया सजा ला नी बचणा है।³⁴ इस तांई मैं तुहाड़े बाल परमेश्वरे दा संदेश देणेबालयां जो भेजदा है। कने, बुद्धिमान, कने व्यवस्था जो सिखाणे बालयां जो भेजदा है; तुसां इना चे थोड़यां जो मारी देणा हे, कने केईयां जो सूली पर चढ़ाना कने केईयां जो अपणे यहूदी जंज घर च कोड़े मारणे, कने इकी शेहरे ला दुजे शेहरे जो नटाणे न।³⁵ धर्मी हाबिल ला लेईकरी बिरिक्याह दे पुत्रे जकर्याह दीकर, जिसयो तुसां मंदरे कने वेदिया दे बिच मारया था, जितणया धर्मियां दी हत्या इसा धरतिया च होईयो है, उना सारयां तांई तुसां जो दोषी बोलणा।³⁶ “मैं तुसां ने सच्च बोलदा है, इना सारियां हत्या दी सजा इस बकते दे लोकां पर आई पोणी है।”

???????????? ???? ????
(???? 13:34-35)

³⁷ “यरूशलेम शेहरे दे लोको, हे यरूशलेम दे लोको! तुसां जड़े परमेश्वरे दा संदेश देणेबालयां जो मारी दिन्दे न, कने जीना जो तुहांजो बाल भेजदे न, उना जो पथरा ने मारदे न, कितणी बरी मैं चाया कि जियां मुर्गी अपणे बचयां जो बचाणे तांई फंगा हेठ गिठे करी लेंदी है, तियां ही मैं भी तुसां जो गिठे करी लेणा, पर तुसां नी चांदे कि ऐसा हो।”³⁸ दिखा, तुहाड़ा मंदर तुहाड़े तांई उजाड़ी छुडया है।³⁹ “क्योंकि मैं तुसां ने बोलदा है, हुणी ला जालू दीकर तुसां नी बोलगे, कि धन्य है सै, जड़ा प्रभु दे अधिकारे ने ओंदा है, तालू दीकर तुसां मिंजो फिरी कदी नी दिखणा है।”

24

???????? ???? ???? ???? ???? ????
(???? 13:1-31; ???? 21:5-33)

¹ जालू यीशु मंदरे ला निकली करी जा दा था, तां उदे चले उसयो मंदरे दी बनाबटा जो दसणे तांई उदे बाल आये।² उनी उना जो बोलया, “क्या तुसां ऐ सारा कुछ दिखा दे न। मैं तुसां ने सच्च बोलदा है, ऐथू इक भी पथरे पर पथर नी रेंणा है, जड़ा ढाया नी जाणा है।”

???????? ???? ????
(???? 13:3-13; ???? 21:7-19)

³ जालू सै जैतून रुखां दे पाहड़े पर बैठया था, तां चेलयां उदे बाल आई करी उसला पुछया, “सांझो दस ऐ सब कुछ कालू होणा है? कने जालू ऐ सब कुछ पूरा होणेबाला होंगा तां उदा क्या निशाण होणा है?”⁴ यीशुऐ उना जो जबाब दिता, “ध्यान रख्यो कि तुहांजो कोई भटकाई न दे।”⁵ क्योंकि मते सारे लोकां मेरे नाए ने दाबा करिके ओणा है। उना बोलणा है, मैं मसीहा हूँ कने उना मतयां लोकां जो भटकाणा है।⁶ जालू तुसां लड़ाईयां, कने लड़ाईयां दियां गल्लां सुणगे तां डरदे मत; क्योंकि इना दा होणा जरूरी है, पर तालू संसारे दा खात्मा नी होणा है।⁷ क्योंकि जातियां ने जातियां कने राज्य ने राज्यां ने इक दुजे ने लड़ाईयां करणियां न। कने हर कुथी हिलण होणे न कने अकाल पोणे न।⁸ ऐ तकलीफ कने दुख इयां होणा जियां इक माँ जो बच्चे दे जन्म देणे दिया शुरूआत च होंदा है।

⁹ “तालू सै लोक जड़े तुहाड़े खिलाफ न, उना तुहांजो दुख देणे तांई पकड़ाई देणा है, कने तुहांजो मारी देणा है, कने सारियां जातियां दे लोकां तुसां ने दुश्मणी रखणी है क्योंकि तुसां मिंजो पर भरोसा रखदे न।”¹⁰ तालू मतयां मिंजो पर भरोसा करणा बंद करी देणा, कने इक दुज्जे जो पकड़ाणा कने इक दुजे ने दुश्मणी रखणी।¹¹ मतयां परमेश्वरे दे संदेश देणेबालयां झूठे लोकां ओणा है, कने उना मतयां जो भटकाणा।¹² पाप बदणे दिया बजा ने मतयां इक दुज्जे ला प्यार करणा बंद करी देणा है।¹³ पर जड़ा जिंदगी दे अंत दीकर मिंजो पर भरोसा रखगा सै ही बचाया जाणा है।¹⁴ कने स्वर्गे दे राज्य दा ऐ शुभसमाचार दा प्रचार सारे संसारे च करणा है, ताकि सारे देशां दियां सारियां जातियां जो इसयो मनणे दा मोका मिल्ले, तालू अंत होई जाणा है।

???????? ???? ???? ???? ???? ????
(???? 13:14-23; ???? 21:20-24)

¹⁵ “इस तांई जालू तुसां इक उजाड़ने बाली बड़ी बुरी चिजा जो यरूशलेम मंदिर च खड़ोतयो दिखगे, जिदी चर्चा परमेश्वरे दा संदेश देणेबाले दानिय्येले किती थी, (जड़े पढ़न, सै समझन)।”¹⁶ तालू यहूदिया प्रदेशे दे लोकां जो जान बचाणे तांई पहाड़ा जो नसणा पोणा।¹⁷ जड़े छूती पर होंगे, सै अपणे घरे चे समान लेंगे तांई थले मत उतरदे।¹⁸ कने जड़े खतरां च होंगे, सै अपणे कपड़े लेंगे तांई बापस मत जांदे।

¹⁹ उना रोजां च उना जनानिया तांई बड़ा बुरा बकत होणा जड़ियां लैरथियां होणियां न, कने उना जनानियां तांई जड़ियां नियाणे जो दूध पियादियां होंगियां।²⁰ इस तांई प्राथना करा कि ऐ बुरा बकत सर्दियां दे दिना च या सब्दे दे दिना ना हो, जालू सफर करणा मुशकिल

हो। ²¹ क्योंकि उना दिना लोकां जो बड़े दुख होणे न, जदिया संसार दे शुरू ला हुणे दीकर कदी नी होया कने ना कदी होणा। ²² “अगर परमेश्वरे उसी बुरे बकते जो नी घटादां, तां कोई भी माणु नी बचदा। पर उना चुणयो होए लोकां दिया बजा ला, जिना जो परमेश्वरे चुण्यां है, बकत घटना है।”

²³ “उस बेले तुसां जो कोई बोले, कि दिखा, मसीह ऐथू है! या ओथु है! तां भरोसा मत करदे।”

²⁴ क्योंकि झूठे मसीह कने परमेश्वरे दा संदेश देणेबाले झूठे लोकां मतयां ओणा है, कने उना बड़े चमत्कार कने अनोखे कम्म दसणे न, ताकि होई सके तां जड़े चुणयो न उना जो भटकाई देंन। ²⁵ मैं पेहले ला ही तुसां ने ऐ सब कुछ बोली दिता है। ²⁶ इस तांई अगर सै तुसां ने बोलन, कि दिखा, सै सुनसान जगा च है, तां बाहर मत निकलदे; दिखा, सै कोठदियां च है, तां भरोसा मत करदे।

²⁷ क्योंकि जियां बिजली पूर्व ला निकली करी पश्चिम दीकर चमकदी जांदी है, तियां ही माणुऐ दे पुत्रे भी ओणा है। ²⁸ “जिथू लाश होए, ओथु ही इल्लां गिठियां होणा है।”

[\[24:24-27\]](#) [\[24:28-31\]](#) [\[24:32-37\]](#)
([\[24:24-27\]](#) 13:24-27; [\[24:28-31\]](#) 21:25-28)

²⁹ “उना दिना च, बुरा कने दुखे बाल बकत मुकी जाणे दे बाद, सूरजे च अंधेरा होई जाणा, कने चद्रमें रौशनी नी देणी। अम्बरे ला तारायां पेई जाणा, कने अम्बरे दियां शक्तियाँ हिलाईयां जाणियां।” ³⁰ “तालू मैं, माणुऐ दे पुत्रे दा निशाण अम्बरे च मिलणा, तालू धरतिया दे सारे कुलां दे लोकां छाती पिटणी; कने माणुऐ दे पुत्रे जो बड़े सामर्थ्य कने महिमा सोगी बदलां पर ओंदे दिखणा।”

³¹ “उनी तुरही दी जौरे दिया अबाजा ने अपणे स्वर्गदूतां जो भेजणा है, ताकि सै उना सारे लोकां जो गठेरी करी, जिना जो मैं चुण्यां है कने उना संसारे दे चारों पासयां ला लोका जो गठेरणा है।”

[\[24:32-37\]](#) [\[24:38-41\]](#) [\[24:42-45\]](#)
([\[24:32-37\]](#) 13:28-31; [\[24:38-41\]](#) 21:29-33)

³² “अजीर दे रुखे दिया कहाणिया ला ऐ सिखा : जालू उदिया डालियाँ नरम होई जांदियां न कने पत्ते निकलना लगदे न, तां तुहांजो पता लगी जांदा है कि गर्मियां ओणे बालियां न। ³³ इयां ही जालू तुसां इना सारियां गल्लां जो होंदे दिखदे न, तां समझी जा कि मैं, माणुऐ दे पुत्रे दा ओणा नेड़े ही है, मतलब कि दरबाजे पर ही है।” ³⁴ मैं तुसां ने सच्च बोलदा है, कि जालू दीकर ऐ सारियां गल्लां पुरियां नी होई जांदियां न, तालू दीकर इसा पीदिया दा अंत नी होणा है। ³⁵ अम्बर कने धरती

खत्म होई जाणे, पर मेरियां बोलियां गल्लां कदी नी टलनिया न, सै हमेशा रेणियां न।

[\[24:46-51\]](#) [\[24:52-54\]](#)

([\[24:46-51\]](#) 13:32-37; [\[24:52-54\]](#) 17:26-30,34-37)

³⁶ ऐ गल्लां कुसी रोजे या कुसा घड़िया होणिया न कोई भी नी जाणदा है, ना स्वर्गदूत कने ना ही मैं माणुऐ दा पुत्र, पर सिर्फ पिता ही उसी रोजे कने घड़िया जो जाणदा है।

³⁷ “जियां नूह दे रोज थे, तियां ही माणुऐ दे पुत्रे दा ओण भी होणा है।” ³⁸ क्योंकि जियां जल-प्रलय ला पेहले दे दिना च, जिस रोजे दीकर नूह जहाजे पर नी चढ़या था, तालू दीकर लोक खांदे पिंदे थे, कने उना चे बियाह होंदे थे। ³⁹ कने जालू दीकर जल-प्रलय आई करी उना जो रूड़ाई नी लेई गई, तालू दीकर उना जो कुछ भी पता नी था, तियां ही मैं माणुऐ दे पुत्रे भी ओणा है। ⁴⁰ उस बेले दो जणे खेतरे च होणे न, इक लेई लेंणा है कने दूजा छडी जाणा है। ⁴¹ दो जनानिया चक्की पिसा दियां होणिया, इक लेई जांणी, कने दुई छडी देंणी है।

⁴² “इस तांई जागदे रिया, क्योंकि तुहांजो नी पता है कि तुहाड़े प्रभुये कुस रोजे ओणा है।” ⁴³ पर ऐ जाणी लिया कि अगर घरे दे मालिके जो पता होंदा कि चोरे कालू ओणा है, तां सै जागदा रेंदा, कने अपणे घरे चोरी नी होणा दिन्दा। ⁴⁴ इस तांई तुसां भी तैयार रिया, क्योंकि जिसा घड़िया दे बारे च सोचदे भी नी न, उसा घड़िया माणुऐ दे पुत्रे आई जाणा है।

[\[24:46-51\]](#) [\[24:52-54\]](#) [\[24:55-57\]](#) [\[24:58-61\]](#)
([\[24:46-51\]](#) 12:41-48)

⁴⁵ सै भरोसे जोगा कने अकला बाला नोकर कुण है, जिसयो मालिके अपणे नोकारां चाकरां दा सरदार बणाया है, ताकि बकते पर उना जो खांणा खाणे दे? ⁴⁶ धन्य है सै दास, जिसयो उदा मालिक आई करी उसयो ऐदिया करदा दिखे। ⁴⁷ मैं तुसां ने सच्च बोलदा है; सै उसयो अपणिया सारिया संपतिया दा अधिकारी बणाणा है।

⁴⁸ “पर अगर सै बुरा नोकर सोचना लगगे, कि मेरे मालिके जो ओणे जो देर है।” ⁴⁹ कने अपणे सोगी नोकरां जो कूटना लगगे, कने शराबियां सोगी खा पिए। ⁵⁰ तां उस नोकरे दे मालिके ऐसे रोजे बापस ओणा है, जिस रोजे सै उदी राह नी दिखा दा हो, कने ऐसी घड़ी कि उसयो पता ना हो, ⁵¹ कने उसयो सकत सजा देईकरी, उदा हिस्सा कपटियां सोगी जोड़े, तालू उनी रेंणा कने दंद पिणे।

25

[\[24:46-51\]](#) [\[24:52-54\]](#) [\[24:55-57\]](#) [\[24:58-61\]](#)

1 फिरी यीशुए अपणे चेलयां ने बोलया, जालू मैं, माणुए दे पुत्रे बापस ओणा है, तालू स्वर्गे दा राज्य ऐसा होणा है: दसां कुआरियां अपणिया मशालां लेईकरी लाड़े जो मिलने तांई उदे बियाये जो जाणा। 2 उना चे पंज जणियां मुख कने पंज समझदार थियां। 3 उना मुख कुआरियां अपणिया मशालां तां लियां, पर अपणे सोगी जादा तेल नी लांदा। 4 पर समझदार कुआरियां अपणियां मशालां सोगी अपणिया-अपणिया कुपियाँ च तेल भी भरी लांदा। 5 जालू लाड़े जो ओणे च देर होई, तां सै बोर होणा लगियां, कने सै सोई गियां।

6 पर अधिया राती रोल्ला पिया, कि दिखा, लाड़ा ओआ दा है, उसला मिलणे तांई चला। 7 तालू सै सारियां कुवारियां उठी करी अपणिया-अपणिया मशालां ठीक करणा लगियां। 8 कने मुखां समझदारां ने बोलया, अपणे तेले च थोड़ा सांझो भी दिया, क्योंकि साड़ियां मशालां बुझी जा दियां न। 9 पर समझदारां जबाब दिता, कि ऐ साड़े कने तुहाड़े तांई कदी पूरा नी होणा; ठीक तां ऐ है, कि तुसां बेचणे बाले बाल जाई करी अपणे तांई खरदी लिया। 10 जालू सै खरीदणा जा दियां थियां, तां लाड़ा आई रिया, कने जड़ियां तैयार थियां, सै उदे सोगी बियाह बाले घरे जो चली गियां कने घरे दा दरबाजा बंद करी दिता। 11 “इदे बाद सै दुईयां कुआरियां भी वापिस आई करी रेंदे होए लाड़े जो सदणा लगियां, है स्वामी, है स्वामी, साड़े तांई दरबाजा खोली दिया।” 12 “उनी जबाब दिता, कि मैं तुसां ने सच्च बोलदा है कि, मैं तुहांजो नी जाणदा है।” 13 “इस तांई जागदे रिया, क्योंकि तुसां नी जाणदे मेरे बापस ओणा दा रोज, कने सेह बकत कालू ओणा है।”

ⓂⓂⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂ 19:11-27)

14 “फिर यीशु ने इक होर कहाणी दसी कि मैं जालू बापस ओणा है, तालू स्वर्गे दा राज्य ऐसा होणा: इक माणु था जिनी परदेस जांदे बेले अपणे नोकरां जो सदीकरी अपणी सारी जमीन जयादात उना जो देई दिती।” 15 उनी इकी जो पंज तोड़े, दुज्जे जो दो, कने तरिये जो इक, हर इकी जो उदिया शक्तिया दे अनुसार दिता, कने फिरी परदेस चली गया।* 16 तालू जिसयो पंज तोड़े मिलयो थे, उनी झट जाई करी उना ने लेंन-देंन किता, कने पंज तोड़े होर कमाई ले। 17 इसी तरीके ने जिसयो दो मिलयो थे, उनी भी दो होर कमाई ले। 18 पर जिसयो इक ही तोड़ा मिलया था, उनी जाई करी मिटी खूणी, कने अपणे मालिके दे पेसे लुकाई दिते।

* 25:15 25:15 इक तोड़ा पंद्रा साला दि दिहाड़ी से जादा।

19 मते रोजां बाद मालिके आई करी उना नोकरां जो गिटे सदया कि उना उदे पैसयां ने क्या किता। 20 जिसयो पंज तोड़े मिलयो थे, उनी पंज तोड़े होर आंणी करी बोलया, है मालिक, तू मिंजो पंज तोड़े दिते थे, दिख मैं पंज तोड़े होर कमायो न। 21 उदे मालिके उसयो बोलया, धन्य, तू खरा कने भरोसे दे लाइक नोकर है, तू थोड़े पैसयां जो सम्भालने कने भरोसे दे लाइक रिया है; मैं तिजो होर मतियां चिजा दा अधिकारी बणाणा है। अपणे मालिके सोगी खुश हो।

22 कने जिसयो दो तोड़े मिलयो थे, उनी भी आई करी बोलया, है मालिक तू मिंजो दो तोड़े दिते थे, दिख, मैं दो तोड़े होर कमायो न। 23 उदे मालिके उसयो बोलया, धन्य, तू खरा कने भरोसे दे लाइक नोकर है, तू थोड़े पैसयां जो सम्भालने कने भरोसे दे लाइक रिया, मैं तिजो मतियां चिजा दा अधिकारी बणांगा। अपणे मालिके सोगी खुश हो।

24 तालू जिसयो इक तोड़ा मिलया था, उनी आई करी बोलया, है मालिक, मैं तिजो जाणदा था कि तू बड़ा सकत माणु है: तु दुजे लोका दे कम्मे ला फायदा कमाणे दी आस रखदा है, कने जिथू तू नी खलारदा है ओथु तू बटोलदा है। 25 तांई तां मैं डरी गया कि अगर मैं तेरा पैसा गवाई दिता तां तू मिंजो सजा देणी, इस तांई जाई करी मैं तेरा तोड़ा मिटिया च लुकाई दिता; दिख, जड़ा तेरा है, सै ऐ है। 26 उदे मालिके उसयो जबाब दिता, हे दुष्ट कने आलसी नोकर; तिजो पता था कि, मैं दुजे लोका दे कम्मे ला फायदा कमाणे दी आस रखदा है। 27 तां तिजो ऐसा करणा चाईदा था कि, मेरा पैसा सर्पाँ जो देई दिन्दा, फिरी मैं आई करी अपणा पैसा उना ला ब्याजे समेत लेई लेंदा। 28 तालू मालिके बाकी नोकरां जो बोलया, “तोड़े जो इसला लेई लिया, कने जिदे बाल दस तोड़े न, उसयो देई दिया। 29 जिना बाल समझणे दी इच्छा है जड़ा परमेश्वर सिखांदा है, उसयो परमेश्वरे होर समझ देणी, पर जड़ा समझणे दी इच्छा नी रखदा, कि मैं क्या सिखादां, तां सै जड़ा समझया है, परमेश्वरे सै भी उसला लेई लेणा।” 30 कने इस नकमे नोकरे जो नेरे च पाई दिया, जिथू उनी रोंणा कने दंद पीणे।

ⓂⓂⓂⓂⓂⓂ ⓂⓂ ⓂⓂⓂⓂⓂⓂ

31 “जालू मैं, माणुए दे पुत्रे अपणिया महिमा च ओणा है, कने स्वर्गदूते उदे सोगी ओणा, तालू लोकां दा न्याय करणे तांई उनी अपणे महिमा दे सिहांसने पर विराजमान होणा।” 32 कने सारियां जातियां मेरे सामणे गिठियां करणियां न; जियां पुहाल भेडां जो बकरियां ला लग करी दिन्दा है, तियां ही उनी भी उना जो इक दुजे

ला लग करणा है। 33 कने मैं धर्मी लोका जो अपणे सजे पासे कने अधर्मियां लोका जो खबे पासे खरेडना है।

34 “तालू मैं राजे अपणे सजे पासे बोणे बालयां ने बोलणा कि, हे मेरे पिता दे धन्य लोको, ओआ, कने उस राज्य दे अधिकारी बणी जा, जड़ा संसारे दे शुरू होंगे ला तुहाडे ताई तैयार कितया है।” 35 क्योंकि मैं जालू भूखा था, तां तुसां मिंजो खांणे जो खाणा दिता, जालू मैं प्यासा था, तां तुसां मिंजो पांणी पियाया, मैं इक परदेसी था, तुसां मिंजो अपणे घरे रियाया। 36 जालू मैं नंगां था, तुसां मिंजो कपड़े दिते, मैं बिमार था, तुसां मेरा हाल चाल पुछ्या, मैं जेला च था, तां तुसां मिंजो ने मिलणा आये।

37 “तालू धर्मियां उसयो जबाब देणा, कि प्रभु जी, असां कालू तिजो भूखा दिखया कने खुआया? या प्यासा दिखया, कने पांणी पियाया?” 38 असां कालू तिजो परदेसी दिखया कने अपणे घरे रियाया या नंगां दिखया, कने कपड़े दिते? 39 असां तिजो कालू बिमार कने जेला च दिखया, कने तिजो ने मिलणा आये?

40 “तालू मैं राजे उना जो जबाब देणा, मैं तुसां ने सच्च बोलदा है, कि जड़ा तुसां मेरे इना छोटे ला छोटे चले चे कुसी इकी दे सोगी कितया है, सै ही मेरे सोगी कितया है।” 41 “तालू उनी खबे पासे बालयां ने बोलणा है, हे श्रापित लोको मेरे सामणे ला इसा कदी नी बुझणे बालिया अग्गी च चली जा, जड़ी शैताने कने उदे दूतां ताई परमेश्वरे तैयार कितया है।” 42 क्योंकि मैं भूखा था, तुसां मिंजो खांणे जो नी दिता, मैं प्यासा था, कने तुसां मिंजो पांणी नी पियाया; 43 मैं परदेसी था, कने तुसां मिंजो अपणे घरे नी रियाया; मैं नंगां था, कने तुसां मिंजो कपड़े नी दिते; कने मैं बिमार कने जेलां च था, तां तुसां मेरा हाल चाल नी पुछ्या।

44 “तालू उना जबाब देणा, कि प्रभु जी, असां तिजो कालू भूखा, या प्यासा, या परदेसी, या नंगां, या बिमार, या जेला च दिखया, कने तेरी सेवा या टहल नी कितती?”

45 “तालू मैं उना जो जबाब देणा, मैं तुसां ने सच्च बोलदा है कि तुसां जड़ा इना छोटे ला छोटे चले चे कुसी इकी दे सोगी नी कितया है, से मेरे सोगी भी नी किता है।”

46 कने सै जड़े खबे पासे न इना जो हमेशा दी सजा मिलणी है पर धर्मी लोका हमेशा दिया जिन्दगिया च प्रवेश करणा है।

26

14:1-2; 22:1-2; 11:45-53

1 जालू यीशु ऐ सारियां गल्लां बोली बैठा, तां अपणे चेलयां ने बोलणा लगगा। 2 “तुहांजो पता है, कि दो दिना बाद फसह दा त्योहार होणेबाला है, कने माणुऐ दा पुत्र सूली पर चढ़ाणे ताई पकड़ाया जाणा है।”

3 तालू बड़डे याजक कने प्रजा दे यहूदी अगुवे कैफा नाऐ दे महायाजक दे अंगणे च गिठे होए, 4 कने अपु चे बिचार करणा लगगे कि यीशुऐ जो धोखे ने पकड़ी करी मारी देंन। 5 पर सै बोलदे थे, कि त्योहारे दे बकत नी, कुथी इयां ना होऐ कि लोकां च रोल्ला पेई जा।

14:3-9; 12:1-8

6 जालू सै बैतनिय्याह ग्रां च शमौन कोदी दे घरे था, जिसयो यीशुऐ ठीक कितया था। 7 जालू यीशु खांणा खाणे ताई बैठया था तां इक जनानी संगमरमेरे दे भांडे च बड़ा मेंहगा इत्र लेईकरी उदे बाल आई कने, तां उना सै इत्र उदे सिरे पर नियोरी दिता। 8 ऐ दिखीकरी उदे चले हेरान होए कने बोलणा लगगे, “इस इतणे मेंगे इत्रे जो सत्यानाश नी करणा चाईदा? 9 इसयो तां खरे दामे च बेची करी कंगालां जो बंडी सकदे थे।”

10 ऐ जाणी करी यीशुऐ उना ने बोलया, जनानिया जो कजो तंग करा दे न? उना मिंजो ने खरा किता है। 11 कंगालां तां तुहाडे सोगी हमेशा रेंणा है, पर मैं तुहाडे सोगी हमेशा नी रेंणा है। 12 इना जड़ा इत्र मेरे शरीरे पर नियोरया है, सै इना मिंजो मरणे ला पहले ही दफनाणे दी तैयारी कितती है। 13 “मैं तुसां ने सच्च बोलदा है, कि सारे संसार च जिथू कुथु भी ऐ शुभसमाचार सुणाया जांगा, ओथु इसा दे इस कम्मे दी चर्चा भी इसा दिया यादा च होणी।”

14:10,11; 22:3-6

14 यहूदा इस्करियोती, जड़ा बाहरां चेलयां चे इक था, उनी बड़डे याजकां बाल जाई करी बोलया, 15 अगर मैं उसयो तुहाडे हथे पकड़ाई दे, “तां मिंजो क्या दिंगे? उना उसयो ती चांदिये दे सिक्के तोली करी देई दिते।” 16 कने सै तालू ला ही उसयो पकड़ाने दा मोका तोपणा लगी पिया।

14:12-21; 22:7-14,21-23; 13:21-30

17 अखमीरी रोटिया दे त्योहारे दे पेहले रोजे, चले यीशुऐ बाल जाई करी पूछणा लगगे, “तू कुथु फसह खांणा चांदा है, ओथु असां जाई करी तेरे ताई फसह खांणे दी तैयारी करन?” 18 उनी बोलया, “शेहरे च जा कने अमुक नाऐ दे माणुऐ बाल जाई करी बोला, कि गुरु

बोला दा है, कि मेरा बकत नेड़े है, कने मैं अपने चेलयां सोगी तेरे ऐथू फसह दा त्योहारे मनाणा है।”

19 चेलयां यीशुए दा हुकम मनया, कने फसह तैयार किता।

20 जालू संज होई तां सै चेलयां सोगी खाणा खाणे तांई बैठा। 21 कने जालू सै रोटी खाणां बैठयो थे, तां यीशुए बोलया, “मैं तुसां ने सच्च बोला दा है, कि तुसां चे इकी जणे मिंजो पकड़ाणा है।” 22 इसा गल्ला पर सै बड़े उदास होई गे, कने सारे उसयो पूछणा लगगे, “हे गुरु, क्या सै मैं है?” 23 उनी जबाब दिता, “जिनी मिंजो सोगी थालिया च हथ पाया है, उनी ही मिंजो पकड़ाणा है।” 24 “माणुए दे पुत्रे मरी जाणा है, क्योंकि ऐ सब कुछ पबित्र शास्त्रां च लिखया है, पर उस माणुए जो बड़ी बुरी सजा होणी है जड़ा मिंजो धोखा दिन्दा है जिनी मिंजो पकड़वाणे च सहायता करणी है! अगर उस माणुए दा जन्म ही नी होया होंदा तां ही उदे तांई खरा होंदा।” 25 तालू उसयो पकड़ाणे बाले यहूदे बोलया, “गुरु जी, क्या सै मैं है?” उनी उसयो बोलया, “तू बोली बैठा।”

ⓂⓂⓂⓂ ⓂⓂⓂ

(ⓂⓂⓂⓂ 14:22-26; ⓂⓂⓂⓂ 22:15-20)

26 जालू सै खा दे थे तां यीशुए रोटी लेई, कने परमेश्वरे दा धन्यवाद करी के तोड़ी, कने चेलयां जो दिती कने बोलया, “लिया, खाई लिया; ऐ मेरा शरीर है।” 27 फिरी उनी दाखरस दे कटोरे जो चुकी करी परमेश्वरे दा धन्यवाद किता, कने चेलयां जो दिता कने बोलया, “तुसां सारे इस कटोरे चे पिया, 28 क्योंकि ऐ बाचा दा मेरा सै खून है, जड़ा मतयां लोकां दिया भलाईया तांई बहाया जाणा है।” 29 “मैं तुहांजो ने सच्च बोलदा है, मैं दाखा दा ऐ रस उस दिने दीकर नी पीणा, जालू दीकर पिता दे राज्य च नोआ दाखरस नी पी लेंगा।” 30 फिरी यीशुए कने उदे चेलयां फसह दे त्योहारे दे भजन गाई करी यरूशलेम शहरे दे बाहर जैतून रुखां दे पाहड़े पर चली गे।

ⓂⓂⓂⓂ ⓂⓂ ⓂⓂⓂ ⓂⓂⓂⓂ ⓂⓂ ⓂⓂⓂⓂⓂⓂⓂⓂⓂⓂⓂ

(ⓂⓂⓂⓂ 14:27-31; ⓂⓂⓂⓂ 22:31-34;

ⓂⓂⓂⓂⓂⓂⓂⓂ 13:36-38)

31 तालू यीशुए उना ने बोलया, “तुसां सारयां ही अज राती अपने भरोसे ला भटकी जाणा है; क्योंकि पबित्र शास्त्र च लिखया है कि मैं पुहाल मारी देणा है; कने झुंड़े दियां भेडां तितर-बितर होई जाणा।” 32 पर मैं मरी के जिन्दा होणे ला बाद तुहांजो ला पेहले गलील प्रदेश च पूजणा है। 33 पर पतरसे यीशुए जो बोलया, “चाहे सारे छड़ी करी नसी जांगे पर मैं नी नसगा।” 34 यीशुए उसयो बोलया, “मैं तिजो ने सच्च बोलदा है, कि अज ही

इसा राती मुर्गे जो दो बार बांग देणे ला पेहले तू मिंजो तीन बरी बोलणा है, कि मिंजो नी जाणदा है।” 35 पतरसे यीशुए ने बोलया, अगर मिंजो तेरे सोगी मरणा भी पौगा, तमी मैं तिजो ला कदी नी मना करगा। कने इयां ही सारयां चेलयां भी बोलया।

ⓂⓂⓂⓂⓂⓂ Ⓜ ⓂⓂⓂⓂⓂⓂⓂⓂ

(ⓂⓂⓂⓂ 14:32-42; ⓂⓂⓂⓂ 22:39-46)

36 तालू यीशु अपने चेलयां सोगी गतसमनी नाए दिया इक जगा च आया कने अपने चेलयां ने बोलणा लगगा, “ऐथू बेई रिया, जालू दीकर मैं प्राथना करें।” 37 सै पतरस कने जब्दी दे दोनो पुत्रां जो सोगी लेई गया, कने उदास कने रोणा लगगा।

38 तालू उनी उना जो बोलया, “मेरा मन बड़ा उदास है, ऐथू दीकर कि मेरे प्राण निकली चलयो न। तुसां ऐथू ही रुका, कने मेरे सोगी जागदे रिया।”

39 फिरी यीशु थोड़ा अगगे गया, कने गोडे भार पेई गया कने मुह धरतिया पर करी प्राथना करणा लगगा,, “हे मेरे पिता, अगर होई सके तां ऐ कटोरा मिंजो ला टली जाए, तमि जियां मैं चांदा है तियां नी हो, पर जियां तू चांदा है, तियां ही हो।” 40 फिरी जालू यीशु बापस आया कने उना चेलयां जो सुतया दिखीकरी उनी पतरसे जो बोलया, “हे शमौन, तू सुतया है? तुसां इक घंटा भी मेरे सोगी जागदे नी रेई सके? 41 जागदे कने प्राथना करदे रिया ताकि मिजों पर भरोसा रखणा नी छुडन। आत्मा तां खरा करणा चांहदी है पर शरीरे च जोरे दी कमी है।”

42 फिरी उनी दुजी बरी जाई करी ऐ प्राथना किती कि, “हे मेरे पिता, अगर ऐ मेरे पित्यो बिना नी हटी सकदा है, तां तेरी इच्छा पुरी होए।” 43 तालू उनी आई करी उना जो फिरी सुत्या दिखया, क्योंकि उना दियां हखी निंदरा ने भरूइयां थियां। 44 उना जो छड़ी करी सै फिरी चली गया, कने सेई गल्ल दोवारा बोली करी, तिजो बरी प्राथना किती।

45 तालू उनी चेलयां बाल आई करी उना जो बोलया, हुण सोंदे रिया कने अराम करा: दिखा, सै घड़ी आई गई है, कने माणुए दा पुत्र पापियां दे हथे पकड़ाया जाणा है। 46 “उठा कने चला। दिखा, जिनी माणुए मिजों पकड़वाणा है सै बखे आई रिया है।”

ⓂⓂⓂⓂⓂⓂ ⓂⓂ ⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂⓂ

(ⓂⓂⓂⓂ 14:43-50; ⓂⓂⓂⓂ 22:47-53;

ⓂⓂⓂⓂⓂⓂⓂⓂ 18:3-12)

47 जालू यीशुए ऐ बोला दा ही था, यहूदा जड़ा बाहरां चेलयां चे इक था, सै अपने सोगी मते सारे लोकां जो लेईकरी आया जिना तलवारां कने डंडे लियो थे, ऐ सारे

लोक बड्डे याजकां, यहूदी व्यवस्था दे गुरूआं कने यहूदी अगुवां भेजयो थे। 48 उनी यीशुए जो पकड़णे बालयां जो ऐ बोलया था कि : “जिदी मैं चूमी लेंगा, सै ही यीशु है, उसयो तुसां पकड़ी लेनयो।”

49 उनी झट यीशुए बाल आई करी बोलया, “गुरू जी, नमस्ते!” कने उदी चूमी लेई। 50 यीशुए उसयो बोलया, “हे मित्र, जिसी कम्मे तांई तू आया है, उसयो करी ले।” तालू उना बखे आई करी यीशुए जो पकड़ी लिया।

51 यीशुए दे साथियां चे इकी अपणी तलवार कडी कने महायाजके दे इकी नोकरे पर चलाई करी उदा कन बडी दिता। 52 तालू यीशुए उसला बोलया, अपणिया तलवारा मयाना च रख क्योकि जडे तलवारां चलादे न सै तलवारा ने ही खत्म करणे न। 53 तिजो क्या पता नी है कि मैं अपणे पिता ने विनती करी सकदा है, कने उनी स्वर्गदूते दियां बाहरां पलटना ला भी जादा स्वर्गदूत मेरे बाल हुण हाजिर करी देणे? 54 “पर पबित्र शास्त्रां दियां सै गल्लां कि इयां ही होणा जरूरी है कियां पुरियां होणियां?”

55 यीशुए उना जो बोलया, तुसां क्या तलवारां कने डांगा लेईकरी मिंजो डाकुआं सांई पकड़ना आयो न? पर मैं जालू हर रोज मंदरे च बेईकरी उपदेश दिन्दा था, तालू तां तुसां मिंजो नी पकड़या।

56 “पर ऐ इस तांई होया कि पबित्र शास्त्रां दियां गल्लां पुरियां होन।” जालू ऐ होया तां उदे सारे चले उसयो छडी करी नसी गे।

22:54-55,63-71;
18:13-14,19-24)

57 तालू यीशुए जो पकड़ने बाले उसयो कैफा नाए दे महायाजक बाल लेई आए, जिथू यहूदी व्यवस्था जो सिखाणे कने यहूदी अगुवे गिठे होयो थे। 58 कने पतरस दुरे-दुरे ला उना दे पिच्छे-पिच्छे महायाजक दे अंगणे दीकर गिया, कने अंत दिखणे तांई अंदर जाई करी पयादयां बखे बेई गिया।

59 बड्डे याजक कने यहूदी महासभा दे सदस्य यीशुए जो मारी देणे तांई उदे खिलाफ च गबाई तोपा दे थे, 60 पर मते झूठे गबाह ओणे पर उना जो कोई गबाई नी मिली। आखरी च दो जणे आए, 61 कने बोलया, “कि इनी बोलया था कि मैं परमेश्वरे दे मंदरे जो ढाई सकदा है, कने फिरी उसयो तिन्ना रोजां च बणाई सकदा है।”

62 तालू महायाजके बिच खडोई करी यीशुए जो बोलया, “तू क्या कोई जबाब नी देणा? ऐ लोक तेरे खिलाफ क्या गबाई देद न?” 63 पर यीशु चुप ही रिया। तालू महायाजके उसयो बोलया “मैं तिजो जिंदे परमेश्वरे

दी कसम दिन्दा है, कि अगर तू परमेश्वरे दा पुत्र मसीह है, तां सांझो ने बोली दे।”

64 यीशुए उसयो बोलया, “उनी अपु मन्नी लिया; कने मैं, माणुए दा पुत्र तुसां ने ऐ भी बोलदा है, कि हुण तुसां माणुए दे पुत्रे जो सर्वशक्तिमान दे सजे पासे बैठया, कने अम्बरे दे बदला पर ओंदे दिखणा है।”

65 जालू महायाजके यीशुए जो ऐ बोलदे सुणया तां उनी गुस्से च अपणे कपडे फाड़ी दिते, कने बोलया, “हुण सांझो कुसी गबाह दी जरूरत नी है। तुसां परमेश्वर दी निंदा करदे सुणया, तुहाड़ी क्या सलाह है इसा गल्ला पर?” उना सारायां फेसला किता कि यीशुए परमेश्वरे दी निंदा किती है। 66 तुसां क्या सोचदे न? उना जबाब दिता, ऐ तां मारी देणे जोगा है।

67 तालू उना उदे मुए पर थूक्या कने उसयो मुक्के मारे, कने बाकियां थप्पड़ मारी करी बोलया, 68 हे मसीह, अगर तू परमेश्वरे दा संदेश देणेबाला है! तां सांझो दस कुनी तिजो मारया,

22:56-62;
14:66-72; 22:56-62;
18:15-18,25-27)

69 पतरस बाहर अंगणे च बैठया था तां इकी दासिया उदे बाल आई करी बोलया, “तू भी तां यीशु गलीली सोगी था।” 70 उनी सारयां दे सामणे ऐ बोली करी मना किता कि, “मैं नी जाणदा कि तू क्या बोला दी है।” 71 जालू सै बाहर डेवदिया पर गिया, तां दुईया नोकराणिया उसयो दिखीकरी उना ने बोलया जडे ओथु बैठयो थे कि, “ऐ भी तां यीशु नासरिये सोगी था।” 72 उनी कसम खाई करी फिरी मना किता, “मैं इस माणुए जो नी जाणदा है।”

73 थोड़िया देरा बाद जडे लोक ओथु खडुतयो थे, उना पतरसे बाल आई करी उसयो बोलया, “सच्ची तू भी इना चे इक है; क्योकि तेरी बोली तेरा सच्च दसा दी है।” 74 पतरस अपु जो कोसणा लगगा, कसम खाणा लगगा, मैं इस माणुए जो नी जाणदा। कने झट मुर्गे बांग देई दिती।

75 तालू पतरसे जो यीशुए दियां बोलियां गल्लां याद आईयां, मुर्गे दिया बांगा देणे ला पेहले तू मिंजो तिन्न बरी मना करणा है। कने सै बाहर जाई करी जोरे-जोरे ने रोंणा लगगा।

27

15:1; 23:1-2; 18:28-32; 1:18-19)

1 कने ब्यागा तड़के होंदे ही झट उना बड़डे याजकां, कने यहूदी अगुवां, कने व्यवस्था जो सिखाणे बालयां कने महासभा दे सारे लोकां यीशुए जो मारी देणे दी सलाह किती। 2 कने उना यीशुए जो बन्नया, कने न्याय करणे तांई यहूदिया प्रदेश दे राज्यपाल पिलातुस दे हबाले करी दिता।

ⓂⓂⓂⓂⓂ ⓂⓂ ⓂⓂⓂⓂⓂⓂⓂⓂⓂ
(ⓂⓂⓂⓂⓂⓂⓂ 1:18,19)

3 जालू यीशुए जो पकड़ाणे बाले यहूदा जो पता चला कि सै मरवाणे तांई दोषी ठेहराया गया है तां सै बड़ा पछताया कने उना ती चांदिये दे सिक्कयां जो बड़डे याजकां कने यहूदी अगुवां जो बापस देई आया।

4 कने बोलया, मैं बेकसूर जो मारणे तांई पकड़ाणे दा पाप किता है, उना बोलया, “सांझो क्या है? इस तांई तू ही जिम्मेवार है।” 5 तालू सै उना सिक्कयां जो मंदरे दे अंगणे च फेंकी करी बाहर चली गया, कने जाई करी उनी अपु फा लेई लिया।

6 बड़डे याजकां उना सिक्कयां जो लेईकरी बोलया, “साडे नियम दे हिसावे ने इना पेंसया जो मंदिर दे भंडारे च रखणा ठीक रैणा है, क्योंकि ऐ इक माणुए जो मरवाणे तांई दितया दाम है।” 7 उना सलाह करिके उना सिक्कयां ने परदेशियां जो दबाणे तांई कुम्हारे ला खेतर खरीदी लिया। 8 इसा बजा ने उस खेतरे जो अजे दीकर खूने दा खेतर बोलदे न। 9 तालू जड़ा बचन यिर्मयाह परमेश्वरे दा संदेश देणेबाले बोलया था सै पूरा होया: “उना सै ती सिक्के जड़े इस्राएल दे लोकां यहूदा जो दितयो थे लेई ले। 10 कने जियां प्रभुए मिंजो हुकम दितया था तियां ही उना जो कुम्हारे दे खेतरे दे दामे च देई दिता।”

ⓂⓂⓂⓂⓂⓂⓂ ⓂⓂ ⓂⓂⓂⓂ
(ⓂⓂⓂⓂⓂ 15:2-5; ⓂⓂⓂⓂⓂ 23:3-5; ⓂⓂⓂⓂⓂⓂⓂ
18:33-38)

11 जालू यीशु राज्यपाले दे सामणे खड़ोतया था, तां हाकिमे उसयो पुछया, तू क्या यहूदियां दा राजा है? यीशुए उसयो बोलया, “तू अपु ही बोला दा है।” 12 जालू बड़डे याजक कने यहूदी अगुवे उस पर दोष ला दे थे, तां उनी कोई जबाब नी दिता। 13 इस पर पिलातुसे उसयो बोलया, “तू क्या सुणा दा नी है कि, ऐ तेरे खिलाफ च कितणियां गबाईयां देद न?” 14 पर उनी उसयो इकी भी गल्ला दा जबाब नी दिता, ऐथू दीकर कि राज्यपाल जो बड़ी हेरानी होई।

ⓂⓂⓂ ⓂⓂ ⓂⓂⓂ
(ⓂⓂⓂⓂⓂ 15:6-15; ⓂⓂⓂⓂⓂ 23:13-25; ⓂⓂⓂⓂⓂⓂⓂ
18:39-19:16)

15 हर साले फसह दे त्योहारे च, राज्यपाल पिलातुस इक केदिये जो छुडी दिन्दा था, जिसयो लोक चांदे थे कि सै छूटे। 16 उस बेले बरअब्बा नाए दा इक मनया नामी कैदी था। 17 जालू सै गिटे होए तां पिलातुसे उना जो बोलया, “तुसां कुस्यो छुडाणा चांदे न, ताकि मैं तुहाड़े तांई उसयो छुडी दें? बरअब्बे जो या यीशुए जो जिसयो मसीह बोलदे न?” 18 क्योंकि सै जाणदा था कि उना उसयो जलनिया ने पकड़ाया है।

19 जालू सै न्याय दिया कुर्सिया पर बैठया था तां उदिया घरे बालिया उसयो बोली भेजया था कि, “तू उस धर्मिये दे मामले च हथ मत पांदा; क्योंकि मिंजो अज राती सूपने च उदिया बजा ने बड़ा दुख होया है।”

20 पर बड़डे याजकां लोकां दिया भिड़ा जो भड़काया, कि पिलातुस ला यीशुए जो छुडणे दी बजाये बरअब्बा जो छुडणे दी माँग करा, कने यीशुए जो मारणे तांई बोला। 21 राज्यपाले उना ला पुछया, इना दोना चे कुस्यो चांदे न, ताकि मैं तुहाड़े तांई छुडी दें? उना बोलया, “बरअब्बा” जो।

22 पिलातुसे उना ला पुछया, फिरी यीशुए दा क्या करणा, जिसयो मसीह बोलदे न? “सबना बोलया, इसयो सूली पर चढ़ाई दिया।” 23 पिलातुसे उना जो बोलया, “कजो इनी क्या बुरा कितया है?” पर भीड़ होर भी जोरे ने चिलाणा लगगी कि, “इसयो सूली पर चढ़ाई करी मारी दिया।”

24 जालू पिलातुसे दिखया, कि कुछ नी बणा दा है कने उल्टा होर जादा रोल्ला होंदा जादा है, तां उनी पांणी लेईकरी भिड़ा दे सामणे अपणे हथ धोते कने बोलया, “मैं इस धर्मिये दे खूने ला निर्दोष है; हुण तुसां ही जाणा।” 25 सबना लोकां जबाब दिता, “इदे खूने दा इल्जाम सांझो पर कने साड़िया ओलादी पर होए।”

26 बरअब्बा जो उना तांई छुडी दिता, कने यीशुए जो कोड़े लगबाई करी सूली पर चढ़ाणे तांई रोमी सिपाईयां दे हबाले देई दिता।

ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂ ⓂⓂⓂⓂⓂ ⓂⓂ ⓂⓂⓂⓂⓂ
(ⓂⓂⓂⓂⓂ 15:16-20; ⓂⓂⓂⓂⓂⓂⓂ 19:2-3)

27 तालू राज्यपाले दे सिपाईयां यीशुए जो किले च लेईजाई करी उदे चोरो पासे सारी पलटन खरेडी दिती। 28 उदे सारे कपड़े उतारी करी उसयो बैंगणी रंगे दे कपड़े पेहनाइ दिते, 29 कने कंडयां दा मुकुट बणाई करी उदे सिरे पर रख्या; कने उदे सजे हथे च सरकंडा दिता। कने यीशुए दे सामणे झुकी करी उदा मजाक उड़ाणा लगगे कने बोलया, “हे यहूदियां दे राजा नमस्ते।” 30 कने उस पर थूक्या कने सेई सरकंडा लेईकरी उदे सिरे च मारणा लगगे। 31 जालू सै उदा मजाक उड़ाई बैठे, तां उना सै

कपड़े उतारी करी उदे अपने कपड़े उसयो पेहनाए, फिरी उसयो सूली पर चढ़ाणे ताई शेहरे ला बाहर लेई गे।

([मत्ती 15:21-32](#); [मत्ती 23:26-39](#);
[मत्ती 19:17-19](#))

³² बाहर जांदे बेले उना जो शमौन नाए दा इक कुरेनी माणु मिल्ला, उना उसयो बेकार च ही पकड़या ताकि सै उदिया सूलिया जो चुकी करी लेई चले।

³³ कने उसयो गुलगुता नाए दिया जगा च मतलब जिसयो खोपड़ी दी जगा बोलदे न, ओथु पुज्जी करी, ³⁴ उना उसयो कोड़ा रस मिलाई करी दाखरस पीणे जो दिता, पर उनी चखी करी नी पिता।

³⁵ तालू उना उसयो सूली पर चढ़ाया, कने चिठियां पाई करी उदे कपड़े बंडी ले। ³⁶ कने ओथु बेईकरी उदा पेहरा देणा लगगे। ³⁷ कने उदा दोष उदे सिरे पर लाई दिता कि “ऐ यहूदियां दा राजा यीशु है।”

³⁸ तालू उदे सोगी दो डाकू इक सजे पासे कने इक खबे पासे सूली पर चढ़ाए। ³⁹ कने ओणे-जाणे बाले लोक सिरे हिलाई-हिलाई करी उदी निंदा करदे थे। ⁴⁰ कने बोलदे थे कि, “ओ मंदरे जो ढांणे बाल्या कने उसयो तिन्ना रोजां च बणाणे बाल्या, अपने आपे जो तां बचा। अगर तू परमेश्वरे दा पुत्र है, तां सूली ला उतरी आ।” ⁴¹ इसी तरीके ने ही बड़डे याजक, व्यवस्था जो सिखाणे बाले कने यहूदी अगुवे समेत सारे उदा मजाक उड़ाई करी बोला दे थे कि, ⁴² इनी होरना जो तां बचाया पर अपने आपे जो नी बचाई सकदा है। ऐ तां इस्राएले दा राजा है। अगर तू हुण सूली ला उतरी ओए, तां असां तिजो पर भरोसा करणा। ⁴³ इनी परमेश्वरे पर भरोसा रखया है, अगर सै इसयो चांदा है, तां हुण इसयो छुड़ाई ले, क्योंकि इनी बोलया था कि, मैं परमेश्वरे दा पुत्र है। ⁴⁴ इयां ही सै डाकू भी उदी बुराई करदे थे जड़े उदे सोगी सूली पर चढ़ायो थे।

([मत्ती 15:33-41](#); [मत्ती 23:44-49](#);
[मत्ती 19:28-30](#))

⁴⁵ उस रोजे दोपेरा ला लेईकरी तिजे पहर दीकर सारे देशे च नेहेरा होई गया। ⁴⁶ तिजे पहर दे बखे यीशुए बड़े जोरे ने पुकारी बोलया, “एली, एली, लमा शबक्तनी?” मतलब “है मेरे परमेश्वर, तू मिंजो कजो छड़ी दिता?”

⁴⁷ जड़े ओथु थे, उना चे कितणयां ऐ सुणीकरी बोलया, “सै तां एलिय्याह जो पुकारा दा है।” ⁴⁸ उना चे इक बन्दा झट दोड़या, कने उनी स्पंज लेईकरी सिरके च डुबोई, कने सरकंडे पर रखीकरी उसयो चुसाया। ⁴⁹ होरनी बोलया, “रुकी जा, दिखदे न कि, एलिय्याह

इसयो बचाणा ओंदा है कि नी।” ⁵⁰ तालू यीशुए फिरी बड़े जोरे ने चिलाई करी अपने प्राण छड़ी दिते।

⁵¹ कने दिखा, मंदरे दा परदा उपरे ला लेईकरी थले दीकर फटी करी उदे दो टुकड़े होई गे, कने धरती कमी पेई कने पथर तिड़की गे। ⁵² कने कबरां खुली गियां, कने मरे हुय मते पबित्तर लोकां दे शव जिन्दा होई गे, ⁵³ कने जिन्दा होणे बाद सै कबरां ला निकली करी पबित्तर शेहरां च गे, कने मत्यां जणया उना जो दिखाया। ⁵⁴ तालू सूबेदार कने जड़े उदे सोगी यीशुए दा पेहरा देदे थे, सै भूकम्प कने जड़ा कुछ ओथु होया था, उसयो दिखीकरी बड़डे भरी डरी गे, कने बोलणा लगगे, “ऐ तां सच्ची ही परमेश्वरे दा पुत्र था।”

⁵⁵ ओथु मतियां जनानिया जड़ियां गलील प्रदेशे ला ही यीशुए दी सेवा करदियां उदे सोगी आईयां थियां, सै दुरे ला ही दिखा दियां थियां। ⁵⁶ उना चे मरियम मगदलीनी, कने याकूब कने योसेस दी माता मरियम कने जब्दीये दे पुत्रां दी माता भी थी।

([मत्ती 15:42-47](#); [मत्ती 23:50-56](#);
[मत्ती 19:38-42](#))

⁵⁷ जालू संज होई तां यूसुफ नाए दा अरिमतिया शेहरे दा इक अमीर माणु जड़ा अपु भी यीशुए दा चेला था, ओथु आया। ⁵⁸ उनी पिलातुस बाल जाई करी यीशुए दी लाश मंगी। कने पिलातुसे देंणे दा हुकम देई दिता। ⁵⁹ यूसुफे लाश लेई कने उसयो चीटिया चादरा च लपेटया, ⁶⁰ कने उसयो अपणिया नोईया कबरां च रख्या, जड़ी उनी चट्टाना च बणबाइयो थी, कने कबरां दे दरबाजे पर बडा पथर रखीकरी चली गया। ⁶¹ कने मरियम मगदलीनी कने दुई मरियम ओथु कबरां दे सामणे बेठियां थियां।

([मत्ती 27:66](#))

⁶² दुए रोजे जड़ा तैयारिया दे रोजे ला अगला दिन था, उस रोजे बड़डे याजकां कने फरीसियां पिलातुसे बाल गिटे होईकरी बोलया, ⁶³ “हे महाराजा, सांझो याद है, कि उनी भटकाणे बाले जालू जिंदे बेले बोलया था कि, मैं उना रोजां बाद फिरी जिन्दा होई जाणा है। ⁶⁴ हुकम दे कि तिन्ना रोजां दीकर सिपाई कबरां दी रखबाली करन, कुथी इयां ना हो कि उदे चेले आई करी उसयो कडी नी लेई जान, कने लोकां जो बोलन कि सै मरयां चे जिन्दा होई गया है। तालू पिछला धोखा पेहले ला भी बुरा होणा है।” ⁶⁵ पिलातुसे उना जो बोलया, “तुहाड़े बाल सिपाई तां हेन जा कने अपणिया समझा दे अनुसार रखबाली करा।” ⁶⁶ इस तांई उना जाई करी कबरा पर अपने निशाणे सोगी प्रवेश दरबाजे जो बंद

करिरी सुरक्षित बणाई दिता ताकि कोई इसयो अपणिया जगा ला नी हटाए।

28

([मत्ती 16:1-8](#); [मत्ती 24:1-12](#); [मत्ती 20:1-10](#))

1 सव्ते दे रोजे बाद हफ्ते दे पेहले रोजे पौ फटदे ही मरियम मगदलीनी कने दुई मरियम कबरां जो दिखणा आईयां। 2 कने दिखा इक बडा हिलण होया, क्योकि प्रभुए दा इक स्वर्गदूत स्वर्गे ला उतरया था, कने बखे आई करी उनी पथरे जो हटाई दिता, कने उस पर बेई गिया। 3 उदा रूप बिजा सांई था कने उदे कपड़े बर्फा सांई चिट्टे थे। 4 उदे डरे ने पेहरेदार कम्मी पे, कने मुर्दयाँ सांई होई गे। 5 स्वर्गदूते जनानिया जो बोलया, “डरा मत, मिंजो पता है कि तुसां यीशुए जो तोपा दियां न जिसयो सूली पर चढाया था। 6 सै ऐथू नी है, सै तां अपणे बचने दे अनुसार जिन्दा होई गिया है। ओआ इसा जगा जो दिखा जिथू प्रभु रखया था, 7 झट जाई करी उदे चेलयां ने बोला कि, सै मरयां चे जिन्दा होई गिया है; सै तुसां ला पेहले गलील प्रदेश जाई रिया है, ओथु तुहांजो उदे दर्शन होणे! दिखा, मैं तुसां ने बोली दिता है।”

8 कने सै डर कने बड़िया खुशिया ने कबरा ला बापस जाई करी उदे चेलयां जो खबर देणे तांई दोड़ी गियां।

9 तालू यीशु उना जो मिला। कने बोलया, “नमस्ते।” कने उना बखे आई करी उदे पैरां जो पकड़ी करी उसयो दण्डवत किता। 10 तालू यीशुए उना ने बोलया, “डरा मत; मेरे चेलयां जो जाई करी बोला, कि गलील प्रदेश जो चली जा ओथु मिंजो दिखणा है।”

([मत्ती 16:14-18](#); [मत्ती 24:36-49](#); [मत्ती 20:19-23](#); [मत्ती 1:6-8](#))

11 सै जनानियां चेलयां जो ऐ खबर देणा ही चलियां थियां कि, सिपाइयां जड़े कबरा दी रखबाली करा दे थे उना शेहरे च आई करी सारा हाल बड़डे याजकां जो सुणाया। 12 तालू बड़डे याजकां, यहूदी अगुवे सोगी गिठे होईकरी सलाह बणाई। उना सिपाइयां जो रिशवत दे रूप च मता सारा धन देणे दा फेसला किता, कने उना जो बोलया। 13 तुसां सारे लोकां ने ऐ बोलनयो कि राती जालू असां सुतयो थे, तां उदे चेले आई करी उसयो चोरी लेई गे। 14 कने अगर ऐ गल्ल राज्यापाले दे कना दीकर पुजगी कि तुसां रखबाली दे बकते सोई गियो थे, तां असां उसयो समझाई लेंगे कने तुसां जो चिंता करणे दी जरूरत नी है असां बचाई लेंगे। 15 उना पेसा लेईकरी

जियां उना जो सिखया था, तियां ही किता। ऐ गल्ल अजे दीकर यहूदियां च प्रचलित है।

([मत्ती 16:14-18](#); [मत्ती 24:36-49](#); [मत्ती 20:19-23](#); [मत्ती 1:6-8](#))

16 कने गयारा चले गलील प्रदेशे दे उस पाहड़े पर गे, जड़ा यीशुए उना जो दसया था। 17 कने उना उदे दर्शन पाई करी उसयो नमस्ते किते, पर कुसी-कुसी जो शक होया की यीशु जिन्दा होया है।

18 यीशुए उना बाल आई करी बोलया, स्वर्ग कने धरतिया दा सारा हक मिंजो दितया है। 19 इस तांई तुसां जाई करी सारियां जातियां दे लोकां जो चले बणा; कने उना जो पिता, पुत्र, कने पबित्र आत्मा दे नाए ने बपतिस्मा दीया। 20 “कने उना जो सारियां गल्लां जिना दा मैं तुहांजो हुकम दितया है, उना जो मनणा सिखा : कने दिखा, मैं संसारे दे अंत दीकर हमेशा तुहाड़े सोगी है।”

जिदे बारे च मूसा बड़ी पेहले लिखया था, ताकि लोक जाणी सकन की तु खरा होई गया।”

45 पर सै बाहर जाई करी इसा गल्ला दा बड़ा भरी प्रचार करणा लगगा कने उनी ऐ ऐथू दीकर फेलाई दिती, कि यीशुऐ उसयो खरा करी दिता कने यीशु शेरआम बाहर शेहरे च नी जाई सकदा था, फिरी सै बाहर सुनसान जगा च रिया; कने चारो पासे दे लोक उदे बाल आंदे रे।

2

[\[2:1-8\]](#) [\[2:17-26\]](#)
([\[2:1-8\]](#) 9:1-8; [\[2:17-26\]](#) 5:17-26)

1 मतयां रोजां बाद जालू यीशु कफरनहूम शेहरे च मुड़ी करी आया कने तां ओथु दे लोकां जो पता चली गया कि सै घरे आया है। 2 फिरी मते सारे लोक गिठे होए, उस बजा ने घरे मती भीड़ होई गई, ऐथू दिकर की दरबाजे बाल भी जगा नी रेई; कने सै उना जो परमेश्वर दे बचने चे प्रचार करा दा था। 3 कने इक धरंग होयो मरीजे जो चार माणु मंझे पर चुकी करी उदे बाल लेई आये। 4 पर जालू सै भीड़ा दिया बजा ला यीशुऐ बखे नी जाई सके, तां उसा छती जो जिसा हेठ सै बैठया था, उना से पुटी करी रस्ता बणाई दिता, कने जालू सै पुटी बैठे, तां उना उसयो मंझे समेत छती ला थले लटकाई दिता। 5 यीशुऐ उना दा भरोसा अपने उपर दिखीकरी, उस धरंग होयो मरीजे जो बोलया, हे पुत्र, “मैं तेरे पापां जो माफ किता।”

6 तालू केई यहूदी व्यवस्था जो सिखाणे बाले ओथु बैठयो थे, सै अपने-अपने मने च सोचना लगगे, 7 “ऐ माणु ऐसियां गल्लां कजो बोला दा है? ऐ तां परमेश्वरे दी निंदा करा दा है। परमेश्वरे जो छड़ी करी होर कुण पापां जो माफ करी सकदा है?” 8 यीशुऐ अपनी आत्मा च झट जाणी लिया, की सै अपने मने च ऐसा सोचा दे न, कने उनी यहूदी गुरुआं जो बोलया, “तुसां ऐसा कजो सोचा दे न। 9 क्या धरंग होयो मरीजे जो ऐ बोलणा सोखा है, की तेरे पाप माफ होये, या ऐ बोलणा की, उठ अपने मंजे जो चुकी करी हंड फिर? 10 पर मैं तुहांजो दसणा चांदा है की मैं, माणुऐ दा पुत्र जिसयो धरतिया पर पाप माफ करणे दा हक है।” कने उस धरंग होयो मरीजे जो बोलया, 11 “मैं तिजो बोलदा है की, उठ, कने अपने मंजे जो चुक कने अपने घरे जो चली जा।” 12 सै झट उठया कने मंझा चुक्या कने चली गया, सारे लोक जड़े दिखा दे थे सै हेरान होए, कने सारे लोक परमेश्वर दी बड़ाई करिके बोलणा लगगे, “असां इयोदिया कदी नी दिखया।”

[\[9:9-13\]](#) [\[5:27-32\]](#)
([\[9:9-13\]](#) 9:9-13; [\[5:27-32\]](#) 5:27-32)

13 इक बरी फिरी यीशु निकली करी झिला बखे गया, कने मते सारे लोक उदे बाल आए, कने सै उना जो परमेश्वर दे बचना दा उपदेश देणा लगगा। 14 यीशु जियां ही अगगे निकलया, तालू उनी लेवी नाये दे कर लेणेबाले माणुऐ जो दिखया, जिदा दुज्जा ना मत्ती था। उदे पिता दा ना हलफईस था। जड़ा अपणिया चौकियां पर बैठया था, जिथू से कर लेंदा था। कने यीशुऐ उसयो बोलया, “मेरे चेले बणा।” कने सै उठी करी सारा कम्म कार छड़ी करी यीशु पिच्छे चली पिया, कने उदा चेला बणी गया।

15 उदे बाद यीशु कने उदे चेले लेवी दे घरे राती रोटीयां खाणा बैठयो थे। तालू मते भरी चुंगी लेणेबाले कने पापी भी चेलयां सोगी रोटीयां खाणे तांई बैठयो थे। सै मते भरी थे जड़े यीशुऐ पिच्छे चलयो थे। 16 मूसा दिया व्यवस्था जो सिखाणे बाले कने फरीसियां जालू ऐ दिखया, की जिना जो लोक पापी बोलदे थे, सै उना सोगी रोटीयां खा दा है, तां उना लोका यीशुऐ दे चेलयां जो बोलया, “ऐ तां चुंगी लेणेबाले कने पापियां सोगी खांदा पिंदा है।” 17 जालू यीशुऐ ऐ सुणया तां उना जो बोलया, “जड़े लोक खरे न उना जो वैद्ये दी जरूरत नी होंदी है, पर जड़े बिमार न उना जो है। मैं उना लोकां जो सदणे जो नी आया जड़े अपने आपे जो धर्मी मंदे न, पर की जड़े लोक अपने आपे जो पापी मंदे न, मैं उना तांई आया है।”

[\[9:14-17\]](#) [\[5:33-39\]](#)
([\[9:14-17\]](#) 9:14-17; [\[5:33-39\]](#) 5:33-39)

18 यूहन्ना दे चेले, कने फरीसी बरत रखदे थे सै बिना कुछ खादयो रेंदे थे; इक दिन उना चे कुछ चले यीशुऐ बाल आये कने पुछ्या की, “यूहन्ना दे चेले कने फरीसियां दे चेले बरत कजो रखदे न, पर तेरे चेले तां बरत रखदे नी न?” 19 यीशुऐ उना जो बोलया, “भरे चेले कने मैं, लाड़ा कने उदे मित्रां सांई न। क्या लाड़े दे मित्र तालू दीकर बरत रखी सकदे ने जालू दिकर पुरे बियाये च उदे सोगी न? जालू दीकर लाड़ा उना सोगी है तालू दीकर सै बरत नी करी सकदे न। 20 पर सै दिन ओणे न, जालू लाड़ा उना ला लग कितया जाणा है, तालू इना बरत रखणे न।

21 लोक नोए कपड़े दा रफु पराणे कपड़यां च कोई नी पांदा है, नी तां उनी रफुये धोणे ने सुकड़ी जाणा, कने पुराणा कपड़ा होर जादा फटी जाणा। मेरियां गल्लां भी पुराणे रिती रिबाजां सोगी जोड़गे तां इसी कपड़े सांई से भी बेकार होई जाणियां। 22 नोए अंगूरा दे रसे जो पराणिया खलड़िया दे झोले च कोई नी रखदा है, नी

बकत नी मिला। 21 जालू उदे रिशतेदारं ऐ सुणया, तां सै उसयो घरे जो लेई जाणे तांई आये, क्योकि सै बोलदे थे, की इदे होस ठीक होणे च नी है।

22 कने सै जड़े मूसा दी व्यवस्था जो सिखाणे बाले थे, सै यरूशलेम शेहरे ला आयो थे, सै भी ऐ बोलदे थे की, “इदे च शैतान है,” कने “सै बुरियां आत्मा दा सरदार है, कने शैताने दिया मददा ने बुरियां आत्मा जो कडदा है।”

23 इस तांई सै उना जो बखे सदीकरी, उना जो कहाणिया च बोलणा लगगा, “क्या शैतान अपणी ही बुरी आत्मां जो लोकां ला बार कडणे तांई जोर पांगा? नी, जरा भी नी!” 24 अगर कुसी राज्य च लोक अपु च ही लड़दे रेंगे तां सै राज्य बड़े बकते तक नी टिकी सकदा है। 25 कने अगर कुसी घरे दे माणु अपु च ही लड़ी पोंगे तां सै घर नी चली सकदा। 26 अगर शैतान अपणा ही बैरी बणिया कने अपु ने ही लड़गा, तां उनी अपणा ही नाश करी लेणा है।

27 कोई भी माणु जोरे बाले माणुऐ दे घरे जो नी लुटी सकदा, जालू दीकर सै पेहले, उस माणुऐ जो बन्नी नी ले; तां जाई करी सै उदे घरे जो लुटी सकदा है।

28 “मैं तुसां ने सच्च बोलदा है, की माणुऐ दी ओलादी दे सारे पाप कने निंदा जड़ा सै परमेश्वर या कुसी दे खिलाफ करदे न, परमेश्वरे उना दे पाप माफ करी देणे न; 29 पर जड़ा कोई पबित्र आत्मा दे खिलाफ निंदा करगा, तां सै परमेश्वरे कदी भी माफ नी करणा है। कने परमेश्वर इसी पापे तांई उस माणुऐ जो हमेशा तांई दोषी मनणा है।”

30 यीशुऐ ऐ इस तांई बोलया क्योकि सै ऐ बोलदे थे, की उसयो बुरिया आत्मा जकड़या है।

[\[22:46-50; 8:19-21\]](#)

31 तालू यीशु दी मां कने उदे भाई आये, कने उना बाहर खड़ोई करी उसयो बुलाबा भेजया। 32 भीड़ उदे अखे बखे बैठियो थी, कने उना उसला बोलया, “दिख, तेरी माता कने तेरे भाई तिजो तोपा दे न।” 33 यीशुऐ उना जो जबाब दिता, “मेरी माता कने मेरे भाई कुण न?” 34 कने उनी उना पासे नजर दिती जड़े उदे अखे बखे बैठयो थे कने बोलया, “दिखा, मेरी माता कने मेरे भाई न। 35 सै सेई ही करदे न जड़ा परमेश्वर चांदा है, सै ही मेरे भाई, बेहण कने माता पिता न।”

4

[\[13:1-9; 8:1-4\]](#)

1 यीशु फिरी गलील झिला दे बखे उपदेश देणा लगगा, कने ओथु इतणी भरी भीड़ गिठी होई गई, की सै झिला

च इक किस्तिया पर चढ़ी करी बेई गया, कने सारे लोक झिला दे बखे खड़ोई रे।

2 कने सै उना जो कहाणी सुणाणा लगगा, कने अपणे उपदेश च उना ने बोलया, 3 “सुणा इक किसान अपणे खेतरे च बी रांणे तांई गया। 4 रांदे बेले थोड़े बी रस्ते दे बखे पेई गे कने सै तां पंछियां आई करी चुगी ले। 5 कने थोड़े बी पथरलिया जमिना पर पे जिथू उसयो जादा मिटी नी मिली, कने जादा मिटी नी होणे दिया बजा ने तौली लूंगी पै। 6 कने जालू खड़ी धुप पेई, तां सै फकुई गे, क्योकि उना दियां जड़ा डुगियां नी थियां तां सै सुकी गे। 7 कने थोड़े बी झिल्लां च पे, कने जालू झिल्ल बदे तां उना सै बी डकी ले, कने उना फल नी दिता। 8 पर थोड़े बी खरिया जमिना पर पे, कने सै बी लुंगे, कने मते सारे फल देणेबाले होए; केईयां ती गुणा, केईयां सठ गुणा, केईयां सौ गुणा।” 9 तालू उनी बोलया, “जिस बाल सुणने तांई कन्न न सै ध्यान लाईकरी गल्लां जो सुणे, कने इसा गल्ला जो समझी ले।”

[\[13:10-17; 8:9-10\]](#)

10 जालू यीशु किल्ला रेई गया, तां बाहरा चले कने जड़े सोगी थे सै उसला इसा कहाणिया दा मतलब पुछणा लगगे। 11 उनी उना जो बोलया, “तुसां तां परमेश्वरे दे राज्य दियां छुपियां होईयां सच्चियां गल्लां दसियां न, पर ऐ कहाणी बाहरे बाले लोकां तांई थी, सै जड़े मिजों पर भरोसा नी रखदे। 12 जियां कि पवित्रशास्त्र च लिखया है,

सै तिनां जो मिलदे होए भी नी मिलदा कन्ना ने सुणदे होए भी सै नी सुणदे कने समझदे; इयां नी होए की सै अपणे बुरे कम्मा जो छड़ी देन, कने उना जो माफ करणा पोए।”

[\[13:18-23; 8:11-15\]](#)

13 फिरी यीशुऐ उना जो बोलया, “तुसां इना गल्लां जो नी समझगे, तां फिरी तुसां होरा कहाणियां जो कियां समझगे। 14 इसा कहाणिया दा ऐ मतलब है, बी राणे बाला इयोदिया है जियां कोई परमेश्वरे दे बचना दा प्रचार लोकां च करदा है। 15 जड़ा बी रसते च पिया उदी तुलना उना लोकां ने कितियो है, जड़ा परमेश्वर दे बचन सुणदे न। पर शैतान झट पट जादां कने उना दे मने ला बचन कडी दिन्दा है जड़ा उना सुणया था। 16 कने थोड़े लोक उस पथरे वालिया जमिना सांई न जिथू बी पिया था, ऐ सै माणु न, जड़े बचना जो सुणीकरी उना जो झट खुशिया ने ग्रहण करी लेंदे न। 17 पर परमेश्वर दे बचना जो मने दिया गहराईया च बदणा नी दिन्दे, उदे

बाद जालू बचने दिया बजा ने उना पर कला क्लेश या परेशानी होंदी है, तां सै बचना ला पिच्छे हट्टी जांदे न। ¹⁸ जड़े बी झिल्लां च पियो न, ऐ सै माणु न जिना बचन सुणया, ¹⁹ पर सै संसारे दियां चिंता जो लेईकरी दुखी, कने संसारिक चिंजा दिया मोहमाया च फसी जांदे न, ऐ सब कुछ परमेश्वरे दे बचन च रुकावट पांदा है। कने सै बचन उना तांई फायदेमंद नी होंदा। ²⁰ कने जड़े बी खरिया जमिना पर रायो थे, ऐ सै माणु न, जड़े बचन सुणीकरी ग्रहण करदे न, कने फल दिन्दे न, कोई ती गुणा, कोई सठ गुणा, कने कोई सौ गुणा।”

ॐॐॐॐॐॐ ॐॐ ॐॐॐॐॐॐ
(ॐॐॐॐ 8:16-18)

²¹ यीशुऐ उना जो बोलया, “क्या कोई दिये जो जल्लाई करी उसयो इक टोकरू या मंजोलिया दे जिक इस तांई रखदा है की उदिया लौई जो लुकाई सके? ना जरा भी नी। दिये जो ताके उपर रखदे न, जिथू ला उदी लोअ चमकी सके।” ²² क्योंकि जड़ा कुछ भी लुकया है, सै सामणे करणा; कने हर इक गुप्त गल्ल सामणे आई जाणी है। ²³ “जिस बाल सुणने तांई कन्न न सै ध्यान लाईकरी गल्ला जो सुणे, कने इसा गल्ला जो समझी ले।”

²⁴ यीशुऐ उना जो बोलया, “ध्यान रखा, की जितणा तुसां ध्याने ने बचना जो सुणगे, तुसां जो उतणा ही जादा समझ ओणा है, उदे साबे ने परमेश्वरे तुहांजो देणा है। जिस नापे ने तुसां नापदे न उसी नापे ने तुहाड़े तांई नापया जाणा है, कने तुसां जो जादा दितया जाणा है। ²⁵ जिना बाल जड़ा परमेश्वर सिखांदा है उसयो समझणे दी इच्छा है, उना जो परमेश्वरे होर समझ देणी, पर जड़ा समझणे दी इच्छा नी रखदा, की मैं क्या सिखांदां, तां सै जड़ा समझया है, परमेश्वरे उसला सै भी लेई लेणा।”

ॐॐॐॐॐॐ ॐॐॐॐ ॐॐॐ ॐॐ ॐॐॐॐॐॐ

²⁶ यीशुऐ उना जो बोलया, “परमेश्वरे दा राज्य ऐसा है, जियां कोई किसान खेतरे च बी रांदा है, ²⁷ जालू उनी बी राई दिते उनी फिरी दुबारा मुड़ी करी बी नी दिखया कने अपणे रोजाने बाले कम्मा करदा रिया। पर जड़ा उनी बी राऐ थे, सै बी लुंगे कने बड्डे होए, कने से जाणदा भी नी की ऐ कियां होया। ²⁸ धरती अपु ही फल दिन्दी है, पेहले लूंगा, फिरी सिल्ले, फिरी सिल्ल्यां च तैयार दांणा। ²⁹ पर जालू सै दाणे पकी जांदे न, तालू सै किसान आंदा कने दराटिया ने बडणा लगदा, क्योंकि बडणे दा बकत आई गया था।”

ॐॐॐॐ ॐॐ ॐॐॐॐ ॐॐ ॐॐॐॐॐॐ
(ॐॐॐॐ 13:31,32,34; ॐॐॐॐ 13:18,19)

³⁰ फिरी यीशुऐ कहाणी सुणाई, “असां परमेश्वरे दे राज्य दी तुलना इयां करी सकदे न, जियां तुसां जो मैं कहाणी दसदा। ³¹ कने परमेश्वर दा राज्य धरती दे सारे बियां ला सबला छोटे बी राईऐ दे बियां सांई है। ³² पर जालू जमिना च रांदे न, तां सै उगी करी सारे साग पतरां ला बडा होई जांदा है, कने उदियां इतणियां बडियां डालियां निकलदियां न की अम्बरे दे पंछी भी उदिया छोआं च रेहणे तांई डालियां च घोंसले बणाई सकदे न।”

³³ कने सै लोकां जो परमेश्वरे दे राज्य दे बारे च दसणे तांई हरबरी कहाणिया दा इस्तेमाल करदा था, जडियां उना जो समझ आई जान। ³⁴ कने सै हमेशा परमेश्वरे दे राज्य दियां गल्लां कहाणिया च बोलदा था, पर जालू सै किल्ला होंदा था, तां सै अपणे चेलयां जो सारियां गल्लां दसदा था।

ॐॐॐॐॐॐ ॐॐ ॐॐॐॐॐॐ ॐॐॐॐॐ
(ॐॐॐॐॐ 8:23-27; ॐॐॐॐॐ 8:22-25)

³⁵ उसी दिने सझां दे बले, उनी अपणे चेलयां ने बोलया, “ओआ, असां गलील झीला दे पार चलदे न।” ³⁶ कने चले भी भिड़ा जो छडी करी उसा किस्तिया पर चढी गे, जिसा पर यीशु बैठया था। कने सै यीशुऐ जो अपणे कने लेई गे। ओथु उना सोगी होर भी किस्तियां थियां। ³⁷ तालू सै झीला जो पार करा दे थे, तां बड़ा भरी तूफान आया कने लेहरां किस्ती ने बजियां, किस्तिया च पाणी भरुईया कने किस्ती डुबणे वाली थी। ³⁸ कने यीशु पिछले हिस्से च सुतया था, तालू उना उसयो जगाई करी बोलया, “गुरू जी, तिजो क्या साड़ी कोई फिकर नी है, की असां मरणे बाले न?” ³⁹ तालू उनी उठी करी तुफाने जो डांटया, कने लेरां जो बोलया, “शांत रिया, रुकी जा!” कने हवा रुकी गई कने झील शांत होई गई। ⁴⁰ कने उनी तालू चेलयां ला पुछया, “तुसां कजो डरदे न? क्या तुहांजो हले दीकर मिजो पर भरोसा नी है?” ⁴¹ सै बड़े भरी डरी गे कने अपु चे बोलणा लगगे, “ऐ कदिया माणु है? ऐथू तक की तूफान कने लैहरां भी इदा हुकम मंदे न।”

5

ॐॐॐॐॐॐॐ ॐॐॐॐॐॐ ॐॐ ॐॐॐॐॐॐॐ ॐॐॐॐॐॐ ॐॐ
ॐॐॐ ॐॐॐॐॐ
(ॐॐॐॐॐ 8:28-34; ॐॐॐॐॐ 8:26-39)

¹ यीशु कने उदे चले गलील झिला दे पार गिरासे दे लोकां दिया जगा च पुज्जे, ² जालू यीशु किस्तिया ला थले उतरया तालू इक माणु जिसयो बुरिया आत्मा जकडया था, सै कबिरस्तान ला निकलया कने यीशुऐ बाल आया। ³ सै कबिरस्तान च रेंदा था कने लोक उसयो बन्नी करी नी रखी पांदे थे, ऐथू दिकर की लोहे दे सुगंला

ने भी नी।⁴ क्योंकि उसयो बड़ी बरी बेड़ियाँ कने सुंगला ने बनया था, पर सै उना सुंगला जो तोड़ी दिन्दा, कने बेड़ियाँ दे टोटे-टोटे करी दिन्दा था, कने उसयो कोई भी काबू च नी करी सकदा था।⁵ सै रात दिन कबिरस्तान कने पाहड़ा च जोरे-जोरे बकदा रेंदा, कने अपने आपे जो पथरा ने जख्मी करदा रेंदा था।⁶ सै यीशुए जो दुरे ला ही दिखीकरी दोड़या, कने यीशुए जो इज्जत देणे ताई उदे पैरां अगगे डेई पिया।⁷ उनी जोरे ने चिलाई करी बोलया, “यीशु जी, परमपिता परमेश्वरे दे पुत्र, तु मिंजो कजो सता दा है? तु परमेश्वरे दे ना लेईकर कसम खा की तु मिंजो नी सतांगा।”⁸ उनी ऐ बोलया क्योंकि यीशुए उसयो पेहले ही हुकम देई दितया था, “हे बुरी आत्मा, इस माणुए ला तु निकली जा।”⁹ यीशुए उसा बुरिया आत्मा जो पुछ्या, “तेरा क्या ना है?” उनी बोलया, “मेरा ना सेना है, क्योंकि असां मते सारे न।”¹⁰ कने उना बुरियां आत्मा उसला बड़ी बिनती किती, “की सांझो गिरासे दे इलाके ला बाहर मत भेजा।”

¹¹ ओथु धारा पर इक सूअरां दा झुण्ड चुग्गा दा था।¹² कने बुरियां आत्मा यीशुए ने बिनती करिके बोलया, “की सांझो इना सूअरां च भेजी दे ताकि असां इना दे अंदर जाई सकन।”¹³ यीशुए उना जो हुकम दिता कने सै बुरियां आत्मा उसी माणु ला निकली करी सूअरां दे अंदर समाई गियां, कने उसी झुण्डे च कोई दो हजार सूअर थे, कने खड़े डडे पासे दौड़े कने रिड़की करी झिला च जाई पे कने डूबी करी मरी गे।

¹⁴ उना दे पुहालां नठी करी शेहर कने ग्रांए च ऐ खबर सुणाई, कने जड़ा होया था लोक उसयो दिखणा आये।¹⁵ यीशुए बाल आई करी, उना उसयो दिखया जिदे च बुरियां आत्मा थियां, उसयो कपड़े पाई करी कने खरा बैठया दिखीकरी सै डरी गे।¹⁶ दिखणे बालयां उदा जिदे बिच बुरियां आत्मा थियां, कने सूअरां दा पूरा हाल, बाकियां जो दसया।

¹⁷ तालू जड़े लोक दिखणा आयो थे, सै यीशुए ने बिनती करिके बोलणा लग्गे, कि साड़े इलाके ला चली जा।¹⁸ जालू यीशु किस्तिया पर जाणे ताई चढ़या, तां सै जिदे च पेहले बुरियां आत्मा थियां, सै यीशुए ने बिनती करणा लग्गा, “की मिंजो भी अपु सोगी रेंगा दे जियां बाहरा चले उदे सोगी रेंदे थे।”¹⁹ पर यीशुए उसयो अपने सोगी चलणे ताई मना करी दिता, कने उसयो बोलया, “अपणे घरे जाई करी अपने लोकां जो दस, की प्रभुए तिजो पर दया करिके तेरे ताई कदेया कम्म किता है।”²⁰ तालू सै माणु अपने घरे दे इलाके च चली गिया। फिरी उनी सारे दिकापुलिस जिदा मतलव “दस शेहर” च ऐ प्रचार करणा शुरू किता, कि यीशुए मेरे ताई बड़ा

कुछ कितया है, कने उसयो सुणनेबाले सारे लोक हेरान होए।

22222 22 222222 222222 222 22222 222222
(222222 9:18-26; 22222 8:40-56)

²¹ जालू यीशु दोबारा किस्तिया च गलील झिला पारे जो गिया, कने बड़े भरी लोक उस बाल गिठे होई गे। सै झिला बखे ही था,²² यहूदी जंज घरे दे सरदारां चे इक याईर नाये दा सरदार आया, सै यीशुए दी इज्जत मान ताई यीशुए दे पैरां अगगे डेई पिया,²³ कने उनी ऐ बोली करी बड़ी बिनती किती, “की मेरी लोकी कुड़ी मरणा लगियो है, कने तू साड़े घरे आई करी उसा जो छु, ताकि सै ठीक होई जा कने मरणे ला बची जा।”²⁴ तालू ही यीशु उस सोगी चली पिया, कने मते भरे लोक उदे पिच्छे चली पे, सै यीशुए दे उपर डेई पोंदे थे।

²⁵ भिड़ा च इक जनानी थी जिसा जो बाहरां सालां ला खून निकलने दी बिमारी थी।²⁶ उना मते वेद्यां हथा ला दुख झेलया था कने अपने सारे पेसे खर्चणे बाद भी सै खरी नी होई। कने उसा दा हाल बड़ा बुरा होई गिया था।²⁷ जालू उना सुणया यीशुए लोकां जो खरा कितया है, तां उना सोचया, “कि मैं उदे कपड़यां जो छुई लें, तां मैं खरिया होई जाणा।” ताई तां उना भिड़ा च यीशु दे पिच्छे आईके उदे कपड़यां जो छुता।²⁸ क्योंकि सै बोलदी थी, “अगर मैं उदे कपड़यां जो भी छुई लेंगी, तां ही मैं ठीक होई जाणा।”²⁹ कने झट उसा दा खून चलणा बंद होई गिया, उना अपने शरीरे ला मेहसूस करी लिया की मैं इसा बिमारिया ला ठीक होई गियो है।³⁰ यीशु भिड़ा च पिच्छे मुड़या कने पुछ्या, “मेरे कपड़यां जो कुनी छुता?” उनी ऐसा इस ताई पुछ्या क्योंकि उसयो पता लगी गिया की उदे चे सामर्थ्य निकली, कने कोई माणु खरा होया है।³¹ उदे चेलयां उसयो बोलया, “तू दिखा दा है, की तेरे अखे बखे इतणी भरी भीड़ है, कने तू पुछदा है, की कुनी मिंजो छुता?”³² तालू यीशुए उसी माणुए जो दिखणे ताई जिनी ऐ कम्म कितया था, चारो पासे नजर दौड़ाई।³³ तालू सै जनानी जाणी गिया की मैं खरी होई गियो, तालू सै आई कने यीशुए दे पैरां च पेई गई कने पैर बंदे। कने यीशुए जो दसया की मैं तिजो छुतया था। उना सोचया कि उनी उसा पर गुस्सा होणा उसा गल्ला दिया वजा ला सै डरी कने कम्मी पियो थी।³⁴ यीशुए उसा जो बोलया, “कुड़िये, तेरा भरोसा जड़ा मिजों पर था उनी भरोसे तिजो खरा कितया है, शांति ने चली जा, हुण तु अपणिया इसा बिमारिया ला बची करी रियां।”

35 यीशु हले उसा ने गल्ल करा दा ही था, यहूदी जंज घरे दे सरदार दे घरे ला कुछ लोकां आई करी बोलया, “की तेरी कुड़ी तां मरी गई है” हुण गुरुए जो कजो तकलीफ दे दा है? 36 जड़ी गल्ल सै बोला दे थे, उसा गल्ला जो यीशुए अणसुणी करिके यहूदी जंज घरे दे सरदार जो बोलया, “डर मत, सिर्फ मिजों पर भरोसा रख।” 37 तालू यीशुए सिर्फ पतरस, याकूब कने याकूब दे भाई यूहन्ना कने याईर जो ही अपने कने ओणा दा हुकम दिता, होर कुसयो भी अपने सोगी ओणा नी दिता।

38 कने यहूदी जंज घरे दे सरदार दे घरे च पुज्जी करी, उनी लोकां जो रोंदे कने डडदे दिखया। 39 तालू यीशुए कमरे अंदर जाई करी उना जो बोलया, “तुसां इयां डडा कने रोआ मत? कुड़ी मरियो नी है पर सुतियो है।” 40 सै सुणीकरी, सारे लोक यीशुए पर हसणा लगगे, तालू उनी सारयां जो बाहर कडी दिता। कने कुड़िया दे माता पिता कने अपने चेलयां जो सोगी लेईकरी कमरे अंदर गिया जिथू कुड़ी पियो थी। 41 कने यीशुए कुड़िया दा हथ पकड़ी करी उसा जो बोलया, “तलिता कूमी,” जिसदा मतलब है की, “हे छोटी कुड़िए, मैं तिजो बोलदा है, उठ।” 42 कने कुड़ी झट उठी करी हंडणा लगगी पेई, सै बाहरां सालां दी थी। जालू इयां होया तां सारे लोक कुड़िया जो दिखीकरी हेरान होई गे। 43 फिरी यीशुए उसा दे माता पिता जो समझाई करी हुकम दिता की इसा गल्ला दा कुसयो पता नी लगगे की उनी मरियो कुड़ियो जो जिन्दा कितया है। कने इसा कुड़िया जो खांणे जो दिया कुछ।

6

ⓂⓂⓂⓂⓂ Ⓜ ⓂⓂⓂⓂⓂⓂ ⓂⓂ ⓂⓂⓂⓂⓂⓂ

(ⓂⓂⓂⓂⓂ 13:53-58; ⓂⓂⓂⓂⓂ 4:16-30)

1 तालू यीशु कफरनहूम शेहरे ला चली गिया, सै अपने ग्रां नासरत जो आया, कने उदे चले भी उदे सोगी आये। 2 यीशु सब्ते बाले रोजे यहूदी जंज घर च परमेश्वरे दे बचना दा उपदेश देणा लगगा, कने मते लोक सुणीकरी हेरान होई गे कने बोलणा लगगे, “इनी माणुए ऐ गल्लां कुथु ला सिखियां न? कने इसयो ऐ सारा ज्ञान कने चमत्कार करणे दी शक्तियां कुनी दितियां? कने सामर्थ्य दे कम्म कियां इदे ला होंदे न? 3 ऐ सिर्फ तरखाणे दा पुत्र है, जड़ा मरियम दा पुत्र, कने याकूब, योसेस, यहूदा कने शमौन दा भाई है। कने इदिया बेंहणा भी ऐथू साडे सोगी न” कने उना यीशुए पर भरोसा करणे जो मना करी दिता। 4 यीशुए उना जो बोलया, की परमेश्वरे दे संदेश देणे बालयां दा अपने ग्रां कने अपने रिशतेदारां

अपणे घरे छडी करी, हर कुथी उदी इज्जत मान होंदा है। 5 कने ओथु उसी पर कुनी भरोसा नी किता, इसा बजा ला उनी ओथु थोड़े बिमारां पर हथ रखीकरी खरा किता उदे अलावा ओथु होर कोई चमत्कार नी करी सकया। 6 कने यीशु उना दे अविश्वास ने बड़ा हेरान होया कने उदे बाद यीशु अखे बखे दे ग्रांए च गिया कने परमेश्वर दे बचना दा उपदेश दिता।

ⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂ

(ⓂⓂⓂⓂⓂ 10:5-15; ⓂⓂⓂⓂⓂ 9:1-6)

7 थोड़े बकते बाद यीशुए बाहरां चेलयां जो अपने बाल सदया कने उना जो बुरी आत्मा कडणे दा हक दिता। उना जो दो-दो करिके लग-लग ग्रांए भेजणा लगगा, कने उना जो बुरियां आत्मा जो लोकां चे कडणे दा हक दिता। 8 कने यीशुए उना जो हुकम दिता, की अपने रस्ते तांई सिर्फ इक सोटी लेनयो। ना तां खांणे तांई रोटी लेणी, ना तां झोला, ना ही बटुए च पेसे, 9 पर जुते पाई लेनयो कने होर कोई कपड़े पाणे तांई मत लेंदे। 10 यीशुए उना जो बोलया, “की कोई तुहांजो अपने घरे रेहणे तांई सदगा, जालू दीकर तुसां उसी ग्रांए च रेंगे, तालू दीकर उसी दे घरे च परोणे बणी करी रिया। 11 जिसा जगा दे लोक तुहांजो अपनांगे नी कने तुहाड़ी सुणगे नी, ओथु ला जांदे बले अपने पैरां दी धुड़ जाडी दिनयो, ताकि उना लोकां जो पता लगगे की परमेश्वरे दिया तरफा ला मिलणे बाली सजा दे सै अपु ही जिम्मेबार न।”

12 तालू चेलयां जाई करी घोषणा किती की अपना मन बदला कने अपने पापां दा पश्चाताप करा, कने परमेश्वरे दे शुभसमाचार पर भरोसा करा, कने परमेश्वरे पासे मुड़ा। 13 कने उना मतियां बुरियां आत्मा जो कडया, कने मतयां बिमारां जो जैतुन दा तेल मली करी खरा किता।

ⓂⓂⓂⓂⓂⓂⓂ ⓂⓂⓂⓂⓂⓂⓂⓂⓂ ⓂⓂⓂⓂⓂⓂⓂⓂ ⓂⓂ

(ⓂⓂⓂⓂⓂⓂ 14:1-12; ⓂⓂⓂⓂⓂ 9:7-9)

14 कने हुण राजा हेरोदेसे यीशु दे कम्मा दी चर्चा सुणी जड़े यीशु करा दा था, क्योंकि मते सारे लोक यीशुए जो जाणदे थे कने उदे बारे च चर्चा करा दे थे। कने बोला दे थे की ऐ सेई यूहन्ना बपतिस्मा देणे वाला है, सै मरयां चे जिन्दा होई गिया है, ऐई बजा है कि उदे बाल ऐ चमत्कार करणे तांई परमेश्वरे दी शक्ति है। 15 कने होरनी लोकां बोलया है, “परमेश्वरे दा संदेश दे बाला एलिय्याह है। कने बाकियां बोलया, ऐ सै परमेश्वरे दा संदेश देणे बाला है, जड़े बड़े जमाने पेहले रेंदे थे।” 16 हेरोदेसे ऐ सुणीकरी बोलया, “ऐ यूहन्ना बपतिस्मा देणे बाला है, मैं अपु उदा मुंड बडबाया था, पर सै मरी करी फिरी जिन्दा होई गिया है।”

17 हेरोदेस थोड़े बकते पेहले अपणे भाई फिलिप्पुस दी घरे बाली हेरोदियास ने बियाह करी लिया था। 18 तालू यूहन्ना उसयो बोलया, “ऐ तु खरा नी किता तु अपणे भाईये दी लाड़ी लेई ली!” ताई तां हेरोदियास जो खुश करणे ताई, हेरोदेसे यूहन्ना जो पकड़ी करी उसयो जेला च पाई दिता। 19 ताई तां हेरोदियास यूहन्ना ने दुशमणी रखदी थी कने सै चांहदी थी, की उसयो मरवाई दे, पर ऐसा होई नी सकया, 20 हरबरी जालू हेरोदेस यूहन्ना जो बोलदे सुणदा था, तां सै डरदा था, क्योंकि युहन्ना इक पबित्र कने धर्मी माणु था, पर तमी सै उसयो सुणना पसंद करदा था। कने सिपाहियां जो उदी रखाबाली करणे ताई रखया, हेरोदेस उदियां गल्लां सुणीकरी डरी जांदा था, पर सै खुशिया ने सुणदा था।

21 थोड़े बकते बाद, हेरोदेसे अपणा जन्म दिन मनाया। उनी अपणे बड्डे प्रधान अधिकारियां, सेना दे बड्डे खास अगुवां कने गलील प्रदेशे दे अगुवां जो धामा च सदया। इसा धामा च हेरोदियास जो यूहन्ना जो मरवाणे दा मोका मिली गया। 22 कने हेरोदियास दी कुड़ी अंदर आई, कने नची करी हेरोदेस कने उदे सोगी धाम खाणा आये परोणयां जो खुश किता, तालू राजे कुड़िया जो बोलया, “तू जड़ा मर्जी मिंजो ला मंग, मैं तिजो दिंगा।” 23 कने हेरोदेसे उसा ला ऐ बायदा किता, “की मेरे अघे राज्य दीकर जड़ा कुछ तू मिंजो ला मंगगी सै मैं तिजो दिंगा।” 24 उना बाहर जाई करी अपणिया माता ला पुछ्या, की मैं क्या मंगे? माता बोलया की, “उसयो बोल की सै यूहन्ना बपतिस्मा देणेबाले दा मुंड बड्डी करी मिंजो दे।” 25 कने सै झट अंदर राजे बाल आई, कने उसने बिनती किती की, “मैं चांहदी है, की तू हुणी यूहन्ना बपतिस्मा देणेबाले दा मुंड बड्डी करी मिंजो इक थालिया च दे।” 26 ऐ सुणीकरी राजा बड़ा उदास होया, पर अपणिया कसमां, कने सोगी बोणे बालयां दिया बजा ला उसा दिया गल्ला जो टालना नी चांदा था। 27 राजे इक सिपाइऐ जो हुकम दिता, कि जेला च जा, कने यूहन्ना दा मुंड बड्डी करी उदे बाल लेईकर आ। 28 सिपाइऐ जेला च जाई करी उदा सिर कटया, कने इक थालिया च रखीकरी लेई आया कने उसा कुड़िया जो देई दिता, कने कुड़िया अपणिया माता जो देई दिता। 29 जालू यूहन्ना दे चेलयां जो पता चला की उसयो मारी दितया है, यूहन्ना दे चेले आये, कने उना उदिया लाशा जो चुकी करी कबरा च रखी आये।

30 जालू सै प्रेरित जिना जो यीशुऐ भेजया था, सै यीशु बाल बापस आये कने उदे चारों बखे खड्डोइ गे, कने जड़ा कुछ उना किता, कने सिखया था, सारा कुछ उसयो दसया। 31 मते सारे लोक ओंदे जांदे थे कने इसा बजा ला यीशु कने उदे चेलयां जो रोटियां खाणे दा बकत नी मिलदा था। तालू यीशुऐ चेलयां जो बोलया, “असां कुथी सुनसान जगा चलदे जिथू किल्ले रेई सकन कने थोड़ा बकत अराम करी सकन।” 32 इस ताई सै किस्तिया च बेईकरी सुनसान जगा च चली गे।

33 कने मतयां लोकां उना जो जांदे दिखया कने पछेणी लिया की सै कुथु जाणा लगयो न। कने अखे बखे दे नगरां दे लोक गिठे होईकरी यीशु कने उदे चेलयां ला पेहले ओथु पैदल दौड़ी करी पुज्जी गे। 34 यीशु किस्तिया ला उतरया कने उनी मती भरी भीड़ दिखी, कने उना पर तरस खादा, क्योंकि उना दा कोई अगुवा नी था, जड़ा उना दी रखबाली करी सके, जियां बिना गवाले भेडां होंदियां न, “फिरी सै उना जो परमेश्वर दे राज्य दियां मतियां गल्लां सिखाणा लगगा।”

35 जालू संज होंणा लगगी, तां उदे चेले उदे बखे आई करी बोलणा लगगे, “ऐ सुनसान जगा है, कने दिन बड़ा ढली गिया है। 36 इना जो भेजी दे, ताकि ऐ अखे बखे दे ग्रां कने बासियां च जाई करी, अपणे ताई कुछ खाणे जो खरीदी लेन।” 37 यीशुऐ उना जो जबाब दिता, “तुसां ही इना जो खाणे जो दिया।” उना यीशुऐ जो बोलया, “की तु चांदा है की असां जान कने दो सौ दिना दी मजदुरिया बराबर दियां रोटीयां खरदी करी इना जो खुआन?” 38 यीशुऐ उना जो बोलया, “जाई करी दिखा तुहाड़े बाल कितणियां रोटियां न?” उना पता करी के बोलया, “पंज रोटियां कने दो मछियां भी हेन।” 39 तालू यीशुऐ उना जो हुकम दिता की, सबना जो सेले घाए पर बैठाई दिया। 40 सै सौ-सौ करिके कने पंजा-पंजा करिके झुण्डा च बेई गे।

41 कने यीशुऐ सै पंज रोटियां कने दो मछियां लियां, कने स्वर्गे पासे दिखीकरी परमेश्वर दा धन्यवाद किता, कने रोटियां तोड़ी करी दो टोटे किते कने चेलयां जो दिन्दा गिया, ताकि सै लोकां जो परोसन, कने सै दो मछियां भी उना च बंडी दितियां। 42 सारे खाई करी रजी गे। 43 कने जालू रोटी खायी बैठे तालू चेलयां बाकी बचियाँ रोटियां कने मछियां गिठेरेइयां कने उसला बाहरा टोकरियाँ भरुई गियां। 44 जिना रोटियां खादियां सै पंज हजार सिर्फ मर्द थे, उना बच्चे कने जणासा जो गिणया नी था।

14:13,14; 9:10

14:22-33; 6:15-21

45 तालू यीशुए झट पट अपणे चेलयां जो बोलया की सै किस्तिया पर चढ़ी जा कने झिला दे पारले पासे बैतसैदा शेहरे जो चली जा, जालू दीकर की सै सारे लोकां जो भेजी नी ले। 46 सारे लोकां जो भेजणे बाद, यीशु पहाड़े पर प्राथना करणे ताई गया।

47 कने जालू संज होई, तालू किस्त गलील झिला दे बिच थी, कने यीशु किला झिला बखे था। 48 जालू उनी दिखया की सै बड़े घबराई गियो न, क्योंकि हवा उना दे खिलाफ चलियो थी, तां व्यागा तड़के यीशु झिला पर चली करी उना बाल आया, कने सै उना ला बखे ला निकलना चांदा था। 49 पर जालू उना उसयो झिला पर चलदे दिखया, तां से डडणा लगगी पै, उना जो लगया की सै भुत है, तां सै दिखीकरी डरी गे, 50 क्योंकि सारे उसयो दिखीकरी घबराई गियो थे। पर यीशुए उना ने झट गल्लां कितियां कने बोलया, “हिम्मत रखा, डरा मत, मैं यीशु है।” 51 तालू सै उना बाल आया कने किस्तिया पर चढ़ी गया, कने हवा रुकी गई, कने सै बड़े हेरान होणा लगगे। 52 हाली उना दिखया भी था की पिछलिया धियाड़िया यीशुए पंज रोटीयां ने पंज हजार ला जादा लोकां जो खाणा खुआया था, सै हाली भी उसयो नी समझयो थे, की यीशु कुण है। क्योंकि उना दे मन कठोर थे।

???????? ? ???? ? ? ? ? ?
(???? 14:34-36)

53 जालू यीशु कने उदे चले इक किस्तिया च गलील दिया झिल्ला च गन्नेसरत प्रदेशे दे बखे पुज्जे, कने किस्त घाटे पर बन्नी दिती। 54 कने जालू सै किस्तिया ला उतरे, तां लोकां उसयो झट पछेणी लिया, 55 सै झट पट ही सारे इलाके च गे, कने बिमारां जो मंझयां पर चुकी करी लेई गे जिथू उना जो खबर मिली की यीशु ओथु है। 56 कने जिथू कुथी सै ग्रां, शेहरां या बस्तियां च जांदा था, तां लोक बिमारां जो बजारां च रखीकरी उसला बिनती करदे थे, की सै सिर्फ अपणे कपड़यां जो छुणा दे, कने जितणे भी छुंदे थे, सै सारे ठीक होई जांदे थे।

7

???????? ? ???? ? ? ? ? ?
(???? 15:1-9)

1 तालू इक रोज फरीसी कने केई यहूदी व्यवस्था जो सिखाणे बाले जड़े यरूशलेम शेहरे च आयो थे, उसयो सुणने ताई गिठे होए, 2 कने उना दिखया की उदे चले बिना हथ धोते रोटी खा दे थे, जड़ा की यहूदी रिबाजे अनुसार अपबित्तर था। 3 फरीसी कने सारे यहूदी खाणा खाणे ला पेहले अपणे बजुर्गां दे रीती रिबाजे पर चलदे

थे कने जालू दीकर सै ढंगे ने हथ नी धोई लेन खाणां नी खांदे थे, 4 कने बजारे ला ओणे दे बाद, जालू दीकर से अपणे रीती रिबाजा दे अनुसार नोई नी लेन, साफ नी होंदे तालू दीकर खाणां नी खांदे, कने उना दे वजुर्गां दे होर भी बतरे रिबाज थे, जिना जो सै मंदे थे, जियां की कटोरे, लोटे, कने तांबे दे भांडयां जो धोणा कने मांजणा। 5 ताई तां उना फरीसियां कने व्यवस्था जो सिखाणे बालयां उसयो पुछया, “की तेरे चले साड़े सियाणे दियां रिबाजां जो नी मंदे?” सै तां बिना हथ धोयो रोटी खांदे न? 6 यीशुए उना जो जबाब दिता, “यशायाहे ठीक था, जिनी पबित्तर शास्त्र च तुहाड़े साई कपटियां दे बारे च लिखया है, की ऐसे लोक गल्लां ने तां मेरा आदर करदे न, पर इना दे मन मिंजो ला बड़े दूर न। 7 इना दी कितियो भक्ति मेरे ताई बेकार है, क्योंकि ऐ लोकां जो माणुए दियां दसियां गल्लां जो परमेश्वर दियां गल्लां दस्सी करी मनणे ताई बोलदे न।

8 क्योंकि तुसां परमेश्वरे दे हुकमा जो मनणा बंद करी दितया है, कने माणुए दे रिबाजां जो मंना दे न।”

9 कने यीशुए उना ने बोलया, “तुसां अपणे बणायो नियमा जो मनणे ताई चलाकिया ने परमेश्वरे दे हुकम जो टाली दिन्दे न। 10 उदाहरण ताई, मूसा ने बोलया है, की अपणे माता पिता दा आदर करा, कने जड़ा कोई अपणे माता पिता जो श्राप दिगा, सै पक्का मारी देणा। 11-12 पर तुसां लोकां जो ऐ दसदे न की, अपणे माता पिता दी मदद नी करणा कने उना दे हिस्से दियां चिंजा उना जो छड़ी करी परमेश्वर जो देणा ठीक है। कने तुसां लोकां जो इजाजत दिन्दे अपणे माता पिता जो ऐ बोलणे दी की जड़ा कुछ मैं तुहांजो देणा था, सै मैं परमेश्वर जो देणे दी कसम खादियो है, कने मैं हुण तुसां दी मदद नी करी सकदा, इसला तुसां लोकां जो ऐ बोलदे की हुणे ला तुसां जो माता पिता दी सेवा करणे दी कोई जरूरत नही है। 13 इयां बोली करी, जिना रीती रिबाजां जो तुसां लोकां दीकर पुजाया है, सै परमेश्वरे दियां बोलियां गल्लां जो बेकार होणे दी बजा बणी जांदा है।”

???????? ? ???? ? ? ? ? ?
????????

(???? 15:10-20)

14 तालू यीशुए लोकां जो अपणे बाल सदीकरी उना जो बोलया, “तुसां सारे मेरी सुणा, कने समझा। 15 ऐसी कोई चीज नी ऐ जड़ी माणुए च बाहर ला आई करी उसयो अशुद्ध करदी है, पर माणुए जो अशुद्ध सै करदा है जड़ा उदे अंदरे ला निकलदा है। 16 जिस बाल सुणने ताई कन्न न सै ध्यान लाईकरी गल्ला जो सुणे, कने इसा गल्ला जो समझी ले।”

लगभग चार हजार थे, कने यीशुए उना लोकां जो विदा किता। 10 कने यीशु चेलयां सोगी किस्तिया पर चढ़ी करी दलमनुता इलाके जो चली गया।

१६:१-४

11 फिरी फरीसी आई करी यीशुए ने गल्ल बात करणा लगगे, क्योकि सै उसयो फसाणा चांदे थे इस ताई उना उसयो पूछया स्वर्गे दा कोई चमत्कार दस। जिसने ऐ साबित होई जां की परमेश्वरे तिजो शक्ति दितियो है। 12 उनी उना दे अविश्वास ला नराज होई करी लम्बा साह लिया कने बोलया, “इस युगे दे लोक कजो चमत्कार तोपदे न? मैं तुहांजो ने सच्च बोलदा है, की इस युगे दे लोकां जो कोई चमत्कार नी देणा है।” 13 फिरी सै फरीसियों जो छडी करी, अपणे चेलयां सोगी किस्तिया पर चढ़ी गया कने गलील झिला दे चारों पासयां ला होंदे होए चली गया।

१६:५-१२

14 यीशुए दे चेले रोटियां लेणा भूली गियो थे, कने उदिया वजा ने उना बाल किस्तिया च इक रोटिया जो छडी करी कख भी नी था। 15 कने यीशुए उना जो चेतावनी दिती कि, “फरीसियां कने हेरोदेस दे खमिरे ला बचणे ताई चौकने रेनयो।” 16 सै अपु चे विचार करिके बोलणा लगगे, कि यीशुए ऐ इस ताई बोलया क्योकि “साड़े बाल रोटीयां घट न।” 17 ऐ जाणी करी यीशुए उना ने बोलया, “तुसां कजो अपु चे विचार करा दे कि साड़े बाल रोटिया नी न? क्या तुसां अपणे मने जो इतणा कठोर बणाई लिया, तुसां क्या हले दीकर समझे नी? 18 तुसां बाल हखी कने कन्न होंदे होए भी नी दिखी कने सुणी सकदे। कने क्या तुहांजो कुछ भी याद नी है? 19 की तालू तुसां बचियाँ रोटियां दे टुकड़यां जो कितणियां टोकरियां च भरया था, जालू मैं पंज हजार लोकां जो पंज रोटियां ला खुयाया था?” उना बोलया, “बाहरा टोकरियाँ।” 20 “कने जालू चार हजार लोकां ताई सत रोटियां थियां तां कितणे टोकरे भरी करी चुके थे?” उना बोलया, सत टोकरे। 21 यीशुए उना जो बोलया, “तुसां हाली दीकर कजो नी समझदे की मैं कुण है?”

१६:१३-१६

22 तालू यीशु कने उदे चेले बैतसैदा शेहरे च आए, कने लोक इक अन्ने जो उदे बाल लेई करी आए कने उसला बिनती किती की इसी माणुए जो छु कने खरा करी दे। 23 तालू यीशुए उस अन्ने दा हथ पकड़ी करी उसयो ग्रां दे बाहर लेई गया। कने यीशुए अपणा थुक उदिया हखी पराला लाया कने उस पर हथ रखे, कने उसयो पुछया,

“क्या तिजो कुछ मिल्ला दा है?” 24 उनी नजरां उपर करी के बोलया, “मैं माणुए जो दिखा दा है, पर सै साफ नी मिल्ला दे, सै मिंजो रुखां साई चलदे मिला दे न।” 25 तालू यीशुए दोबारा उदियां हखी पर हथ रखे, कने अन्ने गोरा ने दिखया, कने उदियां हखी ठीक होई गियां, कने उसयो सब कुछ साफ-सुथरा मिलणा लगी पिया। 26 कने यीशुए उसयो हुकम दिता कि अपणे घरे जो मुड़ी जा, पर ऐथू जड़ा होया ग्रांए बालयां जो दसणे ताई, ग्रांए दे अंदर पैर भी मत रखदा।

१६:१३-२०; १६:१८-२१

27 यीशु कने उदे चेले बैतसैदा शेहरे जो छडी करी कैसरिया फिलिप्पी शेहरां दे बखे आले ग्रां च चली गे, कने रस्ते च उनी अपणे चेलयां जो पुछया, “की लोक मेरे बारे च क्या बोलदे न, की मैं कुण है? 28 चेलयां जबाब दिता कुछ लोक बोलदे ने कि तुसां यूहन्ना बपतिस्मा देणेबाल न; पर कोई-कोई एलिय्याह बोलदा, कने कोई-कोई बोलदे न कि पुराणे जमाने दे परमेश्वरे दा संदेश देणेबालयां चे कोई इक है।” 29 फिरी यीशुए पुछया, “पर तुसां मिंजो क्या बोलदे न?” पतरसे उसयो जबाब दिता, “तू मसीहा है, जड़ा परमेश्वरे दिया तरफा ला भेजया है।” 30 तालू यीशुए उना जो हुकम दिता की मेरे बारे च कुसी ने मत बोलदे की, मैं मसीहा है कने परमेश्वरे मिंजो भेजया है।

१६:२१-२३; १६:२२

31 तालू यीशु अपणे चेलयां जो सिखाणा लगगा, कि मैं, जड़ा माणुए दा पुत्र है, “मिंजो मते दुख सेहणे पोणे न, कने यहूदी अगुवे, बड्डे याजकां, कने यहूदी व्यवस्था जो सिखाणे बालयां मिंजो अपनाणा नी है, कने मैं मारी देणा है, कने फिरी मैं तिन्ना रोजां बाद मरयां चे जिन्दा होई जाणा है।” 32 यीशुए उना जो ऐ गल्ल साफ तरिके ने बोली दिती। पतरस यीशुए जो बखिया लेई गया कने इसा गल्ला पर झिड़कणा लगगा। 33 तालू यीशु पिच्छे मुडया कने चेलयां जो दिखया कने पतरसे जो झिड़की करी बोलया, “शैताने साई कम्म करणा बंद कर! मेरे सामणे ला दूर होई जा! क्योकि तू परमेश्वरे दे साई नी, पर तू माणुए साई सोचदा है।”

१६:२४-२८; १६:२३-२७

34 यीशुए भिड़ा जो अपणे चेलयां सोगी अपणे बाल सदी करी बोलया, “जड़ा कोई मेरा चेला बणना चांदा है, उसयो अपणिया शरीरे दियां इच्छां कने जड़ियां तरकिबां

बाल लोआ।” 20 तालू सै जागते जो यीशुए बाल लेई आये कने जालू बुरिया आत्मा यीशुए जो दिखया, तां उना आत्मा जागते जो झट मरोड़या, कने धरतिया पर फकोड़ी दिता, कने सै मुए ला झाग निकालदे-निकालदे बिलटियां मारणा लगगा।

21 यीशुए जागते दे पिता ला पुछया, “ऐ कालू ला होआ दा है?” कने उनी बोलया, “जालू ला ऐ लोका दिया नियाणा होंदा था। 22 मती बरी बुरिया आत्मा इसयो मारणे ताई अग्गी कने पाणिये च सुट्टी दितया था, पर अगर तू कुछ करी सके, तां सांझो पर तरस खाई करी साड़ी सहायता कर।” 23 यीशुए उना जो बोलया, “अगर तू करी सकदा है, ऐ क्या गल्ल होई? जड़ा मिंजो पर भरोसा करदा है, उदे ताई सब कुछ होई सकदा है।” 24 बच्चे दे पिते झट पैरां च पेईकरी जोंरे ने बोलया, “प्रभु जी, मेरी सहायता करा की मैं तुसां पर भरोसा करे।” 25 जालू यीशुए दिखया, की मते सारे लोक उसयो दिखणे ताई गिटे होआ दे थे, तां उनी बुरिया आत्मा जो ऐ बोली करी झिड़कां दितियां की, “हे बुरी आत्मा, जड़ी इसी जागते जो गूंगा कने बेहरा बणा दी कने बोलणा नी दे दी, मैं तिजो हुकम दीदा है की, इसयो छडी दे, कने फिरी कदी मत आंदी।” 26 तालू बुरिया आत्मा चिलाई करी जागते जो मरोड़ी करी सटया, कने निकली गई कने सै जागत बिना हिल्ले ओथु लाशा साई पेई रिया था, ऐथू दीकर की मते लोक बोलणा लगगे की, ऐ तां मरी गया है। 27 पर यीशुए उदा हथ पकड़ी करी उसयो उठालया, कने सै खडोई गया।

28 बादे च जालू यीशु कने उदे चेले घरे च किले थे, तालू उदे चेलयां पुछया कि, “असां बुरिया आत्मा जो कजो नी कडी सके?” 29 यीशुए उना जो जबाब दिता, “ऐसियां बुरियां आत्मा जो प्राथना कने बरत कितयो बिना माणुआं ला बाहर नी कडी सकदे।”

22:22,23; 9:43-45
17:22,23; 9:43-45

30 बादे च यीशु कने उदे चेलयां उना जगा जो छडी दिता कने गलील प्रदेशे ला निकले। कने यीशु नी चांदा था की कोई उसयो जाणे की सै कुथु है। 31 क्योंकि यीशु अपणे चेलयां सोगी मता बकत बिताणा चांदा था कने उना जो सिखाणा चांदा था। कने उना ने बोला दा था की, “माणुए दा पुत्र, मेरे दुशमणा दे हथे पकड़ाया जाणा है, कने उना लोका मिंजो मारी देणा है, कने मरणे दे तरिये रोजे मरयां चे जिन्दा होई जाणा है।”

32 पर ऐ गल्ल उना दिया समझा च नी आई, कने चेले पूछणे ला डरदे थे जड़ा यीशुए बोलया था।

18:1-5; 9:46-48

33 यीशु कने उदे चेले कफरनहूम शहरे च अपणे घरे जो आये; कने जालू से घरे अंदर थे, तालू यीशु उना जो पुछणा लगगा, “रस्ते च तुसां कुसा गल्ला पर बेहसा दे थे?” 34 सै चुप रे, क्योंकि उना रस्ते च ऐ बेहस कितियो थी कि, असां चे बडा कुण है। 35 तालू यीशु बेई गया कने बाहरां चेलयां जो अपणे बाल गिटा होणे जो बोलया, कने उना जो बोलया, “जड़ा कोई सारयां ला महान बणना चांदा है, तां सै अपु जो सारयां ला निच समझे कने सारायां दा सेवक बणे।”

36 तालू यीशुए बखे इक बच्चा खुड़ोतया था, यीशुए बच्चे जो गल्ले लगाया कने चेलयां जो बोलया। 37 “जड़ा कोई माणु इयां ही इक बच्चे पर दया दसदा है, सै सच्ची मेरा इज्जत मान करदा है। कने कोई मेरी इज्जत मान करदा है, तां सै मेरा ही नी बल्कि मेरे परमेश्वरे दी इज्जत मान करदा है, जिनी मिजो भेजया है।”

9:49,50

38 तालू यूहन्ना उसयो बोलया, “गुरू जी, असां इकी माणुए जो तेरे नाए दी शक्ति ने बुरियां आत्मा जो कडदे दिखया है, कने असां उसयो मना भी किता, क्योंकि सै साड़े साई तेरा चेला नी था।” 39 यीशुए बोलया, “उसयो मना मत करा अगर कोई मेरे नाये ने चमत्कार करदा है, क्योंकि ऐसा कोई नी है, जड़ा मेरे नाए ने सामर्थ्य दे कम्म करे, कने जल्दी मिंजो बुरा बोली सके, 40 क्योंकि जड़े साड़े बेरी नी है, सै साड़े सोगी साथी न।”

41 जड़ा कोई इक कटोरा पाणिये दा तुहांजो इस ताई पियां, की तुसां जो मसीह दे चेले बोलदे न, मैं तुसां ने सच्च बोलदा हे की उनी अपना फल कुसा भी हालत च नी गवांणा है।

18:6-9; 17:1,2

42 पर अगर कोई इना छोटयां चे, जड़े मिंजो पर भरोसा करदे न, उना दे पापां दी बजा बणे तां उना ताई ऐई ही खरा है की अपणे गले च पथर बन्नी करी दरियाये च छलांग लगाई दे। 43 सारियां बुराइयां जो छडी दिया जिना ने पाप होंदा है! बुराइयां जो पुरे तरीके ने छडी दिया, जियां की तुसां इक हथ बड्डा दे, जड़ा तुहाड़े पापां दी बजा बणदा है। अगर तुसां स्वर्ग जो जांदे न, भले ही तुसां बाल इक ही हथ है, सै तुसां ताई खरा है। कने अगर तुसां बाल दोनो हथ न, कने तुसां नरके जान, तां इसला भयानक कुछ नी है। 44 नरके दिया उसा जगा पर जिथू सारयां दे जिस्मा जो खाणे बाले कीड़े कदी नी मरदे कने

बलियो अगग कदी नी बुझदी। ⁴⁵ सारियां बुराइयां जो छडी दिया जिना ने पाप होंदा है, बुराइयां जो पुरे तरीके ने छडी दिया जियां की तुसां इक पैर बड्डा दे, जडा तुहाड़े पापां दी बजा बणदा है। अगर तुसां स्वर्ग जो जांदे न, भले ही तुसां बाल इक ही पैर है, सै तुसां ताई खरा है। कने अगर तुसां बाल दोनो पैर न, कने तुसां नरके जान, तां इसला भयानक कुछ नी है। ⁴⁶ नरके दिया उसा जगा पर जिथू सारयां दे जिस्मा जो खाणे बाले कीड़े कदी नी मरदे कने बलियो अगग कदी नी बुझदी। ⁴⁷ सारियां बुराइयां जो छडी दिया जिना ने पाप होंदा है, बुराइयां जो पुरी तरह छडी दिया जियां की तुसां इक हखी जो कडा दे, जडा तुहाड़े पापां दी बजा बणदा है। अगर तुसां स्वर्ग राज्य जो जांदे न, भले ही तुसां बाल इक ही हख है, सै तुसां ताई खरा है। कने अगर तुसां बाल दोनो हखी न, कने तुसां नरके जान, तां इसला भयानक कुछ नी है। ⁴⁸ नरके दी उसा जगा पर जिथू सारयां दे जिस्मा जो खाणे बाले कीड़े जड़े कदी नी मरदे कने बलियो अगग कदी नी बुझदी।

⁴⁹ क्योंकि हर इक जणा अगगी ने शुद्ध किता जाणा, जियां की बलिदान नुणे ने शुद्ध होंदा है। ⁵⁰ नुण इक जरूरी चिज है, पर अगर उदा स्वाद चली जा, तां उदा स्वाद कियां वापिस लोणा? तुसां च लूणे साई खुबियां होणी चाईदियां, कने अपु चे मिली झूली कने शांतिया ने रिया।

10

¹ यीशुए अपणे चेलयां सोगी कपरनहुम शहर छडी दिता, सै यहूदिया प्रदेशे ला निकले कने यरदन खड्डा दे दुए पास्से चली गे। कने इक बरी फिरी भीड़ उदे बाल गिठी होई गई, कने सै उना जो हरबरी साई उपदेश देणा लगगा। ² तालू फरीसी उदे बाल आए कने उसयो परखणे ताई उसला पुछया, “क्या मूसा दिया व्यवस्था च इक मरदे जो अपणिया घरे बालिया जो तलाक देणे दा हक है?” ³ यीशुए उना जो जबाब दिता, “मूसा तुहांजो तलाक दे बारे च क्या हुकम दितया है?” ⁴ उना बोलया, “मूसा हुकम दितया की त्याग पत्र लिखी करी अपणी घरे बालिया जो देई दिया कने उसा जो छडी दिया।” ⁵ यीशुए उना जो बोलया, “तुसां हरबरी परमेश्वरे दे हुकमें जो मनणे ताई मुकरी जांदे न, क्योंकि तुसां दा मन कठोर है, इस ताई मूसा ऐ लिखया था। ⁶ पर पबित्तर शास्त्रां च लिखया है कि जालू परमेश्वरे संसार बणया

था, तालू उनी इक मर्द ताई इक जनानी बणाई। ⁷ जालू इक मर्द जनानिया ने बियाह करदा है, तां सै दोनों इक होई जान्दे न, क्योंकि सै दोनो इक जान न। ⁸ कने सै दोनो हुण इक तन न, क्योंकि हुण सै दो जणे नी, पर इक माणुए साई न। ⁹ इस ताई उसा जनानिया कने मर्दे जो बख नी करणा चाईदा जिना जो परमेश्वरे बियाह दे बंधना च बनया है।”

¹⁰ कने बादे च, जालू सै चेलयां सोगी घरे च किल्ला था, तालू चेलयां तलाक दे बारे च उसला पुछया। ¹¹ यीशुए उना जो जबाब दिता, “जडा अपणिया घरे बालिया जो छडी करी दुईया ने बियाह करे तां सै उसा पेहलिया दे खिलाफ च व्यभिचार करदा है। ¹² कने अगर घरे बाली अपणे घरे बाले जो छडी करी कुसी होरसी ने बियाह करे, तां सै व्यभिचार करदी है।”

¹³ फिरी लोक बचयां जो यीशुए बाल लोणा लगगे

¹⁴ ताकि सै उना पर हथ रखीकर उना जो आशीष दे, पर चेलयां उना लोकां जो डांटया। ¹⁵ यीशुए जो ऐ सब दिखीकरी गुस्सा आया कने उना जो बोलया, “बचयां जो मना मत करा कने इना जो मेरे बाल ओणा दिया, जड़े इना बचयां साई भरोसेमंद न उना परमेश्वरे दे राज्य च रेणा। ¹⁶ मैं तुसां ने सच्च बोलदा है, परमेश्वरे अपणे राज्य च सिर्फ उना लोकां जो ओणा देणा है जड़े परमेश्वरे दे राज्य जो बचयां साई अपनां दे न।” ¹⁷ कने यीशुए बचयां जो गल्ले ने लाया, कने उना पर हथ रखीकरी यीशुए आशीष दिती।

¹⁸ यीशुए उना जो जबाब दिता, “जडा अपणिया घरे बालिया जो छडी करी दुईया ने बियाह करे तां सै उसा पेहलिया दे खिलाफ च व्यभिचार करदा है। ¹⁹ कने अगर घरे बाली अपणे घरे बाले जो छडी करी कुसी होरसी ने बियाह करे, तां सै व्यभिचार करदी है।”

²⁰ यीशुए उना जो जबाब दिता, “जडा अपणिया घरे बालिया जो छडी करी दुईया ने बियाह करे तां सै उसा पेहलिया दे खिलाफ च व्यभिचार करदा है। ²¹ कने अगर घरे बाली अपणे घरे बाले जो छडी करी कुसी होरसी ने बियाह करे, तां सै व्यभिचार करदी है।”

²² फिरी लोक बचयां जो यीशुए बाल लोणा लगगे ताकि सै उना पर हथ रखीकर उना जो आशीष दे, पर चेलयां उना लोकां जो डांटया। ²³ यीशुए जो ऐ सब दिखीकरी गुस्सा आया कने उना जो बोलया, “बचयां जो मना मत करा कने इना जो मेरे बाल ओणा दिया, जड़े इना बचयां साई भरोसेमंद न उना परमेश्वरे दे राज्य च रेणा। ²⁴ मैं तुसां ने सच्च बोलदा है, परमेश्वरे अपणे राज्य च सिर्फ उना लोकां जो ओणा देणा है जड़े परमेश्वरे दे राज्य जो बचयां साई अपनां दे न।” ²⁵ कने यीशुए बचयां जो गल्ले ने लाया, कने उना पर हथ रखीकरी यीशुए आशीष दिती।

²⁶ यीशुए उना जो जबाब दिता, “जडा अपणिया घरे बालिया जो छडी करी दुईया ने बियाह करे तां सै उसा पेहलिया दे खिलाफ च व्यभिचार करदा है। ²⁷ कने अगर घरे बाली अपणे घरे बाले जो छडी करी कुसी होरसी ने बियाह करे, तां सै व्यभिचार करदी है।”

अन्ना भिखारी सड़का दे बखे बैठया था। सै तिमाई दा जागत था। 47 सै ऐ सुणीकरी की यीशु नासरत शेहरे ला है, जड़ा रस्ते च चलया था, डडी-डडी करी बोलणा लगगा, “हे यीशु, राजा दाऊदे दे बंशज, मिंजो पर दया कर।” 48 उसयो मतयां झिड़कां दीतियां की चुप रे, पर सै होर जोरे ने बोलणा लगगा की, “हे यीशु, राजा दाऊदे दे बंशज, मिंजो पर दया कर।” 49 तालू यीशुऐ ऐ सुणया कने रुकी करी बोलया, “उसयो ऐथू लोआ।” कने लोकां उस अन्ने जो सदीकरी बोलया, “हिम्मत रख, उठ सै तिजो सदा दा है।” 50 कने अन्ने माणुऐ झट अपणे उपर ओडियो चादर सुटी कने उठी करी यीशुऐ बाल आया। 51 यीशुऐ उसयो पुछया, “तू क्या चांदा है की मैं तेरे तांई करे?” अन्ने उसयो बोलया, “गुरू जी, ऐ की मिंजो मिलणा लगी पोऐ।” 52 यीशुऐ उसयो बोलया, “मैं तिजो ठीक करा दा क्योंकि तु मिजों पर भरोसा करदा है। हुण तू घरे जो जाई सकदा है” कने उसयो मिलणा लगगी पिया, कने रस्ते च यीशुऐ पिच्छे चली पिया।

11

21:1-11; 19:28-40;
12:12-19)

1 जियां यीशु कने उदे चेले यरूशलेम शेहरे दे बखे पुज्जे, सै जैतून रुखां दे पाहड़े दे कंडे बैतफगे कने बैतनिय्याह ग्रांऐ च आये, तां यीशुऐ अपणे दो चेलयां जो ऐ बोली करी भेजया, 2 “सामणे दे ग्रां च जा, कने ओथु पुजदे ही तुहांजो इक गधिया दा बच्चा बन्नया मिलणा है, उदे उपर हली कोई नी बैठया था। सै खुंडे च बन्नया होणा उसयो खोली करी लेई ओआ। 3 अगर कोई तुहांजो ला पुच्छे, कि ऐ क्या करा दे न? तां बोलनयो, कि साड़े प्रभु जो इदी जरूरत है। कने उनी जल्दी ही बापस करी देणा है।” 4 चेलयां ग्रांऐ च जाई करी उस गधिया दे बच्चे जो इक घरे दे दरबाजे बखे खुंडे ने बनया दिखया, कने सै उसयो खोलणा लगगे। 5 कने जड़े ओथु खडुतयो थे उना चे कोई-कोई बोलणा लगगे की ऐ क्या करा दे न, इस गधी दे बच्चे जो कजो खोला दे न? 6 जियां यीशुऐ बोलया था, तियां ही चेलयां उना जो बोली दिता उना गधिया दे बच्चे जो जाणा दिता।

7 कने दो चेलयां उस गधिया दे बच्चे जो यीशुऐ बाल लांदा, कने उस पर अपणे उपरे बाले कपड़े उदिया पीठी पर पाई दिते कने यीशु उस पर बेई गया कने यरूशलेम शेहरे दी पास्से चलणा लगगे। 8 तालू मतयां सारयां लोकां अपणे कपड़े रस्ते च बछ्छाई दिते कने उदा आदर

मान किता। कने केईयां रस्ते च पत्रां बालियां डालियां बडी-बडी करी बछ्छाई करी उदा मान आदर किता। 9 कने थोड़े लोक यीशु दे अगगे-अगगे चलयो थे, कने थोड़े लोक पिच्छे चलयो थे, सै सारे खुशिया ने जोरे ने बोला दे थे, “होशाना; परमेश्वर इसला खुश है जड़ा उदे हके सोगी ओंदा है।” * 10 परमेश्वरे दा अनुग्रह ओणे बाले राज्य पर है, जड़े साड़े सियाणे राजा दाऊदे दे राज्य सांई है, धन्य हे! परमेश्वर जड़ा स्वर्गे च रेंदा है, उदी होशाना हो।”

11 जालू यीशु यरूशलेम शेहरे च पुज्जा कने तां सै परमेश्वरे दे मंदरे दे अंदर गया, कने सारे पासे दिखया कने सै अपणे बाहरां चेलयां सोगी बैतनिय्याह ग्रांऐ जो मुड़ी गया, क्योंकि संज होई गियो थी।

21:18-19)

12 दुज्जे दिने जालू यीशु कने उदे चेले बैतनिय्याह ग्रांऐ ला यरूशलेम शेहरे जो चलयो थे, तालू यीशुऐ जो भूख लगगी। 13 कने उनी पत्तयां ने भरया होया अंजीरे दा रुख दिखया कने सै उदे बखे गे, ताकि कुछ खाणे जो मिली जा, पर ओथु पतयां जो छडी करी होर कोई फल नी मिल्ला, क्योंकि फल देंगे दी रित नी थी। 14 कने यीशुऐ उस रुखे जो बोलया, “अज्जे ला बाद तेरा फल कुनी नी खाणा। कने उदे चेले सुणा दे थे।”

21:12-17; 19:45-48;
2:13-22)

15 “उदे बाद यीशु कने उदे चेले सै यरूशलेम शेहरे च आऐ,” उनी उना लोकां जो परमेश्वर दे मंदरे ला कडी दिता, जड़े ओथु जानवर कने चिजां खरीदणे बचने दा कम्म करा दे थे। यीशुऐ पैसयां बदलने बाले मंजे जो, कने कबुतरां जो बेचणे बालयां दे पिंजरयां जो बाहर सुटी दिता।

16 “कने उनी लोकां जो हुकम दिता की मंदरे दे अंगणे ला होईकरी चिजां जो लिणा बंद करा। 17 कने यीशुऐ उना जो बोलया, पबित्तर शास्त्र ऐ बोलदा की, लोक मेरे घरे जो प्राथना दा घर बोलदे न, जिथू सारे लोक प्राथना तांई ओंदे न? पर तुसां तां इसयो डाकुआं ला भरुईयो गुफा सांई बणाई दितया है।” 18 बड्डे याजकां कने यहूदियां दिया व्यवस्था जो सिखाणे बालयां ऐ सुणया, जड़ा यीशुऐ बोलया कने कितया, तां सै उसयो मारणे दा मौका तोपणा लगगे, पर सै लोकां ला डरा दे थे, क्योंकि सारे लोक यीशुऐ दियां गल्लां ने हेरान थे।

* 11:9 11:9 होशाना इक आरामी भाषा दा शब्द है जिदा मुल मतलब है “सांझो हुण बचाई ले” पर इदे बाद लोकां इसयो स्वागत कने प्रशंसां तांई जाणने लगी गये

19 जालू संझा दा बेला होया, तां यीशु कने उदे चले शेहर छडी करी बैतनिय्याह ग्रां जो मुड़ी गे।

☞☞☞☞☞ ☞☞☞☞☞ ☞☞ ☞☞☞☞ ☞☞ ☞☞☞☞☞☞
(☞☞☞☞☞ 21:20-22)

20 फिरी ब्यागा तड़के बेले यीशु कने उदे चले यरूशलेम शेहरे जो ओआ दे थे, तालू उना अंजीरे दे रुखे जो दिखया तां सै सुकी गिया था। 21 पतरसे जो सै गल्ल याद आई, कने उनी यीशुए जो बोलया, “गुरू जी, दिख। ऐ अंजीरे दा रुख जिसयो तू श्राप दितया था सै सारा सुकी गिया है।” 22 यीशुए उसयो जबाब दिता की, “परमेश्वरे पर भरोसा रख जड़ा तुसां मंगगे से सारा कुछ मिलणा। 23 मैं तुसां ने सच्च बोलदा है, की अगर कोई इस पहाड़े जो बोले की, की ऐथू ला उठ कने समुंदरे च जाई करी पेई जा, कने अपणे मने च कोई शक नी रखे, पर भरोसा रखे, की जड़ा मैं बोलदा है सै होई जा, तां उस तांई तदिया होई जाणा है। 24 इस तांई मैं तुहांजो बोलदा है की जड़ा कुछ तुसां प्राथना करिके मंगा, तां भरोसा करी लिया की तुहांजो मिली गिया है, तां सै तुहांजो मिली जाणा।

25 जालू कदी तुसां प्राथना करदे न, तां अगर तुहाड़े मने च कुसी तांई बैर है, तां उसयो माफ करी दिया, इस तांई की तुहाड़ा पिता परमेश्वर जड़ा स्वर्गे च रेंदा है, उनी तुसां दे पाप माफ करी देणे। 26 पर अगर तुसां माफ नी करगे, तां तुहाड़े पिता परमेश्वरे जड़ा स्वर्गे च है, उनी भी तुहाड़ा पाप माफ नी करणा।”

☞☞☞☞☞ ☞☞ ☞☞ ☞☞ ☞☞☞☞☞
(☞☞☞☞☞ 21:23-27; ☞☞☞☞☞ 20:1-8)

27 यीशु कने उदे चले यरूशलेम शेहरे जो मुड़ी करी आये, जालू सै मंदरे च गुमा दा था तां बड्डे याजक कने यहूदी व्यवस्था जो सिखाणे बालयां कने यहूदी अगुवे उदे बाल आये कने पूछणा लगगे, 28 “उना उसयो बोलया, ऐ कम्म तू कुसी हके ने करा दा है? कने तिजो ऐ हक कुनी दितया है?” 29 यीशुए उना जो बोलया, “मैं भी तुहांजो ला इक गल्ल पूछदा है, अगर तुसां मिंजो जबाब दिंगे, तां मैं दसगा कि ऐ कम्म मैं कुसी हके ने करदा है। 30 यहून्ना जो लोकां जो बपतिस्मा देणे तांई कुनी भेजया था? क्या सै परमेश्वरे भेजया था या माणुए? मिंजो दसा।” 31 तालू सै अपु चे बोलणा लगगे कि अगर असां बोलया कि, “परमेश्वर जड़ा स्वर्गे च है उनी भेजया है, तां यीशुए सांझो ला पुछणा, कि तुसां यहून्ना पर भरोसा कन्नी किता?” 32 अगर असां बोलया की, सै माणुए दे पास्से ला आया है, तां सै जबाब नी देई सके, क्योंकि सै उना लोकां ला डरदे थे, जड़े ऐ मंदे थे की यहून्ना

परमेश्वर दे पासे आया इक सच्चा परमेश्वरे दा संदेश देणेबाला था। 33 उना यीशुए जो जबाब दिता, सांझो नी पता कुन्नी यहून्ना बपतिस्मा देणेबाले जो भेजया। यीशुए उना जो जबाब दिता, “मैं भी तुहांजो नी दसणा की मिंजो ऐसे कम्म करणे दा हक कुनी दितया है।”

12

☞☞☞☞☞ ☞☞☞☞☞☞ ☞☞ ☞☞☞☞☞
(☞☞☞☞☞ 21:33-46; ☞☞☞☞☞ 20:9-19)

1 इदे बाद, यीशु यहूदी अगुवां ने कहाणियां च गल्लां करणा लगगा, इक माणुए बागे च अंगूर लाये। उनी अंगूरा दे बागे दे चारों पासे बाड़ लगवाया, कने इक जगा अंगूरा दे रसे जो निचोड़ने तांई बणाई, कने निगरानी रखणे तांई इक उचिया जगा पर कमरा बणाया। फिरी उनी बागे जो कुछ किसाना जो ठेके पर देई दिता, कने परदेस चली गिया। 2 फिरी जालू अंगूर पक्की गे, तां उनी अपना इक नोकर ठेकेदारे बाल अपना अंगूरे दे बागे दा हिस्सा लोंणे तांई भेजया। 3 पर ठेकेदारां उसयो पकड़या कने मारी कुट्टी करी बिना कुछ दितयो खाली हथ भेजी दिता। 4 बागे दे मालिके इक होर नोकर भेजया, ठेकेदारां उदा सिर फोड़या कने उदी बेस्ती किती। 5 फिरी बागे दे मालिके इक होर नोकरे जो भेजया, कने उना उसयो मारी दिता। तां उनी होर मतयां जो भेजया, पर ठेकेदारे उना चे केईयां जो कुटया, कने केईयां जो मारी दिता। 6 हुण बागे दे मालिके बाल भेजणे तांई सिर्फ इक ही माणु था। जड़ा उदा अपना प्यारा जागत था। उना बाल भेजया की सै मेरे जागते दी इज्जत करगे। 7 पर उना ठेकेदारां उदे जागते जो ओंदे दिखया, कने उना अपु चे सलाह किती की, ऐई तां बारिस है, इनी तां अंगूरे दे बागे दा मालिक बणना, ओआ असां इसयो मारी दिन्दे न, तां सारी जयादात साड़ी होई जाणी। 8 कने उना उसयो पकड़ी करी मारी दिता, कने उदी लाशा जो अंगूरे दे बागे बाहर फेंकी दिता।

9 “तां हुण, अंगूर दे बागे दा मालिक क्या करगा? क्या उनी आई करी उना ठेकेदारां जो खत्म करी दिगां, कने दाखां दे बागे दा ठेका कुसी होरसी जो दिगा। 10 क्या तुसां पबित्तर शास्त्रे दा ऐ हिस्सा नी पढ़या जिदे च मसीह दी तुलना इक खास पथरे ने करदा है? सै बोलदा है, जिस पथरे जो राजमिस्त्रिये बेकार बोलया था कने सुटी दितया, सै ही पथर, सबना ला खास पथर बणी गिया। 11 प्रभु परमेश्वरे इयोदिया किता, कने साड़िया नजरा च ऐ बड़ा ही अनोखा है।”

12 तां उना उसयो पकड़ना चाया, क्योंकि सै समझी गियो थे, उनी साड़े बरोध च ऐ कहाणी बोलियो है। पर

सै यीशुए जो पकड़ी नी सके क्योकि सै लोकां ला डरा दे थे, इस ताई सै यीशुए जो किल्ला छड़ी करी चली गे।

22:15-22; 20:20-26)

13 तालू उना उसयो गल्लां च फसाणे ताई केई फरीसियां कने राजा हेरोदियां दे दले दे लोकां जो उस बाली भेजया। 14 उना आई करी उसयो बोलया, “गुरू जी, सांझो पता है की, तुसां हमेशा सच्च बोलदे न, कने तुसां इसा गल्ला ला नी डरदे की दुज्जे लोक तुहाडे बारे च क्या सोचदे न, कुसदी परबाह नी करदे न, क्योकि तुसां सारयां कने इकोदिया व्यवहार करदे न, तू तां परमेश्वरे दा रस्ता सचाइया ने दसदा है। तां हुण सांझो दस। क्या महाराजा जो कर देणा साडिया व्यवस्था दे खिलाफ है या नही? 15 असां जो कर देणा चाईदा या नी देणा चाईदा?” यीशुए उना दा कपट जाणी करी उना जो बोलया, “तुसां मिजो ला कुछ गलत बुलबाई करी फसाणे दी कोशिश कजो करा दे न? इक चांदी दा सिक्का मिजो बाल लेईकरी ओआ, मैं उसयो दिखें।*” 16 सै लेई आए, कने यीशुए उना जो पुछया, “मिजों दसा की इस चांदी दे सिक्के च कुसदा चित्र बणया कने कुसदी मोहर लगियो?” उना बोलया, “महाराजा दा।” 17 यीशुए उना जो बोलया, “जड़ा महाराजा दा है, सै महाराजे जो दिया, कने जड़ा परमेश्वरे दा है, सै परमेश्वरे जो दिया।” तालू सै उस पर बड़े हेरान होए।

22:23-33; 20:27-40)

18 यहूदियां दे धर्मी दल दे थोड़े लोक जिना जो सद्की भी बोलदे न, तालू थोड़े यहूदी अगुवे यीशुए बाल आये। कने सै भरोसा नी करदे थे, कि लोक मरणे दे बाद फिरी जिन्दे होई सकदे ने। उना यीशुए ला पुछया, 19 “गुरू जी, मूसा साडे ताई लिखया है, की अगर कुसी दा भाई बिना ओलादी मरी जा, कने उदी घरे बाली जिन्दा रे, तां उदा भाई उदिया घरे बालिया सोगी बियाह करिके अपणे भाई ताई बंश पैदा करे। 20 स्दुकियां यीशुए जो इक कहाणी सुणाई की, इक घरे च सत भाई थे। सबते बडे भाईये इकी जनानिया ने बियाह किता, जालू सै मरी गया तां उदी कोई भी ओलाद नी थी। 21 तां दुए भाईए उसा सोगी ही बियाह करी लिया कने सै भी बिना ओलादी मरी गिया, कने इयां ही तिजे भाईये किता, 22 कने सतां भाईयां उसा ने बियाह किता कने सतो भाई बिना ओलादी मरी गे। सबना दे बाद सै जनानी भी मरी गेई। 23 हुण, सांझो दस सतां भाईयां उसा जनानिया ने

बियाह कितया था, जालू सै मरणे दे बाद फिरी जिन्दे होंगे, तां सै जनानी कुदी घरे बाली होणी?”

24 यीशुए उना जो बोलया, “तुसां दो बजा ने गलत न, तुसां पबित्र शास्त्र जो नी जाणदे ने जड़ा मरणे दे बाद लोकां जो जिन्दा रेणे दे बारे च दसदा है। तुसां ऐ नी जाणदे न की परमेश्वरे बाल मरयो लोकां जो जिन्दा करणे दी शक्ति है। 25 क्योकि जालू उना मरयां चे जिन्दा होणा, तां उना लोका दे बियाह नी होणे; जियां स्वर्गे च रेणेबाले स्वर्गदूत बियाह नी करदे।

26 मरयां चे जिन्दा होणे दे बारे च, तुसां क्या मूसा दिया कताबां च नी पढ़या जालू झाड़िया जो अगग लगियो थी, तां उसा जगा पर क्या होया था, परमेश्वरे मूसा ने गल्ल किती कने बोलया, मैं अब्राहम, इसहाक, कने याकूब दा परमेश्वर है, जिदी ऐ अराधना करदे थे। 27 ताई तां मरयो लोकां दा परमेश्वर नी है। पर जिन्दया दा परमेश्वर है, तुसां बडे गलत न।”

22:34-40; 10:25-28)

28 कने यहूदी मूसा दी व्यवस्था जो सिखाणे बालयां चे इकी ऐ चर्चा सुणी, जड़ी यीशु कने सदुकी अपु चे करा दे थे, कने ऐ जाणी करी की यीशुए उना जो ठीक तरीके ने जबाब दिता, तां सै यीशुए बाल आया कने पुछया, “की परमेश्वरे जड़े भी हुकम दितयो न, उना सारयां चे सारयां ला बडा हुकम कुण दिया है?” 29 यीशुए जबाब दिता, “सबना हुकमा ला बडा हुकम ऐ है: इस्राएल दे लोको तुसां सुणा। प्रभु साड़ा परमेश्वर जिसदी असां अराधना करदे न, सै इक ही प्रभु है। 30 कने तू अपणे प्रभु परमेश्वर ने अपणे सारे मने ने, कने अपणे सारे प्राणा ने, कने अपणिया सारिया अकला ने, कने अपणिया सारिया शक्तियां ने प्यार रखनयो। 31 परमेश्वर दा दुज्जा हुकम ऐ है, की जितणा तुसां अपणे आपे जो प्यार करदे न, दूजयां ने भी उतणा ही प्यार करा, परमेश्वरे इना दो हुकमा ला बडे होर कोई हुकम नी दितया न।” 32 मूसा दिया व्यवस्था जो सिखाणे बालयां उसयो बोलया, “गुरू जी,” बिलकुल ठीक। तू सच्च बोलया है, सै ही परमेश्वर है, कने उसयो छड़ी करी होर कोई नी है। 33 कने उसला सारे मन, कने सारिया अकला ने, कने सारे प्राणा ने, कने सारिया ताकता ने प्यार रखणा, कने पड़ोसियां ने अपणयां सांई प्यार रखणा, ऐ सब परमेश्वरे जो जानवरां दिया बलियां चढ़ाणे ला जादा जरूरी है। 34 जालू यीशुए दिखया की उनी सोची समझीकरी जबाब दिता, तां यीशुए उसयो बोलया, “तू परमेश्वरे दे राज्य च

* 12:15 12:15 दिनार इक रोमी सिक्का था जड़ा चांदिया दा बणया था। उदा उपयोग यहूदियों ने रोमी सरकार जो भुगतान करणे जो दिन्दे थे। दिनारे उपर सम्राट दे नाए दी छवी बणियो होंदी थी।

प्रवेश करणे दे नेडे है।” कने फिरी होर कुसी जो उसला कुछ पूछणे दी हिम्मत नी होई।

([मरकुस 22:41-46](#); [मरकुस 20:41-44](#))

35 फिरी यीशुए परमेश्वरे दे मंदरे च उपदेश दिन्दे होये बोलया की, व्यवस्था जो सिखाणे बाले कियां बोली सकदे न की मसीह राजा दाऊदे दा बंशज है? 36 ऐथू दिकर कि राजा दाऊद, जालू परमेश्वर दी पबित्तर आत्मा उसयो बोलणे दी शक्ति दिती, तां उनी बोलया, “परमेश्वरे मेरे मसीह जो अपणे बखे इज्जत मान कने हक दी पदवी च बोणे तांई बोलया था, हालांकि उनी उदे सारे दुशमणा जो पूरी तरहा उदे अधीन करी दिता।”

37 “ऐथू दिकर कि राजा दाऊदे भी मसीह जो प्रभु करी के बोलया, तां सै दाऊद दा बंशज कियां होया?” कने लोक उसयो बडे मजे ने सुणदे थे।

([मरकुस 23:1-36](#); [मरकुस 20:45-47](#))

38 यीशुए अपणे उपदेश च उना ने बोलया, “व्यवस्था जो सिखाणे बालयां ला साबधान रिया, जडे लोकां जो दसणे तांई लम्बे कने मेंगे कपडे पाणा पसंद करदे, कने उना जो बड़ा पसंद है की लोक उना जो बजारां च नमस्ते करन, 39 कने यहूदी जंज घरां च खास-खास आसना पर बोणा पसंद करदे न। कने खादे बेले खास जगा चादे न। 40 सै धोखे कने वेईमानिया ने विधवां दे घरां दी चिजां पर कब्जा करी लेंदे न। कने लोकां जो दसणे तांई बड़ी देरा दीकर प्राथना करदे न, परमेश्वरे ला इना जो बड़ी बुरी सजा मिलणी है।”

([मरकुस 21:1-4](#))

41 यीशु मंदरे दे भंडारे सामणे बेईकरी दिखा दा था की लोक परमेश्वरे दे मंदरे दे भंडारे च कियां पैसा पांदे न, कने मते अमीरां लोकां बड़ा सारा पैसा पाया। 42 इतणे च इक गरीब बिधवा आई करी दो तांबे दे सिक्के पाये, जिना दी कीमत बड़ी घट्ट थी। 43 तालू उनी अपणे चेलयां जो अपणे बखे सदीकरी बोलया, “मैं तुसां ने सच्च बोलदा कि इस मंदरे दे भंडारे च जितणया भी दान पाया है, उना सबना ला बदीकरी इना गरीब बिधवा पाया है।” 44 क्योंकि सबना अपणे भंडारे चे थोड़ा दिया दिता, पर इना गरीब बिधवा इसा बाल जितना भी था, सारा पाई दितया है।

13

([मरकुस 24:1,2](#); [मरकुस 21:5,6](#))

1 जालू यीशु मंदरे ला निकला दा था, तां उदे चेलयां चे इकी उसयो बोलया, “गुरू जी, दिख, कितणियां छेल ईमारता न कने बड्डे-बड्डे पत्थरां ने बणियां न कने कितणे-कितणे बड्डे घर न।” 2 यीशुए उसयो बोलया, “तुसां इना बड्डे-बड्डे घरां जो दिखा दे न, इक दिन इना चे ऐथू इक भी घर नी बचणा है, ऐथू दीकर की इक पथरे उपर पथर नी रेंणा है, जड़ा डायान नी जांणा।”

([मरकुस 24:3-14](#); [मरकुस 21:7-19](#))

3 जालू यीशु मंदरे ला जैतून रुखां दे पाहडे पर चली गिया कने मंदरे दे सामणे बेई गिया, तां पतरस, याकूब, यूहन्ना कने अन्दरयास यीशुए बाल आये कने तालू यीशुए बाल कोई नी था, कने उसला पुछया, 4 “सांझो दस ऐ सब कुछ कालू होणा है? कने जालू ऐ सब कुछ पूरा होणेबाला होणा तां उदा क्या निशान होणा है?”

5 यीशुए उना ने बोलया, ध्यान रख्यो की तुहांजो कोई धोखा न दे। 6 मते सारे लोकां मेरे नाए ने दाबा करिके ओणा है। उना बोलणा है, मैं मसीहा हूँ कने उना मतयां लोकां जो भटकाणा है।

7 जालू तुसां लड़ाईयां, कने लड़ाईयां दियां गल्लां सुणगे तां डरदे मत; क्योंकि इना दा होणा जरूरी है, पर तालू संसारे दा खात्मा नी होणा है। 8 क्योंकि जातियां ने जातियां कने राज्य ने राज्यां इक दुज्जे ने लड़ाईयां करणियां न। कने हर कुथी हिलण होणे न कने अकाल पोणे न। ऐ तकलीफ कने दुख ऐदिया होणा जदिया की जालू माँ बच्चे जो जन्म देणा लगदी है।

9 “पर तुसां जो हमेशा चौकने रेणा चाईदा, क्योंकि लोकां तुहांजो कैदी बणाना कने यहूदी जंज घरा च देणा कने तुहांजो मार पोणी, कने मेरिया बजा ने तुहांजो हाकिमा कने राजयां सामणे न्याय तांई महासभा च पेश करणा है, ताकि तुसां उना जो मेरे तांई गबाई देन। 10 कने सारे देशां च, तुहांजो कने होर जडे मिजों उपर भरोसा करदे न, तुहांजो संसारे दे अंत होणे दे पेहले सारयां लोकां जो शुभसमाचार सुणाणा है।

11 जालू तुहांजो कैदा च पाणा है, तां तुसां इदी चिंता मत करदे, की असां क्या बोलणा है। क्योंकि उस बेले पबित्तर आत्मा तुसां दे जरिये गल्लां करणियां न। 12 उसी बेले, जडे लोक मिजों पर भरोसा नी करदे न, उना अपणे भाईयां जो जेला च करी लेणा, जडे मिजों पर भरोसा करदे ने सै मरवाई देणे न। पिता अपणे बचयां सोगी इयां ही करणा है, कने बचयां मां-प्यो दे खिलाफ होईकरी उना जो मारी देणा है। 13 क्योंकि तुसां मेरे चले न उदिया बजा ने सारे लोकां तुसां ने बैर करणा है, पर

जड़े लोक मिजों पर भरोसा रखदे न कने आखरी दीकर सेहन करगा, उना दा ही उद्धार होणा है।”

ⓂⓂⓂⓂⓂⓂ ⓂⓂⓂ

(ⓂⓂⓂⓂⓂⓂ 24:15-28; ⓂⓂⓂⓂⓂ 21:20-24)

14 जालू तुसां इक मसीह विरोधी जो यरूशलेम मंदरे च खड़ोतयो दिखणा, जिथू उसयो नी होणा चाईदा। यहूदिया प्रदेशे दे लोकां जो जान बचाणे ताई पाड़ा पर नसणा पोणा। 15 जड़ा कोई अपणी घरे दिया छुती पर हो, तां सै समान लेणे ताई थले ना उतरे, ना ही अंदरे जो जा। 16 कने जड़ा खेतरां च होऐ, सै अपणे कपड़े लेणे ताई मुड़ी करी घरे ना ओऐ। 17 ऐ उना जनानिया ताई बड़ा बुरा बकत होणा जड़ियां लैरथियां न, कने उना जनानियां ताई जड़ियां नियाणे जो दूध पियादियां न, उना जो अपणी जान बचाणे ताई नसणा बड़ा मुशकिल होई जाणा। 18 इस ताई प्राथना करा की ऐ बुरा बकत सर्दियां च ना हो, जालू सफर करणा मुशकिल हो। 19 क्योंकि उना दिना लोकां जो बड़े दुख होणे न, उना लोकां कदी भी ऐसे दुखां दा सामणा नी कितया होणा, जालू ला परमेश्वरे संसार बणाया है। 20 अगर परमेश्वरे उस बुरे बकते जो नी घटादां, तां कोई भी माणु नी बचदा। पर उना चुणयो होऐ लोकां दिया बजा ला, जिना जो परमेश्वरे चुणयां है, बकत घटाणा है।

21 अगर उस बेले कोई तुसां जो बोले, की दिखा, मसीह ऐथू है। या दिखा, ओथू है। तां उदा भरोसा मत करदे। 22 क्योंकि झूठे मसीह कने झूठे परमेश्वरे दा संदेश देणेबालयां ओणा है, उना लोकां जो धोखा देणे ताई जिना जो परमेश्वरे चुणयां है, उना चमत्कार कने अनोखे कम्म दसणे न। 23 पर तुसां चौकने रिया, दिखा मैं तुहांजो सारियां गल्लां होणे ला पेहले ही बोली दितियां न।

ⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂⓂⓂ

(ⓂⓂⓂⓂⓂⓂ 24:29-31; ⓂⓂⓂⓂⓂ 21:25-28)

24 “उना दिना च, बुरा कने दुखे बाल बकत मुकी जाणे दे बाद, सूरजे च अंधेरा होई जाणा, कने च चद्रमें लौ नी देणी। 25 अम्बरे ला तारायां पेई जाणा, कने अम्बरे दियां शक्तियाँ हिलाईयां जाणियां। 26 तालू लोकां मिजों, माणुऐ दे पुत्रे जो धरतिया पर बदलां उपर ओंदे कने उना मेरी शक्ति कने महिमा जो दिखणा। 27 मैं अपणे स्वर्गदूतां जो धरतिया पर भेजगा, ताकि सै उना सारे लोकां जो गठेरी करी, जिना जो मैं चुणयां है, कने उना संसारे दे चारों पासयां ला लोका जो गठेरणा है।”

ⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂ

(ⓂⓂⓂⓂⓂⓂ 24:32-35; ⓂⓂⓂⓂⓂ 21:29-33)

* 14:1 14:1 फसह यहूदियां दा त्योहार

28 “अंजीर दे रुखे ला ऐ सिखा, जालू उदियां डालियाँ निकलदियां न कने पत्ते निकलना लगदे न, तां तुसां जो पता लगी जांदा है, की गर्मियां दी रित नेड़े ओआ दी है।” 29 जालू तुसां इना चिजां जो होंदे होये दिखगे, तां तुसां जाणी लेनयो, की सै माणुऐ दा पुत्र ओणे बाला है, कने ऐ दुर नी है। 30 मैं तुसां ने सच्च बोलदा है, इसा पीढ़िया दे सारे लोकां तालू दिकर नी मरणा है, जालू दिकर ऐ सब होई ना जा। 31 अम्बर कने धरती खत्म होई जाणे, पर मेरियां बोलियां गल्लां कदी नी टलनिया न, सै हमेशा रेंणियां न।

ⓂⓂⓂⓂⓂⓂ ⓂⓂⓂⓂⓂ

(ⓂⓂⓂⓂⓂⓂ 24:36-40)

32 “ऐ गल्लां कुसी रोजे या कुसा घड़िया होणिया न कोई भी नी जाणदा है, ना स्वर्गदूत कने ना ही मैं, माणुऐ दा पुत्र, पर सिर्फ पिता परमेश्वर ही उसी रोजे कने घड़िया जो जाणदा है।

33 दिखा, जागदे कने प्राथना करदे रिया; क्योंकि तुहांजो नी पता की कालू मैं मुड़ी करी ओणा। 34 मेरा धरती छुडणा कने बापिस ओणा इयां होणा है, जियां परदेस जांदे बेले अपणा घर छुडी जाऐ, कने अपणे नोकरां जो हक दे, कने सारयां जो अपणा-अपणा कम्म दसी दे, कने द्वार पालां जो पेहरेदारी करणे दा हुकम दिता कने उदे वापिस ओणे ताई तैयार रे। 35 तुसां नी जाणदे न कि घरे दे मुखिया कालू मुड़ी के ओणा है, तां तुसां पेरादारी करनयो, क्योंकि मैं घरे दा मुखिया संझा जो या अधिया राती जो, या मुर्गे दिया बांगा देंगे दे बेले या ब्यागा जो कालू भी आई सकदा है। 36 इयां नी होऐ की मैं अचानक ओंऐ कने मैं इयां नी दिखणा चांदा की तुसां विना तयारी दे होन। 37 कने जड़ा मैं तुहांजो बोलदा है, सै ही सारायां जो बोलदा है, की मेरे ओणे दीकर तैयार रिया।”

14

ⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂⓂⓂ

(ⓂⓂⓂⓂⓂⓂ 26:1-5; ⓂⓂⓂⓂⓂ 22:1,2; ⓂⓂⓂⓂⓂⓂⓂⓂ 11:45-53)

1 दो दिना बाद फसह कने अखमीरी रोटिया दा त्योहार होणेबाला था। कने बड़डे याजक कने व्यवस्था जो सिखाणे बाले इसा गल्लां दिया तोपा च थे, की यीशुऐ जो कियां धोखे ने पकड़ी करी मारी देन*। 2 पर बोलदे थे की, “सांझो त्योहारे दे बेले ऐ नी करणा चाईदा। कुथी इयां ना हो की लोकां च रोला नी पेई जा।”

ⓂⓂⓂⓂⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂⓂⓂ

(ⓂⓂⓂⓂⓂⓂⓂ 26:6-13; ⓂⓂⓂⓂⓂⓂⓂⓂ 12:1-8)

3 जालू सै बैतनिय्याह ग्रां च शमौन कोढी दे घरे था, जिसयो यीशुए कोढे दिया बिमारिया ला खरा कितया था। सै ओथु रोटी खाणा बैठया था, तां इक जनानी उदे घरे जो आई कने उना इक बोतल लांदियो थी; जड़ी संगमरमर दी थी, उसा बोतला च जटामासी तेले ने बणाया बड़ा मेंहगा इत्र था, कने उना बोतला दा मुह तोड़ी करी सारा इत्र यीशुए दे सिरे पर नियोरी दिता। 4 पर केई लोक मने च बोलणा लगगे, “इस मेंगे इत्रे जो सत्यानाश नी करणा चाईदा था। 5 क्योंकि ऐ इत्र इतणा मेंहगा था की, इस इत्र दी कीमत इक साले दिया मजदुरिया बराबर थी, कने इसयो बेचिकरी गरीबां जो बंडी सकदे थे।” कने सै उसा जो बुरी हाले झिडकणा लगगे। 6 यीशुए बोलया, “इसा जो किली छडी दिया, इसा जो तंग करणा बंद करा, इयां तां मिंजो पर इत्र पाणा खरी गल्ल है। 7 गरीब तां हमेशा तुहाड़े सोगी रेंदे न, कने तुसां उना ने जालू मर्जी खरा करी सकदे न, पर मैं तुहाड़े सोगी सदा नी रेंणा है। 8 इना जनानिया मेरे ताई खरा कम्म कितया है, ऐ जड़ा कुछ करी सकदी थी, सै इना किता, इना मेरे शरीरे पर इत्र मलया है, इना मिंजो मरणे ला पहले ही दफनाणे दी तैयारी किती है। 9 मैं तुसां ने सच्च बोलदा है, सारे संसार च जिथू भी शुभसमाचार दा प्रचार होंगा, इना जनानिया जड़ा कितया ओथु इसा दे इस कम्मे दी चर्चा भी उसा दिया यादा च किती जाणी है।”

[\[26:14-16\]](#); [\[22:3-6\]](#)

10 तालू यहूदा इस्करियोती जड़ा बाहरां चेलयां चे इक था, सै यीशुए जो पकड़ाणे च सहायता करणे ताई बड्डे याजकां बाल गया। 11 सै ऐ सुणीकरी खुश होए, कने उसयो पेसे देंगे जो मन्नी गो, कने सै यीशुए जो धोखे ने यहूदी अगुवां दे हथे पकड़ाणे दा तां मौका तोपा दे थे।

[\[26:17-25\]](#); [\[22:7-14\]](#); [\[13:21-30\]](#)

12 अखमीरी रोटिया दे त्योहारे दे पेहले दिने, जिस रोजे फसह दी बलि दिन्दे थे, उदे चेलयां उसयो पुछया, “तुसां सांझो कुथु भेजणा चांदे न की असां फसह दे त्योहारे दा खाणा बणाई करी खाई सकन?” 13 उनी अपणे दो चेलयां जो ऐ बोली करी भेजया, “की यरूशलेमे शेहरे जो जा, कने ओथु तुहांजो इक माणु घड़े चुकी करी चलया मिलणा, उदे पिच्छे चली जानयो। 14 कने सै जिस घरे जो जांगा, उस घरे दे मालिके जो बोलयो: की गुरू जी ने पूछया है, की मेरा कने मेरे चेलयां दा फसह दा खाणा खाने बाला कमरा कुथु है?

15 उनी तुहांजो इक उपरे आला सजया सजाया कने तैयार कितया बडा कमरा दसी देणा है, कने तुसां ओथु साड़े ताई तैयारी करा।” 16 दो चले निकली करी नगरे च आये कने जियां यीशुए उना जो बोलया था, तियां ही था, कने उना फसह त्योहारे दा खाणा तैयार किता।

17 जालू संज होई, तां यीशु बारां चेलयां सोगी उदे घरे जो आया। 18 कने जालू सै रोटी खाणा बैठयो थे, तां यीशुए बोलया, “मैं तुसां ने सच्च बोलदा है, की तुहांजो चे इकी जणे, जड़ा मेरे सोगी रोटी खा दा है, मिंजो पकड़ावाणे ताई मेरयां दुशमणा दी सहायता करणी है।” 19 जालू उदे बाद उना ऐ गल्ला सुणिया तां उना पर उदासी छाई गई कने सै इक-इक करी के उसने बोलणा लगगे, “क्या सै मैं है?” 20 यीशुए उना जो बोलया, “सै बाहरां चेलयां चे इक है, जड़ा मेरिया थालिया च डुबोई करी खा दा है। 21 क्योंकि मैं, माणुए दे पुत्रे मरी जाणा है, ऐ सब कुछ पबित्र शास्त्रां च लिखया है, पर उस माणुए जो बड़ी बुरी सजा होणी है, जड़ा मिंजो धोखा दिन्दा है जिनी मिंजो पकड़ावाणे च सहायता करणी है, अगर उस माणुए दा जन्म ही नी होया होंदा तां ही उदे ताई खरा होंदा।”

[\[26:26-30\]](#); [\[22:14-20\]](#); [\[11:23-25\]](#)

22 जालू सै खा दे थे, तां यीशुए रोटी लेई, कने परमेश्वरे दा धन्यवाद करी के तोड़ी, कने अपणे चेलयां जो देईकरी बोलया, “खाई लिया, ऐ मेरा शरीर है।” 23 फिरी उनी दाखरस दे कटोरे जो चुकी करी परमेश्वरे दा धन्यवाद किता, कने चेलयां जो दिता, कने उना सारयां उस कटोरे च पीता। 24 कने यीशुए उना जो बोलया, “ऐ दाखरस मेरा खून है, मेरा खून केईयां लोकां दी भलाई ताई बहाया जाणा है, ऐ उसा बाचा जो साबित करगा, जड़ा परमेश्वरे अपणे लोकां सोगी कितया है। 25 मैं तुहांजो ने सच्च बोलदा है, मैं उसी दिने बाद कदी भी धाखा दा रस नी पीणा, जालू दीकर परमेश्वरे दे राज्य च नोआ दाखरस नी पी लेंगा।”

26 फिरी यीशुए कने उदे चेलयां फसह दे त्योहारे दे भजन गाई करी यरूशलेम शहरे दे बाहर जैतून रुखां दे पाहड़े पर चली गो।

[\[26:31-35\]](#); [\[22:31-34\]](#); [\[13:36-38\]](#)

27 तालू यीशु पहाड़े दे पासे चलया था उनी चेलयां जो बोलया, तुसां सारयां मिजों छडी करी नसी जाणा है, क्योंकि पबित्र शास्त्रे च लिखया है, सै सच्च होणा है: “मैं रखवाले जो मारणा कने भेडां तितर बितर होई

जाणा है।” 28 पर मैं मरी के जिन्दा होणे ला बाद तुहांजो ला पेहले गलील प्रदेश च पूजणा है, कने तुहांजो ने मिलणा है। 29 पर पतरसे यीशुए जो बोलया, “चाहे सारे छडी करी नसी जांगे पर मैं नी नसगा।” 30 यीशुए उसयो बोलया, “मैं तिजो ने सच्च बोलदा है, की अज ही इसा राती मुर्गे जो दो बार बांग देणे ला पेहले तू मिंजो तीन बरी बोलणा है, की मिंजो नी जाणदा है।” 31 पर उनी होर भी जोर देईकरी बोलया, “अगर मिंजो तेरे सोगी मरणा भी पोंगा तमी मैं कदी नी बोलणा की मैं तिजो नी जाणदा।” इयां ही बाकी सारयां चेलयां भी बोलया।

२२२२२२ २ २२२२२२२

(२२२२२२ 26:36-46; २२२२२ 22:39-46)

32 फिरी जालू यीशु कने उदे अनुयायी गतसमनी नाए दे इक बागे च आये, कने उनी अपणे चेलयां जो बोलया, “ऐथू बेई रिया, जालू दीकर मैं प्राथना करें।” 33 कने यीशु पतरस, याकूब कने यूहन्ना जो बागे च थोड़ा दिया अगगे लेई गया, कने सै बड़ा ही दुखी कने बेचेन होणा लगगा, 34 कने उना ने बोलया, “मेरा मन बड़ा उदास है, ऐथू दीकर कि मेरे प्राण निकली चलयो न, तुसां ऐथू रुका कने जागदे रिया।” 35 फिरी यीशु थोड़ा अगगे गया, कने गोडे भार बेई गया कने मुह धरतिया पाससे करी प्राथना करणा लगगा, “की अगर होई सके तां ऐ घड़ी मिंजो ला टली जा।” 36 कने बोलया, “पिता जी, तिजो ला सब कुछ होई सकदा है, ऐ जड़ा दुख ओणे बाला है, ऐ टली जाये पर जियां तुसां चादे न तियां ही होऐ।”

37 फिरी जालू यीशु बापस आया कने तिन्न चेलयां जो सुतया दिखीकरी उनी पतरसे जो बोलया, “हे शमौन, तू सुतया है? तुसां इक घंटा भी मेरे सोगी जागदे नी रेई सके? 38 जागदे कने प्राथना करदे रिया ताकि मिजों पर भरोसा रखणा नी छुडन। आत्मा तां खरा करणा चांहदी है पर शरीरे च जोरे दी कमी है।” 39 कने यीशु फिरी बापिस चली गया, कने सै ही बोली करी प्राथना किती। 40 कने उनी फिरी आई करी उना जो सुतया दिखया, क्योंकि से जागते रेईकरी बड़े थकी गियो थे, जालू यीशुए उना जो जगाया कने उना जो नी पता था की उसयो क्या बोलन।

41 फिरी तीजी बरी आई करी उना जो बोलया, “हुण सोंदे रिया कने अराम करा, तुसां बड़ा सोई लिया हुण से बकत आई गया है, जालू मैं, माणुए दा पुत्र पापियां दे हथे पकड़ाया जाणा है। 42 उठा कने चला। दिखा, जिनी माणुए मिजों पकड़वाणा है, सै बखे आई रिया है।”

२२२२२२ २२ २२२२ २२ २२२२२२२२ २२२२

(२२२२२२ 26:47-56; २२२२२ 22:47-53; २२२२२२२ 18:3-12)

43 जालू यीशु ऐ बोला दा ही था, तां यहूदा जड़ा बाहरां चेलयां चे इक था, सै ओथु आया, सै अपणे सोगी मते सारे लोकां जो लेईकरी आया जिना तलवारां कने डंडे लियो थे, ऐ सारे लोक बड्डे याजकां, यहूदी व्यवस्था जो सिखाणे बाले कने यहूदी अगुवां भेजयो थे। 44 कने यीशुए जो पकड़ाणे बाले यहूदा उना दी सहायता किती, कने उना जो पेहले ही दस्सी दितया था, की जिसयो मैं गुरू बोलगा कने गले लाईकरी चुम्मी लेंगा, तां उसयो पकड़ी करी ढंगे ने लेई जानयो। 45 कने यहूदा आया कने उनी झट यीशु दे बखे जाई करी बोलया, “गुरू जी।” कने गले लाईकरी उदी चुम्मी लेई। 46 तालू उना उसयो कस्सी करी पकड़ी लिया कने बन्दी बणाई लिया।

47 जड़े उदे बखे खड़ोतयो थे, उना चे इकी जणे अपणी तलवार कडी कने महायाजके दे नोकरे पर चलाई दिती कने उदा इक कन बडी दिता। 48 यीशुए उना जो बोलया, “तुसां क्या मिंजो डाकू समझीकरी तलवारां कने डांगा लेईकरी बन्दी बणाने ताई आयो? 49 मैं तां रोज ही मंदरे च तुहाड़े सोगी रेईकरी उपदेश दिन्दा था, तालू तां तुसां मिंजो बन्दी नी बणाया पर ऐ इस ताई होया की पबित्त्र शास्त्रां च लिखया पुरा होऐ।”

50 जालू ऐ होया तां उदे सारे चले उसयो छडी करी नसी गे। 51 इक जवान अपणे नंगे शरीरे पर चादर ओडी करी उदे पिच्छे चली पिया; कने लोक उसयो यीशुए दा चेला समझीकरी पकड़ना लगगा। 52 पर सै चादरा छडी करी नंगा ही नटी गया।

२२२२२२२ २२ २२२२२२ २२२२२

(२२२२२२ 26:57-68; २२२२२ 22:54-55; २२२२२ 22:63-71; २२२२२२२२ 18:13-14; २२२२२२२२ 18:19-24)

53 फिरी सै यीशुए जो महायाजके दे घरे बाल लेई आये; कने सारे बड्डे याजक, कने यहूदी अगुवे कने व्यवस्था जो सिखाणे बाले ओथु गिठे होई गे। 54 पतरस भी उना दे पिच्छे-पिच्छे महायाजके दे अंगणे च जाई रिया, कने मंदरे दे सिपाईयां सोगी बेईकरी अगग तपणा लगी पिया।

55 बड्डे याजक कने यहूदी महासभा दे सदस्य यीशुए जो मारी देंणे ताई उदे खिलाफ च गबाई तोपा दे थे, पर उना जो कोई गबाई नी मिली। 56 क्योंकि मते लोक उदे खिलाफ च झुठियां गबाईयां दिन्दे थे, पर उना दियां गबाईयां इक दियां नी थियां। 57 तां कितणयां ही लोकां उठी करी उदे खिलाफ ऐ झूठी गबाई दिती। 58 “असां इसयो ऐ बोलदे सुणया है, की मैं माणुए दे बणायो मंदिर जो डाई करी तिन्ना रोजां च नोआ मंदिर बणाई लेणा, जड़ा हथा ने नी बणया होणा है।” 59 ऐ गबाई भी उना दी इक देई नी निकली।

60 तालू महायाजके बिच खड़ोई करी यीशुए ला पुछ्या, तू कोई जबाब कनी दिन्दा? ऐ लोक तेरे खिलाफ क्या गबाई दिन्दे न? 61 पर सै चुप ही रिया, कने उनी कोई जबाब नी दिता: महायाजके उसयो फिरी पूछ्या, “क्या तु उस परमधन्य परमेश्वरे दा पुत्र मसीह है, जिदी असां अराधना करदे न?”

62 यीशुए बोलया, “हां मैं है: कने तुसां मिंजो माणुए दे पुत्रे जो सबते शक्तिशाली परमेश्वर दे सजे पासे हके कने बैठयो दिखणा, कने अम्बरे च बदलां सोगी ओंदे दिखणा है।” 63 जालू महायाजके यीशुए जो ऐ बोलदे सुणया तां उनी गुस्से च अपणे कपड़े फाड़ी दिते, कने बोलया, “हुण सांझो कुसी गबाह दी जरूरत नी है। 64 तुसां इसयो परमेश्वरे दी निंदा करदे सुणया, तुहाड़ी क्या सलाह है इसा गल्ला पर?” उना सारायां फेसला किता की यीशुए परमेश्वर दी निन्दा कितियो, इस तांई इसयो मौत दी सजा मिल्ले।

65 तालू कोई तां उस पर थुकणा लग्गे, कने कोई उदा मु ढकणा कने मूके मारणा, कने मजाक उड़ाई करी बोलणा लग्गे, “गुरू जी, अगर तु परमेश्वरे दा संदेश देणेवाला है, तां सांझो दस कुनी तिजो मारया, कने सिपाईयां उसयो पकड़ी करी थप्पड़ मारे।”

26:69-75; 22:56-62; 18:15-18,25-27

66 जालू पतरस थल्ले अंगणे च अग्गी सेका दा था, तां महायाजक दिया नोकराणियां चे इक ओथु आई, 67 कने उना पतरसे जो अग्ग तपदे दिखया कने उसयो ध्यान ने दिखीकरी बोलणा लग्गी, “तू भी तां इस यीशु नासरत बाले दा सोगी था।” 68 सै मुकरी गया, कने बोलणा लग्गा, मैं नी जाणदा इसयो कने मिंजो नी पता की तू क्या बोला दी है। फिरी सै बारले पासे चली गया, कने मुर्गे बांग देई दिती।

69 सै नोकराणी बखे खड़ोतयो बंदयां ने फिरी बोलणा लग्गी, की ऐ उदे चेलयां चे इक है। 70 पर सै फिरी मुकरी गया। कने थोड़िया देरा बाद उना जड़े बखे खड़ोतया थे, उना पतरसे जो बोलया, “पक्का तू उना चे ही इक है, जियां तु बोलदा है इसला लगदा तु भी गलील प्रदेश ला है, तु उदे चेलयां चे इक है।”†

71 पतरस अपु जो कोसणा लग्गा, कसम खाणा लग्गा, की जिस माणुए दी तुसां गल्ल करा दे न उसयो मैं नी जाणदा। 72 तां तालू मुर्गे दुज्जी बरी बांग दिती: तालू पतरसे जो यीशुए दी गल्ल याद आई जड़ी उसयो बोलियो थी, “की मुर्गे जो दो बार बांग देंगे ला पेहले तू

मिंजो तिन्न बरी मुकरणा है।” तालू पतरस अपणे दुखे जो नी संभाली पाया कने दुखी होईकरी जोर-जोर ने रोणा लग्गा।

15

27:1-2,11-14; 23:1-5; 18:28-38

1 कने ब्यागा तड़के होंदे ही झट उना बड़डे याजकां, कने यहूदी अगुवां, कने व्यवस्था जो सिखाणे बालयां कने महासभा दे सारे लोकां सलाह करिके के यीशुए जो बन्नया, कने न्याय करणे तांई यहूदिया प्रदेश दे राज्यपाल पिलातुस दे हबाले करी दिता। 2 कने पिलातुसे उसयो पुछ्या, “क्या तू यहूदियां दा राजा है?” यीशुए उसयो जबाब दिता, “जड़ा तू बोला दा है, ऐ सही है।” 3 कने बड़डे याजक उस पर बड़ियां गल्लां दा दोष ला दे थे। 4 पिलातुसे उसयो फिरी पुछ्या, “तू क्या कोई जबाब नी देणा है, दिख ऐ तिजो पर कितणियां गल्लां दा दोष ला दे न?” 5 यीशु फिरी चुप रिया कने कोई जबाब नी दिता, ऐ दिखीकरी पिलातुस बड़ा हेरान होया।

27:15-26; 23:13-25; 18:39; 19:16

6 हर साले फसह दे त्योहारे च, पिलातुस इक केदिये जो छड़ी दिन्दा था, जिसयो लोक चांदे थे की सै छूटे। 7 कने बरअब्बा नाए दा इक माणु बाकी कर्तिकारियां सोगी कैदा च था, जिना रोम सरकार दे खिलाफ च लोकां दी हत्या कितियो थी। 8 कने भीड़ पीतालुस दे बखे आई कने उसने बिनती करणा लग्गी, कने साड़े तांई इक कैदी जो छड़ी दे जियां तू हरबरी करदा है। 9 पिलातुसे उना जो जबाब दिता, क्या तुसां चांदे न की, मैं तुहाड़े तांई यहूदियां दे राजे जो छड़ी दें? 10 क्योंकि सै जाणदा था, की बड़डे याजकां यीशुए जो जलनिया ने पकड़ाया था। 11 पर बड़डे याजकां लोकां दिया भिड़ा जो भड़काया, कि पिलातुस ला यीशु जो छड़णे दी बजाये बरअब्बा जो छड़णे दी मांग करा। 12 ऐ सुणीकरी पिलातुसे उना ला फिरी पुछ्या, “तां जिसयो तुसां यहूदियां दा राजा बोलदे न, उदा मैं क्या करे?” 13 भीड़ा दे लोक चिलाणा लग्गे, “उसयो सूली पर चड़ाई करी मारी दिया।” 14 पिलातुसे उना जो बोलया, “कजो इनी क्या बुरा कितया है?” पर भीड़ होर भी जोरे ने चिलाणा लग्गी की, “इसयो सूली पर चड़ाई करी मारी दिया।” 15 तालू पिलातुसे भिड़ा जो खुश करणे तांई बरअब्बा जो उना तांई छड़ी दिता, कने

† 14:70 14:70 ऐ लोक जाणदे थे यीशु कने पतरस गलील जिले ला न क्योंकि गलील दे लोकां दा बोलणे दा तरिका यरूशलेम दे पुराणे लोकां दे बोलणे दे तरिके ला बखरा है यीशु कने उदे चले गलील ला थे यहूदा जो छड़ी करी

यीशुए जो कोड़े लगवाई करी सूली पर चढ़ाणे ताई रोमी सिपाईयां दे हबाले देई दिता ।

([मरकुस 27:27-31](#); [मरकुस 19:2,3](#))

16 सिपाई उसयो किले दे अंदरे बाले अंगणे च लेई गे जिसयो प्रीटोरियुम बोलदे न, कने सारिया सिपाईयां दिया पलटना जो सदी लेई आये । 17 कने यीशुए दा मजाक उड़ाणे ताई उना उसयो बैंगणी रंगे दे कपड़े पहनाये, कने कंडयां दा मुकट बणाई करी उदे सिरे पर रखया, 18 कने सै यीशुए दा मजाक उड़ाणे ताई उसयो ऐ बोलदे थे की, “हे यहूदियां दे राजा, नमस्ते ।” 19 सै बार-बार उदे सिरे पर भारी सरकंडे ने मारदे थे, कने उदी बेजती करणे ताई उस पर थुका दे थे, कने उसयो इज्जत मान देणे ताई अराधना करणे जो गोडे भार बेईकरी उसयो नमस्ते करणे दा नाटक करा दे थे । 20 जालू सै उदा मजाक उड़ाई बैठे, तां उना सै बैंगणी कपड़े उतारी करी उदे अपणे कपड़े उसयो पहनाए, फिरी उसयो सूली पर चढ़ाणे ताई शेहरे ला बाहर लेई गे ।

([मरकुस 27:32-44](#); [मरकुस 23:26-43](#); [मरकुस 19:17-27](#))

21 जालू सै शेहरे बाहर चलयो थे, तां शमौन नाए दा माणु कुरेनी ग्रांए ला ओआ दा था, उदे पुत्र सिकन्दर कने रुफुस थे । कने सिपाईयां शमोन जो हुकम दितया की सै सूली जो चुकी करी उसा जगा लेई जा जिथू उना यीशुए जो सूली पर चढ़ाणा था । 22 सिपाई यीशुए जो गुलगुता नाए दिया जगा पर लेई आये, जिदा मतलब है खोपड़ी दी जगा । 23 तालू सिपाईयां यीशुए जो गन्धरस नाए दी दवा, दाखरस च मिलाई करी पीणे ताई यीशुए जो दिता ताकि उसयो पीड़ा दा असर नी होए, पर उनी पिणे जो मना करी दिता । 24 फिरी उना यीशुए जो हथां पैरां पर किल्लां ठोकी करी सूली पर चढ़ाया, कने उदे कपड़यां ताई पचियां पाईयां, ऐ दिखणे ताई की क्या कुसयो मिलदा है, कने कपड़यां जो अपु चे बंडी लिया ।

25 ब्यागा दे कोई नौ की बजे, जालू उना यीशुए जो सूली पर चढ़ाया । 26 सिपाईयां यीशुए दिया सूलिया उपर लकड़ी दी पट्टी लाई दिती । उदे च यीशुए दा दोष लिखया था, की ऐ “यहूदियां दा राजा ।” 27 उना उदे सोगी दो डाकू, इक उदे सजे पासे कने इक उदे खबे पासे सूली पर चढ़ाये । 28 तालू सै पबित्र शास्त्रे दा बचन सच्च होई गया जड़ा मसीह दे बारे च बोलया था, की सै अपराधियां साई गिणया जाणा, कने सै पुरा होया ।

29 कने रस्ते च जाणे बाले सारे लोक सिर हिलाई-हिलाई करी, उदी ऐ बोली करी निंदा करदे थे, “वाह

रे । मंदरे जो ढाणे बाले, कने तिन्ना रोजां च बणाणे बाले । 30 सूली ला उतरी करी अपणे आपे जो बचाई ले ।” 31 इयां ही बड्डे याजक कने मूसा दी व्यवस्था जो सिखाणे बाले अपु चे मजाके च बोलदे थे, “की इनी होरनी जो बचाया, पर अपणे आपे जो नी बचाई सकदा । 32 ऐ माणु जड़ा इस्राएल दा राजा, मसीह होणे दा दाबा करदा है, हुण सूली ला उतरी आए तां, असां दिखीकरी भरोसा करी लेणा कि ऐ साड़ा राजा है ।” कने जड़े उदे सोगी दो जणे सूलिया पर चढ़ायो थे, सै भी उदी निंदा करा दे थे ।

([मरकुस 27:45-56](#); [मरकुस 23:44-49](#); [मरकुस 19:28-30](#))

33 दोपहर बाहरा बजे ला तिन्न बजे दीकर सारे देशे च नेहेरा होई गया । 34 दोपेरा दे तिजे पेहर यीशुए बड़े जोरे ने पुकारी करी बोलया, “इलोई, इलोई, लमा शबक्तनी?” जिसदा मतलब है, “मेरे परमेश्वर, मेरे परमेश्वर, तू मिंजो कजो छुडी दिता?” 35 कने कुछ लोक जड़े उदे बखे खड़ोतयो थे, उना सुणया जड़ा यीशुए बोलया पर सै समझे नी कने बोलणा लगगे, “दिखा, ऐ एलिय्याह जो सहायता ताई पुकारा दा है ।” 36 कने उना लोकां च इक जणा दौड़ी करी गया कने उनी स्पंज लेईकरी सिरके च डुबाया, कने सरकंडे दे उपर बन्नी करी यीशुए जो चुसाया, कने बोलया, “रुकी जा कुछ मत करा, दिखदे न की, एलिय्याह इसयो उतारणे ताई ओंदा है की नी ।” 37 तालू यीशु बड़े जोरे ने बोली करी मरी गया ।

38 कने सै मोटा परदा जड़ा मंदरे च टंगया होया था, जड़ा सारयां जो परमेश्वर दी मोजुदगी च अंदर ओणे जो रोकदा था, उपरे ला थले दीकर फटी गया कने उदे दो टुकड़े होई गे । 39 जड़ा सूबेदार उदे सामणे खड़ोतया था, उनी जालू यीशुए दी पुकार सुणी कने उसयो दिखया की सै कियां मरया, तां उनी बोलया, “सच्ची ऐ माणु, परमेश्वरे दा पुत्र था ।”

40 कने केई जनानिया भी दुरे ला दिखा दियां थियां: उना चे इक मरियम भी थी जड़ी मगदल नाए दे शेहरे ला थी, सलोमी कने मरियम जड़े छोटो याकूब कने योसेस दी मां थी । 41 जालू सै गलील प्रदेशे च था तां सै उदे पिच्छे चलदियां थियां, कने उदी सेबा करदियां थियां, कने होर भी मतियां जनानिया थियां, जड़ियां उदे सोगी यरूशलेम शेर च आईयां थियां कने सै उसयो दुरे ला दिखा दियां थियां ।

([मरकुस 27:57-61](#); [मरकुस 23:50-56](#); [मरकुस 19:38-42](#))

42 जालू संज होई गई, तां इस ताई की सै तैयारिया दा दिन था, जड़ा सब्ते दे इक रोज पेहले होंदा है।* 43 अरिमतिया शेहरे दा रेहणे बाला यूसुफ नाए दा इक माणु था, सै यहूदी सभा दा इक बड़ा मनया तनया मंत्री था, कने अपु भी परमेश्वरे दे राज्य दी नियाल रखदा था। सै हिम्मत करिके पिलातुस बाल गया कने उनी यीशुए दी लाश दफनाणे ताई मंगी। 44 पिलातुस जो भरोसा नी होया, की यीशु इतणी तोल्ली मरी गया, कने उनी सुबेदारे जो सदीकरी पृच्छया, की क्या ऐ सच्च है, की यीशुए मरयो बड़ी देर होई गियो है? 45 जालू उनी सुबेदारे ला हाल पता करी लिया, तां पिलातुसे यूसुफे जो लाश लेई जाणे दी अनुमति देई दिती। 46 तालू उनी इक मलमल दी चादर खरीदी, कने लाश उतारी करी यहूदी रिवाजां साई मलमल दिया चादरा च लपेटी लिया, कने दफनाणे ताई कबरां च रखया कने सै कबर चट्टाना जो कटी करी बणाईयो थी, कने उनी कबरां दा मु बंद करणे ताई इक गोल पथर लुड़काई करी रखी दिता। 47 मरियम जड़ी मगदलीनी शेहरे ला थी कने योसेस दी मां मरियम दिखा दिया थियां की, सै कुथु रखया है।

16

28:1-8; 24:1-12; 24:1-10)

1 अगली संझा जालू सब्ते दे दा रोज होई गया, तां उना जनानियां जिना दे नां मरियम मगदलीनी, याकूबे दी मां मरियम, सलोमी उना सुगंध बालियां चिंजा खरीदियां, ताकि यीशुए दिया लाशा पर मलन, क्योंकि ऐ सारा यहूदियां दा रिती रिवाजा था। 2 ब्यागा तड़के तुआरे बाले दिने, सै कबरां पर गियां,

3 कने अपु चे बोला दिया थियां की, “साड़े ताई कबरां दे रखयो बडे कने भारी पथरे जो कुण हटांगा?” 4 पर जालू उना यीशुए दी कबरा पासे दिखया, तां दिखया की सै पथर तां पेहले ला ही हटया होया है। 5 कने जालू सै कबरा दे बखे पुजियां कने अंदर गियां, उना ओथु इक नौजवान जागते जो चिट्टे चमकदार कपड़े पाई करी उदे सजे पासे बैठया दिखया, कने सै बड़ियां हेरान होईयां कने डरी गियां। 6 उनी जवान माणुए उना जनानियां जो बोलया, डरा मत, तुसां यीशु नासरत बाले जो तोपा दियां न, जिसयो सूली पर चढ़ाया था। सै जिन्दा होई गया है, ऐथू नी है; दिखा ऐ सेई जगा है, जिथू उना

उसयो रखया था। 7 पर हुण तुसां जा, कने ऐ गल्ल तुसां पतरस कने यीशुए दे बाकी चेलयां जो बोला की यीशुए तुहांजो ला पेहले गलील प्रदेशे जो जाणा है, जियां उनी तुहांजो ने बोलया था, तुसां उसयो ओथु दिखणा है। 8 जालू उना ऐ सुणया, तालू सै कबरां ला निकली करी नठी गियां क्योंकि सै घबराई करी कमी पियां थियां। कने उना रस्ते च कुसी होरसी ने कुछ नी बोलया।

28:9,10; 20:11-18)

9 हफ्ते दे पेहले तुआरे ब्याग होंदे ही सै जिन्दा होईकरी सबना ला पेहले यीशु मरियम मगदलीनी जो मिल्ला, जिसा चे उनी सत बुरियां आत्मा कडियां थियां। 10 सै यीशु दे चेलयां बाली गई, चले बडे भरी गमे च थे कने रोआ दे थे, उना जड़ा कुछ उना दिखया था, सै उना जो सुणाया। 11 पर जालू उना उसा ला सुणया की यीशु जिन्दा है, कने उना उसयो दिखया है, उना भरोसा नी किता।

24:13-35)

12 उदे बाद यीशु दुज्जे दो होर चेलयां सामणे आया, जड़े यरूशलेमे शेहरे ला अपणे घरे जो ओआ दे थे, पर पेहले उना उसयो नी पछाणा, क्योंकि उदी भेस भुशा पेहले ला लग थी। 13 जालू उना जाणी लिया सै कुण है, तालू सै दौड़ी करी दुज्जयां जो दसणा गे, पर उना भी भरोसा नी किता।

28:16-20; 24:36-49; 20:19-23; 1:6-8)

14 इदे बाद यीशु उना गयारां चेलयां जो भी मिल्ला, जालू सै रोटी खाणां बैठयो थे, तां यीशुए उना जो झिड़कया, क्योंकि यीशुए जो जिन्दा होणे बाद दिखया, फिरी भी उना भरोसा नी कितया था। 15 कने यीशुए उना जो बोलया, “तुसां सारे संसार च जाई करी लोकां जो परमेश्वर दे शुभसमाचार दा प्रचार करा। 16 जड़ा कोई मिजों पर भरोसा करगा कने बपतिस्मा लेंगा परमेश्वरे उसयो उदे पापां दी सजा ला बचाणा, पर जड़ा मिजो पर भरोसा नी करगा तां उसयो सजा मिलणी है। 17 कने जड़े लोक मिजों पर भरोसा करगे सै चमत्कारी निशाण उना दे बाली होणे न, उना मेरे नाए ने बुरियां आत्मा जो कडणा, कने मैं उना जो नोईयां-नोईयां भाषा बोलणे दे काबील बणागां। 18 मैं उना जो बचाणा है, जड़े सप्पां जो भी चुकी लेंगे, कने जहरीली चीज भी पी लेंगे, मैं तमी

* 15:42 15:42 जिस रोजे यीशुए जो सूली पर चढ़ाया था सै तैयारी बाला रोज था जिदा मतलव अराधना बाले रोजे ला इक दिन पेहले कने यहूदी रिवाजां दे हिसावे ला उसा तरकाला दे बेले से काम नी होई सकदा ताई तां जालू सुरज पुरा डुवी गया

उना जो मरणा नी दिगां, उना बिमारां पर हथ रखणा कने उना जो मेरे नाए ला खरा करणा है।”

[\[?\]\[?\]\[?\]\[?\] \[?\] \[?\]\[?\]\[?\]\[?\] \[?\]\[?\]\[?\]](#)

[\(\[?\]\[?\]\[?\] 24:50-53; \[?\]\[?\]\[?\]\[?\] 1:9-11\)](#)

19 तालू उदे बाद प्रभु यीशु उना ने गल्लां करणे बाद परमेश्वरे यीशुए जो स्वर्गे च सदी लिया, कने यीशु परमेश्वरे दे सजे पासे इज्जत बाले सिहांसन पर बैठी गया। 20 तालू चले सारयां पास्से गो कने हर जगा परमेश्वरे दा प्रचार किता, कने प्रभु उना सोगी कम्म करदा रिया, कने उना चमत्कारां दे जरिये जड़े सोगी-सोगी होंदे थे, बचना जो पुरा करदा रिया। आमीन।

लूका दा शुभसमाचार

??????

लूका दा शुभसमाचार इक चिठिया दे रूपे च है, जड़ा थियुफिलुस नाए दे माणुए जो लिखया था। लूका मसीह दे बारे च सारियां गल्लां जो ध्याने ला जांच करिरी इसा चिठिया च लिखया है (अध्याय 1:1-4)। लूका दा शुभसमाचार मसीह दी जिन्दगी दा विवरण, उदे जन्म ला पहले ला लेईकरी, उदी सेबकाई दा, मौत दा, कने मरयां च जिन्दा होणे दा दस्तावेज है। यीशुए उद्धार दे शुभसमाचार दी घोषणा करदे होए, पबित्र आत्मा दिया शक्तिया ला अपणी सेबकाई दी शुरुआत किती। उनी केई बरी गरीब कने होर जाति दे लोकां पर अपणी करुणा दस्सी। उनी भविष्यवाणियां जो पूरा किता कने गबाचयां जो तोपणे कने बचाणे दे मकसद जो पूरा किता। लूका मसीह से जन्म दे बारे च पूरा दसदा है, कने सिर्फ लूका दी कताबा च ही दयालु सामरी कने उड़ाऊ पुत्रे दी कहाणी है। लूका पौलुस दा साथी है, उनी ऐ कताब लगभग ई स 60 च लिखियो है, उनी प्रेरितां दे कम्म ऐ कताब भी लिखियो है।

रूप-रेखा

लूका ऐ कताब कजो लिखी 1:1-4

युहन्ना बपतिस्मा देणेबाला कने यीशु दा जन्म 1:5-2 52

युहन्ना बपतिस्मा देणेबाले दा संदेश 3:1-20

यीशु दा बपतिस्मा कने परिक्षा 3:21-4 13

गलील च यीशु दी सेबकाई 4:14-9 50

यीशु गलील ला यरूशलेम शेहरे जो जांदा है 9:51-19 27

यीशु दा आखरी हफ्ता: उदी परिक्षा कने मौत 19:28-23 56

यीशु जिन्दा है 24:1-12

यीशु प्रकट होंदा है। सै स्वर्गे जो चली गया 24:13-53

??????

1 श्रीमान थियुफिलुस तांई मतयां लोकां साडे बिच होइयां घटना दे बारे च इक दस्तावेज लिखणे दी कोशिश कितियो है। 2 उना बिलकुल सेई लिखया जड़ा सान्द्रो उना लोकां दसया था, जिना शुरू ला ही यीशुए दी सेबकाई जो अपणी हखी ने दिखया था कने जड़े बादे च परमेश्वरे दे बचने दे सेवक बणे। 3 इस तांई श्रीमान थियुफिलुस मैं भी इना सारियां गल्लां दी जांच परख किती कने मिंजो ऐ ठीक लगगा की तुहाड़े तांई इना

घटना जो क्रमानुसार लिखें। 4 मैं ऐ इस तांई करा दा ताकि तुहांजो हर उसा गल्ला दा पता पुरिया सचाइया ने लगगे जड़ियां लोकां तुहांजो दसियां न।

?????????? ? ? ? ? ? ? ? ? ? ? ? ? ? ? ? ?

5 जालू हेरोदेस यहूदिया प्रदेश दा राजा था, अबिय्याह दी टोलिया च जकर्याह नाए दा इक याजक था, कने उदी घरे बालिया दा ना एलीशिबा था कने सै भी इस्राएल दे पेहले याजक हारून दे बंशे ला थी। 6 सै दोयो ही परमेश्वरे दे सामणे धर्मी थे, कने सै प्रभु दे सारे हुकम कने नियम पर सच्चे चलणे बाले थे। 7 पर उना दी कोई ओलाद नी थी, क्योंकि एलीशिबा बच्चा पैदा नी करी सकदी थी, कने सै दोयो ही बुड्डे थे।

8 इक दिन जालू जकर्याह यरूशलेम शेहरे दे मंदरे च परमेश्वरे दे सामणे याजके दे रूपे च सेवा करा दा था, क्योंकि उस हफ्ते उदिया टोलिया दी याजक सेवा दी बारी थी। 9 याजकां दे पर्ची पाणे बाले रिबाजे दे हिसावे ने जकर्याह दे नाए दी पर्ची निकली की प्रभु दे मंदरे च जाई करी धूप बाल्ले।* 10 जालू सै धूप लगाणे दे बले सारे लोक बाहर अंगणे च खड़ोई करी प्राथना करा दे थे। 11 तालू जकर्याह जो प्रभु दा स्वर्गदूत धुपे दिया बेदिया दे सजे पासे खड़ोतया दुसा। 12 कने जकर्याह उसयो दिखीकरी घबराई गया कने सै बड़ा भरी डरी गया। 13 पर स्वर्गदूते उसयो बोलया, “ओ जकर्याह डर मत क्योंकि परमेश्वरे तेरी प्राथना सुणी लिइयो है, तेरिया घरे बालिया एलीशिबा इक जागत जमणा है, कने तू उदा ना यूहन्ना रखयां। 14 कने तिजो खुशी होणी: कने मते लोकां उदे पैदा होंगे दिया बजा ने खुश होणा। 15 क्योंकि उनी परमेश्वरे दे सामने बड़ा महान होणा; कने उनी कदी भी कोई ऐसी चीज नी खाणी पिणी जिसने कोई नशा होंदा है; कने उनी अपणे पैदा होणे ला पेहले ही पबित्र आत्मा ने परिपूर्ण होई जाणा है। 16 कने उनी इस्राएलियां च मतयां लोकां जो उना दे प्रभु परमेश्वरे दे बाल बापस लोणा है। 17 यूहन्ना इक ऐसा माणु होणा है उनी परमेश्वरे दा संदेश देणेबाले एलिय्याह सांई आत्मा च शक्तिया ने भरपूर होणा है कने प्रभु दा रस्ता तैयार करणा है। ताकि माता पिता दा मन बाल बचयां दे पासे फेरी दे, कने हुकम नी मनणे बालयां जो धर्मियां सांई जीणा सिखाणा; कने प्रभु तांई इक खरी प्रजा तैयार करे।†

18 जकर्याह स्वर्गदूते ला पुछ्या, ऐ मैं कियां यकीन करे की साडे ने ऐसा होणा? क्योंकि मैं तां बुड्डा है, कने मेरी घरे बाली भी बुड्डी होई गियो है।” 19 स्वर्गदूते

* 1:9 1:9 (निर्ग. 30:7) † 1:17 1:17 (मला. 4:5-6)

उसयो जबाब दिता, “मैं जिब्राईल हूँ, जड़ा परमेश्वरे दे सामने खड़ोई रेंदा हूँ, कने मिंजो तेरे ने गल्लां करणा कने तिजो ऐ शुभसमाचार सुणाणें ताई भेजया है।[‡] 20 कने दिख जीस दिने दीकर ऐ बच्चा पैदा नी होंगा कने मेरियां बोलियां गल्लां सही बकत पर पुरियां नी होंगिया उसी रोजे दीकर तिजो ला बोली नी होंगा, क्योंकि जड़ियां गल्लां मैं तिजो बोलियां न तू उना गल्लां दा भरोसा नी किता।”

21 लोक जकर्याह जो निय्याला दे थे क्योंकि याजक मंदरे च धुप लगाणे बाद बाहर आई करी लोकां जो आशीर्वाद दिन्दा था, पर उसयो बड़ी देर होई गई थी अंदर, तां लोक बड़े हेरान होऐ? 22 जालू सै मंदरे ला बाहर आया, तालू सै उना ने बोली नी सकया, तालू सै समजी गे, की इसयो मंदरे च कोई दर्शण होया है, कने सै उना ने इशारे च गल्लां करा दा था, सै गूंगा होई गया।

23 जालू मंदरे च उदिया याजक सेबा दे दिन पूरे होई गे, तां सै यरूशलेम शेहरे ला अपणे घरे जो चली गया। 24 कुछ दिना बाद उदी घरे बाली एलीशिबा लेरथी होई; कने पंज महीने दीकर अपणे आपे जो लोकां ला लुकाई रखया। 25 की प्रभुऐ मेरे ताई भला कम्म किता है, माणुआं च मेरिया बांजपन दिया बदनामिया जो दुर करणे ताई इना दिना च प्रभुऐ मेरे उपर कृपा करिके मिंजो ताई ऐसा किता है।[§]

¶¶¶¶¶¶ ¶¶ ¶¶¶¶¶¶ ¶¶ ¶¶¶¶¶¶

26 जालू एलीशिबा जो छेमा मिना लगया था तालू परमेश्वरे दिया तरफा ला जिब्राईल स्वर्गदूत गलील प्रदेश दे नासरत शेहरे च इक कुवारिया बाल गया, 27 जिसा दी मंगणी राजा दाऊदे दे बंशे दे यूसुफ नाऐ दे इक मरदे ने होईयो थी; उसा कुवारिया दा ना मरियम था। 28 कने स्वर्गदूते अन्दर आई करी उसा जो बोलया, “खुशी कने तेरी जय हो, परमेश्वरे तिजो पर कृपा किती है! परमेश्वर तेरे सोगी है।” 29 सै इस बचने ला बड़ी घबराई गई, कने सोचना लगगी की इसा गल्ला दा क्या मतलब है? 30 स्वर्गदूते उसा जो बोलया, “हे मरियम, डर मत, क्योंकि तिजो पर परमेश्वरे दी कृपा होईयो है। 31 कने दीख, तू लेर्थिया होणा है, कने तिजो इक जागत पैदा होणा है; कने तू उदा ना यीशु रखयां।* 32 कने उनी बड़ा महान होणा; कने उसयो परमेश्वरे दा पुत्र बोलया जाणा; कने प्रभु परमेश्वरे उसयो उदे पूर्वज दाऊदे साई राजा बणाना है।[†] 33 कने उनी इस्राएल दे लोकां पर

हमेशा राज करणा; कने उदे राज्य दा कदी अंत नी होणा।”[‡]

34 मरियमा स्वर्गदूते जो बोलया, ऐ कियां होणा? मेरा तां अजे बियाह भी नी होया है। 35 स्वर्गदूते उसा जो जबाब दिता, पबित्र आत्मा तिजो पर उतरणा है, कने परमेश्वरे दिया शक्तिया तिजो पर छां करणी है, ताई तां तेरा जन्म लेणे बाला जागत पबित्र होणा है, सै परमेश्वरे दा पुत्र बोलया जाणा। 36 कने सुण तेरी रिशतेदार एलीशिबा दे भी बुडे बारे बच्चा होणेबाला है, ऐ इसा दा छेमा महिना है जिसा जो लोक बांज बोलदे थे। 37 क्योंकि परमेश्वर सब कुछ करी सकदा है।[§] 38 मरियमा बोलया, “दीख, मैं प्रभु दी दासी हूँ, जियां तू बोलया है सेई मेरे सोगी हो।” तालू स्वर्गदूत ओथु ला चली गया।

¶¶¶¶¶¶ ¶¶ ¶¶¶¶¶¶¶¶ ¶¶ ¶¶¶¶¶¶ ¶¶¶¶

39 कुछ दिना बाद मरियम उठी करी यहूदिया प्रदेश दे इक पाहड़ी इलाके दे इकी ग्रां जो गई। 40 कने जकर्याह दे घरे पुजिकरी एलीशिबा जो नमस्ते किते। 41 जियां ही एलीशिबा मरियमा दे नमस्ते सुणे, तियां ही बच्चा उसा दे पेटे च उछली पिया, कने इलीशिबा पबित्र आत्मा ने परिपूर्ण होई गई। 42 कने तिन्ना बड़े जोरे ने बोलया, “तू सारियां जनानिया चे बड़ी भरी धन्य है, कने जड़ा बच्चा तू जमणा है सै धन्य है। 43 कने मैं बड़ी सोभाग्यशाली हूँ, की मेरे प्रभु दी मां मिंजो ने मिलणा आई है? 44 दिख जियां ही तेरे नमस्ते बोलणे दी अबाज मेरे कना च पेई तियां ही मेरे पेटे च बच्चा खुशिया ने उछली पिया। 45 कने तू धन्य है, क्योंकि तू भरोसा किता जड़ियां गल्ला प्रभुये दी तरफा ने बोलियां न, कने सै परमेश्वरे पुरियां करणियां न।”

¶¶¶¶¶¶ ¶¶ ¶¶¶¶¶¶¶¶¶¶

46 तालू मरियमा बोलया, मैं परमेश्वरे दी स्तुति करदी हूँ। 47 कने मैं अपणे उद्धार करणे बाले परमेश्वरे ला बड़ी खुश हूँ।* 48 क्योंकि उनी मिंजो अपणिया दासियां दिया दीनता पर नजर किती है; इस ताई दिखा, हुण सारे युगां-युगां दे लोकां मिंजो धन्य बोलणा है। 49 क्योंकि उनी अपणिया शक्तिया ने मिंजो ताई बड़डे-बड़डे कम्म कितयो न, कने उदा ना पबित्र है। 50 जड़े परमेश्वरे दा डर मंदे न, उना पर उदी दया पीढ़ियां ला पीढ़ियां दीकर बणी रेंदी है।[†] 51 उनी अपणी महान शक्ति ने बड़डे-बड़डे कम्म किते न, कने जड़े बड़े घमंडी थे उना जो

‡ 1:19 1:19 (दानि. 8:16, दानि. 9:21) § 1:25 1:25 (उत्प. 30:23) * 1:31 1:31 (यशा. 7:14) † 1:32 1:32 (भज. 132:11, यशा. 9:6-7) ‡ 1:33 1:33 (2 शम्. 7:12, 16, इब्र. 1:8, दानि. 2:44) § 1:37 1:37 (मत्ती 19:26, यिमं. 32:27) * 1:47 1:47 (1 शम्. 2:1) † 1:50 1:50 (भज. 103:17) ‡ 1:51 1:51 (2 शम्. 22:28, भज. 89:10) § 1:52 1:52 (1 शम्. 2:7, अय्यू. 5:11, भज. 113:7, 8)

हराई दिता। † 52 परमेश्वरे राजयां ला राज करणे दा हक लेई लेणा है; कने गरीबां जो उच्चा करदा है। § 53 उनी भुखयाँ जो खरियाँ-खरियाँ चीजा ने रजाया, कने अमीरां जो खाली हथ कडी दिता। 54 परमेश्वरे साडे पूर्वजां ने कितयो बायदे जो याद किता कने अपने सेवक इस्राएल दे लोकां दी मदद करणा आया है। * 55 उनी अब्राहम जो कने उदे सारे बंशजा जो हमेशा तांई दया दसणे तांई याद कितया है! †

56 मरियम पूरे तिन मिहने उसा सोगी रेईकरी घरे जो बापस गई।

¶¶¶¶¶¶¶¶ ¶¶¶¶¶¶¶¶¶¶ ¶¶¶¶¶¶¶¶¶¶ ¶¶¶¶¶¶¶¶

57 तालू एलीशिबा दा बच्चा पैदा करणे दा बकत पूरा होया, कने उना इक पुत्र जमया। 58 उसा दे पड़ोसियां कने रिश्तेदारां ऐ गल्ल सुणीकरी की प्रभुये उसा पर बड़ी बड़ी दया किती है, कने सै उसा सोगी बड़े खुश होऐ।

59 कने जालू सै अठमे रोजे उदा खतना करणे तांई आये। तालू सै उदा ना उदे पिता दे नाऐ पर जकर्याह रखणा लगे, ‡ 60 तां उदिया माता एलीशिबा बोलया, “नी; इदा ना यूहन्ना रखा।” 61 उना उसा जो बोलया, “ऐ ना तां तेरिया रिश्तेदारिया च कुसी दा भी नी है।” 62 तालू उना उदे पिता जो इशारा करी के पूछया की तू इदा ना क्या रखणा चांदा है? 63 कने उनी लिखणे वाली पट्टी मंगाई करी लिख्या, इदा ना यूहन्ना है, कने सारे हेरान होऐ। 64 तालू ही उदी अबाज बापस आई गई; कने सै परमेश्वरे दा धन्यवाद करणा लगगा। 65 कने उदे अखे-बखे दे लोकां पर डर बेठी गिया; कने उना सारियां गल्लां दी चर्चा यहूदिया प्रदेशे दे पाहड़ी इलाकयां च फेली गई। 66 कने सारयां सुणने बालयां लोकां अपने मने च बिचार करिके बोलया, ऐ बच्चा कदिया होंगा? “क्योंकि इदे सोगी प्रभु दी शक्ति है।

¶¶¶¶¶¶¶¶¶¶ ¶¶¶¶¶¶¶¶¶¶-¶¶¶¶

67 कने उदा पिता जकर्याह पबित्र आत्मा ने परिपूर्ण होई गिया, कने भविष्यवाणी करणा लगगा। 68 प्रभु, इस्राएल दे परमेश्वर दी स्तुति करा, क्योंकि सै अपने लोकां जो मिलणा आया है, कने अपने लोकां जो छुड़ाया है। 69 जड़ा प्रभु दे सेवक, राजा दाऊद दा बंशज है उनी साडे तांई इक शक्तिशाली उद्धार करणे बाले जो भेजया है। § 70-71 बड़े पेहले प्रभुये अपने पबित्र परमेश्वरे दा संदेश देणेबाले दे जरिये बोलया, जड़े संसार दे आदि ला होंदे आएँ न, मतलब की उनी सांझो साडे दुश्मणा

ला कने उना सारियां शक्तियाँ ला बचाणा जड़े सान्झो ने नफरत करदे न। * 72 उनी अपने पबित्र बायदे जो याद करिके साडे पूर्वजां पर दया करणी, 73 उनी साडे पूर्वज अब्राहम ने कसम खाई करी बायदा किता, 74 की उनी सांझो साडे दुश्मणा ला बचाणा, 75 ताकि असां उदे सामणे पबित्रता, धार्मिकता कने बिना कुसी डरे जिन्दगी भर उदी सेवा करी सकन। 76 कने हे बच्चे, तितो परम प्रधान परमेश्वरे दा संदेश देणेबाला बोलया जाणा है क्योंकि तू प्रभु दे अगगे-अगगे चलणा कने माणुआं जो तैयार करणा, † 77 कने इनी अपने लोकां जो सिखाणा की पापा दी माफी दे जरिये छुटकारा पाई सकदे न। 78 ऐ साडे परमेश्वरे दिया उसा दया ने होणा है; जियां सूरज सांझो रोशनी देणे तांई चमकदा है, तियां ही मसीह भी साडे बाल स्वर्गे ला ओणा है। 79 पाप च कने मौता दी छोटोआं च बोंणे बालयां जो रोशनी देणी है, इना रोशनिया सान्झो जिन्दगी च मार्गदर्शन करणा, जड़ा सांझो परमेश्वर सोगी शांति दिन्दा है।” ‡

80 कने सै जागत यूहन्ना बडा होईकरी आत्मा च बलशाली होंदा गिया, कने इस्राएल दे लोकां दे सामणे ओणे दीकर सै सुनसान जगा च रिया।

2

¶¶¶¶¶ ¶¶¶¶¶¶¶¶
(¶¶¶¶¶¶ 1:18-25)

1 उना दिना च रोमी महाराजा औगुस्तुस कैसरे सारे रोमी सम्राज्य दी जनगणना करणे दा हुकम दिता। 2 ऐ पैली जनगणना उस बेले होई, जालू क्विरिनियुस सीरिया प्रदेश दा राज्यपाल था। 3 कने सारे लोक जनगणना च ना लिखाणे तांई अपने-अपणे शेहरे जो गे जिथू उना दे पूर्वज थे। 4 यूसुफ भी तांई तां गलील प्रदेश दे नासरत शेहरे ला यहूदिया प्रदेशे दे राजा दाऊद दे शेहर बैतलहम शेहरे जो गिया था, क्योंकि सै राजा दाऊद दा बंशज कने परिवारे दा था। 5 ताकि अपनी मंगैतर मरियम जड़ी लेरथी थी, उसा सोगी जाई करी ना लिखाइ दे। 6 जालू सै बैतलहम शेहरे च थे तां उसा दे बच्चा जमणे दे दिन पुरे होई गे। 7 कने उना अपना जेठा पुत्र जमया कने उसयो कपड़े च लपेटी करी खुरलिया च रखया; क्योंकि उना तांई सरां च जगा नी थी।

¶¶¶¶¶¶¶¶¶¶¶¶ ¶¶¶¶¶¶¶¶¶¶¶¶¶¶¶¶

8 कने उस देशे च कुछ पुआल थे, जड़े मैदाना च रेईकरी अपने धंणे दा पैरा दिन्दे थे। 9 कने प्रभु दा

* 1:54 1:54 (भज. 98:3, यशा. 41:8, 9) † 1:55 1:55 (उत्प. 22:17, मीका 7:20) ‡ 1:59 1:59 (उत्प. 17:12, लैव्य. 12:3) § 1:69 1:69 (भज. 132:17, यिर्म. 30:9) * 1:70-71 1:70-71 (भज. 106:10) † 1:76 1:76 (मत्ता. 3:1, यशा. 40:3) ‡ 1:79 1:79 (यशा. 58:8, यशा. 60:1, 2, यशा. 9:2)

इक स्वर्गदूत उना बखे आई खड़ोता; कने प्रभु दी चमक उना दे चारो पास्से चमकी, कने सै बड़े डरी गे। 10 तालू स्वर्गदूते उना ने बोलया, “डरा मत; दिखा मैं तुहांजो इक बड़ी खुशिया दा शुभसमाचार सुणांदा है; जड़ा सारे लोकां तांई होणा, 11 की अज राजा दाऊद दे शेर बैतलहम च तुहाड़े तांई इक उद्धारकर्ता जमया है, सेई मसीह प्रभु है। 12 मैं तुहाड़े तांई उना दी ऐ पछेण दिन्दा की सै बच्चा कुण है, तुहांजो इक बच्चा फालडु च लपेटया कने खुरलिया च पिया मिलणा है।” 13 तालू उस स्वर्गदूते सोगी इक स्वर्गदूतां दी टोली परमेश्वरे दी स्तुति कने ऐ बोलदे होए प्रगट होई, 14 “स्वर्ग च परमेश्वरे दी महिमा कने धरतिया पर जिना लोकां ला सै खुश हे शांति हो।”

15 जालू स्वर्गदूत उना बखे ला स्वर्गे जो चली गे, तालू पुआलां अपु चे बोलया, “ओआ, असां बैतलहम शेर च जाई करी ऐ गल्ल जड़ी होइयो है, कने जड़ा प्रभुये सांझो ने दसया है, उसयो दिखन।” 16 कने उना झट पट जाई करी मरियम कने यूसुफ जो कने खुरलिया च उस बच्चे जो पिया दिखया। 17 इना जो दिखीकरी उना सै गल्लां जड़ियां उस बच्चे दे बारे च स्वर्गदूतां ने बोलिया थी, सै सबना जो दसणा लगगे। 18 कने सारे लोकां जालू ऐ गल्लां सुणियां जड़ियां गल्लां उना पुआलां बोलियां, तां सै बड़े हेरान होए। 19 पर मरियम इना सारियां गल्लां जो मने च रखीकरी सोचदी रेई। 20 कने जियां उना स्वर्गदूतां पुआलां जो बोलया, तियां ही सारा सुणिकरी कने दिखीकरी परमेश्वरे दी महिमा कने स्तुति करदे बापस चली गे।

§§§§§ § §§§§§§§

21 जालू यीशुऐ जो पैदा होयो अठ रोज पुरे होए, कने उदे खतने दा बकत आया, तां उदा ना यीशु रखया, जड़ा स्वर्गदूते उदे पेटे च ओणे ला पेहले बोलया था।*

22 जालू मूसा दिया व्यवस्था दे अनुसार उना दे शुद्ध होणे दे दिन पुरे होए तां सै उसयो यरूशलेम शेर दे मंदरे च लेई गे, ताकि उसयो प्रभु दे सामणे लेई ओन।†

23 जियां की मूसा दिया व्यवस्था च लिखया है: “हर जेठा पुतर प्रभु तांई पबित्र होणा।”‡ 24 मूसा दिया व्यवस्था दे बचना दे अनुसार, “पंडुकों दा इक जोड़ा, या कबुतरां दे दो बच्चां दी बलि दिया।” §

§§§§§ § §§§§§§ §§ §§§§§§

25 उस बकते यरूशलेम शेर च शमौन नाए दा इक माणु था। कने सै माणु बड़ा धर्मी कने भक्त था। कने बड़िया बेसबरिया ने मसीह दे ओणे दी नियाल रखा था

की सै आए कने इस्राएल दे लोकां जो तसल्ली दे, कने पबित्र आत्मा उस सोगी थी। 26 कने उसयो पबित्र आत्मा दसया था कि, तू प्रभु दे मसीह जो दिखणे ला पेहले मरणा नी है। 27 उस दिन उसयो आत्मा अगुवाई किती तां सै मंदरे च आया। कने जालू माता-पिता यीशुऐ जो अंदर लेई आये, ताकि उस तांई व्यवस्था दे रीती रिबाजां दे अनुसार करन, 28 तां उनी बच्चा यीशु जो गोदा च लिया कने परमेश्वरे दा धन्यवाद करिके बोलया, 29 प्रभु जी, हुण तू मिंजो अपणे सेवके जो अपणे बायदे दे अनुसार शांतिया ने मरणा दे; 30 क्योंकि मैं उस उद्धारकर्ता जो दिखी लिया है। 31 जिसयो तू सारे लोकां जो बचाणे तांई भेजया है।* 32 ताकि सै होर जातियां जो परमेश्वरे दा रस्ता दसणे तांई लौ बणे, कने तेरे अपणे लोक इस्राएल दी महिमा करन। †

33 कने यीशुऐ दे माता पिता उना गल्लां जो जड़ियां शमौने उदे बारे च बोलियां, सै उना गल्लां ने बड़े हेरान हुं दे थे। 34 तालू शमौने उना जो आशीष देई करी, उदिया माता मरियम ने बोलया, दिख, सै तां इस्राएल च मतयां लोकां दे विनाश कने उद्धार तांई, इसयो परमेश्वरे दिया तरफा ला इक नशाण दे रूपे च भेजया है, जिदे खिलाफ च गल्लां कितियां जाणियां न। ‡ 35 इक भयंकर दुखे कने इक तलबारा सांई विनी देणा इसला मतयां लोकां दे दिले दे विचार सामणै होणे न।

§§§§§§ § § §§§§

36 कने आशेर दे गोत्र ला हन्नाह नाए दी फनुएल दी इक कुड़ी परमेश्वरे दा संदेश देणेबाली थी: कने सै बड़ी बुड्डी थी, सै बियाह होणें ला सतां साला दीकर अपणे घरे बाले ने रेई सकी थी। 37 सै चोरासियां सालां दी बिधवा थी: कने सै मंदरे जो नी छुडती थी पर दिन रात बरत कने प्राथना करी-करी भक्ति करदी थी। 38 सै उस बेले ओथु आई करी परमेश्वर दा धन्यवाद करणा लगगी, कने उना सारयां ने, जड़े यरूशलेम शेर दे लोकां जो छुड़ाणे तांई मसीह जो भेजणे तांई परमेश्वरे दी राह दिखदे थे, उदे बारे च गल्लां करणा लगगी। §

§§§§§ § § §§§§ §§§§§

39 कने जालू यूसुफ कने मरियम प्रभु दीया व्यवस्था दे अनुसार सारा कुछ करी बेटे तां सै गलील प्रदेश च अपणे शेर नासरत जो बापस चली गे। 40 बच्चा बडा कने जोरे बाला होंदा गया; कने अकला बाला होंदा गया; कने परमेश्वरे दा अनुग्रह उस पर था।

§§§§§ §§§§§ §§§§§ §

* 2:21 2:21 (उत्प. 17:12, लैव्य. 12:3) † 2:22 2:22 (लैव्य. 12:6) ‡ 2:23 2:23 (निर्ग. 13:2, 12) § 2:24 2:24 (लैव्य. 12:8)

* 2:31 2:31 (यशा. 40:5) † 2:32 2:32 (यशा. 42:6, यशा. 49:6) ‡ 2:34 2:34 (यशा. 8:14-15) § 2:38 2:38 (यशा. 52:9)

* 2:41 2:41 (निर्ग. 12:24-27, व्य. 16:1-8)

41 यीशुए दे माता पिता हर साल फसह दा त्योहार मनाणे ताई यरूशलेम शेहरे जो जांदे थे।* 42 जालू सै बाहरां सालां दा होया, तालू सै त्योहारे दे रिबाजे ने अनुसार यरूशलेम शेहरे जो गे। 43 जालू यीशुए दे माता-पिता उना दिना जो पूरा करिके के बापस ओणा लग्गे, तां सै जागत ओथु यरूशलेम शेहरे च ही रेई पिया, कने उदे माता पिता जो इसा गल्ला दा पता नी था। 44 सै ऐ समझीकरी, की सै होर यात्रियां सोगी होंगा, कने इक दिन होई गया कने सै अपणे रिश्तेदार कने जान पछेणा बालयां च तोपणा लग्गे। 45 पर जालू नी मिल्ला, तां सै तोपदे-तोपदे यरूशलेम शेहरे जो बापिस चली गे। 46 कने तिन्ना रोजां बाद उना उसयो यरूशलेम शेहरे दे मंदरे दे अंगणे च उपदेशकां दे बिच बैठया, कने उना जो सुणदे कने उना ला सबाल पुछ्छदे दिखया। 47 कने जडे भी उसयो सुंणा दे थे, सै उदिया समझा कने उदे जबाबा ला हेरान थे। 48 तालू यीशुए दे माता पिता उसयो दिखीकरी हेरान होऐ, कने उदिया माता उसयो बोलया, “पुत्र, तू सांझो ने इयोदिया व्यवहार कजो किता? दिख, तेरे पिता कने मैं, तिजो तोपा दे कने बेचेन थे।” 49 उनी उना ने बोलया, “तुसां मिंजो कजो तोपा दे थे? क्या तुहांजो पता नी था, की मिंजो अपणे पिता दे घरे होना जरूरी है?” 50 पर जड़ी गल्ल उनी उना ने बोली, उना सै गल्ल समझी नी।

51 तालू सै उना कने गया, कने नासरत नगर च आया, कने उना दे कुले च रिया; कने उदिया माता ऐ सारियां गल्लां मने च रखियाँ। 52 कने यीशु अकला कने डील-डौल च कने परमेश्वर कने माणुए दे अनुग्रह च अग्गे बददा गया। †

3

3:1-12; 1:1-8; 3:19-28

1 रोमी महाराजा तिबिरियुस कैसर दे राज्य दे पदरमें साले च, जालू पुन्तियुस पिलातुस यहूदिया प्रदेश दा राज्यपाल था, कने गलील प्रदेश च राजा हेरोदेस राज करा दा था कने इतुरैया कने त्रखोनितिस दे इलाके च उदा भाई फिलिप्पुस, कने अबिलेने प्रदेश च राजा लिसानियास राज्य करा दे थे। 2 कने जालू हन्ना कने कैफा बड्डे याजक थे, उस बकते परमेश्वरे दा बचन सुनसान जगा च जकर्याह दे पुत्र यूहन्ना बाल पुज्जा। 3 कने यूहन्ना यरदन खड्डा दे अखे-बखे दे सारे देशां च जाई करी प्रचार करदा था, की अपणे पापां जो

मन्नी लिया कने गलत कम्मा जो छडी दिया तां तुहांजो परमेश्वरे माफ करणा कने बपतिस्मा लिया। 4 जियां यशायाह परमेश्वरे दा संदेश देणेबाले दे बचना दीया कताबां च लिखया है, “सुनसान जगा च इक पुकारणे बाले दी अबाज सुणुआ दी है की प्रभु दा रस्ता तैयार करा, कने उदियां सडकां सिदियां बणा।” 5 हर इक घाटी भरी दिती जाणी, कने हर इक पहाड कने टीला थले करी देणा; कने जडा ढेरा है सै सीधा, कने जडा उच्चा सै नीठा है सै पहरा रस्ता बणाना। 6 कने सारे लोकां उसयो दिखणा है जिसयो परमेश्वरे उना जो बचाणे ताई भेजया है।*

7 जड़ी भीडा दी भीड उसला बपतिस्मा लेणे ताई निकली करी ओंदी थी, सै उना जो बोलदा था की, “तुसां लोक जहरीले सांपा साई बुरे न, तुहाडा ऐ सोचना गलत है की सिर्फ तुसां बपतिस्मा लेणे ने अपणे पापां दी सजा ला बची जाणा जड़ी परमेश्वरे तुसां जो देणी है। 8 सजा ला बचने ताई ऐसे कम्म करा जिना ने पता चले की तुसां सच्ची ही पश्चाताप किता है; कने अपणे-अपणे मने च ऐ मत सोचा, परमेश्वरे सान्झो सजा नी देणी क्योंकि साडा पिता अब्राहम है; क्योंकि मैं तुसां ने बोलदा है की, परमेश्वर तुहाड़ी जगा लेणे ताई इना पथरां ला भी अब्राहम ताई ओलाद पैदा करी सकदा है। 9 कने हुण कुहाड़ी रुखां दिया जडा च रखियो है, हर इक माणु उस रुखे साई है जडा खरा फल नी दिन्दा है, उसयो परमेश्वरे दोषी बोलणा है कने सै रुख बड्डी करी अग्गी च फूकी देणा।”

10 कने लोकां उसला पुछ्छया, “तां असां परमेश्वरे दिया सजा ला बचणे ताई क्या करन?” 11 युहन्ना उना जो जबाब दिता, “जिसदे बाल दो कुरते न, सै उसयो बंडी दिया जिना बाल नी न, कने जिसदे बाल खाणां है, सै भी इयां करन।”

12 कने कर लेणेबाले भी बपतिस्मा लेणा आये, कने उसला पुछ्छया, “गुरू जी, असां क्या करन?” 13 यूहन्ने उना जो बोलया, “जितणा तुहांजो अधिकारियां बोलया लेणे ताई, उसला जादा चुंगी मत लेंदे।” 14 कने सिपाईयां भी उसला पुछ्छया, असां क्या करन? उनी उना जो बोलया, कुसी ने लडाई मत करदे, कने कुसी पर झूठा दोष मत लांदे, कने अपणिया तनखाई पर खुश रेंगा।

15 जालू सारयां लोकां मसीह दे तोल्ली ओणे दी आस लगाईयो थी, कने सारे अपणे-अपणे मने च यूहन्ना दे बारे च सोचा दे थे, की सै ही मसीहा ता नी है। 16 तां यूहन्ने उना सारयां जो जबाब दिता, “मैं तां तुहांजो पाणिये ने बपतिस्मा दिन्दा है, पर सै ओणेवाला है, सै

† 2:52 2:52 (1शमू. 2:26, नीति. 3:4) * 3:6 3:6 (यशा. 40:3-5)

मिंजो ला भी शक्तिशाली है; मैं तां उस जोगा भी नी है की उदे जुतयां दे तस्मे भी खोली सके, उनी तुहांजो पबित्र आत्मा ने कने अग्गी ने बपतिस्मा देणा है। 17 उदा सूप, उदे हथे च है; कने उनी अपणा खेतर ढंगे ने साफ करणा; कने कणका जो अपणे खेतेरे च गिटेरगा, पर भुए जो अग्गी च फुकी देणा है, सै अग्ग कदी नी बुझदी है।”

18 सै बड़ियाँ सारियां शिक्षा देईकरी लोकां जो शुभसमाचार सुणांदा रिया।

19 पर जालू यूहन्ना गलील प्रदेश दे इलाके दे राजा हेरोदेस जो उदे भाई फिलिप्पुस दिया घरे बाली हेरोदियास दे बारे च, कने उना दे सारे बुरे कम्मा दे बारे च जड़े उनी कितयो थे, उना दी निंदा किती। 20 तां ही तां राजा हेरोदेसे सारयां ला बड़ी करी बुरा कम्म किता, की यूहन्ना जो जेला च पाई दिता।

([लूका 3:13-17](#); [मत्थ 1:9-11](#))

21 जालू सारे लोकां बपतिस्मा लिया, कने यीशु भी बपतिस्मा लेईकरी प्राथना करा दा था, तां स्वर्ग खुली गया। 22 कने पबित्र आत्मा शरीरे दे रूपे च कबुतर बणी करी उस पर उतरी, कने आकाशवाणी होई: तू मेरा प्यारा पुत्र है, तिजो ला मैं खुश है।

([मत्थ 1:1-17](#))

23 जालू यीशु अपु उपदेश करणा लगगा तां सै लगबग तियां सालां दा था कने (जदिया समझया जांदा है) की यूसुफ दा पुत्र था; कने यूसुफ एली दा पुत्र,

24 कने एली मत्तात दा पुत्र, कने मतात लेवी दा पुत्र, कने लेवी मलकी दा पुत्र, कने मलाकी यन्ना दा, कने यन्ना यूसुफ दा पुत्र, 25 कने यूसुफ मत्तित्याह दा, कने मत्तित्याह आमोस दा पुत्र, कने आमोस नहूम दा, कने नहूम असल्याह दा पुत्र, कने असल्याह नोगह दा पुत्र, 26 कने नोगह मात दा पुत्र, कने मात मत्तित्याह दा पुत्र, कने मत्तित्याह शिमी दा, कने शिमी योसेख दा पुत्र, कने योसेस योदाह दा पुत्र, 27 कने योदाह यूहन्ना दा पुत्र, कने यूहन्ना रेसा दा पुत्र, कने रेसा जरुब्बाबेल दा, कने जरुब्बाबेल शालतियेल दा पुत्र, कने शालतियेल नेरी दा पुत्र, 28 कने नेरी मलकी दा पुत्र, कने मलकी अद्दी दा पुत्र, कने अद्दी कोसाम दा पुत्र, कने कोसाम इलमोदाम दा पुत्र, कने इलमोदाम एर दा पुत्र, 29 कने एर येशू दा पुत्र, कने येशू एलीएजेर दा पुत्र, कने एलीएजेर योरीम दा पुत्र,

कने योरीम मत्तात दा पुत्र, कने मत्तात लेवी दा पुत्र, 30 कने लेवी शमौन दा पुत्र, कने शमौन यहूदा दा पुत्र, कने यहूदा यूसुफ दा पुत्र, कने यूसुफ योनान दा, कने योनान एलयाकीम दा पुत्र, 31 कने एलयाकीम मलेआह दा पुत्र, कने मलेआह मिन्नाह दा पुत्र, कने मिन्नाह मत्तता दा पुत्र, कने मत्तता नातान दा पुत्र, कने नातान दाऊद दा पुत्र, † 32 कने दाऊद यिशै दा पुत्र, कने यिशै ओबेद दा पुत्र, कने ओबेद बोअज दा पुत्र, कने बोअज सलमोन दा पुत्र, कने सलमोन नहशोन दा पुत्र, 33 कने नहशोन अम्मीनादाब दा पुत्र, कने अम्मीनादाब अरनी दा पुत्र, कने अरनी हिस्रोन दा पुत्र, कने हिस्रोन पेरेस दा पुत्र, कने पेरेस यहूदा दा पुत्र, 34 कने पेरेस याकूब दा पुत्र, कने याकूब इसहाक दा पुत्र, कने इसहाक अब्राहम दा पुत्र, कने सै तेरह दा पुत्र, कने तेरह नाहोर दा पुत्र, 35 कने नाहोर सरुग दा पुत्र, कने सरुग रुऊ दा पुत्र, कने रुऊ फिलिग दा पुत्र, कने फिलिग एबिर दा पुत्र, कने एबिर शिलह दा पुत्र, 36 कने शिलह केनान दा पुत्र, कने केनान अरफक्षद दा पुत्र, कने अरफक्षद शेम दा पुत्र, कने सै नूह दा पुत्र, कने नूह लेमेक दा पुत्र, ‡ 37 कने लेमेक मथूशिलह दा पुत्र, कने मथूशिलह हनोक दा पुत्र, कने हनोक यिरिद दा पुत्र, कने यिरिद महललेल दा पुत्र, कने महललेल केनान दा पुत्र, 38 कने केनान एनोश दा पुत्र, कने एनोश शेत दा पुत्र, कने शेत आदम दा पुत्र, कने शेत परमेश्वरे दा पुत्र था।§

4

([मत्थ 4:1-11](#); [मत्थ 1:12-13](#))

1 फिरी यीशु पबित्र आत्मा ने परिपूर्ण होईकरी यरदन खड्डा ला बापस आया; कने आत्मा दी अगुवाई ने सुनसान जगा च रिया; 2 कने शैतान चालियां रोजां दीकर उदी परख करदा रिया। उना रोजां च उनी कुछ नी खादा कने जालू सै रोज पुरे होई गे, तालू उसयो भूख लगगी।

3 कने शैताने उसयो बोलया, “अगर तू परमेश्वरे दा पुत्र है तां इसी पथरे जो बोल की, तू रोटी बणी जा।” 4 यीशुए उसयो जबाब दिता, “पबित्र शास्त्र च लिखया है: माणुए सिर्फ रोटियां ने ही जिंदे नी रेणा।”*

5 तालू सै शैतान उसयो लेई गया कने पल भर च ही सारे संसार दे राज्य उसयो दस्से। 6 कने उसयो बोलया, मैं ऐ सारे हक, कने सारा धन दौलत तिजो दिंगा, क्योंकि

† 3:31 3:31 (2 शम्. 5:14) ‡ 3:36 3:36 (उत्प. 11:10-26, 1 इति. 1:24-27) § 3:38 3:38 (उत्प. 4:25-5:32) * 4:4 4:4 (व्य. 8:3)

सै मिंजो दितया है: कने जिसयो दिल करदा उसयो देई दिन्दा है। ⁷ इस ताई अगर तू मिंजो नमस्ते करगा, तां ऐ सारा तेरा होई जाणा। ⁸ यीशुऐ उसयो जबाब दिता, “पबित्र शास्त्र च इयां लिखया है: तू अपणे परमेश्वरे जो नमस्ते कर; कने उदी ही उपासना कर।”

⁹ तालू उनी उसयो यरूशलेम शहर च लेईजाई करी मंदरे दिया चुंडिया पर खड़ेरया, कने उसयो बोलया, “अगर तू परमेश्वरे दा पुत्र है, तां अपणे आपे जो ऐथू ला थले फेंकी दे। ¹⁰ क्योंकि पबित्र शास्त्र च लिखया है, उनी तेरे ताई अपणे स्वर्गदूतां जो हुकम देणा, की सै तिजो बचान। ¹¹ कने उना तिजो हथो हथ सभाली लेणा पर इयां ना हो की तेरे पैरां च पथरे ने चोट लगगी जा।” † ¹² यीशुऐ उसयो जबाब दिता, पबित्र शास्त्र च ऐ भी लिखया है: तू अपणे प्रभु परमेश्वरे दी परख मत करदा।

¹³ जालू शैतान सारियां परखां करी बैठा, तालू सै थोड़ी देरां ताई उदे बखे ला चली गया।

ⓂⓂⓂⓂⓂ ⓂⓂ ⓂⓂⓂⓂⓂ ⓂⓂ ⓂⓂⓂⓂⓂⓂⓂ
(ⓂⓂⓂⓂⓂ 4:12-17; ⓂⓂⓂⓂⓂ 1:14-15)

¹⁴ फिरी यीशु आत्मा दिया शक्तिया ने परिपूर्ण होईकरी गलील प्रदेश जो बापिस गया, कने उदी चर्चा अखे-बखे दे देशां च फेली गई। ¹⁵ कने सै उना ही यहूदी जंज घरां च उपदेश करदा रिया, कने सारे उदी बड़ाई करदे थे।

ⓂⓂⓂⓂⓂ Ⓜ ⓂⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂ 13:53-58; ⓂⓂⓂⓂⓂ 6:1-6)

¹⁶ कने सै नासरत च बापस आया; जिथू पलया बडोयो था; कने अपणे रिवाजे दे अनुसार सब्त दे रोजे पबित्र शास्त्र पढ़ने ताई यहूदी जंज घर च जाई करी खड़ाई गया। ¹⁷ परमेश्वरे दा संदेश देणेबाले यशायाह दी कताब पढ़ने जो उसयो दिती। कने उनी कताब खोलिकरी सै जगा कडी जिथू ऐ लिखया था: ¹⁸ “प्रभु दी आत्मा मिंजो सोगी है, इस ताई उनी कंगालां जो शुभसमाचार सुनाणे ताई मेरा अभिषेक कितया है, कने मिंजो इस ताई भेजया है, की केदियां जो छुटकारे दा कने अन्नयां जो नजर मिलणे दा शुभसमाचार दा प्रचार करे कने कुचले होया जो छुडां। ¹⁹ कने प्रभु दे खुश रेणें दे साले दा प्रचार करे।”

²⁰ तालू उनी कताब बंद करी के सेवके दे हथे च देई दिती, कने बैठी गया: कने यहूदी जंज घर दे सारे लोकां दियां नजरां उस पर थियां। ²¹ तालू सै उना ने बोलणा लगगा, “अज ही तुहाड़े सुणने ने ऐ लेख पूरा होया है।” ²² कने सारयां लोकां उदी प्रशंशा किती, जडियां

अनुग्रह दियां गल्लां उदे मुऐ ला निकलदियां थियां, उना ला हेरान होए; कने बोलणा लगगे, “क्या ऐ यूसुफे दा पुत्र नी है?”

²³ उनी उना जो बोलया, “तुसां मिंजो पर ऐ कहावत जरूर बोलणी है, की हे बैद्य, अपणे आपे जो खरा कर। जड़ा कुछ असां सुणाया है की तू कफरनहूम शहरे च कितया है, उसयो अपणे देशे च भी कर।” ²⁴ कने उनी बोलया, “मै तुहांजो ने सच्च बोलदा है, कुसी भी परमेश्वरे दा संदेश देणेबालयां जो अपणे देशे च इज्जत नी मिलदी। ²⁵ मेरी गल्ल सुणा। की परमेश्वरे दा संदेश देणेबाले एलिय्याह दे दिना च जालू साडे तिन्ना सालां दीकर कोई बरखा नी होई, ऐथू दीकर की सारे इस्राएल देशे च बड़ा भरी अकाल पिया, तां इस्राएल देशे च मतियां बिधवा थियां। ‡ ²⁶ पर एलिय्याह जो इस्राएल च उना चे कुसी बाल भी नी भेजया गया, सिर्फ सिदोन शहर दे बखे साफरत दे इलाके च इक होर जाति दी बिधवा बाल भेजया। § ²⁷ कने परमेश्वरे दा संदेश देणेबाले एलीशा दे बकते इस्राएल देशे च बतरे कोढ़ी थे, पर सीरिया दा वासी नामान जो छुडी करी उना चे कोई भी ठीक नी कित, नामान होर जाति दा था।”

²⁸ ऐ सारियां गल्लां सुणिकरी जितणे भी यहूदी जंज घर च थे, सारे गुस्से होई गे। ²⁹ कने उना उठी करी उसयो शहरे ला बाहर कडया, कने जिस पाहड़े पर उना दा शहर बसया था, उसयो उदिया चुंडिया पर लेई चले, ताकि उसयो ओथु ला थले फेंकी करी मारी देन। ³⁰ पर सै उना दे बिचे ला निकली करी चली गया।

ⓂⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂ
ⓂⓂⓂⓂⓂ
(ⓂⓂⓂⓂⓂ 1:21-28)

³¹ फिरी यीशु गलील प्रदेश दे कफरनहूम शहर च गया, कने सब्त दे रोजे लोकां जो उपदेश दिन्दा था। ³² सै उदे उपदेशे ने हेरान होई गे क्योंकि यीशु बचन अधिकारे ने बोलदा था। ³³ तालू ही यहूदी जंज घर च इक माणु था, जिदे बिच इक बुरी आत्मा थी। ³⁴ उनी जोरे ने बोलया, “हे नासरत दे यीशु, तु सांझो कजो परेशान करदा है? तू क्या सांझो खत्म करणा आया है? मिंजो पता है की, तू कुण है? तु ही परमेश्वर दा पबित्र पुत्र मसिहा है, जड़ा परमेश्वरे ला आया है।” ³⁵ यीशुऐ बुरिया आत्मा जो झिड़कया कने बोलया, चुप रे; कने इस माणुऐ ला निकली जा, तालू सै बुरी आत्मा उसयो बिच पटकी करी बिना नुकसान कितयो उस बन्दे ला निकली गई। ³⁶ इस पर सबना जो हेरानी होई, कने सै अपु चे गल्लां करी के बोलणा लगगे, “ऐ कदिया बचन

† 4:11 4:11 (भज. 91:11-12) ‡ 4:25 4:25 (1 राजा. 17:1, 1 राजा. 18:1) § 4:26 4:26 (1 राजा. 17:9)

है? की सै हक कने सामर्थ्य ने बुरियां आत्मा जो हुकम दिन्दा है, कने बुरी आत्मा इसदियां गल्लां जो मंदियां भी न।” 37 इदे बाद यीशुए दी चर्चा सारे पासे होणा लगगी पेई।

२२२२२ २२ २२२ २२२ २२२ २२२२२ २२ २२२ २२२२

(२२२२२ 8:14-17; २२२२ 1:29-34)

38 सै यहूदी जंज घर ला उठी करी शमौने दे घरे जो गया कने शमौने दिया ससु जो बुखार चड़या था, कने उना उसा ताई यीशुए ने बिनती किती। 39 उनी उसा बखे खड़े होईकरी बुखारे जो डांटया कने बुखार उतरी गया कने सै झट पट उठी करी उदी सेवा करणा लगगी पेई।

40 सूरजे डुबणे दे बेले जिना -जिना लोकां जो लग-लग तरा दियां बमारियां थियां उना सारयां लोका जो यीशुए बाल लेई आये, कने उनी इकी-इकी पर हथ रखीकरी सारयां जो ठीक किता। 41 कने बुरियां आत्मा चिखदियां कने बोलदियां होइयां मतयां लोकां ला निकली गयां की, “तू परमेश्वरे दा पुत्र है” पर सै उना जो डांटदा था, कने बोलणा नी दिन्दा था, क्योंकि उना जो पता था की ऐ मसीह है।

२२२२२२२२२ २२ २२२ २२ २ २२२२२२ २२२२ २२२२२ 1:35-39)

42 जालू दिन होया तां सै निकली करी इक सुनसान जगा पर चली गया, कने भिड़ा दी भीड़ उसयो तोपदे उस बाल आई, कने उसयो रोकणा लगगी, की ऐथू ला ना जा। 43 पर यीशुए उना ने बोलया, “मिंजो होर-होर शेरं च भी परमेश्वरे दे राज्य दा शुभसमाचार सुणाणा जरूरी है, क्योंकि मैं इसी ताई संसारे च भेजया है।” 44 कने सै गलील प्रदेश दे यहूदी जंज घर च प्रचार करदा रिया।

5

२२२२२२ २२२२२२२ २२ २२२२ २२२२ २२२२ २२२२२ 4:18-22; २२२२ 1:16-20)

1 इक दिन जालू यीशु गलील दे झिला दे कंडे पर खड़ोतया था, तां भीड़ परमेश्वरे दा बचन सुणने ताई उस पर डेई पोआ दी थी। 2 की उनी झिला दे बखे दो किस्तिया लगियां दिखियां, कने मछुबारे उना ला उतरी करी मच्छियां पकड़णे बाले जाले जो धोआ दे थे। 3 उना किस्तिया चे इकी पर, जड़ी शमौने दी थी, चढ़ी करी यीशुए उसला बिनती किती की, किनारे ला थोड़ी हटाई ले, तालू सै किस्तिया पर बेईकरी लोकां जो उपदेश देणा लगगा।

4 जालू यीशु लोकां ने गल्लां करी बैठा, तां उनी शमौने जो बोलया, “डुगे पांणिए च लेई चल, कने

* 5:14 5:14 (लैव्य. 14:2-32)

मच्छियां पकड़ने ताई अपणे जाले जो फेंक।” 5 शमौने उसयो जबाब दिता, “हे मालिक, असां सारी रात मेहनत किती कने कुछ नी पकड़या; पर तेरे बोलने ने असां जाल फेंका दे न।” 6 जालू पतरस कने उदे साथियां जाल पाया, तां मतियां भरी मच्छियां जाले च फसी गयां, कने उना दे जाल फटणा लगगी पिया थे। 7 इस पर उना अपणे साथियां जो इशारा किता जड़े दुईयां किस्तिया पर थे, ताकि आई करी साड़ी मदद करा: कने उना आई करी, दोनो किस्तिया मच्छियां ने इतणियां भरी लियां की सै डूबणा लगगी पियां थियां। 8 ऐ दिखीकरी शमौन पतरस यीशुए दे पैरां च पेई गया, कने बोलया, “प्रभु जी, मेरे बखे ला चली जा, क्योंकि मैं पापी माणु है।” 9 क्योंकि इतणियां मच्छियां पकड़णे ने उसयो कने उदे साथियां जो बड़ी हेरानी होई; 10 कने तियां ही उदे साथी जब्दी दे पुत्र याकूब कने यूहन्ना भी बड़े हेरान होऐ। तालू यीशुए शमौने ने बोलया, “डरा मत, हुण ला तुसां माणुआं जो मेरे चले बणना सिखाणा है।” 11 कने सै किस्तिया जो किनारे पर लेई आऐ, कने सब कुछ छड़ी करी उदे पिच्छे चली पे।

२२२२२ २२ २२२२२२ २२ २२२ २२२२२ २२२२२२ 8:1-4; २२२२२ 1:40-45)

12 जालू यीशु कुसी शेरं च था, तां दिखा, ओथु इक माणु था, जिसयो कोढ़ होया था कने सै यीशुए जो दिखीकरी मुए दे भार पेई गया, कने बिनती करणा लगा कि, “प्रभु जी अगर तू चा तां मिंजो ठीक करी सकदा है।” 13 यीशुए हथ अगगे करी के उसयो छुता कने बोलया, “मैं चांदा है की तू ठीक होई जा” कने तालू ही उदा कोढ़ ठीक होई गया। 14 तालू उनी उसयो समझाया, “कुसी ने कुछ मत बोलदा, पर जाई करी अपणे आपे जो याजकां जो दस, की तु खरा होईया कने परमेश्वरे जो भेंट चढ़ा जिदे बारे च मूसा हुकम दितया है, ताकि लोक जाणी सकन की तु खरा होई गया।”*

15 पर यीशु दे बारे च खबर होर भी जादा फेलदी गेई, कने भिड़ा दी भीड़ उसयो सुणने ताई कने अपणियां बिमारियां ला ठीक होणे ताई गिठी होई। 16 पर यीशु मसीह हमेशा सुनसान जगा च जाई करी किल्ला प्राथना करदा थी।

२२२२२ २२ २२२२२२ २२ २२२ २२२२२ २२२२२२ 9:1-8; २२२२२ 2:1-12)

17 कने इक रोज ऐसा होया की सै उपदेश दे दा था, कने फरीसी कने व्यवस्था जो सिखाणे बाले ओथु बैठयो थे, जड़े गलील प्रदेश कने यहूदिया प्रदेश दे इलाके दे हर इक ग्रां ला कने यरूशलैम शेरं ला आयो थे; कने ठीक करणे ताई प्रभु दी शक्ति उस सोगी थी।

18 कने दिखा लोक इक माणुए जो मंझे पर चुकी लेई आये, कने सै धंरगे दा मरीज था, कने सै उसयो अंदर लेई जाणे कने यीशुए दे सामणे रखणे दी तरकीब तोपा दे थे। 19 कने जालू भिड़ा दिया बजा ने अंदर नी लेईजाई सके तां उना छुती पर चडी करी कने खपरैलां जो हटाई करी, उना उसयो मंझे समेत कमरे बिच यीशु दे सामणे उतारी दिता। 20 उनी उना दा भरोसा दिखीकरी बोलया, “हे माणु, तेरे पाप माफ होऐ।”

21 तालू व्यवस्था जो सिखाणे बाले कने फरीसी गल्लां करणा लगगे, “ऐ कुण है, जड़ा परमेश्वरे दी निंदा करा दा है? परमेश्वरे जो छुडी करी होर कुण पापां जो माफ करी सकदा है?” 22 यीशुए उना दे मने दियां गल्लां जो जाणी करी बोलया, “की तुसां अपणे मने च क्या गल्लां करा दे न? 23 क्या बोलणा असान है? क्या इयां बोलणा, की तेरे पाप माफ होये, या की इयां बोलणा की उठ कने हंड फिर? 24 पर ऐ इस ताई की तुहांजो पता लगगे की मिंजो, माणुए दे पुत्रे जो धरतिया पर पाप माफ करणे दा हक भी है।” उनी उस धंरगे दे मरिजे जो बोलया, “मैं तिजो ने बोलदा है, उठ कने अपणे मंझे जो चुकी करी अपणे घरे चली जा।” 25 सै झट पट उदे सामणे उठया, कने जिस पर सै लेटया था उसयो चुकी करी, परमेश्वरे दी बड़ाई करदा होया अपणे घरे जो चली गया। 26 तालू सारे हेरान होऐ कने परमेश्वरे दी बड़ाई करणा लगगे, सारे डरीकरी बोलणा लगगे, “अज असां बड़ियाँ अनोखियां गल्लां दिखियां।”

([लूका 9:9-13](#); [मत्थ 2:13-17](#))

27 कने उदे बाद यीशु बाहर गया, कने उनी लेवी नाऐ दे इक कर लेणेबाले जो चुंगिया दिया चोकिया पर बैठया दिखया, कने उसयो बोलया, “की मेरा चेला बण।” 28 तालू सै सब कुछ छुडी करी उठया कने उदे पिच्छे चली पिया।

29 कने लेवी अपणे घरे यीशुए ताई इक बडी बडी धाम दिती; कने चुंगी लेणेबाले कने होर मते भरी लोकां उदे सोगी खाणां खादा था। 30 कने फरीसी कने मूसा दी व्यवस्था जो सिखाणे बाले उदे चेलयां जो ऐ बोली करी गल्लां करणा लगगे, “की तुसां चुंगी लेणेबाले कने पापियाँ सोगी कजो खांदे पिंदे न?”

31 यीशुए उना जो जबाब दिता, वैद्य भले चंगे लोका ताई नी होंदा, पर सै बिमारां ताई जरूरी होंदा है। 32 मैं धर्मियों जो नी, पर पापियों जो मन बदलने ताई सदणा आया है।

([लूका 9:14-17](#); [मत्थ 2:18-22](#))

* 6:1 6:1 (व्य. 23:25) † 6:4 6:4 (लैव्य. 24:5-9, 1 शमू. 21:6)

33 फरीसी कने मूसा दिया व्यवस्था जो सिखाणे बालयां यीशुए जो बोलया, “यूहन्ना दे चले तां बराबर बरत रखदे कने प्राथना करदे न, कने तियां ही फरीसियाँ दे भी करदे न, पर तेरे चले तां खांदे पिंदे न।” 34 यीशुए उना जो बोलया, “क्या तुसां बरातियां ला बरत करवाई सकदे न जालू दीकर लाड़ा उना सोगी होऐ? 35 पर सै दिन ओणे न, जिना च लाड़ा उना ला बख कितया जाणा है, तालू बरातियां उना रोजां च बरत रखणे न।”

36 यीशुए उना ने इक होर कहाणी बोली: कोई भी माणु नोऐ कपड़यां जो फाड़िकरी पराणे कपड़यां च रफु नी लांदा है, अगर कोई इयां करदा है तां नोआ कपड़ा धोणे बाद छोटा होई जांदा है, जिसने पराणे कपड़े होर फटी जाणा कने सै पराणा कपड़ा उस सोगी मेल नी खाणां। 37 नोऐ अंगूरा दे रसे जो पराणिया खलड़िया च कोई नी रखदा है नी तां नोआ अंगूर रस पराणिया खलड़िया जो फाड़ी करी निकली जांदा है, कने अंगूर रस खलड़िया जो बरबाद करी दिन्दा है, 38 ताई तां नोआ अंगूर रस नोईयां खलड़िया च ही रखणा चाईदा।

39 कोई माणु पराणा अंगूर रस पी करी नोआ नी पिणा चांदा क्योंकि सै बोलदा है, की पराणा ही खरा है।

6

([लूका 12:1-8](#); [मत्थ 2:23-28](#))

1 फरी सै सब्दे दे रोजे खेतारां चे होईकरी चलया था, कने उदे चले बेलां तोड़ी-तोड़ी करी कने हथा ने मल्ली-मल्ली करी खांदे जा दे थे।* 2 तालू फरीसियाँ चे कोई बोलणा लगगे, “तुसां सै कम्म कजो करदे न जड़ा सब्दे दे रोज करणा ठीक नी है?” 3 यीशुए उना जो जबाब दिता, की तुसां ऐ नी पढ़या, कि राजा दाऊदे जालू सै कने उदे साथी भूखे थे तां उना क्या कितया? 4 दाऊद कियां परमेश्वरे दे घरे गया, कने भेंट चढ़ाईयां रोटियां लेईकरी खादियां कने अपणे साथियां जो भी दितियां, जिना जो सिर्फ याजक लोक ही खाई सकदे थे?† 5 कने यीशुए उना ने बोलया, “मैं माणुए दा पुत्र ऐ बोलणे दा हक रखदा है कि लोकां जो सब्दे बाले रोजे क्या करणा चाईदा कने क्या नी करणा चाईदा।”

([लूका 12:9-14](#); [मत्थ 3:1-6](#))

6 कने इक दिन इयां होया की सै कुसी होर सब्दे दे रोजे यहूदी जंज घर च जाई करी उपदेश देणा लगगा; कने ओथु इक माणु था, जिदा सज्जा हथ सुक्या था। 7 व्यवस्था जो सिखाणे बालयां कने फरीसी उस पर दोष लगाणे दे मोके दीया ताका पर थे, की दिखदे न की सै

सब्त दे रोजे ठीक करदा है की नी।⁸ पर सै उना दे बिचार जाणदा था; ताई तां उनी सुक्यो हथे बाले माणुए जो बोलया, “उठ, खड़ोई जा।” सै उठी होया।⁹ यीशुए उना जो बोलया, “मैं तुसां ला ऐ पुछदा है की सब्त दे रोजे क्या ठीक है, भला करणा या बुरा करणा; जान बचना या मारणा?”¹⁰ तालू यीशुए उना लोकां पासे दिखया। कने उस माणुए जो बोलया, “अपणा हथ कर रुआं।” उनी किता, कने उदा हथ खरा होई गया।¹¹ पर ऐ दिखीकरी फरीसी कने मूसा दी व्यवस्था जो सिखाणे बाले बड़े गुस्सा होई गे कने अपु चे बोलणा लगगे की असां यीशुए दा क्या करन?

ⓂⓂⓂⓂⓂⓂ ⓂⓂⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂⓂ
(ⓂⓂⓂⓂⓂⓂ 10:1-4; ⓂⓂⓂⓂⓂⓂ 3:13-19)

¹² उदे बाद यीशु धारा पर प्राथना करणे ताई गया, कने परमेश्वरे ने प्राथना करणे च सारी रात बिताई।¹³ जालू दिन होया, तां उनी अपणे चेलयां जो सदीकरी उना चे बाहरा चुणी ले, कने उना जो प्रेरित बोलया।¹⁴ कने सै ऐ नः शमौन जिदा ना उनी पतरस भी रखया; कने उदा भाई अन्दिरयास, कने याकूब, कने यूहन्ना, कने फिलिप्पुस, कने बरतुलमै,¹⁵ कने मत्ती, कने थोमा, कने हलफई दा पुत्र याकूब, कने शमौन जिसयो जेलोतेस बोलदे न,¹⁶ कने याकूब दा पुत्र यहूदा, कने यहूदा इस्करियोती, जड़ा उसयो पकड़वाणे बाला बणया।

ⓂⓂⓂⓂⓂⓂ ⓂⓂⓂⓂⓂ ⓂⓂⓂⓂ ⓂⓂⓂⓂ ⓂⓂⓂⓂⓂⓂ
(ⓂⓂⓂⓂⓂⓂ 4:23-25; 5:1-12)

¹⁷ तालू सै उना सोगी उतरिकरी चौरस दिया जगा पर खड़ोता, कने उदे चेलयां दी मती भीड़ कने सारे यहूदिया प्रदेश, कने यरूशलेम शहर, कने सूर कने सैदा शेहरां दे कने समुदरे दे बखे ला बतरे लोक,¹⁸ जड़े उदी सुणना कने अपणियां बमारियां ला ठीक होणे ताई उस बाल आयो थे, ओथु थे। कने बुरियां आत्मा दे सताये होऐ लोक भी ठीक होंदे थे।¹⁹ कने सारे उसयो छूणा चांदे थे, क्योंकि उसला शक्ति निकलदी थी जड़ी सबना जो ठीक करदी थी।

ⓂⓂⓂⓂ ⓂⓂⓂⓂ ⓂⓂⓂⓂ ⓂⓂⓂⓂ
(ⓂⓂⓂⓂⓂⓂ 5:1-12)

²⁰ तालू उनी अपणे चेलयां पासे दिखीकरी बोलया, “धन्य न तुसां, जड़े दीन न, क्योंकि परमेश्वरे दा राज्य तुहाड़ा है।”²¹ “धन्य न तुसां, जड़े की हुण भूखे न; क्योंकि तुसां रजाए जाणे न। धन्य न तुसां, जड़े की हुण रोंदे न, क्योंकि तुसां हसणा है।”[‡]²² “धन्य न तुसां, जालू माणुए दे पुत्रे दिया बजा ने लोकां तुहांजो ने दुश्मणी रखणी है, कने तुसां जो कडी देणा, कने तुहाड़ी

निंदा करणी, कने तुहाड़ा ना बुरा समझीकरी तुहांजो बडी देणा है।”

²³ “उस रोजे खुश होनयो, क्योंकि तुहाड़े ताई स्वर्गे च बडा इनाम है। उना दे बाप-दादे भी परमेश्वरे दा संदेश देणेबालयां सोगी इयां ही करदे थे।”²⁴ “पर तुहाड़े ताई बडी बुरी सजा होणी जड़े बड़े अमीर न, क्योंकि तुहांजो पेहले ही अपणी खुशी मिली गियो है।”²⁵ “तुहाड़े ताई बडी बुरी सजा होणी जड़े हुण रजी करी खांदे न, क्योंकि उना भूखे रेणा है। तुहाड़े ताई बडी बुरी सजा होणी; जड़े हुण हसदे न, क्योंकि बादे च शोक करणा कने रोणा है।”²⁶ “तुहाड़े ताई बडी बुरी सजा होणी, जालू सारे माणु तुहांजो खरा बोलगे, क्योंकि तुहाड़े पूर्वजां उना लोकां दे बारे च खरियां गल्लां बोलियां जड़े परमेश्वरे दे संदेश देणेबाले झूठे लोक थे। इसला पता चलदा की तुसां भी परमेश्वरे दे संदेश देणेबाले झूठे लोक न।”

ⓂⓂⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂⓂ 5:38-48; 7:12)

²⁷ पर तुसां सुणने बालयां जो मैं बोलदा है, की अपणे दुश्मणा ने प्यार रखा; जड़े तुहांजो ने बैर करन, उना दा भला करा।²⁸ जड़े तुहांजो श्राप देन, उना जो आशीष दिया; जड़े तुहाड़ी बेजती करन, उना ताई प्राथना करा।²⁹ जड़ा तेरिया इकी खाडिया पर थपड़ मारगा तां तू दूजी भी उस पासे करी दे, कने जड़ा तेरी चादर खोई ले, उसयो अपणा कुरता देणे ला भी मत रोक।³⁰ जड़ा कोई तिजो ला मंगे, उसयो देई दे; कने जड़ा तेरी चिज खोई ले, उसला मंगदा मत।³¹ कने जियां तुसां चांदे न की लोक तुहांजो ने करन, तुसां भी उना ने तदिया ही करा।

³² अगर तुसां अपणे ने प्यार रखणेबाले ने प्यार रखन, तां तुहाड़ी क्या बड़ाई? क्योंकि पापी भी तां अपणे ने प्यार रखणे बालयां सोगी प्यार रखदे न।³³ कने अगर तुसां अपणे ने भलाई करणे बाले ने ही भलाई करदे न, तां तुहाड़ी कोई कजो बड़ाई करे? क्योंकि पापी भी तां इयां ही करदे न।³⁴ कने अगर तुसां उसयो ही उधार दिन्दे न, जिसला बापस मिलणे दी आस रखदे न, तां तुहाड़ी कोई कजो बड़ाई करे? क्योंकि पापी भी पापियां जो उधार दिन्दे न, ताकि उतणा ही बापस मिल्ले।³⁵ अपणे दुश्मणा ने प्यार रखा, कने भलाई करा, कने फिरी बापस नी मिलणे दी इच्छा नी रखीकरी उधार दिया; कने तुहाड़े ताई बडा इनाम होणा है; कने तुसां परम प्रधान परमेश्वर दे सन्तान बणना, क्योंकि सै उना पर जड़े परमेश्वरे दा धन्यबाद नी करदे न कने बुरे लोकां

‡ 6:21 6:21 (मत्ती 5:4, 5, भज. 126:5, 6) § 6:35 6:35 (लैब्य. 25:35, 36, मत्ती 5:44, 45)

पर भी दया करदे न।³⁶ जियां तुहाड़ा पिता दयावान है, तियां ही तुसां भी दयावान बणा।

([लूका 7:1-5](#))

³⁷ “कुसी पर दोष मत लगा; तां तुहांजो पर भी परमेश्वरे दोष नी लगाणा: कुसी जो सजा नी देणी, तुसां भी दुजयां जो माफ करगे तां तुहांजो भी परमेश्वरे माफ करणा।”³⁸ दिया करा, तां तुहांजो भी मिलणा। लोकां पूरा नाप दवाई-दवाई करी कने हिलाई-हिलाई करी कने उभरदा होया तुहाड़िया गोदा च पांणा, क्योंकि जिस नापे ने तुसां नापदे न, उसी नापे ने तुहाड़े ताई भी नापया जाणा।

³⁹ फिरी यीशुए उना ने न इक होर कहाणी बोली: क्या कोई अन्ना माणु, कुसी अन्ने जो रस्ता दसी सकदा है? क्या इना दोना खड्डे च नी पौणा? ⁴⁰ चेला अपणे गुरुए ला बडा नी होंदा, पर जड़ा कोई पूरा शिक्षित होंगा, सै ही अपणे गुरुए साई होणा।

⁴¹ तू कजो अपणे भाईए दियां छोटियां-छोटियां गलतियां जो दिखदा है, जड़ियां उदिया हखी च पिये छोट्टे दे कखे साई न, कने तिजो अपणियां बडियां-बडियां गलतियां नी मिलदियां, जड़ियां तेरियां हखी च इक लठे साई न। ⁴² जद की तिजो अपणी ही हखी दा लठा नी मिलदा है, तां अपणे भाईये जो कियां बोली सकदा है, भाई रुक मैं तेरी हखी दे तिनके जो कडी दिन्दा है? हे कपटी मने दे लोको पेहले तां अपणी हखी दे लठे जो कडा, तां जड़ा तिनका तेरे भाईए दी हखी च है, उसयो ढंगे ने दिखीकरी कडी सकदे न।

([लूका 7:17-20](#); [12:34-35](#))

⁴³ कोई ऐसा खरा रुख नी है, जड़ा बेकार फल दे, कने ना ही तां कोई बेकार रुख है, जड़ा खरा फल दे। ⁴⁴ हर कोई रुख अपणे फले ने पछ्येणा जांदा है; क्योंकि लोक झिल्लां च अंजीर नी तोड़दे न, कने ना बेरी दे झीले ला अंगूर तोड़दे न। ⁴⁵ भला माणु अपणे मने दे भले भंडारे ला खरियां गल्लां कडदा है; कने बुरा माणु अपणे मने दे बुरे भंडारे ला बुरियां गल्लां ही कडदा है; क्योंकि जड़ा मने च भरुया होंदा हे सेई मुए च ओंदा है।

([लूका 7:24-27](#))

⁴⁶ जालू तुसां मेरा बोलया नी मंदे, तां कजो मिंजो प्रभु-प्रभु बोलदे न?* ⁴⁷ जड़ा कोई मेरे बाल ओंदा है, कने मेरियां गल्लां सुणीकरी उना जो मनदा है, मैं तुहांजो दसदा है की सै कुसदे साई है? ⁴⁸ सै उस माणुए साई है, जिनी घर बणादे बेले दुगी जमीन खणीकरी पथरां दी

* [6:46](#) [6:46](#) (मला. 1:6)

नियां बणाईयां न, कने जालू बाढ़ आई तां पांणी उस घरे ने लगगा, पर उसयो हिलाई नी सकया, क्योंकि सै पक्का बणया था। ⁴⁹ “पर जड़े सुणीकरी नी मंदे न, सै उस माणुए साई न, जिनी मिटीया पर बिना नियां दा घर बणाया है, जालू उस पर पांणी लगया, तालू सै झट ढेई गिया, कने सै ढेईकरी टूटी भजी गिया।”

7

([लूका 8:5-13](#); [लूका 4:43-54](#))

¹ जालू सै लोकां जो अपणिया सारियां गल्लां सुणाई बैठा, तां कफरनहूम शहर च आया। ² कने ओथु कुसकी सूबेदारे दा इक सेवक जड़ा उदा बड़ा खास सेवक था, सै बमारिया ने मरणे बाला था। ³ उनी यीशु मसीह दे बारे च सुणया कने सुणीकरी केई बड्डे यहूदी अगुवां जो उसला ऐ बिनती करणे ताई उदे बाल भेजया, की आई करी मेरे दासे जो ठीक करी दे। ⁴ सै यीशु बाल आये कने उसला बड़ी बिनती करी के बोलणा लगगे, “ऐ सेनापति इस काबील है की, तू उस ताई ऐ कम्म करे, ⁵ क्योंकि सै साड़िया जातियां ने प्यार रखदा है, कने उनी ही साड़े यहूदी जंज घर जो बणाया है।” ⁶ यीशु उना सोगी-सोगी चलया, पर जालू सै घरे ला थोड़ी दूर था, तां सुबेदारे उसयो अपणे केई साथियां बाल बोली भेजया, प्रभु जी, इतणा कष्ट मत कर, क्योंकि मैं इस लायक नी है की, तू मेरे घर आये। ⁷ इसा बजा ला मैं अपणे आपे जो इसी लायक नी समझया की, तेरे बाल ओए, पर तू बचन ही बोली दे तां ही मेरा सेवके ठीक होई जाणा। ⁸ मैं भी अधिकारियां दे थल्ले कम्म करणे बाला माणु है, कने मेरे अधीन सपाई कम्म करदे न, कने जालू इकी सपाईए जो बोलदा है कि, तू जा, तां सै चली जांदा है; कने दुए जो बोलदा है कि, तू ऐथू आ, तां सै आई जांदा है; कने जालू मैं अपणे नोकरे जो बोलदा, कि ऐ कर, तां सै करी दिन्दा है। ⁹ ऐ सुणीकरी यीशु हेरान होया, कने उनी मु फेरिकरी उसा भिड़ा ने जड़ी उदे पिच्छे ओआ दी थी बोलया, “मैं तुहांजो ने बोलदा है, कि मैं इस्राएल च भी ऐदिया भरोसा नी दिखया।” ¹⁰ कने जड़े साथी भेजयो थे सै घरे बापस आये, कने उस सेवके जो दिखया तालू सै ठीक होई गिया था।

([लूका 8:22](#); [लूका 8:22](#); [लूका 8:22](#))

¹¹ थोड़े रोजां बाद सै नाईन नाए दे इक शहरे जो गिया, कने उदे चेले कने बड़ी भरी भीड़ उदे सोगी चलियो थी। ¹² जालू सै शहरे दे फाटके बखे पुज्जा, तां ओथु लोक इकी मुर्दे जो बाहर लेई चलियो थे कने सै

अपणिया माऊ दा इकलोता पुत्र था, कने सै बिधवा थी, कने शेहरे दे मते लोक उसा सोगी थे। 13 उसा जो दिखीकरी प्रभु जो उसा पर बड़ा तरस आया, कने यीशुए उसा जो बोलया की, “रो मत।” 14 तालू यीशुए जाई करी अर्थिया जो छुता; कने जड़े अर्थिया लेईकरी चलयो थे सै रुकी गे, तालू यीशुए बोलया, “हे जवान, मैं तिजो बोलदा है, की उठ जा!” 15 तालू सै मुर्दा जिंदा होई गया, कने बोलणा लगी पिया: कने उनी उसयो उदिया माऊ जो देई दिता। 16 ए सब कुछ दिखीकरी सै सारे डरी गे; कने सै परमेश्वरे दी बड़ाई करी के बोलणा लगगे, “साडे बिच इक परमेश्वरे दा संदेश देणेबाला बड़ा महान माणु आया है, कने परमेश्वर अपने लोकां दी मदद करणे तांई आया है।” 17 कने उदे बारे च ए गल्ल सारे यहूदिया प्रदेशे दे इलाके कने अखे-बखे दे देशे च फेली गई।

????????? ?????????????? ?????????????? ?? ??????
(????????? 11:2-19)

18 कने यूहन्ना जो उदे चेलयां इना सारियां गल्लां दी खबर दिती। 19 तालू यूहन्ने अपने चेलयां च दो चेलयां जो सदीकरी प्रभु बाल ए पुछणे तांई भेजया, “की क्या तू ही मसीह है, जिसयो भेजणे दा बायदा परमेश्वरे कितया था या असां कुसी दुजे दी नियाल रखन?” 20 उना यीशुए बाल जाई करी बोलया की, “यूहन्ना बपतिस्मा देणेबाले सांझो तेरे बाल ए पूछणे तांई भेजया है, की क्या तू ही मसीह है, जिसयो भेजणे दा बायदा परमेश्वर ने कितया था या असां कुसी दुजे दी नियाल रखन?”

21 उसी बेले यीशुए मतयां जो बिमारियाँ कने पीड़ा, कने बुरियां आत्मा ला छुड़ाया; कने मते अन्नयां जो हखी दितियां। 22 कने यीशुए उना ने बोलया, जड़ा कुछ तुसां दिखया कने सुणाया है, जाई करी यूहन्ना जो बोली दिया, “की जड़े अन्ने थे उना जो मिलणा लगगी पिया, कने जड़े लंगड़े थे सै चलदे फिरदे न, कने कोढ़ियां दा कोढ़ ठीक होइ गया है, कने जड़े टोंगे थे सै सुणना लगी पे, कने मुर्दे जिन्दे होई जादे न, कने कंगालां जो शुभसमाचार सुणाया जांदा है।” 23 धन्य न सै, जड़े मिंजो पर शक नी करदे न।”

24 जालू यूहन्ना दे भेजयो संदेश देणेबाले दूत चली गे, तां यीशु यूहन्ना दे बारे च लोकां ने बोलणा लगगा, की तुसां सुनसान जगा च क्या दिखणा गियो थे? क्या होआ ने हिलदे होए सरकंडे जो? 25 तां फिरी तुसां क्या दिखणा गियो थे? क्या नरम कपड़े लायो माणु जो? जड़ा मंगे कपड़े पांदा है, कने ठाठ-बाठ ने मेहलां च रेंदा है।

* 7:22 7:22 (यशा. 35:5, 6, यशा. 61:1)

26 तां फिरी क्या दिखणा गियो थे? क्या कुसी परमेश्वरे दा संदेश देणेबाले जो? हां, मैं तुहांजो ने बोलदा है, की तुसां परमेश्वरे दे संदेश देणेबाले ला भी बड्डे जो दिखया है। 27 ए सै ही है, जिसदे बारे च पबित्तर शास्त्रां च लिखया है: “दिख, मैं अपने संदेश देणेबाले दूते जो तेरे अगगे-अगगे भेजदा है, जिनी तेरा अगगे दा रसता तैयार करणा है।”

28 “मैं तुहांजो ने बोलदा है, जड़े जनानिया ला जमयो न, उना च यूहन्ना ला बडा कोई नी: पर जड़ा परमेश्वरे दे राज्य च छोटे ला छोटा है, सै उसला भी बडा है।”

29 जालू उना यीशुए दियां बोलियां गल्लां जो सुणया, तां सारयां लोकां एथू दीकर की कर लेणेबालयां भी यूहन्ना ला बपतिस्मा लेईकरी परमेश्वरे जो सच्चा मनी लिया है। 30 पर फरीसियां कने व्यवस्था जो सिखाणे बालयां उसला बपतिस्मा लेणे ला मना करी दिता कने परमेश्वरे दिया मर्जिया जो जड़ी उना तांई थी उसा जो अपनाणे ला मना करी दिता।

31 मैं इस युगे दे लोकां दी तुलना कुसने दें कि सै कुदे साई न। 32 सै उना जागतां साई न, जड़े बजारां च बेईकरी इकी दुजे जो पुकारी करी बोलदे न। की असां तुहाड़े तांई खुशिया दे गाणे गाए, कने तुसां नचे नी; असां रोए, कने तुसां छाती नी पिटी।

33 क्योंकि यूहन्ना बार-बार बरत रखदा कने ना शराब पिन्दा था, कने सै बोलदे न कि उदे च बुरी आत्मा है। 34 मैं माणुए दा पुत्र खांदा पिंदा है; कने तुसां बोलदे न, दिखा, पेटू कने शराबी माणु, कने कर लेणेबालयां दा कने पापियां दा साथी है। 35 “पर ज्ञान दी सच्चाई उदियां सारियां ओलादी दे सामणे आई है।”

????????? ?? ?????? ?????? ?????????????? ?? ??????

36 फिरी कुनकी फरीसीए उसला बिनती किती, की मरे सोगी खाणां खा; कने यीशु उस फरीसीए दे घरे जाई करी रोटी खाणां बैठा। 37 कने दिखा, उस शेहरे दी इक पापी जनानिया जो जालू ए पता लगगा की फरीसी दे घरे यीशु रोटी खाणां आया है, तां सै संगमरमर दे भांडे च बड़ा मंगे इत्र लेई आई। 38 कने उदे पैरां बखे बेईकरी रोई-रोई करी, पैरां जो आंसुआं ने सेड़णा लगगी कने अपने बाला ने पुंजया कने उदे पैरां जो बार-बार चुमणा लगगी कने इत्र यीशुए दे पैरां च मलया।

39 ए दिखीकरी, सै फरीसी जिनी यीशुए जो सदया था, अपने मने च सोचना लगगा, “अगर ए परमेश्वरे दा संदेश देणेबाला होंदा तां इसयो पता लगी जांदा, की ए जड़ी उसयो छुआ दी है, सै कुण है कने कदेई जनानी है? क्योंकि सै तां पापी जनानी है।” 40 यीशुए

कने खरे मने ने सम्भाली करी रखदे न, सै सबर ने फल दिन्दे न।

२२२२२२ २२ २२२२२२
(२२२२२ 4:21-25)

16 कोई दिव्या बाली करी भांडे ने नी ढकदा है, कने ना मंझे हेठ रखदा है, पर धारिया पर रखदे न, ताकि अंदर ओणे बालयां जो लौ होए। 17 “क्योंकि जड़ा कुछ भी लुकया है, सै सामणे करणा है; कने हर इक गुप्त गल्ल सामणे आई जाणी है। 18 जिना बाल समझणे दी इच्छा है जड़ा परमेश्वर सिखांदा है, उसयो परमेश्वरे होर समझ देणी, पर जड़ा समझणे दी इच्छा नी रखदा, की मैं क्या सिखांदां, तां सै जड़ा समझया है, परमेश्वरे सै भी उसला लेई लेणा।”

२२२२२२ २२ २२२२२ २२२ २२२
(२२२२२ 12:46-50; २२२२२ 3:31-35)

19 उदी माता कने उदे भाई उस बाल आए, पर भीड़ा दिया बजा ने मिली नी सके। 20 कने उसयो बोलया, “तेरी माता कने तेरे भाई बाहर खड़ोतयो न कने तिजो ने मिलणा चांदे न।” 21 उनी उदे जबाब च बोलया, “मेरी माता कने मेरे भाई ऐ ही न, जड़े परमेश्वरे दे बचना जो सुणदे कने मंदे न।”

२२२२२२ २२ २२२२२२ २२२२२
(२२२२२ 8:23-27; २२२२२ 4:35-41)

22 फिरी इक रोज सै कने उदे चेले किस्तिया पर चढ़े, कने उनी उना ने बोलया, “ओआ, गलील झीला दे पार चलदे न।” कने उना किस्ति खोली दिती। 23 जालू किस्ति चलियो थी तां सै सोई गया: कने झीला च तूफान आई गया, कने किस्ति पाणिए ने भरूणा लगी पेई कने सै खतरे च थे। 24 तालू उना यीशुए बखे आई करी उसयो जगाया, कने बोलया, “हे स्वामी। हे स्वामी। असां डूबणा लगी पियो न।” तालू उनी उठी करी पाणिए कने तुफाने जो डांटया कने सै रुकी गो, कने सै शान्त होई गया। 25 यीशुए उना ने बोलया, तुहाड़ा भरोसा कुथु था? पर सै डरी गो, कने हेरान होईकरी अपु चे बोलणा लगगे, “ऐ कदिया माणु है? ऐथू दीकर की तूफान कने लैहरां भी इदा हुकम मंदे न।”

२२२२२२ २२२२२२ २२ २२२२२२२ २२२२२२ २२
२२२ २२२२२
(२२२२२ 8:28-34; २२२२२ 5:1-20)

26 फिरी सै गिरासे दे लोकां दे देशे च पुज्जे, जड़ा उसी पार गलील प्रदेशे दे सामणे है। 27 जालू सै किनारे पर उतरया, तां उस ग्रांए दा इक माणु उसयो मिल्ला, जिदे च बुरी आत्मा थी। कने सै कपड़े नी पांदा था, कने ना घरे रेंदा था, सै कब्रिस्तान च रेंदा था। 28 सै यीशुए जो दुरे ला ही दिखीकरी दोड़या, कने यीशुए जो इज्जत देणे

तांई उदे पैरां अगगे डेई पिया। उनी जोरे ने चिलाई करी बोलया, “हे यीशु, परमपिता परमेश्वरे दे पुत्र। मिंजो तिजो ने क्या कम्म? मैं तिजो ने बिनती करदा है, मिंजो दुख ना दे।” 29 क्योंकि सै उसा बुरिया आत्मा जो उस माणुए ला निकलने दा हुकम दे दा था, क्योंकि सै उदे च बार-बार प्रबल होदी थी। लोक उसयो रसियां कने सुंगला ने बनदे थे, तमी सै सब केसी जो तोड़ी दिन्दा था, कने बुरी आत्मा उसयो सुनसान जगा जो नटाई लेई जांदी थी।

30 यीशुए उसयो पुछया, “तेरा क्या ना है?” उनी बोलया, “मेरा ना सेना है, क्योंकि मतियां बुरियां आत्मा उदे च समाई गियां थियां।” 31 कने उना उसला बिनती कित्ती की, “सांझो अथाह कुंडे च जाणे दा हुकम मत दींदा।”

32 ओथु पाहड़े पर इक बड़ा बड़ा सूअरां दा झुण्ड चुगगा दा था, उना उसला बिनती कित्ती, “सांझो उना च समाणा दे।” कने यीशुए उना जो जाणा दिता। 33 तालू सै बुरियां आत्मा उस माणुए ला निकली करी सूअरां दे झुण्डे च समाई गियां कने सै झुण्ड पहाड़े ला रिड़की करी दरियाये च पेई गया कने सारे सूअर डूबी करी मरी गो।

34 उना दे पुहालां नठी करी शेर कने ग्रांए च ऐ खबर सुणाई। 35 कने जड़ा होया था लोक उसयो दिखणा आये कने जिस माणुए ला बुरियां आत्मा निकलियां थियां, उसयो यीशुए बखे कपड़े पाइकरी कने ठीक-ठाक बैठया दिखीकरी सै डरी गो। 36 कने दिखणे बालयां उना जो दसया, की सै बुरियां आत्मा ने सताया होया माणु कियां ठीक होया। 37 तालू गिरासे दे लोकां दे देशे अखे-बखे दे लोकां यीशुए ने बिनती कित्ती, की साड़े ऐथू ला चली जा: क्योंकि सै बड़े डरी गियो थे। कने सै किस्तिया पर चढ़ी करी चली गया।

38 जिस माणुए चे बुरियां आत्मा निकलियां थियां, सै यीशुए ने बिनती करणा लगगा, की मिंजो अपणे सोगी रेंणा दे, पर यीशुए उसयो भेजी करी बोलया। 39 “की अपणे घरयो बापस चली जा कने लोकां ने बोली दे, की परमेश्वरे तेरे तांई कदे बड़डे-बड़डे कम्म किते न।” कने सै जाई करी सारे शेर च प्रचार करणा लगगा, की यीशुए मेरे तांई कदे बड़डे-बड़डे कम्म किते न।

२२२२२ २२ २२२२२२ २२२२२२ २२२ २२२२२ २२२२२२
(२२२२२ 9:18-26; २२२२२ 5:21-43)

40 जालू यीशु बापस ओआ दा था, तां लोक उसला खुशिया ने मिल्ले; क्योंकि सै यीशुए जो निव्याला दे थे। 41 यहूदी जंज घर दे सरदारां चे इक याईर नाये दा सरदार आया, सै यीशुए दी इज्जत मान तांई यीशुए दे

पैरां अगगे डेई पिया, कने उनी ऐ बोली करी बड़ी बिनती किती, “मेरे घरे जो चल ।”

42 क्योंकि उदी बाहरां सालां दी इक ही कुड़ी थी, कने सै मरणे बाली थी। जालू सै चलदा था, तां लोक यीशुऐ पर डेई पोंदे थे। 43 कने इक जनानी जिसा जो बाहरां सालां ला खून चलणे दी बिमारी थी, कने उना अपणी सारी कमाई वेद्यां पिच्छे खर्ची बैठियो थी कने तमी कूदे भी हथे ला ठीक नी होइयो थी, 44 उना पिच्छे ला आई करी उदे कपड़े दे कुणे जो छुता, झट उसा दा खून निकलन बंद होई गया। 45 इस पर यीशुऐ बोलया, मिंजो कुनी छूता? जालू सारे मुकरणा लगगे, तां पतरस कने उदे साथियां बोलया, “हे स्वामी, तू दिखा दा हे की तेरे अखे बखे इतणी भरी भीड़ है, कने तिजो पर ढेई पोंदे न।” 46 पर यीशुऐ बोलया, “कुनकी मिंजो छुता है मिंजो पता लगी गया है की मिंजो ला शक्ति निकली है।” 47 जालू जनानिया दिखया, की मैं लुकी नी सकदी, तालू कमदी होई आई, कने उदे पैरां पर पेईकरी सारे लोकां सामणे दसया, की मैं तिजो कजो छुता है, कने कियां मैं झट ठीक होई गई। 48 उनी उसा जो बोलया, “बेटी तेरा भरोसा जड़ा मिजों पर था उनी भरोसे तिजो ठीक कितया है, शांतिया ला चलिया।”

49 यीशु हले उसा ने गल्ल करा दा ही था, यहूदी जंज घरे दे सरदार दे घरे ला कुछ लोकां आई करी बोलया, “की तेरी कुड़ी तां मरी गई है” हुण गुरुऐ जो कजो तकलीफ दे दा है? 50 जड़ी गल्ल सै बोला दे थे, उसा गल्लां जो यीशुऐ अणसुणी करिके यहूदी जंज घर दे सरदार जो बोलया, “डर मत, सिर्फ मिजों पर भरोसा रख, तां उना ठीक होई जाणा।”

51 घरे आई करी उनी पतरस, कने यूहन्ना, कने याकूब कने कुड़िया दे माता-पिता जो छुड़ी करी होर कुसयो भी अंदर नी ओणा दिता। 52 कने सारे उसा तांई रोआ दे थे, पर उनी बोलया, “रोआ मत; सै मरियो नी है पर सुतियो है।” 53 सै ऐ जाणी करी, की मरी गियो है उदा मजाक उड़ाणा लगगे।

54 पर उनी उसा कुड़िया दा हथ पकड़या कने पुकारिकरी बोलया, “हे कुड़ी उठ।” 55 तालू उदे प्राण बापस आई गे कने सै झट उठी बैठी; फिर उनी हुकम दिता की, इसा जो कुछ खाणे जो दीया। 56 उसा दे माता-पिता हेरान होऐ, पर उनी उना जो चेतावनी दिती, की ऐ जड़ा होया है, सै कुसी ने मत बोलदे।

9

(लूका 9:1-15; लूका 9:16-18)

1 फिरी यीशुऐ उना बाहरां चेलयां जो सदिकरी उना जो सारियां बुरियां आत्मा जो कडणे कने बमारियां जो दूर करणे दी शक्ति कने हक दिता। 2 कने उना जो परमेश्वरे दे राज्य दा प्रचार करणे, कने बिमारियां जो ठीक करणे तांई भेजया। 3 कने उनी उना ने बोलया, की अपणे रस्ते तांई सिर्फ इक सोठी लेनयो। ना तां खाणे तांई रोटी लेणी, ना तां झोला, ना ही बटुए च पेसे, पर जुते पाई लेनयो कने होर कोई कपड़े पाणे तांई मत लेंदे। 4 अगर कोई तुहांजो अपणे घरे रेहणे तांई सदगा, जालू दीकर तुसां उसी ग्रांऐ च रेंगे, तालू दीकर उसी दे घरे च परोणे बणी करी रुकी रिया। 5 “जिसा जगा दे लोक तुहांजो अपनागे नी कने तुहाड़ी सुणगे नी, ओथु ला जांदे बले अपणे पैरां दी धुड़ जाड़ी दिनयो, ताकि उना लोकां जो पता लगगे की परमेश्वरे दिया तरफा ला मिलणे बाली सजा दे सै अपु ही जिम्मेबार न।” 6 सै निकलिकरी ग्रांऐ-ग्रांऐ च जाई करी शुभसमाचार सुणा दे, कने हर कुथी लोकां जो ठीक करदे फिरदे थे।

(लूका 9:1-15; लूका 9:16-18)

(लूका 9:14-15; लूका 9:16-18)

7 कने देशे दी चौथाई दा राजा हेरोदेस ऐ सारा कुछ सुणिकरी घबराई गया, क्योंकि मतयां बोलया, की यूहन्ना मरी करी जिन्दा होई गया है। 8 कने मतयां ऐ बोलया, की एलिय्याह दिखया है: कने केईयां बोलया की पराणे परमेश्वरे दा संदेश देणेबाले चे कोई जिन्दा होया है। 9 पर राजा हेरोदेसे बोलया, “यूहन्ना बपतिस्मा देणेबाले दा तां मैं सिर कटबाया था तां हुण ऐ कुण है, जिसदे बारे च ऐसिया गल्लां सुणादा मैं?” कने हेरोदेसे जो उसयो दिखणे दी इच्छा होई।

(लूका 9:16-18; लूका 9:19-21)

(लूका 9:22-24; लूका 9:25-27)

(लूका 9:28-30)

10 जालू सै प्रेरित जिना जो यीशुऐ भेजया था, सै यीशुऐ बाल मुड़ी करी आये कने उदे चारों बखे खड़ोई, कने जड़ा कुछ उना किता, कने सिखया था, उसयो दसी दिता, कने सै उना जो लग करिके बैतसैदा नाऐ दे इकी शेहरे जो लेई गया। 11 ऐ जाणी करी भीड़ उदे पिच्छे चली पेई, कने सै खुशिया ने उना ने मिला, कने उना सोगी परमेश्वरे दे राज्य दियां गल्लां करणा लगगा, कने जड़े ठीक होणा चांदे थे उना जो ठीक किता।

12 जालू संज होणा लगगी, तां उना बाहरां आई करी उसयो बोलया, “भिड़ा जो बिदा कर, ताकि असां अखे बखे दे ग्रां कने बस्तियां च जाई करी अपणे रेणे तांई कने रोटिया दा इंतजाम करन, क्योंकि असां ऐथू सुनसान जगा च न।” 13 यीशुऐ उना जो बोलया, “तुसां ही उना जो खाणे जो दिया।” उना बोलया, “साड़े बाल पंज

जड़ा कुछ उना दिखया था, उदी कोई गल्ल उना रोजा च कुनी नी किती।

([लूका 17:14-18](#); [मत्थ 9:14-27](#))

37 कने दुए रोजे जालू सै पहाड़े ला उतरे, तां इक बड़ी बड़ी भीड़ उसला मिलणा आई। 38 तालू भिड़ा चे इक माणुए जोरे ने बोलया, गुरु जी, मैं तिजो ने बिनती करदा है, की मेरे पुत्रे पर दया कर; क्योंकि सै मेरा इकलोता पुत्र है। 39 कने इक बुरी आत्मा उसयो पकड़ी लेंदी है, कने सै इकदम बकणा लगी पोंदा है, कने सै आत्मा उसयो ऐसा मरोड़दी है, की उदे मुए ला झाग निकली पोंदा है; कने उसयो गरेची करी बड़िया मुशकिला ने छडदी है। 40 कने मैं तेरे चेलयां ने बिनती किती, की इसा जो कडी दिया; पर सै कडी नी सके। 41 ए सुणीकरी यीशुए उना जो जबाब दिता, “हे अविश्वासी लोकों, मैं कालू दीकर तुहाड़े सोगी रेंगा, कने कालू दीकर तुहाड़े अविश्वास जो सेहन करगा उसी जागते जो मेरे बाल लोआ।” 42 सै ओआ दा ही था की बुरिया आत्मा उसयो पटकी करी मरोड़या, पर यीशुए बुरिया आत्मा जो डांटया कने जागते जो ठीक करिके उदे पिता जो देई दिता।

([लूका 17:22-23](#); [मत्थ 9:30-32](#))

43 तालू सारे लोक परमेश्वरे दी इसा शक्तिया ला हेरान होए। पर जालू सारे लोक उना सारे कम्मा ने जड़े सै करदा था, हेरान होआ दे थे, तां उनी अपणे चेलयां ने बोलया,

44 “ए गल्लां तुसां मत भुलदे, क्योंकि माणुए दा पुत्र, मेरे दुशमणा दे हथे पकड़ाया जाणा है।” 45 पर ए गल्ल उना दिया समझा च नी आई, कने ए उना ला छिपी रेई; ताकि उना जो पता नी लगगे, कने सै इसा गल्ला दे बारे च पुछणे ला डरदे थे।

([लूका 18:1-5](#); [मत्थ 9:33-37](#))

46 फिरी उना च ए बेहस होणा लगगी की, की सांझो चे बडा कुण है? 47 पर यीशुए उना दे मने दी गल्ल जाणी लेई, कने इक बच्चे जो लेईकरी अपणे बखे खड़ेरया, 48 कने उना ने बोलया, “जड़ा कोई मेरे नाए ने इस बच्चे जो अपनांदा है, सै मिंजो अपनांदा है, कने जड़ा कोई मिंजो अपनांदा है, सै मिंजो भेजणे बाले जो अपनांदा है, क्योंकि जड़ा तुहाड़े चे सबना ला छोटा है, सेई बडा है।”

† 9:61 9:61 (1 राजा. 19:20)

([लूका 9:38-40](#))

49 तालू यूहन्ने बोलया, “प्रभु जी, असां इकी माणुए जो तेरे नाए दिया शक्तिया ने बुरियां आत्मा जो कडदे दिखया है, कने असां उसयो मना भी किता, क्योंकि सै साड़े सांई तेरा चेला नी था।” 50 यीशुए उसयो बोलया, “उसयो मना मत करा; क्योंकि जड़े साड़े बैरी नी है, सै साड़े सोगी साथी न।”

([लूका 9:38-40](#))

51 जालू यीशुए दे स्वर्ग जाणे दे दिन पुरे होणे बाले थे, तालू उनी यरूशलेम जाणे दा बिचार पका किता। 52 यीशुए ओथु जाणे ला पेहले अपणे अगगे संदेश देणेबाल दूत भेजे: सै सामरियों दे इक ग्रांए जो गे, ताकि उदे तांई जगा तैयार करन। 53 पर उना लोकां उसयो उतरणा नी दिता, क्योंकि सै यरूशलेम शेहरे जो चलया था।

54 ए दिखीकरी उदे चेलयां याकूब कने यूहन्ना ने बोलया, “प्रभु जी; क्या तू चांदा है, की असां हुकम देन, की अम्बरे ला अगग पोये कने उना जो भस्म करी दे?” 55 पर यीशुए उना जो मुड़ी करी डांटया कने बोलया, “तुसां नी जाणदे न की तुसां कदेई आत्मा दे न। 56 क्योंकि माणुए दा पुत्र लोकां दे प्राणा जो खत्म करणे तांई नी पर बचाणे तांई आया है।” कने सै कुसकी होरसी ग्रांए जो चली गे।

([लूका 8:19-22](#))

57 जालू सै रस्ते च चलयो थे, तालू कुनकी उसयो बोलया, “जिथू-जिथू तू जांगा, मैं भी तेरे पिच्छे जाणा।”

58 यीशुए उसयो बोलया, “लोमड़ियां जो रेहणे तांई कुडी न, कने अम्बरे दे पंछियां दे घोंसले होंदे न; पर मिंजो, माणुए दे पुत्रे बाल इक भी घर नहीं है, जिथू मैं सोई सकें।”

59 उनी दूए ने बोलया, “मेरे चेले बणी जा।” उनी बोलया, “प्रभु जी, मिंजो पेहले जाणा दे ताकि मैं अपणे पिता जो दबी ओए।” 60 उनी उसला बोलया, “जड़े लोक आत्मिक रुपे ने मरयो न, उना जो अपणे मुर्दे दबाणा दे, पर तू जाई करी परमेश्वरे दे राज्य दा शुभसमाचार सुणा।”

61 इक होरनी बन्दे बोलया, “प्रभु जी, मैं तेरे पिच्छे आंगा; पर पेहले मिंजो जाणा दे ताकि मैं अपणे घरे दे लोकां ने बिदा लेई ओए।”† 62 यीशुए उसयो बोलया, “जड़ा कोई अपना हथ हले पर रखीकरी पिच्छे दिखदा है, सै परमेश्वरे दे राज्य जोगी नी है।”

10

११:११-१२ ११:१३-१४ ११:१५-१६ ११:१७-१८

1 इंदे बाद प्रभुए सत्तर होर चले रखे कने जीसी-जीसी शेहरे कने जगा पर उनी अपु जाणे दी योजना बणाईयो थी ओथु उना जो दो-दो करिके अगगे भेजया। 2 कने उनी उना जो बोलया, “पकियो फसला दे खेतर बड़े न; पर मजदूर थोड़े न: इस ताई खेतरे दे मालिके ने बिनती करा, की सै अपणे खेतरां जो बडणे ताई मजदूर भेजी दे।” 3 जा; दिखा मैं तुहांजो भेडां साई भेडियां दे बिच भेजदा है। 4 इस ताई ना बटुआ, ना झोली, ना जुते; कने ना ही रस्ते च कुसयो नमस्ते करा।* 5 जिसदे भी घरे जा, पेहले बोला, इस घरे दा कल्याण हो। 6 अगर ओथु कोई मेहमाना दा आदर करणे बाला हांगा; तां तुहाड़ी आशीष उस पर होणी, नी तां तुहाड़े बाल बापस आई जाणी। 7 उसी घरे च रिया, उस घरे ला तुहांजो जड़ा कुछ मिलदा है, सेई खा पिया; क्योंकि मजदूरे जो तां अपणी मजदूरी मिलणा चाईदी; घरे-घरे मत फिरदे। 8 कने जिसी शेहरे च जांगे, कने ओथु दे लोक तुहांजो अपणे घरे खुशिया ने अपनांगे, तां जड़ा कुछ तुहाड़े सामणे रखगे सै ही खा। 9 ओथु दे बिमारां जो ठीक करा: कने उना जो बोलणा, परमेश्वरे दा राज्य तुहाड़े बखे आई रिया है। 10 पर जिस शेहरे च जांगे, कने ओथु दे लोक तुहांजो अपनांगे नी, तां उना दे बजारां च जाई करी बोला, 11 तुहाड़े शेहरे दी धुड़ भी, जड़ी साड़े पैरां च लगियो है, असां तुहाड़े सामणे झाड़ी दिन्दे न, तमी ऐ समझी लिया, की परमेश्वरे दा राज्य तुहाड़े बखे आई रिया है। 12 “मैं तुसां ने सच्च बोलदा है, की न्याय बाले रोजे सै शेहरे जिथू दे लोक परमेश्वरे दा बचन नी मंदे, उना दी हालत सदोम दे लोकां दी हालत ला भी जादा भयानक होणी है।” †

११:२०-२४ ११:२५-२६ ११:२७-२८
(११:२०-२४ 11:20-24)

13 “हाय! खुराजीन शेहर कने बैतसैदा शेहर दे लोको! जड़े अनोखे कम्म तुहाड़े शेहरे च कितयो न, अगर सै कम्म सूर कने सैदा शेहरे च किते जांदे, तां सै ऐ दसणे ताई की उना अपणे पापां ला पश्चाताप करी लिया है, तां बड़े पेहले टाट ओढी लेंदे, कने धुड़ी अपणे उपर छिड़की लेंदे।” 14 की परमेश्वरे दे न्याय दे रोज जड़ी सजा सूर कने सैदा शेहरे दे लोकां जो देणी है, सै सजा तुहाड़िया सजा ला घट होणी है। ‡ 15 हे कफरनहूम शेहरे दे लोको तुसां क्या स्वर्गे दीकर उच्चे किते जाणे न? तुसां तां पताल लोक दीकर थले किते जाणे न।§

* 10:4 10:4 (मत्ती 10:9, 2 राजा. 4:29) † 10:12 10:12 (उत्प. 19:24, 25) ‡ 10:14 10:14 (योए. 3:4-8, जक. 9:2-4) § 10:15 10:15 (यशा. 14:13, 15) * 10:19 10:19 (भज. 91:13)

16 “जड़ा तुहाड़ी सुणदा है, सै मेरी सुणदा है, जड़ा तुहांजो तुच्छ समजदा है, सै मिंजो भी तुच्छ समझदा है; कने जड़ा मिंजो तुच्छ समजदा है, सै मेरे भेजने बाले जो भी तुच्छ समजदा है।”

११:२९-३० ११:३१-३२ ११:३३-३४ ११:३५-३६

17 सै सत्तर चले खुशिया ने बापस आई करी बोलणा लगगे, प्रभु जी, बुरियां आत्मा भी साड़ी गल्ल मन्नी जालू असां उना जो तेरे नाए ने हुकम दिता। 18 यीशुए उना ने बोलया, जालू बुरियां आत्मा तुहाड़ा हुकम मनया, तां मैं शैताने जो बिजलिया साई स्वर्गे ला पोंदे दिखया। 19 मैं तुहांजो सपां कने बिच्छुआं जो मारणे, कने शैताने दी शक्तिया पर हक दितया है; कने कुसा भी चीजा ने तुहांजो कोई नुकसान नी होणा।* 20 पर तुसां इसला खुश मत होआ, की बुरियां आत्मा तुहाड़ा हुकम मंदियां न, पर इसला खुश होआ की तुहाड़े ना स्वर्गे च लिखयो न।

११:२९-३० ११:३१-३२ ११:३३-३४ ११:३५-३६
(११:२९-३० 11:25-27; 13:16-17)

21 तालू सै पबितर आत्मा च होईकरी खुश होई गिया, कने बोलया, पिता जी, स्वर्गे कने धरतिया दे प्रभु, मैं तेरा धन्यवाद करदा है, की तू इना गल्लां जो ज्ञानिया कने समजदारां ला लुकाई रखया, कने बचयां पर प्रगट कितया है, पिता जी, क्योंकि तितो ऐई खरा लगगा। 22 “मेरे पिता मिंजो सब कुछ देई दितया है; कने कोई नी जाणदा है की पुत्र कुण है सिर्फ पिता ही जाणदा है, कने पिता कुण है ऐ भी कोई नी जाणदा, सिर्फ पुत्र जाणदा कने सै जिदे पर पुत्र उसयो प्रकट करणा चांगा।”

23 तालू यीशुए चेलयां पासे मुड़ी करी उना जो एकांत च बोलया, “धन्य न सै हखी, जड़ियां गल्लां तुसां दिखदे न उना गल्लां जो सै भी दिखदियां न। 24 क्योंकि मैं तुहांजो ने बोलदा है, की परमेश्वरे दे संदेश देणेबाले मते लोक कने राजे चांदे थे, की जड़ियां गल्लां तुसां दिखदे न उना जो दिखा; पर नी दिखियां कने जड़ियां गल्लां तुसां सुणदे न उना जो सुणा, पर नी सुणियां।”

११:२९-३० ११:३१-३२ ११:३३-३४ ११:३५-३६

25 इक दिन जालू यीशु लोकां जो सिखा दा था तां इक यहूदी मूसा दी व्यवस्था जो सिखाणे बालयां च उठया; कने ऐ बोली करी उदी परख लेंणा लगगा, “गुरु जी, हमेशा दी जिन्दगिया दा बारिस बणने ताई मैं क्या करे?” 26 यीशुए उसयो बोलया, “मूसा दी व्यवस्था च क्या लिखया है? तू उना जो कियां समझदा है?” 27 उनी

जबाब दिता, “तू अपणे प्रभु परमेश्वरे सोगी अपणे सारे तन मन कने अपणे सारे प्राण कने अपणे सारे जोरे ने कने अपणिया सारिया अकला ने प्यार कर; कने अपणे पड़ोसिये ने अपणयां सांई प्यार रख ।”†

28 यीशुए उसयो बोलया, “तू ठीक जबाब दिता, ऐई कर तां तिजो हमेशा दी जिन्दगी मिलणी ।”‡ 29 पर उनी अपणे कम्मा जो सही ठेहराणे तांई यीशुए ला पुछ्या, तां मेरा पड़ोसी कुण है? 30 यीशुए उसयो इक कहाणिया दे जरिये जबाब दिता, इक माणु यरूशलेम शेर ला यरीहो शेर जो चलया था, कने डाकुयाँ उस पर हमला करी दिता कने उदे कपड़े उतारी दिते, कने उसयो मारी-कुट्टी करी अदमरा करी के छड़ी गो । 31 कने इयां होया की उस रस्ते चे इक यहूदी याजक चलया था, पर याजके उसयो दिखीकरी उदी कोई मदद नी किती कने ओथु ला चली गया । 32 इयां ही इक लेवी जड़ा यहूदी मंदरे च कम्म करदा था उसा जगा पर आया, उनी भी उसयो दिखीकरी उदी कोई मदद नी किती कने दुज्जे पासे ला चली गया । 33 पर इक सामरिया प्रदेश दा इक माणु उसा जगा ला निकलया जिथू सै जख्मी माणु पिया था, उसयो दिखीकरी उस पर तरस आई गया । 34 कने उदे बखे आई करी उनी उदे जखमा पर तेल कने दाखरस लाईकरी पट्टी बन्नी, कने अपणिया सवारिया पर चड़ाई करी उसयो संरा च लेई गया, कने उदी सेवा किती । 35 दूएे रोजे उनी दो दीनार (दो दीनार मतलब दो दिना दी मजदूरी) देईकरी उसा संरां दे मालके जो दिते, कने बोलया, इसदी सेवा करनयो, कने जड़ा कुछ तेरा होर लगगा, सै मैं तिजो बापस आई करी देई दिगा ।

36 तालू यीशुए पुछ्या “हुण तेरिया समझा च जिस पर डाकुआं हमला कितया था, उदा इना तिन्ना चे पड़ोसी कुण होया?” 37 उनी बोलया, “सै ही जिनी उस पर तरस खादा था ।” यीशुए उसयो बोलया, “जा, तू भी इयां ही कर ।”

¶¶¶¶¶¶ ¶¶¶ ¶¶¶¶¶¶ ¶¶ ¶¶¶ ¶¶¶¶¶

38 यीशु कने उदे चले जालू चलयो थे, तां सै इक ग्रांए च गिया, ओथु मार्था नाएे दी इकी जनानिया उसयो अपणे घरे ओणे दा नियोता दिता । 39 कने मरियम नाएे दी उसा दी इक बेंहण थी; सै प्रभु दे पैरां बखे बेईकरी उदी शिक्षा जो सुणा दी थी । 40 पर मार्था रोटियां बणादे-बणादे घबराई गई कने उदे बखे आई करी बोलणा लगगी, प्रभु जी, क्या तिजो जरा भी चिंता नी है की मेरिया बेंहणा मिंजो सारे कम्म करणे तांई किल्ला छड़ी दितया है? इस तांई उसा जो बोल, की मेरी मदद कर । 41 यीशुए उसा जो जबाब दिता, “मार्था, हे मार्था; तू बड़ियां गल्लां

तांई चिन्ता करदी कने घबरांदी है । 42 पर इक ही गल्ला दी चिंता करणे दी जरूरत है, कने मरियमा से कम्म तोपी लिया है, कने इसा जो इसला दूर नी किता जाणा है ।”

11

¶¶¶¶¶¶ ¶¶ ¶¶¶¶¶¶¶¶ ¶¶¶¶¶ ¶¶¶¶¶¶¶¶
(¶¶¶¶¶¶ 6:9-15)

1 यीशु कुसकी जगा पर प्राथना करा दा था । कने जालू सै प्राथना करी बैठा, तां उदे चेलयां चे इकी चले उसयो बोलया, “प्रभु जी, जियां यूहन्ने अपणे चेलयां जो प्राथना करणा सिखया है तियां ही सांझो सिखाई दे ।”

2 यीशुए उना ने बोलया, तुसां इस तरीके ने प्राथना करणा चाइदी की: है साड़े पिता परमेश्वर, जड़ा तू स्वर्गे च है; तेरा ना सारे लोकां च पबित्र मनया जा, कने तेरा राज्य सांझो च ओएे । 3 सांझो हर रोज सै खाणा दे जड़ा सांझो उस दिने तांई चाईदा है । 4 कने जियां असां सांझो सोगी गलत करणे बालयां जो माफ कितया है, तियां ही तू भी साड़ियां गलतियां जो माफ कर कने सांझो परख च फसणे ला बचा ।

¶¶¶¶¶¶¶¶ ¶¶ ¶¶¶¶¶ ¶¶ ¶¶¶¶¶ ¶¶ ¶¶¶¶¶¶¶¶
(¶¶¶¶¶¶ 7:7-11)

5 कने यीशुए उना ने बोलया, तुसां चे कुण है, जिसदा इक मित्तर हो, कने सै अधिया राती जो उदे घरे जाई करी उसयो बोले, मिंजो तिन्न रोटियां दे । 6 क्योंकि मेरा इक मित्तर हुणी मिंजो मिलणे तांई आया है कने मिंजो बाल उसयो खुआणे तांई कुछ नी है । 7 कने सै अंदरे ला जबाब दिन्दा है, मिंजो तंग मत कर; हुण तां दरबाजा बंद है, कने मेरे बच्चे मेरे सोगी बिस्तरे च सुतयो न, इस तांई मैं उठीकरी तिजो कुछ नी देई सकदा । 8 मैं तुहांजो ने जड़ा बोलदा है उसयो समझा, अगर सै उदा मित्तर होणे पर भी उसयो उठी करी री नी देणा चा, फिरी भी उस दोस्ते दे बार-बार बिनती करणे पर उदिया जरूरतां दे अनुसार उतणा उठी करी जरूर दिगा ।

9 “तुसां जो जड़ा चाईदा सै परमेश्वरे ला मंगा कने उनी तुसां जो देणा; अगर तुसां तोपगे, तां तुसां जो मिलणा; अगर खटखटांगे, तां तुहाड़े तांई खुलणा ।” 10 क्योंकि जड़ा कोई मंगदा है, उसयो मिलदा है; जड़ा तोपदा है, उसयो मिलदा है; कने जड़ा खटखटादां है, उदे तांई खुलदा है ।

11 तुहाड़े चे कुण ऐदिया पिता होंगा, की जालू उदा पुत्र रोटि मंगे, तां उसयो पथर दे: या मच्छी मंगे तां मच्छिया दे बदले सप दे? 12 या अंडा मंगे तां उसयो बिच्छु देई दे? 13 “अगर तुसां बुरे होईकरी अपणे बचयां

† 10:27 10:27 (मत्ती 22:37-40, व्य. 6:5, व्य. 10:12, यहो. 22:5)

‡ 10:28 10:28 (लैव्य. 18:5)

जो खरियाँ चिजा देणा जाणदे न, तां तुहाड़े स्वर्गीय पिता परमेश्वरे अपणे मंगणे बाले जो केई जादा बदीकरी पबित्र आत्मा देणे तांई तैयार है।”

[\[2222 222 222222\]](#)
([\[222222 12:22-30; 222222 3:20-27\]](#))

14 फिरी उनी इक गूगी बुरी आत्मा जो कडया; जालू सै बुरी आत्मा निकली गई, तां सै गूगा बोलणा लगी पिया; कने लोकां जो हेरानी होई। 15 पर उना चे कितणयां ही बोलया, “ऐ तां बुरियां आत्मा दे सरदार शैताने दी मदद लेईकरी बुरियां आत्मा जो कडदा है।”

16 होरनी उदी परख लेणें तांई उसला स्वर्गे दा कोई निशाण दसणे तांई बोलया। 17 पर उनी, उना दे मने दियां गल्लां जो जाणी करी, उना ने बोलया, “अगर कुसी राज्य च लोक अपु चे ही लड़दे रेंगे तां सै राज्य उजड़ी जांदा है। कने अगर कुसी घरे दे माणु अपु चे ही लड़दे रेंगे तां सै घर भी उजड़ी जांदा है।” 18 अगर शैतान अपणी ही बुरी आत्मा दे खिलाफ लड़गा, तां उनी अपणा ही नाश करी लेणा है, तां फिरी उदा राज्य कियां बदी सकदा है? क्योंकि तुसां मेरे बारे च तां बोलदे न, की ऐ तां शैताने दिया मददा ने बुरिया आत्मा जो कडदा है। 19 “भला अगर मैं शैताने दिया मददा ने बुरियां आत्मा जो कडदा है, तां तुहाड़ी ओलाद कुसदिया मददा ने बुरियां आत्मा जो कडदी है? इस तांई तुहाड़िया ओलादी ही तुहाड़ा न्याय करणा है।” 20 पर अगर मैं परमेश्वरे दिया शक्तिया ने बुरियां आत्मा जो कडदा है, तां परमेश्वरे दा राज्य तुहाड़े बखे आई रिया है।

21 जालू जोरे बाला माणु हथियार लेईकरी अपणे घरे दी रखबाली करदा है, तां उदी संमत्ति बची रेंदी है। 22 पर जालू उसला जादा जोरे बाला उसला लड़ी करी उसयो जीती लेंदा है, तां उदे सै हथियार जिना पर उसयो भरोसा था, उना जो खोई लेंदा है कने उदिया संपतिया जो लुटी करी बंडी दिन्दा है। 23 “जड़ा मेरे सोगी नी है सै मेरे खिलाफ है, कने जड़ा मेरे सोगी नी बटोलदा है सै खलारदा है।”

[\[2222 22222222 22 22222222\]](#)
([\[22222222 12:43-45\]](#))

24 जालू बुरी आत्मा माणुऐ ला निकली जांदी है, तां सै सुकियां जगा च अराम तोपदी फिरदी है, पर उसा जो अराम नी मिलदा है। तां सै अपणे आपे ने बोलदी है, कि मैं अपणे तिस्सी घरे जो बापस चली जाणा है, जिस माणुऐ ला निकली थी, 25 “जालू सै बापस ओंदी है तां उस माणुऐ जो उस घरे सांई पांदी है, जिसयो छेल करी साफ कने सजाया हो।” 26 तालू सै बुरी आत्मा जाई करी

अपणे ला होर बुरियाँ सत्त आत्मा जो अपणे सोगी लेई ओंदी है, कने सै उदे अंदर बड़ी करी ओथु रेंदियां न, कने उस माणुऐ दी हालत पहले ला भी बुरी होई जांदी है।

[\[22222 2222 22\]](#)

27 जालू यीशु ऐ सब गल्लां बोला दा ही था तां भिड़ा चे इकी जनानिया उचिया अबाजा ने बोलया, “धन्य हे सै जनानी जिना तिजो पैदा किता कने तिजो अपणा दूध पियाया।” 28 उनी बोलया, “हाँ, पर धन्य न सै, जड़े परमेश्वरे दा बचन सुणीकरी मंदे न।”

[\[2222222222 2222222 222\]](#)
([\[22222222 12:38-42; 2222222 8:12\]](#))

29 जालू बड़े भरी लोकां दी भीड़ गिठी होआ दी थी तां सै बोलणा लगगा, “इस युगे दे बुरे लोक चिन्न चमत्कार तोपदे न, पर परमेश्वरे दा संदेश देणेबाले योना दे चिन्न चमत्कार जो छुडी करी उना जो कोई होर कोई चिन्न नी मिलणा।” कने यीशु उना जो छुडी करी चली गया। 30 जियां योना नीनवे शहरे दे लोकां तांई चिन्न बणया, तियां ही मैं माणुऐ दा पुत्र भी इस युगे दे लोकां तांई चिन्न होणा है। 31 दक्षिणे दिया राणिया न्याय दे रोजे इस बेले दे आदमियां दे सोगी उठी करी, उना जो दोषी बोलणा है, क्योंकि सै राजा सुलेमान दा ज्ञान सुणने तांई बड़ी दुरे ला आई, कने दिखा ऐथू सै है जड़ा सुलेमान ला भी बडा है। * 32 नीनवे शहरे दे लोकां न्याय दे रोजे इस बेले दे लोकां सोगी खड़े होईकरी, इसा पीढी दे लोकां जो दोषी बोलणा है; क्योंकि उना योना दा प्रचार सुणिकरी मन बदलया है कने दिखा, ऐथू सै है जड़ा योना ला भी बडा है। †

[\[22222 22 22222222\]](#)
([\[22222222 5:15; 6:22-23\]](#))

33 “कोई माणु दिव्या बाली करी थले या टोकरुऐ हेठ नी रखदा है, पर धारिया पर रखदा हे ताकि अंदरे ओणे बालयां जो लौ होऐ।” 34 तेरियां हखी तेरे शरीरे तांई इक दिव्ये सांई न, इस तांई अगर तेरी हख साफ है, तां तेरा सारा शरीर भी लौ लुआन है; पर अगर सै बुरी है, तां तेरा शरीर भी नेहरे च है। 35 तांई तां ध्यान रखा, की जड़ी लौ तिजो च है सै नेहेरा ना होई जाये। 36 इस तांई अगर तेरा सारा शरीर लौ लुआन हो, कने उदा कोई हिसा नेहरे च नी रे, तां सारे दा सारा शरीर ऐसा लौ लुआन होणा, जियां उस बेले होंदा है, जालू दिव्या अपणिया लौइ ने तिजो लौ दिन्दा है।

[\[2222222222 22 22222222 22222 2222\]](#)
([\[22222222 23:1-36; 22222 12:38-40; 22222 20:45-47\]](#))

* 11:31 11:31 (1 राजा. 10:1-10, 2 इति. 9:1) † 11:32 11:32 (योना 3:5-10)

37 जालू यीशु अपना प्रचार खत्म करी बेटा, तां इकी फरीसिये उसला बिनती किती, की मेरे घरे रोटी खाणां चल; कने सै अंदर जाई करी रोटी खाणां बैठा। 38 फरीसी जो ऐ दिखीकरी बड़ी हेरानी होई की यीशुऐ खाणां खाणे ला पेहले अपने रिती रिबाजा ने हथ पैर नी धोते। 39 परभु यीशुऐ उसयो बोलया, “हे फरीसियों, तुसां ऐसे भांडे न, जड़े तां उपरे-उपरे ला तां साफ न, पर तुसां दे मने अंदर लालच कने बुराई भरुईयो है।” 40 हे मूर्खों, जिनी बाहरे दा हिसा बणाया है, क्या उनी ही अंदरे दा हिसा नी बणाया है? 41 गरीब लोकां जो दान देईकरी अपना मन अंदरे ला साफ करा, तां दिखा सब कुछ तुहाड़े तांई पबित्तर होई जाणा।

42 “पर हे फरीसियों, तुहाड़े तांई बड़ा बुरा होणा है! तुसां पुदीने कने जीरे दा, कने सारिया भान्तिया दे साग पतयां दा दसमां हिसा दिन्दे न, पर न्याय जो कने परमेश्वरे दे प्यारे जो टाल्ली दिन्दे न; तुहांजो इयां करणा चाईदा था की इना जो भी करदे रेंदे कने उना जो भी नी छडदे।” 43 हे फरीसियों, तुहांजो तांई बड़ा बुरा होणा है! तुसां यहूदी जंज घर च खास-खास जगा च आसन कने ऐ चांदे न की बाजारां च लोक तुहांजो नमस्ते बोलन। 44 “तुहांजो तांई बड़ा बुरा होणा है। क्योंकि तुसां उना लुकियां कबरां दे सांई न, जिना पर लोक चलदे न, पर जाणदे नी न।”

45 तालू इकी व्यवस्था जो सिखाणे बाले उसयो जबाब दिता, “गुरु जी, ऐसिया गल्लां बोली करी तू साड़ी निंदा करा दा है।” 46 उनी बोलया, “हे व्यवस्था जो सिखाणे बालयो, तुहांजो तांई बड़ा बुरा होणा है। तुसां ऐसे बोझे जो माणुऐ पर लददे न, जिसयो चुकणा बड़ा मुशकिल है, पर तुसां अपु उना बोझां जो अपणिया इकी उंगलियां ने भी नी हिलांदे न।” 47 तुहांजो तांई बड़ा बुरा होणा है। तुसां उना परमेश्वरे दा संदेश देणेबालयां दियां कबरां बणादें न, जिना जो तुहाड़े बाप दादयां मारी दितया था। 48 इसा गल्ला दे तुसां गबाह न, कने अपने बाप दादयां दे कम्मा ने सहमत न; क्योंकि उना तां उना जो मारी दिता कने तुसां उना दियां कबरां बणादे न।

49 इस तांई तां परमेश्वरे दिया अकला भी बोलया है, की मैं उना बाल परमेश्वरे दा संदेश देणेबालयां कने प्रेरितां जो भेजगी, कने उना इना चे कितणयां जो मारी देणा, कने कितणयां जो सताणां है। 50 ताकि जितणे भी परमेश्वरे दा संदेश देणेबालयां दा खून इस संसारे दे शुरू ला बहाया है, सबना दा लेखा, इस युगे दे लोका ला लेंगा है।

51 हाबिल दिया हत्या ला लेईकरी परमेश्वर दा संदेश देणेबाले जकर्याह दिया हत्या दीकर जिसयो बेदी कने मंदरे दे बिच मारया था; मैं तुसां ने सच्च बोलदा है; उदा लेखा इस बकते दे लोकां ने लेंगा है। § 52 “व्यवस्था जो सिखाणे बालयां लोकां पर लानत है! क्योंकि तुहांजो बाल स्वर्ग जाणे दा रस्ते दा पता था। पर तां भी तुसां उसी रस्ते पर नी चले कने दुजे लोकां जो भी जाणे ला रोकी लिया है।”

53 जालू सै ओथु ला निकलया, तां व्यवस्था जो सिखाणे बाले कने फरीसी बड़े पिच्छे पेई गे, कने छेड़ना लग्गे, की सै बड़ियां गल्लां दी चर्चा करे, 54 कने उदिया ताका पर लगी रे, की उदे मुऐ दी कोई गल्ल पकड़न।

12

¶¶¶¶¶¶ ¶¶ ¶¶¶¶¶¶ ¶¶¶¶¶¶¶¶

1 इतणे च ओथु जालू हजारां दी भीड़ होई गई, ऐथू दीकर की लोक इकी दुऐ पर डेई पोंदे थे, तां यीशुऐ सबना ला पेहले अपने चेलयां ने बोलया, फरीसियां दी कपटरूपी जिन्दगी ला जड़ी खमिरे सांई है उसा ला बची करी रेनयो। 2 क्योंकि कुछ भी ढक्या नी है, जड़ा खोलया नी जाणा है; कने कुछ छुपया नी है, जड़ा सामणे नी ओणा है। 3 तांई तां जड़ा कुछ, तुसां नेहरे च बोलया है, सै लौइ च सुणाया जाणा, कने जड़ा तुसां अंदर कमरयां च कन्ना च बोलया है, उदा छती पर चढ़ी करी प्रचार होणा।

¶¶¶¶¶¶ ¶¶¶¶
(¶¶¶¶¶¶ 10:28-31)

4 “पर मैं तुसां ने बोलदा है, जड़े मेरे साथी न, कि जड़े शरीरे जो मारी सकदे न, पर सै आत्मा जो नी मारी सकदे न, उना ला डरदे मत।” 5 मैं तुहांजो चेतावनी दिन्दा है की तुहांजो कुसने डरना चाईदा, तुहांजो उस परमेश्वरे ला डरणा चाईदा जिसयो तुहांजो मारणे ला बाद नरके च भेजणे दा हक है।

6 “क्या बड़ी घट कीमत च पंज चीड़ियां नी बिकदियां? तमी परमेश्वर उना चे इकी जो भी नी भुलदा।” 7 बल्कि तुहाड़े सिरे दे सारे बाल भी गिणयो न, इस तांई डरा मत, तुसां परमेश्वरे तांई मतियां चीड़ियां ला भी बदीकरी कीमती न।

¶¶¶¶¶¶ ¶¶ ¶¶¶¶¶¶ ¶¶ ¶¶ ¶¶¶¶¶¶
(¶¶¶¶¶¶ 10:32-33; 12:32; 10:19-20)

8 मैं, माणुऐ दे पुत्र तुहांजो बोलदा है जड़े कोई बोलदे न, की सै मेरे चले न, उसयो मैं भी अपने स्वर्गीय पिता परमेश्वर दे सामणे अपने चले मनी लेंगा। 9 पर अगर सै दूजयां दे सामणे ऐ बोलणे ला डरदे न, कि असां यीशुऐ दे

चेले न, तां परमेश्वरे भी अपने स्वर्गदूतां सामने तुहांजो चेला नी मनणा है।

10 पर जड़ा कोई माणुए दे पुत्रे दे बारे च कोई बुरी गल्ल बोलगा, उदा ऐ अपराध माफ होई जाणा, पर जड़ा कोई पबित्र आत्मा दे बारे च बुरा बोलगा, उदा अपराध माफ नी होणा है।

11 “जालू लोक तुहांजो यहूदी जंज घर च कने हाकिमां कने अधिकारियां दे सामने लेई जांगे, तां चिंता मत करदे की असां कियां या क्या जबाब दें, या क्या बोलन।”

12 क्योंकि पबित्र आत्मा तुहांजो तालू ही सिखाई देणा, की क्या बोलणा चाईदा।

☞ ☞

13 फिरी भिड़ा चे इकी माणुए यीशुए बोलया, “गुरू जी, मेरे भाईए जो बोल, की पिता दी जमीन जयादात मिंजो देई दे।” 14 यीशुए उसयो बोलया, “हे माणु, कुनी मिंजो तुहाड़ा न्याय करणे बाला या धन बंडणे बाला बणाया है?”*

15 कने यीशुए उना जो बोलया, “ध्यान रखा, कने हर तरा दिया मोहमाया ने अपने आपे जो बचाई रखा; क्योंकि कदी भी जिन्दगी उदिया जमीन जायदाद ला जादा नी होंदी।” 16 यीशुए उना जो इक कहाणी सुणाई, कुसकी अमीरे दिया जमिना च मती भरी फसल होई। 17 तालू सै अपने मने च सोचना लगगा, की मिंजो नी समझ ओआ दी की मैं क्या करे, क्योंकि मेरे बाल तां इतणी जगा ही नी है, जिथू मैं अपनी सारिया फसला जो रखी सके। 18 कने उनी बोलया, मैं इयां करणा है की अपने गोदामें दियां बखारियां जो तोड़ी करी उना ला बडियां बणाणियां न; कने ओथु अपनी सारी संपति कने फसल रखणी; 19 कने इदे बाद अपने आपे ने बोलणा, की तेरे बाल मते साला तांई मती धन दौलत कने फसल रखियो है; मजे ने खा पी, सूखे ने रे। 20 पर परमेश्वरे उसयो बोलया, हे मुख! इसा राती तू मरी जा; तां तालू जड़ा कुछ तू गठेरया है, सै कुसदा होणा? 21 “इयां ही उस माणुए ने भी होणा है जड़ा सब कुछ अपने तांई गठेरदा, पर परमेश्वरे दिया सेवा करणे तांई अपनी क्षमता कने धन दौलत खर्च नी करदा।”

☞
(☞☞☞☞☞ 6:25-34; 6:19-21)

22 फिरी उनी अपने चेलयां ने बोलया, तांई तां मैं तुहांजो बोलदा है, अपनी जिन्दगी दी चिंता मत करा, की असां क्या खांगे; ना ही अपने शरीरे दी की असां क्या पांगे। 23 क्योंकि रोटिया ला जिन्दगी कने कपडयां ला शरीर जादा बदीकरी है। 24 कोयां पर ध्यान दिया; ना सै

रादें न, ना सै बडदे न, न उना बाल खेतर; ना उना दे गोदाम होंदे न जिथू से गठेरी सकन, तमी परमेश्वर उना जो पालदा है। तुहाड़ी कीमत पछियां ला भी बदीकरी है। † 25 तुसां चे ऐसा कुण है, जड़ा चिंता करणे ने अपणिया जिन्दगिया च इक घड़ी भी बधाई सकदा है? 26 इस तांई अगर तुसां सबना ला छोटा कम्म भी नी करी सकदे, तां जिन्दगी च दुजियां गल्लां दी कजो चिंता करदे न?

27 “जंगली फुलां दे बारे च सोचा की सै कियां बडुदें न, सै ना तां मेहनत करदे न, कने ना ही कपडे पांदे न, तमी मैं तुसां ने बोलदा है, की जालू राजा सुलैमान बाल धन दौलत थी, तालू भी उनी जंगली फुलां चे कुसी सांई भी कपडे नी पायो थे।” 28 इस तांई अगर परमेश्वर दरबड़े दे घाए जो, जड़ा अज है, कने कल अगगी च फुकया जाणा, तमी परमेश्वर घाए जो इतणी सुन्दरता दिन्दा है, तां हे अल्पविश्वासियों, तां उनी पक्का तुहाड़ी देखभाल करणी है, तुहाड़ा भरोसा इतणा घट्ट कजो है? 29 कने तुसां इसा गल्लां दिया तोपा च मत रिया, की क्या खांगे कने क्या पींगे, कने ना ही शक करा। 30 क्योंकि जड़े लोक परमेश्वरे जो नी जाणदे सै इना चिजां जो तोपदे रेंदे न; कने तुहाड़ा पिता जाणदा है, तुहांजो इना चिजां दी जरूरत है। 31 पर उदे राज्य दिया तोपा च रिया, तां ऐ चिजां भी तुहांजो मिली जाणियां।

☞
(☞☞☞☞☞ 6:19-21)

32 तुसां मेरे तांई भेडां दे झुण्ड सांई न, इस तांई कुसा भी गल्ला दे बारे च मत डरा; क्योंकि तुहाड़े परमेश्वर पिता जो ऐ खुशी है, की तुहांजो राज्य दे।

33 अपणिया जमीन जयादात जो बेचिकरी दान करी दीया; कने अपने तांई ऐसे बटुए बणां, जड़े पराणे नी होंदे, इदा मतलब की स्वर्गे च ऐसा धन गठेरा जड़ा घटदा नी है कने जिसदे नेड़े चोर नी जांदा है, कने खराब करणे बाला कीड़ा नी लगदा। 34 क्योंकि जिथू तुहाड़ा धन है, ओथु तुहाड़ा मन भी लगया रेंदा है।

☞
(☞☞☞☞☞ 24:42-44)

35 हमेशा सेवा करणे तांई तैयार रिया कने सारी रात तुहाड़े दिये बलदे रेंन। ‡ 36 कने तुसां उना माणुए सांई बणा, जड़े अपने मालिके जो निय्याला दे होन, की सै बियाह ला कालू बापस ओंगा; की सै जालू आई करी दरबाजा खट खटागां तां झट उदे तांई खोली देन। 37 धन्य न सै सेवक, जिना जो मालिक आई करी उदे बापस ओणे दी निय्याल रखदे दिखे; मैं तुहांजो ने सच्च

* 12:14 12:14 (निर्गं. 2:14) † 12:24 12:24 (भज. 147:9) ‡ 12:35 12:35 (निर्गं. 12:11, 2 राजा. 4:29, इफि. 6:14, मत्ती 5:16)

बोलदा, की उनी इक सेवके साईं कपड़े पाई करी उना जो रोटी खाणां बटाणा, कने अपु उना जो खांणे ताईं परोसणा। 38 अगर सै अधिया राती या ब्यागा पेहर च आई करी उना जो जागदा दिखे, तां सै सेवक धन्य न। 39 पर तुसां ऐ जाणी लिया, की अगर घरे दा मालिक जाणदा, की चोरे कुसा घड़िया ओणा है, तां सै जागदा रेंदा, कने अपने घरे च चोरी नी होणा दिन्दा। 40 तुसां भी मेरे बापस ओणे ताईं तैयार रिया; क्योंकि मैं, माणुऐ दे पुत्रे ऐसिया घड़िया स्वर्गे ला ओणा जालू तुसां मेरे ओणे दी उम्मीद नी कितियो होणी है।

¶¶¶¶¶ ¶¶ ¶¶¶¶¶ ¶¶¶¶ ¶¶¶¶¶¶¶ ¶¶ ¶¶¶¶¶ ¶¶
¶¶¶¶

(¶¶¶¶¶¶ 24:45-51)

41 तालू पतरसे बोलया, “परभु जी, क्या ऐ कहाणी तू सांझो ही बोला दा है की सबना जो बोलदा है।” 42 परभु यीशुऐ बोलया, “सै भरोसे लाइक कने अकला बाला भंडारी कुण है, मालिक जिसयो नोकरां-चाकरां दा सरदार बणाऐ ताकि सै उना जो टेमे दा खांणे पिंणे दा समान दे।” 43 धन्य है सै सेवक, जिसयो उदा मालिक आई करी ऐसा ही करदा दिखे। 44 मैं तुहांजो ने सच्च बोलदा; उनी उसयो अपणिया सारिया संपतिया दा मालिक बणाई देणा। 45 पर अगर सै सेवक सोचणा लग्गे, की मेरे मालिके जो ओणे च हल्ले बड़ा बकत है, कने सै दासां कने दासियां जो मारणा-कुटणा कने खाणां-पिणा कने शराबी होणा लग्गे। 46 तां उस दासे दे मालिके ऐसे रोजे ओणा है जिस दिने सै उसयो निय्याला दा नी होणा, कने ऐसी घड़ी जिसा जो सै जाणदा ना होणा, तालू उदे मालिके ओणा, उसयो खरियां झिड़कां देई करी उदी गिणती अविश्वासियां सोगी करी देणा।

47 कने सै सेवक जड़ा मालिके दी इच्छा जाणदा था, कने तैयार नी रिया कने ना उदिया मरजिया चलया, उनी बड़ी मार खांणी। 48 पर जिसयो पता नी होई करी मार खाणे जोगा कम्म करे उनी घट मार खांणी, ताईं तां जिसयो जादा दितया है उसला जादा मंगया जाणा है; कने जिसयो जादा सौंपया है, उसला जादा दा हिसाब लेणा है।

¶¶¶¶¶¶ ¶¶ ¶¶¶¶¶ ¶¶ ¶¶¶¶¶¶¶¶
(¶¶¶¶¶¶ 10:34-36)

49 मैं धरतिया पर अगग लगाणा आया है; बस ऐ ही चांदा है, की हुण ही लगी जांदी! 50 मिंजो जल्द ही इक भयंकर पीड़ झेलणा पोणी है; कने जालू दीकर सै पीड़ नी झलगा तालू दीकर मैं बड़ा बेचेन है।

51 तुसां क्या सोचदे न की मैं धरतिया पर लोकां बिच मेल मिलाप करणा आया है? मैं बोलदा है, नी मैं लग

करण आया है। 52 क्योंकि अगर कुसी इकी घरे दे पंज जणे न, तां उना अपु चे बख रेणा है, तिन्ना जाणया जड़े मिंजो पर भरोसा नी करदे उना दों जणयां दा बिरोध करणा जड़े मिंजो पर भरोसा करदे न। 53 पिता पुत्रे ने, कने पुत्रे पिता ने बेर रखणा; माता कुड़िया ने, कने कुड़िया माता ने, ससु नुआ ने, कने नुआ ससु ने बैर रखणा है। §

¶¶¶¶ ¶¶ ¶¶¶¶
(¶¶¶¶¶¶ 16:2-3)

54 कने यीशुऐ भिड़ा ने भी बोलया, जालू तुसां बदलां जो पश्चिम ला उठदे दिखदे न, तां झट बोलदे न, की बरखा होणी है, कने इयां ही होंदा है। 55 कने जालू दक्षिणी होआ चलदी दिखदे न तां बोलदे की लू चलणी, कने इयां ही होंदा है। 56 हे कपटियों, तुसां धरती कने अम्बरे दे रूपे च भेद करी सकदे न, पर इस युगे च परमेश्वर क्या करा दा है, उदे बारे च भेद कजो नी जाणदे न।

¶¶¶¶¶ ¶¶¶¶¶¶¶¶ ¶¶ ¶¶¶¶¶¶¶
(¶¶¶¶¶¶ 5:25-26)

57 तुसां जो अपु ही फेसला करणा चाईदा की तुहाड़े ताईं क्या ठीक है? 58 जालू तू अपने मुद्दई सोगी न्याय करणे बाले बाल चलया है, तां रस्ते च ही उसला छुटणे दी कोसिस करी ले इयां ना हो, की सै तिजो जजे बाल लेई जाऐ, कने जज सिपाई बाल देई दे कने सिपाई तिजो जेला च पाई दे। 59 मैं तुहांजो बोलदा है, कि जालू दीकर तू दमड़ी-दमड़ी नी देई दिंगा तालू दीकर ओथु ला नी छुटी सकणा है।

13

¶¶ ¶¶¶¶¶ ¶¶ ¶¶¶¶¶ ¶¶¶¶

1 उस बेले कुछ लोक आई रे, कने उना यीशुऐ ने बोलया, की रोमी राज्यपाल पिलातुसे गलील प्रदेशे दे थोड़े लोकां दी हत्या करी दितियो थी, जालू से मंदिर च बलि चढ़ा दे थे। 2 ऐ सुणी करी यीशुऐ उना जो जबाब च ऐ बोलया, “क्या तुसां ऐ समझदे न, की ऐ गलील प्रदेशे दे लोक, बाकी सारयां गलीली लोकां ला जादा पापी थे की उना पर ऐ मुश्किल पेई?” 3 मैं तुसां ने बोलदा, की नी थे; पर अगर तुसां भी अपने पापां जो नी मनगे कने मन नी बदलगे तां तुसां भी इयां ही खत्म होणा है। 4 या क्या तुसां समजदे न, की उना ठारा जणयां दे बारे च तुहाड़ा क्या बोलणा है जालू उना पर शीलोह दा गुम्मट पिया, कने सै दबुई करी मरी गो: क्या सै यरूशलेम शहरे दे होर सारे रेणे बालयां ला जादा पापी थे? 5 “मैं तुसां ने

बोलदा है, की नी थे; पर अगर तुसां मन नी बदलया तां तुसां भी इना सांई ही खत्म होणा ।”

¶¶¶¶ ¶¶ ¶¶ ¶¶¶¶¶¶ ¶¶ ¶¶¶¶¶¶ ¶¶ ¶¶¶¶¶¶

6 फिरी उनी ऐ कहाणी भी सुणाई, की कुसकी अंगूरा दे बागे च इक अंजीरे दा रुख लगया था: सै उदे च फल तोपणा हर साल आया, पर नी मिल्ले । * 7 तालू उनी बागे दे रखबाले जो बोलया, दिख मैं तिन्ना सालां ला इस अंजीरे दे रुखे च फल तोपणा ओंदा है, पर मिलदे नी न, इसयो बडी दे क्योंकि ये खरिया जमिना जो खराब करा दा है । 8 “उनी उसयो जबाब दिता, की हे मालिक इसयो इस साल तां रेंणी दे; की मैं इदे चारो पासे खूणी करी खाद पां । 9 अगली बरी अगर ऐ फलगा तां ठीक नितां इसयो बडी दियां ।” †

¶¶¶¶ ¶¶ ¶¶¶¶ ¶¶¶¶¶¶¶¶ ¶¶¶¶¶¶¶¶ ¶¶ ¶¶¶¶

10 सब्ते दे रोजे यीशु इकी यहूदी जंज घर च उपदेश दे दा था । 11 कने ओथु इक जनानी थी, जिसा जो ठारां सालां ला इक बुरी आत्मा बिकलांग करी रखया था, कने सै बडी जादा कुबड़ी होई गियो थी, कने कुसी भी तरीके ने सिदी नी होई सकदी थी । 12 यीशुऐ उसा जो दिखीकरी सदया, कने बोलया, “हे नारी, तू इसा अपणिया बिमारिया ला छुटी गेई ।” 13 तालू उनी उसा पर हथ रखे, कने सै झट सीधी होई गेई, कने परमेश्वरे दी बड़ाई करणा लगगी । 14 इस तांई की यीशुऐ उसा जो सब्ते दे रोजे ठीक किता था, यहूदी जंज घरे दा सरदार लोकां ने बोलणा लगगा, “इक हफ्ते च छे रोज न, जिना च असां कम्म करी सकदे न, इना रोजा च आई करी ठीक होआ; पर सब्ते दे रोजे नी ।” ‡ 15 ऐ सुणिकरी प्रभु यीशु जबाब दिता, “हे कपटियों, क्या सब्ते दे रोजे तुसां सारे जणे अपणे दांदा या गधे जो बेकां ला खोलिकरी पाणी पिणा नी लेई जादे?” 16 ऐ जनानी जड़ी अब्राहमे दे बंशज है, जिसयो शैताने ठारां सालां ला बन्नी रखया था, क्या ठीक नी था की सब्ते दे रोजे अपणे बंधने ला छुडाई जादी? 17 जालू उनी ऐ गल्लां बोलियां, तां उदे सारे बिरोधी शरमिंदा होई गे, कने सारी भीड़ उना महान कम्मा ने जड़े सै करदा था, खुश होई ।

¶¶¶¶ ¶¶ ¶¶¶¶¶¶ ¶¶¶¶ ¶¶¶¶ ¶¶ ¶¶¶¶¶¶

(¶¶¶¶¶¶ 13:31,32; ¶¶¶¶¶¶ 4:30-32)

18 फिरी यीशुऐ बोलया, “परमेश्वरे दा राज्य कुसदे सांई है? कने मैं उदी तुलना केसने करे?” 19 “सै राईया दे इकी दाणे सांई है, जिसयो इकी माणुऐ लेईकरी अपणिया जमिना च राया है: कने सै बड़ोईकरी रुख बणी गिया;

कने अम्बरे दे पंछियां उदियां डालियाँ पर अपणे घोंसले बणाऐ ।” §

¶¶¶¶¶¶ ¶¶ ¶¶¶¶¶¶

(¶¶¶¶¶¶ 13:33)

20 उनी फिरी बोलया, मैं परमेश्वरे दे राज्य दी तुलना केसने करे? 21 “सै खमिरे सांई है, जिसयो इकी जनानिया लेईकरी बडे सारे आटे च पाया, कने होंदे-होंदे सारा अटा खमीर बणी गिया ।”

¶¶¶¶¶¶¶¶ ¶¶¶¶¶¶¶¶

(¶¶¶¶¶¶ 7:13,14,21-23)

22 सै शेहर-शेहर, कने अपणे चेलयां सोगी ग्रां-ग्रां होईकरी उपदेश दिन्दा होया यरूशलेम शेहर दे पासे जा दा था । 23 कने कुनकी यीशुऐ पुछया, “प्रभु जी, क्या परमेश्वरे कुछ लोकां जो ही अनन्तकाल दी सजा ला बचाणा है?” उनी उना जो बोलया, 24 परमेश्वरे दे राज्य च जाणे दी कोशिश करा, क्योंकि परमेश्वरे दे राज्य च अंदर जाणा सुंगड़े दरबाजे ला अंदर जाणे सांई है, क्योंकि मैं तुसां ने बोलदा है, की मतयाँ अंदर जाणे दी कोशिश करणी है, पर जाई नी सकणा है । 25 जालू परमेश्वर जड़ा घरे दा मालिक है उठी करी दरबाजा बंद करी बैठया हो, कने तुसां बाहर खड़ोई करी दरबाजा खट खटाई करी कने बिनती करी बोलन, प्रभु जी, साड़े तांई खोली दे, कने सै जबाब दे की मैं तुहाजो नी जाणदा, तुसां कुथु ला आयो न? 26 “तालू तुसां बोलणा लगणा, की असां तेरे सामणे खादा पीता कने तू साड़े बजारां च उपदेश दिता ।” 27 पर परमेश्वरे बोलणा, मैं तुसां ने बोलदा है, मैं नी जाणदा तुसां कुथु ला न । हे बुरे कम्म करणे बालयां, तुसां सारे मिंजो ला दूर होई जा ।* 28 ओथु रोणा कने दंद पीणे: जालू तुसां पूर्वज अब्राहम कने इसहाक कने याकूब कने सारे परमेश्वरे दे संदेश देणेबालयां जो परमेश्वरे दे राज्य च बैठया कने अपणे आपे जो बाहर कडया दिखणा । 29 तालू पुरे संसारे ला लोक आई करी परमेश्वरे दे राज्य दिया दावता च हिस्सेदार हांगे । † 30 “कने दिखा, जड़े पिछले न, उना पेहले होई जाणा, कने जड़े पेहले न, उना पिछले होणा ।”

¶¶¶¶¶¶¶¶ ¶¶ ¶¶¶¶¶¶¶¶

(¶¶¶¶¶¶ 23:37-39)

31 उसा घड़िया कितणे ही फरीसियां आई करी उसयो बोलया, ऐथू ला निकली करी चली जा; क्योंकि राजा हेरोदेस तिजो मारी देणा चांदा है । 32 उनी उना ने बोलया, जाई करी उस माणुऐ जो बोली दिया जड़ा लोमड़ियां सांई चलाक है, की दिख मैं अज कने कल

* 13:6 13:6 (मत्ती 21:19, 20, मर. 11:12-14) † 13:9 13:9 अंजीर दे रुख इस्राएल के लोका जो दसदा है ‡ 13:14 13:14 (निर्ग. 20:9, 10, व्य. 5:13, 14) § 13:19 13:19 (मत्ती 13:31, 32, यहे. 31:6, दानि. 4:21) * 13:27 13:27 (भज. 6:8) † 13:29 13:29 (यशा. 66:18, प्रका. 7:9, भज. 107:3, मला. 1:11)

सारी बुरी आत्मा जो कडदा कने बिमारां जो ठीक करदा है कने तिजे रोजे अपणा कम्म पूरा करणा है।
33 तमी मिंजो अज कने कल कने परसु सफर करणा जरूरी है, क्योंकि इक परमेश्वरे दा संदेश देणेबाला सिर्फ यरूशलेम शेहरे च ही मारया जाणा है।

ॐॐॐॐॐॐ ॐॐॐॐ ॐॐॐॐॐॐ
(ॐॐॐॐॐ 23:37-39)

34 “हे यरूशलेम शेहर दे लोको! तुसां इना परमेश्वरे दा संदेश देणेबालयां जो मारी दिता है, जड़े पेहले रेंदे थे कने उना लोकां जो पथरां ने मारदे न जिना जो तुहाड़े बाल भेजया; कितणी ही बरी मैं ऐ चाया, की जियां मुर्गी अपणयां बचयां जो अपणे फंगा थले गिटे करदी है, तियां ही मैं भी तेरे बचयां दी रखबाली करे, पर तू ऐ नी चाया।”
35 “दिखा, तुहाड़ा मंदिर तुहाड़े ताई उजाड़ी छडया है, कने मैं तुसां ने बोलदा है; जालू दीकर तुसां नी बोलगे, की धन्य है सै, जड़ा परभु दे नाएँ ने ओंदा है, तालू दीकर तुसां मिंजो कदी नी दिखणा है।”

14

ॐॐॐॐॐ ॐॐ ॐॐॐ ॐॐॐॐॐ

1 फिरी यीशु सब्ते दे रोजे फरीसियां दे सरदारां चे कुसकी दे घरे रोटी खाणां खाणे ताई गया: कने सै यीशु जो ढंगे ने ताका दे थे की कोई गलती तोपी सकन।
2 ओथु इक माणु था, जिसदे हथ कने पैर सूजी गियो थे।
3 इसा गल्ला पर यीशुए व्यवस्था जो सिखाणे बालयां कने फरीसियों ने बोलया, “क्या सब्ते दे रोजे लोकां जो ठीक करणे दी अनुमति व्यवस्था च है, की नी है?”
4 पर सै चुपचाप ही रे। तालू यीशुए उस पर हथ रखीकरी ठीक किता, कने जाणा दिता।
5 कने उना जो बोलया, “मन्नी लिया कि तुसां चे कुसकी दा जागत या दांद सब्ते दे रोजे खुए च पेई जा कने उसयो उस रोजे झट बाहर ना कडे?”
6 सै इना गल्लां दा कोई भी जबाब नी देई सके।

ॐॐॐॐॐॐ ॐॐ ॐॐॐ ॐॐॐॐॐॐॐॐ ॐॐ ॐॐॐ

7 तालू उनी दिखया, की सदयो लोक कियां सै जगा चुणी लेंदे जिथू सबते खास लोक बोंदे न, तां यीशुए उना जो इक कहाणी सुणाई करी उना ने बोलया,
8 जालू कोई तिजो बियाये दिया धामा च सदगा, तां तुसां उना खास आसना च मत बोंदा, कुथकी इयां ना हो की उनी तिजो ला भी बड़े खास बंदे जो न्युंदर दितियो हो।
9 कने जिनी तिजो कने उसयो दोनो जो न्युंदर दितियो है, सै आई करी तिजो ने बोले, की इसयो जगा दे, तालू तिजो शरमिंदा होईकरी सारयां ला पिच्छे बालिया जगा च बोणा पोए।
10 पर जालू तिजो सदगे, तां सारयां ला पिच्छे बालिया

जगा जाई करी बेई जा, की जालू सै, जिनी तिजो सदया हे सै ओए, कने तिजो ने बोले की हे मित्तर, अगगे जाई करी खास बाली जगा च बैठ; तालू तेरे सोगी बोंणे बालयां दे सामणे तेरी बड़ाई होणी।*
11 “क्योंकि जड़ा कोई अपणे आपे जो बडा महान बणांगा, उसयो छोटा किता जाणा; कने जड़ा कोई अपणे आपे जो छोटा बणांगा, सै सबते महान कितया जाणा।”

12 तालू यीशुए अपणे न्युंदर देणेबाले फरीसियो जो भी बोलया, “जालू तू दिने दा या राती दा खाणां खांगा, तां अपणे दोस्तां या भाईयां या रिश्तेदारां या अमीर पड़ोसियां जो मत सददा, की इयां ना हो, की सै भी तिजो सदन, कने जड़ा तू खाणा खुआया उदा बदला होई जाऐ।”
13 “पर जालू तू रोटी खाऐ, तां गरीबां जो, लंगडयां जो कने अन्नयां जो सदी लियां।
14 तालू तू धन्य होणा, क्योंकि उना बाल तिजो देंगे ताई कुछ नी है, पर जालू धर्मी लोकां दे फिरी जिन्दा होई जाणा तालू परमेश्वरे तुहांजो इदा इनाम देणा।”

ॐॐॐॐॐ ॐॐॐॐ ॐॐ ॐॐॐॐॐॐॐॐ
(ॐॐॐॐॐ 22:1-10)

15 उदे सोगी रोटी खाणे बालयां चे इकी ऐ गल्लां सुणिकरी उसयो बोलया, “धन्य है सै, जड़ा परमेश्वरे दे राज्य दिया धाम च शामिल होगा।”
16 उनी उसयो बोलया, कुनकी माणुए बड़ी बडी धाम दिती कने मतयां जो सदया।
17 जालू खाणां तैयार होई गया, तां उनी अपणे नोकरे जो भेजया कि जिना जो नियुंदर दितियो उना लोकां जो बोली ओआ, की ओआ, खाणां तैयार है।
18 पर सै सारे दे सारे माफी मंगणा लगगे, पेहले माणुए उसला बोलया, मैं खेतर खरीदया है कने जरूरी है की मैं उसयो दिखें; मैं तिजो ने बिनती करदा है, की मिंजो माफ करी दे।
19 दूए माणुए बोलया, मैं पंज जोड़ी दांद खरिदयो न, कने उना जो परखणा जाणा है; मैं तिजो ने बिनती करदा है की मिंजो माफ करी दे।
20 इकी होरनी बोलया, की मैं बियाह कितया है, इस ताई मैं नी आई सकदा है।
21 उनी सेवके आई करी अपणे मालिके ने ऐ गल्ल सुणाई। तालू घरे दे मालिके गुस्से च आई करी बोलया, शेहरे दे बजारां कने गलियां च जाई करी झट कंगालां, टुंडे, लंगडयां कने अन्नयां जो ऐथू लेई ओआ।
22 सेवके फिरी बोलया, हे मालिक, जियां तू बोलया था, तियां ही कितया है; फिरी भी जगा है।
23 “मालिके सेवके ने बोलया, सडकां कने बागां च जाई करी लोकां जो मजबूर करी के लेई आऐ ताकि मेरा घर भरूई जा।
24 क्योंकि मैं तुसां ने बोलदा है, की पेहले सदयो होए लोकां चे कोई भी मेरिया रोटिया जो नी चखगा।”

* 14:10 14:10 (नीति. 25:6, 7)

११११ ११११ ११ ११११
(१११११ 10:37-38)

25 कने जालू मती भीड़ यीशुए सोगी चलियो थी, तां उनी पिच्छे मुड़ी करी उसला बोलया। 26 “जड़े लोक मेरे बाल ओंदे न, सै तालू दीकर मेरे चेले नी बणी सकदे, जालू दिकर अपने माता-पिता कने घरे बाली कने बच्चे कने भाई बेंहण कने अपने आपे ला जादा प्यारा मिंजो ने नी करदे।”† 27 जड़ा मेरिया बजा ला दुख सेहन कने मरणे तांई तैयार नही है, सै भी मेरा चेला बणने दे लायक नही है।

28 “अगर तुसां चे कोई इक बड़ा बड़डा घर बणाणा चांदा हो, तां उनी सबते पेहले बेईकरी इसा गल्ला दा हिसाब लाणा की इसयो बणाणे च कितणा खर्चा ओणा, कने दिखणा की इसयो पूरा करणे तांई पूरा पैसा है की नी।” 29 अगर उनी इयां नी किता, तां उनी जालू नियां पाई करी घरे जो पूरा तैयार नी करी सकणा, तां सारे दिखणे बाले ऐ बोलिकरी उदा मजाक उड़ाणा, 30 की इनी माणुए घर बणाणा तां शुरू किता, पर पूरा बणाई नी सकया?

31 “अगर इक राजा दस हजार माणुआं जो लेईकरी दुए राजे ने लड़ना चलया हो, जड़ा बी हजार माणुआं जो लेईकरी उस पर हमला करणा ओआ दा हो, तां सबते पेहले बेईकरी इसा गल्ला पर बिचार करे की जड़ा बी हजार लेईकरी मिंजो ने लड़ना ओआ दा है, क्या मैं उदा सामणा करी सकदा है की नी?” 32 नितां उदे दूर रेंदे ही, उसला संधी करणे दे बारे च गल्ल बात करणे तांई सै दूतां जो भेजे। 33 इयां ही तुसां चे जड़ा कोई अपना सब कुछ छुड़ी दे, सै ही मेरा चेला होई सकदा है।

११११११११ ११११
(१११११ 5:13; १११११ 9:50)

34 लूण तां खरा होंदा है, पर अगर उदा स्वाद बिगड़ी जा, तां उदा स्वाद कियां नमकीन करणा? 35 “सै तां ना जमिना दे ना तां खादी दे कम्मे ओंदा है: उसयो तां लोक बाहर फेंकी दिन्दे न। जिस बाल सुणने तांई कन्न न सै ध्यान लाईकरी गल्ला जो सुणे, कने इसा गल्ला जो समझी ले।”

15

११११११११ ११११११ ११ ११११११
(१११११ 18:12-14)

1 सारे कर लेणेबाले कने पापी लोक यीशु बाल ओंदे थे ताकि उदी सुणन। 2 कने फरीसी कने व्यवस्था जो सिखाणे बाले बोलणा लगगे, “ऐ तां पापी लोकां ने मिलदा है कने उना सोगी खाणा खांदा है।” 3 तालू उनी

उना जो ऐ कहाणी सुणाई; 4 “अगर तुसां चे कुसी बाल सो भेडां होन, कने उना चे इक गबाची जाये तां सै उना नड़िनुए भेडां जो सुनसान जगा च छुड़ी करी, उसा गवाचिया जो तालू दीकर तोपे जालू दीकर सै मिल्ली न जा।”* 5 कने जालू मिली जांदी है, तां सै बड़िया खुशिया ने उसा जो मुंडे पर चुकी लेंदा है। 6 कने अपने घरे आई करी दोस्तां कने पड़ोसियां जो गिठे करी के बोलदा है, मेरे सोगी खुशी मना क्योंकि मेरी गवाचियो भेड मिली गई है। 7 मैं तुसां ने बोलदा है; की इयां ही इक मन बदलने बाले पापिये दे बारे च स्वर्गे च इतणी ही खुशी होणी, जितनी की उना नड़िनुए धर्मियां दे बारे च नी होंदी जड़े सोचदे न की सै धर्मी न, कने जिना जो पश्चाताप दी जरूरत नी है।

११११११११ १११११११ ११ ११११११११

8 तालू यीशुए इक होर कहाणी सुणाई अगर कुसी जनानिया बाल दस चांदी दे सिक्के होन, कने उना चे इक सिक्का गबाची जाऐ; तां सै दिव्या वाली करी कने पूरे घरे च बोंखरिया ने सोतया, तालू दीकर सै ध्यान लगाई करी तोपदी रेई जालू दीकर तोपी ना ले। 9 कने जालू मिली जांदा है, तां सै अपणियां सेलियां कने पड़ोसियां जो गठेरी करी बोलदी है, की ओआ मरे सोगी खुशी मना क्योंकि मेरा गबाचया सिक्का मिली गया है। 10 “मैं तिजो ने बोलदा है; की इयां ही इक पापी माणु जालू अपने पापां जो मन्नी लेदां है, तां परमेश्वरे दे स्वर्गदूत उस पापी तांई खुशी मनादे न।”

११११११ ११११११११ ११ ११११११

11 फिरी उनी इक होर कहाणी सुणाई, इकी माणुए दे दो पुत्र थे। 12 उना चे छोटो जागते पिता ने बोलया, पिता जी, की जड़ा हिसा मेरा जमीन जयादात च है, सै हुण मिंजो देई दिया। कने पिता उना जो अपनी सारी जमीन जयादाद दोनो जागतां बिच बंडी दिती। 13 “कने कुछ दिना बाद की छोटा पुत्र सारा कुछ गठेरी करी दूर कुसी देशे जो चली गया कने ओथु बुरे कम्मा कने खाणे पिणे च अपनी सारी धन दौलत उड़ाई दिती।”† 14 जालू सै सारा कुछ खर्ची बैठा, कने उसी देशे बड़ा बड़ा अकाल पेई गया, कने उस बाल खाणे पीणे जो कुछ नी बचया। 15 कने सै उसी देशे दे रेहणे बाले इक माणुए दे घरे कम्म करणे तांई गया। उनी उसयो अपने खेतों च सूअरां जो चुगाणे तांई भेजया। 16 कने सै इतणा भूखा था, की सै उना फलियां जो खाणे ने इतणा खुश था जिना जो सूअर खांदे थे, क्योंकि उसयो कोई कुछ नी दिन्दा दा खाणे जो। 17 जालू उसयो समझ आई तां सोचना लगगा

† 14:26 14:26 (मत्ती 10:37, यूह. 12:25, व्य. 33:9) * 15:4 15:4 (यहे. 34:11, 12, 16) † 15:13 15:13 (नीति. 29:3)

कने बोलणा लगगा, की मेरे पिता दे कितणे ही मजदुरां जो खाणे ला जादा रोटी मिलदी है, पर मैं ऐथू भूखा मरा दा। 18 मैं हुण उठी करी री अपणे पिता बाल जाणा है कने बोलणा की पिता जी मैं परमेश्वर दे खिलाफ च कने तेरिया नजरा च पाप कितया है। † 19 हुण इसी जोगा नी है की तेरा पुत्र बणे, मिंजो अपणे इकी मजदूरे सांई ही रखी ले।

20 तालू उनी उस देशे जो छडी दिता कने अपणे पिता बाल जाणे तांई बापस चली पिया, सै अजे दूर ही था, की उदे पिता जो उसयो दिखीकरी तरस आई गया, कने उस पासे दोड़ी करी उसयो गल्ले लाई लिया, कने बड़े चूमे ले। 21 पुत्रे उसला बोलया, पिता जी, मैं परमेश्वरे दे खिलाफ च कने तेरिया नजरा च पाप कितया है; कने मैं हुण तेरा पुत्र होणे जोगा नी रिया है। 22 पर पिता अपणे नोकरां ने बोलया, झट छेल दे कपड़े कडी करी इसयो पेहना, कने इदिया उंगलियां च गुन्टिया कने पैरां च जूतियां पेहना, 23 कने इक बड़ी बडी धाम तैयार करा ताकि असां खाई करी खुशी मनान। 24 क्योंकि मैं सोचया था की मेरा ऐ पुत्र मरी गया है, पर ऐ मरया नी है: गवाची गया था, पर हुण मिली गया है। कने सै खुशी मनाणा लगगे।

25 जालू ऐ सब होआ दा था पर उदा जेठा पुत्र खेतारां च कम्म करा दा था। कने सै जालू घरे बखे पुज्जा, तां उनी गाणे-बजाणे कने नचणे दा रोल्ला सुणया। 26 कने उनी इकी नोकरे जो सदीकरी पुछया, ऐ क्या होआ दा है? 27 उनी उसला बोलया, तेरा भाई घर बापिस आया है, कने तेरे पिता बड्डी धाम तैयार कितयो है, क्योंकि सै भला चंगा घर बापिस आया है। 28 ऐ सुणिकरी उसयो बड़ा गुस्सा आई गया कने सै घरे अंदर नी जादा था, इस तांई उदा पिता बाहर आई करी उसयो अंदर चलणे तांई मनाणा लगगा। 29 उनी पिता जो जबाब दिता, की दिख; की मैं इतणे सालां ला तेरी सेवा करा दा है, कने कदी तेरी गल्ल नी टाल्ली, तमी तू मिंजो अजे दीकर कदी तू मिंजो कुछ खरा नी दिता, की मैं अपणे दोस्तां सोगी खुशी मनां। 30 पर जालू तेरा ऐ पुत्र आया, जिनी तेरी सारी धन दौलत कन्जरियां पिच्छे उड़ाई करी आया है, तां तू इदे तांई बडी धाम लगायी। 31 “उनी उसला बोलया, मेरा पुत्र तू हेमेशा मेरे सोगी है; कने जड़ा कुछ मेरा है सै सब कुछ तेरा ही है। 32 पर हुण तिजो खुशी मनाणी कने मगन होणा चाईदा क्योंकि तेरा ऐ भाई मरी गया था पर ऐ मरया नी है: गवाची गया था, पर हुण मिली गया है।”

† 15:18 15:18 (भज. 51:4)

16

????? ?????????

1 फिरी उनी चेलयां जो भी कहाणी सुणाई, कुसकी इक अमीर बन्दे दा इक भंडारी था, कने लोकां उदे सामणे उस पर इलजाम लगाया की ऐ तेरिया धन दौलत जो उड़ाई दिन्दा है। 2 कने उनी अमीर बंदे अपणे भंडारी जो सदीकरी बोलया, ऐ क्या है जड़ा मैं तेरे बारे च मैं क्या सुणादा है? तू मेरे पैसयां दा क्या कितया है सारा हिसाब दे; क्योंकि तू अजे बाद भंडारी नी है। 3 “तालू भंडारी सोचणा लगगा, की हुण मैं क्या करे? क्योंकि मेरा मालिक मिंजो भंडारी दे कम्मे ला कडा दा है: कोई मेहनत बाला कम्म तां मिंजो ला होंदा नी, कने भीख मंगणे ने मिंजो शर्म ओदी है।” 4 मिंजो पता है की क्या करणा ताकि जालू मिंजो भंडारिये दे कम्मे ला कडया जांगा तां लोक मेरी मदद करन। 5 कने उनी अपणे मालिके दे देणदारां जो इक-इक करी के सदया कने पेहले ला पुछया, की तिजो पर मेरे मालिके दा कितणा कर्ज है? 6 उनी बोलया, 3,700 लिटर तेल, तालू उनी उसला बोलया, की अपणी खाता बही ले कने बेईकरी झट 1,850 लिटर तेल लिखी दे। 7 फिरी दुज्जे ला पुछया, तिजो पर कितणा कर्ज है? उनी उसला बोलया, 20,000 किलो कणक, तालू उनी उसयो बोलया, अपना बही खाता ले कने 16,000 किलो कणक लिखी दे। 8 मालिके उस अधर्मी भंडारी दी तारीफ किती, की उनी चलाकिया ने कम्म कितया है; क्योंकि इसा दुनिया दे लोक अपणे बकते दे लोकां सोगी व्यवहार करणे च ज्योति दे लोकां ला जादा चलाक न।

9 कने मैं तुसां ने बोलदा है, की संसारिक पेसे ने अपणे तांई मित्तर बणाई लिया; ताकि जालू ऐ पैसा नी रेंगा तां अनन्तकाल दे घरे च तुहांजो रेहणे तांई जगा दे। 10 जड़ा छोटिया-छोटिया गल्लां च भरोसे दे लायक है, सै बडियां गल्लां च भी भरोसे दे लायक है: छोटिया-छोटिया गल्लां च भरोसे दे लायक नी है, सै बडियां गल्लां च भी भरोसे दे लायक नी है। 11 इस तांई जालू तुसां संसारिक पेसे च भरोसे दे लायक नी, तां तुहांजो स्वर्गे दा धन कुनी देणा? 12 अगर तुसां होरसी दे पैसे च भरोसे दे लायक बणी रे, तां जड़ा तुहाड़ा है, उसयो तुहांजो कुण दिंगा?

13 “कोई सेवक दो मालिकां दी सेवा नी करी सकदा: क्योंकि उनी इकी ने बेर कने इकी ने प्यार रखणा; या इकी ने मिली की रेंणा कने दुज्जे जो बुरा समझणा: तुसां परमेश्वर कने धन दौलत दोनो दी सेवा नी करी सकदे।”

????? ?? ???? ???????
(?????? 11:12-13)

जड़ा तुसां जो करणे ताई बोलया था, तां तुसां जो ऐ बोलणा चाईदा, असां निकम्मे सेवक न; की जड़ा सांझो करणा चाईदा था सेई असां कितया है।”

११ जालू यीशु कने उदे चेले यरूशलेम शेहरे जाणे

बाले रस्ते पर चलयो थे, सै सामरियां कने गलील प्रदेश ला होईकरी जा दे थे। 12 कने कुसकी ग्रांऐ ला जांदे बेले उसयो दस कोढी मिल्ले। * 13 कने उना दुरे ला ही खडोई करी, “जोरे ने बोलया, यीशु जी, मालिक जी, सांझो पर दया कर।” 14 यीशुऐ उना जो दिखीकरी बोलया, “यरूशलेम दे मंदिर च जाओ; कने अपणे आपे जो याजकां जो दस्सा कि तुसां खरे होई गियो न” कने सै जांदे-जांदे ही ठीक होई गे। 15 तालू उना चे इकी ऐ दिखया की मैं ठीक होई गिया है, सै जोरे ने बोली करी परमेश्वरे दी बड़ाई करदा यीशुऐ बाल बापस आया; 16 कने यीशुऐ दे पैरां पर झुकी करी धन्यावाद करणा लगगा; कने सै सामरी था। 17 इसा गल्ला पर यीशुऐ बोलया, क्या सै दसो जणे ठीक नी होऐ, तां सै होर नौ जणे कतां न? 18 “क्या इस गैर यहूदी जो छडी करी कोई होर नी निकलया, जड़ा परमेश्वरे दी बड़ाई करदा है?” 19 तालू यीशुऐ उसला बोलया, “उठी करी चली जा; क्योंकि तू भरोसा कितया है की तु ठीक होई गिया है।”

२० जालू फरीसियां उसयो पुछया, की परमेश्वरे दा राज्य कालू ओणा है? तां यीशुऐ उना जो जबाब दिता,

“परमेश्वरे दा राज्य इयोदिया नी है, जिसयो तुसां दिखी सकदे न। 21 कने लोकां ऐ नी बोलणा, की दिखा, ऐथू है, या ओथु है। क्योंकि दिखा, परमेश्वरे दा राज्य तुहाड़े बिच है।”

22 कने यीशुऐ चेलयां ने बोलया, सै दिन ओणे न, जिना च तुसां माणुऐ दे पुत्रे दे रोजां चे इकी रोजे जो दिखणा चाणा है, पर नी दिखी सकणा है। 23 लोकां तुसां ने बोलणा, दिखा मसीह ओथु है! या दिखा ऐथू है! पर तुसां चली मत जांदे कने पिच्छे ही मत होई जांदे। 24 क्योंकि जियां बिजली अम्बरे दे इकी छोरे ला दुए छोरे दीकर चमकदी है, तियां ही मैं माणुऐ दे पुत्रे भी अपणे रोजे च सामणे ओणा है। 25 पर पेहले बड़ा जरूरी है, की सै बड़े जादा दुख झेले, कने उसयो इसा पीढी दे लोक निच बोलन।

* 17:12 17:12 (लैव्य. 13:46) † 17:26 17:26 (इब्र. 4:7, मत्ती 24:37-39, उत्प. 6:5-12) ‡ 17:29 17:29 (2 पत्त. 2:6, यहू. 1:7, उत्प. 19:24) § 17:32 17:32 (उत्प. 19:26, उत्प. 19:17) * 17:37 17:37 (अय्यू. 39:30)

26 जियां साड़े पूर्वज नूह दे रोजां च होया था, तियां ही माणुऐ दे पुत्रे दे रोजां च होणा है। † 27 जिस रोजे दीकर नूह जहाजे पर नी चढ़या, उस दिने दीकर लोक खांदे पिंदे थे, कने उना च बियाह शादियां होंदिया थियां; तालू जल-प्रलय आई कने सब कुछ खत्म करी दिता। 28 कने तियां रिती ला ही साड़े पूर्वज लूत दे रोजां च होया था जड़ा सदोम शेहरे च रे दा था, की लोक खांदे-पिंदे कने लेण देण करदे, कने पेड़ लागांदे कने घर बणांदे थे; 29 पर जिस रोजे लूत सदोमे ला निकलया, उस रोजे अम्बरे ला अगग गन्धक बरसी कने सारे लोकां जो जड़े शेहर च रेंदे थे खत्म करी दिता। ‡ 30 कने सै रोज भी इयोदिया होणा, जालू मैं माणुऐ दे पुत्रे इयां ही इकदम दोबारा बापिस ओणा है।

31 उस रोजे जड़ा छती पर होंगा, कने उदा समान घरे हो, तां सै उसयो लेणे ताई थले ना उतरे, कने तियां ही जड़ा खेतरे जो गिया हो सै बापस नी ओऐ। 32 साड़े पूर्वज लूत दी घरे आली जो याद रखा, की उसा कने क्या होया था। § 33 जड़ा कोई अपणे प्राणा जो बचाणा चांहगा, उनी परमेश्वरे सोगी आत्मिक जिन्दगी जिणे दा मोका खोई देणा है। जड़ा कोई मेरे ताई अपणी जान गबांगा उसयो परमेश्वरे सोगी सदा ताई दी जिन्दगी मिलणी।

34 मैं तुसां ने बोलदा है, उसा राती दो माणु इकी मंझे पर होणे, पर इक लेई जाणा कने दुज्जे जो छडी देणा है। 35 “दो जनानिया सोगी चक्की पियां दियां होणियां, इक लेई जाणी कने दुई छडी देणी। 36 (दो जणे खेतरे च होणे न, इक लेई जाणा कने दूजा छडी देणा।)” 37 ऐ सुणीकरी उना उसला पुछया, हे प्रभु ऐ कुथु होणा है? उनी उना ने बोलया, हर कोई जाणदा है ऐ कुथु होणा है तियां सारे जाणदे न जिथू लाश है, ओथु इल्लां गिठियां होंदियां न। *

18

१ फिरी यीशुऐ अपणे चेलयां जो इदे बारे बोलया

की रोज प्राथना करणा कने कदी हिम्मत नी छडणी चाईदी, इस ताई उना ने ऐ कहाणी सुणाई: 2 “कुसकी शेहरे च इक न्यायधीश रेंदा था; सै ना परमेश्वरे ला डरदा था ना कुसी माणुऐ दी परवाह करदा था।” 3 कने उसी शेहरे च इक बिधवा भी रेंदी थी: जड़ी उदे बाल आई करी बोलदी थी, की मेरा न्याय करी के मिंजो दुशमणे ला बचाई ले। 4 कने बड़े दिना दीकर तां मनया नी पर आखरी च मने च सोची करी बोलया, मैं ना परमेश्वरे ला

डरदा, कने ना आदमियां दी परवाह करदा है; 5 तमी ऐ बिधवा मिंजो तंग करदी रेंदी है, इस ताई मैं इसा दा न्याय करणा है, कुथी इयां ना हो की बार-बार आई करी आखरी च मिंजो बुरी तरह थकाई दे।

6 प्रभु ने बोलया, सुणा, की इनी अधर्मी न्यायधीशे क्या बोलया है, उस बारे च ध्याने ने सोचा। 7 क्या परमेश्वर अपने चुणयो लोकां दा न्याय नी करणा, जड़े रात-दिन उदे सामणे रोंदे न; परमेश्वरे उना दी मदद करणे च देर नी करणी है? 8 “मैं तुसां ने बोलदा है; उनी झट उना दा न्याय करणा; तमी जालू मैं, माणुऐ दे पुत्रे बापस धरती ओणा, तां मिंजो हेरानी होंदी है की क्या मिंजो धरतिया पर ऐसा माणु मिलगा जड़ा मिंजो पर भरोसा करदा हो।”

9 कने यीशुऐ उना लोकां ने जड़े अपने बारे च सोचदे न, की असां धर्मी न, कने दुजयां जो निच बोलदे थे, ऐ कहाणी सुणाई 10 “दो माणु मंदरे च प्राथना करणा गे; इक फरीसी था कने दूजा कर लेणे बाला था। 11 फरीसी खड़ोई करी अपने मने च इयां प्राथना करणा लगगा, की हे परमेश्वर, मैं तेरा धन्यवाद करदा है, की मैं होरनी माणुऐ साई बुरा करणे बाला, अन्यायी कने व्यभिचारी नी है, कने ना ही इस कर लेणेबाले साई है। 12 मैं हफते च दो बरी बरत रखदा है; मैं अपणिया कमाईया दा दसमां हिंसा भी तुसां जो दिन्दा है।

13 पर कर लेणेबाले दुर खड़ोई करी, स्वर्गे पासे दिखणा भी नी चाया, पर सै दुखे ने अपणिया छातिया पिटी-पिटी करी बोलणा लगगा, हे परमेश्वर मैं पापी है, मिंजो पर दया कर, मिंजो माफ कर।

14 यीशुऐ बोलया मैं तुसां ने बोलदा है, की ऐ चुंगी लेणे वाला था ना की फरीसी माणु जड़ा परमेश्वरे सामणे धर्मी दसया; क्योंकि जड़ा कोई अपने आपे जो बड़ा महान बणागा, सै छोटा करी देणा है; कने जड़ा अपने आपे जो छोटा बणागा, उसयो आदर मान मिलणा।”

(लूका 19:13-15; लूका 10:13-16)

15 फिरी लोक अपने बचयां जो यीशुऐ बाल लोणा लगगे, ताकि सै उना पर हथ रखे; कने चेलयां दिखीकरी उना जो डांटया। 16 यीशुऐ बचयां जो अपने बाल सदीकरी बोलया, बचयां जो मना मत करा कने इना जो मेरे बाल ओणा दिया, क्योंकि परमेश्वरे दा राज्य उना दा है जड़ा इना बचयां साई है। 17 मैं तुसां ने सच्च बोलदा है, परमेश्वरे अपने राज्य च सिर्फ उना लोकां जो ओणा देणा है जड़े परमेश्वरे दे राज्य जो बचयां साई अपनांदा है।

(लूका 19:16-30; लूका 10:17-31)

18 कुंनकी यहूदी अधिकारिये उसला पुछया, “उत्तम गुरु जी, मैं क्या कम्म करां की परमेश्वर मिंजो हमेशा दी जिन्दगी दे?” 19 यीशुऐ उसयो बोलया, तुसां मिंजो कजो उत्तम बोलदे न, उत्तम तां सिर्फ इक ही है, सै परमेश्वर है। 20 तू परमेश्वरे दे हुक्मा जो तां जाणदा है की: “व्यभिचार नी करणा, झूठी गवाई नी देंगी, अपने माता पिता दा आदर करणा।” 21 उनी बोलया, “मैं तां इना सबना हुक्मा जो तां बचपन ला मनदा आया है।” 22 ऐ सुणीकरी, यीशुऐ उसला बोलया, तिजो च अजे भी इक गल्ला दी कमी है, जा, कने जड़ा कुछ तेरा है उसयो बेची करी गरीबां जो देई दे, तां तिजो स्वर्गे दा धन मिलणा, इयां करणे बाद आ कने मेरा चेला बणिया। 23 सै ऐ सुणीकरी बड़ा उदास होई गया, क्योंकि सै बड़ा अमीर था।

24 यीशुऐ उसयो दिखीकरी बोलया, अमीरां दा परमेश्वरे दे राज्य च जाणा बड़ा मुशकिल है। 25 ऊंटे दा सुइया दे नाके चे निकलना असान है, पर अमीरां दा परमेश्वरे दे राज्य च जाणा बड़ा भरी मुशकिल है। 26 कने सुणने बालयां बोलया, “अगर ऐसा है तां कुण अपने पापां दी सजा मिलणे ला बची सकदा है?” 27 यीशुऐ जबाब दिता, “जड़ा माणुऐ ला नी होई सकदा है सै परमेश्वरे ला होई सकदा है।”

28 पतरसे यीशुऐ जो पुछया, दिख, असां तां घर-बार छडी करी तेरे पिच्छे चलयो न। 29 यीशुऐ उना जो जबाब दिता, “मैं तुसां ने सच्च बोलदा है, जिनी भी परमेश्वरे दे राज्य ताई घर, या घरे बाली, या भाई, या माता पिता, या बाल बचयां जो छडी दितया हो। 30 कने इस बेले केई गुणा जादा मिलणा; पर परलोके च हमेशा दी जिन्दगी मिलणी।”

(लूका 20:17-19; लूका 10:32-34)

31 फिरी यीशुऐ बाहरां चेलयां जो एकांत च लेईजाई करी उना ने बोलया, दिखा, असां यरूशलेम शेहरे जो जाणा है, कने जितणियां भी गल्लां मेरे, माणुऐ दे पुत्रे ताई परमेश्वरे दा संदेश देणेबालयां लिखियां न सै सारियां पुरियां होणियां न। 32 “क्योंकि सै होर जातियां दे हथे देई देणा है। कने उना मेरा मजाक उड़ाणा है, कने मेरी निंदा करी के मिंजो पर थुकणा, 33 कने मिंजो कोड़े मारणे, कने मिंजो मारी देणा है, कने मैं तिजे दिने मैं मरयां चे जिंदे होई जाणा है।” 34 कने चेलयां इना गल्लां चे कोई भी गल्ल नी समझ आई: कने ऐ गल्ल उना च ही

लुककी रेई, कने जड़ा बोलया था सै उना दिया समझा च नी आया।

☞☞☞☞ ☞☞☞☞☞☞☞☞ ☞☞ ☞☞☞☞ ☞☞☞☞
(☞☞☞☞☞ 20:29-34; ☞☞☞☞☞ 10:46-52)

35 जालू यीशु यरीहो शेहरे दे बखे पुज्जा, तां इक अन्ना सड़का कंडे बेईकरी भिख मंगा दा था। 36 कने भिड़ा दी चलने दी अबाज सुणीकरी पुछ्णा लग्गा, ऐ क्या होआ दा है? 37 उना उसयो दसया, “नासरत दा यीशु मसीह जा दा है।” 38 तालू उनी अबाज लाईकरी बोलया, “हे यीशु, राजा दाऊदे दे बंशज, मिंजो पर दया कर।” 39 जड़े अगगे-अगगे चलयो थे, सै उसयो डांटणा लग्गे की चुप रे: पर सै होर जोरे ने बकणा लग्गा, “हे राजा दाऊदे दी बंशज मिंजो पर दया कर।” 40 तालू यीशुऐ ऐ सुणया कने रुकी करी बोलया, “उसयो ऐथू लोआ।” कने तालू सै बखे आया तां यीशुऐ उसयो पुछ्छया, 41 “तू क्या चांदा है की मैं तेरे तांई करे?” अन्ने उसने बोलया, गुरू जी, ऐ की मिंजो मिलणा लगी पोऐ। 42 यीशुऐ उसयो बोलया, “दिखणा लग, तेरे भरोसे जड़ा मिंजो पर है तिजो ठीक करी दिता है।” 43 कने सै झट मिलणा लगी पिया; कने परमेश्वरे दी बड़ाई करदा होया उदे पिच्छे चली पिया, कने सारे लोका ऐ दिखीकरी परमेश्वरे दी स्तुति किति।

19

☞☞☞☞☞ ☞☞☞☞☞☞☞☞☞ ☞☞☞☞☞☞☞☞

1 यीशु यरीहो शेहर ला होईकरी जा दा था। 2 कने दिखा, जक्कई नाऐ दा इक माणु था जड़ा चुंगी लेणेबालयां दा सरदार कने अमीर था। 3 सै यीशुऐ जो दिखणा चांदा था की सै कुण दिया है? पर भिड़ा दिया बजा ने सै दिखी नी सका दा था। क्योंकि सै छोटो कदे दा माणु था। 4 तालू सै उसयो दिखणे तांई अगगे दोड़ी करी इक गूलर दे रुखे पर चढ़ी गया, क्योंकि यीशु उसी रस्ते ला जाणे बाला था। 5 जालू यीशु उसा जगा पर पुज्जा जिथू जक्कई था, तां यीशुऐ उपरे पासे दिखीकरी बोलया, हे जक्कई, झट उतरी आ; क्योंकि अज मिंजो तेरे घरे रेंणा जरूरी है। 6 सै झट रुखे ला उतरया कने यीशुऐ जो खुशिया ने अपने घरे जो लेई गया, कने खुशिया सोगी उदा स्वागत किता। 7 ऐ दिखीकरी सारे लोक बुडबड़ाणा लग्गे, “की सै तां इक पापी माणुऐ दे घरे चली गया है।”

8 जक्कई खाणे दे बकते खड़ोई करी यीशु ने बोलणा लग्गा, “प्रभु जी, दिख मिंजो बाल जड़ा कुछ है सै गरीबां जो दिन्दा है, कने अगर मैं लोकां ला चुंगी लेणे च बेईमानी कितियो है तां उसयो चार गुणा बापस करी

दिन्दा है।” 9 तालू यीशुऐ उसला बोलया, अज इसी घरे दे लोकां बिच उद्धार आया है, क्योंकि ऐ भी अब्राहमे दा बंशज है। 10 “क्योंकि मैं, माणुऐ दा पुत्र गवाचयां जो तोपणा कने उना जो अनन्त सजा ला बचाणे तांई आया है।”*

☞☞ ☞☞☞☞☞☞☞☞ ☞☞ ☞☞☞☞☞☞
(☞☞☞☞☞ 25:14-30)

11 जालू लोक ऐ गल्लां सुंणा दे थे तां यीशुऐ उना जो इक कहाणी सुणाई, इस तांई की सै यरूशलेम शेहरे दे नेड़े था, कने लोकां जो लगया की परमेश्वरे दा राज्य बस हुण ओणे बाला है। 12 यीशुऐ बोलया, इक अमीर माणु दुर देशे जो चलया ताकि राजपद पाई करी बापस आई जा। 13 कने उनी अपने दस सेवकां जो दस मुहरां दितियां†, कने उना ने बोलया, मेरे बापस ओणे दीकर लेण देण करनयो।

14 पर उदे शेहरे बाले उसला बैर रखदे थे, उदे पिच्छे संदेश देणेबाले दूतां ने बोली भेजया, की असां नी चांदे न की ऐ सांझो पर राज करे।

15 जालू सै राजपद लेईकरी बापस आया, तां इयां होया की उनी अपने सेवकां जो जिना जो मुहरां दितियां थियां, अपने बाल सदया ताकि पता लग्गे की लेणे देणे ने उना क्या-क्या कमाया है। 16 तालू पेहले आई करी बोलया, हे मालिक तेरियां मुहरां ने मैं दस होर मुहरां कमाईया न। 17 उनी उसला बोलया, उत्तम सेवक, बड़ा खरा किता, तू बड़े ही थोड़े च भरोसे बाला निकलया हुणे ला तू दसां नगरां दा अधिकारी। 18 दुज्जे आई करी बोलया, हे मालिक तेरिया मुहरां ने मैं पंज होर मुहरां कमाईया न। 19 उनी उसला बोलया, जा तू भी पंजा नगरां दा अधिकारी। 20 कने तिजे आई करी बोलया, हे मालिक दिख, तेरी मोहर ऐ है, जिसा जो मैं गमछे च बनी करी रखया था। 21 क्योंकि मैं तिजो ला डरदा था, क्योंकि तू बड़ा सकत माणु है: जड़ा तू नी रखया होंदा उसयो तू चुकी लेंदा, कने जड़ा तू नी राया है, उसयो तू बडदा है। 22 उनी उसला बोलया, हे निकम्मे सेवक, मैं तेरियां ही गल्लां ने तिजो दोषी बणादा है: तू मिंजो जाणदा था की मैं सकत माणु है, जड़ा मैं नी रखदा है उसयो चुकी लेंदा है, कने जड़ा मैं नी राया उसयो बडी लेंदा है? 23 तां तू मेरे पैसे बयाजे पर महाजना बाल कनी रखी दिते, इयां करदा तां मैं आई करी बयाजे समेत लेई लेंदा। 24 कने जड़े लोक उदे बखे खड़ोतयो थे, मालिके उना ने बोलया, इसला मुहरां जो लेई लिया, कने जिसदे बाल दस मुहरां न उसयो देई दिया। 25 उना मालिके ने बोलया, हे मालिक, उस बाल दस मुहरां तां हेन।

* 19:10 19:10 (मत्ती 15:24, यह्. 34:16) † 19:13 19:13 तिन महीने दी दियाड़ी दे बराबर

26 मालिके उना जो बोलया, “जिना बाल समझणे दी इच्छा है जड़ा परमेश्वर सिखांदा है, उसयो परमेश्वरे होर समझ देणी, पर जड़ा समझणे दी इच्छा नी रखदा, की मैं क्या सिखांदां, तां थोड़ा जड़ा उसयो समझ आया से भी उसला लेई लेणा।” 27 “पर मेरे उना बैरियां जो जड़े नी चांदे थे की मैं उना दा राजा बना, उना जो मेरे सामणे लेई ओआ कने मारी दिया।”

22:1-11; 23:1-11; 24:1-19

28 ऐ गल्लां बोली करी यीशु अपने चेलयां सोगी यरूशलेम शेहरे दे पासे उना दे अगगे-अगगे चलया। 29 कने सै जालू जैतून रुखां दे पाहड़े पर बैतफगे कने बैतनिय्याह ग्रांऐ दे बखे पुज्जा, तां उनी अपने दों चेलयां जो ऐ बोली करी भेजया, 30 सामणे दे ग्रां च जा, कने ओथु पुज्जे ही तुहांजो इक गधिया दा बच्चा बन्नया मिलणा है, उदे उपर हिली कोई नी बैठया था, सै खुंडे च बन्नया होणा उसयो खोली करी लेई ओआ। 31 “कने अगर कोई तुहांजो ला पुच्छे, की कजो खोला दे न, तां ऐ बोली देणा, कि प्रभु जो इसदी जरूरत है।”

32 जड़े चले भेजयो थे, उना जाई करी सियुदा ही दिखया, जियां यीशुऐ बोलया था। 33 जालू सै गधे दे बच्चे जो खोला दे थे, तां उदे मालिके उना ला पुच्छया, “इसयो कजो खोला दे न?” 34 उना बोलया, “प्रभु जो इसदी जरूरत है।” 35 सै उसयो यीशुऐ बाल लेई आये कने अपने कपड़े उदे उपर पाई दिते कने यीशु उस पर बैठी गया।

36 जालू यीशु गधे पर बेईकरी जा दा था, तां मतयां लोकां अपने कपड़े रस्ते च बछाई दिते। 37 यरूशलेम शेहरे जांदे बले जालू यीशु जैतून रुखां दे पाहड़े दिया उतराईया च पुज्जा, तां चेलयां दी सारी मंडली उना सारे अनोखे कम्मा दिया बजा ने जड़े उना दिखयो थे, खुश होईकरी जोरे ने सारे परमेश्वरे दी स्तुति करणा लगगे: 38 “धन्य हो सै राजा, जड़ा प्रभु दे नाए ने ओंदा है। स्वर्गे च शांति कने अम्बरे च महिमा हो।”

39 तालू भिड़ा चे कितणे ही फरीसी उसयो बोलणा लगगे, “गुरु जी, अपने चेलयां जो ऐ गल्लां बोलणे तांई डांट।” 40 यीशुऐ जबाब दिता, “मैं तुसां ने बोलदा है, अगर ऐ लोक चुप रे, तां पथरां बोली पोणा है।”

22:1-11; 23:1-11; 24:1-19

41 जालू यीशु यरूशलेम शेहरे बखे आया तां उस शेहरे जो दिखीकरी रोया। 42 कने बोलया, की तेरे तांई कितणा भला होंदा, कि तू, इस रोजे तू परमेश्वरे दिया

शांतिया दियां गल्लां समझदा जड़ियां तिजो शान्ति दिन्दियां, पर हुण सै तेरिया नजरा ला लुक्की गियां न।*

43 “क्योंकि सै दिन तिजो पर ओणे न जालू तेरे दुशमणा हर तरफा ला शेहर पर हमला करणा है, कने चारो पासे ला तुहांजो दबाई देणा है। 44 तेरे दुशमणा पूरी तराह ने शेहरे जो खत्म करी देणा कने तेरे सारे लोकां जो मारी देणा, कने तिजो च पथरे पर पथर भी नी छडणा है; क्योंकि तू सै मोका नी पछेणया जालू परमेश्वर तिजो बचाणे तांई आया था।”

21:12-17; 11:15-19; 2:13-22

45 तालू सै मंदरे च जाई करी बेचणे बालयां जो बाहर कडणा लगगा। 46 कने यीशुऐ उना जो बोलया, पबित्र शास्त्र च लिखया है की, मेरा घर प्राथना दा घर होणा, पर तुसां तां इसयो डाकुआं ला भरुईयो गुफा सांई बनाई दितया है।†

47 कने सै हर रोज मंदरे च उपदेश दिन्दा था: कने बड्डे याजक कने यहूदी व्यवस्था जो सिखाणे बालयां कने बड्डे लोक उसयो मारणे दा मोका तोपदे रेंदे थे। 48 पर कोई तरिका नी तोपी सके; की ऐ कियां करणा, क्योंकि सारे लोक उसयो बड्डे चाए ने सुणदे थे।

20

21:23-27; 11:27-33

1 इक रोज ऐसा होया की जालू यीशु लोकां जो मंदरे च उपदेश दे दा था, कने शुभसमाचार सुणा दा था, तां बड्डे याजक कने यहूदी व्यवस्था जो सिखाणे बाले कने यहूदी अगुवे यीशुऐ बाल आया। 2 कने बोलणा लगगे, “सांझो दस, तू इना कम्मा जो कुस अधिकारे ने करदा है, कने सै कुण है, जीनी तिजो ऐ हक दितया है?” 3 यीशुऐ उना जो जबाब दिता, “मैं भी तुसां ला इक सबाल पुच्छदा है, मिंजो दसा तां मैं भी दसगा: 4 यूहन्ना जो लोकां जो वपतिस्मा देणे तांई कुनी भेजया था? क्या सै परमेश्वरे भेजया था या माणुऐ? मिंजो दसा।” 5 तालू सै अपु चे बोलणा लगगे कि अगर असां ऐ बोलया कि, “परमेश्वर जड़ा स्वर्गे च है उनी भेजया है, तां यीशुऐ सांझो ला पुच्छणा, कि तुसां युहन्ना पर भरोसा कन्नी किता?” 6 “अगर असां बोलया, माणुऐ दिया तरफा ला, तां सारे लोकां सांझो पथर मारणे, क्योंकि सारे लोक सची जाणदे न की यूहन्ना सच्चा परमेश्वरे दा संदेश देणेबाला था।” 7 उना जबाब दिता, “असां नी जाणदे, की सै कुसदिया

‡ 19:36 19:36 (2 राजा. 9:13) § 19:38 19:38 (भज. 72:18-19, भज. 118:26) * 19:42 19:42 (व्य. 32:29, यशा. 6:9, 10)

† 19:46 19:46 (यशा. 56:7, यिमं. 7:11)

तरफा ला था।”⁸ यीशुए उना ने बोलया, “तां मैं भी नी दसणा की मैं ऐ कम्म कुसदे हके ने करदा है।”

११:११-१२; १२:१-१२

(११:११-१२ 21:33-46; १२:१-१२)

⁹ तालू यीशु लोका जो इक कहाणी सुणाणा लगगा, इकी माणुए अंगूरा दा बाग लगाया, कने किसाना जो उदा टेका देईकरी कने मतयां रोजां तांई परदेस जो चली गया।¹⁰ फिरी जालू अंगूर पक्की गो, तां उनी अपणा इक नोकरे जो ठेकेदार बाल अपणा अंगूरे दे बागे दा हिस्सा लोणे तांई भेजया। पर ठेकेदारां उसयो पकड़या कने मारी कुट्टी करी बिना कुछ दितयो खाली हथ भेजी दिता।¹¹ फिरी मालिके इक होर नोकर भेजया, कने उना उसयो भी मारी कुट्टी करी कने बेजती करिके खाली हथे भेजी दिता।¹² फिरी मालिके तिजे नोकरे जो भेजया, कने उना उसयो भी मारी कुट्टी करी बाहर कडी दिता।¹³ “तालू अंगूरा दे बागे दे मालिके बोलया, मैं क्या करे? मैं अपणे प्यारे पुत्रे जो उना बाल भेजदा है शायद सै मेरे पुत्रे दा आदर करन।”¹⁴ जालू ठेकेदारां उसयो दिखया तां अपु चे विचार करणा लगगे, ऐ तां बारिस है; ओआ, असां इसयो मारी दिन्दे, ताकि सब कुछ साड़ा होई जा।¹⁵ कने उना उसयो अंगूरा दे बागे ला बार कडी करी मारी दिता: तां दाखे दे बागे दे मालिके उना सोगी क्या करणा? ¹⁶ “उनी आई करी उना ठेकेदारां दा नाश करणा, कने अंगूरा दे बागे जो कुसकी होरसी जो देई देणा। ऐ सुणीकरी लोकां बोलया, हे परमेश्वर इयां मत करदा।”

¹⁷ उनी उना पासे दिखीकरी बोलया, फिरी पबित्तर शास्त्र च ऐ क्या लिखया है: जिसी पथरे जो राजमिस्त्रयां बेकार बोलया था, सेई कुणे दा सिरा बणया।*¹⁸ “जड़ा कोई उस पथरे पर पोंगा उदे टोटे-टोटे होई जाणे, कने जिदे पर सै पोंगा, उनी सै पिई देणा।”†

११:११-१२; १२:१-१२

¹⁹ तालू ही बड्डे याजक कने यहूदी व्यवस्था जो सिखाणे बाले यीशुए जो पकड़ना चांदे थे, क्योंकि सै समझी गो, की उनी सांझो पर ऐ कहाणी बोलियो है, पर सै लोकां ला डरदे थे।

²⁰ सै यीशुए जो फसाणे दिया ताका च थे। कने उना गुप्तचर भेजे, की सै धर्मी दा भेस बणाई करी उदी कोई गल्ल पकड़न, ताकि उसयो राज्यपाल कने अधिकारियां दे हथे देई दें।²¹ उना उसला ऐ पुछया, गुरु जी, असां जाणदे न की, तुसां हमेशा सच्च बोलदे न कने सिखांदा भी है, कने कुसदा भी पक्षपात नी करदा है; कने परमेश्वरे दा रस्ता सच्चाईया ने दसदा है।²² “इस तांई सांझो दस की महाराजा जो कर देणा ठीक है की नी?”²³ उनी

उना दी चलाकी दिखीकरी उना ने बोलया,²⁴ इक दीनार मिंजो दस्सा। इस पर कुसदी छाप कने ना है? उना बोलया, “महाराजा दा।”²⁵ यीशुए उना ने बोलया, “तां जड़ा महाराजा दा है, उसयो महाराजा जो दिया कने जड़ा परमेश्वरे दा है उसयो परमेश्वरे जो दिया।”

²⁶ सै लोका सामणे उसा गल्ला जो पकड़ी नी सके, कने उदे जबाबे ने हेरान होईकरी चुप होई गो।

११:११-१२; १२:१-१२

(११:११-१२ 22:23-33; १२:१८-२७)

²⁷ फिरी सद्की जड़े बोलदे न, की मरयां दा जिन्दा होणा हेई नी, उना चे थोड़यां यीशुए बाल आई करी पुछया।²⁸ गुरु जी, मूसा दिया व्यवस्था च साड़े तांई ऐ लिखया है, “अगर कुसकी दा भाई अपणिया घरे वालिया दे होंदे बिना बच्चे दे मरी जा, तां उदा भाई उदिया घरे वालिया जो ब्याई ले, कने उदे तांई बंश पैदा करे।”‡

²⁹ इक घरे च सत भाई थे, पेहला भाई बियाह करिके बिना ओलादी दे मरी गया।³⁰ तां दुए भाईए उसा ने ही बियाह करी लिया कने से भी बिना ओलादी मरी गया,³¹ कने इयां ही तिजे भाई ने होया कने सतां भाईयां उसा ने बियाह किता कने सतो भाई बिना ओलादी मरी गो।

³² बादे च सै जनानी भी मरी गई।³³ हुण, सांझो दस सतां भाईयां उसा जनानिया ने बियाह कितया था, जालू सै मरणे दे बाद फिरी जिन्दे होंगे, तां सै जनानी कुदी घरे बाली होणी? ³⁴ यीशुए उना ने बोलया, इसी युगे दे लोकां च तां बियाह होंदे न।³⁵ पर जिना लोकां इस लाइक होणा है, की उसी युगे च कने मरयां चे जिन्दे होणा है, उना च बियाह नी होणे न।³⁶ फिरी उना मरणा भी नी; क्योंकि सै स्वर्गदूते सांई होणे, कने मरयां चे जिन्दा होणे ने सै परमेश्वरे दी ओलाद होणे न।³⁷ पर इसा गल्ला जो की मरयो होए भी जिन्दा होई जांदे न, मूसे झाड़ी बालिया कथा च सिखाया है, इस तांई “सै परमेश्वर जो अब्राहम दा परमेश्वर, कने इसहाक दा परमेश्वर, कने याकूब दा परमेश्वर बोलदा है।”§³⁸ “परमेश्वर तां मुर्दयां दा नी पर जिंदया दा परमेश्वर है: क्योंकि उदे तांई सारे जिंदे न।”

³⁹ तालू ऐ सुणिकरी कितणयां ही व्यवस्था जो सिखाणे बालयां बोलया, “गुरु जी, तू ठीक बोलया है।”

⁴⁰ कने उना जो होर कुछ पूछणे दी हिम्मत नी होई।

११:११-१२; १२:१-१२

(११:११-१२ 22:41-46; १२:३५-३७)

⁴¹ फिरी यीशुए उना ला पुछया, मसीह जो राजा दाऊदे दा बंशज कियां बोलदे न? ⁴² राजा दाऊदे अपु भजन संहिता दिया कताबां च बोलया है: “परभुए मेरे

* 20:17 20:17 (भज. 118:22, 23) † 20:18 20:18 (दानि. 2:34, 35) ‡ 20:28 20:28 (उत्प. 38:8, व्य. 25:5) § 20:37 20:37 (निर्ग. 3:2, निर्ग. 3:6)

प्रभु ने बोलया, ⁴³ तू मेरे सिंहासने दे सजे पासे बो, जालू दीकर मैं तेरे बैरियां जो तेरे पैरां हेठ करी दें।” ⁴⁴ “राजा दाऊद तां उसयो प्रभु बोलदा है तां सै फिरी उदा बंशज कियां होया?”

23:1-36; 12:38-40; 11:37-54

⁴⁵ जालू सारे लोक सुणा दे थे, तां यीशुए अपणे चेलयाँ ने बोलया। ⁴⁶ “व्यवस्था जो सिखाणे बालयां ला साबधान रिया, जड़े लोकां जो दसणे तांई लम्बे कने मंगे कपड़े पाणा पसंद करदे, कने उना जो बड़ा पसंद है की लोक उना जो बजारां च नमस्ते करन, कने यहूदी जंज घरां च कने खांदे बेले खास-खास आसना पर बोणा पसंद करदे न। ⁴⁷ सै धोखे कने वेईमानिया ने विधवां दे घरां दी चिजां पर कब्जा करी लेंदे न। कने लोकां जो दसणे तांई बड़ी देरा दीकर प्राथना करदे न, परमेश्वरे ला इना जो बड़ी बुरी सजा मिलणी है।”

21

12:41-44

¹ फिरी यीशुए मंदरे दे भंडारे दे सामणे बेईकरी अमीरां जो अपणा-अपणा दान पेटिया च पांदे दिखया। ² इतणे च इक गरीब बिधवा आई करी दो तांबे दे सिक्के पाये, जिना दी कीमत बड़ी घट्ट थी। ³ तालू उनी बोलया, मैं तुसां ने सच्च बोलदा है, की इना गरीब बिधवा सबना ला बदीकरी इस भंडारे च पाया है। ⁴ क्योंकि सबना अपणे भंडारे चे थोड़ा दिया दिता, पर इना गरीब बिधवा इसा बाल जितना भी था सारा ही पाई दिता है।

24:1-14; 13:1-13

⁵ जालू कुछ चले मंदरे दे बारे च गल्लां करा दे थे, की सै कदे छेल पथरां ने कने चढ़ाईयां चिजां ने सवारया है, तां यीशुए बोलया, ⁶ “सै दिन ओणे न, जिना चिजा दी तुसां बड़ी तारीफ़ करा दे न, इक दिन ओणा है इना भवना दे इक भी पथरे पर पथर नी रेणा है, जड़ा डायी नी जाणा है।”

24:3-14; 13:3-13

⁷ चेलयां यीशुए ला पुछया, “गुरु जी, सांझो दस ऐ सब कुछ कालू होणा है? कने जालू ऐ सब कुछ पूरा होणेबाला होंगा तां उदा क्या निशान होणा है?”

⁸ यीशुए बोलया, ध्यान रख्यो की तुहांजो कोई धोखा न दे। मते सारे लोकां मेरे नाए ने दाबा करिके ओणा है। उना बोलणा है, मैं मसीहा हूँ; कने ऐ भी बोलणा की टेम नेड़े आई गया है: तुसां उना पिच्छे मत चली जांदे।* ⁹ जालू तुसां लड़ाईयां, कने दंगया दियां गल्लां सुणगे तां डरी मत जांदे; क्योंकि इना दा होणा जरूरी है, पर तालू संसारे दा खात्मा नी होणा है।

¹⁰ तालू यीशुए उना ने बोलया, क्योंकि जातियां ने जातियां ने कने राज्य ने राज्यां ने इक दुजे ने लड़ाईयां करणियां न।† ¹¹ कने हर कुथी हिलण होणे न कने अकाल पोणे, कने महामारियां पोणियां न, कने अम्बरे च गल्लां कने बड्डे-बड्डे निशाण प्रगट होणे न।

¹² पर इना सबना गल्लां ला पेहले उना लोकां तुहांजो कैदी बणाना कने यहूदी जंज घरे च देणा कने तुहांजो मार पोणी, कने मेरिया बजा ने तुहांजो हाकिमा कने राजयां दे सामणे न्याय तांई पेश किते जाणे न, ¹³ पर ऐ तुहाड़े तांई गबाई देणे दा मोका बणी जाणा है। ¹⁴ इस तांई सब अपणे-अपणे मने च पेहले ही टाणी लिया की असां जबाब देणे दी चिंता नी करणी है। ¹⁵ क्योंकि मैं तुहांजो ऐसे बोल कने दिमाग दिगा, की तुहाड़े सारे बिरोधियां सामणा कने टाल्ली नी सकणा है। ¹⁶ कने तुहाड़े माता-पिता कने भाई कने रिशतेदारां, कने दोस्तां भी तुहांजो पकड़ाणा है; ऐथू दीकर की तुहांजो चे कितणयां जो मरवाई देणा है। ¹⁷ कने मेरे नाए दिया बजा ला सबना लोकां तुहांजो ने बैर करणा है। ¹⁸ पर तुहाड़े सरे दा, इक बाल भी बांका नी होणा।‡ ¹⁹ पर जड़ा जिंदगी दे अंत दीकर मिंजो पर भरोसा रखगा सै ही बचाया जाणा है।

24:15-21; 13:14-19

²⁰ जालू तुसां यरूशलेम जो सेना ने घिरया दिखन, तां समझी लिया की उदा बिनाश होणेबाला है। ²¹ यहूदिया परदेशे दे लोकां जो जान बचाणे तांई पहाड़ा जो नसणा पोणा। कने जड़े यरूशलेम दे अंदर होंन सै बाहर नसी जान; कने जड़े ग्रां च होंन सै उना च मत जांदे। ²² क्योंकि ऐ बदला लेणे दे ऐसे रोज होणे न, जिना च सारियां लिखियाँ होइयां गल्लां पुरियां होणियां न।§ ²³ ऐ उना जनानिया तांई बड़ा बुरा बकत होणा जड़ियां लैरथियां न, कने उना जनानियां तांई जड़ियां नियाणे जो दूध पियादियां न। क्योंकि देशे च बड़ा बडा क्लेश कने इना लोकां पर बड़ी मुसीबत होणी है। ²⁴ उना जो तलबारां ने मारयां जाणा है, कने केई देशां दे लोक गुलाम

* 21:8 21:8 (1 यूह. 4:1, मर. 13:21, 23) † 21:10 21:10 (2 इति. 15:5, 6, यशा. 19:2) ‡ 21:18 21:18 (मत्ती 10:30, लूका 12:7)

§ 21:22 21:22 (व्य. 32:35, यिर्म. 46:10) * 21:24 21:24 (एज्रा 9:7, भज. 79:1, यशा. 63:18, यिर्म. 21:7, दानि. 9:26)

बणाई करी लेई जाणे न, कने जालू दीकर बाकी जातियां दा बकत पूरा नी होंगा, तालू दीकर यरूशलेम बाकी जातियां दा गुलाम रेणा है।*

([लूका 24:29-31](#); [लूका 13:24-27](#))

25 कने सुरज कने चन्द्रमा कने तारयां च अनोखे निशाण मिलणे न, कने धरतिया पर, देशे-देशे दे लोकां जो परेशानी होणी है; क्योंकि उना उफणदे समुद्रे दियां लेहरां ने घबराई जाणा है। † 26 कने डरे दिया बजा ने कने दुनिया च ओणे बालियां घटना दी राह दिखदे-दिखदे लोकां दीया जानी च जान नी रेणी हे क्योंकि अम्बरे दियां शक्तियाँ हिलाईयां जाणियां न। ‡ 27 तालू उना मिजों माणुए दे पुत्रे जो सामर्थ्य कने बड़ी महिमा दे सोगी बदले पर ओंदे दिखणा है। § 28 “जालू ऐ गल्लां होणा लगन, तां सीधे होईकरी अपणे सिरे जो उपरे उठाणा; क्योंकि तुहाड़ा छुटकारा नेडे होणा।”

([लूका 24:32-35](#); [लूका 13:28-31](#))

29 यीशुए उना जो इक कहाणी सुणाई, अंजीरे कने सारे रुखां जो दिखा। 30 जियां ही उना दियां कुम्बलियां निकलदियां न, तां तुहांजो ऐ दिखीकरी पता लगगी जांदा है, की गर्मियां ओणे बालियां न। 31 इयां ही जालू तुसां ऐ गल्लां होंदे दिखन, तां समझी लिया की परमेश्वरे दा राज्य नेडे है।

32 “मै तुसां ने सच्च बोलदा है, कि जालू दीकर ऐ सारियां गल्लां पुरियां नी होई जांदियां न, तालू दीकर इसा पीढ़िया दा अंत नी होणा है।” 33 “अम्बर कने धरती खत्म होई जाणे, पर मेरियां बोलियां गल्लां कदी नी टलनिया न, सै हमेशा रेणियां न।”

([लूका 24:36-44](#); [लूका 13:32-37](#))

34 इस तांई साबधान रिया, ऐसा ना हो की तुहाड़े मन नशे च संसारे दियां मोहमाया च कने इसा जिन्दगिया दिया चिंता च सुस्त होई जान, कने सै दिन तुहांजो पर फंदे सांई इकदम आई पोए। 35 क्योंकि उनी सारिया धरतिया पर रेणेबालयां पर इयां ही आई पोणा है।* 36 “इस तांई जागदे रिया कने हर बेले प्राथना करदे रिया ताकि तुसां ओणे बालियां परेशानियां ला बचणे कने मिजों माणुए दे पुत्रे दे सामणे खड़ोणे लाइक बणन।”

37 कने सै दिने मंदरे च उपदेश करदा था; कने राती जैतून रुखां दे पाहड़े पर जाई करी रेंदा था। 38 कने ब्यागा उसयो सुणने तांई मंदरे च उदे बाल ओंदे थे।

† 21:25 21:25 (भज. 46:2, 3, भज. 65:7, यशा. 13:10, यशा. 24:19, यह. 32:7, योए. 2:30) ‡ 21:26 21:26 (लैव्य. 26:36, हाग्वै 2:6, हाग्वै 2:21) § 21:27 21:27 (परका. 1:7, दानि. 7:13) * 21:35 21:35 (परका. 3:3, लूका 12:40) * 22:6 22:6 † 22:7 22:7 (निर्ग. 12:3, 6, 8, 14)

22

([लूका 26:1-5](#); [लूका 14:16](#); [लूका 14:1-2](#); [लूका 10-11](#); [लूका 11:45-53](#))

1 अखमीरी रोटिया दा त्योहारे जिसयो फसह बोलदे न, नेडे ही था। 2 कने बड्डे याजक कने व्यवस्था जो सिखाणे बाले इसा गल्ला दिया तोपा च थे की, उसयो कियां मारन, पर सै लोकां ला डरदे थे।

([लूका 26:14-16](#); [लूका 14:10,11](#))

3 कने शैतान यहूदा च बड़ी गिया, इसयो इस्करियोती भी बोलदे न कने सै बाहरां चेलयां चे इक था। 4 उनी जाई करी बड्डे याजकां कने सरदारां ने गलबात किती, की उसयो कियां उना दे हथे पकड़ा। 5 सै खुश होए, कने उसयो पेसे देंगे दा बचन दिता। 6 उनी मन्नी लिया, कने मोका तोपणा लगगा, की बिना बुरा कितयो यीशुए उना दे हथे पकड़ाई दे।*

([लूका 26:17-25](#); [लूका 14:12-21](#); [लूका 13:21-30](#))

7 तालू अखमीरी रोटिया दे त्योहारे दा दिन आया, जिदे च फसह दे मेमने दी बलि देणा जरूरी थी। † 8 कने यीशुए पतरस कने यूहन्ना जो ऐ बोली करी भेजया, “जाई करी साड़े खाणे तांई फसह दा खाणा तैयार करा।” 9 उनी यीशुए पुछया, “तू कुथु चांदा है, की असां फसह दा खाणा तैयार करन?” 10 उनी अपणे दो चेलयां जो ऐ बोली करी भेजया, की यरूशलेमे शहरे जो जा, कने ओथु तुहांजो इक माणु घड़े चुकी करी चलया मिलणा, उदे पिच्छे चली जानयो। 11 कने सै जिस घरे जो जांगा, उस घरे दे मालिके जो बोलयो: की गुरु जी ने पूछया है, की मेरा कने मेरे चेलयां दा फसह दा खाणा खाने बाला कमरा कुथु है? 12 “उनी तुहांजो इक उपरे आला सजया सजाया कने तैयार कितया बडा कमरा दसी देणा है, कने तुसां ओथु साड़े तांई तैयारी करा।” 13 उना जाई करी, जियां यीशुए उना ने बोलया था, सियुदा ही था, कने उना उसा जगा फसह दा खाणा तैयार कित।

([लूका 26:16-30](#); [लूका 14:22-26](#); [लूका 11:23-25](#))

14 जालू बकत होया, तां यीशु बारह प्रेरितां सोगी रोटि खाणां बैठा। 15 कने यीशुए उना ने बोलया, “की मिजो बड़ी इच्छा थी, की दुख भोगणे कने मरणे ला पेहले फसह दे त्योहारे दा खाणा तुहाड़े सोगी खां।

16 क्योंकि मैं तुसां ने बोलदा है, की जालू दीकर सै परमेश्वरे दे राज्य च पूरा नी होंगा तालू दीकर मैं फसह दे त्योहारे दा खाणा दुबारा नी खांगा।” 17 तालू उनी अंगूर दे रस दा कटोरा लेईकरी परमेश्वरे दा धन्याबाद किता कने बोलया, “इसयो लिया कने अपु चे बंडी करी पी लिया। 18 क्योंकि मैं तुसां ने बोलदा है, की जालू दीकर परमेश्वरे दा राज्य नी ओंगा तालू दीकर मैं अंगूरा दा रस कदी नी पिंगा।”

19 फिरी उनी रोटी लेई, कने धन्याबाद करिके तोड़ी, कने उना जो ऐ बोली करी दिती, ऐ मेरा शरीर है, जड़ी तुहाड़े ताई दितया जांदा है: मिंजो याद करणे ताई ऐई करा-करा। 20 इयां ही उनी खाणां खाणे बाद कटोरा भी ऐ बोलदे दिता, ऐ अंगूर दे रसे दा कटोरा मेरे उस खूने च नोई बाचा है जड़ा तुहाड़े ताई भाया जाणा है।‡

21 पर दिखा, मिंजो पकड़वाणे बाले दा हथ मेरे सोगी मेरिया थालिया च है। § 22 “क्योंकि मिंजो, माणुऐ दे पुत्रे दा जियां उदे ताई तय है तियां करदा है, पर हाय उस माणुऐ पर, जिसदिया बजा ने पकड़ाया जांदा है।” 23 तालू सै अपु चे बोलणा लगगे की, “असां चे कुण है, जड़ा ऐ कम्म करगा?”

¶¶¶¶ ¶¶¶¶ ¶¶ ¶¶¶¶

24 उना चे ऐ भी बेहस होई की, सांझो चे कुण बडा समझया जांदा है? 25 यीशुऐ उना ने बोलया, बाकी जातियां दे राजे उना पर प्रभुता करदे न; जड़े उना पर हक रखदे न, उना जो उपकारक बोलदे न। 26 पर तुसां ऐ दे मत बणदे; नितां जड़ा तुसां चे बडा है, सै छोटे दे बराबर कने जड़ा सबते बडडा है सै सेबक दे बराबर बणे। 27 क्योंकि बडा कुण है; सै जड़ा रोटी खाणां बैठया या सै जड़ा सेबा करदा है? क्या सै नी जड़ा रोटिया खाणां बैठया है? पर मैं तुहाड़े बिच सेवके साई है।

28 पर तुसां ही न, जड़े मेरियां परिक्षां च लगातार मेरे सोगी रे; 29 कने जियां मेरे पिता मिंजो ताई इक राज्य दितया है, तियां ही मैं भी तुहाड़े ताई राज्य दिन्दा है। 30 ताकि तुसां मेरे राज्य च मेरिया मेजा पर खा पिया; कने सिंहसनां पर बेईकरी इस्राएले देशे दे बाहरां गोत्रों दे लोकां दा न्याय करा।

¶¶¶¶ ¶¶ ¶¶¶¶ ¶¶¶¶ ¶¶ ¶¶¶¶¶¶¶¶¶¶
 (¶¶¶¶¶¶ 26:31-35; ¶¶¶¶¶ 14:27-31;
 ¶¶¶¶¶¶¶¶ 13:36-38)

31 “शमौन, हे शमौन, दिख, शैताने तुसां लोकां जो परखणे ताई परमेश्वर ला आज्ञा मंगी लियो है, कि भलाई जो बुराई ला बख करणा जियां किसान कणका ला भुऐ जो बख करदा है। 32 पर मैं तेरे ताई परमेश्वरे ला

प्राथना किती है, की तेरा भरोसा मिजों ला नी जा: कने जालू तु पश्चाताप करें, तां अपणे भाईयां जो भी मिजों पर भरोसा करणे ताई मजबूत करें।” 33 पतरसे यीशुऐ बोलया, “प्रभु जी, मैं तेरे सोगी जेला जाणे कने मरणे जो भी तैयार है।” 34 पर यीशुऐ बोलया, “हे पतरस मैं तिजो ने बोलदा है, की अज मुर्गे तालू दीकर बांग नी देणी जालू दीकर तू तिन्न बरी मिंजो पछेणने ला मना करी बोंणा है।”

¶¶¶¶¶ ¶¶¶¶¶ ¶¶¶¶ ¶¶¶¶¶¶¶

35 कने यीशुऐ उना ने बोलया, “जालू मैं तुहांजो बटुऐ, कने झोली, कने जुते बिना शुभसमाचार प्रचार करणे भेजया था, तां क्या तुहांजो कुसा भी चिजा दी कमी होई थी?” उना बोलया, “नी होई कुसा भी चिजा दी।” 36 उनी उना ने बोलया, “पर हुण लोक साड़े खिलाफ न हुण जिसदे बाल बटुआ है सै उसयो लेई ले, कने तियां ही झोली भी, कने जिसदे बाल तलबार नी है सै बाहरे दे कपड़े बेची करी खरीदी ले।” 37 क्योंकि मैं तुसां ने बोलदा है, की ऐ जड़ा पबित्र शास्त्र च लिखया है सै पूरा हो की, “सै अपराधियां साई मनया गया है, उदा पूरा होणा जरूरी है: क्योंकि मेरे बारे जड़ियां गल्लां लिखियां न सै पुरियां होंणे बालियां न।”

38 चेलयां बोलया, “प्रभु जी, दिख, ऐथू दो तलबारां न।” यीशुऐ उना ने बोलया, “बतेरियां न।”

¶¶¶¶¶¶ ¶¶ ¶¶¶¶¶¶¶¶ ¶¶ ¶¶¶¶¶¶¶ ¶¶

(¶¶¶¶¶¶ 26:36-46; ¶¶¶¶¶ 14:32-42)

39 तालू सै बाहर निकली करी रोजे साई जैतून रुखां दे पाहड़े पर गया, कने चले उदे पिच्छे गे। 40 उसा जगा पर पुज्जी करी यीशुऐ उना ने बोलया, “प्राथना करा, की तुसां दी परख ना होऐ।” 41 फिरी यीशु थोड़ा अगगे गया, कने गोडे भार बेईकरी प्राथना करणा लगगा, 42 “पिता जी अगर तू चा तां इस कटोरे जो बखे ला हटाई ले, पर तमी मेरी नी पर तेरी इच्छा पुरी हो।”

43 तालू स्वर्गे दे इक स्वर्गदूते ओथु प्रगट होया जड़ा उसयो सामर्थ्य दिन्दा था। 44 कने सै बड़ा परेशान कने व्याकुल होईकरी कने दुखे ने प्राथना करणा लगगा; कने उदा पसीना मना की खूने दियां बडियां-बडिया बूदा साई धरतिया पर पोआ था। 45 तालू सै प्राथना ला उठया कने अपणे चेलयां बखे आई करी उना जो उदासिया दे मारयो सुतया दिखया। 46 कने उना ने बोलया, “कजो सोआ दे न? उठा, प्राथना करा, की तुहाड़ी परख ना होऐ।”

(26:47-56; 14:43-50; 18:3-12)

47 जालू यीशु ऐ बोला दा ही था, की दिखा मते सारे लोक आए, यहूदा जड़ा बाहरां चेलयां चे इक था सै अगगे-अगगे ओआ दा था, सै यीशुऐ दे बखे आया, ताकि उदा चूमा लेई सके। 48 यीशुऐ उसयो बोलया, “हे यहूदा, क्या तू चूमा लेईकरी मिंजो, माणुऐ दे पुत्रे जो पकड़वा दा है?”

49 उदे साधियां जालू दिखया की क्या होणे वाला है, तां बोलया, “प्रभु जी, क्या असां तलबार चलान?”

50 कने चेलयां चे इकी महायाजके दे नोकरे पर तलबार चलाई करी उदा सजा कन उड़ाई दिता। 51 इस पर यीशुऐ बोलया, “हूण बस करा।” कने उदा कन छुई करी उसयो ठीक किता।

52 तालू यीशुऐ बड्डे याजकां कने मंदरे दे रखबालयां दे अगुवां कने यहूदी अगुवां जो बोलया, तुसां क्या तलवारां कने डांगा लेईकरी मिंजो डाकुआं सांई पकड़ना आयो न। 53 “मैं जालू हर रोज मंदरे च बेईकरी उपदेश दिन्दा था, तालू तां तुसां मिंजो नी पकड़या; पर ऐ तुहाड़ा बकत है, कने नेहरे दा हक है।”

(26:57-58; 14:53-54; 18:12-18)

54 फिरी सै उसयो पकड़ी करी लेई चले, कने महायाजक दे घरे जो लेई आये कने पतरस दूरे-दूरे ला ही उना दे पिच्छे, चलया था। 55 कने जालू सै अंगणे च अगग वाल्नी करी गिटे बैठे, तां पतरस भी उना दे बिच बेई गया। 56 कने इक दासिया उसयो अगगी दी लौई च बैठया दिखीकरी कने उदे पासे दिखीकरी बोलणा लगगी, “ऐ भी तां यीशुऐ सोगी था।” 57 पर पतरसे ऐ बोली करी मना किता, की मैं इसयो नी जाणदा। 58 थोड़ी देरा बाद फिरी कुनकी होरनी उसयो दिखीकरी बोलया, “तु भी तां उना चे है।” पतरसे बोलया, “सै माणु मैं नी है।” 59 कोई इक घंटे बाद इक होर माणु बोलणा लगगा, “पक्का ऐ भी उना सोगी ही था; क्योंकि ऐ भी गलीली है।” 60 पतरसे बोलया, “मिंजो नी पता की ऐ क्या बोला दा है?” पतरसे दे इयां बोलदे ही, मुर्गे झट बांग देई दिती।

61 तालू प्रभु यीशुऐ मुड़ी करी पतरसे पासे दिखया, कने पतरसे जो सै गल्ल याद आई जड़ी उनी बोलियो थी, “अज मुर्गे जो बांग देंगे ला पेहले, तू तिन्न बरी मिंजो मना करणा है।” 62 कने पतरस बाहर निकली करी बड़ा भरी रोणा लगगा।

(26:67-68; 14:65)

63 जिना माणुआं यीशुऐ जो पकड़या था, सै उदा मजाक उड़ाई करी उसयो कुटणा लगगे; 64 कने उदियां हखी पर पट्टी बन्नी करी पुछया, “अगर तु परमेश्वरे दा संदेश देणेवाला है! तां सांझो दस कुनी तिजो मारया।” 65 कने उना होर भी बुरियां गल्लां उदे बारे च बोलियां।

(26:59-66; 14:55-64; 18:19-24)

66 जालू ब्याग होई तां यहूदी अगुवां कने बड्डे याजक कने व्यवस्था जो सिखाणे बाले गिटे होऐ, कने उसयो अपणिया महासभा च आंणी करी पुछया, 67 अगर तू मसीह है, तां सांझो ने बोली दे। यीशुऐ उना ने बोलया, “अगर मैं तुहांजो ने बोलें तां तुसां मनणा नी। 68 अगर मैं कोई सबाल पूछां, तां तुसां जबाब नी देणा। 69 पर हुणे ला मैं, माणुऐ दे पुत्रे सबते शक्तिशाली परमेश्वरे दे सजे पासे बेई रेणा।” 70 इस पर सारयां बोलया, “तां तु क्या परमेश्वरे दा पुत्र है?” यीशुऐ उना ने बोलया, “तुसां अपु ही बोलदे न, क्योंकि मैं है।” 71 तालू उना बोलया, “हुण सांझो गबाई दी क्या जरूरत है क्योंकि असां अपु ही इदे मुऐ ला सुणी लिया है।”

23

(27:1-2; 11-14; 15:1-5; 18:28-38)

1 तालू सारी सभा उठी करी उसयो पिलातुस बाल लेई गई। 2 कने सै ऐ बोली करी उस पर दोष लगाणा लगगे, “असां इसयो साड़े लोकां जो बेहकां दे कने महाराजा जो कर देंगे ला मना करदे, कने अपणे आपे जो मसीह, कने राजा बोलदे सुणया है।” 3 पिलातुसे उसला पुछया, “क्या तू यहूदियां दा राजा है?” उनी उसयो जबाब दिता, “तू अपु ही बोला दा है।” 4 तालू पिलातुसे बड्डे याजकां कने लोकां ने बोलया, “मिंजो इस माणुऐ च कोई दोष नी मिलदा है।” 5 पर सै होर भी दबाब पाई करी जोरे ने बोलणा लगगे, “यहूदिया प्रदेशे दे सारे लोकां च इदिया शिक्षा दिया बजा ने दंगे हो दे न, कने गलील प्रदेश च भी इयां ही किता कने हुण ऐथू आई गया है।”

6 ऐ सुणीकरी पिलातुसे पुछया, “क्या ऐ माणु गलील प्रदेश दा रेणे बाला है?” 7 कने ऐ जाणी करी की सै उस प्रदेश दा है जिथू राजा हेरोदेस राज करदा है, तां उसयो हेरोदेसे बाल भेजी दिता, क्योंकि उना दिना राजा हेरोदेस भी यरूशलेम च था।

(27:1-2; 11-14; 15:1-5; 18:28-38)

8 हेरोदेस यीशुए जो दिखीकरी बड़ा खुश होया, क्योंकि सै उसयो बड़े रोजां ला दिखणा चांदा था: उनी उदे बारे च सुणाया था, कने हेरोदेस यीशुए ला कुछ चमत्कार दिखणे दी आस रखदा था। 9 सै उसला मतियां गल्लां पुछ्दा रिया, पर उनी उना दा कोई भी जबाब नी दिता। 10 कने बड़डे याजक कने व्यवस्था जो सिखाणे बाले खड़ोई करी पुरे जोर शोर लाईकरी उस पर दोष लांदे रे। 11 तालू राजा हेरोदेसे अपने सिपाईयां सोगी उदी बेजती करिके उदा मजाक उड़ाया, कने चटकिले कपड़े पेहनाई करी उसयो पिलातुस बाल बापस भेजी दिता। 12 उस बकते दीकर पिलातुस कने हेरोदेस इकी दुए दे दुशमण थे, पर दोनो उसी रोजे मित्तर बणी गे।

27:15-26; 15:6-15; 18:39-19:16)

13 पिलातुसे बड़डे याजकां कने सरदारों कने लोकां जो सदीकरी बोलया, 14 तुसां इस माणुए जो मेरे बाल लेई आये कने बोलया की दंगा करणे तांई लोकां जो भटकांदा था। पर दिखा, मैं तुहाड़े सामणे इसदी जाँच किती, पर जिना गल्लां दा तुसां इदे पर दोष लगा दे न, मिंजो उना गल्लां दे बारे च उदे च कोई भी दोष नी मिल्ला है; 15 कने ना ही हेरोदेसे उस पर कोई दोष लाया, क्योंकि उनी इसयो साड़े बाल बापस भेजी दितया है क्योंकि इनी माणुए ऐसा कुछ नी कितया की इसयो मौत दी सजा मिल्ले। 16 “इस तांई मैं इसयो कोड़े मरवाई करी छड़ी देणा है।”

17 पिलातुस फसह दे त्योहारे दे बेले उना दे इकी केदिये जो छड़ी दिन्दा था। 18 तालू सारे मिली करी बोलणा लगगे, इसयो मौत दी सजा दिया, कने साड़े तांई बरअब्बा जो छड़ी दे। 19 सै कुसकी दंगे दिया बजा ने जड़ा शेहरे च होया था, कने हत्या दिया बजा ने जेला च पाया था। 20 पर पिलातुसे यीशुए जो छड़णे दिया इच्छा ने लोका जो फिरी समझाया। 21 पर सै जोरे-जोरे ने बोलणा लगगे, “इसयो सूली पर चढ़ाई दिया! इसयो सूली पर चढ़ाई दिया!” 22 उनी तिजी बार फिरी बोलया, “कजो उनी क्या बुरा कितया है? पर मिंजो इदे च मौत दी सजा देंणे जोगी कोई गल्ल नी मिल्ला दी है, मैं इसयो मारी कुट्टी करी छड़ी देणा है।” 23 पर सै चिलाई-चिलाई करी पिच्छे ही पेई गे, की इसयो सूली पर चढ़ाई दिया, कने सै होर जोरे-जोरे ने बोलणा लगगे। 24 पिलातुसे हुकम दिता, की इना दिया विनतिया दे अनुसार करा। 25 कने उनी उस माणुए जो जड़ा दंगे कने

हत्या दिया बजा ने जेला च था, जिसयो सै मंगदे थे, छड़ी दिता; कने यीशुए जो उना दिया इच्छा अनुसार उना जो देई दिता।

27:32-44; 15:21-32; 19:17-19)

26 जालू सिपाई यीशुए जो लेई चलयो थे, तां उना शमौन नाए दे इक कुरेनी जो जड़ा ग्रांए ला ओआ दा था, उसयो पकड़ी करी उस पर सूली लदी दिती ताकि उसयो यीशुए दे पिच्छे-पिच्छे लेई चले। 27 कने लोका दी बड़ी बडी भीड़ उना दे पिच्छे चली पेई, कने उना चे जनानिया भी मतियां थियां, जड़ियां उदे तांई छातिया पिटी करी रोआ दियां थियां। 28 यीशुए उना पासे मुड़ी करी बोलया, “हे यरूशलेम शेहरे दियां कुड़ियो, मेरे तांई मत रोआ; पर अपने तांई कने अपने बचयां तांई रोआ।” 29 क्योंकि दिखा, सै दिन दुख भरे दिन ओणे न, जिना च लोकां बोलणा है, “धन्य न सै जनानियां जिना दे कदी बच्चे नी थे, कने जिना कदी बच्चे जम्मे नी, जिना ना कदी उना जो दूध पियाया।” 30 उस बेले, उना लोकां पहाड़ा ने बोलणा लगणा है, की सांझो पर पेई जा, कने पहाड़ियां ने की सांझो ढकी लिया।

31 “क्योंकि अगर सै मिंजो इस तरीके ने मारदे न जड़ा हरे रुखे सांई है, तां जड़े लोक सुके रुखे सांई न उना ने क्या कुछ नी करणा।”* 32 सै होर दो माणुआं जो यीशुए सोगी मारणे तांई लेई चले जिना बुरे कम्म कितयो थे।

33 जालू सै उसा जगा पर पुज्जे जिना जो खोपड़ी बोलदे न, तां उना ओथु उसयो कने उना दो बुरे कम्म करणे बालयां जो भी इकी जो सजे पासे कने दुज्जे जो खबे पासे सूली पर लटकाया। 34 तालू यीशुए बोलया, “हे पिता, इना जो माफ कर, क्योंकि ऐ जाणदे नी न की ऐ क्या करा दे न?” कने उना पर्चियां पाई करी उदे कपड़े बंडी ले। †

35 लोक खड़ोई करी दिखा दे थे, कने सरदार भी मजाक करिके बोलदे थे, इनी होरां जो बचाया, अगर ऐ परमेश्वरे दा मसीह है, कने उदा चुणयां होया है, तां अपने आपे जो बचाई ले। 36 सिपाई भी बखे आई करी यीशुए जो पिणे तांई सिरका देईकरी उदा मजाक करिके बोलदे थे। 37 “अगर तू यहूदियां दा राजा है, तां अपने आपे जो बचा।” 38 कने उदे उपर इक दोष पत्र भी लगाया था: “ऐ यहूदियां दा राजा है।”

39 जड़े बुरे कम्म करणे बाले यीशुए सोगी लटकाये

थे, उना चे इकी निंदा करिके बोलया, “क्या तू मसीह नी

* 23:31 23:31 अगर इयां कुसी माणुए सोगी होंदा है जड़ा धर्मी है, तां तुसां सोचा उना लोकां कने क्या होणा जड़े लोक उसा सजा पाणे दे योग्य न। † 23:34 23:34 (1 पत्. 3:9, प्रका. 7:60, यशा. 53:12, भज. 22:18)

है? तां फिरी अपणे आपे जो कने सांझो बचा।” 40 इसा गल्लां पर दुज्जे उसयो डांटया, “क्या तू परमेश्वरे ला भी नी डरदा है?” तिजो भी तां से ही सजा मिलियो है, 41 “कने सांझो तां न्याय दे अनुसार सजा मिलियो है, क्योंकि सांझो तां अपणे कम्मा दा ठीक फल मिला दा है; पर इनी तां कोई गलत कम्म नी कितया है।” 42 तालू उनी बोलया, “यीशु जी, जालू तू अपणे राज्य च राजा होईकरी ओंगा, तां मिंजो याद रखयां।” 43 यीशुए उसला बोलया, “मैं तिजो ने सच्च बोलदा है की अज ही तू मेरे सोगी स्वर्गलोक च होणा है।”

27:45-56; 15:33-41;
19:28-30)

44 कने लगभग दोपेहर ला लेईकरी तिन्न बजे दीकर सारे देशे च नेहेरा रिया, 45 कने सूरजे दी लोओ चली गई, कने मंदरे दा मोटा परदा बिचे ला फटी करी दो टुकड़े होई गया, † 46 कने यीशुए जोरे ने बोलया, “पिता, मैं अपणी आत्मा तेरे हथां च दिन्दा हे।” ऐ बोली करी अपणे प्राण छडी दिते।

47 सुबेदारे जड़ा कुछ होया था दिखीकरी परमेश्वरे दी बड़ाई किती, कने बोलया, पका ऐ कोई धर्मी माणु था। 48 भीड़ जड़ी ऐ दिखणे तांई गिठी होईयो थी, इसा घटना जो दिखीकरी छातियां पिटदे होए अपणे घरां जो बापस चली गई।

49 कने यीशुए दे सारे जाणने पछेणने बाले मित्र, कने जड़ियां जनानिया गलील प्रदेश ला उदे सोगी आईयां थियां, दूर खड़ाई करी जड़ा कुछ होया था सारा कुछ दिखा दियां थियां। §

27:57-61; 15:42-47;
19:38-42)

50 कने ओथु यूसुफ नाए दा इक माणु था सै महासभा दा सदस्य था कने सज्जन कने धर्मी था। 51 कने सै यहूदी अगुवां दे बिचारां कने उना दे कम्मा ला खुश नी था; कने सै यहूदियां दे शहर अरिमतिया शहरे दा रेहणे बाला कने परमेश्वरे दे राज्य दी नियाल्लन रखणे बाला था। 52 उनी पिलातुस दे बाल जाई करी यीशुए दी लाश मंगी, 53 कने लाशा जो सूली ला उतारी करी मलमले दिया चादरा च लपेटया, कने उसयो इक कबरा च रखया, जड़ी पथरे च खणियो थी; कने उसा च कदी भी कोई नी रखया था। 54 सै रोज शुक्रवार था, जड़ा तैयारी वाला दिन था कने सब्ते दा रोज शुरू होणेबाला था।

55 कने उना जनानियां जड़ियां उदे सोगी गलील प्रदेशे ला आईयां थियां, पिच्छे-पिच्छे जाई करी कबर

दिखी कने ऐ भी की उदी लाश कियां रखी है। 56 कने अपणे घरां जो बापस आई करी उना सुगंध बालियां चिजां कने इत्र यीशुए दिया लाशा पर मलणे तांई तैयार किता; कने सब्ते दे रोजे उना मूसा दिया व्यवस्था दे अनुसार अराम किता। *

24

28:1-10; 16:1-8; 20:1-10)

1 पर हब्टे दे पेहले रोजे सै बड़ी व्यागा ही उना सुगंधित चिजां जो जड़ियां उना तैयार कितियां थियां, लेईकरी कबरां पर आईयां। 2 कने उना दिखया की कबरा दे दरबाजे ला पथर पेहले ला ही हटया होया है, 3 कने सै अंदर गियां कने दिखया पर यीशुए दी लाश ओथु नी थी। 4 जालू सै इसा गल्ला ने हेरान थियां तां दिखा, दो माणु चिटटे चमकीले कपड़े पायो उना बखे खड़ोतयो थे। 5 जालू सै डरी गियां, कने उना मु धरतिया पासे हेठ करी दिते; तां उना स्वर्गदूतां जनानिया ने बोलया, “तुसां जिन्दया जो मरयां चे कजो तोपदे न?” 6 “सै ऐथू नी है, पर जिन्दा होई गया है। याद कर उनी गलील प्रदेशे च रेंदे बेले तुसां ने बोलया था, 7 की जरूरी हे, की मैं, माणुए दा पुत्र पापियां दे हथे पकड़या जा, कने सूली पर चड़ाया जाए, कने तिजे दिने मरयां चे जिन्दा होई जाए।” 8 तालू यीशुए दियां गल्लां उना जो याद आईयां। 9 कने कबरा ला बापस आई करी उना गयारां चेलयां जो, कने बाकियां सबना जो, ऐ सारियां गल्लां सुणाई दीतियां। 10 जिना प्रेरितां ऐ गल्लां बोलियां, सै मरियम मगदलीनी कने योअन्ना कने याकूबे दी मां मरियम कने उना सोगी दियां सारियां जनानिया भी थियां। 11 पर उना दियां गल्लां उना जो कहाणियां सांई लगियां, कने चेलयां उना दा भरोसा नी किता। 12 तालू पतरस उठी करी दोड़ी करी यीशुए दिया कबरा पर गिया, कने निठे होईकरी अंदर दिखया ओथु उनी सिर्फ बस कपड़े पियो दिखे, कने जड़ा होया उसला हेरान होईकरी बापस घरे चली गिया।

16:12-13)

13 उसी रोजे यीशु दे दो चेले इम्माऊस नाए दे इक ग्रांए जो चलयो थे, जड़ा यरूशलेम शहरे ला कोई गयारा किलो मीटर दूर था। 14 कने सै इना सारियां गल्लां पर अपु चे गल्ल बात करा दे थे, जड़ियां होईयां थियां। 15 कने सै जालू अपु चे गल्ल बात कने पूछताछ करा दे थे, तां यीशु अपु आई करी उना सोगी चलणा

† 23:45 23:45 (आमो. 8:9, इव्वा 10:19) § 23:49 23:49 (भज. 38:11, भज. 88:8) * 23:56 23:56 (निर्ग. 20:10, व्य. 5:14)

लगगा। 16 पर परमेश्वरे उना जो यीशुए जो पछेणने ला रोकरी रखया था, ताकि सै उसयो पछेणी नी सकन।

17 तालू यीशुए उना ने पुछया, “ऐ क्या गल्लां न, जड़ियां तुसां चलदे-चलदे अपु चे करा दे न?” सै रुकी गो कने उना दे मु बड़े उदास लगगा दे थे। 18 ऐ सुणीकरी, उना चे क्लियुपास नाऐ दे इकी माणुऐ बोलया, “शायद तू यरूशलेम च किल्ला ही परदेसी है; की जिसयो पता नी है की, पिछले इना रोजां च ऐथू क्या-क्या होया है?” 19 यीशु उना ला पुछया, “क्या-क्या होया है?” उना उसला बोलया, नासरत ग्रां दे यीशु दे बारे च जड़ा असल च परमेश्वरे कने सारे लोकां दे बखे कम्म कने बचन च सामर्थी परमेश्वरे दा संदेश देणेबाला था। 20 बड़े याजकां कने साड़े सरदारां उसयो पकड़ाई दिता, की उसयो मारणे दा हुकम दिता; कने उसयो सूली पर चढ़ाई दिता। 21 पर सांझो आस थी, की इनी ही इस्राएले देश दे लोकां जो रोम देश ला छुटकारा देणा, कने इना सारियां गल्लां दे सिवा इसा गल्लां जो अज तिजा दिन होई गया। 22 कने हुण केई जनानिया सांझो हेरानिया च पाई दिता है, जड़ियां अज व्यागा कबरा पर गियां थियां। 23 कने जालू उना जो उदी लाश नी मिल्ली, तां ऐ बोलदियां आईयां, की असां जो स्वर्गदूतां दे दर्शन होऐ, उना बोलया की यीशु जिन्दा है। 24 “तालू साड़े साथियां चे केई कबरा पर गो कने जियां उना जनानिया बोलया था, तियां ही ओथु था; पर यीशुए जो उना नी दिखया।”

25 तालू यीशुए उना दोनो चेलयां ने बोलया, “हे मूखों, जड़ा कुछ परमेश्वरे दा संदेश देणेबालयां दिया कताबां च लिखया है तुसां लोकां जो इना सारियां गल्लां पर भरोसा करणा बड़ा कठिन लगदा है।”

26 “ऐ जरूरी था, की मसीह ऐ सारे दुख झेले कने फिरी करी अपणिया महिमा च प्रवेश करे।” 27 तालू यीशुए उना जो पुरे पबित्र शास्त्रां चे, उनी मूसा ला शुरू करिके सारे परमेश्वरे दा संदेश देणेबालयां जितणियां गल्लां उदे बारे च बोलियां दियां, सै उना जो समजाइयां।*

28 इतणे चे सै उस ग्रांऐ बखे पुज्जे, जिथू सै चलयो थे, कने यीशुए दे व्यवहारे जो दिखीकरी ऐसा लगगा था, की सै चेलयां ला अगगे बदणा चांदा है। 29 पर उना ऐ बोली करी उसयो रोकया, “साड़े सोगी रे; क्योंकि संज होई चलियो है, कने दिन बड़ा डली गया है।” तालू सै उना सोगी रेहणे तांई अंदर गया। 30 जालू यीशु उना सोगी रोटी खाणां बैठा, तां उनी रोटी लेईकरी धन्यवाद किता, उसा जो तोड़ी करी उना जो देणा लगगा। 31 तालू उना

दियां हखी खुली गियां; कने उना उसयो पछेणी लिया, कने सै उना दी हखी अगगे ला गायब होई गया। 32 उना अपु चे बोलया, “जालू सै रस्ते च सांझो ने गल्लां करा दा था, कने सांझो पबित्र शास्त्रां दा मतलब समझा दा था, तां क्या साड़े मना च उतेजना नी जागी?”

33 सै उसी बेले उठी करी यरूशलेम शेहरे जो बापस चली गो, कने उना गयारां चेलयां कने उदे साथियां जो गिटे दिखया। 34 जड़े गिटे होयो थे सै ऐ बोला दे थे, “प्रभु सची जिन्दा होई गया है, कने शमौने जो मिलया है।” 35 तालू उना रस्ते दियां गल्लां उना जो दसियां कने ऐ भी बोलया की जालू सै रोटी तोड़ा दा था तां उना उसयो पछेणी लिया की सै यीशु है।

28:16-20; 28:16-18; 20:19-23; 1:6-8)

36 सै ऐ गल्लां करा दे ही थे, की यीशु अपु ही उना बिच प्रकट हुआ; कने उना ने बोलया, “तुहांजो शांति मिल्ले।” 37 पर सै घबराई गो, कने डरी गो, कने सोचणा लगगे की असां भूते जो दिखा दे न। 38 यीशुए उना ने बोलया, कजो घबरा दे न? कने तुहाड़े मने च कजो शक होंदा है? 39 “मेरे हथ कने पैरां जो दिखा, की मैं सै ही है, मिंजो छुई करी दिखा; क्योंकि भुत दी हड्डी कने मास नी होंदा है जियां मिंजो च दिखदे न।”

40 ऐ बोली करी उनी उना जो अपणे हथ पैर दस्से। 41 जालू खुशिया दे मारे उना जो भरोसा नी होया की यीशु जिन्दा है, कने हेरान होआ दे थे, तां यीशुए उना ला पुछया, “क्या ऐथू तुहाड़े बाल कुछ खाणे जो है?” 42 उना उसयो भुनियो मछिया दा टुकड़ा दिता। 43 यीशुए सै मछिया दा टुकड़ा लेईकरी उना दे सामणे खादा।

44 फिरी यीशुए उना ने बोलया, “ऐ मेरियां सै गल्लां न, जड़ियां मैं तुहाड़े सोगी रेईकरी तुहांजो ने बोलियां थियां, की जरूरी हे, की जितणियां गल्लां मूसा दिया व्यवस्था कने परमेश्वरे दा संदेश देणेबालयां कने भजना दियां कताबां च मेरे बारे च लिखियां न, सै सारियां सच्च साबित होन।” 45 तालू यीशुए उना जो पबित्र शास्त्र समझणे तांई मदद किती। 46 कने उना ने बोलया, की पबित्र शास्त्रां च ऐसा लिखया है की मसीह जो दुख झेलणे न, कने तिजे दिने मरयां चे जिन्दा होई जाणा है, † 47 कने यरूशलेम शेहरे ला लेईकरी सारियां जातियां दे पापां दी माफी तांई शुभसमाचार दा प्रचार उदे नाऐ ने होणा है। 48 “तुसां इना सारियां गल्लां दे गबाह न। 49 कने मैं अपु तुहांजो पर पबित्र आत्मा जो भेजणा है,

* 24:27 24:27 (यूह. 1:45, लूका 24:44, व्य. 18:15) † 24:46 24:46 (यशा. 53:5, लूका 24:7)

जिसदा बायदा मेरे पिता कितया है। तालू दीकर शेहरे च इतंजार करणा होणा जालू दीकर तुहांजो स्वर्गे ला सामर्थ्य नी मिलदी।”

११:११-१२ ११:१३-१४ ११:१५-१६

(११:१७ 16:19-20; ११:१८-१९ 1:9-11)

50 तालू सै उना जो बैतनिय्याह ग्रांए दीकर शेहर ला बाहर लेई गया, कने उना जो हथ चुकी करी आशीष दिती; 51 कने उना आशीष दिन्दे ही उना ला लग होई गया कने स्वर्गे जो चली गया।‡

52 कने सै उसयो दण्डवत करिके बड़िया खुशिया ने यरूशलेम शेहरे जो बापस चली गे। 53 कने सै लगातार मंदरे च जाई करी परमेश्वरे दी स्तुति करदे थे।

‡ 24:51 24:51 (प्रेरि. 1:9, भज. 47:5)

यूहन्ना दा शुभसमाचार

????????

यूहन्ना दा लिखया शुभसमाचार इस ताई लिखया था की लोक यीशुए पर भरोसा करणे ताई राजी होई सकन (अध्याय 20:30-31)। शुरूआती बचन, परमेश्वरे सोगी यीशुए दे अनोखे रिश्ते पर जोर दिन्दे न कने ऐ प्रकट करदे न की यीशु ही परमेश्वर है। ऐ कताब यीशुए दिया देवियता जो दसणे ताई उदे सत चिन्ह चमत्कारां पर ध्यान केन्द्रित करदी है। यीशुए लोकां ला हमेशा दिया जिन्दगिया दा वायदा करदे होए, उना जो उस पर भरोसा करणे ताई सदया। उनी लाजर जो जिन्दा करिरी ऐ साबित करी दिता की सै अपु ही मौत कने मरयां चे जिन्दा होणे दे जरिये, जिन्दगी देई सकदा है। (अध्याय 11) युहन्ना इसा कताबा च मसीह दे सत "मैं है" कथन जो, निकुदेमुस कने सामरी जनानिया सोगी आमणे-सामणे दी गल्ल-बात जो, उदिया शिक्षा जो जड़ी उनी उपरे बाले कमरे च दिती कने चेलयां दे पैर धोणे जो (अध्याय 13-16), कने उदी महायाजकीय प्राथना जो दसदा है। इसा कताबा दा लेखक प्रेरित युहन्ना है। इसा कताबा जो लिखणे दा साल लगभग ई. स. 85 है।

रूप-रेखा

शब्द दी प्रशंशा च इक भजन 1:1-18

यूहन्ना बपतिस्मा देणेबाले दा संदेश 1:19-34

यीशुए अपने पेहले चेलयां जो चुणया 1:35-51

यीशुए दे सत खास चमत्कार 2:1-12

यीशुए दा आखरी हफ्ता: उदी परिक्षा कने मौत 13:1-19

यीशु जिन्दा है 20:1-10

यीशुए अपने आपे जो चेलयां पर प्रकट किता 20:11-21

????????????????

1 इस सारे संसारे दे बणने ला पेहले बचन था, कने बचन परमेश्वरे सोगी था कने सै बचन परमेश्वर था। 2 बचन इस सारे संसारे दे बणने ला पेहले ला ही परमेश्वरे सोगी था। 3 परमेश्वरे सारा कुछ उसी बचन ने ही बणाया है कने जड़ा कुछ भी बणाया है इदे चे कोई भी चीज बचन बिना नी बणियो है। 4 साड़ी शारीरिक कने आत्मिक जिन्दगी उना च ही थी, कने सै जिन्दगी सारे लोकां जो लौ दिन्दी जोत थी। 5 कने लौ नेहरे च चमकदी है; कने नेहरा उसा लौइ जो बुझाई नी सकया।

6 परमेश्वरे यूहन्ना नाए दे इक माणुए जो भेजया। 7 सै लौइ दे बारे च दसणे ताई आया था ताकि सारे लोक

* 1:23 1:23 (यशा. 40:3)

उदे जरिये उसा जोती पर भरोसा करन। 8 यूहन्ना अपु तां सै लौ नी था, पर सै उसा लौ दी गबाई देणा आया था। 9 "सै जड़ी सच्ची लौ है" जड़ी हर इक माणुए जो लौ करदी है, सै संसार च ओणे बाली थी। 10 सै संसार च था, कने संसार उदे ने पैदा होया है, कने संसारे दे लोकां उसयो नी पछेणया। 11 सै अपने लोकां च आया पर उसयो उदे अपने लोकां नी अपनाया। 12 पर जितणया उसयो अपनाया, उनी उना जो परमेश्वरे दी ओलाद हांणे दा हक दिता, मतलब की सै जड़े उस पर भरोसा रखदे न: 13 सै ना तां माता-पिता दी इच्छा ला, कने ना तां माणुए दिया इच्छा ने, ना शरीरे दिया इच्छा ने, ना इक माणुए दिया ओलाद दी इच्छा ने, पर परमेश्वरे ला पैदा होया है। 14 कने बचन इक माणु बणया कने असां लोकां बिच रिया, कने असां उदी ऐसी महिमा दिखी, जदेई पिता दे इकलोते दी महिमा। जो पिता परमेश्वरे ला सचाइया कने अनुग्रह ने भरपूर होईकरी आया।

15 यूहन्ना उदे बारे च गबाई दिती, कने पुकारी करी बोलया, की ऐ सेई है, जिदे बारे च मैं बोलया था, की उनी मेरे बाद ओणा है, सै मिंजो ला भी बदीकरी है, क्योंकि सै मिंजो ला पेहले इस संसारे च मौजूद था।

16 क्योंकि उदी परीपूर्णता ने सांझो सारयां जो मिलया है मतलब अनुग्रह पर अनुग्रह। 17 व्यवस्था तां मूसा ने दितियो है, पर परमेश्वरे यीशु मसीह दे जरिये अनुग्रह कने सचाई दस्सी। 18 परमेश्वरे जो कुनी भी कदी नी दिखया है, सिर्फ उदे इकलोते पुत्रे जड़ा असल च परमेश्वर है, कने पिता परमेश्वर दे सबते नेडे है, उनी सांझो दसया है, की परमेश्वर कदिया है।

???????????????? ???? ???? ???? ???? ????
(???? 3:1-12; ???? 1:1-8; ???? 3:1-9,15-17)

19 यूहन्ना दी गबाई ऐ है, की जालू यहूदी अगुवां यरूशलेम शहरे ला याजकां कने लेवियां जो उसला ऐ पुछणे ताई भेजया, "तू कुण है?" 20 यूहन्ना उना जो साफ-साफ बोलया, "मैं मसीह नी है।" 21 तालू उना उसला पुछया, "तां फिरी कुण है? क्या तू परमेश्वरे दा संदेश देणेबाला एलिय्याह है?" उनी बोलया मैं नी है। तां क्या तू सै परमेश्वरे दा संदेश देणेबाला है जिसदा पिता परमेश्वरे बायदा कितया था? उनी जबाब दिता की, "नी।" 22 तालू उना यूहन्ना ला पुछया, "तां फिरी है कुण तू। ताकि असां अपने भेजणे बालयां जो जबाब देई सकन। तू अपने बारे च क्या बोलदा है?" 23 उनी बोलया, "जियां यशायाह परमेश्वरे दा संदेश देणेबाला

बोलया है, की मैं सुनसान जगा च इक हक पांणे बाले दी अबाज है की तुसां प्रभुए दा रस्ता सीधा करा।”*

24 ए लोक फरीसियां दे पासे ला भेजयो थे। 25 उना उसला ए सबाल पुछया, की अगर तू मसीह नी है, कने ना एलिय्याह है, कने ना ही सै परमेश्वरे दा संदेश देणेबाला है जड़ा ओणे बाला था, तां फिरी तू बपतिस्मा कजो दिन्दा है? 26 यूहन्ना उना जो जबाब दिता, की मैं तां पांणिए ने बपतिस्मा दिन्दा है, पर तुहाड़े बिच इक माणु खड़ोतया है, जिसयो तुसां नी जाणदे न। 27 मतलब की मेरे बाद ओणे बाला है, मैं तां उदे जुतयां दे तस्मे खोलणे दे काबील नी है।

28 ए गल्लां यरदने खड्डा दे पार बैतनिय्याह शेहर च होईयां, जिथू यूहन्ना लोकां जो बपतिस्मा दिन्दा था।

?????????? ??

29 यूहन्ने दुज्जे रोजे यीशुए जो अपणे पासे ओंदे दिखीकरी बोलया, “दिखा, ए परमेश्वरे दा मेमना है, जिनी संसारे दे पाप चुकी लेई जाणे न।† 30 ए सेई है जिदे बारे च मैं बोलया था, की इकी माणुए मेरे पिच्छे ओणा है, सै मिंजो ला भी बडा है, क्योंकि सै मिंजो ला भी पेहले था। 31 कने मैं उसयो पछेणदा नी था की सै मसीह था, इस्राएल देश दे लोकां जो ए दसणे तांई की सै कुण है, तां मैं पांणिए ने बपतिस्मा दिन्दा आया।”

32 कने यूहन्ने ए गबाई दिती की, मैं पबित्र आत्मा जो कबुतरे सांई स्वर्गे ला उतरदे दिखया है, कने सै उस पर रुकी गई। 33 पर मैं तां उसयो पछेणदा नी था सै मसीह था, पर जिनी मिंजो पांणिए ने बपतिस्मा देणा भेजया, उनी ही मिंजो ने बोलया, की जिस पर तू आत्मा जो उतरदे कने रुकदे दिखगा; सेई पबित्र आत्मा ने बपतिस्मा देणेबाला है। 34 कने मैं दिखया, कने गबाई दिती है की मैं तुसां ने सच्च-सच्च बोलदा की ऐई परमेश्वरे दा पुत्र है।‡

?????? ??

35 दुज्जे रोजे फिरी यूहन्ना कने उदे दो चले खड़ोतयो थे। 36 कने यीशु चलया था, तां उनी उदे पासे नजर करिके बोलया, “दिखा, ए परमेश्वरे दा मेमना है।” 37 तालू सै दोनो चले यूहन्ना दी गल्ल सुणीकरी यीशुए दे पिच्छे चली पे। 38 यीशुए पिच्छे मुड़ी करी उना जो पिच्छे ओंदे दिखीकरी उना ला पुछया, तुसां कुदिया तोपा च न? उना उसला बोलया, “गुरू जी, तू कुथु रेंदा है?” 39 यीशु मसीह उना ने बोलया, “चला दिखी लिया।” तालू उना

आई करी उदे रेहणे दी जगा दिखी, कने उस रोजे सै सोगी रे; कने ए दोपहर दे लगबग चार बजयो थे।

40 उना दोना चे इक तां शमौन पतरस दा भाई अन्दरयास था, जड़े यूहन्ना दियां गल्लां सुणीकरी उदे पिच्छे आया था। 41 उनी पेहले अपणे संगे भाई शमौन ने मिली करी उसला बोलया, की सांझो मसीह मिली गया है। § 42 अन्दरयास शमौने जो यीशुए बाल लेई आया: यीशुए उस पासे नजर करिके बोलया, तू यूहन्ना दा पुत्र शमौन है, तिजो पतरस बोलणा है।

??????????

43 दुज्जे रोजे यीशुए गलील प्रदेशे जो जाणे दा फेसला किता, कने फिलिप्पुस ने मिली करी बोलया, “मेर चले बणने तांई मेरे पिच्छे चली पो।” 44 फिलिप्पुस तां अन्दरयास कने पतरसे दे शेहर बैतसैदा दा रेंणेबाला था। 45 फिलिप्पुसे नतनएल ने मिली करी बोलया, “सांझो सै माणु मिल्ली गया है जिदे बारे च मूसा दिया व्यवस्था च कने परमेश्वरे दा संदेश देणेबालयां लिखया था। सै नासरत शेहरे ला यूसुफे दा पुत्र यीशु है।”* 46 नतनएले उसला बोलया, क्या कोई खरी चीज भी नासरत शेहर ला निकली सकदी है? फिलिप्पुसे उसला बोलया, “चली करी दिखी ले।”

47 यीशुए नतनएल जो अपणे बाल ओंदे दिखीकरी उदे बारे च बोलया, दिखा, ए सची इस्राएल दा भरोसे बाला बंशज है: इदे च कोई कपट नी है। 48 नतनएले यीशुए जो बोलया, “तू मिंजो कियां जाणदा है?” यीशुए उसयो जबाब दिता, फिलिप्पुसे तिजो जालू सदया, उसला पेहले जालू तू अंजीरे दे रुखे थले था, तालू मैं तिजो दिखया था। 49 नतनएले उसयो जबाब दिता, “गुरू जी, तू परमेश्वरे दा पुत्र है; तू इस्राएल दा महाराजा है।” 50 यीशुए उसयो जबाब दिता, “मैं तां तिजो ने बोलया, की मैं तिजो अंजीरे दे रुखे थले दिखया, क्या तू तां भरोसा करा दा है? तू इसला भी बड्डे कम्म दिखणे न।† 51 फिरी यीशुए उसयो बोलया, “मैं तुसां ने सच्च-सच्च बोलदा है की तुसां स्वर्गे जो खुलया कने परमेश्वरे दे स्वर्गदूते जो उपर जादे कने मिंजो, माणुए दे पुत्रे उपर उतरदे दिखणा।” ‡

2

?????? ??

1 फिरी दो दिन बाद गलील प्रदेशे दे काना शेहर च कुसकी दा बियाह था, कने यीशुए दी माता भी ओथु थी। 2 यीशु कने उदे चले भी उसी बियाह च सदया थे।

† 1:29 1:29 (1 पत. 1:19, यशा. 53:7) ‡ 1:34 1:34 (भज. 2:7) § 1:41 1:41 (यूह. 4:25) * 1:45 1:45 (मत्ती 21:11)
† 1:50 1:50 (यूह. 11:40) ‡ 1:51 1:51 (उत्प. 28:12)

3 जालू दाखरस घटी गिया, तां यीशुए दिया माता उसला बोलया, “की इना बाल दाखरस नी रिया।” 4 यीशुए उसला बोलया, “माता जी तुसां मिंजो कजो दस्सा दे? अजे मेरा टेम नी आया है की लोक मिंजो मसीह से रूपे च पछेणन।” 5 पर उदिया माता सेवकां ने बोलया, “जड़ा कुछ सै तुहांजो बोलगा, सेई करनयो।”

6 ओथु यहूदियां दे अपणे धार्मिक रिवाजां दे अनुसार हथ धोणे दा रिवाज था। उना हथ धोणे तांई पथरे दे छे घड़े रखयो थे। जिना च लगभग सौ-सवा-सौ लिटर पांणी ओंदा था। 7 यीशुए उना ने बोलया, “घड़यां च पांणी भरी दिया।” उना घड़यां जो उपरे दीकर भरी दिता। 8 तालू यीशुए उना जो बोलया, “हूण पाणी निकाली करी धामा दे प्रधाने बाल लेई जा।” सेबकां तियां ही कितया जियां उना जो करणे तांई बोलया। 9 जालू धामा दे प्रधाने सै पांणी चखया, तां सै दाखरस बणी गिया था कने उसयो नी पता था की सै कुथु ला आया है; पर जिना सेवकां पांणी कडया था सै जाणदे थे, तां धामा दे प्रधाने लाड़े जो सदीकरी, उसयो बोलया। 10 हर इक माणु पेहले सबना ला खरा दाखरस दिन्दा है, कने जालू लोक उसयो पी करी रजी जांदे न, तालू घटिया बाला धाखरस दिन्दा है; पर तू सबना ला बदिया दाखरस हले दीकर रखया है।

11 यीशुए गलील प्रदेशे दे काना शहर च अपणा ऐ पेहला चमत्कार दसी करी अपणी महिमा दसी कने उदे चेलयां उस पर भरोसा किता की सै ही मसीह है।

12 इदे बाद सै कने उदी माता, उदे भाई, उदे चले, कफरनहूम शहर जो गे कने ओथु थोड़े दिन रे।

21:12-13; 11:15-17; 19:45-46

13 यहूदियां दा फसह दा त्योहारे नेड़े था, कने यीशु यरूशलेम शहर जो गिया। 14 कने उनी मंदरे च दांद, कने भेडां, कने कबुतरां जो बेचणे बालयां जो बैठया दिखया। 15 तालू उनी रसियां जो कोड़ा बणाई करी, सारियां भेडां कने दांदा जो मंदरे ला कडी दिता, कने साहुकारां दे पेसे खलारी दिते, कने पिढां जो पुठा सुटी दिता, 16 कने कबुतरां बेचणे बालयां ने बोलया, “इना जो ऐथू ला लेई जा। मेरे पिता दे घरे जो व्यापारे दा घर मत बणा।”

17 तां उदे चेलयां जो याद आया की पबित्तर शास्त्र च लिखया है, “तेरे घरे दा जनून मेरे अंदर अग्गी सांई बलदा है।”*

18 इस पर यहूदी अगुवां उसला बोलया, “तू सांझो क्या चमत्कार दसी सकदा है की जिसने साबित हो की तिजो परमेश्वरे दिया तरफा ला हक है।” 19 यीशुए उना

जो जबाब दिता, “इसी मंदरे जो तोड़ी दीया, कने मैं इसयो उना रोजां च दोबारा बणाई दिंगा।” 20 यहूदी अगुवां बोलया, “इस मंदरे जो बणाणे जो छयाली साल लगयो न, कने तू क्या इसयो उना रोजां च बणाई दिंगा?” 21 पर यीशु जिस मंदरे दे बारे च बोला था, सै उदा शरीर था। 22 जालू यीशु मरी करी जिंदा होया था, तालू उदे चेलयां जो याद आया था की उनी ऐ बोलया था; कने पबित्तर शास्त्र कने सै बचन जड़ा यीशुए बोलया था, उस पर भरोसा किता।

23 जालू यीशु यरूशलेम शहर च फसह दे त्योहारे

च था, तां मतयां उना चमत्कारां जो जड़े सै दसदा था दिखीकरी उस पर भरोसा किता। 24 पर यीशुए भरोसा नी किता की उना उस पर भरोसा कितया है, 25 कने उसयो कुसदी भी जरूरत नी थी जड़ा उसयो लोकां दे बारे च दस्से क्योकि सै जाणदा था की उना दे दिलां च कने उना दे क्या इरादे न?

3

फरीसियां चे नीकुदेमुस नाऐ दा इक माणु था, जड़ा यहूदियां दा धार्मिक अगुवा था, सै इक फरीसी था।

2 उनी राती यीशुए बाल आई करी उसयो बोलया, “गुरु जी, असां जाणदे न, की परमेश्वरे तुहांजो सांझो सिखाणे तांई भेजया है, क्योकि कोई भी इना चमत्कार जो जड़े तू दसदा है, अगर परमेश्वर दा साथ ना हो तां नी दसी सकदा है।” 3 यीशुए उसयो जबाब दिता, “मैं तिजो ने सच्च-सच्च बोलदा है, अगर कोई नोऐ सिरे ला नी जम्मे तां सै परमेश्वरे दा राज्य नी दिखी सकदा है।” 4 नीकुदेमुसे उसला बोलया, “माणु जालू बुड्डा होई जांदा है तां सै कियां जन्म लेई सकदा है? क्या सै अपणिया माता दे पेटे च दुज्जी बरी जाई करी जन्म लेई सकदा है?” 5 यीशुए जबाब दिता, मैं तिजो ने सच्च-सच्च बोलदा है, जालू दीकर कोई माणु पांणिए कने पबित्तर आत्मा ने नी पैदा होऐ तालू दीकर सै परमेश्वरे दे राज्य च प्रवेश नी करी सकदा है। 6 माणु अपणे बचयां जो जन्म दिन्दे न। फिरी भी सिर्फ परमेश्वरे दी आत्मा ही तुसां जो परमेश्वरे दी ओलाद दे रूपे च बदली सकदा है। 7 हेरान मत हो, की मैं तिजो ने बोलया, तिजो दोबारा ला पैदा होणा जरूरी है। 8 हवा जिस पासे चांहदी है उस पासे चलदी है, कने तू उदी अबाज सुणदा है, पर ऐ पता नी की सै कुथु ला ओंदी है कने कुस पासे चली जांदी है? जड़ा कोई पबित्तर आत्मा ने जमया है सै ऐदिया ही है।

* 2:17 2:17 (भज. 69:9)

9 नीकुदेमुसे उसयो जबाब दिता, “क्या ऐ गल्लां होई सकदियां न?” 10 ऐ सुणीकरी यीशुऐ उसयो जबाब दिता, तू इस्राएलियां दा इक महान गुरू है, तिजो तां असल च इना गल्लां जो समझणा चाईदा है? 11 मैं तिजो ने सच्च-सच्च बोलदा है की सांझो जड़ा पता है, सै बोलदे न, पर जिसयो असां दिखदे न उदी गबाई दिन्दे न, कने असां जड़ा बोलदे न उस पर तुसां भरोसा नी करदे न।

12 जालू मैं तुसां ने धरतिया पर होणे बालियां गल्लां बोलियां, तां तुसां भरोसा नी किता, अगर मैं तुसां जो दस्से की स्वर्गे च क्या होणा है, तां क्या तुसां भरोसा करगे? 13 कोई स्वर्गे पर नी गया, “पर सिर्फ मैं, माणुऐ दा पुत्र स्वर्गे ला थल्ले आया है।”* 14 कने जियां मूसे सुनसान जगा च पितल दे सप्पे जो उपर चढ़ाया, तियां ही जरूरी है की मैं, माणुऐ दे पुत्रे जो भी उपर चढ़ाया जाए। † 15 ताकि जड़ा कोई मिजो पर भरोसा करे उदे च उसयो हमेशा दी जिन्दगी मिल्ले।

16 “क्योंकि परमेश्वरे संसारे दे लोकां ने ऐसा प्यार किता की उनी अपणा इकलोता पुत्र देई ता, ताकि जड़ा कोई उस पर भरोसा करे, उदा नाश ना होऐ, पर उसयो हमेशा दी जिन्दगी मिल्ले। 17 क्योंकि परमेश्वरे अपने पुत्रे जो संसारे दे लोकां पर सजा देंगे ताई नी भेजया है, पर इस ताई भेजया की उदे जरिये संसारे दे लोकां दा उद्धार होऐ।

18 जड़ा परमेश्वरे दे पुत्रे पर भरोसा करदे न, उस पर सजा दा हुकम नी होंदा, पर जड़े परमेश्वरे दे पुत्रे पर भरोसा नी करदे न, सै दोषी न क्योंकि उनी परमेश्वरे दे इकलोते पुत्रे दे नाऐ पर भरोसा नी किता। ‡ 19 कने सजा दा हुकम देंगे दी बजा ऐ की लौ संसारे च आई है, कने लोकां नेहरे जो लौइ ला जादा प्यार किता क्योंकि उना दे कम्म बुरे थे। 20 क्योंकि जड़ा कोई बुराई करदा है, सै लौइ ने बैर रखदा है, कने लौइ च नी ओंदा है, इयां ना हो कि उदे कम्मा पर दोष लगन। 21 पर जड़ा सचाइया पर चलदा है सै लौइ च ओंदा है, ताकि उदे कम्म प्रगट होन जड़ा परमेश्वरे चांदा की सै करन।”

§ 22 इदे बाद यीशु कने उदे चले यहूदिया प्रदेश च आये; कने सै ओथु उना सोगी रेईकरी बपतिस्मा देणा लगगा। 23 कने यूहन्ना भी ऐनान ग्रां च जड़ा सामरिया इलाके दे शालेम शहर दे नेड़े है ओथु बपतिस्मा दिन्दा था। क्योंकि ओथु मता पांणी था, कने लोक आई करी बपतिस्मा लेंदे थे। 24 क्योंकि यूहन्ना तालू दीकर जेला च नी पाया था।

* 3:13 3:13 (यूह. 6:38) † 3:14 3:14 (यूह. 8:28) ‡ 3:18 3:18 (यूह. 5:10) § 3:28 3:28 (यूह. 1:20, मला. 3:1)

25 ओथु यूहन्ना दे चेलयां दा कुसकी यहूदिये सोगी रिबाजा दे हिसावे ने शुद्धी दे बारे च बेहस होई। 26 कने यूहन्ना दे चेलयां उस बाल आई करी उसला बोलया, “गुरू जी, जड़ा माणु यरदन खडडा दे पारले पासे तेरे सोगी था, जिसदे बारे च तुसां गबाही दिती थी; दिख, सै बपतिस्मा दिन्दा है, कने सब उस बाल ओंदे न।” 27 यूहन्ने जबाब दिता, जालू दीकर माणुऐ जो स्वर्गे ला ना दितया जाए, उसयो तालू दीकर कुछ नी मिल्ली सकदा। 28 तुसां अपु मेरे गबाह न की क्या बोलया था, की मैं मसीह नी है, पर उदे पहले भेजया गया है। § 29 लाड़ा लाड़िये ने बियाह करी लेंदा है, पर लाड़े दा मित्र सोगी खडोई करी उदी सुणदा है, लाड़े दियां गल्लां ने बड़ा खुश होंदा है; तियां ही मेरा दिल खुश होई गया है। 30 जरूरी है सै होर जादा खास होई जा कने मैं घट खास होई जां।

31 “जड़ा स्वर्गे ला ओंदा है सै सबना ला बड़ा है, जड़ा धरतिया ला ओंदा है सै धरतिया दा है; कने धरती दियां गल्लां करदा है: जड़ा स्वर्गे ला ओंदा है, सै सबना ला उपर है। 32 जड़ा कुछ उनी दिखया, कने सुणाया है, उदी गबाई दिन्दा है; पर बड़े घट लोक उदे संदेश जो मंदे न। 33 पर जिना लोकां उदा संदेश मन्नी लिया उनी इसा गल्ला पर प्रमाण देई दिता की परमेश्वर सच्चा है। 34 क्योंकि जिसयो परमेश्वरे भेजया है सै परमेश्वरे दे बचना दा प्रचार करदे न क्योंकि ऐ सेई है जिसयो परमेश्वरे बिना नापी-तोली करी पबित्र आत्मा दिन्दा है। 35 पिता परमेश्वर पुत्रे ने प्यार करदा है, कने उनी सारियां चिंजा उदे हथां च देई दितियां। 36 जड़ा परमेश्वरे दे पुत्रे पर भरोसा रखदा है, हमेशा दी जिन्दगी उदी है; पर जड़ा पुत्रे जो नी मनदा है, उसयो अनन्त जिन्दगी नी मिलणी, पर परमेश्वरे दी सजा उसयो मिलणी है।”

4

¶¶¶¶¶ ¶¶¶¶¶ ¶¶¶¶¶¶¶¶¶¶¶¶¶¶¶¶¶

1 फिरी जालू यीशुऐ जो पता लगगा की फरीसियां सुणाया है की यीशु यूहन्ना ला जादा चले बणांदा कने बपतिस्मा दिन्दा है। 2 यीशु नी पर उदे चले बपतिस्मा दिन्दे थे, 3 तालू सै यहूदिया प्रदेश जो छडी करी फिरी अपने चेलयां सोगी गलील प्रदेशे दे इलाके जो चली गया, 4 कने उसयो सामरियां प्रदेश ला होईकरी जाणा जरूरी था, क्योंकि परमेश्वर भी ऐई चांदा था। 5 ताई तां सै सामरिया प्रदेश दे खूखार शहरे दीकर आया, जड़ा उसा जमिना दे बखे है जड़ी याकूबे अपने पुत्र यूसुफे

जो दितियो थी।⁶ कने याकूबे जड़ा खु ओथु बणाया था, सै हले दीकर भी ओथु ही था। कने यीशु रस्ते च थकी करी उस खुए पर इयां ही बेई गया। कने ऐ गल्ल दोपहर दे बकते होई थी।

⁷ इतणे च इक सामरी जनानी पांणी भरना आई। यीशुए उसा जो बोलया की “मिंजो पीणे ताई पांणी दे।”⁸ क्योंकि उदे चेले तां शेहरे च खाणा खरीदणा गियो थे।⁹ इना सामरी जनानिया उसला बोलया, तू यहूदी होईकरी सामरी जनानिया ला पांणी कजो मंगा दा है? क्योंकि यहूदी सामरियां सोगी कुछ भी रिश्ता नी रखदे।

¹⁰ यीशुए जबाब दिता, “तू नी जाणदी है की परमेश्वर तिजो क्या देणा चांदा, कने ऐ भी नी जाणदी की कुण तिजो ला पांणी मंगा दा है। अगर तू जाणदी, तां तू मिंजो ला मंगदी, कने मैं तिजो जिन्दगिया दा पांणी दिन्दा जड़ा जिन्दगी दिन्दा है।”¹¹ जनानिया उसला बोलया, परभु जी, तेरे बाल पांणिए भरने ताई तां कुछ हे भी नी है, कने खु तां बड़ा डुगा है; तां फिरी सै जिन्दगिया दा पांणी तेरे बाल कुथु ला आया? ¹² क्या तू साड़े पूर्वज याकूबे ला बडा है, जिनी सांझो ऐ खु दिता; कने उनी कने उदे बचयां कने डंगरां समेत इस खुए ला पीता? ¹³ यीशुए उसा जो जबाब दिता, जड़ा कोई इस पांणिए जो पिंगा उसयो फिरी त्रे लगी पोंणी, ¹⁴ पर जड़ा कोई उस पांणिए जो पिंगा जड़ा मैं उसयो देणा, तां उनी फिरी अनन्तकाल दीकर कदी त्रिणा नी होणा। जड़ा पांणी मैं उसयो दिगा, सै उदे च इक पांणिए दा खु बणी जाणा, जड़ा उस पाणिए जो दिन्दा रेंदा है कने उसयो हमेशा दी जिन्दगी देणी। ¹⁵ उना जनानिया उसला बोलया, “परभु जी, सै पांणी मिंजो दे ताकि मिंजो त्रे ना लगगे कने ना पांणी भरणे ताई बार-बार इतणी दुरे जो ओए।”

¹⁶ यीशुए उसा जो बोलया, “जा, अपणे घरे बाले जो ऐथू सदी लेई ओ।”¹⁷ जनानिया जबाब दिता, “मेरा घरे बाले नी है।” यीशुए उसा ने बोलया, “तू ठीक बोलदी है, की मेरा घरेबाला नी है। ¹⁸ क्योंकि तू पंज घरे बाले करी बेठिइयो है, कने हुण तू जिस माणुए बाल है सै भी तेरा घरेबाला नी है; ऐ तू सच्च बोलया है।”

¹⁹ जनानिया उसला बोलया, “परभु जी, मिंजो लगदा है तू परमेश्वरे दा संदेश देणेबाला है। ²⁰ साड़े सामरी पूर्वज इसी पाहेडे पर परमेश्वरे दी भक्ति करदे थे, कने तुसां यहूदी लोक बोलदे न की सै जगा जिथू अराधना करणी चाईदी सै यरूशलेम शेहर च है।”^{*} ²¹ यीशुए उसा ने बोलया, “हे जनानिये, मेरिया गल्लां पर भरोसा कर की सै बकत ओणा है, ना तां तुसां इसी पाहेडे

पर पिता दी भक्ति करणी है ना तां यरूशलेम शेहर च। ²² तुसां सामरी लोक जिसयो नी जाणदे न, उदी भक्ति करदे न; कने असां यहूदी लोक जिसयो जाणदे न उदी अराधना करदे न; क्योंकि उद्धार करणे बाले यहूदियां चे ही ओणा है।[†] ²³ पर सै बकत ओणा है, मतलब अजे भी है, जिदे च सच्चे भक्त पिता परमेश्वरे दी भक्ति आत्मा कने सचाइया ने करणी है, क्योंकि पिता परमेश्वर अपणे ताई ऐदे ही अराधना करणे बालयां जो तोपदा है। ²⁴ परमेश्वर आत्मा है, कने जरूरी है की उदी अराधना करणे बाले आत्मा कने सचाइया ने भक्ति करन।” ²⁵ जनानिया उसला बोलया, “मैं जाणदी है की मसीह जिसयो खिरस्तुस बोलदे न, ओणे बाला है; जालू उनी ओणा है, तां उनी सांझो सारियां गल्लां दसी देणियां न।” ²⁶ यीशुए उसा ने बोलया, “मैं जड़ा तिजो ने बोला दा है, सेई है।”

???????? ?? ???????

²⁷ इतणे च उदे चेले आई गो, कने हेरान होणा लगगे की सै जनानिया ने गल्लां करा दा है; पर तमी कुनी नी पुछया, तू क्या चांदा है? “कने कजो इसा ने गल्लां करा दा है?” ²⁸ तालू सै जनानी अपणा घड़ा छडी करी शेहरे जो चली गई, कने लोंका ने बोलणा लगगी, ²⁹ “ओआ, इक माणुए जो दिखा, जिनी सब कुछ दसी दिता जड़ा मैं कितया। कुथी ऐई तां मसीह नी है?” ³⁰ तालू सै शेहरे ला निकली करी यीशुए जो दिखणा ओणा लगगे।

³¹ इतणे च उदे चेले आई करी उसला विनती करणा लगगे, “गुरु जी, कुछ खाई ले।” ³² पर यीशुए उना ने बोलया, “मेरे बाल खांणे ताई ऐसा खांणा है जिसयो तुसां नी जाणदे न।” ³³ तालू चेलयां अपु चे बोलया, “क्या कुनी इदे ताई कुछ खांणे जो लांदया है?” ³⁴ यीशुए उना ने बोलया, मेरा खांणा परमेश्वरे दी इच्छा दा पालन करणा है जिनी मिंजो भेजया है, कने उस कम्मे जो पूरा करणा है जड़ा उनी मिंजो सौपया।

³⁵ क्या तुसां नी बोलदे, बडाई करणे जो अजे भी चार महीने पियो न? दिखा, मैं तुसां ने बोलदा है, अपणियां हखी खोला कने ओणे बाले लोकां जो दिखा। सै खतरां च पकियो फसला सांई न, कने बडाइ ताई तैयार न। ³⁶ पेहले ला ही बडणे बाले कम्म करा दे न कने उना जो अपणी मजदूरी मिल्ला दी है। कने बी राणे बाला कने बडणे बाला दोनों मिलिकरी खुशी मनान। ³⁷ क्योंकि इसा गल्ला पर ऐ कहावत ठीक बोंदी है: राणे बाला कोई होर है कने बडणे बाला कोई होर है।[‡] ³⁸ मैं तुहांजो उस खेतरे जो बडणे ताई भेजया जिस च तुसां मेहनत नी

* 4:20 4:20 (व्य. 11:29) † 4:22 4:22 (यशा. 2:3) ‡ 4:37 4:37 (मीका 6:15)

कितियो होरनी मेंहनत कितियो है, “तुसां उसा फसला जो गठेरणा (जिस तांई उना कम्म कितया है)।”

?????????? ?? ??????? ?????

39 कने उस शेहरे दे मतयां सामरियां उसा जनानिया दे बोलणे ने यीशुए पर भरोसा किता; जिना ऐ बोलया था, की उनी सब कुछ दसी दिता, जड़ा मैं कितया है। 40 जालू से सामरी उदे बाल आये, तां उसला बिनती करणा लगगे की साड़े ऐथू रे। तां सै ओथु दो रोज रिया। 41 कने उदे संदेश दिया बजा ने मतयां यीशुए पर भरोसा किता। 42 कने उना जनानिया बोलया, हुण असां तेरे बोलणे ने ही भरोसा नी करदे न, क्योंकि असां अपु ही सुणी लिया, कने असां जाणदे न की ऐई सच्ची दा संसारे दा उद्धार करणे बाला है।

43 फिरी सै उना दो रोजां बाद सै ओथु ला निकली करी गलील प्रदेश जो गया। 44 क्योंकि यीशुए अपु ही बोलया था की परमेश्वरे दा संदेश देणे बाले दी अपणे देशे च इज्जत नी होंदी है। 45 जालू सै गलील प्रदेश गया, तां गलील बासी खुशिया ने उसला मिल्ले; क्योंकि जितणे भी कम्म उनी यरूशलेम शेहर च त्योहारे बेले कितयो थे, उना सारयां कम्मा जो दिखया था, क्योंकि सै भी त्योहारे जो गियो थे।

?????????????????????????? ?? ??????????? ?? ?????

46 तालू सै फिरी गलील प्रदेश दे काना शेहर च आया, जिथू उनी पाणिणे जो दाखरस बणाया था। ओथु राजे दा इक सेवक था जिसदा पुत्र कफरनहूम शेहर च बीमार था। 47 सै ऐ सुणीकरी की यीशु यहूदिया प्रदेश ला गलील प्रदेशे च आया है, उदे बाल गया कने उसला बिनती करणा लगगा की चली करी मेरे पुत्रे जो ठीक करी दे: क्योंकि सै मरणे बाला था। 48 यीशुए उसयो बोलया, जालू तुसां चमत्कार कने अनोखे कम्म नी दिखी लेंगे तालू दीकर तुसां मिंजो मसीहा नी मनणा। 49 राजे दे सेवके उसला बोलया, “प्रभु जी, मेरे जागते दी मौत होणे ला पेहले चल।” 50 यीशुए उसयो बोलया, “जा तेरा जागत जिन्दा है।” उनी माणुए यीशुए दी गल्ल मन्नी कने चली गया। 51 सै अजे रस्ते च ही चलया था, की उदे सेवक उस बाल आई रे कने बोलणा लगगे, “तेरा जागत जिन्दा है।” 52 उनी उना ला पुछया, “की कुस बकते सै खरा होणा लगगा?” उना उसला बोलया, “कल दोपहर इक बजे उदा भुखार उतरी गया।” 53 तालू उस जागते दा पिता समझी गया की ऐ उस बकते ही होया है जिस बकते यीशुए बोलया, तेरा जागत जिन्दा है, “कने उनी कने उदे सारे घरे बालयां यीशुए पर भरोसा किता।”

* 5:10 5:10 (यिर्म. 17:21)

54 ऐ दुज्जा चमत्कार था जड़ा यीशुए यहूदिया प्रदेश ला गलील प्रदेश च बापस आई करी किता।

5

?????????? ??????????? ?? ??????????? ?? ?????

1 इना गल्लां दे बाद यहूदियां दा इक त्योहार होया, कने यीशु यरूशलेम शेहर जो गया। 2 यरूशलेम च भेडां दे फाटके बखे इक तलाब है जिसयो इब्रानी भाषा च बैतहसदा बोलदे न, कने उदे चारो पास्से पंज बरांडे न। 3 उना च मते बीमार, अन्ने, लंगड़े कने सुकयो अंगा बाले, पाणिणे हिलणे दिया आसा च ओथु बेई रेंदे थे। 4 क्योंकि परमेश्वरे दे नियुक्त बकते पर स्वर्गदूत तलाब पर उतरी करी पाणिणे जो हिलादे थे: पांणी हिलणे बाद जड़ा कोई भी पेहले अंदर जांदा था सै ठीक होई जांदा था चाए उदी कोई भी बिमारी हो। 5 ओथु इक माणु था, सै ठतियां सालां ला बीमारिया च था। 6 यीशुए उसयो पिया दिखीकरी कने जाणी करी की ऐ इसा हालता च बड़े रोजां ला है, उसला पुछया, “क्या तू ठीक होणा चांदा है?” 7 उनी बिमारे जबाब दिता, “प्रभु जी, मेरे बाल कोई माणु नी है, की जालू पांणी हिले, तालू मिंजो तलाब दे अंदर जाणे तांई मदद करे, मैं तलाब दे अंदर जाणे दी कोशिश करदा है, हमेशा मेरे पुजणे ला पेहले ही कोई होर मेरला पेहले तलाब अंदर चली जांदा है।” 8 यीशुए उसला बोलया, “उठ, अपणिया चटाईया जो चुकी करी हंड फिर।” 9 सै माणु झट ठीक होई गया, कने अपणिया चटाईया जो चुकी करी चलणा फिरणा लगगी पिया।

10 जिस रोजे ऐ सब होया सै सब्ते दा दिन था। इस तांई यहूदी अगुवे उसला जड़ा ठीक होया था, बोलणा लगगे, “मूसा दिया व्यवस्था दे अनुसार सब्ते दे रोजे, तिजो चटाईया जो चुकी करी लेई जाणा ठीक नी है।” * 11 उनी उना जो जबाब दिता, “जिनी मिंजो ठीक किता उनी मिंजो बोलया है, अपणिया चटाईया चुकी करी चल फिर।”

12 उना उसला पुछया, “सै कुण माणु है जिनी तिजो ऐ बोलया, चटाई जो चुक कने चल फिर?” 13 पर जड़ा ठीक होई गया था, सै नी जाणदा था की सै कुण है; क्योंकि उसा जगा पर भीड़ होणे दिया बजा ने यीशु ओथु भिड़ा ने मिली गया कने उना जो मिल्ला नी। 14 कुछ बकते बाद सै यीशुए जो मंदरे दे अंगणे च मिला, तालू उनी उसला बोलया, “दिख, तू तां ठीक होई गया है; हुण दोबारा पाप मत करदा, इयां ना हो की इसला भी बडी मुसिबत तिजो पर आई जा।” 15 उनी माणुए जाई

करी यहूदी अगुवां ने बोली दिता की जिनी मिंजो ठीक कितया है सै यीशु है।

16 इसा बजा ने यहूदी अगुवे यीशुए जो सताणां लगगे, क्योंकि सै ऐसे-ऐसे कम्म सब्ते दे रोजे करदा था। 17 इसा गल्लां पर यीशुए उना ने बोलया, मेरा पिता परमेश्वर हले दीकर कम्म करदा है कने मिंजो भी कम्म करणा चाईदा। 18 यीशुए ऐ बोलया इसा बजा ने यहूदी अगुवे उसयो होर भी जादा मारणे दी कोशिश करणा लगगे, की सै सिर्फ ऐई नी की सब्ते दे दिने दे रिबाजे जो तोड़ा दा, पर सै परमेश्वरे जो भी अपणा पिता बोली करी, अपणे आपे जो परमेश्वर दे बराबर बोला दा था।

११११११ ११ ११

19 इसी पर यीशुए उना ने बोलया, मैं तुसां ने सच्च-सच्च बोलदा है, मैं अपु ला कुछ नी करी सकदा है, सिर्फ सेई जड़ा सै पिता परमेश्वर जो करदे दिखदा है, क्योंकि जिना-जिना कम्मा जो सै करदा है उना जो मैं भी तियां ही करदा है। 20 इस ताई पिता परमेश्वर मिंजो ने प्यार करदा है कने जड़े-जड़े कम्म सै अपु करदा है, सै सारे उसयो दसदा है; कने उनी इना ला भी बड़डे कम्म उसयो दसणे न, ताकि तुसां हेरान होन। 21 क्योंकि जियां मेरा पिता परमेश्वर मरयां लोकां जो जिन्दा करदा है, तियां ही मैं भी जिना जो चांदा है उना जो जिन्दा करदा है। 22 पिता परमेश्वर कुसी दा भी न्याय नी करदा है, पर न्याय करणे दा सारा कम्म मिंजो देई दितया है, 23 इस ताई जियां सारे लोक पिता परमेश्वर दा आदर करदे न तियां ही मेरा भी आदर करन जड़ा मेरा आदर नी करदा, सै पिता परमेश्वर दा आदर भी नी करदा है जिनी उसयो भेजया है।

24 मैं तुसां ने सच्च-सच्च बोलदा है, जड़ा मेरा बचन सुणीकरी मेरे भेजणे बाले पर भरोसा करदा है, हमेशा दी जिन्दगी उदी है, कने उसयो सजा नी मिलणी है पर सै तां अनन्त मौता ला बची गया है कने उनी पेहले ला ही जिन्दगी च प्रवेश करी लिया है।

25 “मैं तुसां ने सच्च-सच्च बोलदा है, सै बकत ओणा है, कने हुण है, जिदे च मरयां परमेश्वरे दे पुत्र, मेरी अबाज सुणनी, कने जड़े सुणगे उना हमेशा ताई जी पोणा है।” 26 क्योंकि जियां पिता परमेश्वर अपणे अंदर जिन्दगी रखदा है, तियां ही उनी अपणे पुत्र, जो भी हक दितया है की सै अपणे आपे च जिन्दगी रखे; 27 क्योंकि मैं माणुए दा पुत्र है, इस ताई पिता परमेश्वरे मिंजो सारे लोकां जो न्याय करणे दा अधिकार दितया है।

28 इसला हेरान मत होआ, क्योंकि सै बकत ओणा है, की सै सारे लोक जड़े मरी गियो न, उना मेरी मतलब

की, माणुए दे पुत्रे दी अबाज सुणीकरी जिन्दे होई जाणा है। 29 जिना बाल अच्छी जिन्दगी थी, उना हमेशा दी जिन्दगी ताई जिन्दे होई जाणा है, सै जड़े बुराई च जिन्दगी बितान्दे न, उना दोषी होणे ताई जी पोणा है। †

११११ ११ ११११ १ ११११

30 “मैं अपणे आपे ला कुछ नी करी सकदा; मैं लोकां दा न्याय तियां ही करदा है जियां पिता परमेश्वर मिंजो उना दा न्याय करणे ताई बोलदा है, कने मेरा न्याय सही है; क्योंकि मैं अपणी मरजी नी, पर अपणे भेजणे बाले दी मर्जी चांदा है।

31 अगर मैं अपु ही अपणी गबाई दें, तां मेरी गबाई सच्ची नी है। 32 इक होर है जड़ा मेरा पिता परमेश्वर है, सै भी मेरे बारे च गबाई दिन्दा है, कने मैं जाणदा है की मेरी जड़ी सै गबाई दिन्दा है, सै सच्ची है। 33 तुसां यूहन्ना बपतिस्मा देणेबाले बाल संदेश देणेबाले भेजे कने उनी सचाइया दी गबाई दितियो है। 34 पर मैं अपणे बारे च माणुआं दी गबाई नी चांदा है; तमी मैं इसा गबाई दे बारे च दसया है जड़ी यूहन्ना दिती थी ताकि तुहाड़ा उद्धार होए। 35 यूहन्ना इक दिव्ये साई था; कने तुहांजो थोड़िया देरा ताई उदिया लौई च, मगन होणा खरा लगगा। 36 पर मेरे बाल यूहन्ना ला भी बड़डी गबाई है: क्योंकि जड़ा कम्म पिता परमेश्वरे मिंजो पूरा करणे ताई दितया सै मेरे बारे च गबाई दिन्दा है। जड़ा कम्म मैं करी सकदा है, सै गबाई दिन्दा है की मिंजो पिता परमेश्वरे भेजया है। 37 कने पिता परमेश्वर जिनी मिंजो भेजया है, उना ही मेरी गबाई दितियो है तुसां ना तां उदी कदी अबाज सुणी, कने ना उसयो आमणे सामणे दिखया है। 38 कने उदे संदेशा जो मने च टिकाई करी नी रखदे, क्योंकि जिसयो परमेश्वरे भेजया है तुसां उदा भरोसा नी करदे।

39 तुसां पबित्त्र शास्त्रां च ध्याने ने पढ़ी करी तोपदे न, क्योंकि तुसां समझदे न की उना ने हमेशा दी जिन्दगी मिलदी है, कने ऐ सेई बचन है, जड़ा मेरी गबाई दिन्दा है; 40 पर ऐ सब होणे पर भी अनन्त जिन्दगी पांणे ताई मेरे बाल नी ओंणा चांदा न।

41 मैं माणुए ला आदर दी आस नी रखदा है। 42 क्योंकि मैं तुसां जो जाणदा है की तुसां अपणे मने च परमेश्वरे ताई प्यार नी रखदे न। 43 मैं अपणे पिता परमेश्वर दे अधिकारे ने आया है, कने तुसां मिंजो अपनांदे नी अगर कोई होर अपणे ही अधिकारे ने ओए, तां उसयो तुसां अपनाई लेंदे न। 44 तुसां मिंजो पर भरोसा नी करी सकदे न, क्योंकि तुसां इकी दुज्जे ला अपणी आदर मान चांदा न, कने तुसां इकलोते परमेश्वरे

ला आदर मान पाणे दी कोशिश नी करदे न।⁴⁵ ऐ मत समझा, की मैं पिता परमेश्वरे दे सामणे तुसां पर दोष लगा दा: मूसा, जिस पर तुसां आस रखियो है, उनी तुसां पर दोष लगाणे न।⁴⁶ क्योंकि अगर तुसां मूसा दा भरोसा करदे, तां मेरा भी भरोसा करदे, इस तांई की उनी भी मेरे बारे च पबितर शास्त्र च लिखया है।⁴⁷ क्योंकि तुसां उदियां लिखियां गल्लां दा भरोसा नी करदे, तां तुसां पक्का ही मेरियां गल्लां दा भी नी करी सकदे।”

6

[\(यूहन्ना 14:13-21; यूहन्ना 6:30-44; यूहन्ना 9:10-17\)](#)

1 इना गल्लां दे बाद यीशु गलील झिला च मतलब की तिबिरियासे दिया झिला बखे गया।

2 कने बड़ी भरी भीड़ उदे पिच्छे चली पेई क्योंकि जड़े अनोखे कम्म सै बिमारां पर दसदा था सै उना जो दिखदे थे।³ तालू यीशु पहाड़े पर चढ़ी करी अपणयां चेलयां सोगी ओथु बैठा।⁴ कने यहूदियां दे फसह दा त्योहारे नेड़े ही था।

5 तालू यीशुए नजरा चुकी करी मती भरी भिड़ा जो अपणे बाल ओंदे दिखया, कने फिलिप्पुस ने बोलया, “असां इना जो खांणे तांई रोटी कुथु ला खरदी लोणी?”⁶ पर यीशुए ऐ गल्ल उसयो परखणे तांई बोली; क्योंकि सै अपु जाणदा था की मैं क्या करणा है।⁷ फिलिप्पुसे उसयो जबाब दिता, “इतणी रोटियां दी कीमत दो सो दिना दिया मजदुरिया दे बराबर होणी, सै भी उना तांई पूरी नि होणी की उना चे हर इकी जणे जो थोड़ी-थोड़ी मिल्ली जा।”⁸ उदे चेलयां चे शमौन पतरस दे भाई अन्दरयासे उसयो बोलया,⁹ “ऐथू इक जागत है जिदे बाल जौ दियां पंज रोटियां न कने दो मच्छियां न, पर ऐ इतणे लोका तांई काफी नी है।”¹⁰ यीशुए बोलया, “लोकां जो बटाई दिया।” उसा जगा पर मता घा था: तालू सै लोक बैठी गे, कने सै गिणतिया च लगबग पंज हजार थे।¹¹ तालू यीशुए रोटियां लियां, कने धन्यबाद करिके जड़े बैठयो थे उना जो बंडी दितियां: कने तियां ही मच्छियां जो भी जितणियां सै चांदे थे बंडी दितियां।¹² जालू सै खाई करी रजी गे तां उनी अपणे चेलयां ने बोलया, “बचयां टुकडयां जो गठेरी लिया, ताकि कुछ बर्बाद ना होऐ।”¹³ उना सै रोटियां दे टुकड़े गठेरे, कने सै पंज रोटियां दे टुकड़े जड़े खांणे बालयां ला बची गियो थे उना ने बाहरा टोकियां भरियां।¹⁴ तालू जड़ा अनोखा कम्म उनी करी के दसया उसयो दिखीकरी लोक बोलणा

लग्गे; की सै परमेश्वरे दा संदेश देणेबाला है जड़ा संसारे च ओणे बाला था, सै पका ऐई है।*

15 यीशु ऐ जाणी करी की लोक मिंजो राजा बणाणे तांई आई करी पकड़ना चांदे न, फिरी पहाड़े पर किला ही चली गया।

[\(यूहन्ना 14:22-27; यूहन्ना 6:45-52\)](#)

16 फिरी जालू संज होई, तां उदे चले झिला कंडे पर आये,¹⁷ कने किस्तिया पर चढ़ी करी झिला पार कफरनहूम शहर जो जाणा लग्गे: उस बेले नेहरा होई गया था, कने यीशु हले दीकर उना बाल नी पुजया था।¹⁸ कने तुफाने दिया बजा ने झिला च लेहरां उठणा लगियां।¹⁹ जालू सै चलदे-चलदे लगबग चार मील निकली गे, तां उना यीशुए जो झिला पर चलदे कने किस्तिया बखे ओंदे दिखया, कने चले डरी गे।²⁰ पर यीशुए उना ने बोलया, “मैं है; डरा मत।”²¹ सै उसयो किस्तिया पर चढ़ाणे तांई तैयार होऐ कने झट सै किस्ति उसा जगा जाई पुज्जी जिसा जगा सै चलयो थे।

[\(यूहन्ना 22 यूहन्ना 22 यूहन्ना 22\)](#)

22 दुज्जे रोजे उना भिड़ा, जड़ी झिला पार खड़ोतियो थी, ऐ दिखया की ऐथू इकी जो छड़ी करी होर कोई लोकी किस्ति नी थी, कने यीशु अपणयां चेलयां सोगी इसा किस्तिया पर नी चढ़या था, बस उदे चले ही गियो थे।²³ होर लोकी किस्तियां तिबिरियास शहरे ला उसा जगा पर आईयां, जिथू उना प्रभु दा धन्यबाद करणे बाद रोटी खादी थी।²⁴ जालू भिड़ा दिखया, की ऐथू ना यीशु है, ना उदे चले, तां सै भी लोकियां-लोकियां किस्तिया पर चढ़ी करी यीशुए जो तोपदे कफरनहूम शहर च जाई पुज्जे।

[\(यूहन्ना 22 यूहन्ना 22 यूहन्ना 22\)](#)

25 कने झिला दे पार उसला मिली करी उसयो बोलया, “गुरू जी, तू ऐथू कालू आया?”²⁶ यीशुए उना जो जबाब दिता, “मैं तुसां ने सच्च-सच्च बोलदा है, तुसां मिंजो इस तांई नी तोपा दे की तुसां अनोखे कम्म दिखयो, पर इस तांई की तुसां रोटियां खाई करी रजी गे।²⁷ खत्म होणे बाले खांणे पिच्छे मेहनत मत करा, पर उस खांणे तांई करा जड़ा हमेशा दिया जिन्दगिया दीकर रेंदा है, जड़ा मैं माणुए दे पुत्रे तुहांजो ऐ खाणा देणा है, क्योंकि पिता परमेश्वरे मिंजो ऐसा करणे दा हक दितया है।”²⁸ उना यीशुए ला पुछया, “परमेश्वरे दा कम्म करणे तांई असां क्या करन?”²⁹ यीशुए उना जो जबाब दिता, “परमेश्वर चांदा है की तुसां उस पर भरोसा करन जिसयो उनी भेजया है।”

30 तालू उना उसला पुछ्या, “फिरी तू कुण दिया चमत्कार दसदा है, कि असां उसयो दिखीकरी तिजो पर भरोसा करन? तू कुण दिया कम्म दसदा है? 31 साइयां पूर्वजां सुनसान जगा च मन्ना खादा; जियां पबित्र शास्त्र च लिखया है, मूसा उना जो खांणे ताई स्वर्गे ला रोटी दिती।” † 32 यीशुए उना बोलया, “मैं तुसां ने सच्च-सच्च बोलदा है तुहांजो सै रोटी स्वर्गे ला मूसा नी दितियो, पर मेरे पिता परमेश्वर तुहांजो स्वर्गे ला सच्ची रोटी दिन्दा है। 33 क्योंकि परमेश्वर दी रोटी सेई है, जड़ी स्वर्गे ला उतरी करी संसारे दे लोकां जो जिन्दगी दिन्दी है।”

34 तालू उना उसला बोलया, “प्रभु जी, ऐ रोटी सांझो रोज ही दे कर।” 35 यीशुए उना ने बोलया, “रोटी जड़ी हमेशा दी जिन्दगी दिन्दी है सै रोटी मैं है: जड़ा मेरे बाल ओंगा उनी कदी भूखे नी होणा कने जड़ा मिंजो पर भरोसा करगा, सै कदी तरिणा नी होणा। 36 पर मैं तुसां ने पेहले ही बोलया था, की तुसां मिंजो दिखी भी लिया है तमी भरोसा नी करदे। 37 जड़ा कुछ पिता परमेश्वरे मिंजो दिन्दा है, सै सब मेरे बाल ओंगा है, कने जड़ा कोई मेरे बाल ओंगा उसयो मैं कदी नी कडगा। 38 क्योंकि मैं अपणी इच्छा नी, पर अपणे भेजणे बाले दी इच्छा पुरी करणे ताई स्वर्गे ला उतरया है। 39 कने मेरे भेजणे बाले दी इच्छा ऐ है की जड़ा कुछ उनी मिंजो दितया है, उदे चे मैं कुछ नी गबां पर उसयो आखरी रोजे इसयो फिरी ला जिन्दा करे। 40 क्योंकि मेरे पिता परमेश्वरे दी इच्छा ऐ है, की जड़ा कोई मिंजो दिखदा है, कने मिंजो पर भरोसा करे, उसयो हमेशा दी जिन्दगी मिल्ले; कने मैं उसयो आखरी रोजे फिरी जिन्दा करी दिंगा।”

41 तालू यहूदी अगुवे उस पर बुड़बड़ाणा लगगे, इस ताई की उनी बोलया था, “जड़ी रोटी स्वर्गे ला उतरियो है सै मैं है।” 42 कने उना बोलया, “क्या ऐ यूसुफे दा पुत्र यीशु नी है, जिसदे माता-पिता जो असां जाणदे न? तां सै कजो बोलदा न की मैं स्वर्गे ला उतरया है?” 43 यीशुए उना जो जबाब दिता, “अपु चे मत बुड़बुड़ा। 44 कोई मेरे बाल नी आई सकदा है, जालू दीकर पिता परमेश्वर, जिनी मिंजो भेजया है, उसयो अपणे बाल खिची नी ले; कने मैं उसयो आखरी रोजे फिरी जिन्दा करी देणा है। 45 परमेश्वरे दा संदेश देणे बालयां लेखां च ऐ लिखया है, सै सारे परमेश्वरे दीया तरफा ला सिखाए होणे न। जिनी कुनी पिता परमेश्वर ला सिखया कने सुणाया है, सै मेरे बाल ओंदा है। ‡

46 कुनी भी पिता परमेश्वर जो नी दिखया। मैं किल्ला ही है, जड़ा परमेश्वर दिया तरफा ला आया है, जिनी

उसयो दिखया है। 47 मैं तुसां ने सच्च-सच्च बोलदा है, की जड़ा कोई मिंजो पर भरोसा करदा है, हमेशा दी जिन्दगी उदी है। 48 रोटी जड़ी जिन्दगी दिन्दी है सै मैं है। 49 तुहाड़े पूर्वजां सुनसान जगा च मन्ना खादा कने मरी गे। 50 ऐ जिन्दगी दी रोटी है जड़ी स्वर्गे ला उतरदी है ताकि माणु इसयो खा कने कदी मरे ना। 51 जिन्दी रोटी जड़ी स्वर्गे ला उतरी सै मैं है। अगर कोई इसा रोटिया चे खा, तां हमेशा जिन्दा रेंणा, कने जड़ी रोटी मैं संसारे दिया जिन्दगिया ताई दिंगा, सै मेरा मास है।”

52 इस पर यहूदी अगुवे ऐ बोली करी अपु चे लड़ना लगगे, “ऐ माणु सांझो कियां अपणा मास खांणे जो देई सकदा है?” 53 यीशुए उना ने बोलया, “मैं तुसां ने सच्च-सच्च बोलदा है जालू दीकर मेरा, माणुए दे पुत्रे दा मास नी खांणे, कने उदा खून नी पींणे, तुसां च जिन्दगी नी है। 54 जड़ा मेरा मास खांदा है, कने मेरा खून पिंदा है, हमेशा दी जिन्दगी उदी ही है, कने न्याये दे रोजे उसयो फिरी जिन्दा करणा। 55 क्योंकि मेरा शरीर सच्ची खांणे दी चीज है कने मेरा खून भी सच्ची पिंणे दी चीज है। 56 जड़ा मेरा मास खांदा है कने मेरा खून पिंदा है सै मिंजो च टिकी रेंदा है, कने मैं उदे च रेंदा है। 57 मेरा पिता परमेश्वर जिनी मिंजो भेजया है, सै जिन्दगी दिन्दा है। जियां उनी मिंजो जिन्दगी दितियो, तियां ही मैं भी उस माणुए जो जिन्दगी देणी जड़ा मेरे शरीरे जो खांदा है।” 58 ऐ सै रोटी है, जड़ी स्वर्गे ला उतरी होई है; पर तुहाड़े पूर्वजां मन्ना खादा, कने मरी गे: जड़ा कोई ऐ रोटी खांणा, उनी हमेशा जिंदे रेंणा।

59 ऐ गल्लां उनी कफरनहूम शेहरे दे इक यहूदी जंज घर च उपदेश दिन्दे बेले बोलियां।

¶¶¶¶¶ ¶¶¶¶¶ ¶¶¶¶¶¶¶¶¶¶¶¶ ¶¶¶¶¶

60 ताई तां यीशुए दे चेलयां चे मतयां ऐ सुणीकरी बोलया, ऐ समझणा बड़ा मुश्किल है; की कुण इसयो मन्नी सकदा है? 61 यीशुए अपणे मने च ऐ जाणी करी की मेरे चले अपु चे इसा गल्ला दे बारे च बुड़बुड़ा दे न, उना ला पुछ्या, “क्या ऐ गल्ल तुहांजो मिंजो पर भरोसा करणे ला रोकदी है? 62 कने अगर तुसां मिंजो माणुए दे पुत्रे जो स्वर्गे जांदि दिखगे, जिथू सै पेहले था, तां क्या हांंगा? § 63 परमेश्वरे दी आत्मा तां जिन्दगी देणे बाली है, शरीरे ने कोई फायदा नी है: जड़ियां गल्लां मैं तुसां ने बोलियां सै पबित्र आत्मा ने बोलियां न, कने ऐ गल्लां माणुआं जो जिन्दगी दीदियां न। 64 पर तुसां चे कितणे ऐसे न जड़े भरोसा नी करदे न।” क्योंकि यीशु तां पेहले ही जाणदा था की जड़े भरोसा नी करदे न, सै कुण न;

कने कुनी उसयो पकड़वाणा है। 65 कने यीशुए बोलया, इसी ताई मैं तुसां ने बोलया था की जालू दीकर पिता परमेश्वर दिया तरफा ला ऐ बरदान ना होऐ, तालू दीकर सै मेरे बाल नी आई सकदा है।

???? ? ? ? ? ? ? ?

66 इसी पर उदे चेलयां चे मते बापस फिरी गे कने उदे बाद कदी उस सोगी नी चले। 67 तालू यीशुए उना बाहरां चेलयां ने बोलया, “क्या तुसां भी चली जाणा चांदे न?” 68 शमौन पतरसे उसयो जबाब दिता, प्रभु जी, असां कुसदे बाल जाणा? हमेशा दिया जिन्दगिया दियां गल्लां तां तेरे बाल ही न। 69 कने असां भरोसा कितया है, कने जाणी गियो न, की परमेश्वरे दा पबित्तर जन कने मसीहा तू ही है जिसयो परमेश्वरे भेजया है। 70 यीशुए उसयो जबाब दिता, “क्या मैं तुसां बाहरां चेलयां जो नी चुणयां है? तमी तुसां च इक माणु बुरा है।” 71 ऐ उनी शमौन इस्करियोती दे पुत्र यहूदा दे बारे च बोलया, क्योकि ऐई जड़ा उना बाहरां च था, जिनी उसयो पकड़वाणा था।

7

???? ? ? ? ? ? ? ?

1 इना गल्लां बाद यीशु गलील प्रदेश च गुमदा रिया, क्योकि यहूदी अगुवे उसयो मारणे दी कोशिश करा दे थे, इस ताई सै यहूदिया प्रदेश च गुमणा नी चांदा था। 2 कने यहूदी लोकां दा इक त्योहारे ओणे बाला था जिसयो झोपड़ियां दा त्योहार बोलदे थे।*† 3 इस ताई यीशुए दे भाईयां उसयो बोलया, “ऐथू ला यहूदिया प्रदेश जो चली जा, की जड़े कम्म तू करदा है, उना जो तेरे चले भी दिखन। 4 क्योकि कोई भी जड़ा प्रसिद्ध होणा चांदा है सै लुकी करी कम्म नी करदा, अगर तू ऐ कम्म करदा है, तां अपणे आपे जो संसारे च सबना दे सामणे कर।” 5 क्योकि यीशुए दे भाई भी उस पर भरोसा नी करदे थे। 6 तालू यीशुए उना ने बोलया, “मेरा बकत हले नी आया है; पर तुहाड़े ताई कोई भी बकत सही है। 7 संसारे दे लोक तुसां ने बैर नी करी सकदे न, पर सै मिंजो ने बैर करदे न, क्योकि मैं उदे खिलाफ ऐ गबाई दिन्दा है, की उना दे कम्म बुरे न। 8 तुसां त्योहारे जो जा; मैं हले इसी त्योहारे जो नी जाणा, क्योकि हले दीकर मेरा बकत पूरा नी होया है।” 9 सै उना ने ऐ गल्लां बोली करी गलील प्रदेश च ही रिया।

???????????? ? ? ? ? ? ? ? ? ? ? ? ? ?

* 7:2 7:2 (लैव्य. 23:34) † 7:2 7:2 झोपड़ियां दा त्योहार ऐ त्योहार उना जो याद दिलाणे ताई था कि उना दे पूर्वज 40 सालां दीकर तम्बूआं चरंदे थे ‡ 7:22 7:22 (उत्प. 17:10-13, लैव्य. 12:3) § 7:24 7:24 (यशा. 11:3, यूह. 8:15)

10 पर जालू उदे भाई त्योहारे जो चली गे, तां सै बादे च लुकी करी ओथु गिया। 11 यहूदी लोक त्योहारे च ऐ बोली करी यीशुए जो तोपणा लगगे की सै कुथु है? 12 कने लोकां च उदे बारे च लुकी-लुकी करी मतियां गल्लां बोलियां: कुछ बोलदे थे की, “सै भला माणु है।” कने कितणे ही बोलदे थे, की नी सै लोकां जो भटकांदा है। 13 यहूदी अगुवे दे डरे दिया बजा ने कोई भी माणु उदे बारे च खुली करी नी बोलदा था।

???????????? ? ? ? ? ? ? ? ? ? ? ? ? ?

14 कने जालू त्योहारे दा अधा रोज होई गिया; तां यीशु मंदरे च जाई करी उपदेश देणा लगगा। 15 तालू यहूदी लोक हेरान होईकरी बोलणा लगगे, की ऐ माणु बिना पबित्तर शास्त्र पढयो ज्ञानी कियां बणी गिया? 16 यीशुए उना जो जबाब दिता, “मेरा उपदेश मेरा अपणा नी है, पर परमेश्वरे दिया तरफा ला है जीनी मिंजो भेजया है। 17 अगर कोई उदिया इच्छा पर चलणा चा, तां उनी जाणी लेंणा की मेरी शिक्षा परमेश्वरे दिया तरफा ला ओंदी है, पर उपदेशे दे बारे च जाणी लेंणा की सै परमेश्वरे दिया तरफा ला है। 18 जड़ा अपणिया तरफा ला कुछ बोलदा है, सै अपणी ही इज्जत मान चांदा है; पर जड़ा अपणे भेजणे बाले दा इज्जत मान चांदा है सै ही सच्चा है, कने उदे च धोखा नी है।

19 क्या मूसा परमेश्वरे दा संदेश देणेबाले तुहांजो व्यवस्था नी दितियो है? तमी तुसां चे कोई भी व्यवस्था पर नी चलदा है। तुसां कजो मिंजो मारी देणा चांदे न?”

20 लोकां जबाब दिता; “तिजो च बुरी आत्मा है! कुण तिजो मारणा चांदा है?” 21 यीशुए उना जो जबाब दिता, “मैं इक कम्म सब्ते बाले दिने किता, कने तुसां सारे हेरान होई गे। 22 इसा बजा ने मूसा तुहांजो खतने दा हुकम दितया है, ऐ नी की सै मूसा दिया तरफा ला है पर ऐ पूर्वजां ला चली आईयो है, कने सब्ते दे रोजे तुसां माणुए दा खतना करदे न।‡ 23 जालू सब्ते दे रोजे माणुए दा खतना करदे न ताकि मूसा दिया व्यवस्था दा हुकम न टली जा, तां तुसां मिंजो पर कजो इस ताई गुस्सा करदे न, की मैं सब्ते दे रोजे इकी माणुए जो पुरी तरा ठीक किता। 24 तुसां बाहरी रूप दिखीकरी न्याय मत करा, पर सच्चाईया ने न्याय करा।” §

???? ? ? ? ? ? ? ? ? ? ? ? ? ?

25 तालू कितणे यरूशलेम शहर दे रेणेबाले बोलणा लगगे, “क्या ऐ सै ही नी है, जिसयो साड़े अगुवे मारणे दी कोशिश करा दे न? 26 पर दिखा, सै तां शरेआम गल्लां

परखणे ताई ऐ गल्ल बोली थी ताकि उना जो यीशुऐ पर दोष लाणे ताई कोई गल्ल मिल्ले, पर यीशु झुकी करी उंगलियां ने जमिना पर लिखणा लगगा।⁷ जालू सै उसला पृच्छे दे रे, तां उनी सिधे होईकरी उना ने बोलया, “तुसां चे जिनी भी कदी पाप नी कितया है, सै ही पेहले इसा जो पथर मारे।”⁸ कने फिरी झुकी करी उंगलियां ने जमिना पर लिखणा लगगा।⁹ पर ऐ सुणीकरी बडयां ला लेईकरी छोटयां दीकर सारे इक-इक करी के निकली गे क्योंकि सै जाणदे थे की सै पापी न, कने सिर्फ यीशु कने सै जनानी ओथु रेई गेई।¹⁰ यीशुऐ सिधे होईकरी उसा ने बोलया, “हे जनानी, सै कुथु गे? क्या कुनी तिजो सजा देंगे दा हुकम नी दिता?”¹¹ उना बोलया, “परभु जी, कुनी भी नी।” यीशुऐ बोलया, “मैं भी तिजो सजा देणे दा हुकम नी दिन्दा; हुण बापस घरे चली जा, कने हुण दोवारा कदी जिंदगी च पाप मत करदी।”

???? ???? ? ? ???? ?

¹² तां यीशुऐ लोका ने फिरी बोलया, “संसारे दी लौ मैं है; जड़ा मेरियां गल्लां पर चलगा, उनी नेहरे च नी चलणा है, कने उसयो सै लौ मिलणी जड़ी हमेशा दी जिन्दगी दिन्दी है।”†

¹³ फरीसियां उसला बोलया; “तू अपणी गबाई अपु ही दिन्दा है, तेरी गबाई सच्ची नी है।”¹⁴ यीशुऐ उना जो जबाब दिता, “अगर मैं अपणी गबाई अपु दिन्दा है, तमी मेरी गबाई ठीक है, क्योंकि मैं जाणदा है, की मैं कुथु ला आया है कने कुथयो जाणा है? पर तुसां नी जाणदे की मैं कुथु ला ओंदा है या कुथयो जाणा है।¹⁵ तुसां लोक इन्सानी सोच ने बाकी लोकां दा न्याय करदे न; मैं कुसदा भी न्याय नी करदा है।¹⁶ कने अगर मैं न्याय करे भी तां मेरा न्याय सच्चा है; क्योंकि मैं किल्ला नी है, पर मैं पिता परमेश्वरे सोगी है, जिनी मिंजो भेजया है।¹⁷ कने मूसा दिया व्यवस्था च लिखया भी है; दो जणया दी गबाई मिली करी ठीक होंदी है।¹⁸ इक तां मैं अपु अपणी गबाई दिन्दा है, कने दूजा मेरा पिता परमेश्वर मेरी गबाई दिन्दा है जिनी मिंजो भेजया है।”‡
¹⁹ उना यीशुऐ ला पुछया, तेरा पिता कुथु है? यीशुऐ जबाब दिता, “ना तुसां मिंजो जाणदे न, ना तुसां मेरे पिता परमेश्वर जो, अगर मिंजो जाणदे होदें तां मेरे पिता परमेश्वर जो भी जाणदे।”

²⁰ ऐ गल्लां उनी मंदरे दे अंगणे च उपदेश दिन्दे भंडार घरे च बोलियां, कने कुनी भी उसयो नी पकड़या; क्योंकि उदे मरणे दा बकत हले दीकर नी आया था।

???? ???? ? ???? ?

* 8:7 8:7 (रोम. 2:1) † 8:12 8:12 (यूह. 12:46) ‡ 8:18 8:18 (व्य. 19:15)

²¹ यीशुऐ फिरी उना ने बोलया, “मैं चली जाणा है, कने तुसां मिंजो तोपणा है कने तुसां अपणे पाप माफ होयो बिना ही मरी जाणा। जिथू मैं जांदा है, ओथु तुसां नी आई सकदे न।”²² इस पर यहूदी अगुवां बोलया, क्या इनी अपणे आपे जो मारी लेणा है, की ऐ बोला दा है, “जिथू मैं जांदा है ओथु तुसां नी आई सकदे न?”²³ यीशुऐ उना ने बोलया, “तुसां इस संसारे च पैदा होयो न, पर मैं स्वर्ग ला आया है, तुसां इस संसारे द न, मैं संसारे दा नी है।²⁴ इस ताई मैं तुसां ने बोलया, कि तुसां अपणे पापां माफ होयो बिना ही मरी जाणा है, अगर तुसां भरोसा नी करदे की मैं सै ही है जड़ा ओणे बाला है, तां तुसां मरी जाणा, कने तुहाड़े पाप माफ नी किते जाणे न।”²⁵ यहूदी अगुवां उसला पुछया, “तू कुण है?” यीशुऐ उना ने बोलया, जालू ला मैं उपदेश देणा शुरू कितया है तालू ला मैं दसदा आया है की मैं सेई है।²⁶ मिंजो तुहाड़े न्याय दे बारे च तुसां जो मता कुछ बोलणा है, पर मिंजो भेजणे बाला सच्चा है। कने जड़ा मैं उसला सुणदा है, सै ही संसारे दे लोकां जो बोलदा है।

²⁷ सै हले दीकर ऐ नी समझी सके थे की सांझो ने पिता परमेश्वर दे बारे च बोला दा है।²⁸ तालू यीशुऐ बोलया, “जालू तुसां मिंजो, माणुऐ दे पुत्रे जो उपर चढ़ांगे, जालू ला मैं उपदेश देणा शुरू कितया है तालू ला मैं दसदा आया है की मैं सेई है, कने अपणे आपे ला कुछ नी करदा है, पर जियां मेरे पिता परमेश्वरे मिंजो सिखया है, तियां ही ऐ गल्लां बोलदा है।²⁹ कने मिंजो भेजणे बाला मेरे सोगी है, उनी मिंजो किल्ला नी छडया; क्योंकि मैं हमेशा ला ही कम्म करदा है, जिस ने सै खुश होंदा है।”³⁰ मतयां लोकां जिना यीशु जो ऐ गल्लां बोलदे सुणया, उस पर भरोसा किता।

???? ? ? ???? ? ? ? ?

³¹ तालू यीशुऐ उना यहूदी लोकां ने जिना उस पर भरोसा कितया था, बोलया, “अगर तुसां मेरी गल्लां च बणी रेंगे, तां सच्ची मेरे चले न।³² तुसां सच्च जो जाणना, कने सच्च ने तुहांजो अजाद करणा।”³³ उना उसयो जबाब दिता, “असां तां अब्राहम दे बंशज न, कने कदी कुसदे गुलाम नी रे; फिरी तू कजो बोला दा, की तुसां अजाद होई जाणा?”³⁴ यीशुऐ उना जो जबाब दिता, “मैं तुसां ने सच्च-सच्च बोलदा है की जड़ा कोई पाप करा दा है सै पापे दा गुलाम है।³⁵ कने सेवक हमेशा घरे च नी रेंदा है; पर पुत्र हमेशा घरे च रेंदा है।³⁶ इस ताई अगर पुत्र तुहांजो अजाद करगा तां, तुसां सच्ची दे अजाद होणा है।

है भेजया है) तां उनी जाई करी धोता, कने जालू सै घरे जो बापस ओणा लगगा तां उसयो मिलणा लगी पिया।[†]

8 तालू उदे पड़ोसी कने होर लोक जिना उसयो पेहले भीख मंगदे दिखया था, इक दुज्जे ने बोलणा लगगे, “क्या ऐ सै ही नी है, जड़ा बेईकरी भीख मंगदा था?”⁹ केईयां लोंका बोलया, ऐ सैई है, होरनी बोलया, नी, पर उदे सांई है उनी बोलया, “मैं सैई है जड़ा बेईकरी भीख मंगदा था।”¹⁰ तां सै उसला पूछणा लगगे, “तेरियां हखी दी लौ कियां बापस आई?”¹¹ उनी जबाब दिता, “यीशु नाऐ दे इकी माणुऐ मिट्टी सेड़ी, कने मेरियां हखी पर लगाई करी मिंजो बोलया, शीलोह दे कुण्ड च जाई करी मु धोई ले, मैं गया कने धोई करी मिंजो मिलणा लगी पिया।”¹² उना उसयो पुछया, सै माणु कुथु है? उनी बोलया, “मैं नी जाणदा।”

?????????? ?? ??????? ????? ??????? ?? ???????
??????????

13 लोक उस माणुऐ जो जड़ा पेहले अन्ना था उसयो फरीसियां बाल लेई गे।¹⁴ जिस दिने यीशुऐ मिट्टी सेड़ी करी उदियां हखी ठीक कितियां थियां सै सब्दे दा रोज था।¹⁵ फिरी फरीसियां भी उसयो पुछया; तेरी हखी कियां ठीक होईयां? उनी उना जो बोलया, “उनी मेरी हखी पर मिट्टी लाई, फिरी मैं धोई लेई, कने हुण मिंजो मिलणा लगी पिया।”¹⁶ इस पर केई फरीसी बोलणा लगगे, “ऐ माणु परमेश्वरे दिया तरफा ला नी है, क्योंकि सै सब्दे दे रोजे जो नी मनदा है।” होरनी बोलया, इस सांई पापी माणु इस तरीके ने चमत्कार कियां दस्सी सकदा है? इसा गल्ला जो लेईकरी उना च फुट पेई गेई।¹⁷ उना उस अन्ने ने फिरी बोलया, उनी तेरियां हखी ठीक कितियां न, तू उदे बारे च क्या बोलदा है? उनी बोलया, “सै परमेश्वरे दा संदेश देणेबाला है।”

18 पर यहूदी अगुवां जो भरोसा नी होया की ऐ अन्ना था कने हुण दिखणा लगगी गया है जालू दीकर उदे माता पिता जो सदया जिदियां हखी ठीक होईयां थियां।¹⁹ कने उना ला पुछया, “क्या ऐ तुहाड़ा पुत्र है, इसयो तुसां बोलदे थे की अन्ना जमया था? फिरी इसयो कियां मिलणा लगी पिया है?”²⁰ उदे माता पिता जबाब दिता, “असां तां जाणदे न की ऐ साड़ा पुत्र है, कने अन्ना जमया था।²¹ पर असां ऐ नी जाणदे की हुण कियां करी इसयो मिलणा लगी पीया है; कने ना ऐ जाणदे की कुनी इसदियां हखी ठीक कितियां; सै अपने जबाब देणे तांई काफी बडा है; उसी ला पूछी लिया; उसी ला पुछी लिया उनी अपने बारे च अपु बोली देणा है।”²² ऐ गल्लां उदे माता पिता तां बोलियां क्योंकि सै यहूदी

अगुवां ला डरदे थे; क्योंकि यहूदी अगुवे एका करी के बैठयो थे, की अगर कोई भरोसा करे की सै मसीह है, तां सै यहूदी जंज घर ला कडी देणा।²³ इसा बजा ने उदे माता पिता बोलया की सै सबालां दा जबाब देणे तांई बतेरा बडा है, उसला ही पूछी लिया।

24 तालू यहूदी अगुवां उस माणुऐ जो फिरी सदया जड़ा अन्ना था उसयो बोलया, “परमेश्वरे दे सामणे बायदा कर की तू सच्च बोलगा; असां तां जाणदे न की सै माणु पापी है।”²⁵ उनी जबाब दिता, “मैं नी जाणदा सै पापी है या नी: मैं तां बस इक गल्ल जाणदा है की मैं अन्ना था कने हुण दिखदा है।”²⁶ उना उसला फिरी पूछया, “उनी तेरे ने क्या किता? उनी तिजो कियां ठीक किता?”²⁷ उनी उना ने बोलया, “मैं तां तुसां ने बोली बैठया है, कने तुसां नी सुणाया; हुण दुई बरी कजो सुणना चांदा न? क्या तुसां भी उदे चले बणना चांदे न?”²⁸ तालू उना उसयो बुरा भला बोलया कने बोलया, तू ही उदा चेला है; असां तां परमेश्वर दे संदेश देणेबाले मूसा दे चले न।

29 असां जाणदे न की परमेश्वरे मूसा ने गल्लां कितियां न; पर इस माणुऐ जो नी जाणदे न की कुथु ला आया है।

30 उनी उना जो जबाब दिता, ऐ तां हेरानिया दी गल्ल है की तुसां नी जाणदे कुथु दा है पर तमी उनी मेरियां हखी ठीक करी दितियां।³¹ असां जाणदे न की परमेश्वर पापियां दी नी सुणदा है पर अगर कोई परमेश्वरे दा भक्त हो, कने उदिया इच्छा पर चलदा है, तां सै उदी सुणदा है।³² जालू ला इस संसारे जो बणाया है तालू ला ऐ कदी नी सुणाया, की कुनी भी जनमे दे अन्ने दियां हखी ठीक कितियो होन।³³ अगर ऐ माणु परमेश्वरे दिया तरफा ला नी होदा, तां उनी कुछ भी नी करी सकणा था।³⁴ उना उसयो जबाब दिता, तू तां बिलकुल पापां च जमया है, तू क्या सांझो सिखा दा है? तालू उना उसयो यहूदी जंज घर ला बाहर कडी दिता।

?????????? ???????????

35 यीशुऐ सुणया, की उना उसयो यहूदी जंज घरे ला बाहर कडी दितया है; कने जालू उसला मिलया तां बोलया, “क्या तू परमेश्वरे दे पुत्रे पर भरोसा करदा है?”³⁶ उनी जबाब दिता, “श्रीमान जी, मिंजो दस की ऐ परमेश्वरे दा पुत्र कुण है, ताकि मैं उस पर भरोसा करी सके?”³⁷ यीशुऐ उसला बोलया, मैं, “तू मिंजो पेहले भी दिखया है कने मैं ही सै परमेश्वरे दा पुत्र है, जड़ा हुण तिजो ने गल्लां करा दा है।”³⁸ उनी बोलया, “परभु

जी, मैं तिजो पर भरोसा करदा है।” कने उसयो दण्डवत किता।

39 तालू यीशुए बोलया, “मैं इस संसारे च इस न्याय जो करणे ताई आया है: ताकि अन्ने लोकां जो मिलणा लग्गी पोणा कने जिना लोकां जो मिलदा है सै अन्ने होई जाणे।” 40 जड़े फरीसी उदे सोगी थे, उना ऐ गल्लां सुणीकरी उसला बोलया, “क्या तू बोला दा है की असां भी अन्ने न?” 41 यीशुए उना ने बोलया, अगर तुसां अन्ने होंदे तां पापी नी होणा था पर हुण बोलदे न, की सांझो मिलदा है, इस ताई तुहाड़े पाप माफ नी किते जाणे न।

10

???? ???? ??????? ?? ???????

1 “मैं तुसां ने सच्च-सच्च बोलदा है, की अगर कोई भेडां दिया गुराला दे दरबाजे ला नी अंदर ओए, पर होर कुसी पासे ला चढ़ी करी अंदर ओए, सै चोर कने डाकू है। 2 पर जड़ा दरबाजे चे जांदा है सै भेडां दा पुआल है। 3 उदे ताई द्वारपाल दरबाजा खोली दिन्दा है, कने भेडां उदी अबाज पछेणदियां न, कने सै अपणियां भेडां जो ना लेई-लेईकरी सददा है कने बाहर लेई जांदा है। 4 कने जालू सै अपणिया सारियां भेडां जो बार कडी बोंदा है, तां उना दे अगगे-अगगे चलदा है, कने भेडां उदे पिच्छे-पिच्छे चली पोंदिया न; क्योंकि सै उदी अबाज पछेणदियां न। 5 पर सै होरसी दे पिच्छे नी जांदियां, पर उना ला नटदियां न, क्योंकि सै होरसी दी अबाज नी पछेणदियां न।”

6 यीशुए उना ने ऐ कहाणी बोली, पर सै नी समझे की ऐ बोलणे दा क्या मतलब है।

???? ???? ???????

7 तालू यीशुए उना ने फिरी बोलया, मैं तुसां ने सच्च-सच्च बोलदा है, की भेडां दा मैं ही दरबाजा है जिदे चे भेडां अंदर ओंदियां न। 8 जितणे मिंजो ला पेहले आये; सै सारे चोर कने डाकू न, पर मेरियां भेडां उना दी नी सुणी। * 9 मैं ही दरबाजा है; अगर कोई मिंजो चे अंदर जा तां परमेश्वरे उदा उद्धार करणा कने उनी अंदर बाहर ओंदे जांदे रेणा कने उसयो खाणे पिणे जो मिलदी रेंणी।

10 चोर सिर्फ भेडां जो चोरणे कने मारणे कने खत्म करणे ताई ओंदा है। पर मैं इस ताई आया की उना जो सच्चाई च जिन्दगी कने भरपूरी दी जिन्दगी मिल्ले।

11 खरा पुआल मैं है; खरा पुआल भेडां ताई अपणी जान देई दिन्दा है। † 12 भाड़े पर रखयो होया मजदूर जालू सै भेड़िये जो ओंदे दिखणा तां उनी नठी जाणा। उनी भेडां जो छडी देणा क्योंकि सै उना दा पुहाल नी है

कने भेडां उदियां नी न। इस ताई भेड़िया उना पर हमला करदा है कने झुण्ड जो बखेरी दिन्दा है। 13 सै इस ताई नठी जांदा है की सै भाड़े दा मजदूर है, कने उसयो भेडां दी चिंता नी है।

14 खरा पुआल मैं है, मैं अपणियां भेडां जो जाणदा है कने मेरियां अपणियां भेडां मिंजो जाणदियां न, 15 जियां पिता परमेश्वर मिंजो जाणदा है, कने मैं पिता परमेश्वरे जो जाणदा है। कने मैं भेडां ताई मरणे ताई तैयार है। 16 कने मेरियां होर भी भेडां न, जडियां इसा गुराला दियां नी न, मिंजो उना जो लोणा भी जरूरी है, उना मेरी अबाज पछेणनी है; तां फिरी इक झुण्ड कने इक ही पुआल होंणा है। ‡

17 मैं अपणिया मरजिया ने जान दिन्दा है, इस ताई पिता परमेश्वर मिंजो ने प्यार करदा है, ताकि मैं दोबारा जिन्दा होई जा। 18 कोई मेरिया जिन्दगिया जो मिंजो ला नी लेई सकदा है, इसयो मैं अपणिया इच्छा ने दिन्दा है। मिंजो अपणी जिंदगी देणे दा भी हक है, कने उना जो फिरी बापस लेणे दा भी हक है: क्योंकि ऐ सेई हुकम है जड़ा मिंजो मेरे पिता परमेश्वरे ला मिलया है।

19 इना गल्लां दिया बजा ने यहूदी लोकां च फिरी फुट पेई गोई। 20 उना चे मते बोलणा लगगे, इदे च बुरी आत्मा है, कने सै पागल है; इसदी मत सुणा?

21 होरनी बोलया, ऐ गल्लां ऐसे माणुए दियां नी न जिदे च बुरी आत्मा हो: इक बुरी आत्मा कदी भी नी इक अन्ने माणुए दी हखी ठीक करी सकदी है?

???????????? ???? ?????????????

22 यरूशलेम शहर च यहूदी मंदरे दी स्थापना दा त्योहार था, कने सर्दियां दी रित थी। 23 यीशु मंदरे दे अंगणे च घुमा दा था, जिसयो लोक सुलैमान राजे दा ओसारा बोलदे न। 24 तालू यहूदी अगुवां उसयो घरोटी लिया कने पुछ्या, “तू सांझो बड़े लम्बे बकते दीकर दुबिधा च रखया है। हुण सांझो साफ-साफ दस। क्या तू मसीह है।” 25 यीशुए उना जो जबाब दिता, “मैं तुसां ने बोली दितया है, कने तुसां मेरा भरोसा करदे ही नी न, जड़े कम्म मैं अपणे पिता परमेश्वरे दे हके ने करदा है सै ही मेरे गबाह न। 26 पर तुसां इस ताई मेरा भरोसा नी करदे न क्योंकि तुसां मेरियां भेडां चे नी न। 27 मेरियां भेडां मेरी अबाज पछेणदियां न, कने मैं उना जो जाणदा है, कने सै मेरे पिच्छे-पिच्छे चलदियां न। 28 मैं उना जो हमेशा दी जिन्दगी दिन्दा है, कने उना दा कदी नाश नी होणा, कने कोई उना जो मेरे हथां ला नी खोई सकदा है। 29 मेरा पिता परमेश्वर, जिनी उना जो मिंजो दितया है,

* 10:8 10:8 (यिर्म. 23:1, यूह. 10:27) † 10:11 10:11 (भज. 23:1, यशा. 40:11, यह. 34:15) ‡ 10:16 10:16 (यशा. 56:8, यह. 34:23, यह. 37:24)

सबना ला बडा है, कने कोई उना जो पिता परमेश्वरे दे हथे ला खोई नी सकदा। 30 मैं कने पिता परमेश्वर इक ही न।”

31 यहूदी अगुवां उसयो मारणे ताई फिरी पथर चुके।

32 इस पर यीशुए उना ने बोलया, “मैं पिता परमेश्वरे दिया तरफा ला तुहांजो मते भले कम्म दसयो न, उना चे कुस कम्मे ताई तुसां मिंजो पथर मारा दे न?” 33 यहूदी अगुवां यीशुए जबाब दिता, “भले कम्म ताई असां तिजो पथर नी मारा दे न, पर परमेश्वरे दी निंदा करणे दिया बजा ने कने इस ताई की तू माणु होईकरी अपणे आपे जो परमेश्वरे बोलदा है।” 34 यीशुए उना जो जबाब दिता, क्या पबित्र शास्त्र च ऐसा नी लिखया है की परमेश्वरे अपणे लोकां दे अगुवां ने बोलया की, तुसां ईश्वर न? 35 तुसां जाणदे न की पबित्र शास्त्र च कुछ भी बदलया नी जाई सकदा। इस ताई अगर उदे लोकां दे अगुवां जो “इश्वर” बोलया गया हो। 36 तां जालू मैं बोलदा है, मैं परमेश्वरे दा पुत्र है तां तुसां मिंजो कजो बोलदे न, “तू निंदा करा दा है।” मैं सै ही है जिसयो पिता परमेश्वरे लग कितया कने मिंजो संसार च भेजया है।

37 अगर मैं अपणे पिता दा कम्म नी करदा तां, तुसां मेरा भरोसा मत करा। 38 पर अगर मैं करदा है, तां चाए मेरा भरोसा ना भी करा, पर उना कम्मा दा तां भरोसा करा, तालू तुसां जो पता चलणा कने समझणा की पिता परमेश्वर मिंजो च रेंदा है, कने मैं पिता परमेश्वर च रेंदा है।

39 तालू उना फिरी यीशुए जो पकड़ने दी कोशिश किती पर सै उना दे हथे ला बची करी निकली गया। 40 फिरी यीशु यरदने खड्डा दे पार उसा जगा पर चली गया, जिथू यूहन्ना पेहले बपतिस्मा दिन्दा था, कने ओथु रिया। 41 कने मते लोक उदे बाल आई करी उसला बोलदे थे, “यूहन्ना तां कोई चमत्कार नी दसया, पर जड़ा कुछ यूहन्ना इदे बारे च बोला दा सै सारा सच्च था।” 42 कने ओथु मतयां उदे पर भरोसा किता।

11

???? ? ? ? ?

1 बैतनिय्याह ग्रां च इक लाजर नाए दा माणु बीमार था। मरियम कने मार्था उदियां बेहणा थियां। 2 ए सै ही मरियम थी जिना बादे च प्रभुए दे पैरा उपर इत्र नियोरी करी उदे पैरां जो अपणे बाला ने पुंजया था, उसा दा ही भाई लाजर बीमार था। 3 उसा दिया बेहणा यीशुए जो बोली भेजया, “प्रभु जी, दिख, जिसयो तू प्यार करदा है, सै बीमार है।” 4 ए सुणीकरी यीशुए बोलया, “ए बिमारी

मौत ने नी मुकणी, पर परमेश्वरे दिया महिमा ताई है, ताकि उसला मिंजो, परमेश्वरे दे पुत्रे दी महिमा हो।”

5 कने यीशु मार्था कने उदी बेहण कने लाजरे ने प्यार करदा था। 6 पर उनी सुणाया, की सै बीमार है, जिसा जगा सै था, ओथु दो रोज होर रुकी गया। 7 फिरी दो दिन बाद उनी चेलयां ने बोलया, “ओआ, असां फिरी यहूदिया प्रदेश दे इलाके दे बैतनिय्याह शेहरे जो चलदे न।” 8 चेलयां उसयो बोलया, “गुरू जी, हुंणी तां यहूदी अगुवे तिजो पथर मारणा चांदे थे, क्या फिरी भी तू ओथु चलया है?” 9 यीशुए जबाब दिता, “क्या दिने दे बाहरा घंटे नी होंदे न? अगर कोई दिने चले, तां उसयो ठोकर नी लगदी, क्योंकि सै इस संसारे दी लौई ने मतलब की सूरजे दी लौई ने दिखदे न। 10 पर अगर कोई राती जो चले, तां उसयो ठोकर लगणी, क्योंकि तालू उदे च लौ नी है।”

11 इदे बाद यीशुए उना ने बोलया, “साड़ा मित्र लाजर सोई गया है, पर मैं उसयो जगाणा चलया है।” 12 तालू चेलयां उसयो बोलया, “प्रभु जी, अगर सै सोई गया है, तां उनी ठीक ठाक होई जाणा।” 13 यीशुए तां उदिया मौता दे बारे च बोलया था: पर सै समझे की उनी निद्रां ने सोई जाणे दे बारे च बोलया। 14 तालू यीशुए उना ने साफ बोली दिता की, लाजर मरी गया है। 15 कने मैं तुहाड़े फायदे ताई खुश है की मैं ओथु नी था जिसने तुसां भरोसा करन। पर हुण ओआ, असां उदे बाल चलदे न। 16 तालू थोमा जिसयो दिदुमुस बोलदे न, अपणे सोगी बाले चले ने बोलया, “ओआ, असां भी उदे सोगी मरणे ताई चलदे न।”

???? ? ? ? ? ? ? ? ?

17 जालू यीशुए जो बैतनिय्याह ग्रां च आई करी ए पता चला की उसयो चार दिन पेहले ही कबरा च दफनाई दितया है। 18 बैतनिय्याह ग्रां यरूशलेम शेहर दे नेडे लगभग कोई तिन किलो मीटर था। 19 कने मते यहूदी लोक मार्था कने मरियम बाल उदे भाईए दे बारे च शान्ति देणे ताई आयो थे। 20 जालू मार्था यीशुए दे ओंणे दी खबर सुणीकरी यीशुए ने मिलणा गोई, पर मरियम घरे बेई रेई।

21 मार्था यीशुए जो बोलया, “प्रभु जी, अगर तू ऐथू होंदा, तां मेरा भाई कदी नी मरदा। 22 कने हुण भी जाणदी है, की जड़ा कुछ तू परमेश्वरे ला मंगगा, परमेश्वरे तिजो देणा।” 23 यीशुए उसा जो बोलया, “तेरा भाई फिरी जिंदा होई जाणा।” 24 मार्था उसयो बोलया, मैं जाणदी है, “न्याय दे रोजे जालू हर कोई जिन्दा होई

जाणा तालू उनी भी जिन्दा होई जाणा।”* 25 यीशुए उसा ने बोलया, “मैं सै है जड़ा मरयो लोकां जो जिन्दगी च बापस लोंदा है, जड़ा कोई मिंजो पर भरोसा करदा है सै अगर मरी भी जा तमी, उनी जी पोंणा। 26 कने जड़ा कोई मिंजो पर भरोसा करदा है सै जिन्दा है, कने उनी अनन्तकाल दीकर नी मरणा। मार्था तू क्या इसा गल्ला पर भरोसा करदी है?” 27 उनी उसयो बोलया, “हाँ, प्रभु जी, मैं भरोसा करी लिया है, की परमेश्वरे दा पुत्र मसीह जड़ा संसारे च ओंणे बाला था, सै तू ही है।”

???? ???? ?

28 ऐ बोली करी सै चली गई, कने अपनी बेंहण मरियम जो होले करी सदीकरी बोलया, “गुरू ऐथू ही है, कने तिजो सदा दा है।” 29 सै सुणदे ही झट उठी करी उदे बाल आई। 30 (यीशु हले दीकर भी ग्रांऐ ला बाहर ही था, पर उसा ही जगा च था जिथू मार्था उसला मिल्ली थी)। 31 तालू जड़े यहूदी लोक मरियम सोगी उसा दे घरे थे, कने उसा जो दिलासा देदे थे, कने दिखया की मरियम झट उठी करी बाहर चली गई। इस ताई सै उसा दे पिच्छे-पिच्छे, ऐ सै समझीकरी की सै कबरा पर रोंणे ताई जा दी है।

32 जालू मरियम ओथु पुज्जी जिथू यीशु था, तां उसयो दिखदे ही उदे पैरां च पेईकरी बोलया, “प्रभु जी, अगर तू ऐथू होंदा तां मेरा भाई नी मरदा।” 33 जालू यीशुए उसा जो कने उसा सोगी आयो यहूदी लोकां जो रोदे दिखया, तां यीशुए बड़ा ही दुखी होईकरी उना ला पुछया, 34 कने बोलया, तुसां उसयो कुथु दफनाया है? उना उसयो बोलया, “प्रभु जी, चली करी दिखी ले।” 35 यीशुए दियां हखी चे आंसू निकलना लगगे। 36 तालू यहूदी लोक बोलणा लगगे, “दिखा, सै उसने कदेया प्यार रखदा था।” 37 पर उना चे कितणे ही बोलया की, “इनी तां उस अन्ने दियां हखी ठीक कितियां न, क्या ऐ लाजरे जो मरणे ला नी बचाई सकदा था?”

???? ? ???? ???? ?

38 यीशु मने च बड़ा ही दुखी होया कने कबरा पर आया, सै इक गुफा थी, कने गुफा दे मुए पर इक पथर रखया होया था। 39 यीशुए बोलया, “पथरे जो हटा।” उस मरयो दी बेंहण मार्था बोलणा लगगी, “प्रभु जी, उदे चे तां हुण मुस्क ओआ दी है, क्योंकि उसयो मरयो चार रोज होई गियो न।” 40 यीशुए उस जो बोलया, “क्या मैं तिजो ने बोलया नी था की अगर तू मिंजो पर भरोसा करगी तां तू परमेश्वरे दी महिमा जो दिखगी।” 41 तालू उना सै पथर हटाया, फिरी यीशुए स्वर्ग पासे दिखीकरी

† 11:55 11:55 (2 इति. 30:17)

के बोलया, “पिता परमेश्वर जी, मैं धन्याबाद करदा है की तू मेरी सुणी लेई है।”

42 पर जड़ी भीड़ अखे बखे खड़ोतियो है, उना दिया बजा ने यीशुए जोरे ने बोलया, “मैं जाणदा है, की तू हमेशा मेरी सुणदा है, जिसने की सै भरोसा करन, की तू मिंजो भेजया है।” 43 ऐ बोली करी उनी जोरे ने पुकारया, “हे लाजर बाहर निकली आ।” 44 जड़ा मरी गया था, सै बाहर आया, कने उदा सारा शरीर पट्टियां च कने मु कपड़े च लपेटया होया था कने यीशुए उना जो बोलया, “इसयो खोली करी जाणा दिया।”

???? ? ???? ???? ?

(???? 26:1-5; ???? 14:1-2; ???? 22:1-2)

45 तालू जड़े यहूदी लोक मरियमा दे सोगी आयो थे, उना उदा ऐ कम्म दिखया कने उना चे मतयां उदे पर भरोसा किता। 46 उना चे कितणयां ही फरीसियां बाल जाई करी यीशुए दे कम्मा दी खबर दिती।

47 इस पर बड़डे याजकां कने फरीसियां दी महासभा दे लोकां जो गठेरी करी बोलया, “असां क्या करगे? ऐ माणु तां बड़े चमत्कार दसदा है।

48 अगर असां इसयो हुण भी नी रोकदे न, तां सारयां उस पर भरोसा करी लेंणा की सै ही मसीहा है, कने रोमी लोकां आई करी साड़े मंदरे कने देशे पर कब्जा करी लेंणा।” 49 तालू उना दिया सभा चे कैफा नाऐ दा इक माणु जड़ा उस साले दा महायाजक था, उनी बोलया, “तुसां कुछ भी नी जाणदे; 50 कने ना ऐ समझदे न, तुहाड़े ताई ऐ ठीक है, की साड़े लोकां ताई इक माणु मरे, नी की सारे इस्राएल देशे दे लोकां दा नाश होई जा।” 51 ऐ गल्ल उनी अपने आपे ला नी बोली, पर उस साले दे महायाजक दे रुपे च, उनी ऐ भविष्यवाणी किती, की यीशुए पुरे इस्राएल देशे ताई मरणा। 52 कने ना सिर्फ इना ताई ही नी। पर उनी परमेश्वरे दी होर ओलादी ताई भी मरणा जड़े इस संसारे च बिखरयो न, ताकि उना जो गठेरी सके। 53 यहूदी अगुवे उस रोजे ला ही उसयो मारने दी सलाह करणा लगगी पे। 54 इसा साजिशा दिया बजा ने यीशुए यहूदियां दे बिच सरेआम घुमणा बंद करी दिता; यीशु ओथु ला सुनसान जगा दे नेड़े बाले प्रदेशे दे इफ्राईम नाऐ दे इकी शेहरे जो चली गया, कने अपने चेलयां सोगी ओथु ही रेंणा लगगा।

55 कने यहूदिया दे फसह दे त्योहारे दा बकत नेड़े था, कने मते लोक फसह ला पेहले यरूशलेम शेहर जो गे ताकि मंदरे च अपने आपे जो शुद्ध करन।† 56 कने यीशुए जो तोपदे कने मंदरे च खड़ोई करी अपु चे बोलणा लगगे,

“तुसां क्या समझदे न? क्या सै त्योहारे च नी ओंगा?”
57 कने बड्डे याजकां कने फरीसियां ऐ हुकम दितया था,
की अगर कुस्यो पता लग्गे की यीशु कुथु है तां दसनयो,
ताकि उसयो गिरफ्तार करी सकन।

12

ⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂ ⓂⓂⓂⓂⓂ
(ⓂⓂⓂⓂⓂⓂ 26:6-13; ⓂⓂⓂⓂⓂⓂ 14:3-9)

1 फिरी यीशु फसह दे त्योहारे ला छे, रोज पेहले
बैतनिय्याह ग्रां च आया, जिथू लाजर जो मरयां चे
जिन्दा किता था। 2 ओथु उना उदे ताई धाम तैयार किती,
कने यीशुऐ जो आदर मान देणे ताई मार्था सेवा करा दी
थी, कने लाजर भी उना चे इक था, जडे उदे सोगी रोटी
खांणे ताई बैठयो थे। 3 तालू मरियमा जटामासी दा अधा
सेर मेंहगा इत्र लेईकरी यीशुऐ दे पैरां पर नियोरया, कने
अपणे बालां ने उदे पैर पूंजे, कने इत्रे दिया खुशबुआ ने
सारा घर सुगन्धित होई गया।

4 पर उदे चेलयाँ चे यहूदा इस्करियोती नाऐ दा इक
चेला था जड़ा उसयो पकड़वाणा चांदा था, बोलणा
लग्गा, 5 “ऐ इत्र तिनसो दीनारां च बेची करी गरीबां जो
कनी देई दिता?” 6 उनी ऐ गल्ल इस ताई नी बोली की,
की उसयो गरीबां दी चिंता थी, पर इस ताई की सै चोर
था कने उदे बाल उना दे पैसयां दी थेली रेंदी थी, कने
उसा च कोई कुछ पांदे थे, सै कडी लेंदा था। 7 यीशुऐ
बोलया, “इसा जो तंग मत करा, इना बकत ला पहले
मिंजो दफनाणे दी तैयारी ताई ऐ करा दी है। 8 गरीबां तां
तुहाड़े सोगी हमेशा रेंणा है, पर मैं तुहाड़े सोगी हमेशा
नी रेंणा।” *

ⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂⓂ

9 जालू लोकां सुणया की यीशु ओथु था तां तालू लोकां
दी बड़ी भीड़ ओथु आई। सै सिर्फ यीशु जो ही नी पर
लाजर जो भी दिखणा आयो थे जिसयो उनी मरयां चे
जिन्दा कितया था। 10 तालू बड्डे याजकां लाजरे जो भी
मारणे दी योजना बणाई। 11 क्योंकि उदिया बजा ने मते
लोक उना जो नी अपनांदे थे, क्योंकि उना यीशुऐ पर
भरोसा कितया।

ⓂⓂⓂⓂⓂⓂⓂ Ⓜ ⓂⓂⓂⓂⓂ-ⓂⓂⓂⓂⓂⓂⓂ

(ⓂⓂⓂⓂⓂⓂ 21:1-11; ⓂⓂⓂⓂⓂ 11:1-11; ⓂⓂⓂⓂⓂ
19:28-40)

12 दुज्जे दिने मतयां लोका जडे त्योहारे च आयो
थे, ऐ सुणीकरी, की यीशु यरूशलेम शेर च ओआ
दा है। 13 इस ताई उना खजूरी दियां डालियाँ लियां,
कने उसला मिलणे ताई निकले, कने चिलाणा लग्गे,
“होशाना। इस्राएले दा राजा धन्य हो, जड़ा प्रभु दे

नाऐ ने ओंदा है।” † 14 जालू यीशुऐ जो इक गधे दा
बच्चा मिल्ला तां सै उस पर बैठी करी यरूशलेम शेर
च आया, ऐ तियां ही होया जियां की पबित्र शास्त्र च
लिखया है। 15 “हे यरूशलेम शेर दे लोकों, मत डरा;
दिख तेरा राजा गधे दे बच्चे च सवार होईकरी ओआ दा
है।”

16 यीशुऐ दे चले, ऐ गल्लां पेहले नी समझे थे; पर
जालू यीशुऐ दी महिमा प्रगट होई, तां उना जो याद
आया, की जड़ा कुछ भी यीशुऐ ने होया सै ठीक तियां
ही होया जियां की पबित्र शास्त्र च लिखया था; कने
लोका उदे कने ऐदिया व्यवहार कितया था।

17 तालू भिड़ा दे लोकां जडे उस बेले यीशुऐ सोगी थे,
सै दुज्जे लोकां जो दसणा लग्गे की उनी लाजरे जो कबरा
ला सदीकरी, उसयो जिन्दा करी दिता। 18 मते लोक
यीशुऐ ने मिलणे ताई आए, क्योंकि उना इस चमत्कार
दे बारे च सुणया था। 19 तालू फरीसियां अपु चे बोलया,
“सोचा असां कुछ नी करी सकदे न, दिखा, संसार च हर
कोई उदे पिच्छे होई चलया है।”

ⓂⓂⓂⓂⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂ

20 ओथु कुछ यूनानी लोक थे जडे फसह दे
त्योहारे बेले भक्ति करणे ताई यरूशलेम शेर च
आयो थे। 21 उना गलील प्रदेश दे बैतसैदा शेर दे
रेणेबाले फिलिप्पुस दे बाल आई करी उसला बिनती
किती, “श्रीमान असां यीशुऐ ने मिलणा चांदे न।”
22 फिलिप्पुसे आई करी अन्दरयास ने बोलया; तालू
अन्दरयास कने फिलिप्पुसे दोनो जाई करी यीशुऐ जो
बोलया।

23 इस पर यीशुऐ उना जो बोलया, सै बकत आई
गिया है, की मेरी, माणुऐ दे पुत्रे दी महिमा हो। 24 मैं
तुसां ने सच्च-सच्च बोलदा है, की जालू दीकर कणका
दा दाणा जमिना च पेईकरी मरी नी जांदा है, सै किला
ही रेंदा है पर जालू मरी जांदा है, तां मते फल दिन्दा
है। 25 जड़ा अपणे प्राणा ने प्यार करदा है, सै उना जो
गबाई दिन्दा है; पर जड़ा इस संसारे च अपणे प्राणा
जो प्यार नी करदा है; तां उनी हमेशा दिया जिन्दगिया
ताई उदी रक्षा करणी है। 26 अगर कोई मेरी सेवा करे,
तां मेरा चेला बणे; कने जिथू मैं है ओथु मेरे सेवके भी
होणा; अगर कोई मेरी सेवा करे, तां पिता परमेश्वरे उदा
आदर करणा।

ⓂⓂⓂⓂⓂ ⓂⓂ ⓂⓂⓂⓂⓂ ⓂⓂ ⓂⓂⓂⓂⓂⓂ

27 हुंण मैं बड़ा बेचेन होआ दा है। इस ताई मैं क्या
बोलें? पिता जी, मिंजो इसा दुखे दिया घड़िया ला
बचाई ले? पर मैं संसार च इस ताई आया की दुख झेले

* 12:8 12:8 (मर. 14:7) † 12:13 12:13 (भज. 118:25,26)

कने मरी जां। 28 हे पिता परमेश्वर तू प्रगट कर की तू कितणा महिमामय है। तालू ऐ आकाशवाणी होई, “मैं प्रगट कितया है की मैं कितणा महिमा बाला है कने मैं ऐ फिरी प्रगट करगा।” 29 तालू सै लोक जड़े खड़ोई करी अबाज सुणा दे थे, उना बोलया, की बदल गरजया, कने होरनी बोलया, “कोई स्वर्गदूत उसने बोलया।” 30 इसी पर यीशुऐ बोलया, “ऐ अबाज तुहाड़े भले ताई थी, मेरे ताई नी है। 31 हुण सै बकत है जालू परमेश्वरे संसारे दे लोकां दा न्याय करणा, कने हुण सै बकत है जालू यीशुऐ इस संसारे दे सरदार शैताने दी शक्ति जो खत्म करणा। 32 कने अगर मैं धरतिया ला उपर चढ़ाया जांगा, तां सारयां जो अपणे बाल लेई ओणा।” 33 इयां बोली करी उनी ऐ प्रगट करी दिता, की सै कियां मरणे बाला था।

34 इसा पर लोका उसला बोलया, “असां पबित्तर शास्त्र दी ऐ गल्ल सुणियो है, की मसीहे हमेशा जिन्दा रेंणा है, फिरी तू कजो बोला दा है, की माणुऐ दे पुत्रे जो उच्चे पर चड़ाणा जरूरी है? ऐ माणुऐ दा पुत्र कुण है?” 35 यीशुऐ उना ने बोलया, “(लौ)S हुण थोड़िया देरा दीकर तुहाड़े बिच है, जालू दीकर लौ तुहाड़े सोगी है तालू दीकर चली रिया; इयां ना होए की नेहेरा तुहांजो घेरी ना ले; जड़ा नेहरे च चलदा है उसयो नी पता होंदा की कुथयो चलया है। 36 जालू दीकर लौ तुहाड़े सोगी है, लौ पर भरोसा करा की तुसां लौ दी ओलाद बणन।” ऐ गल्लां बोली करी यीशु चली गया कने अपणे आपे जो उना ला लुकाई रखया।

¶ 12:34 12:34 (दानि. 7:14) § 12:35 12:35 लौ मतलब यीशु मसीह * 12:38 12:38 (यशा. 53:1) † 12:40 12:40 (यशा. 6:10)

37 कने यीशुऐ उना दे सामणे इतणे चमत्कार दस्से, तमी उना उदे पर भरोसा नी किता; 38 ऐ इस ताई होया ताकि जड़ा यशायाह परमेश्वरे दा संदेश देणेबाले बोलया था सै सच्च होई जा; “प्रभु जी, साड़े संदेश पर कुनी भरोसा किता है? कने परमेश्वर दी पराक्रमी शक्ति कुदे पर प्रगट होई?”*

39 इसा बजा ने सै भरोसा नी करी सके, क्योंकि यशायाहे फिरी बोलया: 40 परमेश्वरे उना दी हखी अन्निया करी दितियां ताकि सै दिखी नी सकन, कने उना दे दिमाग बंद करी दिते ताकि सै समझी नी सकन। नितां उना मिंजो पर भरोसा करी लेणा कने मैं उना जो ठीक करी दिन्दा। †

41 यशायाहे ऐ गल्लां इस ताई बोलियां, की उनी बकते ला पेहले उदी महिमा दिखी, कने उदे बारे च गल्लां कितियां। 42 मते अगुवां भी उदे पर भरोसा किता, पर फरीसियां दिया बजा ने सबना सामणे नी मनंदे थे, इस

डरे ने नी की उना जो यहूदी जंज घर ला कडी दिंगे। 43 क्योंकि उना जो परमेश्वरे दी तारीफ़ ला, माणुऐ दी तारीफ़ जादा प्यारी लगदी थी।

44 यीशुऐ भिड़ा जो पुकारी करी बोलया, “जड़ा मेरे पर भरोसा करदा है, सै सिर्फ़ मिंजो पर नी पर मिंजो भेजणे बाले परमेश्वरे पर भरोसा करदा है। 45 कने जड़ा मिंजो दिखदा है, सै मिंजो भेजणे बाले परमेश्वरे जो दिखदा है। 46 मैं संसारे च इक लौ बणी करी आया है ताकि जड़ा मिंजो पर भरोसा करगा सै कदी नेहरे च नी रेंगा। 47 अगर कोई मेरियां गल्लां सुणीकरी उना दा पालन नी करे, तां मैं उसयो दोषी नी बोलणा है, क्योंकि मैं संसारे दे लोकां जो दोषी ठहराणे ताई नी आया, पर संसारे दा उद्धार करणे ताई आया है।” 48 जड़ा मिंजो तुच्छ समझदा है कने मेरियां गल्लां जो नी मनंदे है, उना दा न्याय करणे बाला तां इक ही है, मतलब की जड़ा बचन मैं बोलया है, उनी उसयो आखरी दिना च दोषी बणाणा। 49 क्योंकि मैं अपणे हक ने ऐ गल्लां नी कितियां न, पर पिता परमेश्वर जिनी मिंजो भेजया है उनी मिंजो हुकम दितया है की क्या-क्या बोलें? 50 कने मैं जाणदा है, की उदे हुक्मा जो मनणा हमेशा दिया जिन्दगिया दा रस्ता है, इस ताई मैं तुसां जो सेई बोलदा है जड़ा पिता परमेश्वर मिंजो बोलदा है।

13

¶ 13:1 13:1 ¶ 13:2 13:2 ¶ 13:3 13:3 ¶ 13:4 13:4 ¶ 13:5 13:5

1 फसह दे त्योहरे ला पेहले जालू यीशुऐ जाणी लिया, की मेरा सै बकत आई गया है की मैं संसारे जो छड़ी करी अपणे पिता परमेश्वर बाल बापस चली जां, यीशु अपणे चेलयां सोगी हमेशा प्यार करदा रिया, जड़े संसार च यीशुऐ सोगी थे, जदिया प्यार सै करदा था, आखरी दीकर सियुदा ही प्यार रखदा रिया।

2 यीशु कने उदे चेले राती दा खाणा खा दे थे। शैताने पेहले ही यीशुऐ जो धोखा देणे ताई शमौन दे पुत्र यहूदा इस्करियोती दे मने च ऐ पाई दितया था, की उसयो पकड़वाई दे। 3 जालू यीशु ऐ जाणदा था की पिता परमेश्वरे मिंजो हर चिजा पर हक दितया है कने मैं परमेश्वरे दे बखे ला आया है, कने परमेश्वरे बाल बापस जाणा है। 4 खाणा खांदे बेले उठी करी यीशुऐ अपणे बाहरी कपड़े खोली दिते, कने अंगोच्छा लेईकरी अपना लक्के च बन्नी लिया। 5 तालू भांडे च पांणी लेईकरी चेलयां दे पैर धोई करी कने जड़ा अंगोच्छा लक्के च लपेटया था उसला पुंजणा लगगा।

6 जालू यीशु शमौन पतरस दे बखे आया तालू पतरसे उसयो बोलया, “प्रभु जी, तू कजो मेरे पैरां धोणा लगया है?” 7 यीशुए उसयो जबाब दिता, “जड़ा मैं करदा है, तू हुण इदा मतलब नी जाणदा है, पर कुछ बकते बाद जाणना है।” 8 पतरसे उसयो बोलया, मैं तुसां जो अपणे पैरां जो कदी नी धोणा देणा। ऐ सुणीकरी यीशुए उसयो बोलया, “अगर तू मिंजो अपणे पैर नी धोणे नी दिते, तां तू मेरा चेला नी है।” 9 शमौन पतरसे उसयो बोलया, “प्रभु जी, तां मेरे पैर ही नी बल्कि हथ कने सर भी धोई दे।”

10 यीशुए उसयो बोलया, “इक माणु जड़ा नोहोई बैठया है, सै बिलकुल साफ है, उसयो सिर्फ अपणे पैरा जो धोणे दी जरूरत है। कने तुसां सारे शुद्ध न सिर्फ इकी जो छड़डी करी।” 11 सै तां अपयों पकड़ाणे बाले जो जाणदा था तांई तां उनी बोलया, “तुसां सारे दे सारे शुद्ध नी न।”

12 जालू यीशु उना दे पैरां जो धोई बैठा तां सै अपणे बाहरे बाले कपड़े पाई करी फिरी बेई गया कने उना ने बोलणा लगगा, “क्या तुसां समझे की मैं तुहाड़े सोगी क्या कितया है? 13 तुसां मिंजो गुरू, कने प्रभु, कने ठीक ही बोलदे न, क्योंकि मैं तुहाड़ा गुरू कने प्रभु है। 14 अगर मैं प्रभु कने गुरू होईकरी तुहाड़े पैर धोते, तां तुहांजो भी नम्र होईकरी इक दुज्जे दे पैर धोई करी मिंजो ला सिखणा चाईदा। 15 क्योंकि मैं तुहांजो इक नमूना दस्सी दितया है, की जियां मैं तुहाड़े सोगी किता, तुसां भी तियां ही करा। 16 मैं तुसां ने सच्च-सच्च बोलदा है, नोकर अपणे मालिके ला बडा नी होंदा, कने ना भेजया होया अपणे भेजणे बाले ला बड्डा होंदा। 17 हुण तां तुसां इना गल्लां जो जाणदे न, तां इना जो करा ताकि तुसां भी धन्य होन।

18 मैं तुसां सबना दे बारे च नी बोला दा है: जिना जो मैं चुणयां है, उना जो मैं जाणदा है: पर ऐ इस तांई होआ दा है ताकि पबित्तर शास्त्रां च जड़ा लिखया है सै पूरा हो, जिनी मेरे सोगी रोटी खादी, उनी मिंजो धोखा दिता है।* 19 हुण मैं तुहांजो उदे होणे ला पेहले दसी दिन्दा है ताकि जालू होई जांगा तां तुसां भरोसा करनयो की मैं सेई है।† 20 मैं तुसां ने सच्च-सच्च बोलदा है, की जड़ा मेरे भेजयां जो अपनांदा है, सै मिंजो भी अपनांदा है, कने जड़ा मिंजो अपनांदा है, सै मेरे भेजणे बाले जो भी अपनांदा है।”

22:21-23)

(26:20-25; 14:17-21; 13:18

22:21-23)

21 ऐ गल्लां बोलणे बाद यीशु बड़ा ही दुखी होया कने अपणे चेलयां जो दसया, “मैं तुसां ने सच्च-सच्च बोलदा है, की तुसां चे इकी जणे मिंजो पकड़ाणा है।” 22 चले ऐ शक करदे होऐ, इकी दुऐ पासे दिखणा लगगे, ऐ कुसदे बारे च बोला दा है। 23 उदे चेलयां चे इक जिसने यीशु प्यार रखदा था, यीशुए दे बखे बैठया था। 24 तालू शमौन पतरसे उदे पासे इशारा करी के पुछया, “दसी दे तां, सै कुसदे बारे च बोला दा है?” 25 तालू उनी भी यीशुए दे बखे जाई करी पुछया, “प्रभु जी, सै कुण है?” 26 यीशुए जबाब दिता, “जिसयो मैं ऐ रोटिया दा टुकड़ा चटनिया च डोबी करी दिंगा, सै ही है।” कने उनी टुकड़ा चटनिया च डोबी करी शमौने दे पुत्र यहूदा इस्करियोती जो दिता। 27 कने जियां ही यहूदा टुकड़ा खादा, यीशुए उसयो बोलया, “जड़ा तू हुण करणा जा दा है, सै झट कर, तालू ही शैतान उदे च बड़ी गया। 28 खाणा खाणे बालयां चे बाकी कुसियो भी पता नी था की यीशुए उसयो ऐसा कजो बोलया। 29 यहूदा बाल पैसयां दी थेली रेंदी थी, इस तांई कुनी-कुनी समझया, की यीशु उसयो बोला दा है, की जड़ा कुछ सांझो त्योहारे तांई चाईदा सै खरीदी ले, या गरीबां जो कुछ दे। 30 तालू सै रोटी दे टुकड़े जो खाई करी झट बाहरे जो चली गया, कने राती दा बकत था।

22:21-23)

31 जालू सै बाहर चली गया तां यीशुए बोलया, हुण मेरी, माणुए दे पुत्रे दी महिमा होई, कने परमेश्वरे दी महिमा मिंजो च होई; 32 कने परमेश्वरे अपणे पुत्रे दी महिमा करणी, कने तोल्ली ही करणी है। 33 हे प्यारे बच्चो, मैं होर थोड़ी देर तुहाड़े बखे है; फिरी तुसां मिंजो तोपणा, कने जियां मैं यहूदियां जो बोलया, जिथू मैं जांणा, ओथु तुसां नी आई सकदे न, तियां ही मैं हुण तुहांजो भी बोलदा है।

34 मैं तुहांजो इक नौआं हुकम दिन्दा है, इक दुज्जे ने तियां ही प्यार करा: जियां मैं तुसां ने प्यार करदा है, तियां ही तुसां भी इक दुज्जे ने प्यार करा।” 35 अगर तुसां इक दुज्जे ने प्यार करगे, तां हर कुसी जो पता चलणा की तुसां मेरे चले न।

36 शमौन पतरसे उसयो बोलया, “प्रभु जी, तू कुथु जांणा है?” यीशुए जबाब दिता, जिथू मैं जांणा है, ओथु तू मेरे पिच्छे नी आई सकदा? पर बादे च तुसां मेरे पिच्छे ओणा। 37 पतरसे उसयो बोलया, “प्रभु जी, हुण मैं तेरे पिच्छे कनी आई सकदा है? मैं तां तेरे तांई अपनी जान

* 13:18 13:18 (भज. 41:9) † 13:19 13:19 (यूह. 14:29)

देणे ताई तैयार है।” 38 यीशुए जबाब दिता, क्या तू मेरे ताई मरणा है? मैं तिजो ने सच्च-सच्च बोलदा है की मुर्गे जो बांग देणे ला पेहले तू मिंजो तिन्न बरी बोलणा की तू मिंजो नी जाणदा।

14

1 “तुहाड़ा मन दुखी ना हो, तुसां परमेश्वरे पर भरोसा रखा कने मिंजो पर भी भरोसा रखा। 2 मेरे पिता परमेश्वर दे घरे रेहणे दियां मतियां जगा न, अगर नी हुंदियां, तां मैं तुसां ने बोली दिन्दा क्योंकि मैं तुहाड़े ताई जगा तैयार करणा जांदा है।

3 मेरे जाणे कने तैयारी करणे बाद, तां मैं फिरी आई करी तुहांजो अपने सोगी लेई जांगा, ताकि जिथू मैं रे ओथु ही तुसां भी रेन।

4 उसा जगा दा रस्ता जिथू मैं जाणा है ओथु दा रस्ता तुसां जाणदे न।”

5 थोमे उसला बोलया, “प्रभु जी, सांझो नी पता तू कुथु जाणा है, तां सांझो रस्ता किया पता होंगा?”

6 यीशुए उना जो बोलया, “रस्ता कने सचाई कने जड़ा जिन्दगी दिन्दा है सै मैं ही है, मेरे बिना कोई भी पिता परमेश्वरे बाल नी पुज्जी सकदा है।

7 अगर तुसां मिंजो जाणया होंदा, तां मेरे पिता परमेश्वरे जो भी जाणदे, कने हुण उसयो जाणदे भी हेन, कने उसयो दिखया भी है।”

8 फिलिप्पुसे उसला बोलया, “प्रभु जी, पिता परमेश्वर दे दर्शन करवाई दे: इतणा ही साड़े ताई काफी है।” 9 यीशुए उसयो बोलया, हे फिलिप्पुस, मैं इतणे रोजां ला तुहाड़े सोगी है, क्या तू मिंजो नी जाणदा? जिनी मिंजो दिखया है उनी पिता परमेश्वर जो भी दिखया है: तू कजो बोला दा की पिता परमेश्वर दे दर्शन करवाई दे? 10 क्या तू भरोसा नी करदा है, की मैं पिता परमेश्वर च है, कने पिता परमेश्वर मिंजो च है। ए गल्लां जड़ियां मैं तुसां ने बोला दा है, अपणिया तरफा ला नी बोला दा, पर पिता परमेश्वरे मिंजो च रेईकरी जड़ा चांदा है सै ही करदा है। 11 मेरा ही भरोसा करा, की मैं पिता परमेश्वर च है; कने पिता परमेश्वर मिंजो च है; नितां जड़े चमत्कार मैं कितयो न उना दिया बजा ने मेरे पर भरोसा करा।

12 मैं तुसां ने सच्च-सच्च बोलदा है, की जड़ा मिंजो पर भरोसा करदा है, ए कम्म जड़े मैं करदा है उनी भी करणे, क्योंकि मैं पिता परमेश्वर बाल जाणा है। 13 कने जड़ा कुछ तुसां मेरे नाए ने मंगगे, सेई मैं करगा ताकि पुत्रे दे जरिये पिता परमेश्वर दी महिमा होए। 14 अगर

तुसां मिंजो ला मेरे नाए ला कुछ मंगगे, तां मैं सै पूरा करणा।

15 अगर तुसां मिंजो ने प्यार करदे न, तां मेरे हुक्मा

जो मनगे। 16 कने मैं पिता परमेश्वर ने बिनती करगा, की सै तुहांजो इक होर मददगार दे, ताकि सै हमेशा तुहाड़े सोगी रे। 17 सै सच्च दी आत्मा, जड़ी पबित्र आत्मा है, सै परमेश्वरे दे बारे च सच्च जो प्रगट करदा है, क्योंकि संसार ना पबित्र आत्मा जो दिखदा है कने ना उसयो जाणदा है: तुसां पबित्र आत्मा जो जाणदे न, क्योंकि सै तुहाड़े सोगी रेंदा है कने उनी तुसां च होणा है।

18 “मैं तुहांजो अनाथ नी छडणा है, मैं तुहाड़े बाल बापस ओणा। 19 थोड़े ही बकते च संसारे दे लोकां मिंजो नी दिखणा, पर तुसां मिंजो दिखणा क्योंकि मैं फिरी ला जिन्दा होणा है, इस ताई तुसां भी जिन्दा रेंणा है। 20 जिस रोजे मैं जिन्दे होईकरी बापस ओणा उसी दिने तुहांजो पता लगणा, की मैं अपने पिता परमेश्वर च है कने तुसां मिंजो च न, कने मैं तुसां च है। 21 जड़े मेरे हुक्मा जो जाणदा है, कने सै हुक्मा जो मनदा है, सै ही मिंजो ने प्यार करदा है, कने मैं भी उसला प्यार करणा है कने जड़ा मिंजो ने प्यार करदा है, उसला मेरे पिता परमेश्वरे भी प्यार करणा, कने मैं उसला प्यार रखणा, कने मैं अपने आपे जो उदे पर प्रगट करणा है।”

22 उनी यहूदे जड़ा इस्करियोती नी था, उनी बोलया, “प्रभु जी, क्या होया की तू अपने आपे जो सांझो पर प्रगट करणा चांदा है, कने संसारे दे लोकां पर नी?” 23 यीशुए उसयो जबाब दिता, मैं अपने आपे जो ऐसे लोकां जो दसदा है जड़े कोई मिंजो ने प्यार करदे न, कने मेरियां सिखाईयां गल्लां जो मंदे न। कने मेरे पिता उसने प्यार रखणा कने असां आई करी उदे सोगी रेंणा है। 24 जड़ा मिंजो ने प्यार नी करदा, सै मेरी सिखाईयां गल्लां जो नी मनदा है, कने जड़ा मेरी शिक्षा तुसां सुणदे न, सै मेरियां नी न पर मेरे पिता परमेश्वर दी शिक्षा न, जिनी मिंजो भेजया है।

25 ए गल्लां मैं तुहाड़े सोगी रेईकरी तुसां ने बोलियां न। 26 मददगार मतलब की पबित्र आत्मा जिसयो पिता परमेश्वरे मेरी जगा लेणे ताई भेजणा है, पबित्र आत्मा तुहांजो सारियां गल्लां सिखाणियां न, कने जड़ा कुछ मैं तुसां ने बोलया है, सै सब कुछ तुहांजो याद करणा है।

27 मैं तुहांजो शांति दिन्दा है, मैं अपनी शांति तुहांजो दिन्दा है; ए सै शांति नी है जड़ी संसार देई सकदा है। तुसां अपने मने जो दुखी कने डरया होया मत होणा दिया। 28 तुसां सुणाया, की मैं तुहांजो ने बोलया, “मैं जाणा है। कने तुहाड़े बाल फिरी बापस आई जाणा है

अगर तुसां मेरे ने प्यार करदे न, तां इसा गल्लां ने खुश होंदे न, की मैं पिता परमेश्वर बाल जाणा है क्योंकि पिता परमेश्वर मिंजो ला बड़ा महान है।” 29 कने मैं हुण ऐ सब गल्लां होणे ला पेहले तुहांजो ने बोली दितियां न, की जालू सै होई जांगियां, तां तुसां मिंजो पर भरोसा करन।

30 हुण मेरे बाल तुसां ने तुहाड़े सोगी गल्लां करणे ताई जादा बकत नी क्योंकि इसी संसारे दे सरदार शैताने ओणा है, कने मिंजो पर उदा कोई हक नी है। 31 मैं तियां ही करदा है जियां पिता परमेश्वरे मिंजो हुकम दिता, ऐ इस ताई की संसार दे लोकां जो पता लगगे की मैं पिता परमेश्वरे ने प्यार करदा है। कने जियां पिता परमेश्वर मिंजो हुकम दिन्दा, मैं तियां ही करदा है। उठा, ऐथू ला चलदे न।

15

???? ???? ???? ? ? ?

1 सच्ची दाखा दी बेल मैं हे; कने मेरा पिता परमेश्वर किसान है। 2 हर इक डाली जड़ी मिंजो ने लगियो है, कने नी फल्दी है, उस जो सै बडी दिन्दा है, कने जड़ी डाली फल्दी है उसा जो सै छांडदा है ताकि सै होर जादा फले। 3 जड़ी शिक्षा मैं तुसां जो दितियो है, उसा दिया बजा ने तुसां शुद्ध न। 4 तुसां मिंजो च बणी रिया, कने मैं तुहांजो च: जियां कोई डाली अगर दाखा दिया बेला ला टूटी जा, तां सै अपु नी फली सकदी, तियां ही तुसां मिंजो च बणी नी रेंगे तां, तुसां कुछ नी करी सकदे।

5 मैं दाख बेल है: कने तुसां डालियाँ न; जड़ा मिंजो च बणी रेंदा है, कने मैं उदे च, सै मता फलदा है, क्योंकि मिंजो ने लग होईकरी तुसां कुछ नी करी सकदे। 6 अगर कोई मिंजो च बणी नी रे, तां उसा डालियाँ जो बड्डी करी फेंकी दिन्दे न, कने जालू सै डालियाँ सुकी जांदियां न; कने लोक उना जो गठेरी करी अग्गी च पाई दिन्दे न, कने सै फकुई जान्दियां न। 7 अगर तुसां मिंजो ने बणी रेन, कने मेरियां शिक्षा च तुसां बणी रेंगे तां तुसां जड़ा चांगे सै मंगा कने सै तुहाड़े ताई होई जाणा। 8 मेरे पिता परमेश्वर दी महिमा इसी ने होंदी है, की तुसां बड़ा जादा फल लोंगे, ऐई तुहाड़ा मेरे चले होणे दा सबूत है।

9 जियां पिता परमेश्वरे मिंजो ने प्यार रख्या, तियां ही मैं भी तुहांजो ने प्यार कित्ता, मेरे प्यारे च बणी रिया। 10 अगर तुसां मेरे हुकमा जो मनगे, तां मेरे प्यारे च बणी रेणा जियां की मैं अपने पिता परमेश्वरे दे हुक्मा जो मनया है, कने उदे प्यारे च बणी रेंदा है।

11 मैं ऐ गल्लां तुहांजो इस ताई बोलियां न, ताकि तुसां च भी सेई खुशी हो जड़ी मिंजो च है, कने तुहाड़ी खुशी पुरी होई जा।

12 मेरा हुकम ऐ है, की जियां मैं तुसां ने प्यार रख्या है तियां ही तुसां भी इकी दुज्जे ने प्यार रखा। 13 कुसी बाल ऐ दसणे ताई की सै अपने मित्रां ने प्यार करदा है, इसला बडा होर कोई तरिका नी है की सै अपने मित्रां जो बचाणे ताई अपनी जान देई दे। 14 जड़ा भी हुकम मैं तुहांजो दिन्दा है, अगर तुसां उसयो करन, तां तुसां मेरे मित्र न। 15 हुण मैं तुहांजो सेवक नी बोलणा, क्योंकि सेवक नी जानदा है, की उदा स्वामी क्या करदा है: पर मैं तुहांजो मित्र बोलया है, क्योंकि मैं जड़ियां गल्लां अपने पिता परमेश्वरे ला सुणियां, सै सारियां तुहांजो दस्सी दितियां न। 16 तुसां मिंजो नी चूणया है पर मैं तुहांजो चूणया है कने तुहांजो नियुक्त कितया है ताकि तुसां जाई करी फल देन; कने तुहाड़ा फल टिकाऊ रे, ताकि तुसां मेरे चले न, इस ताई जड़ा कुछ तुसां मेरे ना ने मंगगे, सै तुहांजो दे। 17 इना गल्लां दा हुकम मैं इस ताई दिन्दा है, ताकि तुसां इकी दुज्जे ने प्यार रखन।

???? ? ? ?

18 अगर संसार दे लोक तुहांजो ने बैर रखदे न, तां तुसां जाणदे न, की इना तुसां ला पेहले मिंजो ने भी बैर रखया। 19 अगर तुसां संसारे दे लोकां साई होंदे, तां संसारे दे लोक अपणयां ने प्यार करदे न, पर इसा बजा ने की तुसां इस संसारे दे लोकां ने रिश्ता नी रखदे, कने मैं तुहांजो इस संसारे ला चूणया है, इस ताई संसारे दे लोक तुहांजो ने बैर रखदे न। 20 जड़ा मैं तुसां जो दसया है, सेवक अपने मालिके ला बडा नी होंदा है, इसयो याद रखा अगर उना मिंजो सताया, तां तुहांजो भी सताणां है; अगर उना मेरियां शिक्षा जो मनया, तां तुहाड़ी शिक्षा जो भी मनणा। 21 पर ऐ सारा कुछ लोकां इसा बजा ने तुहाड़े सोगी करणा क्योंकि तुसां मेरे चले न, कने सै मेरे भेजणे बाले परमेश्वरे जो नी जाणदे न।

22 अगर मैं नी ओंदा कने उना ने गल्लां नी करदा, तां सै पापी नी बणदे पर हुण उना जो उना दे पापां ताई कोई भाना नी। 23 जड़ा मिंजो ने बैर रखदा है, सै मेरे पिता परमेश्वर ने भी बैर रखदा है। 24 अगर मैं उना च सै चमत्कार नी करदा, जड़े कुनी होरनी नी किते तां सै पापी नी बणदे, पर हुण उना मिंजो दिखी लिया है फिरी भी सै मिंजो कने मेरे पिता परमेश्वरे दोनो ने बैर करदे न। 25 ऐ इस ताई होया की जड़ा उना दे पवित्र शास्त्र

* 15:25 15:25 (भज. 69:4, भज. 109:3)

च लिखया है ऐ इना गल्लां जो पूरा करदा है, उना बिना कुसी बजा ने मिंजो ने नफरत किती।*

26 पर जालू सै मददगार ओंगा, जिसयो मैं तुहाड़े बाल पिता परमेश्वरे दिया तरफा ला भेजगा, मतलब की सच्च दी आत्मा जड़ी पिता परमेश्वरे दिया तरफा ला निकलदी है, तां उनी मेरी गबाई देंगी। 27 कने तुसां भी गबाह न क्योकि तुसां शुरू ला मेरे सोगी न।

16

1 ऐ गल्लां मैं तुहांजो ने इस ताई बोलियां की कुथी तुसां भरोसा करणा ना छडी देन। 2 उना तुहांजो यहूदी जंज घर ला कडी देणा, कने सै बकत ओणा है, की अगर कोई तुहांजो मारी दिंगा, तां तुहाड़े हत्यारे ऐ समझणा है की सै परमेश्वरे दी सेवा करा दा है। 3 कने उना ऐ इस ताई करणा क्योकि उना ना पिता परमेश्वर जो जाणया है कने ना ही मिंजो जाणदे न। 4 पर मैं ऐ गल्लां इस ताई तुसां ने बोलियां, ताकि जालू उना दा बकत ओऐ तां तुहांजो याद आई जा, मैं ऐ सब तुसां जो शुरू च इस ताई नी बोलया, क्योकि उस बकत मैं तुहाड़े सोगी था।

?????? ???? ? ???? ?

5 हुण मैं अपने भेजणे बाले बाल जाणा है कने तुसां चे कोई मिंजो ला नी पूछदा है, की मैं कुथु चलया है? 6 पर मैं जडियां ऐ गल्लां तुसां ने बोलियां न, इस ताई तुहाड़ा मन बड़ा दुखी होया है। 7 तमी मैं तुसां ने सच्च बोलदा है, की मेरा जाणा तुहाड़े ताई खरा है, क्योकि अगर मैं नी जांगा, तां उनी दिलासा देणेबाले तुहाड़े बाल नी ओणा, पर अगर मैं जांगा, तां उसयो तुहाड़े बाल भेजी दिंगा। 8 कने उनी आई करी संसारे दे लोकां जो पाप कने धार्मिकता कने न्याय दे बारे च यकीन दिलाणा। 9 पापे दे बारे च यकीन दिलाणा की सै मिंजो पर भरोसा करणे ने मना करदे न; 10 कने ऐ साबित करदा है की यीशु धर्मी था, इस ताई की मैं पिता परमेश्वर बाल चलया है, कने तुसां मिंजो फिरी नी दिखणा है, 11 कने न्याय दे बारे च भी यकीन दिलाणा की इस संसारे दे सरदार शैताने जो दोषी ठहराया है।*

12 मैं तुहांजो ने होर भी मतियां गल्लां बोलणा चांदा है, पर हले तुसां इना जो सेहन नी करी सकदे न। 13 पर जालू सै मतलब की सच्च दिया आत्मा† ओणा है, तां आत्मा तुसां जो परमेश्वर दे बारे च जड़ा सच्च है सै समझणा है, क्योकि उनी अपने अधिकारे ने नी बोलणा है, पर जड़ा कुछ परमेश्वरे ला सुणगा, सै ही उनी बोलणा है, कने होणे बालियां गल्लां तुहांजो दसणियां। 14 उनी मेरी महिमा करणी, क्योकि उसयो मेरिया तरफा ला

जड़ा मिलया है, उनी तुसां जो सै ही सिखाणा। 15 जड़ा कुछ पिता परमेश्वर दा है, सै सब मेरा है; ताई तां मैं बोलया था की, उनी मेरियां गल्लां चे लेईकरी तुहांजो दसणा है।

???? ???? ? ???? ???? ?

16 “थोड़े बकते च तुसां मिंजो नी दिखणा, कने फिरी थोड़ी देरा च तुसां मिंजो दिखणा है।” 17 तालू उदे कितणयां ही चेलयां अपु चे बोलया, “ऐ क्या है, जड़ा सै सांझो ने बोला दा है, थोड़े बकते च तुसां मिंजो नी दिखणा, कने फिरी थोड़ी देरा च तुसां मिंजो दिखणा है? कने ऐ इस ताई की मैं पिता परमेश्वर बाल चलया है?” 18 चले इकी दुज्जे ला पुछदे रे, “की सै क्या बोला दा है। क्या है ऐ थोड़े बकत बाद जिसदे बारे च सै बार-बार बोला दा है।”

19 यीशु ऐ जाणी करी, की सै मिंजो ला इना गल्लां दा मतलब पूछणा चांदे न, उना जो बोलया, क्या तुसां अपु चे मेरिया इना गल्लां दे बारे च पूछा दे न, थोड़े बकते च तुसां मिंजो नी दिखणा, कने फिरी थोड़ी देरा च तुसां मिंजो दिखणा है? 20 मैं तुसां ने सच्च-सच्च बोलदा है; मेरिया मौता दे बाद तुसां रोणा कने दुखी होणा है, पर संसारे दे लोकां खुश होणा है: तुसां जो दुख होणा, पर जालू मैं मरी करी दुबारा जिन्दा होणा तालू तुहाड़ा दुख खुशी च बदली जाणा। 21 जालू जनानी बच्चे जो जमणा लगदी है तां उसा जो बड़ी पिढ होंदी है, क्योकि उसा दे दुखे दी घड़ी आईयो है, पर जालू सै बच्चा जम्मी बोंदी है तां इसा खुशिया ने की संसारे च इक माणु पैदा होया है, उस दुखे जो फिरी कदी याद नी करदी।‡ 22 इयां ही हुण तुहांजो भी दुख है, पर मैं तुसां ने फिरी मिलणा है कने तुसां खुश होणा; कने तुहाड़ी खुशी तुहांजो ला कुनी नी खोणी। 23 जालू मिंजो तुसां दोबारा दिखणा तालू मिंजो ला कुछ नी पूछणा: मैं तुसां ने सच्च-सच्च बोलदा है, अगर पिता परमेश्वरे ला कुछ मंगगे, तां उनी मेरे चले होणे दिया बजा ने तुहांजो देणा। 24 हले दीकर तुसां मेरे नाऐ ने पिता परमेश्वरे ला कुछ नी मंगया; पर मंगगे तां मिलणा ताकि तुहाड़ी खुशी पूरी होई जा।

?????? ? ? ?

25 “मैं तुहांजो ने ऐ गल्लां कहाणियां च बोलियां न, पर सै बकत ओणा है, की मैं तुसां ने होर कहाणियां च नी बोलणा है पर खुली करी पिता परमेश्वर दे बारे च दसणा। 26 उस बेले तुसां अपु मेरे नाऐ ने मंगणा, क्योकि तुसां मेरे चले न कने मैं तुसां जो बोलदा है, की मैं तुहाड़े

* 16:11 16:11 (यूह. 12:31) † 16:13 16:13 पवित्र आत्मा ‡ 16:21 16:21 (यशा. 26:17, मीका 4:9)

सांझो च होन, इस ताई की संसार दे लोक भरोसा करन, तू ही मिंजो भेजया है।

22 कने सै महिमा जड़ी तू मिंजो दिती, कने मैं उना जो दितियो है की सै तियां ही इक होन जियां असां इक न। 23 मैं उना च कने तू मिंजो च ताकि सै सिद्ध होईकरी इक होई जान, कने संसार जाणे की तू ही मिंजो भेजया है, कने जियां तू मिंजो ने प्यार रखया है, तियां ही उना ने भी प्यार रख।

24 पिता परमेश्वर, मैं चांदा है की जिना जो तू मिंजो दितयो है, जिथू मैं है, ओथु भी मेरे सोगी होन ताकि सै मेरिया उसा महिमा जो दिखन जड़ी तू मिंजो दितयो है, क्योंकि तू मिंजो संसारे दे बणने ला पेहले ला ही मिंजो ने प्यार रखया है।

† 25 हे धार्मिक पिता, संसारे दे लोकां तिजो नी जाणया, पर मैं तिजो जाणदा है कने चेलयां भी जाणया की तू मिंजो भेजया है। 26 कने मैं तेरा ना उना जो दसया कने दसदे रेणा है ताकि जड़ा प्यार तिजो मिंजो ने था, सेई उना चे रे कने मैं उना च रेणा।

18

(22:22-26:47-56; 22:22 14:43-50; 22:22 22:47-53)

1 जालू यीशुएे प्राथना करणे बाद अपने चेलयां सोगी किद्रोन दे नाल्ले पार गया। ओथु इक बाग था, यीशु कने उदे चले उस बागे दे अंदर गे। 2 उसयो पकड़बाणे बाला यहूदा भी उसा जगा जो जाणदा था, क्योंकि यीशु ओथु अपने चेलयां सोगी जांदा था। 3 तालू यहूदा, सिपाईयां दी इक टोलिया सोगी कने बड्डे याजकां कने फरीसियां दे सेवकां जो लेईकरी उस बागे च आया कने हथां च दिव्ये, मशालां, कने हथियार लियो थे। 4 तालू यीशु, उना सबना गल्लां जो जाणी करी जड़ियां उसने हांणे बालियां थियां, अगगे आई करी उना ला पुछया, की कुसयो तोपा दे न? 5 उना उसयो जबाब दिता, “नासरत नगर ला यीशुएे जो।” यीशुएे उना जो बोलया, की मैं ही यीशु है। उसयो पकड़वाणे बाला यहूदा भी उना सोगी खड़ोतया था। 6 यीशुएे जो ऐसा बोलदे ही, की मैं ही नासरत दा यीशु है, सै पिच्छे हटी करी धरतिया पर ढेई पे। 7 तालू यीशुएे उना ला फिरी पुछया की, तुसां कुसयो तोपा दे न, “उना बोलया, नासरत नगर दे यीशु जो।” 8 यीशुएे जबाब दिता, “मैं तां तुसां जो बोली बैठया है की हाँ मैं ही यीशु है, अगर तुसां मिंजो तोपा दे न तां इना लोकां जो जाणा दिया,

† 17:24 17:24 (यूह. 14:3)

ऐ मेरे चले न।” 9 ऐसा इस ताई होया की, यीशुएे जड़ा पेहले बोलया था सै सच्च होई जा: “जिना जो तू मिंजो दितया है उना चे मैं इकी जो भी नी गबाया है।”

10 तालू शमौन पतरसे अपनी तलवार कडी कने, महायाजके दे इकी नोकरे पर चलाई दिती कने उस दा इक कन उड़ाई दिता। उस सबके दा ना मलखुस था।

11 तालू यीशुएे पतरसे ने बोलया, “अपणिया तलवारा जो मयाना च रख। जड़ा कटोरा मेरे पिता परमेश्वरे मिंजो दितया है, क्या मैं उसयो नी पिऐ?”

(22:22 22 22:22 22:22)

12 तालू सिपाईयां कने उना दे सूबेदारां कने यहूदी अगुवां दे नोकरां यीशु जो पकड़ी करी बन्नी दिता, 13 कने पहले उसयो हन्ना बाल लेई गे, क्योंकि सै उस साले दे महायाजक कैफा दा सौरा था। 14 ऐ सेई कैफा नाएे दा इक माणु था, जिनी यहूदी अगुवां जो सलाह दिती थी की साडे लोकां ताई मरणा इक माणुएे दा खरा है।

(22:22 22 22:22 22:22)

(22:22 26:69-70; 22:22 14:66-68; 22:22 22:55-57)

15 शमौन पतरस कने इक होर चेला भी यीशुएे दे पिच्छे चली पे, इस चले जो महायाजक जाणदे पच्छेणदे थे। इस ताई सै यीशुएे पिच्छे-पिच्छे महायाजक दे अंगणे दीकर गया, 16 पर पतरस बाहर दरबाजे पर खड़ोई रिया, तालू सै दुज्जा चेला जिसयो महायाजक जाणदे थे सै बाहर आया, कने उनी दरबाजे पर खड़ोतियो नोकराणियां जो बोली करी पतरसे जो अंदर लेई ओंदा। 17 उना नोकराणिया जड़ी दरबाजे पर खड़ोतियो थी, पतरसे जो बोलया, “की तू भी इस माणुएे दे चेलयां चे तां नी ऐ?” उनी बोलया, “मैं नी है।” 18 सर्दियां दिया बजा ने मंदरे दे रखबाले कने सिपाई अगग बाली करी तपा दे थे, कने पतरस भी उना सोगी खड़ोई करी अगग तपा दा था।

(22:22 22:22 22 22:22 22 22:22 22:22)

(22:22 26:59-66; 22:22 14:55-64; 22:22 22:66-71)

19 तालू महायाजके यीशुएे ला उदे चले कने उदे उपदेशां दे बारे च पूछताछ किती। 20 यीशुएे उसयो जबाब दिता, “मैं सबना च खुली करी गल्लां कितियां, मैं यहूदी जंज घर कने मंदरे च जाई करी हमेशा उपदेश दिता जिथू यहूदी गिठे होंदे थे, कने कुछ भी लुकी करी कुछ नी बोलया। 21 तू मिंजो ला ऐ सबाल कजो पूछा दा है? सुणने बालयां ला पुछ की मैं उना ने क्या बोलया है। सै जाणदे न की मैं क्या-क्या बोलया है।” 22 जालू यीशुएे

ऐसा बोलया, तां बखे खड़ोतयो मंदरे दे रखबालयां चे इकी रखबाले, यीशुए जो थपड़ मारी करी बोलया, “क्या तू महायाजक जो इयां जबाब दे दा?”* 23 यीशुए उसयो जबाब दिता, अगर मैं गलत बोलया, तां साबित कर की मैं गलत बोलया; पर अगर खरा बोलया है तां मिंजो कजो मारा दा है।

24 यीशुए अजे भी बनया ही था, कने हन्ने उसयो तियां ही कैफा महायाजक बाल भेजी दिता।

22:58-62)

25 शमौन पतरस खड़ोई करी अगग तपा दा था, तालू उस सोगी खड़ोतयो लोकां उसयो पुछ्या की, “कुथी तू भी तां उदे चेलयां चे तां नी है?” उनी बोलया, “मैं नी है।” 26 महायाजक दे नोकरां चे इकी नोकरे, जड़ा उदा रिशतेदारां चे था, कने उदा कन पतरसे बडी दितया था, उनी बोलया की तिजो तां मैं यीशुए सोगी बागे च नी दिखया था? 27 पतरसे फिरी मना करी दिता, कने तालू झट मुर्गे बांग देई दिती।

27:1-2,11-31; 15:1-20; 23:1-25)

28 फिरी यहूदी लोक यीशु जो कैफा बाल लेई आये कने किल्ले जो लेई गे, ऐ रोमी राज्यपाल पिलातुस दा मेहल था, कने ब्यागा दा बकत था पर सै अपु किले अंदर नी गे अगर जादे तां उना अशुद्ध होई जाणा था, क्योंकि पिलातुस यहूदी नी था। अगर अशुद्ध होई जादे तां फसह दी रोटी नी खाई सकदे थे।

29 तालू पिलातुस बाहर निकली करी उना बाल आया कने बोलणा लगगा, “तुसां इस माणुए पर कुसा गल्लां दा अरोप लगा दे न?” 30 उना उसयो जबाब दिता, अगर ऐ अपराधी माणु नी होंदा तां असां इसयो तेरे बाल नी लोंदे। 31 पिलातुसे उना जो बोलया, “तुसां ही इसयो लेईजाई करी अपणिया व्यवस्था दे अनुसार इसयो सजा दिया।” यहूदी अगुवां उसयो बोलया, “की सांझो कोई हक नी है की असां कुसी जो मौत दी सजा देई सकन।” 32 ऐ इस तांई होया की यीशु दी सै गल्ल पूरी हो जड़ी उनी ऐ इशारा करदे बोली थी मेरी मौत कियां कुस तरीके ने होणी है।

33 तालू पिलातुस फिरी किल्ले दे अंदर गया, कने यीशुए जो अंदर सदीकरी पुछ्या, “तू क्या यहूदी लोकां दा राजा है?” 34 यीशुए जबाब दिता, “तू क्या ऐ गल्ल अपणिया तरफा ला बोला दा है, की कुनी होरनी ऐ गल्ल

तिजो मेरे बारे च बोली है?” 35 पिलातुसे जबाब दिता, “तू जाणदा है की मैं यहूदी नही है? तेरिया ही जाति कने बड्डे याजकां तिजो मेरे हथे दितया है, तू क्या कितया है?” 36 यीशुए जबाब दिता, मेरा राज्य इस संसारे दा नी है, अगर मेरा राज्य इस संसारे दा होंदा तां मेरे चेलयां लड़णा था, कने मैं यहूदी अगुवां दे हथे गिरफ्तार नी होंदा: पर मेरा राज्य ऐथू दा नी है। 37 पिलातुसे उसयो बोलया, तू क्या राजा है? यीशुए जबाब दिता, “तू बोलदा है, की मैं राजा है, मेरा जन्म लेणा कने संसार च ओणे दी बजा ऐ है की मैं सच्च दे बारे च सिखाई सके। जड़ा कोई परमेश्वरे ने सच्चा प्यार करदा है, कने मेरा बचन सुणदा है।” 38 पिलातुसे उसयो बोलया, “सच्च क्या है?”

27:15-31; 15:6-20; 23:13-25)

ऐ बोली करी सै फिरी यहूदी अगुवां बाल चली गया कने उना ने बोलया, “मिंजो उदे च कोई भी दोष नी लगगा दा है।

39 पर तुहाड़ा ऐ रिबाज है की मैं फसह दे त्योहारे च तुहाड़े तांई इक कैदी छडी दें। तुसां क्या चांदे न की मैं तुहाड़े तांई यहूदियां दे राजे जो छडी दें?” 40 तालू उना फिरी जोरे ने बोलया, “इसयो नी, पर साड़े तांई तू बरअब्बा जो छडी दे।” कने बरअब्बा इक डाकू था।

19

22:22-23 23:22-23 23:24-25)

1 इसा गल्ला पर पिलातुसे सिपाईयां जो हुकम दिता की यीशुए जो लेई जा कने कोडे मारा। 2 कने सिपाईयां कंडयां दा मुकट बणाया कने उदे सिरे पर रखया, कने उसयो बैंगणी कपड़े पेनाए, 3 कने उदे बखे आई करी बोलणा लगगे, नमस्ते, यहूदियां दे राजा कने उसयो थपड़ मारे।

4 तालू पिलातुसे फिरी बाहर निकली करी लोंका ने बोलया, “मैं उसयो तुहाड़े बाल फिरी लोंदा है, ताकि तुहांजो पता लगगे की मिंजो इदे च कुछ भी गलत नजर नी आया।”

5 तालू यीशुए जो कंडयां दा मुकट कने बैंगणी कपड़े पेनाइ करी बाहर लांदा कने पिलातुसे उना ने बोलया, “इस माणुए जो दिखा।” 6 जालू बड्डे याजकां कने मंदरे दे रखबालयां उसयो दिखया, तां चीलाई करी बोलया, “इसयो सूली पर चढ़ा, सूली पर चढ़ा!” पिलातुसे उना जो बोलया, “तुसां ही इसयो सूली पर चढ़ा, क्योंकि

* 18:22 18:22 लूका 22:63, मीका 5:1

मिंजो इदे च कुछ भी गलत नी मिल्ला है।” 7 यहूदी अगुवां उसयो जबाब दिता, “साड़ी भी व्यवस्था है कने उसा व्यवस्था दे अनुसार सै मारी देणे दे जोगा है क्योंकि उनी अपने आपे जो परमेश्वरे दा पुत्र बोलया है।”^{*} 8 जालू पिलातुसे ऐ गल्ल सुणी तां सै होर भी जादा डरी गया। 9 कने फिरी किले दे अंदर गया कने यीशुऐ जो बोलया, “तू कुथु दा है? पर यीशुऐ उसयो कोई भी जबाब नी दिता।” 10 पिलातुसे उसयो बोलया, “मिंजो ने कनी बोला दा है? क्या तू जाणदा नी की तिजो छडणे दा हक मिंजो है कने तिजो सूली पर चड़ाणे दा हक भी मिंजो है।” 11 यीशुऐ जबाब दिता, “अगर तिजो परमेश्वर दिया तरफा ला नी दितया होंदा, तां तेरा मिंजो पर कोई हक नी होंदा, इस ताई जिनी मिंजो तेरे हथे पकड़ाया है, उदा पाप जादा है।”

12 ऐ जबाब सुणीकरी पिलातुसे उसयो छडणा चाया, पर यहूदियां चीलाई-चीलाई करी बोलया, “अगर तू इसयो छडी दिंगा तां तू महाराजा कैसरे दा मित्र नी है; जड़ा कोई भी राजा होणे दा दाबा करदा है कने अपने आपे जो राजा बोलदा है सै महाराजा दा दुश्मण है।” 13 ऐ गल्लां सुणीकरी पिलातुस यीशुऐ जो बाहर लेई आया कने न्याय दे सिंहासने पर बैठा, कने सै जगा इक चबूतरा था जिसयो इब्रानी भाषा च गब्वता बोलदे न। 14 ऐ फसह दे त्योहारे दे हफ्ते सबते दिया तयारियां दा रोज था कने दोपहर दे बकते: तालू उनी यहूदी लोकां जो बोलया, “ऐ ही है, तुहाड़ा राजा।”

15 पर सै चिलाणा लगगे, इसयो मारी दे, इसयो मारी दे! कने इसयो सूली पर चढ़ा। पिलातुसे उना जो बोलया, क्या मैं तुहाड़े राजे जो सूली पर चढ़ा? बड्डे याजकां जबाब दिता, “महाराजा जो छडी करी साड़ा होर कोई राजा नी है।” 16 तालू पिलातुसे यीशुऐ जो उना दे हबाले करी दिता ताकि सै उसयो सूली पर चड़ाण।

[\[27:32-44\]](#); [\[15:21-32\]](#); [\[23:26-43\]](#)

17 तालू सै यीशुऐ जो लेई गे। उना यीशुऐ ला अपनी सूली अपु चुकवाई कने उसयो यरूशलेम शहर दे बाहर खोपड़ी नाए दिया जगा जो लेई गे, कने जिसयो इब्रानी भाषा च गुलगुता बोलदे न। 18 ओथु उना उसयो कने उदे सोगी दो माणुऐ जो सूली पर चढ़ाया, इकी जो इक पास्से कने, दुजे जो दुऐ पास्से, कने बिच यीशुऐ जो।

19 कने राज्यपाल पिलातुसे इक्की फटिया पर लिखी करी सूलिया पर लगाई दिती कने उसा पर ऐ लिखया

था, “नासरत दा यीशु मसीह यहूदियां दा राजा।” 20 ऐ फट्टी मते यहूदियां पढी क्योकि जिथू यीशुऐ जो सूली पर चढ़ाया था सै जगा यरूशलेम शहर दे बखे थी कने इब्रानी भाषा च कने लतीनी भाषा कने यूनानी भाषा च लिखियो थी। 21 तालू यहूदियां दे बड्डे याजक पिलातुसे बोलया, “यहूदियां दा राजा मत लिख पर ऐ की उनी बोलया, मैं यहूदियां दा राजा है।” 22 पिलातुसे जबाब दिता, “मैं जड़ा लिखी दितया है, सै नी बदलया जाणा है।”

23 जालू सिपाई यीशुऐ जो सूली पर चड़ाई बैठे, तां उदे कपड़े लेईकरी उना चार हिस्सां च किते, चारो सिपाईयां ताई इक-इक हिसा कने कुरता भी लेई लिया, पर कुरते जो सितया नी था पर सै उपरे लेईकरी थले दीकर इक ही कपड़े ने बुणया था। 24 इस ताई उना अपु चे बोलया, “असां ऐ नी फाड़ना, पर इदे पर पर्चियां पांदे न की ऐ कुसदा होणा।” ऐ इस ताई होया, ताकि पबित्र शास्त्रे च लिखया गया सच्च हो, “उना मेरे कपड़े अपु चे बंडी ले कने मेरे कपड़यां पर पर्चियां पाईयां, कने सिपाईयां इयां ही किता।”[†]

25 पर यीशुऐ दे सूली बाल उदी माता कने उदिया माता दी बेहण, क्लोपास दी घरे बाली मरियम कने मगदल ग्रां दी मरियम खड़ोतियो थी। 26 यीशुऐ अपणिया माता जो कने उस चले जो जिसने सै प्यार रखदा था उसयो बखे खड़ोतया दिखीकरी अपनी माता ने बोलया, “हे नारी, दिख, ऐ तेरा पुत्र है।” 27 तालू उनी चले बोलया, “ऐ तेरी माता है।” कने उसी बेले सै चेला, उसा जो अपने घरे लेई गया।

[\[27:45-56\]](#); [\[15:33-41\]](#); [\[23:44-49\]](#)

28 इदे बाद यीशुऐ ऐ जाणी करी की मेरा सारा कम्म खत्म होई गया है; इस ताई की पबित्र शास्त्रां दियां गल्लां सच्च साबित होन बोलया, “मैं तरिणा है।” 29 ओथु इक सिरके ने बरुया बांडा रखया था, तां उना चे कुनकी सिरके ने सेड़यो स्पंजे जो जुफे दे रुखे दे डंडे पर रखीकरी उदे मुऐ ने लाया।[‡] 30 जालू यीशुऐ सै सिरका चखया, तां बोलया, “पूरा होया,” कने सर झुकाई करी अपने प्राण छडी दिते। §

[\[27:45-56\]](#); [\[15:33-41\]](#); [\[23:44-49\]](#)

31 हुण ऐ तैयारिया दा दिन था, कने अगले दिन सब्त कने फसह दोनों ही थे। ऐ यहूदी लोकां ताई इक खास दिन था, सै नी चांदे थे इस दिने लाशा सूली उपर रेन।

* 19:7 19:7 (लेव्य. 24:16) † 19:24 19:24 (भज. 22:18) ‡ 19:29 19:29 (भज. 69:21) § 19:30 19:30 (लूका 23:46, मर. 15:37)

इस ताई उना पिलातुसे ने बोलया की उना माणुआं दियां जंगा तोड़ी दिया ताकि उना दी मौत झट होई जा ताकि लाशां जो थले उतारया जाई सके।* 32 तां सिपाईयां आई करी पेहले बाले दियां जंगा तोड़ियां फिरी दुजे दियां भी, जड़े यीशुए सोगी सूली पर चढ़ायो थे। 33 पर जालू यीशुए बाल आई करी दिखया की सै मरी गया है, तां उदियां जंगा नी तोड़ियां। 34 पर सिपाईयां चे इकी बरछे, ने उदा पंजर बेधया कने उदे च खून कने पांणी निकलया।

35 जिनी माणुए ऐ सब दिखया, उनी ऐ गबाई दिती है, ताकि तुसां भी यीशुए पर भरोसा करी सकन। कने उदी गबाई सच्ची है, कने सै जाणदा है, की सच्च बोला दा है। 36 ऐ गल्लां इस ताई होईयां की पबित्तर शास्त्रे च जड़ा लिखया है सै सच्च होई जा, “उदी कोई हड्डी नी तोड़ी जाणी।”† 37 फिरी इक होर जगा पबित्तर शास्त्रे च लिखया है, “जिसयो उना बेधया है, उदे पर नजर करणी।”

22:22 22 22:22 22:22
(22:22 27:57-61; 22:22 15:42-47; 22:22 23:50-56)

38 इना गल्लां दे बाद अरिमतिया शेहरे दे यूसुफे, जड़ा यीशुए दा चेला था, (पर यहूदी अगुवां दे डरे ने इसा गल्ला जो लुकाई रखदा था), उनी पिलातुसे ने बिनती किती, की मैं यीशुए दिया लाशा जो लेई जां, कने पिलातुसे उदी बिनती सुणी, कने सै आई करी उदी लाशा जो लेई गया। 39 नीकुदेमुस भी जड़ा पेहले यीशुए बाल राती गया था कने लगबग तेती किलो गन्धरस कने एलवा लेई आया। 40 तालू इना दोनो यीशुए दी लाश लेई कने यहूदियां दे रिबाजे ने उस पर सै मुस्का बालियां चिंजा लगाई करी कपड़े दियां पट्टियां च लपेटया।

41 उसा जगा पर जिथू यीशु सूली पर चढ़ाया था, ओथु इक बारी थी; कने उसा सो बारिया च इक नोई कबर थी, उसा च पेहले कदी कोई नी दफनाया था। 42 इस ताई उना यीशुए जो उसा कबरा दिया गुफा च रखी दिता क्योंकि सै बखे ही थी कने सै यहूदियां दे सब्त दी तैयारिया दा दिन भी था।

20

22:22 22:22
(22:22 28:1-10; 22:22 16:1-8; 22:22 24:1-12)

1 तुआरे ब्यागा तड़के मरियम जड़ी मगदल ग्रां दी थी, सै कने उसा सोगी होर भी जनानियां कबरा पर आईयां, उना कबरा दे दरबाजे ला पथरे जो हटया

दिखया। 2 तालू सै दोड़ी कने शमौन पतरसे कने उसी दुऐ चले बाल जिसने प्रभु प्यार रखदा था, आई करी बोलया, “सै प्रभु यीशुए दी लाशा जो कबरा ला कडी लेई गे; कने मैं नी जाणदी की उसयो कुथु रखया है।”

3 तालू पतरस कने सै दुज्जा चेला कबरा पासे चली पे। 4 कने दोनो सोगी-सोगी दोड़यो थे, पर दुआ चेला पतरसे ला तेज दौड़ी करी पेहले कबरा पर पुज्जी गया। 5 कने निटा होईकरी अंदर दिखया की ओथु कपड़े दियां पट्टियां दा डेर लगया था: पर सै अंदर नी गया। 6 तालू उदे पिच्छे-पिच्छे, शमौन पतरस भी पुज्जी गया कने कबरा दे अंदर गया कने कपड़े पियो दिक्खे। 7 कने सै अंगोछा जड़ा सिरे पर लपेटया था, सै कपड़े सोगी नी पिया था पर सै इक लग जगा च मिल्ला। 8 तालू दुआ चेला भी जड़ा कबरा च पेहले पुजया था, अंदरे जो गया कने दिखीकरी भरोसा किता कि यीशु मरयां चे जिन्दा होई गया था। 9 पबित्तर शास्त्रां च यीशु दे बारे च ऐ लिखया था की उनी मरणे बाद जिन्दा होणा है, पर सै हले दीकर नी समझी पायो थे।* 10 तालू सै चले अपणे घरे जो वापस चली गे।

22:22 22:22 22:22 22:22
(22:22 28:9,10; 22:22 16:9-11)

11 पर मरियम रोंदी होई कबरा दे बाहर ही खड़ोई रेई कने रोंदे-रोंदे कबरा पास्से निटे होईकरी, 12 दो स्वर्गदूतां जो चमकदे कपड़े पाई करी इकी जो सोंदिया कने दुज्जे जो पोंदियां बैठया दिखया, जिथू यीशुए दी लाश रखियो थी। 13 स्वर्गदूतां मरियम ला पुछ्या, ओ जनानिये, तू कजो रोआ दी है? उनी उना जो बोलया, “सै मेरे प्रभु दिया लाशा जो चुकी लेई गे कने मिंजो नी पता की उसयो कुथु रखया है।” 14 ऐ बोलणे दे बाद सै पिच्छे मुड़ी कने यीशुए जो खड़ोतया दिखया कने पछेणया नी की सै यीशु है। 15 यीशुए उसा ने बोलया, जनानिये तू कजो रोंदी है? कुसयो तोपा दी है? उना माली समझीकरी उसयो बोलया, “श्रीमान जी, अगर तू उदे शरीरे जो चुकया है तां मिंजो दसी दे की कुथु रखया है कने मैं उसयो लेई जांगी।” 16 यीशुए उसा जो बोलया, मरियम। उना उस पासे मुड़ी करी उसला इब्रानी भाषा च बोलया, गुरु जी। 17 यीशुए उसा जो बोलया, “मेरे पैरां च पेईकरी मिंजो मत रोक क्योंकि मैं हले दीकर उपर पिता परमेश्वर बाल नी गया है, कने मेरे चलयां बाल जाई करी उना जो बोली दे, की मैं अपणे पिता, कने तुहाड़े पिता, कने अपणे परमेश्वर, कने तुहाड़े परमेश्वरे बाल उपर चलया है।” 18 मरियम जड़ी मगदल ग्रां दी थी उना जाई करी

* 19:31 19:31 (मर. 15: 42, व्य. 21:22,23) † 19:36 19:36 (निर्ग. 12:46, गिन. 9:12, भज. 34:20) * 20:9 20:9 (भज. 16:10)

कने अन्दरयास कने फिलिप्पुस कने थोमा कने बरतुल्मै कने मत्ती कने हलफर्डिऐ दा पुत्र याकूब, शमौन जड़ा क्रान्तिकारी था कने याकूब दा पुत्र यहूदा थे।¹⁴ ऐ सारे हमेशा गिठे होंदे थे कने सारे इक मन होईकरी लगातार प्राथना करदे थे। उना चे यीशु दे भाई कने यीशुऐ माता मरियम कने कुछ जनानियां भी थियां जिना यीशुऐ दी सहायता कितियो थी।

¹⁵ कने उना रोजां च इक रोज, जालू लगभग इक सौ बी मसीह भाई बेहण गिठे थे, तां पतरस उना दे बिच खडोई करी बोलणा लगगा।¹⁶ हे मसीह भाईयो बेहणो, पबित्र आत्मा बड़े पेहले राजा दाऊदे दे जरिये यहूदा दे बारे च दसया था, जिनी यीशुऐ जो गिरफ्तार करणे बालयां दी अगुवाई किती। ऐ जरूरी था की यहूदा दे बारे च पबित्र शास्त्रे च लिखया लेख पूरा हो।[†] ¹⁷ बेशक यहूदा सांझो चे इक था, कने इसा सेवकाईया च भी हिस्सेदार बणया।

¹⁸ जियां की तुसां जाणदे न की उस पेसे ला जड़े यहूदा यीशुऐ जो चलाकिया ला पकड़ाणे तांई लियो थे, उनी उस पेसे ला इक खेतर लिया। जालू यहूदा फा लेई लिया तां सै थल्ले सिरे भार पेई गिया कने उदा पेट फटी गिया, कने उदियां सारियां आंतड़ियां बाहर आई गियां।¹⁹ कने इसा गल्ला दे बारे च यरूशलेम शेहरे दे सारे लोकां जो पता लगी गिया, इस तांई सै लोक उस जगा जो अपणी भाषा च हलकदमा मतलब की खूने दा खेतर बोलणा लगी पे।

²⁰ क्योंकि राजा दाऊदे भजन संहिता दिया कताबा च लिखया है, “उदा घर उजड़ी जा कने उस घरे च कोई नी बसे,” कने राजा दाऊदे दुज्जी जगा च ऐ भी लिखया है की, “उदी जगा कोई होर लेई ले।”[‡]

²¹⁻²² इस तांई ऐ जरूरी है की प्रभु यीशु जो मरयां चे जिन्दे होणे दा, साड़े सोगी गबाह बणने तांई इक माणुऐ जो चुणयां जा। सै माणु ऐसा होणा चाईदा जड़ा प्रभु यीशु दे सारे कम्मा दे बकते च मतलब की प्रभु यीशु जो यूहन्ना ला बपतिस्मा लेणे ला लेईकरी उसयो स्वर्गें च जाणे दीकर साड़े सोगी था।

²³ तालू उना दों जणयां जो खरेडया इक यूसुफे जो, जिसयो बरसब्बास बोलदे न, जिदा दुआ ना युसतुस है, कने दुआ मत्तियाह जो।²⁴ कने ऐ बोली करी प्राथना किती, “प्रभु जी, तू तां सारयां दे मना जो जाणदा है, ऐ प्रगट कर की इना दों जणयां चे तू कुण चूणया है,²⁵ की सै इस सेवा दे कम्मे जो कने उस प्रेरित दी सै

खाली जगा ले, जिसा जगा जो यहूदा छडी करी चली गिया जिथू उसयो जाणा चाईदा।”²⁶ तालू उना दोनो दे बारे च चिठियां पाईयां, कने चिट्ठी मत्तियाह दे नाऐ दी निकली, कने सै उना गयारां प्रेरितां दे सोगी गिणया गिया।

2

???????? ???? ? ? ?

¹ जालू यहूदियां दे पिन्तेकुस्ते त्योहारे दा दिन आया, तां सारे भरोसा करणे बाले इकी जगा पर गिठे थे।*
² तालू अचानक अम्बरे ला इक अबाज सुणोई, सै अबाज तेज होआ सांई थी, कने उसा ने सारा घर जिथू सै बैठयो थे गूंजी पिया।³ तालू उना दे सामणे अग्गी सांई चीजां दा झुण्ड प्रगट होया जड़ा जीभा दे अकारे दा लगा दा था, जड़ा लग होईकरी उना चे हर इक माणुऐ पर रुकदी गोई।⁴ कने सै सारे पबित्र आत्मा ला भरुई गो, कने जियां ही पबित्र आत्मा उना जो बोलणे दी शक्ति दिती, सै होर-होर भाषा च बोलणा लगगे।

⁵ उस बकत परमेश्वरे दा डर मनणे बाले केई यहूदी थे, जड़े की संसारे दे हर इक देशे ला त्योहारे मनाणे तांई आयो थे कने यरूशलेम शेहरे च रेंदे थे।⁶ जालू उस तेज होआ दी अबाज होई थी तां भीड़ लगी गोई कने लोक हेरान होईगे, क्योंकि हर इक अपणी-अपणी भाषा च चेलयां जो बोलदे सुणा दे था।⁷ कने सै सारे हेरान होईकरी बोलणा लगगे, “दिखा, ऐ जड़े लोक इस तरिके ला बोला दे न ऐ गलील प्रदेशे दे बासी न।”

⁸ तां ऐ क्या होआ दा है, जड़ा सांझो चे हर इक जणा इना जो अपणी-अपणी बोली च गल्लां करदे होये सुणा दे है!⁹ असां चे कुछ लोक पारथी इलाके ला न; कने कुछ मेदी कने कुछ लोक एलामी कने मेसोपोटामिया कने यहूदिया प्रदेशे कने कप्पदूकिया कने पुन्तुस कने आसिया प्रदेश, ¹⁰ कने फ्रूगिया कने पंफूलिया कने मिस्र देश कने लीबिया देशे कुछ इलाकयां दे न। जड़े कुरेने शेहर दे बखे न, कने इना सारे देशां दे रेणेबाले कने रोम शेहर ला ओणे बाले लोक,¹¹ मतलब की क्या यहूदी, कने क्या ही होर जातियां दे लोक जिना यहूदी धर्म अपनाई लिया था, कुरेती टापू दे लोक कने अरबी देश दे लोक भी न, पर अपणिया-अपणिया बोलिया च उना ला परमेश्वरे दे चमत्कारी कम्मा दी चर्चा सुणदे न।

† 1:16 1:16 (भज. 41:9) ‡ 1:20 1:20 (भज. 69:25, भज. 109:8) * 2:1 2:1 (लैव्य. 23:15-21, व्य. 16:9-11) पूराणे नियमे च पिन्तेकुस्त दे त्योहारे जो हफत्यां दा त्योहार (निर्गमन 34:22) कने कटणी दा त्योहार दे नाऐ ला जाणया जांदा था। (निर्गमन 23:16) पिन्तेकुस्त यहूदी त्योहार है जिदा मतलब है पचासमा, ऐ फसह दे त्योहार दे पजां दिन बाद आंदा है (यीशु मसीह दी मौत फसह दे बकत होई थी)।

12 कने सै सारे हेरान होए, कने उना जो समझ नी ओआ दा था की क्या होआ दा है। 13 पर केईयां मजाक करदे होए बोलया, “सै तां नोईया शराबा दे नशे च न।”

§§§§§

14 पतरस उना गयारां प्रेरितां सोगी खड़ोता, कने जोरे ला बोलणा लगगा, “तुसां लोक जड़े साड़े सांई यहूदी न कने यरूशलेम शेहरे दे बासियों, मेरियां गल्लां ध्याने ला सुणा मैं तुहांजो दसदा है की इसा घटना दा क्या मतलब है। 15 तुहांजो लगदा है की असां नशे च न, पर असां नशे नी न क्योंकि हले तां ब्यागा दे नौ बजे न। 16 पर ऐ चमत्कार जड़ा साड़े सोगी होया है, ऐ उसा गल्ला जो पूरा करदा है, जड़ी योएल परमेश्वरे दा संदेश देणेबाले दे जरिये पबित्र शास्त्र च परमेश्वरे बोलियो है: 17 परमेश्वर बोलदा है की, “आखरी दिना च ऐसा होणा है, की मैं अपणी आत्मा सारे माणुए जो देणी है कने तुहाड़े पुत्रां कने कुड़ियां भविष्यवाणियां करणियां, कने तुहाड़े जवाना दर्शण दिखणे कने तुहाड़े बुड्डे मर्दा सुपने दिखणे।” 18 उना दिना च मैं अपणे नोकरां कने नोकराणियां जो अपणी आत्मा देणी, कने उना भविष्यवाणी करणी। 19 कने मैं उपर अम्बरे च अनोखे कम्म, कने थले धरतिया पर चमत्कार, मतलब की खून कने अगग कने धूँए दे बदल दसणे। 20 प्रभु दा दिन ओणे ला पेहले सूरजे नेहरा होई जाणा कने चांदे खूने सांई होई जाणा। सै दिन महान कने तेजस्वी दिन होणा। 21 कने जड़ा कोई प्रभुए दा ना लेंगा, उदा उद्धार होणा।”†

22 हे इस्राएल दे लोको इना गल्लां जो सुणा: परमेश्वरे नासरत दे यीशु मसीह दे जरिये चमत्कार कने अनोखे कम्म किते कने तुसां अपु जाणदे न की ऐ सच्च है। इयां करिरी परमेश्वरे तुसां जो दसया की यीशु परमेश्वरे दा भेजया माणु है। 23 उसयो ही, जालू सै परमेश्वरे दी बणाईयो योजना कने पेहले ला ही ज्ञाने दे अनुसार पकड़ाया गया, तां तुसां उसयो बुरे लोकां दे हथां ला किल्लां ठोकी करी सूली पर चढ़ाई करी मारी दिता। 24 फिरी भी परमेश्वरे उसयो मरणे दे बाद फिरी ला जिन्दा करी दिता। यीशु मरी गया था पर परमेश्वरे उसयो मुर्दा रेणे ला बचाई लिया क्योंकि उदे तांई मरया रेणा संभव नी था।‡

25 क्योंकि राजा दाऊद यीशुए दे बारे च बोलदा है, “मैं प्रभु जो हमेशा अपणे सामणे दिखदा रिया क्योंकि सै मेरे सजे पास्से है, ताकि मैं उना लोकां ला नी डरें जड़े मिंजो नुक्सान पूजाणा चांदे न। 26 मेरा मन बड़ा खुश

होया, कने मैं खुशिया ला बोलदा है; कने मेरे शरीरे जो भी आस लगगी रेंगी। 27 क्योंकि तू मिंजो मुर्दा नी रेणा देणा। कने ना ही अपणे पबित्र जण दिया लाशा जो सड़ना देणा। 28 तू मिंजो जिन्दगिया दा रस्ता दसया है; तू मिंजो अपणिया मोजुदगी च खुशिया ला भरी देणा।” §

29 “हे मसीह भाईयो, मैं उस कुलपति राजा दाऊदे दे बारे च पुरिया हिम्मता ला बोली सकदा है की सै मरी गया है कने दबया भी है कने उदी कबर अजे दीकर भी साड़े बिच है।* 30 सै परमेश्वरे दा संदेश देणेबाला भी था, कने सै जाणदा था की परमेश्वरे मिंजो ने कसम खाई करी बायदा कितया है, ‘मैं तेरे बंशे चे इकी माणुए जो तेरे सिंहासने पर बटांगा।’”† 31 ऐ जाणी करी की भविष्य च परमेश्वर क्या करणा जा दा था, राजा दाऊदे यीशु मसीहे जो मरणे बाद जिन्दा होणे दी गल्ल किती है। उनी बोलया ना तां उनी उसयो मुर्दा रेणा दिता, कने ना ही अपणे पबित्र जण दिया लाशा जो सड़ना दिता। ‡

32 इसी यीशुए जो परमेश्वरे जिन्दा किता, जिदे असां सारे गबाह न। 33 हुण सै स्वर्गे च परमेश्वरे दे सजे हथे सबना ला बड्डे इज्जता दे पदे पर बैठया है। कने पिता परमेश्वरे जदिया उसला बायदा कितया था, उनी अपणा पबित्र आत्मा यीशुए जो दिता कने यीशुए उदारता ला सै पबित्र आत्मा सांझो दिता है, जियां की तुसां अज दिखदे कने सुणदे न।

34 क्योंकि राजा दाऊद यीशु मसीह सांई शरीरे च स्वर्गे पर नी चढ़या; पर सै अपु ही बोलदा है, परभु परमेश्वरे मेरे प्रभु ला बोलया; मेरे सजे पास्से बैठ, 35 जालू दीकर मैं तेरे दुशमणा जो तेरे पैरां थले दिया चौकिया सांई नी बणाई दें।§

36 इस तांई इस्राएले दे सारे लोक इसा गल्ला दे बारे च पका ही जाणी लेन: की परमेश्वरे इसी यीशुए जो जिसयो तुसां सूली पर चढ़ाया, उसयो प्रभु भी कने मसीह भी बणाया।

37 जालू लोकां ऐ सुणया तां उना अपणे आपे जो दोषी महसूस किता, कने सै पतरस कने बाकी प्रेरितां ला पूछणा लगगे, “हे मसीह भाईयो, असां क्या करन?” 38 पतरसे उना जो बोलया, “मन बदला, कने तुसां सारे अपणे-अपणे पापां दी माफी तांई यीशु मसीह दे नाए ला बपतिस्मा लिया; तां तुसां जो पबित्र आत्मा दा दान मिलणा। 39 क्योंकि ऐ प्रतिज्ञा तुसां, कने तुहाड़िया

† 2:21 2:21 (योए. 2:28-32) ‡ 2:24 2:24 (2 शम्. 22:6, भज. 18:4, भज. 116:3) § 2:28 2:28 (भज. 16:8-11) * 2:29 2:29 (1 राजा. 2:10) † 2:30 2:30 (2 शम्. 7:12,13, भज. 132:11) ‡ 2:31 2:31 (भज. 16:10) § 2:35 2:35 (भज. 110:1) * 2:39 2:39 (योए. 2:32)

ओलादा कने उना सारे दुरे-दुरे दे लोकां ताई भी है जिना जो साड़े प्रभु परमेश्वरे अपणे बाल सदया।” *

40 पतरसे होर भी मतियां गल्लां दी गबाई देईकरी उना जो समझाया कने बिनती किती की अपणे इस्राएली साथियां सांई मत बणा जड़े परमेश्वरे पर भरोसा नी करदे कने परमेश्वरे ला बिनती करा की सै तुहांजो बचाए।†

41 कने जड़ा कुछ पतरसे बोलया, उस पर जिना भरोसा किता कने उना बपतिस्मा लिया; कने उसी दिने लगभग तिन जार माणु उना ने शामिल होई गे।

42 कने सै प्रेरितां ला शिक्षा लेंणे च, उना सोगी संगती रखणे च, प्रभु भोज कने प्राथना करणे च लीन रेंणा लग्गे।

???????????????? ? ? ? ? ? ? ? ?

43 कने प्रेरित जड़े अनोखे कम्म कने अनोखे चमत्कार करदे थे, इना ला यरूशलेम शहर दे लोक डरे कने हेरान होए। 44 कने सै सारे भरोसा करणे बाले गिठे रेंदे थे, कने जड़ा कुछ भी उना बाल होंदा था सै सब कुछ सांझा करदे थे। 45 कने सै अपणिया-अपणिया जगा जमिना कने समाने जो बेची करी जदेई जिसयो जरूरत होंदी थी उसयो बंडी दिन्दे थे।

46 कने सै हर रोज इक मन होईकरी मंदरे च गिठे होंदे थे, कने रोटी खाणे ताई कने प्रभु भोज ताई इक दुज्जे दे घरे साफ मने ला खुशिया ला गिठे होंदे थे। 47 कने परमेश्वरे दी स्तुति करदे थे, कने सारे लोक उना ला खुश थे; कने जिना दा उद्धार होंदा था, उना जो प्रभु हर रोज उना च मिलाई दिन्दा था।

3

???????????????????? ? ? ? ? ? ? ? ?

1 इक दिन पतरस कने यूहन्ना दोपहर दे तिन बजे प्राथना दे बेले मंदरे जो चलयो थे। 2 कने लोक इकी जन्म ला ही लंगड़े जो लोआ दे थे, जिसयो सै रोज ही मंदरे दे उस दरबाजे बाल बैठाई दिन्दे थे जिसयो सुंदर दरबाजा बोलदे न, ताकि सै मंदर जाणे बालयां ला भीख मंगी सके। 3 जालू उनी पतरस कने यूहन्ना जो मंदरे च जांदे दिखया, तां उनी उना ला भीख मंगी।

4 पतरसे कने यूहन्ने उदे पास्से ध्याने ला दिखीकरी बोलया, “साड़े पास्से दिख।” 5 सै उना ला कुछ मिलणे दी आसा च उना पास्से दिखणा लग्गा। 6 तालू पतरसे बोलया, “चांदी कने सोना तां साड़े बाल है नी, पर जड़ा मेरे बाल है सै तिजो दिन्दा है; नासरत दे यीशु मसीह दे नाए ला उठ कने चल फिर।”

† 2:40 2:40 (व्य. 32:5, भज. 78:8)

7 कने पतरसे उदा सजा हथ पकड़ी करी उसयो उठया; कने झट उदे पैरा कने गोडयां च जोर आई गया। 8 कने सै उछली करी खड़ोई गया, कने चलणा फिरणा लगी पिया; कने चलदा, कने छलांगा मारदे परमेश्वरे दी स्तुति करदा होया उना सोगी मंदरे दे अंगणे च गया।

9 सारे लोकां उसयो चलदे फिरदे कने परमेश्वरे दी स्तुति करदे दिखीकरी, 10 उसयो पछेणी लिया की सै ही लंगड़ा भिखारी है, जड़ा मंदरे दे सुंदर दरबाजे पर बेईकरी भीख मंगदा था; कने इसा घटना ला जड़ी उदे सोगी होईयो थी, बड़े हेरान होए।

???????? ? ? ? ? ? ? ? ?

11 सै उस ओसारे च थे जिसयो सुलैमान दा ओसारा बोलदे न, कने सै लंगड़ा भिखारी जड़ा ठीक होई गया था सै पतरस कने यूहन्ने दा साथ नी छडा दा था। सै सारे लोक उना पासे दौड़े कने उसयो दिखीकरी बड़े हेरान होए। 12 ए दिखीकरी पतरसे लोकां जो बोलया, हे इस्राएलियां, तुसां इस माणुए पर कजो हेरान होआ दे, कने साड़े पास्से कजो घुरा दे न, जियां मन्ना की असां ही अपणिया भक्तिया कने शक्तिया ने इसयो चलणे फिरणे जोगा बणाई दितया है।

13 साड़ा परमेश्वर कने जड़ा अब्राहम, इसहाक, याकूब, कने साड़े पूर्वजां दा भी परमेश्वर है उनी अपणे सेवक यीशुए दी महिमा किती, पर तुसां यीशुए जो मरवाणे ताई रोमी अधिकारियां बाल पकड़ाई दिता, कने जालू पिलातुसे उसयो छडणे दा बिचार किता, तालू तुसां उदे सामणे यीशुए जो नकारी दिता। 14 तुसां यीशु मसीह जो नी अपनाया, जड़ा पबित्तर कने धर्मी था। कने तुसां पिलातुसे ला चांदे थे की इक हत्यारे जो तुहाड़े ताई छडी दिया।

15 कने तुसां उसयो जड़ा हमेशा दी जिन्दगी दिन्दा है मारी दिता, पर परमेश्वरे उसयो फिरी ला जिन्दा किता, कने इसा गल्ला दे असां गबाह न।

16 यीशुए दे नाए पर भरोसा करणे दे जरिये ही इस माणुए जो ताकत मिल्ली है, जिसयो तुसां जाणदे न कने हुण तुहाड़े सामणे है। ए यीशु दा ना है कने जड़ा भरोसा उदे जरिये ओंदा है जिनी उसयो बिलकुल ठीक-ठाक करी दितया है, जियां की तुसां अपु भी दिखी सकदे न।

17 कने हे भाईयो, मैं जाणदा है की जालू तुसां कने तुहाड़े अगुवां यीशु मसीह जो मारी दिता तालू तुसां उदे बारे च अनजाण थे की सै कुण था। 18 पर जिना गल्लां जो सारे परमेश्वरे अपणे संदेश देणेबाले दे जरिये पेहले ही दसया था, की उदे मसीह जो दुख होणा कने सै मारी

18 तालू उना पतरस कने यूहन्ना जो सदया कने चेताबनी देईकरी बोलया, “यीशुए दे नाए ला कुछ नी बोलणा कने ना सिखाणा।”

19 पर पतरस कने यूहन्ने उना जो जबाब दिता, “तुसां ही न्याय करा, की क्या ऐ परमेश्वरे दिया नजरा च ठीक है, की असां परमेश्वरे दिया गल्लां ला बड़ी करी तुहाड़ियां गल्लां मनन? 20 क्योंकि ऐ तां सांझो ला होई नी सकदा, की जड़ा असां दिखया कने सुणाया है, सै ना बोलन।”

21 तालू उना पतरस कने यूहन्ना जो दुबारा धमकाया कने छुडी दिता। ऐ प्रेरित लोकां बिच मशहूर थे इसा बजा ला उना जो इना प्रेरितां जो सजा देंगे दा कोई तरिका नी मिला, इस तांई की जड़ी घटना होईयो थी उदिया बजा ला सारे लोक परमेश्वरे दी बड़ाई करदे थे। 22 सै माणु, जड़ा अदभुत चमत्कारे ला ठीक होया था, उदी उम्र चाली सालां ला जादा थी।

???????????????? ? ? ? ? ? ? ? ? ? ?

23 पतरस कने यूहन्ना छुटी करी अपणे साधियां बाल आये, कने जड़ा कुछ बड्डे याजकां कने यहूदी अगुवां उना ने बोलया था, उना जो सुणाई दिता। 24 ऐ सुणीकरी, उना इक मन होईकरी उच्चिया अबाज ला परमेश्वरे ला प्राथना किती, “हे प्रभु, तू ही है जिनी स्वर्ग कने धरती कने समुंदरे कने जड़ा कुछ उना च है बनाया है।”† 25 तू पबित्र आत्मा ला अपणे सेवक कने साडे पूर्वज राजा दाऊदे दे मुए ला बोलया, “होरनी जातियां कजो गुस्सा किता? कने देशां-देशां दे लोकां कजो बेकार गल्लां सोचियां? 26 कने राजा दाऊदे ऐ भी बोलया था की, धरतिया दे राजयां अपणे आपयो तैयार करणा, कने हाकिमा, प्रभु कने उदे मसीह दे बिरोध च गिटे होणा।” ‡

27 कने ऐ गल्ल यरूशलेम शेहरे च सच्च होई की तेरे पबित्र सेवक यीशुए दे खिलाफ, जिदा तू अभिषेक किता, राजा हेरोदेसे कने पुन्तियुस पिलातुस राज्यपाल भी होर जातियां कने इस्राएलियां सोगी इसी शेहरे च गिटे होए, § 28 उना सेई कितया जड़ा तेरिया शक्तिया कने इच्छा पेहले ही तय करी लिया था की होणा चाईदा।

29 प्रभु जी हुण, उना दियां धमकियां जो सुण कने अपणे दासां जो ऐ बरदान दे की तेरा बचन बड़िया हिमतां ने सुणान। 30 कने ठीक करणे तांई अपणा हथ गां कर ताकि चमत्कार कने अनोखे कम्म तेरे पबित्र सेबक यीशु दे नाए ला होन।

31 जालू सै प्राथना करी बैठे, तां सै जगा जिथू सै गटुयो थे हिली पेई, कने सै सारे पबित्र आत्मा ला भरुई गे, कने परमेश्वरे दा बचन हिम्मता ने सुणादे गे।

???????????????? ? ? ? ? ? ? ? ? ? ?

32 भरोसा करणे बालयां दी मंडली इक चित कने इक मने दे थे, उना दा सब कुछ साझे दा था कने ऐथू दीकर की कोई भी अपणिया धन दौलता पर अपणा होणे दावा नी करदा था।

33 कने प्रेरित बड़िया शक्तिया ला प्रभु यीशुए दे मरी करी जिन्दा होणे दी गबाई दिन्दे रे कने उना सारयां पर परमेश्वरे दा बड़ा अनुग्रह था।

34 कने उना चे कोई भी गरीब नी था, क्योंकि जिना बाल जमीन या घर थे, सै उना जो बेची करी, बिकियां चिजां दे पैसे लोंदे थे कने उसयो प्रेरितां बाल जमा करवाई दिन्दे थे। 35 कने जदेई जिसयो भी जरूरत होंदी थी उसयो बंडी दिन्दे थे।

36 कने यूसुफ नाए दा इक माणु था, सै लेवी गोत्र दा था कने साइप्रस टापू ला था। जिदा ना प्रेरितां बरनबास रखया, जिदा मतलब ऐसा माणु जड़ा दुजयां जो प्रोत्साहित करदा है। 37 उदे बाल कुछ जमीन थी, जिसा जो उनी बेचया, कने सै पैसे लोकां जो बंडणे तांई प्रेरितां जो देई दिते।

5

???????????????? ? ? ? ? ? ? ? ? ? ?

1 हनन्याह नाए दे इकी माणुए, कने उदिया घरे बालिया सफीरा अपणिया जमिना दा छोट्टा दिया हिस्सा बेचया। 2 कने हनन्याये जो जड़े पैसे बेची करी मिल्ले उदे चे उनी कुछ अपणे तांई रखी लिया; कने ऐ गल्ल उदी घरे बाली भी जाणदी थी कने उना बाकी बचयो पैसे प्रेरितां जो देई दिते। 3 पर पतरसे बोलया, “हे हनन्याह! जड़ा शैताने तेरे मने च पबित्र आत्मा ला झूठ बोलणे दा बिचार पाया है कने तू अपणी बेचियो जमिना दे पैसे चे इक हिस्सा अपणे तांई रखी लिया है?” 4 क्या बेचणे ला पेहले सै जमीन तेरी नी थी? कने जालू जमीन बिकी गई तां उसा दी कीमत क्या तेरे बशे च नी थी? तिजो इस बुरे कम्मे दे बारे च कदी नी सोचना चाईदा था! तू सांझो ला नी, पर परमेश्वरे ला झूठ बोलया। 5 ऐ गल्लां सुणदे ही हनन्याह जमिना पर पेई गया, कने सै मरी गया; कने जिना भी इस बारे च सुणया सै सारे डरी गे। 6 फिरी जवान माणु आए कने उसयो कफन च लपेटया करी कने बाहर लेईजाई करी दबी दिता।

† 4:24 4:24 (निर्गं. 20:11, भज. 146:6) ‡ 4:26 4:26 (भज. 2:1,2) § 4:27 4:27 (यशा. 61:1)

7 लगबग तिन घंटे बाद उदी घरे बाली अंदर आई, ओथु जड़ा कुछ होया था उसा जो नी पता था। 8 तालू पतरसे उसा जो बोलया, “क्या तुसां दोना सै जमीन इतणे च ही बेचियो थी?” उना बोलया, “हाँ, इतणे च ही।”

9 पतरसे उसा जो बोलया, “ऐ क्या गल्ल है, की तुसां दोना प्रभुऐ दिया आत्मा जो परखने ताई इक सलाह कितयो है? दिख, जिना जवान माणुआं तेरे घरे बाले जो दबया है सै दरबाजे बार खड़ोतयो न, कने इना तिजो भी बाहर लेई जाणा।”* 10 तालू सै झट जमिना पर पेई गई, कने मरी गई, कने उना जवान माणुआं अंदर आई करी दिखया तां सै मरी गियो थी, कने उना उसा जो बाहर लेईजाई करी उसा दे घरे बाले दे बखे दबाई दिता। 11 कने कलीसिया दे सारे लोक कने जितणयां इना गल्लां जो सुणया सै बड़े डरी गे।

???????? ???? ??????? ??????

12 प्रेरित मते चिन्न कने अदभुत कम्म लोकां दे बिच करदे थे, कने जड़े मसीह च भरोसा करणे बाले थे। सै अक्सर सारे इक चित होईकरी सुलैमाने दे ओसारे च गिठे होंदे थे।

13 पर जिना हल्ले दीकर यीशुऐ पर भरोसा नी कितया था उना चे कुसयो भी ऐ हिम्मत नी होंदी थी की, उना सोगी जाई मिलन; फिर भी लोक उना दी बड़ी इज्जत करदे थे। 14 कने प्रभु पर भरोसा करणे बाले मर्दा कने जनानियां दी गिणती बददी ही गई।

15 जड़ा कुछ प्रेरित करा दे थे उसा बजा ला लोक बिमारां जो सड़का पर आंणी करी, मंझे कने पन्दी पर सुआई दिन्दे थे, ताकि जालू पतरस उस रस्ते ला जांगा, तां उदा प्रच्छोंआ उना चे कुसकी पर पेई जा। 16 कने यरूशलेम शेहरे दे अखे बखे दे नगरां दे लोक भी गिठे होंदे थे। कने सै बिमारां कने बुरियां आत्मा ला सताऐ लोकां जो लोंदे थे, कने सै सारे ठीक होई जांदे थे।

???????????????? ???? ?????????????????

17 तालू महायाजक कने सारे यहूदी अगुवां दी टोली जिना जो सद्की बोलदे न दे, सै प्रेरितां ला जलन करणा लगगे। 18 तां अगुवां मंदरे दे रखबालयां जो हुकम दिता की प्रेरितां जो पकड़ी करी जेला च बंद करी दिया।

19 पर राती दे बकत प्रभु दे इकी स्वर्गदूते जेला दे दरबाजे खोली करी उना जो बाहर कडया कने प्रेरितां जो बोलया, 20 “जा कने मंदरे च खड़े होईकरी, लोकां जो इस हमेशा दिया नोईया जिन्दगिया दा पूरा संदेश सुणा।”

* 5:9 5:9 प्रभु दिया आत्मा जो परखणे दा मतलव है की हनन्याह कने सफीरा प्रभु दिया आत्मा जो धोखा देईकरी परखा दे थे की सै सजा ला बची सकदे न की † 5:30 5:30 (व्य. 21:22,23) ‡ 5:31 5:31 (लूका 24:47)

21 कने प्रेरित बड़ी ब्यागा ही मंदरे च गे जियां उना जो स्वर्गदूते दसया था जाई करी सिखाणा शुरू किता।

जालू महायाजक कने उदे साथी आए कने उना महासभा जो कने इस्राएलियां दे सारे यहूदी अगुवां जो गिठा किता, कने जेला च बोली भेजया की प्रेरितां जो लोआ। 22 पर मन्दरे दे रखबालयां ओथु पुजिकरी दिखया की सै जेला च नी न, कने उना बापस आई करी दसया, 23 “जेला ढंगे ला बंद थी, कने बाहर दरबाजे पर पेहेरेदार खरेडयो थे, पर जालू असां दरबाजा खोलया, तां अंदर कोई नी था।”

24 जालू मंदरे दे रखबालयां दे सरदारां कने बड़े याजकां ऐ खबर सुणी, तां हेरान होई गे कने उलझन च पेई गे की इदा क्या नतीजा होणा।

25 इतणे च कुनकी आई करी उना जो दसया, “दिखा, जिना जो तुसां जेला च बंद कितया था, सै माणु मंदरे च खड़ोई करी उपदेश देद न।”

26 जालू उना ऐ सुणया, तालू मंदरे दे रखबालयां दा सरदार कुछ रखबालयां जो सोगी लेईकरी मंदरे च गिया, कने प्रेरितां जो पकड़ी करी महासभा च लेई आया, पर उना सोगी कोई जोर जबरदस्ती नी किती, क्योंकि रखबाले लोकां ला डरा दे थे की लोक पथर मारी-मारी करी उना जो मारी ना देन।

27 जालू उना प्रेरितां जो महासभा दे सामणे खरेडया तालू महायाजके उना ला पुच्छया, 28 “क्या असां तुहांजो हुकम नी दितया था, की तुसां इस नाऐ ला शिक्षा मत दिन्दे? फिरी भी, तुसां सारे यरूशलेम शेहरे जो अपणिया शिक्षा ला भरी दिता है कने तुसां उस माणुऐ दी हत्या दा दोष जबरदस्ती सांझो पर लांणा चांदे न।”

29 तालू पतरसे कने, बाकियां प्रेरितां जबाब दिता, “माणुऐ दे हुकमे ला बदीकरी परमेश्वरे दे हुकमे जो मनणा ही साड़ा कम्म है। 30 साड़े पूर्वजां दे परमेश्वरे यीशुऐ जो मरयां चे जिन्दा करी दिता, जिसयो तुसां सूली पर लटकाई करी मारी दितया था।† 31 उसयो ही परमेश्वरे प्रभु कने उद्धार करणे बाला बणाया है, कने अपणे सजे हथे ने सारयां ला उच्चे सिंहासने पर बेठायया है, ताकि इस्राएले दे लोक अपणे बुरे सोच बिचार कने बुरे रस्तयां जो छड़ी करी परमेश्वरे बाल मुड़ी ओन कने उदे जरिये उना जो अपणे पापां दी माफी मिल्ले। ‡ 32 असां कने पबित्त्र आत्मा भी इना गल्लां दे गबाह न, जिसा जो परमेश्वरे उना जो दितया है, कने जड़े उदा हुकम मंदे न।”

“ऐ माणु इस पबित्तर मन्दिर कने मूसा दिया व्यवस्था दे खिलाफ बोलणा नी छुडदा है।^{† 14} क्योकि असां इसयो ऐ बोलदे सुणाया है, की नासरत बासी यीशुऐ इस मंदरे जो ढाई देणा है, कने रीती रिबाजां जो बदली देणा है जड़े मूसा सांझो दितयो न।”¹⁵ तालू सारयां लोकां जड़े महासभा च बैठयो थे, उदे पासे घुरी करी दिखया तां उदा मु स्वर्गदूते दे मुऐ सांई चमका दा था।

7

ॐॐॐॐॐॐॐॐ ॐॐ ॐॐॐॐ

1 तालू महायाजके स्तिफनुसे ला पूछया, “क्या ऐ इलजाम सच्च न?” 2 उनी बोलया, “हे भाईयो कने पितरो सुणा, साड़े पूर्वज अब्राहम जो हारान ग्रां च आई करी बसणे ला पेहले जालू सै मेसोपोटामिया प्रदेश च था; कने तेजोमय परमेश्वरे उसयो दर्शन दिते।

3 कने उसयो बोलया, ‘तू अपने देशे कने अपने रिश्तेदारां ला निकली करी उसी देशे जो चली जा, जिसयो मैं तिजो दसगा।’^{*}

4 तालू सै कसदियो दे देशे ला निकली करी हारान ग्रांऐ च जाई बसया; कने उदे पिता दिया मौता दे बाद परमेश्वरे उसयो ओथु ला आणी करी इस देशे च बसाया जिदे च हुण तुसां बसदे न,^{† 5} पर परमेश्वरे उसयो ऐथू विरासत च कुछ नी दिता, ऐथू दीकर की इक फुट जगा भी नी दिती, कने उस बेले उदी कोई ओलाद भी नी थी। फिर भी परमेश्वरे बायदा किता, की मैं ऐ देशे तेरे कने तेरे बाद तेरे बंशे दे हथे दिंगा।”[‡]

6 कने परमेश्वरे ऐ भी बोलया, तेरे बंशे दे लोक पराये देशे च परदेशी होणे, कने उना लोकां उना जो गुलाम बणाई लेणा, कने चारसो सालां दीकर उना सोगी बुरा बर्ताब करणा।^{§ 7} फिरी परमेश्वरे बोलया, “जिसा जातियां दे उना गुलाम होणा है, उना जो मैं सजा देणी, कने उना उस देशे ला निकली करी इसी इस्राएल च मेरी भक्ति करणी।”^{*} 8 कने परमेश्वरे अब्राहम सोगी इक बायदा किता कने उसने बोलया की सै अपने घरे दे सारे मर्दां दा खतना बायदे दे चिन्ह दे तौर पर करबाऐ; कने बादे च जालू इसहाक पैदा होया, तां अठमे रोजे उदा खतना किता, कने इसला बाद ऐ परमपरा चलदी रेई कने

इसहाक ला याकूब कने याकूब ला साड़े बारा पूर्वज पैदा होऐ।[†]

9 जलन दिया बजा ने यूसुफे दे भाईयां उसयो मिस्र देशे जाणे बालयां जो इक गुलाम दे रूपे च बेची दिता, पर परमेश्वर उदे सोगी था।^{‡ 10} कने परमेश्वरे यूसुफे जो उदे सारियां मुसीबतां ला छुड़ाई करी मिसरे दे राजा फिरौन दे अगगे अनुगारह कने अकल दिती, कने फिरौन राजे उसयो मिस्र देशे पर कने अपने सारे घरे दा अधिकारी बणाया।[§]

11 जालू यूसूफ मिस्र देशे दा गवर्नर था तालू सारे मिस्र कने कनान देशे च अकाल पिया; जिसने बड़ा भरी क्लेश होया, कने साड़े पूर्वजां जो खाणे जो नी मिलदा था।^{*} 12 पर याकूबे ऐ सुणाया, की मिस्र देशे च अनाज है, उना साड़े पूर्वजां जो अनाज लेणे तांई भेजया कने सै यूसुफे ने मिल्ले कने अनाज खरीदया पर उना यूसुफे जो नी पछेणया।^{† 13} कने दुई बरी जालू सै अनाज लेणा गे, तां यूसुफ अपने भाईयां जो दसया की मैं तुहाड़ा भाई यूसुफ है, कने यूसुफे दे परिवार दे बारे च फिरौन जो पता लगगी गया।[‡]

14 तालू यूसुफे अपने पिता याकूब कने अपने सारे रिश्तेदारां जो, जड़े पचतर माणु थे, उना जो मिस्र देशे च ओणे तांई बुलाबा भेजया।^{§ 15} तालू याकूब मिस्र देशे गया; कने ओथु कुछ बकते बाद सै कने साड़े बाप दादे मरी गे।^{*} 16 कने उदे बंशज याकूब कने उदे पुत्रां दियां लाशां जो साड़े देशे कनान च लेई गे, कने याकूब दिया लाशा जो उसा कबरा च दफनाया, जिसा जो अब्राहमे इक सही कीमता च खरीदया था, कने उना याकूब दे पुत्रां जो शकेम शहरे दिया उसा जमिना च दफनाया, जिसयो याकूबे हामौर दे पुत्रां ला खरीदया था।[†]

17 पर जालू उस बायदे जो पूरा होणे दा बकत नेडे आया जड़ा परमेश्वरे अब्राहम ने कितया था, तां मिस्र देशे च लोक बदी गे, कने मते सारे होई गे।^{‡ 18} तालू मिस्र देशे च दुआ राजा राज करणा लगगा जड़ा यूसुफे जो नी जाणदा था।^{§ 19} उनी साड़िया जातियां सोगी चलाकी करिरी साड़े पूर्वजां ला इसा हदा दीकर बुरा व्यवहार कितया की, उना दे माता पिता जो अपने बचयां

* 7:3 7:3 (उत्प. 12:1) † 7:4 7:4 (उत्प. 12:5) ‡ 7:5 7:5 (उत्प. 13:15, उत्प. 15:18, उत्प. 16:1, उत्प. 24:7, व्य. 2:5, व्य. 11:5)

§ 7:6 7:6 (उत्प. 15:13,14, निर्ग. 2:22) * 7:7 7:7 (उत्प. 15:14, निर्ग. 3:12) † 7:8 7:8 (उत्प. 17:10,11, उत्प. 21:4) ‡ 7:9

7:9 (उत्प. 37:11, उत्प. 37:28, उत्प. 39:2,3, उत्प. 45:4) § 7:10 7:10 (उत्प. 39:21, उत्प. 41:40, उत्प. 41:43, उत्प. 41:46, भज. 105:21) * 7:11 7:11 (उत्प. 41:54,55, उत्प. 42:5) † 7:12 7:12 (उत्प. 42:2) ‡ 7:13 7:13 (उत्प. 45:1, उत्प. 45:3, उत्प. 45:16)

§ 7:14 7:14 (उत्प. 45:9-11, उत्प. 45:18,19, निर्ग. 1:5, व्य. 10:22) * 7:15 7:15 (उत्प. 45:5,6, उत्प. 49:33, निर्ग. 1:6)

† 7:16 7:16 (उत्प. 23:16,17, हमौर दे बारे च उत्प. 33:19 मैं है, उत्प. 49:29,30, उत्प. 50:13, यहो. 24:32) ‡ 7:17 7:17 परमेश्वर अपने इस्राएली लोकां जो बचाई लेणा है, ऐ परमेश्वरे बायदा कितया था। § 7:18 7:18 (निर्ग. 1:7,8) * 7:19 7:19 (निर्ग. 1:9,10, निर्ग. 1:18, निर्ग. 1:22)

जो फेंकणा पेई गया ताकि सै मरी जान।* 20 कने उस बेले मूसा पैदा होया, कने सै परमेश्वरे दिया नजरा च बडा ही छेल था; कने उसयो उना तिन मिहनयां दीकर उसयो उदे माता-पिता लुकाई करी पालया।† 21 पर जालू सै उसयो होर जादा लुकाई नी सके, तां उना उसयो घरे बाहर रखी दिता कने तालू फिरौने दीया कुड़िया उसयो गोद लेई लिया, कने उसयो अपणे पुत्रे सांई पालया।‡ 22 कने मूसा जो मिस्रयां दी सारी बिद्या पड़ाई, कने सै बडा ही प्रभावशाली तरीके ने गल्लां कने कम्म करदा था।

23 जालू मूसा चालियां सालां दा होया, तां उदे मने च आया की अपणे इस्राएली रिशतेदारां ने मिल्ले।§ 24 कने उनी ओथु इक मिस्री माणुऐ जो इक इस्राएली माणुऐ सोगी बदसलूकी करदे दिखया, कने उसयो बचाया, कने मिस्री माणुऐ जो मारी करी उदा बदला लिया।* 25 उनी सोचया, की मेरे भाईयां समझणा की परमेश्वरे मेरे हथे ने उना जो गुलामी ला अजाद करदा, पर उना नी समझया।

26 दुऐ रोजे मूसा दो इस्राएलियां बाल आया जड़े अपु चे लड़ा दे थे, कने उना बिच सुला कारणे तांई ऐ बोलया, की हे मर्दाँ, तुसां तां भाई-भाई न, तुसां कजो इकी दुऐ जो मारा दे न? 27 पर जड़ा अपणे पड़ोसीऐ जो मारा दा था, उनी मूसा जो धक्का दिता कने बोलया, तिजो कुनी सांझो पर राजा कने न्याय करणे बाला बणाया है? 28 क्या जियां कल तू मिस्र देशे दे माणुऐ जो मारी दिता क्या मिंजो भी मारणा चांदा है?†

29 ऐ गल्ल सुणीकरी, मूसा मिस्र देशे ला नठया कने मिद्यान देशे च परदेसी बणी करी रेणा लगगा: कने ओथु उदे दो पुत्र पैदा होए।

30 मिद्यान देशे च पुरे चाली साल रेहणे बाद, मूसा जो परमेश्वरे इक स्वर्गदूते दे रूपे च सीनै पहाड़े दिया सुनसान जगा च जलदिया झाड़िया दिया अग्गी बिच दर्शन दिते।‡ 31 जालू मूसा उसा अगग लगियो झाड़िया जो दिखया जड़ी भस्म नी होआ दी थी, तां सै हेरान होया, कने जालू दिखणे तांई बखे गया, तां प्रभु दी ऐ अबाज सुणोई,§ 32 “मैं तेरे पूर्वज, अब्राहम, इसहाक कने याकूब दा परमेश्वर है, जिदी सै अराधना करदे थे।*” तालू तां मूसा डरे ने कमी पिया, ऐथू दीकर की उसयो दिखणे दी हिम्मत नी रेई। 33 तालू प्रभुऐ उसयो

बोलया, अपणे पैरां ला जुतयां उतारी दे, क्योंकि जिसा जगा तू खड़ोतया है, सै पबित्तर जगा है।† 34 मैं सची अपणे लोकां दी दुर्दशा जो दिखया है, जड़ी मिस्र देशे च है, कने उना दी तकलीफ कने उना दे रोणे जो सुणया है, इस तांई उना जो छुड़ाणे तांई उतरया है। हुण आ, मैं तिजो मिस्र देशे च भेजणा।‡

35 ऐ सै ही मूसा है जिसयो इस्राएलियां नकारी दितया था कने जिना बोलया, तिजो कुनी सांझो पर राजा कने न्याय करणे बाला बणाया है? उसयो ही परमेश्वरे राजा कने छुड़ाणे बाला बणाई करी, उस स्वर्गदूते दे जरिये भेजया जिनी उसयो झाड़िया च दर्शन दिते थे।§ 36 सै उना जो मिस्र देशे ला बाहर लेई आया कने उनी मिस्र देशे च कने लाल समुंदरे पर कने सुनसान जगा च चालियां सालां दीकर अदभुत कम्म कने चिन्ह दस्से।* 37 ऐ सेई मूसा हे, जिनी इस्राएली लोकां जो बोलया, परमेश्वरे तुहाड़े भाईयां चे तुहाड़े तांई मिंजो सांई इक परमेश्वरे दा संदेश देणेबाला बणाणा है।†

38 मूसा इक अगुवे दे रूपे च साड़े पूर्वजां दे सोगी था जालू सै सुनसान जगा च गिठे थे, तालू स्वर्गदूते सीनै पहाड़े पर मूसा ने गल्लां कितियां, कने ओथु मूसा जो जिन्दगी देणेबाले बचन मिल्ले कने उनी सै बचन सांझो दीकर पूजाऐ।‡ 39 पर साड़े पूर्वज उदी मनणा नी चांदि थे; सै मने-मने च ही मिस्र देशे जो बापस जाणा चांदि थे, § 40 कने उना मूसा दे भाई हारून ने बोलया, साड़े तांई ऐसा देवता बणा, जड़ा मिस्र देशे जो बापस जाणे तांई साड़े अगगे-अगगे चले; क्योंकि ऐ मूसा जड़ा सांझो मिस्र देशे ला कडी लेई आया है, असां नी जाणदे उसयो क्या होया है।*

41 उना रोजां च उना इक बछड़े दी मूर्ति बणाई करी, उदिया मूर्तियां अगगे बलि चढ़ाई, कने अपणे हथां दे कम्मा पर खुश होणा लगगे।† 42 फिरी परमेश्वरे उना जो अम्बरे दे तारे, चन्द्रमा, सूरजे जो अपणे देवतयां दे रूपे च पूजणे तांई छुडी दिता, जियां परमेश्वरे दे संदेश देणेबालयां दीया कताबा च परमेश्वरे बोलया है, हे इस्राएल दे लोको, क्या तुसां सिर्फ मेरे तांई ही चालियां सालां दीकर सुनसान जगा च पशु बलि कने अन्नबली चड़ादें रे?‡ 43 नही, तुसां उस तम्बूऐ जो डोता जिदे च तुहाड़े देवता मोलेक दी मूर्ति थी; कने तुसां अपणे देवता

† 7:20 7:20 (निर्ग. 2:2) ‡ 7:21 7:21 (निर्ग. 2:5, निर्ग. 2:10) § 7:23 7:23 (निर्ग. 2:11) * 7:24 7:24 (निर्ग. 2:12) † 7:28 7:28 (निर्ग. 2:13,14) ‡ 7:30 7:30 (निर्ग. 3:1) § 7:31 7:31 (निर्ग. 3:2,3) * 7:32 7:32 (निर्ग. 3:5) † 7:33 7:33 (निर्ग. 3:5) ‡ 7:34 7:34 (निर्ग. 2:24, निर्ग. 3:7-10) § 7:35 7:35 (निर्ग. 2:14, निर्ग. 3:2) * 7:36 7:36 (निर्ग. 7:3, निर्ग. 14:21, गिन. 14:33) † 7:37 7:37 (व्य. 18:15-18) ‡ 7:38 7:38 (निर्ग. 19:1-6, निर्ग. 20:1-17, व्य. 5:4-22, व्य. 9:10,11) § 7:39 7:39 (निर्ग. 23:20,21, गिन. 14:3,4) * 7:40 7:40 (निर्ग. 32:1, निर्ग. 32:23) † 7:41 7:41 (निर्ग. 32:4,6) ‡ 7:42 7:42 (यिर्म. 7:18, यिर्म. 8:2, यिर्म. 19:13)

रिफान दे तारे जो चुकया, मतलब की उना मूर्तियाँ जो जिना जो तुसां भक्ति करणे ताई बनाया था। इस ताई मैं तुहांजो बाबेल देश च गुलाम बनाणा। §

44 गबाई दा तम्बू रेगिस्तान च साड़े पूर्वजां बिच था; जियां की परमेश्वरे मूसा जो बोलया, जड़ा अकार तू दिखया है, उदे साई इसयो बणा।*† 45 बड़े सालां बाद उसी तम्बूए जो साड़े पूर्वज यहोशुए सोगी ऐथू लेई आये। उस बकत ऐ देश होरनी जातियां दे हथे च था, पर परमेश्वरे उना जो साड़े पूर्वजां दे सामणे ला कडी दिता, कने सै तम्बू राजा दाऊदे दे बकते दीकर रिया।‡ 46 दाऊद पर परमेश्वरे अनुग्रह किता; दाऊदे याकूब दे परमेश्वरे जो रेहणे ताई मंदर बणाने दी बीनती किती। § 47 पर जिनी परमेश्वरे दे मंदरे जो बणाया सै दाऊदे दा पुत्र सुलैमान था।*

48 पर परमेश्वर हथा ने बणायो मंदरा च नी रेंदा है, जियां की यशायाह परमेश्वरे दे संदेश देणेबाले बोलया की, 49 परमेश्वर बोलदा है, स्वर्ग मेरा सिहांसन है कने धरती मेरे पैरां थल्ले दी चौकी है, मेरे ताई तुसां कदिया मंदर बणांगे? कने मिंजो अराम करणे दी कुण देई जगा होणी? 50 मैं खुद स्वर्ग कने धरती दोनों जगा पर सब कुछ बणाया है। †

51 “हे जिदी लोको, तुसां परमेश्वरे दियां गल्लां मनणे कने सुणने ला मना करदे न, तुसां हमेशा पबित्र आत्मा दा बिरोध करदे न। जियां तुहाड़े पूर्वज करदे थे, तियां ही तुसां भी करदे न।‡ 52 तुहाड़े पूर्वजां परमेश्वरे दे संदेश देणेबालयां चे हर कुसी जो सताया कने जिना ऐ भविष्यबाणी किती की मसीह जड़ा धर्मी है ओणा है, उना जो भी मारी दिता, पर जालू मसीह आया, तां तुसां उसयो धोखा दिता कने उदी हत्या करी दिती। § 53 तुहांजो स्वर्गदूते दी बणाईयो व्यवस्था तां मिली, पर उदा तुसां पालन नी किता।” *

§ 7:43 7:43 (आमो. 5:25,26) * 7:44 7:44 (निर्ग. 26:1-3, निर्ग. 25:40, निर्ग. 27:21, गिन. 1:50) † 7:44 7:44 गबाई दे तम्बू:

जालू इस्राएल दे पूर्वज मिस्र देशे ला रेगिस्तान ला ओआ दे थे तालू उना परमेश्वरे दी अराधना इक तम्बू च किती कने ऐ तम्बू इसा गल्ला दी गबाई दिता था की परमेश्वर इना सोगी है। ‡ 7:45 7:45 (यहो. 3:14-17, यहो. 18:1, यहो. 23:9, यहो. 24:18) § 7:46 7:46 (2 शम्. 7:2-16, 1 राजा. 8:17,18, 1 इति. 17:1-14, 2 इति. 6:7,8, भज. 132:5) * 7:47 7:47 (1 राजा. 6:1,2, 1 राजा. 6:14, 1 राजा. 8:19,20, 2 इति. 3:1, 2 इति. 5:1, 2 इति. 6:2, 2 इति. 6:10) † 7:50 7:50 (यशा. 66:1,2) ‡ 7:51 7:51 (निर्ग. 32:9, लैव्य. 26:41, गिन. 27:14, यशा. 63:10, यिर्म. 6:10, यिर्म. 9:26) § 7:52 7:52 (2 इति. 36:16) * 7:53 7:53 स्वर्गदूते दी व्यवस्था दा मतलब है मूसा की व्यवस्था † 7:54 7:54 (अय्यू. 16:9, भज. 35:16, भज. 37:12, भज. 112:10) ‡ 7:59 7:59 (भज. 31:5)

56 बोलया, “दिखा, मैं स्वर्गे जो खुलया कने माणुए दे पुत्रे जो परमेश्वरे दे सजे पासे खड़ोतया दिखा दा है।”

57 जालू उना ऐ सब सुणया तालू उना जोरे ला चिलाया कने अपणे कना पर हथ रखी ले, ताकि सै स्तिफनुसे दी नी सुणन कने गिठे होईकरी स्तिफनुसे पर टूटी पे। 58 कने उसयो यरूशलेम शेहरे दे बाहर कडी करी पथर मारणा लगगे, कने स्तिफनुसे पर इल्जाम लगाणे बाले लोकां अपणे बाहरे बाले कपड़े खोली करी शाऊले नाए दे जवान आदमिये बाल रखी दिते।

59 कने सै स्तिफनुसे जो पथर मारदे रे, कने सै ऐ बोली करी प्राथना करदा रिया, “प्रभु यीशु, मेरिया आत्मा जो लेई ले।” ‡ 60 फिरी गोडे भार बेईकरी जोरे ने पुकारया, “प्रभु जी, इस पापे ताई इना जो सजा मत दिन्दे।” कने ऐ बोली करी मरी गिया।

8

§ 8:1 8:1 (आमो. 1:1-2, 1:11-12, 1:13-14, 1:15-16, 1:17-18, 1:19-20, 1:21-22, 1:23-24, 1:25-26, 1:27-28, 1:29-30, 1:31-32, 1:33-34, 1:35-36, 1:37-38, 1:39-40, 1:41-42, 1:43-44, 1:45-46, 1:47-48, 1:49-50, 1:51-52, 1:53-54, 1:55-56, 1:57-58, 1:59-60, 1:61-62, 1:63-64, 1:65-66, 1:67-68, 1:69-70, 1:71-72, 1:73-74, 1:75-76, 1:77-78, 1:79-80, 1:81-82, 1:83-84, 1:85-86, 1:87-88, 1:89-90, 1:91-92, 1:93-94, 1:95-96, 1:97-98, 1:99-100, 1:101-102, 1:103-104, 1:105-106, 1:107-108, 1:109-110, 1:111-112, 1:113-114, 1:115-116, 1:117-118, 1:119-120, 1:121-122, 1:123-124, 1:125-126, 1:127-128, 1:129-130, 1:131-132, 1:133-134, 1:135-136, 1:137-138, 1:139-140, 1:141-142, 1:143-144, 1:145-146, 1:147-148, 1:149-150, 1:151-152, 1:153-154, 1:155-156, 1:157-158, 1:159-160, 1:161-162, 1:163-164, 1:165-166, 1:167-168, 1:169-170, 1:171-172, 1:173-174, 1:175-176, 1:177-178, 1:179-180, 1:181-182, 1:183-184, 1:185-186, 1:187-188, 1:189-190, 1:191-192, 1:193-194, 1:195-196, 1:197-198, 1:199-200, 1:201-202, 1:203-204, 1:205-206, 1:207-208, 1:209-210, 1:211-212, 1:213-214, 1:215-216, 1:217-218, 1:219-220, 1:221-222, 1:223-224, 1:225-226, 1:227-228, 1:229-230, 1:231-232, 1:233-234, 1:235-236, 1:237-238, 1:239-240, 1:241-242, 1:243-244, 1:245-246, 1:247-248, 1:249-250, 1:251-252, 1:253-254, 1:255-256, 1:257-258, 1:259-260, 1:261-262, 1:263-264, 1:265-266, 1:267-268, 1:269-270, 1:271-272, 1:273-274, 1:275-276, 1:277-278, 1:279-280, 1:281-282, 1:283-284, 1:285-286, 1:287-288, 1:289-290, 1:291-292, 1:293-294, 1:295-296, 1:297-298, 1:299-300, 1:301-302, 1:303-304, 1:305-306, 1:307-308, 1:309-310, 1:311-312, 1:313-314, 1:315-316, 1:317-318, 1:319-320, 1:321-322, 1:323-324, 1:325-326, 1:327-328, 1:329-330, 1:331-332, 1:333-334, 1:335-336, 1:337-338, 1:339-340, 1:341-342, 1:343-344, 1:345-346, 1:347-348, 1:349-350, 1:351-352, 1:353-354, 1:355-356, 1:357-358, 1:359-360, 1:361-362, 1:363-364, 1:365-366, 1:367-368, 1:369-370, 1:371-372, 1:373-374, 1:375-376, 1:377-378, 1:379-380, 1:381-382, 1:383-384, 1:385-386, 1:387-388, 1:389-390, 1:391-392, 1:393-394, 1:395-396, 1:397-398, 1:399-400, 1:401-402, 1:403-404, 1:405-406, 1:407-408, 1:409-410, 1:411-412, 1:413-414, 1:415-416, 1:417-418, 1:419-420, 1:421-422, 1:423-424, 1:425-426, 1:427-428, 1:429-430, 1:431-432, 1:433-434, 1:435-436, 1:437-438, 1:439-440, 1:441-442, 1:443-444, 1:445-446, 1:447-448, 1:449-450, 1:451-452, 1:453-454, 1:455-456, 1:457-458, 1:459-460, 1:461-462, 1:463-464, 1:465-466, 1:467-468, 1:469-470, 1:471-472, 1:473-474, 1:475-476, 1:477-478, 1:479-480, 1:481-482, 1:483-484, 1:485-486, 1:487-488, 1:489-490, 1:491-492, 1:493-494, 1:495-496, 1:497-498, 1:499-500, 1:501-502, 1:503-504, 1:505-506, 1:507-508, 1:509-510, 1:511-512, 1:513-514, 1:515-516, 1:517-518, 1:519-520, 1:521-522, 1:523-524, 1:525-526, 1:527-528, 1:529-530, 1:531-532, 1:533-534, 1:535-536, 1:537-538, 1:539-540, 1:541-542, 1:543-544, 1:545-546, 1:547-548, 1:549-550, 1:551-552, 1:553-554, 1:555-556, 1:557-558, 1:559-560, 1:561-562, 1:563-564, 1:565-566, 1:567-568, 1:569-570, 1:571-572, 1:573-574, 1:575-576, 1:577-578, 1:579-580, 1:581-582, 1:583-584, 1:585-586, 1:587-588, 1:589-590, 1:591-592, 1:593-594, 1:595-596, 1:597-598, 1:599-600, 1:601-602, 1:603-604, 1:605-606, 1:607-608, 1:609-610, 1:611-612, 1:613-614, 1:615-616, 1:617-618, 1:619-620, 1:621-622, 1:623-624, 1:625-626, 1:627-628, 1:629-630, 1:631-632, 1:633-634, 1:635-636, 1:637-638, 1:639-640, 1:641-642, 1:643-644, 1:645-646, 1:647-648, 1:649-650, 1:651-652, 1:653-654, 1:655-656, 1:657-658, 1:659-660, 1:661-662, 1:663-664, 1:665-666, 1:667-668, 1:669-670, 1:671-672, 1:673-674, 1:675-676, 1:677-678, 1:679-680, 1:681-682, 1:683-684, 1:685-686, 1:687-688, 1:689-690, 1:691-692, 1:693-694, 1:695-696, 1:697-698, 1:699-700, 1:701-702, 1:703-704, 1:705-706, 1:707-708, 1:709-710, 1:711-712, 1:713-714, 1:715-716, 1:717-718, 1:719-720, 1:721-722, 1:723-724, 1:725-726, 1:727-728, 1:729-730, 1:731-732, 1:733-734, 1:735-736, 1:737-738, 1:739-740, 1:741-742, 1:743-744, 1:745-746, 1:747-748, 1:749-750, 1:751-752, 1:753-754, 1:755-756, 1:757-758, 1:759-760, 1:761-762, 1:763-764, 1:765-766, 1:767-768, 1:769-770, 1:771-772, 1:773-774, 1:775-776, 1:777-778, 1:779-780, 1:781-782, 1:783-784, 1:785-786, 1:787-788, 1:789-790, 1:791-792, 1:793-794, 1:795-796, 1:797-798, 1:799-800, 1:801-802, 1:803-804, 1:805-806, 1:807-808, 1:809-810, 1:811-812, 1:813-814, 1:815-816, 1:817-818, 1:819-820, 1:821-822, 1:823-824, 1:825-826, 1:827-828, 1:829-830, 1:831-832, 1:833-834, 1:835-836, 1:837-838, 1:839-840, 1:841-842, 1:843-844, 1:845-846, 1:847-848, 1:849-850, 1:851-852, 1:853-854, 1:855-856, 1:857-858, 1:859-860, 1:861-862, 1:863-864, 1:865-866, 1:867-868, 1:869-870, 1:871-872, 1:873-874, 1:875-876, 1:877-878, 1:879-880, 1:881-882, 1:883-884, 1:885-886, 1:887-888, 1:889-890, 1:891-892, 1:893-894, 1:895-896, 1:897-898, 1:899-900, 1:901-902, 1:903-904, 1:905-906, 1:907-908, 1:909-910, 1:911-912, 1:913-914, 1:915-916, 1:917-918, 1:919-920, 1:921-922, 1:923-924, 1:925-926, 1:927-928, 1:929-930, 1:931-932, 1:933-934, 1:935-936, 1:937-938, 1:939-940, 1:941-942, 1:943-944, 1:945-946, 1:947-948, 1:949-950, 1:951-952, 1:953-954, 1:955-956, 1:957-958, 1:959-960, 1:961-962, 1:963-964, 1:965-966, 1:967-968, 1:969-970, 1:971-972, 1:973-974, 1:975-976, 1:977-978, 1:979-980, 1:981-982, 1:983-984, 1:985-986, 1:987-988, 1:989-990, 1:991-992, 1:993-994, 1:995-996, 1:997-998, 1:999-1000, 2:1-2, 2:3-4, 2:5-6, 2:7-8, 2:9-10, 2:11-12, 2:13-14, 2:15-16, 2:17-18, 2:19-20, 2:21-22, 2:23-24, 2:25-26, 2:27-28, 2:29-30, 2:31-32, 2:33-34, 2:35-36, 2:37-38, 2:39-40, 2:41-42, 2:43-44, 2:45-46, 2:47-48, 2:49-50, 2:51-52, 2:53-54, 2:55-56, 2:57-58, 2:59-60, 2:61-62, 2:63-64, 2:65-66, 2:67-68, 2:69-70, 2:71-72, 2:73-74, 2:75-76, 2:77-78, 2:79-80, 2:81-82, 2:83-84, 2:85-86, 2:87-88, 2:89-90, 2:91-92, 2:93-94, 2:95-96, 2:97-98, 2:99-100, 2:101-102, 2:103-104, 2:105-106, 2:107-108, 2:109-110, 2:111-112, 2:113-114, 2:115-116, 2:117-118, 2:119-120, 2:121-122, 2:123-124, 2:125-126, 2:127-128, 2:129-130, 2:131-132, 2:133-134, 2:135-136, 2:137-138, 2:139-140, 2:141-142, 2:143-144, 2:145-146, 2:147-148, 2:149-150, 2:151-152, 2:153-154, 2:155-156, 2:157-158, 2:159-160, 2:161-162, 2:163-164, 2:165-166, 2:167-168, 2:169-170, 2:171-172, 2:173-174, 2:175-176, 2:177-178, 2:179-180, 2:181-182, 2:183-184, 2:185-186, 2:187-188, 2:189-190, 2:191-192, 2:193-194, 2:195-196, 2:197-198, 2:199-200, 2:201-202, 2:203-204, 2:205-206, 2:207-208, 2:209-210, 2:211-212, 2:213-214, 2:215-216, 2:217-218, 2:219-220, 2:221-222, 2:223-224, 2:225-226, 2:227-228, 2:229-230, 2:231-232, 2:233-234, 2:235-236, 2:237-238, 2:239-240, 2:241-242, 2:243-244, 2:245-246, 2:247-248, 2:249-250, 2:251-252, 2:253-254, 2:255-256, 2:257-258, 2:259-260, 2:261-262, 2:263-264, 2:265-266, 2:267-268, 2:269-270, 2:271-272, 2:273-274, 2:275-276, 2:277-278, 2:279-280, 2:281-282, 2:283-284, 2:285-286, 2:287-288, 2:289-290, 2:291-292, 2:293-294, 2:295-296, 2:297-298, 2:299-300, 2:301-302, 2:303-304, 2:305-306, 2:307-308, 2:309-310, 2:311-312, 2:313-314, 2:315-316, 2:317-318, 2:319-320, 2:321-322, 2:323-324, 2:325-326, 2:327-328, 2:329-330, 2:331-332, 2:333-334, 2:335-336, 2:337-338, 2:339-340, 2:341-342, 2:343-344, 2:345-346, 2:347-348, 2:349-350, 2:351-352, 2:353-354, 2:355-356, 2:357-358, 2:359-360, 2:361-362, 2:363-364, 2:365-366, 2:367-368, 2:369-370, 2:371-372, 2:373-374, 2:375-376, 2:377-378, 2:379-380, 2:381-382, 2:383-384, 2:385-386, 2:387-388, 2:389-390, 2:391-392, 2:393-394, 2:395-396, 2:397-398, 2:399-400, 2:401-402, 2:403-404, 2:405-406, 2:407-408, 2:409-410, 2:411-412, 2:413-414, 2:415-416, 2:417-418, 2:419-420, 2:421-422, 2:423-424, 2:425-426, 2:427-428, 2:429-430, 2:431-432, 2:433-434, 2:435-436, 2:437-438, 2:439-440, 2:441-442, 2:443-444, 2:445-446, 2:447-448, 2:449-450, 2:451-452, 2:453-454, 2:455-456, 2:457-458, 2:459-460, 2:461-462, 2:463-464, 2:465-466, 2:467-468, 2:469-470, 2:471-472, 2:473-474, 2:475-476, 2:477-478, 2:479-480, 2:481-482, 2:483-484, 2:485-486, 2:487-488, 2:489-490, 2:491-492, 2:493-494, 2:495-496, 2:497-498, 2:499-500, 2:501-502, 2:503-504, 2:505-506, 2:507-508, 2:509-510, 2:511-512, 2:513-514, 2:515-516, 2:517-518, 2:519-520, 2:521-522, 2:523-524, 2:525-526, 2:527-528, 2:529-530, 2:531-532, 2:533-534, 2:535-536, 2:537-538, 2:539-540, 2:541-542, 2:543-544, 2:545-546, 2:547-548, 2:549-550, 2:551-552, 2:553-554, 2:555-556, 2:557-558, 2:559-560, 2:561-562, 2:563-564, 2:565-566, 2:567-568, 2:569-570, 2:571-572, 2:573-574, 2:575-576, 2:577-578, 2:579-580, 2:581-582, 2:583-584, 2:585-586, 2:587-588, 2:589-590, 2:591-592, 2:593-594, 2:595-596, 2:597-598, 2:599-600, 2:601-602, 2:603-604, 2:605-606, 2:607-608, 2:609-610, 2:611-612, 2:613-614, 2:615-616, 2:617-618, 2:619-620, 2:621-622, 2:623-624, 2:625-626, 2:627-628, 2:629-630, 2:631-632, 2:633-634, 2:635-636, 2:637-638, 2:639-640, 2:641-642, 2:643-644, 2:645-646, 2:647-648, 2:649-650, 2:651-652, 2:653-654, 2:655-656, 2:657-658, 2:659-660, 2:661-662, 2:663-664, 2:665-666, 2:667-668, 2:669-670, 2:671-672, 2:673-674, 2:675-676, 2:677-678, 2:679-680, 2:681-682, 2:683-684, 2:685-686, 2:687-688, 2:689-690, 2:691-692, 2:693-694, 2:695-696, 2:697-698, 2:699-700, 2:701-702, 2:703-704, 2:705-706, 2:707-708, 2:709-710, 2:711-712, 2:713-714, 2:715-716, 2:717-718, 2:719-720, 2:721-722, 2:723-724, 2:725-726, 2:727-728, 2:729-730, 2:731-732, 2:733-734, 2:735-736, 2:737-738, 2:739-740, 2:741-742, 2:743-744, 2:745-746, 2:747-748, 2:749-750, 2:751-752, 2:753-754, 2:755-756, 2:757-758, 2:759-760, 2:761-762, 2:763-764, 2:765-766, 2:767-768, 2:769-770, 2:771-772, 2:773-774, 2:775-776, 2:777-778, 2:779-780, 2:781-782, 2:783-784, 2:785-786, 2:787-788, 2:789-790, 2:791-792, 2:793-794, 2:795-796, 2:797-798, 2:799-800, 2:801-802, 2:803-804, 2:805-806, 2:807-808, 2:809-810, 2:811-812, 2:813-814, 2:815-816, 2:817-818, 2:819-820, 2:821-822, 2:823-824, 2:825-826, 2:827-828, 2:829-830, 2:831-832, 2:833-834, 2:835-836, 2:837-838, 2:839-840, 2:841-842, 2:843-844, 2:845-846, 2:847-848, 2:849-850, 2:851-852, 2:853-854, 2:855-856, 2:857-858, 2:859-860, 2:861-862, 2:863-864, 2:865-866, 2:867-868, 2:869-870, 2:871-872, 2:873-874, 2:875-876, 2:877-878, 2:879-880, 2:881-882, 2:883-884, 2:885-886, 2:887-888, 2:889-890, 2:891-892, 2:893-894, 2:895-896, 2:897-898, 2:899

रोगी कने लंगड़े भी ठीक होए। 8 तां उस शेहरे दे मते सारे लोक खुश होए।

???????? ???? ?

9 उस शेहरे च इक शमौन नाए दा माणु था, कने सै काफी बकत ला सामरियां दे लोकां पर जादू टोंगा करा दा था, सै उदी काबिलियत ला बड़े हेरान थे, कने सै दावा करदा था की सै इक महान आदमी है। 10 कने सारे छोटयां ला लेईकरी बड़डे दीकर उसयो इज्जता ने बोलदे थे, “ऐ माणु परमेश्वरे दी सै शक्ति है, जिसयो महान बोलदे न।” 11 उनी मते रोजां ला उना जो अपणे जादूए दे कम्मा ने हेरान करी रखया था, ताई तां सै उसयो बड़े मंदे थे।

12 पर जालू लोकां परमेश्वरे दे राज्य कने यीशु मसीह दे ना दा शुभसमाचार फिलिप्पुस ला सुणया कने भरोसा किता, तालू सारे मर्दा कने जनानिया बपतिस्मा लिया। 13 तालू शमौने अपु भी फिलिप्पुसे दे शुभसमाचार पर भरोसा किता कने बपतिस्मा लेईकरी हर जगा फिलिप्पुसे सोगी जाणा लगगा कने चमत्कार कने बड़डे-बड़डे कम्म होंदे दिखीकरी सै हेरान होंदा था।

???????????? ? ???? ???? ???? ???? ?

14 जालू यरूशलेम शेहर च प्रेरितां सुणयां की सामरिया प्रदेश दे लोकां परमेश्वरे दा बचन मन्नी लिया है तां पतरसे कने यूहन्ना जो उना बाल भेजया। 15 कने उना ओथु जाई करी उना ताई प्राथना किती ताकि उना जो पबित्र आत्मा मिल्ले। 16 क्योंकि पबित्र आत्मा हले दीकर उना च कुसदे पर भी नी उतरया था, उना तां बस यीशुए दे नाए ने बपतिस्मा लिया था। 17 तालू पतरस कने यूहन्ने तिना पर हथ रखे कने उना जो पबित्र आत्मा मिल्ली।

18 जालू शमौने दिखया की प्रेरितां दे हथ रखणे ने पबित्र आत्मा मिलदी है, तां उनी पेसे देईकरी बोलया, 19 “ऐ शक्ति मिंजो भी दिया, ताकि मैं जिसदे पर हथ रखें, उसयो पबित्र आत्मा मिल्ले।”

20 पतरसे उसयो बोलया, “तू कने तेरे पैसे दोनों नाश होन, क्योंकि तू परमेश्वरे दा दान पैसयां ने खरीदणे दा बिचार किता। 21 इसा सेबा च ना तेरी हिस्सेदारी है, ना हिस्सा है; क्योंकि तेरा मन परमेश्वरे दे सामणे सच्चा नी है। 22 इस ताई तू अपणे मने ला इसा बुरिया सोचा जो कडी दे कने प्रभु ने प्राथना कर, तां होई सकदा प्रभु तेरी इसा बुरिया सोचा ताई तिजो माफ करे।

23 तू अपणे पापां ला पश्चाताप कर क्योंकि तू कड़वाट ने भरुया है कने पाप ने जकड़या होया है।” 24 शमौने जबाब दिता, “तुसां मेरे ताई प्राथना करा

ताकि जड़ियां गल्लां तुसां बोलियां न, ऐसा कुछ भी मेरे सोगी न हो।”

25 पतरस कने यूहन्ना उस शेहरे च गबाई दिती कने प्रभु दे बचना दा प्रचार किता कने फिरी यरूशलेम शेहरे जो बापस चली गे। कने जांदि-जांदि बेले सामरिया प्रदेश दे मतयां ग्रां च शुभसमाचार दा प्रचार किता।

???????????????? ???? ???? ???? ???? ?

26 फिरी प्रभु दे इकी स्वर्गदूते फिलिप्पुसे जो बोलया, “उठी करी दक्षिणे पासे उस रस्ते पर जा, जड़ा यरूशलेम शेहरे ला गाजा शेहर जो जांदा है, ऐ रेगिस्तानी रस्ता है।” 27 फिलिप्पुस उठी करी चली पिया, कने उसयो रस्ते च इक माणु मिल्ला सै इक खोजा कने कूशियों दी राणी कन्दाके दा मंत्री कने खजांची था, कने भक्ति करणे ताई यरूशलेम शेहर आया था। 28 कने सै रथे पर अपणे देशे जो बापस चलया था, कने परमेश्वरे दा संदेश देणेबाले यशायाह दी कताबा जो जोरे ने पढ़ा दा था। 29 तालू पबित्र आत्मा फिलिप्पुसे ने बोलया, “नेड़े होईकरी इसी रथे ने चली पो।” 30 फिलिप्पुस दोड़ी करी उस रथे बखे आया कने उसयो परमेश्वरे दा संदेश देणेबाले यशायाह दी कताबां जो पढ़दे सुणाया, तां उसला पुछया, “तू जड़ा पढ़ा दा है क्या उसयो समझदा भी है?” 31 उनी बोलया, “मैं इसयो नी समझी सकदा जालू दीकर मिंजो कोई इसयो समझांगा नी।” कने उनी फिलिप्पुसे ने बीनती किती की, रथे पर चढ़ी करी मेरे बखे बो।

32 पबित्र शास्त्रे दा जड़ा अध्याय सै पढ़ा दा था, सै ऐ था, “उसयो भेडां सांई मारणे ताई लेई गे, कने जियां मेमना ऊन कतरने बाले दे सामणे चुपचाप रेंदा है, तियां ही जालू लोकां उसयो दुख दिता तां उनी भी अपणा मु नी खोलया, 33 उदिया दीनता दिया बजा ला उदी बेईजती किती कने उसयो न्याय नी मिल्ला, शायद कोई भी उदे बंशजा दे बारे च नी दस्सी सकदा है, क्योंकि इदे ला पेहले की धरती पर उदा कोई बंश होंदा, लोकां उसयो मारी दिता।”

34 इसी पर खोजे फिलिप्पुसे ला पुछया, “मैं तिजो ने बिनती करदा है, मिंजो ऐ दस की परमेश्वरे दा संदेश देणेबाला कुसदे बारे च बोला दा है, अपणे या कुसी होरसी दे बारे च?” 35 तालू फिलिप्पुसे बोलणा शुरू किता, कने इस पबित्र शास्त्रे ला शुरू करिरी उसयो यीशुए दा शुभसमाचार सुणाया कने उनी खोजे ऐ गल्लां समझी लियां कने यीशुए पर भरोसा किता।

36 रस्ते च चलदे-चलदे सै कुसकी तलाबे बाल पुज्जे, तालू खोजे बोलया, “दिख ऐथू तलाब है, हुण मिंजो बपतिस्मा लेणे ताई क्या कमी है?” 37 फिलिप्पुसे

बोलया, “अगर तू सारे मने ने भरोसा करदा है तां लेई सकदा है।” उनी जबाब दिता “मैं भरोसा करदा है की यीशु मसीह ही परमेश्वरे दा पुत्र है।” 38 तालू उनी रथ खरेड़ने दा हुकम दिता, कने फिलिप्पुस कने खोजा दोनो तलाबे दे पांणिए च उतरी गे, कने फिलिप्पुसे उसयो बपतिस्मा दिता।

39 जालू सै तलाबे ला निकली करी उपर आये, तां प्रभुए दी आत्मा फिलिप्पुसे जो चुकी लेई गई, कने खोजे उसयो दोबारा नी दिखया, कने सै खुश होया की प्रभुए उसयो बचाया है कने अपणे देशे जो बापस चली गया। 40 फिरी फिलिप्पुस अशदोह शेहर च प्रगट होया कने तालू ओथु ला यात्रा शुरू किती कने ग्रां-ग्रां च कने नगरां-नगरा च शुभसमाचार दा प्रचार करदा रिया जालू दीकर सै कैसरिया शेहरे च नी पूजी गया।

9

???? ? ? ? ?
(???????? 22:6-16; 26:12-18)

1 शाऊल पर हले दीकर प्रभु यीशु दे चेलयां जो धमकाणे कने मारणे दा खून सबार था, इस तांई सै महायाजक बाल गया। 2 कने उसला दमिश्क शेहरे दे यहूदी जंज घरा दे नाए पर अधिकार पत्र मंगे, की कोई भी मर्द कने जनानी जड़े यीशु मसीह दी शिक्षा जो मंदे न उना जो बन्नी करी यरूशलेम शेहर जो लेई ओए।

3 पर जालू शाऊल कने उदे साथी दमिश्क शेहरे बखे पुज्जे, तां अचानक अम्बरे ला शाऊले दे चारो पासे इक लौ चमकी, 4 सै धरती पर पेई गया, कने अबाज सुणी, जड़ी उसयो बोला दी थी, “हे शाऊल, हे शाऊल मिंजो कजो सता दा है?”

5 शाऊले पुछया, “प्रभु जी, तू कुण है?” उनी बोलया, “मैं यीशु है, जिसयो तू सता दा है।” 6 पर हुण उठी करी शहरे जो जा, कुनी तिजो दस्सी देणा, की तिजो क्या करणा है।

7 जड़े माणु उदे सोगी थे, चुपचाप रेई गे, क्योंकि उना जो अबाज सुणोंदी थी, पर कोई मिलदा नी था।

8 तालू शाऊल धरती ला उठया, पर जालू हखी खोलियां तां उसयो कुछ भी नी मिल्ला दा था कने सै उदा हथ पकड़ी करी दमिश्क शेहर लेई गे। 9 कने सै तिन्ना रोजां दीकर दिखी नी सकया, कने ना उनी कुछ खादा कने ना पीता।

10 दमिश्क शेहर च हनन्याह नाए दा इक चेला था, उसयो प्रभु यीशुए दर्शन च बोलया, हे हनन्याह। उनी बोलया, “हांजी प्रभु जी।” 11 तालू प्रभु यीशुए उसयो

बोलया, “उठी करी सीधा नाए दिया गलिया च जा, कने यहूदा दे घरे शाऊल नाए दे इकी तरसुस शेहरे दे बासिये जो पूछी ले; क्योंकि सै प्राथना करा दा है, 12 उनी दर्शन च दिखया है की हनन्याह नाए दे इकी माणुए आई करी उस पर हथ रखे ताकि सै दोबारा दिखणा लगगी पोए।”

13 हनन्याह जबाब दिता, “प्रभु जी, मैं इस माणुए दे बारे च मतयां लोकां ला सुणया है, की इनी यरूशलेम शेहर च तेरे पबित्र लोकां सोगी बड़ा बुरा कितया है; 14 कने ऐथू भी इसयो बड़े याजकां दिया तरफा ला हक मिलया है, की जड़े लोक तिजो पर भरोसा करदे न, उना जो बन्नी करी यरूशलेम शेहर जो लेई जा।” 15 पर प्रभुए उसयो बोलया, “तू चली जा; क्योंकि ऐ तां, मैं होरनी जातियां, कने राजयां, कने इस्राएलियां दे सामणे मेरे बारे च प्रचार करणे कने मेरी सेवा करणे तांई चूणया है। 16 कने मैं उसयो दसणा है, की लोकां जो मेरे बारे च प्रचार करणे दिया बजा ला उसयो कदिया-कदिया दुख झेलणा पोंगा है।”

17 तालू हनन्याह उठी करी उस घरे च आया, जिथू शाऊल रे दा था, कने उदे पर अपणा हथ रखीकरी बोलया, “हे भाई शाऊल, प्रभु यीशुए मिंजो तेरे बाल भेजया है, जड़ा तिजो उस रस्ते च मिलया था, जालू तू ऐथू ओआ दा था। कने उनी मिंजो इस तांई भेजया ताकि तू फिरी दिखी सके, कने पबित्र आत्मा ने भरई जाए।” 18 कने झट उदियां हखी ला छिलकयां सांई कुछ पिया, कने उसयो मिलणा लगगी पिया, कने सै उठया कने उनी बपतिस्मा लिया, 19 फिरी खांणा खाई करी उसयो जोर आया। सै केई रोजां दीकर उना चेलयां सोगी रिया जड़े दमिश्क शेहर च थे।

???????? ? ? ? ? ? ?

20 कने झट दमिश्क शेहरे दे यहूदी जंज घरां च यीशुए दा प्रचार करणा लगगी पिया, की यीशु ही परमेश्वरे दा पुत्र है। 21 कने सारे सुणनेवाले हेरान होईकरी बोलणा लगगे, “क्या ऐ सेई माणु नी है, जड़ा यरूशलेम शेहरे च उना जो सतांदा था, जड़े लोक यीशु नाए दे बंदे पर भरोसा करदे थे, कने ऐथू भी तांई ही आया था, की उना लोकां जो बन्नी करी बड़े याजकां बाल लेई जाए?” 22 पर शाऊल प्रचार करणे च होर भी जादा सामर्थी होंदा गया, कने इसा गल्ला दा सबूत देई-देईकरी की यीशु ही मसीह है, दमिश्क शेहरे दे रेहणे बाले यहूदियां दा मु बंद करदा रिया।

23 जालू शाऊले जो दमिश्क शेहरे च रेंदे होए मते रोज होई गे, तां यहूदियां मिली करी उसयो मारणे दी

तरकीब बणाई। 24 कने सै उसयो मारणे ताई दिन रात फाटकां पर इंतजार करदे रे, पर उना दी तरकीब शाऊले जो पता चली गई। 25 इक राती चले शाऊले जो पथरे दिया उचिया दिबारा पर लेई आये, जड़ी शहरे दे चारो पासे बणियो थी। तालू उना दिबारां दे खुले हिस्से ला रस्सियां दे सहारे इक बडिया दिया टोकरिया च उसयो थले उतारी दिता। इयां करिरी सै दमिश्क शहरे ला बची करी निकली गया।

???????? ???? ?

26 शाऊल यरूशलेम शहरे जो गया कने ओथु पुज्जी करी उनी चेलयां सोगी मिलणे दी कोशिश किती, पर सारे उसला डरदे थे, क्योंकि उना जो भरोसा नी होंदा था, की सै भी चेला है। 27 पर बरनबासे उसयो अपणे सोगी प्रेरितां बाल लेईजाई करी उना जो बोलया, की इनी कियां दमिश्क शहर जाणे बाले रस्ते च प्रभु जो दिखया, कने प्रभु यीशुए उसला गल्लां कितियां; कने फिरी दमिश्क शहरे च इनी कितणिया हिम्मता ला यीशुए दे नाए दा प्रचार किता।

28 प्रेरितां बरनबास पर यकीन किता, इस ताई शाऊल रुकी गया कने उना सोगी यरूशलेम शहरे दियां हर जगा पर गया कने बिना डरयो यीशु मसीह दे बारे च प्रचार करदा था। 29 कने यूनानी बोली बोलणे बाले यहूदियां सोगी गल्ल बात कने बेहस करदा था; पर सै उसयो मारणे दी कोशिश करणा लगगे। 30 तालू बाकी चेलयां जो इसा गल्ला दे बारे च पता चला तां सै शाऊले जो कैसरिया शहरे च लेई आये, कने ओथु उना उदे ताई जहाजे ला तरसुस शहर जांणे दा इंतजाम किता, जड़ा उदा अपणा शहर था।

31 इयां सारे यहूदिया प्रदेश, कने गलील प्रदेश, कने सामरी प्रदेशां च कलीसिया जो चैन मिल्ला, कने सै मुजबुत होंदे गे, कने सै प्रभु यीशु मसीह दे डरे च जिन्दगी जिन्दे थे कने उना जो पबित्तर आत्मा दे जरिये सहायता मिल्ली कने मतयां लोकां यीशु मसीह पर भरोसा किता।

???????? ???? ?

32 फिरी इयां होया की पतरस हर प्रदेशे च फिरदा होया, इक रोज लुद्दा शहरे च रेणेबाले पबित्तर लोकां ला मिलणे ताई उना बाल पुज्जा।

33 ओथु उसयो ऐनियास नाए दा इक लकवे दा रोगी माणु मिल्ला, सै अठां सालां ला मंजे पर पिया था। 34 पतरसे उसयो बोलया, “हे ऐनियास। यीशु मसीह तिजो ठीक करदा है। उठ कने, अपणा बछाण चुक।” तालू सै झट उठी खड़ोता। 35 उसयो ठीक होया

दिखीकरी सारे लुद्दा कने शारोन शहरां दे सारे रेहणे बालयां प्रभु यीशुए पर भरोसा किता।

???????? ???? ?

36 याफा शहरे च इक तबीता नाए दी जनानी रेंदी थी, जड़ी यीशुए पर भरोसा करदी थी, जिसा दा यूनानी भाषा च ना “दोरकास” था। (जिदा मतलब की इक हिरण।) कने सै बड़े भरी भले कम्म कने गरीबां दी सहायता करदी थी। 37 उना रोजां च ही जालू पतरस लुद्दा शहरे च था, तालू तबीता बीमार होईकरी मरी गई, कने लोकां उसा जो नोहाई करी उपरे बाले कमरे च रखी दिता।

38 लुद्दा शहर याफा शहर दे नेड़े था, चेलयां ऐ सुणीकरी की पतरस ओथु है तां दो माणु भेजी करी उसला बिनती किती की, “साड़े बाल ओंणे जो देर मत कर।”

39 तालू पतरस उठी करी उना सोगी चली पिया, कने जालू पुज्जी गया, तां सै उसयो उसी उपरे बाले कमरे च लेई गे। कने सारियां बिधवा रोंदिया उदे बाल आईयां, कने जड़े कपड़े दोरकास उना सोगी रेंदे बणायो थे, उना जो दसणा लगियां।

40 तालू पतरसे सारयां जो बाहर करी दिता, गोडयां दे भार बेईकरी प्राथना किती, कने लाशा पासे दिखीकरी बोलया, “हे तबीता उठ।” तालू उना अपणिया हखी खोली दितियां, कने पतरसे जो दिखीकरी उठी बैठी। 41 उनी हथ देईकरी उसा जो उठाया कने पबित्तर लोकां कने बिधवां जो सदीकरी उसा जो जिन्दा करी दसया। 42 ऐ गल्ल सारे याफा शहर च फेली गई, कने मतयां प्रभु यीशु पर भरोसा किता। 43 कने पतरस याफा शहरे च शमौन नाए दे कुसकी चमड़े दा धंधा करणे बाले दे ओथु मते रोजां दीकर रिया।

10

???????????????? ???? ?

1 कैसरिया शहरे च कुरनेलियुस नाए दा इक माणु था, सै इतालियानी नाए दिया पलटना दा सूबेदार था। 2 सै परमेश्वरे दा भक्त था, कने सै कने उदा सारा खानदान परमेश्वरे ला डरदा था, कने सै गरीब यहूदी लोका जो बड़ा दान दिन्दा था, कने हर बकत परमेश्वरे ला प्राथना करणा लगी रेंदा था।

3 इक रोज, उनी दिने दे लगभग तिन बजे दे करीब इक दर्शण च बिलकुल साफ दिखया की परमेश्वरे दे इकी स्वर्गदूते उदे बाल अंदर आई करी बोलया, “हे कुरनेलियुस।” 4 कुरनेलियुसे स्वर्गदूते जो ध्याने ला दिखया कने डरीकरी बोलया, प्रभु जी क्या हुकम है? उनी उसयो बोलया, “तेरियां प्राथना कने तेरे दान याद ताई परमेश्वरे सामणे पुज्जे न।” 5 हुण याफा शहर च माणु भेजी करी शमौन जो, जिसयो पतरस बोलदे न, सदी ले।

6 सै शमौन, चमड़े दा धंधा करणे बाले दे ओथु परोणा है, जिसदा घर समुदरे बखे है।”

7 जालू सै स्वर्गदूत जिनी उसला गल्लां कितियां थियां चली गया, तां उनी दो सेवकां कने इक भक्त सिपाइए जो सदया जड़े उदी सेबा ताई ओथु रेंदे थे, 8 कने उसयो सारियां गल्लां दसी करी याफा शहरे जो पतरसे जो लोंगे ताई भेजया।

?????? ? ? ? ? ? ? ? ?

9 दुए रोजे कुरनेलियुस दे भेजयो सै तिन माणु चलदे-चलदे लगभग दोपेरा दे बकत शहरे बखे पुज्जे, तां उसी बकत पतरस छती पर प्राथना करणा चढ़या। 10 उसयो भूख लगगी कने सै कुछ खाणा चांदा था, कने जालू सै खाणा तैयार करा दे थे, तां सै बेसुध होई गया। 11 कने उनी दिखया, की अम्बर खुली गया, कने इक बडिया चादरा साईं कोई चीच चारो कुंणा ला रस्सिया ला बनियो धरती पासे उतरा दी है। 12 जिसा च धरतिया दे सै चारा पैरां बाले कने रेंगणेबाले जानवर कने अम्बरे दे पंछी थे, जिना दे बारे च मूसा दिया व्यवस्था च लिख्या है की सै अशुद्ध कने अपबित्तर न कने यहूदिया जो इना जो खाणे ताई मना है।

13 कने उसयो इक अबाज सुणोई, “हे पतरस उठ, मार कने खा।” 14 पर पतरसे बोलया, “नी प्रभु, कदी नी, क्योंकि मैं कदी भी कोई अपबित्तर या अशुद्ध चीज नी खादियो है।” 15 फिरी दूजी बरी उसयो अबाज सुणोई, “जड़ा कुछ परमेश्वरे शुद्ध करी दितया है, उसयो अशुद्ध मत बोल।” 16 तिन बरी इयां ही होया, तालू सै चादर अम्बरे जो बापस चली गया।

???????????????? ? ? ? ? ? ? ? ?

17 जालू पतरस अपणे मने च परशानिया च था, की ऐ जड़ा मैं दर्शन दिखया ऐ क्या है? उसी बकत सै माणु जिना जो कुरनेलियुसे भेजया था, शमौने दे घरे दा पता लगाई करी दरबाजे पर आई खड़ोते। 18 कने पुकारी करी पृच्छणा लगगे, “क्या शमौन जिसयो पतरस बोलदे न, ऐथू परोणा है?”

19 पतरस जड़ा उस दर्शने दे बारे च सोचा दा ही था, की पबित्तर आत्मा उसयो बोलया, “दिख, तिन माणु तिजो तोपा दे न। 20 भले ही सै होर जाति दे न, उठी करी थले जा, कने बिना सोचया उना सोगी चली जा, मैं ही उना जो भेजया है।” 21 तालू पतरसे थले उतरी करी उना माणुए जो बोलया, “दिखा जिसयो तुसां तोपा दे न, सै मैं ही है, तुहाड़े ओणे दी क्या बजा है?”

22 उना बोलया, कुरनेलियुस सूबेदार जड़ा धर्मी कने परमेश्वरे ला डरने बाला कने सारिया यहूदी जाति च

सुनाम माणु है, उसयो इक पबित्तर स्वर्गदूते ऐ बोलया है, की तिजो अपणे घरे सदीकरी तिजो ला उपदेश सुणे। 23 तालू उनी उना जो अंदर सदीकरी उना जो रेहणे ताई जगा दिती। कने दुए रोजे सै उना सोगी गया, कने याफा शहरे दे मसीह भाईयां चे कुछ उदे सोगी चली पे।

24 तिजे रोजे सै कैसरिया शहरे च पुज्जे, कने कुरनेलियुस अपणे रिश्तेदारां कने प्यारे दोस्तां जो गिटे करिरी उना दा इंतजार करा दा था।

25 जालू पतरस अंदर ओआ दा था, तां कुरनेलियुस उसने मिल्ला, कने उदे पैरां च पेईकरी नमस्ते किता। 26 पर पतरसे उसयो चुकी करी बोलया, “खड़ा हो, मेरी अराधना मत कर मैं भी तां माणु ही है।”

27 कने उसने गल्लां करदे अंदर गया, कने मतयां लोकां जो गिटे दिखीकरी 28 पतरसे उसयो बोलया, तुसां जाणदे न, की होरनी जातियां दी संगती करणा या उना दे ओथु जाणा भी असां यहूदियां ताई साड़िया व्यवस्था दे खिलाफ है। पर परमेश्वरे मिंजो दसया है कुसी भी माणुए जो अपबित्तर या अशुद्ध नी बोलणा। 29 इस ताई जालू मिंजो सदया तालू मैं बिना कुछ बोलयो चली आया। हुण मैं पुछदा है की मिंजो कुसी कम्मे ताई सदया है?

30 कुरनेलियुसे बोलया, तिन रोज पेहले, इसी बकत, मैं अपणे घरे च लगभग दोपेरा दे तिन बजे दे करीब प्राथना करा दा था, तां इक मर्द चमकीले कपड़े पाई करी, मेरे सामणे आई खड़ोता। 31 कने उनी मिंजो बोलया, “हे कुरनेलियुस, तेरी प्राथना सुणी लियो है कने तेरे दान परमेश्वरे दे सामणे याद किते गे न। 32 इस ताई कुसकी जो याफा शहर भेजी करी शमौने जो जिसयो पतरस बोलदे न, सद। सै समुदरे दे बखे शमौन जड़ा चमड़े दा धंधा करणे बाले दे घरे च परोणा है, जालू उनी ओणा, तां उनी तिजो परमेश्वरे दिया तरफा ला इक संदेश दसणा। 33 तां मैं झट तेरे बाल लोक भेजे, कने तू खरा किता की जड़ा तू आई गया। हुण असां सारे ऐथू परमेश्वरे दे सामणे न, ताकि जड़ा कुछ परमेश्वरे तिजो बोलणे ताई बोलया है, असां उसयो सुणना।”

???????? ? ? ? ? ? ? ? ?

34 तालू पतरसे मु खोली करी बोलया, हुण मिंजो पक्का यकीन होया, की परमेश्वर कूसदा भी पक्ष नी करदा,

35 हर जातियां च जड़ा परमेश्वरे ला डरदा है कने धर्मे दे कम्म करदा है, उसयो परमेश्वर अपनाई लेंदा है।

36 तुसां उस संदेश जो जाणदे न जड़ा परमेश्वरे सांझो, मतलब की इस्राएल दे लोकां जो भेजया। उनी शान्ति दे बारे च शुभसमाचार सुणाया जड़ी लोकां जो यीशु मसीह पर भरोसा करणे ला मिली सकदी है। सै

सारयां दा प्रभु है।³⁷ तुहांजो उस बचने दे बारे च पता है, जड़ा यूहन्ना दे बपतिस्मा दे प्रचारे बाद गलीले प्रदेश ला शुरू होईकरी सारे यहूदिया प्रदेशे च फेली गया, ³⁸ तुसां नासरत बासी यीशुऐ दे बारे च जाणदे न की परमेश्वरे कियां पबित्र आत्मा कने शक्तिया ला उदा अभिषेक किता; सै भलाई करदा कने जिना जो शैताने तंग कितया था, उना सारयां जो ठीक करदा गया, क्योंकि परमेश्वर उदे सोगी था।

³⁹ कने असां प्रेरितां उना सारियां चीजां दे बारे च लोकां जो दसया, जड़ियां यीशुऐ साड़े यहूदिया प्रदेश कने यरूशलेम शेहरे च कितियां, कने यरूशलेम शेहर च यहूदी अगुवां उसयो सूली पर लटकाई करी मारी दिता। ⁴⁰ पर उसयो परमेश्वरे तिजे रोजे मरयां चे जिन्दा करी दिता, कने उसयो प्रगट भी किता है। ⁴¹ सारयां लोकां उसयो नी दिखया, पर उना गबाहां जो जिना जो परमेश्वरे पेहले ही प्रेरित चुणी लिया था, मतलब की सांझो जिना मरयां चे जिन्दा होणे बाद उदे सोगी खादा पीता। ⁴² कने उनी सांझो हुकम दिता की सारे लोकां जो शुभसमाचार दा प्रचार करा कने गबाई दिया, की यीशु सेई है जिसयो परमेश्वरे जिंदे कने मरयां दा न्याय करणे ताई बणाया है। ⁴³ उदी सारे परमेश्वरे दे संदेश देणेबाले गबाई दिन्दे न की जड़ा कोई उदे पर भरोसा करगा, उसयो जड़ा मसीहे सूली पर किता उदिया बजा ला ही पापां दी माफी मिलणी है।

२२२२२ २२२२२२२ २२ २२२२२२ २२२२२२
२२२२२

⁴⁴ जालू पतरसे ऐ गल्लां बोला दा ही था की सारे बचन सुणने बालयां पर पबित्र आत्मा उतरी आई। ⁴⁵ कने जितणे भी यहूदी भरोसा करणे बाले पतरसे सोगी आयो थे, सै सारे हेरान होऐ की होरनी जातियां जो भी पबित्र आत्मा दा तोफा दिता है। ⁴⁶ क्योंकि उना जो भांति-भांति दियां बोलियां कने परमेश्वरे दी बड़ाई करदे सुणाया। इस पर पतरसे बोलया, ⁴⁷ “क्या इना जो हुण कोई पांणिए ला रोकी सकदा है की इना जो बपतिस्मा ना मिल्ले, जिना जो साड़े सांई परमेश्वरे दिया तरफा ला पबित्र आत्मा मिलियो है?” ⁴⁸ कने पतरसे उना जो हुकम दिता जड़े लोक कुरनेलियुस दे घरे गठुयो थे की यीशु मसीह दे नाऐ ने बपतिस्मा लिया। तालू उना पतरसे ला बिनती किती की थोड़े रोज होर रेई जा साड़े सोगी कने इस तांई सै कुछ रोजां तांई रेई पिया।

11

२२२२२ २२ २२२२२२२ २२२२२२ २२ २२२२२२
२२२२२

¹ प्रेरितां कने चेलयां जड़े यहूदिया प्रदेशे च थे, उना सुणाया, की होरनी जातियां भी परमेश्वरे दा बचन मनी लिया है। ² कने जालू पतरसे यरूशलेम शेहर च आया, तां यहूदी विश्वासी उसला शिकायत करणा लगगे, ³ “तू होर जातियां दे लोकां दे घरे जाई करी उना सोगी रोटी खादी।”

⁴ तालू पतरसे उना जो शुरू ला सारियां गल्लां सुणाईयां, जड़ियां ओथु होइयां थियां; ⁵ “मैं याफा शेहरे च प्राथना करा दा था, कने बेसुध होईकरी इक दर्शण दिखया, की इक बडिया चादरा सांई कोई चीच चारो कुणा ला रस्सियां ला बनूईयो अम्बरे ला धरती पासे उतरी करी मेरे बाल आई। ⁶ जालू मैं उस पर ध्यान दिता, तां मैं धरतिया दे चारा पैरां बाले जानवर कने जंगली जानवर कने रंगणेबाले जीव कने अम्बरे दे पंछी दिखे; ⁷ कने मैं इक अबाज सुणी जड़ी मिंजो बोला दी थी की, हे पतरसे उठ मार कने खा। ⁸ मैं बोलया, ‘नी परभु जी! क्योंकि कोई अपबित्र या अशुद्ध चीज मेरे मुऐ च कदी नी गेई।’ ⁹ इदे जबाब च अम्बरे ला दूजी अबाज आई, जड़ा कुछ परमेश्वरे शुद्ध बणाया है, उसयो अशुद्ध मत बोल। ¹⁰ तिन बरी ऐदिया होया, तालू सारा कुछ अम्बरे पासे दोबारा चली गया। ¹¹ कने झट तिन माणु जड़े कैसरिया शेहरे ला मेरे बाल भेजयो थे, सै घरे दे दरबाजे पर आई खड़ोते, जिस घरे च असां थे। ¹² तालू पबित्र आत्मा मिंजो बेझिझक उना सोगी चली जाणे जो बोलया, कने ऐ छे भाई भी मेरे सोगी चली पे, कने असां उस माणुऐ दे घरे पुज्जी गे। ¹³ कने उनी दसया, की मैं स्वर्गदूते जो अपणे घरे खड़ोतया दिखया, जिनी मिंजो बोलया, याफा शेहर जो इक माणु भेजी करी शमौने जो जिसयो पतरसे बोलदे न, सदी ले। ¹⁴ उनी तिजो ने ऐसिया गल्लां बोलणियां न, जिना ने परमेश्वरे तिजो कने तेरे सारे घराने दे लोकां जो बचाणा।

¹⁵ जालू मैं गल्लां करणा लगगा तां पबित्र आत्मा उना पर तियां ही उतरी, जियां शुरू च पिन्तेकुस दे त्योहारे दे बकत सांझो पर उतरियो थी। ¹⁶ तालू मिंजो प्रभु दा सै बचन याद आया, जड़ा उनी बोलया, यूहन्ना तां पांणिए ला बपतिस्मा दिता, पर परमेश्वरे तुहाड़े सोगी रेणे तांई पबित्र आत्मा जो भेजणा। ¹⁷ इस तांई ऐ साफ है की परमेश्वरे उना होर जातियां जो भी सेई दान दिता, जड़ा सांझो प्रभु यीशु मसीह दे नाऐ पर भरोसा करणे ला मिल्ला, तां मैं कुण था जड़ा परमेश्वरे जो रोकी सकदा था?”

¹⁸ ऐ सुणीकरी, यहूदी विश्वासी चुपरे, कने परमेश्वरे दी बड़ाई करी बोलणा लगगे, “तां परमेश्वरे होर जातियां जो भी हमेशा दी जिन्दगी अपणे बुरे कम्मा जो छडी

करी यीशु मसीह पर भरोसा करणे ने दान दिता है।”

12

१९ स्तित्फनुसे दे मारे जाणे बाद, केई यीशु मसीह पर भरोसा करणे बालयां यरूशलेम शेहरे जो छडी दिता कने तितर बितर होई गियो थे, सै चलदे-चलदे फीनीके इलाके कने साइप्रस द्वीप कने सीरिया प्रदेशे दे अन्ताकिया शहर च पुज्जे, पर यहूदियां जो छडी करी कुसी होरसी जो परमेश्वरे दा बचन नी सुणादें थे। २० पर उना च कुछ विश्वासी साइप्रस बासी कने कुरेनबासी थे, जडे अन्ताकिया शेहरे च आए कने होर जातियां जो भी प्रभु यीशु दे शुभसमाचार दियां गल्लां सुणाणा लगगे। २१ कने प्रभु दिया शक्तिया दा हथ उना पर था, कने मते लोकां उना दे प्रचार पर भरोसा किता कने प्रभु यीशु मसीह पर भरोसा करणा लगी पे।

२२ तालू इना होईयां गल्लां दी खबर यरूशलेम शेहरे दिया कलीसिया सुणी, कने उना बरनबास जो अन्ताकिया शहर भेजया। २३ सै ओथु पुज्जी करी, कने परमेश्वरे दे अनुग्रह जो दिखीकरी खुश होया, सारयां जो उपदेश दिता की तन मन लाईकरी प्रभु सोगी लिपटी रिया। २४ बरनबास इक भला माणु था, कने पबित्तर आत्मा कने भरोसे ने भरुई गिया था, कने होर मते लोकां प्रभु यीशु मसीह पर भरोसा किता।

२५ तालू बरनबास अन्ताकिया शहर छडी करी शाऊल जो तोपणे तांई तरसुस शहर जो चली गिया। २६ कने जालू उसने मिल्ला तां उसयो अन्ताकिया शहर जो लेई आया, कने इयां होया की शाऊल कने बरनबास इक साले दीकर कलीसिया सोगी मिलदे कने मते लोकां जो यीशु मसीह दे बारे च सिखांदे रे, कने चेलयां जो सारयां ला पहले अन्ताकिया शहर च ही मसीही बोलया।

२७ उना रोजां च केई भरोसा करणे बाले जडे परमेश्वरे दा संदेश देणेबाले थे, यरूशलेम शहर ला अन्ताकिया शहर जो आए। २८ उना चे अगबुसे नाए दे परमेश्वरे दा संदेश देणेबाले खडे होईकरी पबित्तर आत्मा दिया प्रेरणा ला ऐ दसया, की सारे संसारे च बड़ा बड्डा अकाल पोणा है, कने सै अकाल सम्राट क्लौदियुस दे बले पिया।

२९ तालू चेलयां यहूदिया प्रदेश दे मसीह पर भरोसा करणे बालयां तांई अपनी पौच दे साबे ला सहायता देंगे दा फेसला किता। ३० कने उना इयां ही किता, कने बरनबास कने शाऊल दे हथे अगुवां बाल कुछ पैसे भेजी दिते।

१९९९९९९९ १९९९ १९ १९९९९९९९ १९ १९९९९९

१ उस बकत हेरोदेस राजे कलीसिया दे कुछ लोकां जो दुख देंगे तांई बन्दी बनाई लिया। २ कने उनी प्रेरित याकूबे जो तलवारा ला मरवाई दिता, जड़ा प्रेरित यूहन्ना दा भाई था।

३ जालू उनी दिखया, की यहूदी लोक इसला खुश होंदे न, तां उनी पतरसे जो भी पकड़ी लिया। सै अखमीरी रोटिया दे त्योहारे दा बकत था। ४ कने राजा हेरोदेसे उसयो पकड़ी कर जेला च पाई दिता, कने उदी रखबालिया तांई, चार-चार सिपाईयां दे चार दलां दा पेहरा लाइ दिता। कने सै चांदा था की फसह दे त्योहारे बाद लोकां सामणे उदा न्याय करे। ५ पतरसे जो कुछ दिना तांई जेला च रखया, पर कलीसिया उदे तांई मन लाईकरी परमेश्वरे ला प्राथना करा दी थी।

६ कने जालू राजा हेरोदेसे उदा न्याय करणे तांई उसयो लोकां सामणे लोंणे बाला था, उसला इक रात पहले पतरस दो सुंगला ला बनया, दो स्पाईयां दे बिच सुतया था, कने पहरे दार दरबाजे पर जेला दी रखबाली करा दे थे।

७ तां अचानक प्रभु दा इक स्वर्गदूत पतरसे बखे आई खड़ोता कने उस कोठरी च इक चमकीली लौ होई गई, कने उनी पतरसे दियां पसलिया पर हथ मारी करी उसयो जगाया, कने बोलया, “उठ, जल्दी उठ।” कने उदे हथां ला सुंगल खुली करी पेई गे। ८ तालू स्वर्गदूते उसयो बोलया, “लके बन, कने अपने जुतयां पाई ले।” उनी तियां ही किता, फिरी स्वर्गदूते उसयो बोलया, “अपणे बाहरी कपड़े जो पाई करी मेरे पिच्छे चली पो।”

९ सै निकली करी उदे पिच्छे चली पिया, पर सै ऐ नी जाणदा था की जड़ा कुछ स्वर्गदूत करा दा है, ऐ सच्च था, पर सै ऐ समझा दा था की मैं दर्शन दिखा दा है। १० तालू सै चली करी पहले कने दुए पहरे ला निकली करी उस लोहे दे फाटके पर पुज्जे, जड़ा शेहरे पासे लेई जांदा था, सै फाटक उना तांई अपु ही खुली गिया, कने सै निकली करी इकी गलिया च होईकरी गे, इतणे च स्वर्गदूत उसयो छडी करी चली गिया। ११ तालू पतरसे होशा च आई करी बोलया, “हुण मिंजो सच्च पता लगी गिया है, की प्रभुए अपना स्वर्गदूत भेजी करी मिजों राजा हेरोदेसे दे हथे ला छुड़ाई लिया है, कने यहूदी अगुवां दी सारी आस तोड़ी दिती।”

१२ ऐ जाणी करी की परमेश्वरे उसयो बचाई लिया है, तां सै मरियम दे घरे गिया, जड़ी यूहन्ना दी माता थी, कने उदा दुज्जा ना मरकुस भी था। ओथु मते चले गिटे होईकरी प्राथना करा दे थे।

13

13 जालू पतरसे बाहरे बाले दरबाजे जो खड़काया तां रुदे नाए दी इक दासी सुणने तांई आई। 14 कने पतरसे दी अबाज पछेणी करी, खुशिया दे मारे उना दरबाजा नी खोलया, पर दोड़ी करी अंदर गई, कने दसया की पतरस दरबाजे पर खड़ोतया है। 15 उना उसा जो बोलया, तू पागल है। पर सै अड़ी रेई की सै पतरस ही है, तालू उना बोलया, “सै पतरसे दा स्वर्गदूत होणा।”

16 पर पतरस दरबाजा खड़कांदा रिया कने उना दरबाजा खोलया, कने उसयो दिखीकरी हेरान होई गे। 17 तालू पतरसे उना जो हथे ला इशारा किता की चुप रिया, कने उनी दसया की प्रभुए कियां मिंजो जेला ला कडी लयोंदा है। फिरी बोलया, “थाकूब कने भाईयां जो ऐ गल्ल दसी दिनयो।” तालू पतरस निकली करी दुज्जी जगा जो चली गया।

18 ब्यागा जेला दे सिपाईयां च बड़ा हल्ला पेई गया की, पतरस कुथु गया। 19 जालू राजा हेरोदेसे उसयो तोपणे दा हुकम दिता पर सै तोपी नी सके, तां पहेरे दारां ला पूछताछ किती कने जालू सै जबाब नी देई सके तां उना जो मारणे दा हुकम देई दिता, कने पतरस यहूदिया परदेशे जो छड़ी करी कैसरिया शेहरे च जाई करी रेंणा लगे।

???????? ???? ??

20 राजा हेरोदेस सूर कने सैदा शेहरे दे लोकां ला बड़ा जादा गुस्सा था। इस तांई उना शेहरां दे लोक राजा हेरोदेस ला मिलणे तांई इक मन होईकरी आये। सारयां ला पेहले, उना बलास्तुस ला सहायता मंगी जड़ा राजे दा खास कर्मचारी था। तां उना राजा हेरोदेसे ला शान्ति स्थापना तांई बोलया क्योंकि सै अपणे खांणे पिणे दियां जरूरतां तांई राजे दे देशे पर निर्भर थे।

21 जिस रोजे राजा हेरोदेसे उना शेहरे दे लोकां ने मिलणे दा फेसला किता, उस रोज सै राज कपड़े पाई करी सिहांसने पर बैठा, कने प्रजा जो भाषण देणा लगगा।

22 कने लोक उदी बड़ाई करणे तांई ऐ बोलणा लगगे कि, “ऐ तां माणुए दी नी, पर कुसी देवते दी अबाज है।”

23 उसी बेले प्रभुए दे इकी स्वर्गदूते आई करी राजा हेरोदेस पर वार किता क्योंकि उनी परमेश्वरे दी महिमा नी किती कने उदे शरीरे च कीड़े पेई गे कने सै मरी गया।

24 पर परमेश्वरे दा बचन फलदा गया कने भरोसा करणे बालयां दी गिणती बददी गई।

25 जालू बरनबास कने शाऊले यहूदिया प्रदेशे च अपणी सेवा दे कम्मे जो पूरा करी लिया तां सै यरूशलेम शेहरे ला अन्ताकिया शेहरे जो मुड़ी आए। यहून्ना जिसयो मरकुस भी बोलदे न सै सोगी था।

???????? ???? ???? ??

1 अन्ताकिया शेहरे दिया कलीसिया च परमेश्वरे दा संदेश देणेबाले कने गुरु थे; मतलब की बरनबास कने शमौन जिदा दुज्जा ना निगर भी था; कने लूकियुस कुरेनी शेहर, कने चौथाई देशे दे राज हेरोदेसे दा दूध भाई मनाहेम कने शाऊल। 2 जालू सै बरत रखीकरी प्रभु दी भक्ति करा दे थे, तां पबित्तर आत्मा बोलया, “मेरे तांई बरनबास कने शाऊल जो मेरी सेवा करणे तांई लग करा जिदे तांई मैं उना जो सदया है।” 3 तालू उना बरत कने प्राथना करिरी कने उना पर हथ रखीकरी उना जो परमेश्वरे दा कम्म करणे तांई भेजया।

???????? ?? ???? ???? ???? ???? ???? ???? ??

4 शाऊल कने बरनबास पबित्तर आत्मा दे जरिये भेजे गे, सै अन्ताकिया शेहर ला सिलुकिया शेहरे दिया बन्दरगाह जो गे, कने ओथु ला जहाजे पर चढ़ी करी साइप्रस टापू दी सलमीस बंदरगाह जो चली गे। 5 सलमीस शेहर च पुज्जी करी, उना परमेश्वरे दा बचन यहूदी जंज घरां च सुणाया, कने यहून्ना जिसयो मरकुस भी बोलदे थे सै उना दी सहायता करणे तांई उना सोगी था।

6 इदे बाद उना पुरे टापूए च इक शेहर ला दुज्जे शेहर दी यात्रा किती कने आखिर च पाफुस शेहरे च पुज्जे। ओथु उना जो बार-यीशु नाए दा इक जादूगर मिल्ला जड़ा यहूदी कने झूठा संदेश देणेबाला था। 7 सै टापूए दे राज्यपाल सोगी था, जिदा ना सिरगियुस पौलुस था, कने सै बड़ा बुद्धिमान माणु था। राज्यपाले बरनबास कने शाऊल जो परमेश्वरे दा बचन सुणने तांई अपणे बाल सदया। 8 पर जादूगर बार-यीशु, जिसया युनानी भाषा च एलीमास बोलदे न, उना दा बिरोध करदा रिया, उदी कोशिश थी की सै राज्यपाल जो यीशु मसीह पर भरोसा करणे ला रोके।

9 तालू शाऊले जिदा ना पौलुस भी है, पबित्तर आत्मा ला भरुई करी जादूगरे पासे इक टक लाईकरी दिखीकरी बोलया, 10 “हे सारे कपट कने चलाकिया ला भरुयो शैताने दी ओलाद, सारिया धार्मिकता दे दुशमण, क्या तू प्रभु दिया सचाइया जो भ्रष्ट करणा नी छडणा?”

11 हुण दिख, प्रभु तिजो सजा देंगे बाला है, कने तू थोड़े बकते तांई अन्ना रेंणा कने तू सूरजे जो नी दिखी सकणा।” तालू झट धुंधलापन कने उदे अगगे नेहेरा होई गया, कने सै रुआं प्रां टटोलणा लगगा ताकि कोई उदा हथ पकड़ी करी उदी सहायता करे। 12 तालू राज्यपाले

जड़ा कुछ होया था, दिखीकरी कने प्रभु दियां शिक्षा ला हेरान होईकरी उनी यीशु मसीह पर भरोसा किता ।

१३ १४ १५ १६ १७ १८ १९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

13 पौलुस कने उदे साथियां पाफुस शेहरे ला समुंदरी यात्रा शुरू किती कने सै पंफूलिया प्रदेशे दे पिरागा शेहरे च जाई पुज्जे, कने यूहन्ना मरकुस उना जो छडी करी यरूशलेम शेहरे जो बापस आई गया। 14 कने पिरागा शेहरे ला अगगे चली करी गलातिया प्रदेश दे पिसिदिया जिल्ले दे बखे अन्ताकिया शेहर च पुज्जे; कने सब्ते दे रोजे च यहूदी जंज घर च जाई करी बैठी गे। 15 मूसा दी व्यवस्था कने परमेश्वरे दे संदेश देणेबालयां दी कताबां ला पढ़ने बाद यहूदियों दे जंज घरे दे सरदारों उना जो बोली भेजया, “हे भाईयो, अगर तुसां च कुसी बाल लोकां जो शिक्षा देंगे तांई तुहाड़े मने च कोई बचन है तां बोला।”

16 तालू पौलुस खड़ा होया कने उना जो हथे ला चुप रेणे दा इशारा करिरी बोलया, “हे इस्राएलियां, कने परमेश्वरे ला डरने बाले होर जाति दे लोको, सुणा।”

17 इना इस्राएली लोकां दे परमेश्वरे साड़े पूर्वजां जो चूणी लिया है, कने जालू ऐ मिस्र देशे च परदेसी होईकरी रेंदे थे, तां उना जो गिणतिया च बदाई दिता; कने उना जो अपणिया शक्तिया ला उस देशे ला कडी लांदा। 18 कने सै कोई चालियां साला दीकर सुनसान जगा च उना दी सेहदां रिया, चाहे सै बार-बार परमेश्वरे दे हुकम दे खिलाफ जांदे थे।

19 कने कनान देशे च सत जातियां जो खत्म करिरी उना दा इस्राएली लोकां जो बिरासत च देई दिता। 20 साड़े पूर्वजां मिस्र देशे च पुजणे बाद चार सौ पजां सालां बाद कनान देशे पर अधिकार करणा शुरू किता, इदे बाद परमेश्वरे दे संदेश देणेबाले शमूएल दे ओणे दीकर परमेश्वरे इस्राएल दे लोकां पर राज करणे तांई मुखिए नियुक्त किते।

21 जालू शमूएल हले दीकर उना दा अगुवा ही था, उना इक राजा मंगया, तालू परमेश्वरे बिन्यामीन दे गोत्र चे इक माणुऐ जो मतलब की कीश दे पुत्र शाऊले जो उना दा राजा बनाया, उनी चालियां सालां दीकर इस्राएल दे लोकां पर राज किता।

22 फिरी परमेश्वरे शाऊल जो राजे दे पद ला हटाई करी उदिया जगा पर दाऊदे जो उना दा राजा बनाया, जिदे बारे च उनी गबाई दिती, मिंजो इक माणु, यिशै दा पुत्र दाऊद, मेरे मने दिया इच्छा दा माणु मिली गया है। उनी मेरियां सारियां इच्छा पुरियां करणियां।

23 उदे ही बंशे चे परमेश्वरे अपणे बायदे दे अनुसार इस्राएले तांई इक उद्धारकर्ता, मतलब की यीशु भेजया।

24 जिदे ओणे ला पेहले यूहन्ने प्रचार किता की सारे इस्राएली लोकां जो अपणे पापां दा पश्चाताप करणे कने परमेश्वरे पासे फिरणे कने बपतिस्मा लेणे दी जरूरत है। 25 जालू यूहन्ना अपणी सेवा पुरिया करणे पर था, तां उनी बोलया, तुसां मेरे बारे च क्या सोचदे न? मैं मसीह नी है! दिखा, मेरे बाद इक ओणे बाला है, सै बड़ा जादा महान है, मैं तां उदे जुतयां दे तस्मे खोलणे दे काबील भी नी है।

26 “हे मसीह भाईयो, तुसां जड़े अब्राहमे दी ओलाद न कने परमेश्वरे ला डरणे बाले होर जाति दे लोको, परमेश्वरे साड़े बाल यीशु दे बारे च ऐ संदेश भेजया है जड़ा लोकां जो बचांदा है। 27 यरूशलेम शेहरे दे लोकां कने उदे अगुवां मसीह जो पछेणया नी कने उना परमेश्वरे दे संदेश देणेबालयां दे बचना जो नी समझया जिना जो सै हर सब्ते दे रोजे पढ़दे थे। इस तांई उना उसयो दोषी बोली करी परमेश्वरे दे संदेश देणेबालयां दे बचना जो पूरा किता।

28 उना जो मौत दी सजा देंगे दे लायक उदे च कोई दोष नी मिल्ला, फिरी भी उना राज्यपाल पिलातुसे ला बिनती किती, की उसयो मारी दे। 29 कने जालू उना सै सब कुछ किता जड़ा पबित्र शास्त्र उदे बारे च बोलदा है, तां उदिया लाशा जो सूली ला उतारी करी कबरा च रखया।

30 पर परमेश्वरे उसयो मरयां चे जिन्दा किता, 31 कने जड़े चले यीशुऐ सोगी गलील प्रदेश ला यरूशलेम शेहरे च आयो थे, उना जो बड़े रोजां दीकर मिलदा रिया; सै हुण लोकां सामणे उदे गबाह न।

32 असां तुहांजो उसा प्रतिज्ञा दे बारे च जड़ी पूर्वजां ला कितियो थी, ऐ शुभसमाचार सुणादें न, 33 की परमेश्वरे यीशुऐ जो मरयां ला जिन्दा करिरी, साड़े सोगी वायदे जो पूरा कितया, जड़े उना दी संतान न; जियां दुज्जे भजन संहिता च परमेश्वरे मसीह दे बारे च बोलया है की, तू मेरा पुत्र है, अज ही मैं तेरा पिता बणी गया है।

34 परमेश्वरे यीशुऐ जो मरयां चे जिन्दा करणे दा बायदा कितया था, कने उसयो कबर च सड़ना नी दिता, परमेश्वरे ऐ बोलया है, मैं तिजो सै पबित्र कने पक्की आशीष देंगी जिना जो देंगे दा बायदा मैं राजा दाऊदे जो कितया था।” 35 राजा दाऊदे ऐ गल्ल होर भजन संहिता च भी बोलदा है की, “तू अपणे पबित्र जन जो सड़ना नी देणा।”

36 क्योंकि राजा दाऊद तां परमेश्वरे दिया इच्छा दे अनुसार अपणे बकते ने सेवा करिरी मरी गया, कने

अपणे पूर्वजां बाल जाई रिया, कने सड़ी भी गिया, इसला सांझो पता लगदा है की दाऊद इस भजन च अपणे बारे च गल्ल नी करा दा था। 37 पर सै यीशु मसीह दे बारे च बोला दा है जिसयो परमेश्वरे मरयां चे जिन्दा किता, कने सै सड़या भी नी।

38 इस ताई, हे यहूदी भाईयो; मैं चांदा है की तुसां ऐ जाणी लिया की यीशु मसीह दे जरिये ही तुहांजो पापां दी माफी मिलदी है। 39 तुसां कदी भी मूसा दिया व्यवस्था दे जरिये परमेश्वरे दिया नजरा च धर्मी नी बणी सकदे। पर हर इक जणा जड़ा यीशु मसीह पर भरोसा करदा है, सै परमेश्वरे दिया नजरा च धर्मी है।

40 इस ताई ध्यान रखा, की जड़ा परमेश्वरे दे संदेश देणे बालयां बोलया है, सै तुहाड़े सोगी ना हो: 41 हे निंदा करणे बालयो, दिखा, हेरान होआ, कने मिटी जा; क्योंकि मैं तुहाड़े दिना च इक कम्म करदा है; ऐसा कम्म, की अगर कोई तुसां ला उदी चर्चा करे, तां तुसां कदी भरोसा नी करणा।*

42 जालू पौलुस कने बरनबास यहूदी जंज घरे ला बाहर निकला दे थे, तां लोक उना ला बिनती करणा लगगे की, अगले सब्ते दे रोजे ऐ गल्लां सांझो दोबारा सुणानयो। 43 जालू सभा खत्म होई, तां मते यहूदी कने मते होर जातियां दे लोक जड़े यहूदी मते चे आयो थे पौलुस कने बरनबासे पिच्छे चली पे, कने उना जो गल्लां करिरी समझाया, की परमेश्वरे दे अनुग्रह च बणी रिया।

44 अगले सब्ते दे रोजे शेरें दे लगभग सारे लोक परमेश्वरे दा बचन सुणने जो गिठे होई गे। 45 पर जालू यहूदी अगुवां बड़िया भिड़ा जो दिखया तां सै प्रेरितां ला जलना लगगे, कने पौलुसे दे बचना दे बिरोध च बोलया कने उदी बेईजती किती।

46 तालू पौलुस कने बरनबासे बिना डरयो बोलया, जरूरी था, की परमेश्वरे दा बचन पेहले तुहांजो सुणाया जांदा, पर तुसां उसयो नकारी दिता, कने अपणे आपे जो हमेशा दिया जिन्दगिया दे लायक नी समझदे न, तां हुण, असां होरनी जातियां बाल जांणा। 47 क्योंकि प्रभु यीशुऐ सांझो ऐ हुकम दितया है, “मैं तिजो होरनी जातियां ताई ज्योति बणाया है, तुहांजो संसार च हर जगा लोकां जो दसणा है की मैं कियां उना जो बचाई सकदा है।”

48 ऐ सुणीकरी होर जातियां खुश होइयां, कने सै परमेश्वरे दे बचने दी बड़ाई करणा लगगे, कने जितणे लोक हमेशा दिया जिन्दगिया ताई बणायो थे, उना

भरोसा किता। 49 तालू प्रभु यीशु दा बचन उस इलाके च सारे पासे फेलणा लगगा।

50 पर यहूदियां दे अगुवां भक्त कने कुलीन जनानिया जो कने शेरें दे बड़डे लोकां जो भड़काया, कने पौलुस कने बरनबास पर हमला करवाई करी उना जो सीमा दे बार कडी दिता। 51 तालू पौलुस कने बरनबासे उना सामणे अपणे पैरां दी धुड़ झाड़ी, उना जो ऐ दसणे ताई की परमेश्वरे उना जो टुकराई दितया है कने उना जो सजा देंगी। फिरी सै इकुनियुम शेरें जो चली गे। 52 कने चेले अन्ताकिया शेरें च आनंद ला कने पबित् आत्मा ने भरूई गे।

14

इकुनियुम शेरें च ऐसा होया की पौलुस कने

1 इकुनियुम शेरें च ऐसा होया की पौलुस कने बरनबास यहूदी जंज घर च सोगी-सोगी गे, कने ऐसियां प्रभावशाली गल्लां कितियां की, यहूदियां कने होर जातियां दौना चे मतयां यीशु पर भरोसा किता। 2 पर भरोसा नी करणे बाले यहूदियां होरनी जातियां दे मन मसीह भाईयां दे खिलाफ च भड़काए, कने उना दे मना च इना दे खिलाफ जहर भरी दिता।

3 कने पौलुस कने बरनबास मते रोजां दीकर ओथु रे, कने प्रभु यीशु दे भरोसे पर हिम्मत ला गल्लां करदे रे: कने प्रभु यीशुऐ उना जो अदभुत चिन्न चमत्कार करणे दी शक्ति दिती, ऐसा करी के यीशुऐ ऐ साबित किता की जिस अनुग्रह दे बारे च सै प्रचार करा दे न सै सच्चा है।

4 पर शेरें दे लोकां च फुट पेई गियो थी, इसला कितणे ही तां यहूदियां पासे, कने कितणे ही प्रेरितां दे पासे होई गे।

5 तालू होर जातियां कने यहूदी लोकां अपणे सरदारां सोगी मिली करी उना पर हमला कने पथर मारणे फेसला किता। 6 जालू पौलुस कने बरनबास जो इसा गल्ला दे बारे च पता लगगी गिया, कने सै लुकाउनिया प्रदेशे दे लुस्त्रा कने दिरबे शहरां च, कने अखे बखे दे इलाके च नटी गे। 7 पौलुस कने बरनबासे ओथु पुज्जी करी लोकां जो शुभसमाचार सुणाया।

लुस्त्रा शेरें च इक माणु बैठया था, उदे पैर

8 लुस्त्रा शेरें च इक माणु बैठया था, उदे पैर कमजोर थे। सै जन्मे ला ही लगड़ा था, कने कदी नी चलया था। 9 सै पौलुसे जो गल्लां करदे सुणादा था कने पौलुसे दिखया की उनी भरोसा करी लिया है कने सै खरा होई सकदा है। 10 कने जोरे ला बोलया, “अपणे पैरां भार

* 13:41 13:41 13:41 (हब. 1:5)

सीधा खड़ा हो।” तालू सै उछली करी चलणा फिरणा लगी पिया।

11 लोकां पौलुस दा ऐ कम्म दिखीकरी लुकाउनिया बोलिया च जोरे ने बोलया, “देवता माणुऐ दे रूपे च साड़े बाल आया है।” 12 कने उना बरनबास जो यूनानी देवता ज्यूस दा ना दिता कने पौलुस जो हिर्मेस दा ना दिता, क्योंकि पौलुस मुख्य संदेश देंगे बाला था। 13 कने ज्यूसे दे उस मंदरे दा पुजारी जड़ा उना दे शेहरे सामणे था, दांद कने फुलां दे हार फाटके पर लेई आया क्योंकि सै लोकां सोगी बलि चढ़ाणा चांदा था।

14 पर बरनबास कने पौलुस प्रेरितां जालू सुणाया, तां सै बड़े परेशान होऐ कने अपणे कपड़े फाड़ी दिते, कने भिड़ा च चली गे, कने पुकारी करी बोलणा लग्गे, 15 “हे लोको, तुसां क्या करदे न? असां भी तुहाड़े सांई दुखे सुख भोगणे बाले माणु न, कने तुहांजो शुभसमाचार सुणादे न, ताकि तुसां इना बेकार दियां चीजां ला लग होईकरी जिंदे परमेश्वरे पासे आई जा, जिनी स्वर्ग कने धरती कने समुंदरे कने जड़ा कुछ उना च है बणाया है। 16 उनी होऐ युगां च सारियां जातियां जो अपणे-अपणे रस्ते च चलणा दिता।

17 सै हमेशा अपणे होणे दा सबूत उना खरियां चीजां ला दिन्दा है जड़ा सै करदा है, कने अम्बरे ला बरखा कने फलां बाली रित देईकरी तुहाड़े तांई खांणा कने तुहाड़े मना जो खुशिया ला भरदा रिया।” 18 ऐ बोली करी भी उना लोकां जो बड़ी मुशकिला ला रोकया की उना तांई बलिदान मत करा।

19 पर कितणे ही यहूदियाँ अन्ताकिया कने इकुनियुम शेहरां ला आई करी लोकां जो अपणे पासे करी लिया, कने पौलुसे जो पथरा ने मारया कने उसयो मरया समझीकरी घसीटी करी शेहरे बाहर लेई गे। 20 पर जालू चले उदे चारो पासे आई खड़ोते, तां सै उठी करी शेहरे जो बापस मुड़ी गया कने दुऐ रोजे बरनबासे सोगी दिरबे शेहरे जो चली गया।

21 पौलुस कने बरनबास दिरबे शेहरे दे लोकां जो शुभसमाचार सुणाई करी कने मते चले बणाई करी। तालू सै लुस्त्रा शेहरे जो बापस चली गे। कने फिरी ओथु ला इकुनियुम शेहरे जो गे, कने फिरी सै पिसिदिया प्रदेश दे अन्ताकिया शेहरे जो गे। 22 कने हर शेहरे च चेलयां दे मना जो मजबूत करदे रे कने ऐ शिक्षा दिन्दे थे, की भरोसे च बणी रिया, कने ऐ बोलदे थे, “सांझो मते दुख झेली करी परमेश्वरे दे राज्य च दाखल होंणा पोणा।” 23 कने

उना हर इक कलीसिया च उना तांई अगुवे बणाऐ, कने प्राथना कने बरत करिरी उना जो प्रभु जो सोंपया जिंदे पर उना भरोसा कितया था।

24 कने पिसिदिया प्रदेश ला होंदे होऐ सै पंफूलिया जिल्ले च जाई पुज्जे; 25 कने उना पंफूलिया जिल्ले दे पिरागा शेहरे च परमेश्वरे दे बचने दा प्रचार किता कने अत्तलिया शेहरे जो आई गे। 26 कने अत्तलिया शेहरे ला जहाजे पर अन्ताकिया शेहर जो मुड़ी आये, जिथू ला उना जो परमेश्वर दे अनुग्रह च सौंपीकरी उस कम्मे तांई भेजया था जिसयो उना जो पूरा किता।

27 अन्ताकिया शेहरे च पुज्जी करी उना कलीसिया गठेरी कने दसया, की परमेश्वरे साड़े सोगी होईकरी कदे बड़डे-बड़डे कम्म किते कने कियां परमेश्वरे होर जातियां जो यीशु मसीह पर भरोसा करणे दे काबिल बणाया। 28 ओथु पौलुस कने बरनबास चेलयां सोगी मते रोज रे।

15

1 कुछ यहूदी मसीह पर भरोसा करणे बाले यहूदिया

प्रदेशे ला अन्ताकिया शेहरे जो आए कने भरोसा करणे बालयां जो सिखाणा लग्गे: “अगर मूसा दिया व्यवस्था दे रिबाजे ला तुहाड़ा खतना नी होऐ तां तुहाड़ा उद्धार नी होई सकदा।”* 2 जालू पौलुस कने बरनबास दा उना सोगी झगड़ा कने बड़ी बेहस होई तां कलीसिया दे अगुवां पौलुस कने बरनबास जो कने उना सोगी कुछ होर चेलयां जो यरूशलेम शेहरे जो जाणे तांई चुणया, ताकि सै इसा गल्ला दे बारे च प्रेरितां कने कलीसिया दे अगुवां सोगी चर्चा करन।

3 कलीसिया उना जो यात्रा तांई पैसे कने रोटीयां दा इंतजाम कराई करी भेजया, कने सै फीनीके कने सामरिया प्रदेशां ला होंदे होऐ कने ओथु दे भरोसा करणे बालयां जो दसया की होर जातियां दे लोकां कियां अपणे पापां जो मन्नी लिया कने गलत कम्मा जो छड़ी करी यीशु मसीह पर भरोसा किता है। ऐ शुभसमाचार सुणीकरी सारे भरोसा करणे बाले भाई बड़े खुश होऐ। 4 जालू सै यरूशलेम शेहरे च पुज्जे, तां कलीसिया कने प्रेरित कने अगुवे उना सोगी खुशिया ला मिल्ले, कने पौलुस कने बरनबासे दसया की परमेश्वरे उना सोगी होईकरी कदे-कदे कम्म किते थे।

5 पर फरीसियां दे दले दे लोकां च जिना भरोसा कितया था, उना च कितणयां ही उठी करी बोलया, “होर जातियां जो खतना करणे कने मूसा दी व्यवस्था जो मनणे दा हुकम देणा चाईदा।” 6 तालू प्रेरित कने अगुवे इसा गल्ला दे बारे च बिचार करणे तांई गिठे होऐ।

* 15:1 15:1 (लैव्य. 12:3)

7 तालू पतरसे बड़ी लम्बी बेहस होई जाणे बाद खड़ोई करी उना जो बोलया, “हे मसीह भाईयो, तुसां जाणदे न, कि मते रोज होऐ न, की परमेश्वरे तुसां चे मिंजो चूणी लिया है, ताकि मेरे जरिये होर जातियां शुभसमाचार दा बचन सुणीकरी भरोसा करन।”

8 कने मने जो जाणने बाले परमेश्वरे उना जो भी साड़े सांई पबित्र आत्मा दिता, इयां करिके उनी दसया की उनी होर जातियां जो अपणे लोक होणे तांई चुणी लिया है। 9 कने भरोसे दे जरिये उना दे मन शुद्ध करिरी सांझो च कने उना च कोई भी फरक नी रखया।

10 तां हुण तुसां कजो परमेश्वरे जो परखदे न, की साड़ी यहूदी व्यवस्था कने रिती रिबाजां जो मणने तांई इना होर जातियां दे भरोसा करणे बालयां पर भारी बोज पान, जिसयो ना साड़े बाप दादे चुकी सकदे थे कने ना असां चुकी सकदे न। 11 इयां करणा ठीक नी है, साड़ा भरोसा तां ऐ है कि जियां उना जो प्रभु यीशुऐ दे अनुग्रह ला उद्धार मिलणा, तियां ही सांझो भी मिलणा, ना की मूसा दिया व्यवस्था जो मन्नी करी।

12 तालू सारी सभा चुपचाप होईकरी बरनबास कने पौलुस दी सुणना लगगी, जियां ही उना अदभुत चिन्न चमत्कारां दे बारे दसया जड़े परमेश्वरे उना दे जरिये होर जातियां च किते। 13 जालू उना बोलणा बंद किता, तां याकूब बोलणा लगगा, “हे मसीह भाईयो, मेरी सुणा।”

14 शमौन पतरसे समझाया, कि परमेश्वरे पेहली बरी होर जातियां चे कुछ लोकां जो अपणे लोक होणे तांई चुणी करी उना जो आशीष दिती। 15 कने होर जातियां दा परमेश्वरे दे लोक बणना ऐ उसा गल्ला ला सहमत होंदा है, जिदे बारे च परमेश्वरे दे संदेश देणेबालयां पबित्र शास्त्र च बड़े पेहले लिखया था।

16 “तालू मैं बापस आंणा कने दाऊद दे राज्य जो दुबारा बणाणा जड़ा उदे दुशमणा वरबाद करी दितया है, कने उसयो दुबारा बणाई देणा। † 17 इस तांई होर सारे लोक कने सारियां होर जातियां दे लोक जिना जो मैं अपणे लोक होणे तांई चुणया है, उना प्रभु जो तोपणा, 18 ऐ सेई प्रभु बोलदा है जड़ा बड़े पेहले ला इना गल्लां दा समाचार दिन्दा आया है।‡

19 इस तांई मेरा विचार ऐ है, कि सांझो होर जातियां तांई परमेश्वरे बाल मुड़ना कठिन नी बणाणा चाईदा;

20 पर असां उना जो इक चिट्ठी लिखी भेजन, की सै उस खाणे जो ना खान जिसयो लोकां मूर्तियां जो चढ़ाया हो, कने ना व्यभिचार करदे कने ना ही गल्लां घोटी करी मारयो जानवरां दा मांस खांदे कने ना ही खून खांदे। 21 क्योंकि पूराणे बकते ला शेहरे-शेहरे च मूसा दिया इस

व्यवस्था दे प्रचार करणे बाले होंदे आये न, कने सै हर सब्ते दे रोजे यहूदी जंज घरां च पढी जांदी है।”

22 तालू यरूशलेम शेहरे दिया सारिया कलीसिया कने प्रेरितां कने अगुवां जो ऐ खरा लगगा, कि अपणे चे कुछ माणुआं जो चुणी करी पौलुस कने बरनबासे सोगी अन्ताकिया शेहरे जो भेजन, उना इस तांई यहूदा जो, जिसयो बरअब्बा भी बोलदे न, कने सीलास जो चुणया, कने ऐ दोनों कलीसिया च सारयां ला इज्जतदार अगुवे थे। 23 कने सै इसा चिटिया जो अपणे सोगी लेई गे जिसा च लिखया था की, “ऐ चिट्ठी प्रेरितां कने अगुवां दिया तरफा ला है जड़े तुहाड़े भाई न, असां अन्ताकिया शेहरे दे कने सीरिया कने किलिकिया प्रदेशां दे होर जातियां दे लोकां जो जड़े यीशु मसीह पर भरोसा करदे न, उना जो नमस्ते भेजदे न।

24 असां सुणाया है कि, साड़े ऐथू यरूशलेम ला कुछ अगुवे ओथु गे कने उना दियां गल्लां ला तुहांजो बुरा लगगा कने तुसां दुखी होऐ, पर असां उना जो हुकम नी दितया था। 25 इस तांई असां इक मन होईकरी यहूदा कने सीलास जो चुणने दा फेसला लिया, ताकि उना जो अपणे प्यारे भाई बरनबास कने पौलुसे सोगी तुहाड़े बाल भेजन। 26 ऐ तां ऐसे माणु न, जिना अपणे प्राण साड़े यीशु मसीह दी सेवा तांई खतरे च पायो न।

27 कने असां यहूदा कने सीलास जो भेजया है, जिना तुहाड़े सामणे अपणे मुऐ ला ऐ गल्लां दस्सी देणियां न। 28 पबित्र आत्मा जो कने सांझो भी ऐ ठीक लगगा कि इना जरूरी गल्लां जो छड़ी करी, तुहांजो पर होर बोझ ना पान; 29 कि तुसां मूर्तियां अगगे चढ़ायो खाणे जो मत खांदे, कने व्यभिचार कने गला घोटी करी मारयो जानवरां दा मांस कने उना दा खून मत खांदे। अगर तुसां इना ला दूर रेंगे तां तुहाड़ा भला होणा। शुभकामना।”

30 फिरी कलीसिया उना जो ओथु ला भेजी दिता कने अन्ताकिया शेहरे च पुज्जे, कने सभा जो गठेरी करी उना जो चिट्ठी देई दिती। 31 कने सै उस उपदेशे जो पढी करी बड़े खुश होए। 32 कने यहूदा कने सीलासे जड़े अपु भी परमेश्वरे दे संदेश देणेबाले थे, मतियां गल्लां ला भरोसा करणे बाले भाईयां जो शिक्षा देईकरी प्रोत्साहित कने मजबूत किता।

33 (यहूदा कने सिलास थोड़े हफते ओथु रे, कने मसीह भाईयां उना जो शांति दी आशीष देईकरी यरूशलेम शेहरे दिया कलीसिया च बापस भेजी दिता।) 34 पर

† 15:16 15:16 (यिर्म. 12:15) ‡ 15:18 15:18 (आमो. 9:9-12, यशा. 45:21)

सीलासे अन्ताकिया शहरे च रेणे दा फेसला किता, इस ताई यहूदा किल्ला ही यरूशलेम शहरे जो बापस चली गया। ³⁵ कने पौलुस कने बरनबास अन्ताकिया शहरे च रेई पे, कने होर मते लोकां सोगी प्रभु यीशु दे बचना दी शिक्षा कने शुभसमाचार सुणादें रे।

३६ थोड़े बकत बाद पौलुस बरनबासे जो बोलया,

“जिना-जिना शहरे च असां प्रभु दे बचन सुणायो थे, ओआ, ओथु बापस जाई करी अपणे विश्वासी भाईयां जो दिखदे न कि सै कदे न।” ³⁷ तालू बरनबासे यूहन्ना जो जिसयो मरकुस बोलदे न, सोगी लेई जाणे दा विचार किता। ³⁸ पर पौलुसे बोलया यूहन्ने हार मन्नी लियो है कने सांझो छडी करी चली गया है जालू असां पंफूलिया इलाके च थे, इस ताई उसयो सोगी लेई जाणा खरा नी समझया।

³⁹ ऐसी बेहस होई कि पौलुस कने बरनबास इकी दुज्जे ला लग होई गे, कने बरनबास, मरकुस जो लेई करी जहाजे पर साइप्रस टापु जो चली गया।

⁴⁰ पर पौलुसे सीलास जो चूणी लिया, कने मसीह भाईयां उना जो परमेश्वरे दे अनुग्रह च सौपी दिता कने फिरी सै दोनों ओथु ला अन्ताकिया शहरे ला चली गया। ⁴¹ कने फिरी सै पुरे सीरिया कने किलिकिया प्रदेशां च गे कने कलिसियां दे भरोसा करणे बालयां जो प्रोत्साहित करदे गे।

16

१६ फिरी पौलुस दिरबे कने लुस्त्रा शहरे च भी गे,

कने ओथु तीमुथियुस नाए दा इक चेला था। उदी माता यहूदी विश्वासी थी, पर उदा पिता यूनान देशे दा था।

² सै लुस्त्रा इकुनियुम शहरां दे भरोसा करणे बाले भाईयां चे इज्जतदार था। ³ पौलुसे दी इच्छा थी कि तीमुथियुस उदे सोगी चले, कने उनी तीमुथियुस दा खतना इस ताई कराया ताकि उस जगा दे यहूदी लोक उदी सुणन, क्योंकि सै सारे जाणदे थे, कि उदा पिता यूनानी था।

⁴ पौलुस कने उदे सोगी शहरे-शहरे जाई करी सै उना नियमां जो जड़ियां यरूशलेम शहरे दे प्रेरितां कने अगुवां बणाईयां थियां, उना जो विश्वासियां बाल पुजांदे थे ताकि सै उना नियम दा पालन करन। ⁵ इयां कलीसिया भरोसे च मजबूत होंदी गई कने हर रोज गिणतिया च बददी गई।

६ इक रोज जालू असां प्राथना करणे बालिया जगा जो चलयो थे, तां सांझो इक दासी मिली, जिसा च इक ऐसी बुरी आत्मा थी, जिदिया सहायता ला सै भविष्य दिखी लेंदी थी, कने सै अपणे स्वामियां ताई मतां कुछ कमाई लोंदी थी। ¹⁷ सै पौलुसे कने साडे पिच्छे आई करी चिलाणा लगी, “ऐ माणु परम प्रधान परमेश्वरे दा दास है, सै तुसां जो दसा दे न कि कियां बची सकदे न।”

⁶ कने सै फरूगिया कने गलातिया प्रदेशां चे होई करी गे, क्योंकि पबित्तर आत्मा उना जो आसिया प्रदेशे च बचन सुणाणे ताई मना किता। ⁷ कने उना मूसिया प्रदेशे दे बखे पुज्जी करी, बितूनिया प्रदेश जाणा चांदे थे; पर यीशुए दिया आत्मा उना जो जाणा नी दिता। ⁸ तां सै मूसिया प्रदेशे ला होई करी बंदरगाह बाले शहर त्रोआस जो आए।

⁹ ओथु पौलुसे राती इक दर्शन दिखया कि इक मकिदुनी प्रदेशे दा मर्द खडोतया, कने उसला बिनती करी के बोलदा है, “समुन्दरे पार उतरी करी मकिदुनिया प्रदेशे च आ, कने साड़ी सहायता कर।” ¹⁰ जालू पौलुसे ऐ दर्शन दिखया, तालू असां झट मकिदुनिया प्रदेशे जो जाणे दी योजना बणाई, ऐ समझी करी कि परमेश्वरे सांझो शुभसमाचार सुणाणे ताई सदया है।

११ इस ताई असां त्रोआस शहरे ला जहाजे जरिये सुमात्राके टापु च आए कने दुज्जे रोजे नियापुलिस शहरे दिया बंदरगाह च आये। ¹² ओथु ला असां फिलिपी शहरे च पुज्जे, जडा मकिदुनिया प्रदेशे दा मुख्य शहर, कने रोमियां दी बस्ती है, कने असां उस शहरे च थोड़े रोजां दीकर रे। ¹³ सब्दे दे रोजे असां शहरे दे फाटके बाहर खडडा बखे ऐ सोची करी गे कि ओथु यहूदियों दी प्राथना करणे दी जगा होणी, कने बेई करी उना जनानिया ने गल्लां करणा लग्गे, जड़ियां ओथु गठुइयां थियां।

¹⁴ कने ओथु इक लुदिया नाए दी जनानी उना दे बचन सुणा दी थी जड़ी थुआतीरा शहरे ला बैजणी कपडे बेचदी थी, सै परमेश्वरे दी भक्त थी, कने परमेश्वरे उसा दा मन खोलया, ताकि सै पौलुसे दियां गल्लां पर ध्यान लगाए। ¹⁵ कने जालू उना अपणे पुरे टब्बरे समेत बपतिस्मा लिया, तां उना बिनती किती, “अगर तुसां मिंजो परमेश्वरे पर भरोसा करणे बाली समझदे न, तां मेरे घेरेंणा चला,” “कने सै सांझो मनाई करी अपणे घरे लेई गई।”

१६ इक रोज जालू असां प्राथना करणे बालिया जगा जो चलयो थे, तां सांझो इक दासी मिली, जिसा च इक ऐसी बुरी आत्मा थी, जिदिया सहायता ला सै भविष्य दिखी लेंदी थी, कने सै अपणे स्वामियां ताई मतां कुछ कमाई लोंदी थी। ¹⁷ सै पौलुसे कने साडे पिच्छे आई करी चिलाणा लगी, “ऐ माणु परम प्रधान परमेश्वरे दा दास है, सै तुसां जो दसा दे न कि कियां बची सकदे न।”

¹⁸ सै मते रोजां दीकर इयां ही करदी रेई, कने पौलुस

दुखी होई गिया, कने मुड़ी करी बुरी आत्मा जो बोलया, “मैं तिजो यीशु मसीह दे नाए ने हुकम दिन्दा है, कि इसा चे निकली जा, कने सै तालू ही निकली गई।”

19 जालू उसा दे मालिके दिखया कि, साड़िया कमाईया दी आस तां चली गई, तां सै पौलुस कने सीलासे जो पकड़ी करी चौके च प्रधाना बाल खिची लेई गे। 20 कने उना जो फौजदारिया दे हाकिमा बाल लेईजाई करी बोलया, “ऐ लोक जड़े यहूदी न, साड़े शेहरे च बड़ा हंगामा करा दे न, 21 कने ऐसे तरीके दसा दे न, जिना जो अपनाणा कने मनणा रोम देश च रेणे बालयां तांई ठीक नी है।”

22 तालू लोकां दी भीड़ पौलुस कने सीलासे दे बरोध च गिठी होईकरी चढ़ी आई, कने हाकिमा उना दे कपड़े फाड़ी करी उतारी दिते, कने उना जो डंडे मारणे दा हुकम दिता। 23 कने मते डंडे मारी करी उना जो जेला च पाई दिता, कने जेल अधिकारिये जो हुकम दिता कि साबधानी ला उना दी रखबाली करा। 24 कने ऐसा हुकम मिलणे ला उनी उना जो अंदरे बालिया कोठड़िया च रखया कने उना दे पैरां जो लकड़िया दियां बेड़ियां ला जकड़ी दिता।*

????? ???? ??????? ?? ??????? ?? ????????

25 लगबग अधिया राती पौलुस कने सीलास प्राथना करदे होए परमेश्वरे दे भजन गा दे थे, कने कैदी उना दी सुणा दे थे। 26 कने इतणे च अचानक इक बड़ा बडा हिलण होया; ऐथू दीकर कि जेला दियां नियां भी हिली गिईयां, झट सारे दरबाजे खुली गे, कने सारयां दे बंधन खुली गे।

27 कने दरोगा उठी होया, कने जेला दे दरबाजे खुले दिखीकरी समझया कि सारे कैदी नठी गियो न, कने सै तलबारा कड़ी करी अपने आपे जो मारणा लगगा। 28 पर पौलुसे जोरे ने पुकारी करी बोलया, “अपणे आपे जो कुछ मत करदा, क्योंकि असां सारे ऐथू ही न।”

29 तालू सै दिख्या मंगाई करी अंदरे गिया कने कमदा होया पौलुसे कने सीलासे अगगे पेई गिया,

30 कने उना जो बार आंणी करी बोलया, “हे सजनो, उद्धार पाणे तांई मैं क्या करे?”

31 उना बोलया, “प्रभु यीशु पर भरोसा कर, तां तेरा कने तेरे घराने दा उद्धार होणा।” 32 कने उना उसयो कने उदे सारे घरे दे लोकां जो प्रभु दे बचन सुणाए। 33 कने राती उसी बेले उना जो लेईजाई करी उना दे जख्म धोते, कने उनी कने उदे लोकां उसी बेले बपतिस्मा लिया। 34 कने उनी उना जो अपने घरे लेईजाई करी, उना अगगे

खांणा रखया, कने सारे घराने समेत परमेश्वरे पर भरोसा करिरी खुशी मनाई।

35 जालू अगलिया ब्यागा हकीमा सिपाईयां जो ऐ बोली भेजया कि उना माणुए जो छड़ी दिया। 36 दरोगे ऐ गल्ल पौलुसे जो सुणाई, “कि हाकिमा तुहांजो छड़ी देणे दा हुकम भेजी दितया है, इस तांई हुण निकली करी शांतिया ने चली जा।” 37 पर पौलुसे उना जो बोलया, “उना सांझो जड़े रोम देश च रेणेबाले माणु न, बिना दोष साबित कितयो सांझो लोकां दे सामणे मारया कने जेला च पाया, कने हुण क्या सै चुपचाप बाहर निकाली देणा चांदे न? ऐसा नी होणा, पर सै अपु आई करी सांझो बार लेई जान।”

38 सिपाईयां ऐ गल्लां हाकिमा ने बोली दीतियां, कने सै ऐ सुणीकरी की सै रोम देशे दे नागरिक न, सै डरी गे, 39 कने आई करी उना ला माफी मंगी कने बार लेईजाई करी बिनती कितो कि शेहरे ला चली जा।

40 सै जेला ला निकली करी लुदिया दे ऐथू गे, कने चेलयां ला मिली करी उना जो शांति दिती, कने चली गे।

17

???????????????????? ??????? ? ??????? ?????

1 फिरी पौलुस कने सीलास अम्फिपुलिस शहर कने अपुल्लोनिया शहरे ला होईकरी थिस्सलुनीके शहरे च आए, जिथू यहूदी जंज घर था। 2 कने पौलुस रोजे सांई उना बाल गिया, कने तिन सब्तां दे रोजां पर पबित्त्र शास्त्रां ला उना सोगी चर्चा किती। 3 कने उना गल्लां दा मतलब खोली-खोली करी समझांदा था कि मसीह जो दुख होणा, कने मरयां च जिन्दा होणा जरूरी था; “ऐई यीशु जिदे बारे च मैं प्रचार करता है, सेई मसिहा है।” 4 उना चे कुछ यहूदियां, कने परमेश्वर दा डर मनणे बाले यूनानियां कने मतियां खास जनानिया भरोसा उना दे बचना पर भरोसा करी लिया, कने पौलुसे कने सीलासे सोगी जुड़ी गे।

5 पर यहूदियां जलना ने भरूई करी बजारू लोकां चे केई बुरे माणुए जो अपने सोगी लेई लिया, कने भीड़ लगाई करी शहरे च दंगे करणा लगगे, कने उना यासोने दे घरे पर हमला कितो, सै पौलुस कने सीलासे जो लोकां दे सामणे लोणा चांदे थे। 6 कने सै उना जो नी मिल्ले, कने सै चिलांदे होए यासोन कने उदे कुछ मसीह भाईयां जो शहरे दे हाकिमा सामणे खिची लेई आये, “ऐ लोक जिना सारियां जगा च परेशानी पाईयो है, ऐथू भी आयो

* 16:24 16:24 रोमी शाशक लकड़िया दियां बेड़ियां केदियां जो प्रताड़ित करणे तांई इस्तेमाल करदे थे, जिदे च लतां तांई दो छेद होंदे थे ताकि केदिए दियां लतां जो फेलाई करी उना छेदा च पाई सकन जिसने उसयो बड़ा जादा दर्द हो।

न।”⁷ कने यासोने उना दा अपणे घरे च स्वागत किता, कने ऐ सारे महाराजा कैसेरे दे हुकमा दा बिरोध करदे न कने बोलदे न कि इक होर राजा है जिदा ना यीशु है।⁸ जालू लोकां कने शेहरे दे हाकिमा ऐ गल्लां सुणियां तां सै परेशान होई गे।⁹ कने उना यासोन कने बाकी लोकां जो जमानता पर छडी दिता।

?????? ???? ? ???? ???? ???? ???? ?

¹⁰ चेलयां झट रातो रात पौलुस कने सीलास जो बिरीया शेहरे च भेजी दिता, कने सै ओथु पुज्जी करी यहूदी जंज घर च गे।¹¹ ऐ लोक तां थिस्सलुनीके शेहरे दे यहूदियां लोकां ला खुले दिले दे थे कने उना बड़िया लालसा ला बचन जो अपनाया कने रोज पबित्र शास्त्रां च इना गल्लां जो तोपदे रेंदे कि ऐ गल्लां ऐसियां हेन कि नी न।¹² इस तांई उना चे मतयां, कने यूनान देशां दियां इज्जतदार जनानिया चे कने मर्दां चे मतयां भरोसा किता।

¹³ पर जालू थिस्सलुनीके शेहरे दे यहूदियां जो पता चला कि पौलुस बिरीया शेहरे च भी परमेश्वरे दा बचन सुणा दे है, तां सै ओथु आई करी भी लोकां जो भड़काणा कने हंगामा करणा लगगे।¹⁴ तालू चेलयां झट पौलुसे जो ओथु ला भेजी दिता कि तू समुंदरे कंडे चली जा; पर सीलास कने तीमुथियुस बिरीया शेहरे च ही रेई गे।¹⁵ सै लोक जड़े पौलुसे जो लेई चलयो थे, सै उस सोगी एथेंस शेहरे दीकर गे, पर पौलुस दे इसी हुकमे सोगी सै बिरीया शेहरे जो मुडी गे कि सीलास कने तीमुथियुस जो झट ही उदे बाल भेजी दिया।

?????? ???? ? ???? ?

¹⁶ जालू पौलुस एथेंस शेहरे च उना दा इंतजार करा दा था, तां शेहरे जो मूर्तियां ला भुर्या दिखीकरी उदा मन बड़ा दुखी होया।¹⁷ इस तांई सै हर सब्ब दे दिन यहूदी जंज घरे च यहूदियां कने परमेश्वर दा डर मनणे बाले होर जाति दे लोकां सोगी बाद-बिबाद करदा कने चौंका पर जड़े भी लोक मिलदे थे, उना ला हर रोज चर्चा करदा था।

¹⁸ तालू सै गुरू जड़े इपिकूरी कने स्तोईकी करी के जाणे जांदि थे, इना चे कुछ उसला बेहस करणा लगगे, कने केईयां बोलया, ऐ बकवास करणे बाला क्या बोलणा चांदा है? पर दुजयां बोलया, ऐ कुसी होरसी देशे दे देवतयां दा प्रचारक लगगा दा है, क्योंकि सै यीशु दा कने मरयां चे जिन्दा होणे दा शुभसमाचार सुणादां था।

¹⁹ तालू सै उसयो अपणे सोगी अरियुपगुस नाये दे यहूदी महासभा जो लेई गे कने पुछ्या, “क्या असां जाणी सकदे न, कि ऐ जड़ी नोई शिक्षा तू सिखा दा है, सै क्या है?”²⁰ क्योंकि तू सांझो अनोखियां गल्लां सुणादा है, इस तांई असां जाणना चांदि न की इना सारियां गल्लां दा क्या मतलब है?”²¹ इस तांई की सारे एथेंस शेहरे दे बासी कने परदेसी जड़े ओथु रेंदे थे, नोईयां-नोईयां गल्लां बोलणे कने सुणने दे सिवा होर कुसी कम्मे च बकत नी बितांदि थे।

?????????????? ? ???? ? ???? ? ? ???? ? ? ???? ?

²² तालू पौलुसे अरियुपगुस नाये दी सभा दे बिच खडोई करी बोलया, हे एथेंस शेहरे दे लोको, मैं दिखा दा है कि तुसां हर गल्ला च देवतयां जो बड़ा मंदे न।

²³ क्योंकि मैं गुमदे होए तुहाड़ियां अराधना करणे बालियां चीजां जो दिखा दा था, तां इक ऐसी वेदी भी मिली, जिसा पर लिखया था, “अनजाणे ईश्वरे तांई।” इस तांई तां जिसयो तुसां बिना जाणयो अराधना करदे न, मैं तुसां जो उदा समाचार सुणादा है।

²⁴ जिनी परमेश्वरे धरतिया कने उदियां सारियां चीजा जो बणाया है, सै स्वर्ग कने धरतिया दा मालिक होईकरी हथे ला बणायो मंदरा च नी रेंदा है।*²⁵ ना ही कुसी चिजा दिया जरूरता दिया बजा ला उसयो माणुऐ दिया सहायता दी जरूरत नी है, क्योंकि सै तां अपु ही सारयां जो जिन्दगी कने सारयां प्राणियां जो सांस कने सब कुछ दिन्दा है जड़ा उना जो जरूरत है।†

²⁶ उनी शुरू च इक ही माणुऐ ला सारे माणुआं दियां सारियां जातियां सारिया धरतिया पर रेणे तांई बणाईयां न; कने उनी माणुऐ जो जिणे तांई उना दी उमर कने उना दिया जगा जो तय कितया, ‡²⁷ परमेश्वरे इस तांई किता ताकि लोक उसयो तोपन, कने होई सकदा है। सै उना जो तोपदे-तोपदे मिली जाऐ, असल च सै सांझो ला कुसी ला भी दूर नी है।§

²⁸ क्योंकि सै सेई है जड़ा साड़े जिणे कने चलणे-फिरणे दी बजा बणदा है कने सै बणादां है जड़े असां असल च हेन; कने ठीक तियां ही जदिया तुहाड़े कवियां बोलया भी है, “असां तां उदे ही वंश भी न।”

²⁹ इस तांई परमेश्वरे दी ओलाद होईकरी सांझो ऐ समझणा ठीक नी कि परमेश्वर, सोने या चांदी या पथरे सांई है, जड़े माणुऐ दिया सोचा कने कारिगारिया ला बणायो न।*

³⁰ इस तांई परमेश्वरे लोका दिया अज्ञानता दे युगां उपर ध्यान नी दिता, पर हुण हर जगा सारे माणुआं जो,

* 17:24 17:24 (1 राजा. 8:27, 2 इति. 6:18, भज. 146:6) † 17:25 17:25 यशा. 42:5, भज. 50:12, भज. 50:12 ‡ 17:26 17:26 (व्य. 32:8) § 17:27 17:27 (यशा. 55:6, यिर्म. 23:23) * 17:29 17:29 (उत्प. 1:27, यशा. 40:18-20, यशा. 44:10-17)

अपणे पापां जो मन्नी करी कने गलत कम्मा जो छडी देणे दा हुकम दिन्दा है। ³¹ क्योकि उनी इक दिन तय कितया है, जिदे च उनी उस माणुए जरिये धार्मिकता ला संसारे दा न्याय करणा है, जिसयो उनी नियुक्त कितया है, कने उसयो मरयां च जिन्दा करी के, इसा गल्ला दा सबूत सारयां लोकां जो देई दितया है।

³² कितणे ही लोक उस बकत मजाक उड़ाणा लगगे, जालू उनी मरयां च जिन्दे होणे दी गल्ल बोली, पर कितणे ही बोलणा लगगे, “ऐ गल्लां असां तिजो ला फिरी कदी सुणगे।” ³³ ऐ सुणी करी पौलुस उना दे बीचे ला चली गया। ³⁴ पर कुछ लोक उस सोगी मिली गे, कने प्रभु पर भरोसा किता; जिना च दियुनुसियुस जड़ा अरियुपगुस दा सदस्य था, कने दमरिस नाए दी इक जनानी थी, कने उना सोगी होर भी कुछ लोक थे।

18

???????????? ???? ? ???? ?

¹ इदे बाद पौलुस एथेंस शेहरे जो छडी करी कुरिन्थुस शेहरे जो आया। ² कने ओथु उसयो अक्विला नाए दा इक यहूदी मिल्ला, जिदा जन्म पुन्तुस प्रदेश च होया था; कने अपणी घरे वाली प्रिस्किल्ला सोगी इतालिया प्रदेश ला थोड़े बकत पेहले ही आया था, क्योकि महाराजा क्लौदियुसे सारे यहूदियां जो रोम देशे ला निकली जाणे दा हुकम दितया था, उसी हुकमे दिया वजा ला सै कुरिन्थुस शेहरे जो आये। ³ पौलुस उना ला मिलणा गया। पौलुस कने अक्विला दा इक ही कारोबार था; इस तांई तां सै उना सोगी रेईकरी कम्म करणा लगगा, सै दोनों तम्बू बणाणे बाले थे। ⁴ कने पौलुस हर सब्ते दे रोजे यहूदी जंज घर च चर्चा करिरी यहूदियां कने यूनानियां जो भी यीशु मसीह पर भरोसा करणे तांई समझांदा था।

⁵ जालू सीलास कने तीमुथियुस मकिदुनिया प्रदेशे ला आये, तां पौलुसे तम्बूआं बणाणे दा कम्म छडी दिता कने अपणा सारा बकत बचन सुणाणे च कने यहूदियां जो गबाई देणे च लाई दिता कि यीशु ही मसीहा है। ⁶ पर जालू यहूदी पौलुस दी बेइज्जती कने बिरोध करणा लगगे, तां उनी अपणे कपड़यां दी धूड़ झाड़ी करी ऐ दसया की परमेश्वरे उना ला खुश नी है कने बोलया, “परमेश्वरे दे संदेश जो नी मनणे दिया बजा ला तुसां अपु ही उसा सजा तांई जिम्मेबार न, जड़ा तुसां जो परमेश्वर दी तरफा ला मिलणी है। मैं निर्दोष है। हुणे ला मैं होर

जातियां बाल जाणा कने उना जो परमेश्वरे दे संदेश दा प्रचार करणा।”

⁷ कने पौलुस होर जाति दे लोकां जो बचन दी शिक्षा देणे तांई यहूदियां दे जंज घरे ला चली करी तितुस युस्तुस नाए दे इक होर जाति दे माणुए दे घरे होर जातियां दे लोकां जो बचन दी शिक्षा देणा आया, कने सै माणु परमेश्वरे दी अराधना करदा था, कने उदा घर यहूदी जंज घरे ला नेड़े ही था।

⁸ तालू यहूदियों दे जंज घरे दे सरदार किरस्पुसे अपणे सारे परिवारे समेत प्रभुए पर भरोसा किता; कने मतयां कुरिन्थस शेहरे चरणे बालयां लोकां पौलुसे जो सुणीकरी भरोसा किता कने बपतिस्मा लिया।*

⁹ कने प्रभुए राती जो दर्शण देईकरी पौलुसे ने बोलया, “डर मत, बोली जा चुप मत रे; ¹⁰ क्योकि मैं तेरे सोगी है, कने कोई तिजो पर हमला करी कि तेरा नुक्सान नी करी सकदा है, क्योकि इस शेहरे च मते ऐसे लोक न जड़े मेरे लोक न।” ¹¹ तांई तां पौलुस ओथु डेढ़ सालां दीकर परमेश्वरे दा बचन सिखांदा रिया।

¹² जालू गल्लियो अखाया प्रदेशे दा हाकिम था तां यहूदी लोकां गिठे होईकरी पौलुसे दे खिलाफ खड़े होई गे, कने उसयो कचेरी च लेई गे कने बोलणा लगगे, ¹³ “कि परमेश्वरे दी भक्ति ऐसिया रितिया ला करा, जड़ा व्यवस्था ला बिलकुल उल्टा है।”

¹⁴ जालू पौलुस बोलणा ही लगगा, तालू ही गल्लिया यहूदियां ला बोलया, “हे यहूदियों, अगर ऐ कोई अन्याय या बुराईया दी गल्ल होंदी तां ठीक था कि मैं तुहाड़ी सुणदा। ¹⁵ पर अगर ऐ बाद-बिबाद अखरां कने ना दा है, कने तुहाड़े यहूदी दी व्यवस्था दे बारे च है, तां तुसां ही जाणा; क्योकि मैं इना गल्लां दा न्यायी नी बणना चांदा।”

¹⁶ कने गल्लियो हुकम दिता कि सै उना जो कडी दे कने उनी उना जो कचेरिया ला कडी दिता। ¹⁷ तालू सारे लोकां यहूदियों दे जंज घरे दे सरदार सोस्थिनेस जो पकड़ी करी कचेरिया सामणे ही मारणा शुरू करी दिता। पर गल्लिया इसा गल्ला दी कोई भी चिंता नी किती।

???????????? ???? ? ???? ?

¹⁸ पौलुस मते रोजां दीकर कुरिन्थुस शेहरे च रिया, फिरी मसीह भाईयां ला विदा लेईकरी किरंखिरया शेहरे दिया बंदरगाह च जहाज तोपणे तांई चली गया। कने उसी शेहरे च पौलुसे अपणा मुंडन कराई लिया, क्योकि उनी इक सुखण सुखियो थी। बादे च सै पाणिये दे

* 18:8 18:8 किरस्पुस: सै कुलुस्सियां 1:14 च कुछ लोकां च इकी दे रूपे च उल्लेखित है जिसया पौलुसे अपणे हथां ला बपतिस्मा दितया था।

जहाजे ला सीरिया प्रदेश जो चली गया। उदे सोगी प्रिस्किल्ला कने अक्विला भी थे।

19 कने सै इफिसुस शेहरे च आये कने पौलुसे प्रिस्किल्ला कने अक्विला जो ओथु ही छडी दिता। कने अपु इफिसुस शेहरे दे यहूदी जंज घर च जाई करी यहूदियां ने बाद-बिबाद करणा लगगा। † 20 उना उसला बिनती किती की, “साड़े सोगी थोड़े रोज होर रेई ले।” पर सै नी मनया; 21 पर पौलुस उना ला ऐ बोली करी विदा होया की, “अगर परमेश्वरे चाया तां मै तुहाड़े बाल फिरी ओंगा।” तालू सै इफिसुस शेहरे ला जहाजे पर चढी करी चली गया;

22 कने सै कैसरिया शेहरे च उतरी करी यरूशलेम शेहरे जो गया कने ओथु सै कलीसिया दे लोकां ला मिली करी अन्ताकिया शेहरे च आया।

?????? ? ? ? ? ? ? ? ? ? ? ? ? ? ?

23 फिरी थोड़े हफ्ते ओथु रेई करी अन्ताकिया शेहरे ला चली गया, कने गलातिया कने फरूगिया इलाकयां ला जांदे बेले ओथु दे सारे चेलयां जो मजबूत करदा गया।

?????? ? ? ? ? ? ? ? ? ? ? ? ? ? ?

24 अपुल्लोस नाए दा इक यहूदी जिसदा जन्म सिंदरिया शेहरे च होया था, सै बड़ा अकला बाला माणु था कने पबित्र शास्त्रां जो ढंगे ने जाणदा था, सै इफिसुस च आया। 25 उनी प्रभु दे रस्ते दी शिक्षा लियो थी, कने मन लाई करी यीशुए दे बारे च सुणदा कने सिखांदा था, पर सै सिर्फ यूहन्ना दे बपतिस्मे दी गल्ल जाणदा था। 26 सै यहूदी जंज घरां च बिना डरयो बोलणा लगगा, जालू प्रिस्किल्ला कने अक्विला उदियां गल्लां सुणीकरी, तां उना उसयो अपणे घरयो सदया कने परमेश्वरे दा रस्ता उसयो होर भी ढंगे ला दसया।

27 कने जालू अपुल्लोस अखाया प्रदेशे जो जाणा चांदा था, तां मसीह भाईयां उसयो प्रोत्साहित करिरी चेलयां जो लिखया कि सै उसला अच्छे ला मिलन, कने उनी ओथु पुज्जी करी उना लोकां दी बड़ी सहायता किती जिना अनुग्रह दिया बजा ला भरोसा कितया था। 28 क्योंकि सै सरेआम साबित करदा था की यहूदियां दी शिक्षा गलत है कने पबित्र शास्त्रे ला इदे सबूत भी दिन्दा था कि यीशु ही सै मसीहा है।

19

?????? ? ? ? ? ? ? ? ? ? ? ? ? ? ?

1 कने जालू अपुल्लोस कुरिन्थुस शेहरे च था, तां पौलुस सड़का दे जरिये अंदरूनी इलाके ला होई करी

इफिसुस शेहरे जो आया कने उदी मुलाकात कुछ चेलयां ला होई। 2 उनी बोलया, क्या तुहांजो भरोसा करदे बेले पबित्र आत्मा मिल्ली? उना उसयो बोलया, “असां तां पबित्र आत्मा दे बारे च सुणया भी नी है।”

3 तालू पौलुसे उना जो पुछया, “तां फिरी तुहाड़ा बपतिस्मा कियां होया?” उना बोलया, “असां यूहन्ना दा बपतिस्मा लिया।” 4 पौलुसे बोलया, “यूहन्ना उना लोकां जो बपतिस्मा दिता जिना पाप करणा छडी दितयो थे कने परमेश्वरे पासे मुड़ी गे, पर उनी इस्राएल दे लोकां जो बोलया कि उसी इकी पर विश्वास करा जड़ा मेरे बाद ओणे बाला है, सै ही यीशु है।”

5 ऐ सुणीकरी उना प्रभु यीशु दे नाए दा बपतिस्मा लिया। 6 कने जालू पौलुसे उना पर हथ रखया, तां उना पर पबित्र आत्मा उतरी, कने सै होर-होर बोलियां च बोलणा कने भविष्यवाणी करणा लगगे। 7 सै सारे लगभग बारा मर्द थे।

8 कने तालू पौलुस यहूदी जंज घरे च जाई करी बिना डरयो तिन्न मिनयां दीकर बोलदा रिया, कने परमेश्वरे दे राज्य दे बारे च बेहस करदा कने समझांदा रिया। 9 पर उना बिचे ला कुछ लोक बड़े जिदी थे उना भरोसा करणे ला मना करी दिता, कने लोकां सामणे यीशु मसीह दे इस रस्ते जो बुरा भला बोलणा लगगे, इस तांई पौलुस अपणे चेलयां जो सोगी लेई करी ओथु ला चली गया, कने हर रोज तरन्नुस दे स्कूले च जाई करी भरोसा करणे बालयां जो परमेश्वरे दे बारे शिक्षा दिन्दा कने समझांदा था। 10 दो सालां दीकर ऐई होंदा रिया, कने आसिया प्रदेश दे रेहणे बाले सारयां यहूदियां कने सारे यूनानियां प्रभु दा बचन सुणी लिया।

?????? ? ? ? ? ? ? ? ? ? ? ? ? ? ?

11 कने परमेश्वर पौलुसे दे जरिये अनोखे चमत्कार दसदा था। 12 ऐथू दीकर कि रूमालां कने तौलियां जो उदे शरीरे ला छुआई करी बिमारां पर रखदे थे, तां उना दियां बिमारियां खरियां होई जांदियां थियां; कने बुरियां आत्मा उना ला निकली जांदियां थियां।

13 पर कुछ यहूदी मर्द जड़े जादू टोणा करिरी बुरियां आत्मा जो कडदे थे, सै यीशु दा ना बुरियां आत्मा जो कडणे तांई करदे थे, कने सै ऐ बोलदे थे की, “मै तुहांजो उस यीशु मसीह दे नाए ला जिदा प्रचार पौलुस करदा है बाहर निकलने दा हुकम दिन्दा है।” 14 कने स्विकवा नाए दे इक यहूदी बड़े याजके दे सत्त पुत्र थे, जड़े इयां ही करदे थे।


† 18:19 18:19 इफिसुस: ऐ शेहर इओनिआ, आसिया माइनर च था, करीब 40 मील स्मरना दे दक्षिण च था

15 पर बुरियां आत्मा जबाब दिता, “यीशुए जो मैं जाणदी है कने पौलुसे जो भी जाणदी है, पर तू कुण है?” 16 कने उनी माणुए जिदे च बुरी आत्मा थी; उना पर झपटी करी, उना जो काबू करी लिया, कने उना दी ऐसी हालत किती, कि सै नंगे कने जख्मी होईकरी उसी घरे ला नठी गे। 17 कने जालू ऐ गल्ल इफिसुस शेहरे दे रेहणे बाले सारे यहूदी कने यूनानी जाणी गे, कने से सारे डरी गे; कने प्रभु यीशुए दे नाए दी महिमा किती।

18 कने जिना भरोसा कितया था, उना चे मतयां लोकां आई करी सबना सामणे अपणे गलत कम्मा जो मन्नी लिया। 19 कने जादू टोंणा करणे बालयां चे मतयां अपणियां-अपणियां पोथियां गिठियां करिरी सारे सामणे फुकी दितियां; कने जालू उना दी कीमत जोड़ी, तां सै पंजा झार चांदिये दे सिक्कां बराबर निकली।

20 इयां मतयां लोकां प्रभु यीशु दे बचना दे बारे च सुणया, कने बचन शक्तिशाली तरिके ला उना दियां जिंदगियां जो बदलदा गया।

21 जालू ऐ गल्लां होई गियां तां पौलुसे मकिदुनिया प्रदेश कने अखाया प्रदेश दे भरोसा करणे बालयां ला मिलणे बाद यरूशलेम शेहरे जो जाणे दा फेसला किता, कने उनी बोलया, “यरूशलेम शेहरे जो जाणे बाद मिंजो रोम शेहरे जो जाणा भी जरूरी है।” 22 इस तांई उनी अपणे साथियां चे तीमुथियुस कने इरास्तुस जो मकिदुनिया प्रदेश अपु ला पेहले भेजी दिता, कने अपु कुछ बकत आसिया प्रदेशे दे इफिसुस शेहरे च रेई पिया।



23 उस बेले यीशु मसीह दे रस्ते दे बारे च बड़ा हंगामा होया। 24 क्योंकि देमेत्रियुस नाए दा इक चांदी दा कारीगर था, जड़ा अरतिमिस यूनानी देवी दे मंदरे दे चांदी दे ढांचे बणवांदा था, कने कारीगरां जो उना बणाणे तांई बड़े पैसे दिन्दा था। 25 दिमेत्रियुसे अपणे कारीगरां जो सदया कने इयोदियां चीजां दे कारीगरां जो गिठे करिरी बोलया, “हे भाईयो, तुसां जाणदे न कि इसी कम्मे ला सांझो कितणा पैसा मिलदा है। 26 कने तुसां दिखदे कने सुणदे न कि सिर्फ इफिसुस शेहरे च ही नी, बल्कि सारे आसिया प्रदेश दे सारे ग्रां च, इनी पौलुसे ऐ बोली करी मते लोकां जो समझाया कने भटकाया भी है, कि जड़ी हथां दी कारीगिरी है, सै ईश्वर नी है। 27 कने सिर्फ इसा इकी गल्ला दा ही डर नी है, कि साड़े इस कम्मे दी इज्जत मान चली जाणा; बल्कि ऐ की हुण लोकां महान देवी अरतिमिसा दे मंदरे जो भी महत्व नी देणा कने खुद देवी अरतिमिस जिसा जो पूरे आसिया प्रदेशे च कने

सारे संसारे दे लोक पूजदे न उसा दी इज्जत मान नी होणा।”

28 सारे कारीगर ऐ सुणीकरी गुस्से च आई गे कने चीलाई-चीलाई करी बोलणा लग्गे, “इफिसियों दी अरतिमिस, महान है।” 29 शेहरे दे केई होर लोकां चिल्लाणे दियां अबाजां सुणियां कने सै भी जाई करी भिड़ा सोगी मिली गे कने सारे शेहरे च हंगामा होई गिया कने लोकां गयुस कने अरिस्तर्खुस कने मकिदुनिया प्रदेशे दे रेणे बालयां जो जड़े पौलुसे सोगी यात्री थे, पकड़ी लिया, कने गिठे होईकरी रंगशाला च दोड़ी गे।

30 पौलुस भी रंगशाला दे अंदर जाई करी लोकां ला गल्ल बात करणा चांदा था, पर चेलयां उसयो जाणा नी दिता। 31 आसिया दे हकीमा चे भी उदे दोस्तां उसयो बोली भेजया कने बिनती किती, की रंगशाला दे अंदर जाई करी अपणी जान खतरे च मत पांदा।

32 रंगशाला दे अंदर, सारे लोक चिल्ला दे थे, कोई कुछ बोला दा था कने कोई कुछ होर। सारा कुछ गड़ बड़ था, कने मते लोक तां ऐ जाणदे भी नी थे कि असां कजो गिठे होयो न।

33 तालू यहूदी लोकां सिकन्दरे जो भिड़ा चे धक्का देईकरी अग्गे करी दिता, कने सिकन्दरे लोकां जो चुप रेणे तांई हथे ला इशारा किता कने लोकां जो समझाणे दी कोशिश किती कि क्या होआ दा है।

34 पर जालू उना जो पता लग्गा कि सै यहूदी है, कने जड़े मसीही लोकां सांई मूर्तिपूजा नी करदे थे, तां सारे दे सारे इकी अबाजा च कोई दो घंटे दीकर चिलांदे रे, “इफिसियों दी अरतिमिस, महान है।” 35 तालू शेहरे दे मंत्रिऐ लोकां जो शांत करिरी बोलया, “हे इफिसियों दे वासियों, सारे जाणदे न कि इफिसुस शेहरे दे लोक महान देवी अरतिमिस दे मंदरे दी कने उदिया मूर्तिया दी रखबाली करदे न जड़ी अम्बरे ला पियो थी। 36 जालू कोई इना गल्लां ला इनकार नी करी सकदा है, तां ठीक है कि तुसां चुप रिया; कने बिना सोचया बिचारयो कुछ मत करा। 37 क्योंकि तुसां इना माणुए जो लेईकरी आयो न, जड़े ना ता मंदरे जो लूटणे बाले न, कने ना ही साड़िया देविया दी बुराई करणे बाले न।

38 इसी वजा ला अगर देमेत्रियुस कने उदे साथी कारीगरां जो कुसी ला कोई दिक्कत है तां कचेरी खुली है, उना दे मुकदमे दा इन्साफ करणे तांई अधिकारी भी हेन; ओथु लोक इकी दुज्जे पर इलजाम लगाई सकदे न। 39 पर अगर तुसां कुसी होर गल्ला दे बारे च कुछ पूछणा चांदा न, तां शेहरे दिया सभा च फेसला होणा। 40 क्योंकि मिजों डर है की राज्यपाले इस सारे हंगामे दे बारे च सुणना कने बोलणा कि असां रोमी सरकार दे

खिलाफ विद्रोह करणे दी कोशिश करा दे थे। इस ताई कि इदी कोई बजा नी है, कि असां इसा भिड़ा दे गिठे होणे दा जबाब नी देई सकणा।” 41 कने ऐ बोली करी उनी सभा जो बीदा किता।

20

1 जालू हंगामा रुकी गया तां पौलुसे चेलयां जो सदीकरी उत्साहित किता, कने उना जो अलविदा बोली करी मकिदुनिया प्रदेश जो चली गया। 2 सै उस सारे प्रदशे चे होईकरी कने चेलयां जो बड़ा उत्साहित करिरी सै यूनान प्रदेश च आया। 3 तिन्न महीने रेईकरी जालू सै ओथु ला जाजे पर सीरिया प्रदेश जो जाणा लगया था, पर उनी सुणया कि यहूदियां उसयो रस्ते च मारणे दी सलाह बणाईयो है, इस ताई उनी फेसला किता की मकिदुनिया प्रदेशे ला बापस ओदे होए सीरिया प्रदेशे जो जाऐ।

4 इसा यात्रा च बिरिया शेहरे दे वासी पुरुस दा पुत्र सोपत्रुस कने थिस्सलुनीकिया शेहरे ला अरिस्तर्खुस कने सिकुन्दुस कने दिरबे शेहरे दा गयुस, कने तीमुथियुस कने आसिया प्रदेशे दा तुखिकुस कने त्रुफिमुस उदे सोगी चली पै। 5 कने सोगी यात्री सांझो ला अगगे चली गे कने त्रोआस शेहरे च पुज्जी करी सांझो नियालना लगगे। 6 *कने अखमीरी रोटियां दे त्योहारे दे बाद फिलिप्पी शेहरे ला जाजे पर चड़ी करी उना बाल पंजा रोजां बाद त्रोआस शेहरे च पुज्जे, कने सत्त रोज ओथु ही रे।

7 हफते दे पेहले रोजे असां जालू प्रभु भोज खाणे ताई गिठे होए, तां पौलुसे जिनी दुऐ रोजे चली जाणा था, उना ला गल्लां कितियां, कने अधिया राती दीकर उना जो उपदेश दिन्दा रिया। 8 जिस उपरे बाले कमरे पर असां गिठे होयो थे, ओथु मते दिव्ये बल्यो थे।

9 कने युतुखुस नाऐ दा इक जवान खिड़किया च बेईकरी निद्रा ने झुला दा था, कने जालू पौलुस बड़िया देरा दीकर गल्लां करदा रिया, तां सै निद्रा दे झुटारे ने तिजिया मंजली ला पेई गिया, कने जालू कुछ लोकां आई करी उसयो चुक्या तां तालू दिकर सै मरी गिया था। 10 पर पौलुस थले उतरया कने उदे बाल जाई करी उसयो गले ने लाईकरी बोलया, “घबरा मत; क्योंकि ऐ हल्ले भी जिंदा है।”

11 कने उनी दुबारा उपर जाई करी प्रभु भोज किता, कने अगली भयागा होणे दिकर गल्लां करदा रिया; कने फिरी सै चली गया।

12 फिरी सै उस जवाने जो ओथु ला जिन्दा लेई गे, कने बड़े खुश होऐ।

13 पौलुसे अस्सुस शेहरे ताई जमिनी यात्रा करणे दा फेसला किता, बाकी असां लोक समुन्द्री जाजे ला अगगे चली गे, कने असां ओथु ला उसयो अपणे सोगी जहाजे च लेई जाणे दी योजना बणा दे थे। 14 जालू पौलुस अस्सुस शेहरे च सांझो मिल्ला तां असां उसयो जाजे पर चढ़ाई करी मितुलेने शेहरे जो आये।

15 दुऐ रोजे ओथु ला यात्रा करदे होये असां खियुस टापू च पुज्जे कने उसला अगले रोजे उदे बखे ला होईकरी सामुस टापू च पुज्जे कने उसला अगले रोजे मीलेतुस शेहरे जो आऐ। 16 क्योंकि पौलुसे इफिसुस शेहरे च नी जाणे दा फेसला किता क्योंकि सै आसिया प्रदेशे च होर जादा बकत नी बिताणा चांदा था, ताकि कुथी ऐसा ना होए कि, उसयो आसिया शेहरे च देर लगगे; क्योंकि सै जल्दिया च था, कि अगर होई सके, तां सै पिन्तेकुस्त दे त्योहारे बाले रोजे यरूशलेम शेहरे च बकते पर पुज्जे।

17 कने जालू असां मीलेतुस शेहरे च उतरे, तालू पौलुसे इफिसुस शेहरे दिया कलीसिया दे अगुवां जो संदेशा गलाई भेजया की, सै आई करी उसयो मिलन। 18 जालू सै उदे बाल आये, तां उनी उना जो बोलया, “तुसां जाणदे न, कि मैं कियां तुहाड़े सोगी रिया, पेहले ही रोजे ला जालू मैं आसिया प्रदेशे च पुज्जा, तां मैं सारा बकत तुहाड़े सोगी ही बिताया। 19 मतलब की बड़िया दीनता ला, कने रोई-रोई करी, कने उना परीक्षां च जड़ियां यहूदी लोकां दिया साजिशा दिया बजा ला मिंजो पर आईयां, मैं तमी प्रभु दी सेवा करदा रिया। 20 कने जड़ियां-जड़ियां गल्लां तुहाड़े फायदे दियां थियां, उना जो दसणे ताई कने लोका दे सामणे कने घरे-घरे जाई करी सिखाणे ला भी कदी नी डरया। 21 कने यहूदी लोकां कने होर जातियां सामणे गबाई दिन्दा रिया कि परमेश्वरे सामणे अपणे पापां जो मनी लिया कने गलत कम्मा जो छड़ी दिया, कने साड़े प्रभु यीशु पर भरोसा करा।

22 कने हुण, मैं पबित्तर आत्मा दे जरिये मजबूर होईकरी यरूशलेम शेहरे जो चलया है, कने मिंजो नी पता कि ओथु मिंजो पर क्या-क्या बितणी है, 23 सिर्फ

* 20:6 20:6 कने असां दोनो जमिना दे रस्ते ला होईकरी फिलिप्पी शेहरे दी यात्रा किती

ऐई कि पबित्र आत्मा हर श्हेरे च चेताबनी देईकरी मिंजो ला बोलदा है कि बंधन कने क्लेश तिजो तांई तैयार न। 24 पर मिंजो अपणी जिन्दगी ला कोई प्यार नी है, मैं तां बस अपणिया उसा दोड़ा जो, कने उस सेवा जो पूरा करना चांदा, जड़ी मिंजो परमेश्वरे दे अनुग्रह दे शुभसमाचार पर गबाई देणे तांई प्रभु यीशुए ला मिलियो है।

25 कने मैं तुसां सारयां बिच परमेश्वरे दे राज्य दा प्रचार किता, कने हुण मैं जाणदा है तुसां चे कोई भी मिंजो दुबारा नी दिखणा। 26 इस तांई अजे दे दिन तुसां ला गबाई देईकरी बोलदा है, कि तुसां च अगर कोई भी यीशु पर भरोसा कितयो बिना मरी जादां है, तां से मेरी गलती नी है। 27 क्योंकि मैं तुसां जो सै सब कुछ दसया है जड़ा परमेश्वर चांदा है कि तुसां जाणन।

28 इसी तांई अपणी कने अपणे झुंडे दी देखभाल करा; जिना च पबित्र आत्मा तुहांजो अगुवा बणाया है ताकि तुसां परमेश्वरे दिया कलीसिया दी रखवाली करन, क्योंकि परमेश्वरे उना जो अपणे पुत्रे दा खून देईकरी खरीदया है। 29 मैं जाणदा है, कि मेरे जाणे बाद तुसां बिच झूठे गुरुआं ओणा है कने उना भरोसा करणे बालयां दा बड़ा नुकसान करणा। सै उना फाड़ने बाले भेड़ियां सांई होणे जड़े भेड़ां जो मारी दिन्दे न। 30 ऐथू दिकर की तुहाड़े अपणे भरोसा करणे बालयां दे दले चे ऐसे लोक ओणे न, जिना चेलयां जो अपणे पिच्छे खीचणे तांई उल्टियां सिदियां गल्लां करणियां न।

31 इस तांई ध्यान रखा, कने याद रखा कि मैं तिन्ना सालां दीकर रात दिन रोई-रोई करी, हर इकी जो चेताबनी देणा नी छडया। 32 कने हुण मैं तुहांजो परमेश्वरे जो, कने उदे अनुग्रह दे बचना जो सौपी दिन्दा है; जड़ा तुसां दे भरोसे जो मजबूत करी सकदा है, कने परमेश्वरे तुसां जो सै बिरासत देणी जिसा दा बायदा उनी उना सारयां लोकां ला कितया है जड़े उदे जरिये पबित्र कितयो न।

33 मैं कुदे भी सोने, चांदी या कपड़े दा लालच नी किता। 34 तुसां तां अपु ही जाणदे न कि इना हथां ही मेरी कने मेरे साथियां दी जरूरतां पुरियां कितियां न। 35 मैं तुहांजो सब कुछ करिरी दसया है की, कड़ी मेहनत करिरी सांझो कमजोरां दी सहायता करणी चाईदी कने प्रभु यीशु दे बचना जो याद रखणा जरूरी है, प्रभुए अपु ही बोलया है: लेणे ला देणा धन्य है।”

36 ऐ बोली करी उनी घुटणे टेके कने उना सबना सोगी प्राथना किती। 37 तालू सै सारे बड़े रोए कने पौलुसे दे गले लगी करी उसयो चुमणा लगगे। 38 सै खासकर इसा

गल्ला तांई दुखी थे, जड़ी उनी बोली थी, तुसां मिंजो फिरी दुबारा नी दिखणा। कने उना उसयो जाजे दीकर पूजाया।

21

????? ?

1 असां जालू उना ला विदा लेईकरी समुंद्री यात्रा शुरू किती, तां असां सीधे रस्ते ला कोस टापु च आए, कने दुए रोजे रूदुस टापु च, कने ओथु ला पतरा श्हेरे च पुज्जी गे; 2 कने पतरा श्हेरे ला इक जाज सांझो फीनीके प्रदेश जो जांदा होया मिल्ला, कने असां उदे पर चढ़ी करी यात्रा शुरू करी दिती।

3 असां खबे पासे साइप्रस टापु दिखया कने असां ओथु ला निकली करी सीरिया प्रदेशे दिया सीमा पासे अगगे चली गे कने सूर श्हेरे च जाई पुज्जे क्योंकि ओथु जाजे ला समान उतारणा था। 4 कने ओथु असां कुछ चेलयां जो तोपया कने असां ओथु उना सोगी सत रोजां दीकर रे। उना पबित्र आत्मा दे जरिये हर बार पौलुसे ला यरूशलेम श्हेरे जो नी जाणे दी विनती करदे रे।

5 सत्त रोज बाद जालू ओथु ला साड़े जाणे दा बकत आया, कने सै सारे जनानिया कने बचयां समेत सांझो श्हेरे ला बारे दीकर पुजाया कने असां समुंदरे बखे घुटणे टेकी करी प्राथना किती। 6 तालू इकी दुज्जे ला विदा होईकरी, असां तां जाजे पर चढ़ी गे, कने सै अपणे-अपणे घरे जो बापस चली गे।

7 जालू असां सूर श्हेरे ला शुरू कितियो यात्रा पुरी करिरी असां पतुलिमयिस श्हेरे च पुज्जे, कने मसीही भाईयां जो नमस्ते करिके उना सोगी इक रोज रे। 8 दुए रोजे असां ओथु ला चली करी कैसरिया श्हेरे च आये, कने फिलिप्पुस शुभसमाचार प्रचार करणे बाले दे घरे जाई करी रे, सै उना सतां मर्दा चे इक था जिना जो यरूशलेम श्हेरे च प्रेरितां विधवां दी देखभाल करणे तांई चुणयां था।

9 उदियां चार कुआरियां कुड़ियां थियां; जड़ियां भविष्यवाणी करदियां थियां। *

10 जालू सांझो कैसरिया श्हेरे च रेंदे होए मते रोज होई गे, तां ओथु अगबुसे नाए दा इक परमेश्वर दा संदेश देणे वाला यहूदिया प्रदेशे ला आया। 11 उनी साड़े बाल आई करी पौलुसे दा कमरबंद लिया, कने उसयो अपणे हथा पैरां च बन्नी करी बोलया, “कि पबित्र आत्मा ऐ बोलदी है, कि जिस माणुए दा ऐ कमरबन्द है, उसयो यरूशलेम श्हेरे च यहूदियां इयां ही बनणा है कने होर जातियां दे हथे देई देणा है।”

* 21:9 21:9 (योए. 2:28)

12 असां जालू ऐ गल्लां सुणियां, तालू असां कने ओथु दे लोकां पौलुसे ला बिनती किती कि, यरूशलेम शेहरे जो मत जांदा। 13 पर पौलुसे जबाब दिता, तुसां क्या करा दे न, रोई-रोई करी मेरा मन तोड़ा दे न? मैं तां प्रभु यीशुऐ दे नाऐ ताई यरूशलेम शेहरे च सिर्फ बनूणे ताई ही नी बल्कि मरणे ताई भी तैयार है। 14 जालू सै नी मनया तां असां ऐ बोली करी चुप होई गे, “प्रभुऐ दी इच्छा पुरी हो।”

15 थोड़े रोजां बाद असां तैयारी किती कने यरूशलेम शेहरे जो चली पे। 16 कैसरिया शेहरे दे भी कुछ चले साड़े सोगी चली पे, कने सै सांझो मनासोन नाऐ दे बंदे दे घरे लेई गे, जड़ा यरूशलेम शेहरे च रेंदा था कने साइप्रस टापू दा था, सै सबना ला पेहले दे चेलयां चे इक था।

२२२२२२ २२ २२२२२२२ २२ २२२२२२

17 असां जालू यरूशलेम शेहरे च पुज्जे, तां भरोसा करणे बाले भाईयां साड़ा बड़िया खुशिया ला स्वागत किता। 18 दुऐ रोजे पौलुस सांझो सोगी याकूबे दे घरे गया, जिथू सारे अगुवे गिटे होयो थे। 19 तालू पौलुसे उना जो नमस्कार किता, कने जड़े-जड़े कम्म परमेश्वरे पौलुसे दिया सेवकाईया दे जरिये होरनी जातियां च कितयो थे, सै सारे कम्म इक-इक करिरी उना जो दस्से।

20 अगुवां ऐ सुणीकरी परमेश्वरे दी महिमा किती, फिरी उना बोलया, हे भाई पौलुस, तू जाणदा है न, कि यहूदियां चे केई हजारों लोकां भरोसा किता है; कने सै सारे मूसा दिया व्यवस्था दा पालन बड़िया बफादारिया ला करदे न। 21 कने कुछ लोकां उना यहूदियां जो दसया जिना दा तेरे बारे च ऐ विश्वास है, कि तू होर जातियां च रेणेबाले यहूदियां जो मूसा दी व्यवस्था जो छडी देणे ताई सिखांदा है, कने बोलदा है, कि ना बचयां दा खतना करा कने ना ही इना यहूदी रिती-रिबाजां पर चला।

22 तां फिरी क्या करणा चाईदा? उना जो पक्का ऐ पता लगगी जाणा है कि तू ऐथू आया है। 23 इस ताई जड़ा असां तिजो बोलदे न, सै कर। साड़े ऐथू चार माणु न, उना जो सै मन्नत पूरी करणी है जड़ी उना परमेश्वरे दे सामणे मनियो है। 24 उना जो लेईकरी उना सोगी अपणे आपे जो शुद्ध करणे दिया बिधिया जो पूरा कर; कने उना ताई खर्चा दे, ताकि सै सिर मुंडवाई सकन। तालू सारयां जो पता लगणा, कि जड़ियां गल्लां उना तेरे बारे च सुणियां न, सै गल्लां सच नी न, कने तू अपु भी मूसा दिया व्यवस्था जो मन्नी करी उदे अनुसार चलदा है।

25 पर उना होर जातियां दे बारे च जिना भरोसा कितया है, असां ऐ फेसला करिरी चिट्ठी लिखी भेजी

है, की सै उस खाणे जो ना खान जिसयो लोकां मूर्तियां जो चढ़ाया हो, कने व्यभिचार मत करदे कने गल्लां घोटी करी मारयो जानवरां दा मांस कने खून मत खादे।

26 दूऐ रोजे पौलुसे उना माणुआं सोगी जाई करी अपु जो शुद्ध किता, तां सै मंदरे जो गे, कने ऐ घोषणा किती, कि शुद्धी दे रोज कालू मुकणे न, मतलब की उना चे हर इकी ताई भेंट चढ़ाणे दे दिन कालू पुरे होंगे।

२२२२२२ २ २२२२२२ २२ २२२२२२२ २२२२२

27 जालू सै सत्त रोज पुरे होणे बाले थे, तां आसिया प्रदेशे दे कुछ यहूदियां पौलुसे जो मंदरे च दिखीकरी सारयां जो भड़काया, फिरी पौलुसे जो पकड़ी लिया कने चिल्लाणा लगगे, 28 “हे इस्राएलियां, सहायता करा; ऐ सै ही माणु है, जड़ा हर जगा साड़े यहूदी लोकां दे, कने मूसा दिया व्यवस्था दे कने इसा जगा दे खिलाफ च सारे लोकां जो सिखांदा है, ऐथू दीकर की होर जाति दे लोकां जो भी इस मंदरे च आंणी करी इस पबित्तर जगा जो अपबित्तर करी दिता है।” 29 उना ऐसा बोलया क्योंकि इसला पेहले इफिसुस शेहरे दे वासी तरुफिमुस जो पौलुस सोगी शेहरे च दिखया था, कने समझदे थे कि पौलुस उसयो मंदरे च लेई आया है। †

30 तालू शेहरे च हल्ला पेई गया, कने लोक दोड़ी करी गिटे होऐ, कने पौलुसे जो पकड़ी करी मंदरे बार घसीटी लेई आये, कने झट दरबाजे बंद करी दिते। 31 जालू सै पौलुसे जो मारी देंणे दी कोशिश करा दे थे, तां रोमी सिपाईयां दे सरदारो जो खबर पुज्जी कि यरूशलेम शेहरे च मते सारे लोक हंगामा करा दे न।

32 तालू सै झट सिपाईयां कने सुबेदारां जो लेईकरी उना बाल आया; कने लोकां दिया भीड़ा सरदारो जो कने सिपाइयां जो दिखीकरी पौलुसे जो मारणा बंद करी दिता। 33 तालू पलटना दे सरदारो पौलुसे बाल आई करी उसयो पकड़ी लिया; कने दो सुंगला ला बनणे दा हुकम देईकरी पूछणा लगगा, “ऐ कुण है, कने इनी क्या कितया है?”

34 पर भिड़ा चे कोई कुछ बोलणा लगगा कने कोई कुछ, कने जालू रोले दिया बजा ला सच्चाई पता नी लगगी, तां उसयो किले च लेई जाणे दा हुकम दिता।

35 जालू सै पोड़ियां पर पुज्जा, तां इयां होया कि भिड़ा दिया बजा ला सिपाईयां जो उसयो चुकी करी लेई जाणा पिया। 36 क्योंकि लोकां दी भीड़ ऐ बोली करी पिच्छे पियो थी, इसयो मारी दिया।

† 21:29 21:29 रुफिमुस: सै पौलुसे सोगी उदे इफिसुस ला ओणे दे रस्ते च सोगी चली पिया, प्रेरित 20:4।

37 जालू सै पौलुसे जो किले च अंदर लेई जाणा लगयो थे, तां उनी पलटना दे सरदारे जो बोलया, क्या मिंजो इजाजत है कि मैं तिजो कुछ बोलें? उनी बोलया, “क्या तू यूनानी भाषा जाणदा है? 38 क्या तू सै मिस्र देशे दा माणु नी है, जिनी कुछ बकत पेहले सरकारा दे खिलाफ बिरोध कितया था कने चार जार आतंकियों जो सुनसान जगा च लेई गया था?”

39 पौलुसे बोलया, “नी, मैं तां इक यहूदी है, कने किलिकिया प्रदेशे दे खास तरसुस शेहरे दा रेणे बाला है। कने मैं तिजो ला बिनती करदा है, कि मिंजो लोकां ने गल्लां करणा दे।” 40 जालू उनी हुकम दिता, तां पौलुसे पथरे दिया पोडियां पर खड़ोई करी लोकां जो चुप रेणे तांई हथे ला इशारा किता। तालू सै चुप होई गे, तां सै इब्रानी भाषा बोलणा लगगा।

22

ⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂ

1 “हे भाईयों कने बजुर्गो सुणा, जड़े इल्जाम मिंजो पर लगयो न, उदे बचाव च मैं कुछ तुहाड़े सामणे बोलणा है।”

2 सै ऐ सुणीकरी कि सै सांझो ला इब्रानी भाषा च बोला दा है, सै होर भी चुप होई गे। तालू उनी बोलया:

3 मैं यहूदी है, मेरा जन्म किलिकिया प्रदेशे दे तरसुस शेहरे च होया है; पर इस शेहरे च गमलीएल दे पैरां बाल बेईकरी शिक्षा लियो है, कने पूर्वजां दी व्यवस्था भी मिंजो ठीक रीतिया ला सिखाई; कने हुण जदिया उत्साह परमेश्वरे तांई तुहाड़ा है, तदिया ही मेरा भी था।

4 मैं प्रभु यीशु मसीह दे रस्ते जो खत्म करणे तांई इदे चेलयां जो बड़ा सताया। मैं मर्द कने जनानिया दोनो जो बन्नी करी, जेला च पाई करी, उना जो मरवाई भी दिता।

5 खुद महायाजक कने अगुवां दी सारी सभा भी गबाह न कि, मैं उना ला यहूदी भाईयां तांई चिठियां लेईकरी दमिश्क शेहरे जो चलया था, ताकि जड़े ओथु न उना जो सजा देंगे तांई बन्नी करी यरूशलेम शेहरे जो लेई ओए।

ⓂⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂ ⓂⓂ ⓂⓂⓂⓂⓂ

(ⓂⓂⓂⓂⓂⓂⓂ 9:1-19; 26:12-18)

6 जालू मैं चलदे-चलदे दमिश्क शेहरे बखे पुज्जा, तां इयां होया कि लगवग दोपहर दे बकते अचानक अम्बरे ला मेरे चारो पासे इक लौ चमकी। 7 कने मैं जमिना पर पेई गया: कने ऐ अबाज सुणोई, हे शाऊल, हे शाऊल, तू मिंजो कजो तंग करदा है? 8 मैं जबाब दिता, हे प्रभु जी, तू कुण है? उनी मिंजो बोलया, मैं नासरत शेहरे दा रेणे बाला यीशु है, जिसयो तू तंग करदा है।

9 कने मेरे साथियां लौ चमकदी तां दिखी, कने जड़ा मिंजो सोगी बोला था उना उदी अबाज सुणी, पर सै समझी नी सके की अबाजा मिंजो ला क्या बोलया।

10 तालू मैं बोलया, प्रभु जी मैं क्या करे? प्रभुए मिंजो ने बोलया, उठी करी दमिश्क शेहरे जो जा कने जड़ा कुछ तू करणा है सै तिजो ओथु दसी देणा है। 11 जालू उसा लौई दिया चमका दिया बजा ला मिंजो कुछ भी मिल्ला दा नी था, तां मैं अपने साथियां दा हथ पकड़ी करी दमिश्के शेहरे जो आया।

12 तालू हनन्याह नाए दा व्यवस्था दे अनुसार इक धर्मी माणु, जड़ा ओथु रेणेबाले सारे यहूदियां च इज्जतदार था, सै मेरे बाल आया, 13 कने मेरे बखे खड़ोई गया कने मिंजो ला बोलया, हे भाई शाऊल, दुबारा दिखणा लगगी पो। तालू ही मेरियां हखी खुली गियां कने मिंजो दुबारा मिलणा लगगी पिया।

14 तालू उनी बोलया, साड़े बाप दादयां दे परमेश्वरे तिजो इस तांई चुणया है ताकि तू उदिया इच्छा जो जाणे, कने उस धर्मी जन जो दिखे, कने उदी अबाज सुणे।

15 क्योंकि तू उदिया तरफा ला सारे माणुआं सामणे इना गल्लां दा गबाह होणा, जड़ियां तू दिखियां कने सुणियां न। 16 हुण कजो देर करा दा है? उठ, कने बपतिस्मा ले, कने प्रभु दा ना लेईकरी अपने पापां जो धोई ले।

ⓂⓂⓂ ⓂⓂⓂⓂⓂⓂⓂⓂ Ⓜ ⓂⓂⓂⓂⓂⓂⓂ ⓂⓂ ⓂⓂⓂⓂⓂⓂⓂ

17 मैं जालू फिरी यरूशलेम शेहरे च आई करी मंदरे च प्राथना करा दा था, तां मैं बेसुध होई गया। 18 कने मैं प्रभु जो दिखया कने उसयो ऐ बोलदे सुणया, “झट पट करिरी यरूशलेम शेहरे ला निकली जा; क्योंकि जड़े लोक ऐथू न उना मेरे बारे च तेरी गबाई नी मनणी है।”

19 मैं बोलया, प्रभु जी मिंजो समझ नी आया की यरूशलेम शेहरे च यहूदियां मिजों पर भरोसा कनी करणा क्योंकि सै तां अपु ही जाणदे न की मैं तिजो पर भरोसा करणे बालयां जो जेला च पांदा कने मारदे-मारदे यहूदी जंज घरां ला लेई जांदा था। 20 कने जालू तेरे गबाह स्तिफनुसे जो मारा दे थे, तालू मैं भी ओथु खड़ोतया था, कने उसा गल्ला ला राजी था, कने उसयो मारणे बालयां दे कपड़यां दी रखवाली करा दा था। 21 कने प्रभुये मिंजो बोलया, तू चली जा: क्योंकि मैं तिजो होरनी जातियां बाल दूर-दूर भेजणा है।

22 ऐथू दीकर तां लोक पौलुसे दिया गल्ला जो ध्याने ला सुणदे रे पर, फिरी सै जोरे ला बोलणा लगगे, “ऐसे माणुए जो मारी दिया, इदा जिन्दा रेंणा ठीक नी।” उना ऐसा इस तांई बोलया क्योंकि सै नी मंदे थे की परमेश्वर यहूदियां जो छडी करी कुसी होरसी जातिया जो बचाई

सदीकरी बोलया, “इसी जवाने जो पलटना दे सरदारे बाल लेई जा, ऐ उसला कुछ बोलणा चांदा है।”

18 इस ताई सुबेदार पौलुसे दे भांजे जो पलटना दे सरदारे बाल लेईजाई करी बोलया, “केदी पौलुसे मिंजो सदीकरी बिनती किती, कि ऐ जवान पलटना दे सरदारे ला कुछ बोलणा चांदा है, इसयो उस बाल लेई जा।” 19 पलटना दे सरदारे उसयो हथ पकड़ी करी, कने उसयो लग लेईजाई करी पुछ्या, “तू मिंजो ला क्या बोलणा चांदा है?”

20 उनी बोलया, “यहूदियां गिठे होईकरी योजना बणाईयो, कि तिजो ला बिनती करन कि कल पौलुसे जो महासभा च लोए, कने ऐसा लगगे कि तू होर ठीक ढंगे ला उदी जांच करणा चांदा है। 21 पर कृपा करिरी तू उना दिया बिनतिया पर ध्यान मत दिन्दा, क्योंकि उना चे चालियां ला जादा माणु पौलुसे जो मारणे दिया ताका पर न, उना ऐ कसम खादियो है कि जालू दीकर असां पौलुसे जो नी मारगे, तालू दीकर ना खाणा है ना पिणा है, कने सै हुण तैयार न कने तेरे बचने दा इंतजार करा दे न।”

22 तालू पलटना दे सरदारे जवाने जो ऐ हुकम देईकरी भेजया, “कुसी ला मत बोलदा कि तू मिंजो ला ऐ गल्लां बोलियां न।”

२३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

23 तालू पलटना दे सरदारे दो सूबेदारां जो सदीकरी बोलया, “अज राती नौ बजे दीकर दो सो सपाई, सत्तर सवार, कने दो सो भाले बाले, कैसरिया शेहरे जो जाणे ताई तैयार रखा।” 24 कने पौलुसे दिया सवारिया ताई घोड़े जो तैयार रखा ताकि उसयो फेलिक्स राज्यपाले बाल ठीक-ठाक पुजाई सकन।

25 पलटना दे सरदारे राज्यपाले जो इक चिट्ठी भी लिखी:

26 “महाप्रतापी फेलिक्स राज्यपाले जो क्लौदियुस लुसियास दिया तरफा ला नमस्कार; 27 इस माणुऐ जो यहूदी पकड़ी करी मारणा चांदे थे, पर जालू मिंजो पता लगगा कि ऐ रोमी है, तां पलटन भेजी करी छुड़ाई लांदा।

28 कने मैं जाणना चांदा था, कि सै इस पर कुसा बजा ला दोष लांदे न, इस ताई उसयो उना दी महासभा च लेई गया। 29 तालू मैं जाणी लिया, कि सै अपणिया यहूदी व्यवस्था दे विवादां दे बारे च उदे पर दोष लगा दे न, पर ऐ कोई ऐसा दोष नी है, जिदे ताई उसयो मौत दी सजा या जेल होए। 30 कने जालू मिंजो दसया कि सै इस माणुऐ जो मारणे दिया ताका पर न, तां मैं झट उसयो तेरे बाल भेजी दिता; कने उना यहूदियां जो जिना उस पर दोष लाया है हुकम दिता, कि तेरे सामणे उदे पर दोष लान।”

31 सिपाइयां जो जड़ा हुकम दितया था तियां ही सै पौलुसे जो लेईकरी रातो रात अन्तिपत्रिस शेहरे च लेई आये। 32 दुऐ रोजे उना घुडसवारां जो पौलुसे सोगी कैसरिया शेहर जाणे ताई छुड़ी दिता कने सपाई अपु पैदल यरूशलेम शेहरे दे किले जो मुड़ी आये। 33 उना कैसरिया शेहरे च पुज्जी करी राज्यपाले जो चिट्ठी दिती; कने पौलुसे जो भी उदे सामणे खड़ा किता।

34 राज्यपाले चिट्ठी पढ़ी करी पुछ्या, “ऐ कुसी देशे दा है? कने जालू ऐ सब जाणी लिया कि सै किलिकिया प्रदेशे दा है।” 35 तां उसयो बोलया, “जालू सै लोक आंगे जिना तिजो पर दोष लाया है, तालू मैं तेरा मुकदमा सुणना है।” कने उनी पौलुसे जो राजा हेरोदेसे दे किले च पेहरे च रखणे दा हुकम दिता।

24

१ २ ३ ४ ५ ६ ७ ८ ९ १० ११ १२ १३ १४ १५ १६ १७ १८ १९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

1 पंजा रोजा बाद हनन्याह महायाजक केई यहूदी अगुवां कने तिरतुल्लुस नाए दे बकिले जो सोगी लेईकरी कैसरिया शेहरे च आया; उना राज्यपाल दे सामणे पौलुसे पर दोष लाए। 2 जालू पौलुसे जो ओथु सदया, तां तिरतुल्लुसे उस पर दोष लाईकरी बोलया, “हे महाप्रतापी फेलिक्स, तेरिया बजा ला असां बड़िया शांतिया ला रे दे न, कने तेरे इंतजाम ला इसा जातियां ताई कितणियां बुराइयां सुधरा दियां न।

3 इसयो असां हर जगा कने हर तरीके ला धन्याबाद सोगी मंदे न।

4 पर मैं तेरा जादा बकत नी लेंणा चांदा है, मैं तिजो ला बिनती करदा है, कि कृपा करिरी थोड़ी देर साड़ी सुणी ले। 5 ऐ माणु संसारे दे सारे यहूदियां बिच मतभेद कने मुसीबत पैदा करा दा है, कने ऐ इक ऐसे कुपंथे दे अगुवां चे भी है, जिस पंथे जो लोक नासरत दे यीशुऐ दे पिच्छे चलणे बाला पंथ बोलदे न। 6 उनी मंदरे जो अशुद्ध करणा चाया, कने तालू असां उसयो बंदी बणाई लिया। असां उसयो अपणिया व्यवस्था दे अनुसार सजा देणा चांदे थे;

7 पर पलटना दे सरदारे लुसियासे आई करी जबरदस्ती उसयो साड़े हथा ला छुड़ाई लिया, 8 कने इदे पर दोष लाणे बालयां जो तेरे बाल आणे दा हुकम दिता। इना सारियां गल्लां जो जिना दे बारे च असां उदे पर दोष ला दे न, तू अपु ही उसयो जांची करी सच्चाईया जो जाणी लेंणा है।” 9 यहूदियां भी उदा साथ देईकरी बोलया, ऐ गल्लां बिलकुल ठीक न।

१ २ ३ ४ ५ ६ ७ ८ ९ १० ११ १२ १३ १४ १५ १६ १७ १८ १९ २० २१ २२ २३ २४ २५ २६ २७ २८ २९ ३० ३१ ३२ ३३ ३४ ३५ ३६ ३७ ३८ ३९ ४० ४१ ४२ ४३ ४४ ४५ ४६ ४७ ४८ ४९ ५० ५१ ५२ ५३ ५४ ५५ ५६ ५७ ५८ ५९ ६० ६१ ६२ ६३ ६४ ६५ ६६ ६७ ६८ ६९ ७० ७१ ७२ ७३ ७४ ७५ ७६ ७७ ७८ ७९ ८० ८१ ८२ ८३ ८४ ८५ ८६ ८७ ८८ ८९ ९० ९१ ९२ ९३ ९४ ९५ ९६ ९७ ९८ ९९ १००

10 जालू राज्यपाले पौलुसे जो बोलणे ताई इशारा किता तां उनी जबाब दिता: “मैं ऐ जाणी करी कि तुसां इस देशे दा बड़े सालां ला न्याय करा दा है, इस ताई मैं खुशिया ला अपणा जबाब दिन्दा है।” 11 तू अपु ही पता लगाई सकदा है, कि जालू ला मैं यरूशलेम शेहरे च अराधना करणा मन्दरे च आया है, मिंजो बारा रोजां ला उपर नी होऐ न। 12 उना मिंजो ना मंदरे च, ना यहूदी जंज घरां च, कने ना शेहरे च कुसी ने बेहस करदे या ना भिड़ा जो गिठा करदे दिखया; 13 कने ना ही सै उना गल्लां जो, जिना दे बारे च सै हुण मिंजो पर दोष ला दे न, तेरे सामणे सच्च साबित करी सकदे न।

14 पर मैं तेरे सामणे ऐ मनी लेंदा है, कि मैं मसीह दे पंथे दा चेला होईकरी अपणे पूर्वजां दे परमेश्वरे दी सेवा करदा है, जिंसी पंथे जो ऐ माणु यहूदी झूठा पंथ बोलदे न: कने जड़ियां गल्लां मूसा दिया व्यवस्था च कने परमेश्वरे दा संदेश देणे बालयां दियां कताबां च लिखियां न, उना पर भरोसा करदा है। 15 कने परमेश्वरे पर आस रखदा है, जड़ी सै अपु भी रखदे न, कि परमेश्वरे धर्मी कने अधर्मी दोनो जो मरयां चे जिन्दा करी देणा। 16 इस ताई मैं अपु भी परमेश्वरे कने लोकां सामणे अपणी अंतरात्मा जो निर्दोष रखणे दी पूरी कोशिश करदा है।

17 मतयां सालां बाद मैं अपणे गरीब लोकां जो दान कने परमेश्वरे जो बलिदान चड़ाणे ताई यरूशलेम शेहरे च आया था। 18 उसी बकत उना मिंजो मंदरे च शुद्ध होणे दे रिबाजां जो पूरा करदे दिखया। ओथु ना तां कोई भिड़ थी कने ना ही कोई हल्ला था। 19 पर ओथु आसिया प्रदेशे दे कुछ यहूदी लोक थे, जिना हंगामा किता। अगर मैं कुछ गलत कितया था, तां उना जो मिंजो पर दोष लाणे ताई ऐथू तेरे सामणे होणा चाईदा था।

20 या इना माणुआं जो अपु ही बोलणा चाईदा, कि जालू मैं महासभा दे सामणे खड़ोतया था, तां उना जो मिंजो पर कुण दिया दोष मिल्ला? 21 सिर्फ इक दोष है जड़ा सै मेरे खिलाफ लाई सकदे न, सै ऐ है जालू मैं अंगणे च जोरे ला बोलया था, “पर ऐ मुकदमा मेरे पर इस ताई चलया है क्योंकि मैं भरोसा करदा है की परमेश्वरे उना लोकां जो जड़े मरी गियो न दुबारा जिन्दा करणा।”

22 राज्यपाल फेलिक्से जड़ा इसी पंथे दियां गल्लां जो अच्छे ला जाणदा था, उनी सुणवाई जो ऐ बोली करी स्थगित करी दिता, “कि जालू पलटना दा सरदार लूसियास आंगा, तां तुहाड़िया गल्लां दा न्याय करगा।” 23 कने सूबेदार जो हुकम दिता, कि पौलुसे जो थोड़ी छुट देईकरी उसयो पेहरे च रखा, पर उदे दोस्तां चे कुसयो भी इदी सेवा करणे ला मत रोकदे।

24 थोड़े रोजां बाद राज्यपाल फेलिक्स अपणी घरे बाली द्रूसिल्ला जो, जड़ी यहूदी थी, सोगी लेईकरी पौलुसे ला मिलणा आया कने पौलुसे जो सदया, कने उस भरोसे दे बारे च उसला सुणया जड़ा यीशु मसीह पर है। 25 जालू पौलुसे धार्मिकता कने अपणी इच्छां पर काबू रखणा कने परमेश्वरे जरिये होणे बाले न्याय दे बारे च दसणा शुरु किता, तां फेलिक्से डरीकरी जबाब दिता, “इस बकत तां तू जा; जालू मेरे बाल बकत होंगा तां मैं तिजो दुबारा सदी लेंगा।”

26 हालांकि फेलिक्स उना गल्लां दे बारे च डरदा था जड़ियां पौलुसे बोलियां थियां, फिरी भी सै पौलुसे जो सददा था, कने उस सोगी गल्लां करदा था क्योंकि सै सोचदा था की सै जेला ला छुटणे ताई उसयो कुछ पैसे दिंगा।

27 पर जालू दो साल बीती गो, तां पुरकियुस फेस्तुस, फेलिक्से दिया जगा पर राज्यपाल बणी गया, कने फेलिक्स यहूदियां जो खुश करणे दिया इच्छा ला पौलुसे जो केदी ही छड़ी गया।

25

1 उना रोजां बाद राज्यपाल फेस्तुस दे रुपे च यहूदिया

परदेश च आया। फिरी सै कैसरिया शेहरे ला यरूशलेम शेहरे जो गया। 2 तालू बड़े याजकां, कने यहूदियां दे अगुवां, उदे सामणे पौलुसे पर दोष लाऐ; 3 कने उसला बिनती कितती की उना दा समर्थन करे कि सै पौलुस जो यरूशलेम शेहरे च सदे, क्योंकि उना उसयो रस्ते च ही मारी देणे थी योजना बनाईयो थी।

4 फेस्तुसे जबाब दिता, “पौलुस कैसरिया शेहरे च केदी है, कने मैं अपु जल्दी ओथु जाणा है।” 5 फिरी बोलया, “तुसां ने जड़े बड़े माणु न, सै मेरे सोगी चलन, कने अगर उनी माणुऐ कुछ गलत कम्म कितया है, तां उस पर दोष लगान।”

6 यरूशलेम शेहरे च कोई अठ दस रोज रेईकरी सै कैसरिया शेहरे जो गया: कने दुऐ रोजे न्याय-आसने पर बेईकरी पौलुसे जो लोणे दा हुकम दिता। 7 जालू सै आया, तां यहूदी अगुवे जड़े यरूशलेम शेहरे ला आयो थे, उना अखे बखे खड़ोई करी उदे पर बड़े भरी दोष लाऐ, पर उना बाल इना दोषां जो सच्च साबित करणे ताई कोई सबूत नी था। 8 पर पौलुसे जबाब दिता, “मैं ना तां यहूदियां दिया व्यवस्था दे कने ना मंदरे दे, कने ना महाराजा कैसरे दे खिलाफ कोई अपराध कितया है।”

9 तालू फेस्तुसे यहूदी अगुवां जो खुश करणे दिया इच्छा ला पौलुसे जो पुच्छया, “क्या तू चांदा है की तेरे इना दोषां दी सुणवाई मेरे सामणे यरूशलेम शेहरे च हो?”

10 पौलुसे बोलया, “मैं महाराजा कैसरे दे न्याय-आसने सामणे खड़ोतया है: ठीक ऐई है की मेरे मुकदमे दी सुणवाई ऐथू ही होणा चाईदी। मैं यहूदी लोकां दे खिलाफ कोई भी अपराध नी कितया है, कने इसा गल्ला जो तू भी अच्छे ला जाणदा है।

11 अगर अपराधी है कने मौत दी सजा देंगे जोगा कोई कम्म कितया है, तां मैं मरणे ला नी मूकरदा है; पर जिना गल्लां दा ऐ मिंजो पर दोष ला दे न, अगर उना चे कोई गल्ल सच्च नी है, तां कुसी जो भी ऐ हक नी है की मिंजो इना दे हथे देई दे। मेरी बिनती है की मेरा न्याय महाराजा दे हथे ला होणा चाईदा।” 12 तालू फेस्तुसे अपणिया सभा सोगी बिचार करिरी जबाब दिता, “तू महाराजा केसरे दे हथे ला न्याय होंगे दी मांग किती है, तां तिमजो महाराजा कैसरे बाल ही भेजणा है।”

☞☞☞☞ ☞☞☞☞☞☞☞☞☞☞ ☞☞ ☞☞☞☞☞☞☞☞☞☞

13 थोड़े रोज होणे बाद राजा अगिरप्पे कने उदी छोटी बेहण बिरनीके कैसरिया शेहरे च आई करी राज्यपाल फेस्तुसे ला मिल्ले। 14 उना जो ओथु मते रोज रेहणे बाद फेस्तुसे उना ने पौलुसे दे बारे च दसया, “इक माणु है, जिसयो फेलिक्स केदी छडी गया है। 15 जालू मैं यरूशलेम शेहरे च था, तां बड्डे याजकां कने यहूदी अगुवां उस पर दोष लाऐ कने चांदे थे, कि उसयो मौत दी सजा हुकम मिल्ले। 16 पर मैं उना जो जबाब दिता, कि रोमियां दा ऐ रिबाज नी है, कि कुसी माणुऐ जो सजा देंगे तांई सौपी दें, जालू दीकर आरोपी जो अपणे दोष लांणे बालयां सामणे खड़े होईकरी दोषां दे जबाब देंगे दा मोका ना मिल्ले।

17 इस तांई जालू यहूदी अगुवे मेरे सोगी ऐथू कैसरिया शेहरे च आये, तां मैं कोई देर नी किती, कने दुऐ ही रोजे न्याय-आसने पर बेईकरी, पौलुसे जो अदालता च लोंणे दा हुकम दिता। 18 जालू उस पर दोष लांणे बाले खडुते, तां उना ऐसिया बुरियां गल्लां दा दोष नी लाया, जदिया मैं समजदा था। 19 पर उना बिच अपणे धर्मे जो लेईकरी कने यीशु नाऐ दे माणुऐ दे बारे च कुछ झगडा था, जडा मरी गया था, पर पौलुस दाबा करदा था की यीशु जिन्दा है। 20 क्योंकि मिंजो नी पता था की इना गल्लां दी जांच पड़ताल कियां करे, इस तांई मैं पौलुसे जो पुच्छया, क्या तू यरूशलेम च शेहरे च मुकदमे दी सुणवाई तांई राजी है।

21 पर जालू पौलुसे बिनती किती की महाराजा कैसर ही मेरा न्याय करे, तां मैं हुकम दिता, कि जालू दीकर मैं उसयो महाराजा कैसरे बाल नी भेजें, उदी रखबाली किती जाऐ।” 22 तालू अगिरप्पे फेस्तुसे जो बोलया, “मैं भी उस माणुऐ दी सुणना चांदा है।” उनी बोलया, “तू कल सुणी लियां।”

23 दुऐ रोजे, जालू अगिरप्पे कने बिरनीके बडी धूम धाम ला आई करी पलटना दे सरदारां कने शेहरे दे खास-खास लोकां सोगी दरबारे च पुज्जे। तालू फेस्तुसे हुकम दिता, कि सै पौलुसे जो लेई ओआ। 24 फेस्तुसे बोलया, “हे राजा अगिरप्पे, हे सारे लोक जड़े ऐथू साड़े सोगी न, तुसां इसी माणुऐ जो दिखा दे न, जिदे बारे च सारे यहूदियां यरूशलेम शेहरे च कने ऐथू भी चिलाई-चिलाई करी मिंजो ला बिनती किती, कि इदा जिन्दा रेंणा ठीक नी है।

25 पर मैं जांणी लिया कि उनी ऐदिया कुछ नी कितया है कि इसयो मौत दी सजा मिल्ले; कने जालू की उनी अपु ही बिनती किती की महाराजा धिराज मेरा न्याय करे, तां मैं उसयो भेजणे दा फेसला किता। 26 पर मिंजो उदे बारे च कोई भी पक्की गल्ल नी लगी कि महाराजा जो लिखें, इस तांई तां मैं उसयो तुहाड़े सामणे कने खास करिरी राजा अगिरप्पे तेरे सामणे लांदा है, ताकि जांचणे बाद मिंजो कुछ लिखणे जो मिल्ले। 27 क्योंकि केदिये जो भेजणा कने जड़े दोष उदे पर लायो न, उना जो नी दसणा, मिंजो ठीक नी लगगा दा है।”

26

☞☞☞☞ ☞☞☞☞☞☞☞☞☞☞ ☞☞ ☞☞☞☞☞☞☞☞☞☞ ☞☞☞☞

1 राजा अगिरप्पे पौलुसे जो बोलया, “तिजो अपणे बारे च बोलणे दी इजाजत है।” तालू पौलुसे हथ चुकी करी लोकां जो शांत किता, तालू सै अपणे बचाव च बोलणा लगगा,

2 हे राजा अगिरप्पे, जितणियां गल्लां दा यहूदी अगुवे मिंजो पर दोष लांदे न, अज तेरे सामणे उना दा जबाब देंगे तांई मैं अपणे आपयो जो धन्य समझदा है, 3 क्योंकि तू यहूदियां दे सारे रिबाजां कने समस्यां जो अच्छे ला जाणदा है। इस तांई मैं बिनती करदा है, अच्छे ला मेरी सुणी ले।

4 जदिया मेरा चाल-चलण बचपन ला लेईकरी अजे दीकर अपणे लोकां च कने यरूशलेम शेहरे च था, ऐ सब यहूदी जाणदे न। 5 सै मिंजो तालू ला जाणदे न जालू मैं बच्चा था, सै चांदे न तां इसा सच्चाईया दी गबाई भी

देई सकदे न की, मैं फरीसियां दा इक सदस्य रिया है, जड़ा साड़े धर्मे दा सारयां ला कट्टर पंथ है।

6 अज मैं परमेश्वरे जरिये साड़े पूर्वजां जो दितयो बायदे दिया आसा दिया बजा ला ऐथू दोषिए दे रूपे च खड़ोतया है। 7 उसी बायदे जो पूरा होणे दी आसा च, साड़े बारा गोत्र अपणे सारे मने ला दिन रात परमेश्वरे दी सेवा करदे आये न। हे राजा, ऐ उसा आशा दिया बजा ला है की परमेश्वरे सेई करणा जड़ा उनी बायदा कितया था की ऐ यहूदी मिंजो पर दोष ला दे न। 8 तालू पौलुसे सुणने बालयां चे सारे यहूदियां जो बोलया, तुसां लोक भरोसा करदे न की परमेश्वर मरयां जो दुबारा जिन्दा करी सकदा है, तां तुसां इसा गल्ला पर भरोसा करणे जो कजो मना करदे न की उनी यीशु मसीह हो मरयां चे जिन्दा कितया?

9 “मेरा भी पक्का भरोसा था कि नासरत बासी यीशुए दे खिलाफ मिंजो मता कुछ करणा चाईदा।” 10 कने मैं यरूशलेम शेहरे च इयां ही कितया; कने बड़डे याजकां ला हक पाई करी बड़े पबित्र लोकां जो जेला च पाया, कने जालू उना जो मारी दिन्दे थे, तां मैं भी उना दे खिलाफ अपनी सेहमती दिन्दा था। 11 कने मैं हर यहूदी जंज घर च उना जो सजा दिलादां कने उना जो यीशुए दी निंदा करणे तांई मजबूर करदा था, ऐथू दीकर गुस्से ला ऐसा पागल होई गया था कि दुज्जे शेहरां च जाई करी उना जो तंग करदा था।

ⓂⓂⓂⓂ ⓂⓂ ⓂⓂⓂⓂⓂⓂ ⓂⓂ ⓂⓂⓂⓂⓂⓂ
(ⓂⓂⓂⓂⓂⓂⓂⓂ 9:1-19; 22:6-16)

12 “इसी ही मकसदे सोगी जालू मैं बड़डे याजकां ला अधिकार कने हुकम दी चिट्ठी लेईकरी दमिशके शेहरे जो चलया था; 13 तां हे राजा, रस्ते च लगभग दोपेरा दे बेले मैं अम्बरे ला सूरजे दिया चमका ला भी जादा चमकदी इक लौ अपणे कने अपणे सोगी चलणे बालयां दे चारो पासे चमकदी दिखी। 14 कने जालू असां सारे धरती पर डेई पे, तां मैं इब्रानी भाषा च, मिंजो ला बोलदे इक अबाज सुणी, हे शाऊल, हे शाऊल, तू मिंजो कजो तंग करदा है? हरबरी जालू तू मिंजो दुखी करणे दी कोशिश करदा है, तालू तू अपु जो ही दुखी करदा है।”

15 मैं बोलया, प्रभु जी, तू कुण है? प्रभुए बोलया, मैं यीशु है जिसयो तू तंग करदा है। 16 पर तू उठ, अपणे पैरां पर खड़ा हो; क्योंकि मैं तिजो दर्शन इस तांई दिता है ताकि तिजो उना गल्लां दा भी सेवक कने गबाह बणां, जड़ियां तू दिखियां न, कने उना दा भी जिना तांई मैं तिजो दर्शन देणा है। 17 कने मैं तिजो तेरे लोकां ला कने

होर जातियां ला बचादा रेंगा, जिना बाल मैं तिजो इस तांई भेजणा है। 18 कि तू उना दियां हखी खोले, ताकि सै नेहरे ला लौई पासे, कने शैताने दे अधिकारे ला परमेश्वरे पासे ओन; तां परमेश्वरे उना दे पाप माफ करणे, कने उना लोकां सोगी बिरासत मिल्ले, जड़े मिंजो पर भरोसा करणे ला पबित्र होयो न।

19 इस तांई हे राजा अग्रिप्पा, मैं उस स्वर्गीय दर्शने दी गल्ला दा पालन किता, 20 मैं पेहले दमिशके शेहरे दे, फिरी यरूशलेम शेहरे दे रेणे बालयां जो, फिरी सारे यहूदिया प्रदेश च कने होर जातियां जो प्रचार किता, कि पाप करणा छुडी दिया कने परमेश्वरे पासे फिरी करी ऐसे कम्म करा ताकि तुहाड़िया जिन्दगिया ला पता लगगे की तुसां अपणे पापां ला पश्चाताप करी लिया है। 21 इसा गल्ला दिया बजा ला यहूदी मिंजो मंदरे च पकड़ी करी मारी देंणे दी कोशिश करा दे थे।

22 पर परमेश्वरे दिया सहायता ला मैं अजे दीकर ठीक है कने छोटे बड़डे सारयां दे सामणे गबाई दिन्दा है। कने मैं इना गल्लां दे सिवा कुछ नी बोलणा है, सै परमेश्वरे दे संदेश देणेबालयां कने मूसा भी बोलया है कि हांणे बालियां न, 23 कि मसीह जो दुख झेलणा पोंणा है, कने सै मरयां चे जिन्दा होणेबाला पैला जन होणा, इस तरीके ला उनी यहूदियां च कने होर जातियां च ज्योति दा प्रचार किता।*”

24 जालू पौलुस इसा रीतिया ला जबाब दे दा था, तां फेस्तुसे जोरे ला बोलया, “हे पौलुस, तू पागल है। मतिया बिद्या तिजो पागल करी दितया है।” 25 पर उनी बोलया, “हे महाप्रतापी फेस्तुस, मैं पागल नी है, पर सच्चाईया कने अकली दियां गल्लां बोला दा है। 26 राजा भी ऐ गल्लां जाणदा है जिदे सामणे मैं बिना डरयो बोला दा है, कने मिंजो भरोसा है इना गल्लां चे कोई भी गल्ल उसला छुपियो नी है, क्योंकि जड़ा यीशुए सोगी होया सै गुप्त च नी होया है।

27 हे राजा अग्रिप्पे, क्या तू परमेश्वरे दा संदेश देणेबालयां दा भरोसा करदा है? हां, मैं जाणदा है, कि तू भरोसा करदा है।” 28 हुण अग्रिप्पे पौलुसे जो बोलया, “कि तू क्या थोड़े दे समझाणे ला मिंजो मसीही बणाणां चांदा है?” 29 पौलुसे बोलया, “मेरी परमेश्वरे ला ऐ प्राथना है कि क्या थोड़े च, कने क्या मते च, सिर्फ तू ही नी, पर जितणे भी लोक मेरी सुणदे न, मेरे इना बंधणा जो छुडी करी मेरे सांई मसीह पर भरोसा करणे बाले होई जान।”

30 तालू राजा अग्रिप्पा कने राज्यपाल फेस्तुस कने उदी छोटी बेहण बिरनीके कने उदे सोगी बैठयो सारे उठी

* 26:23 26:23 ज्योति दा प्रचार इदा मतलब है की उद्धार दा प्रचार

होए कने चली गे; ³¹ जालू सै बाहर जा दे थे, सै इक दुज्जे ला बोलणा लगगे, “इनी माणुए ऐसा कोई अपराध नी कितया है जिदिया बजा ला उसयो मौत दी सजा या जेल हो।” ³² राजा अगिरप्पे राज्यपाल फेस्तुसे जो बोलया, “अगर ऐ माणु महाराजा कैसरे ला अपणे न्याय दी मांग नी करदा, तां छुटी सकदा था।”

27

?????? ? ? ? ? ? ?

¹ जालू फेस्तुस राज्यपाले ऐ गल्ल पक्की किती कि असां जाजे पर इतालिया प्रदेशे जो जाणा है, तां उना पौलुसे कने कुछ होर केदियां जो भी युलियुस नाए दे महाराजा औगुस्तुसे दिया पलटना दे इक सरदारे दे हथे सौंपी दिता। ² अद्रमुत्तियुम शेहरे दे इक जाजे पर जड़ा आसिया प्रदेशे दे कंढे दिया जगा जो जाणे तांई तैयार था, असां उस पर चढ़ी करी समुंदरी यात्रा शुरू किती, कने अरिस्तर्खुस नाए दा इक माणु जड़ा मकिदुनी प्रदेशे दे थिस्सलुनीके शेहरे दा बासी था, सै साड़े सोगी था।

³ दुए रोजे असां सैदा शेहरे च पुज्जी गे कने युलियुसे पौलुसे पर कृपा करिरी उसयो दोस्तां बाल जाणा दिता ताकि उना ला जरूरी चीजां लेई ओए। ⁴ ओथु ला असां दुबारा यात्रा शुरू किती कने होआ दा रुख उल्टा होणे दिया बजा ला असां साइप्रस टापू दिया आड़ा च होईकरी चले; ⁵ कने असां समुंदरी यात्रा करदे होए किलिकिया प्रदेश कने पंफूलिया शेहरे दे तट दे बखे ला होईकरी लूसिया प्रदेशे दे मुरा शेहरे च पुज्जे। ⁶ ओथु सुबेदारे जो सिकंदरिया शेहरे दा इक जाज इतालिया प्रदेशे जो जांदा होया मिल्ला, कने उनी सांझो उस जाजे पर चढ़ाई दिता।

⁷ असां बड़े रोजा दीकर बले-बले यात्रा किती। साड़ा कनिदुस शेहरे दीकर पुज्जा मुशकिल होई गिया था क्योंकि होआ उल्टी दिशा च चलिया थी, इस तांई असां करेते टापू दिया आड़ा चे, सलमोने दे इक छोटे दे टापू दे बखे ला होईकरी अगगे बदे। ⁸ कने मुशकिला ला उदे किनारे-किनारे चली करी शुभलंगरबारी नाए दिया इकी जगा च पुज्जे, जिथू ला लसया शेहर नेड़े था।

?????? ? ? ? ? ? ?

⁹ जालू मते रोज बिती गे थे, कने समुंदरी यात्रा हुण बड़ी खतरनाख होई गियो थी क्योंकि सर्दियां दे मौसमे च हांणे बाला पश्चाताप दी बलि दा त्योहारे होई गिया था, कने ऐ सेई मौसम था ऐसा मौसम शुरू होई गिया था जालू समुन्दर च मौसम बड़ा तूफानी होई जांदा है, इस

तांई पौलुसे उना जो चेताबनी देईकरी बोलया, ¹⁰ “हे सज्जनो, मिंजो ऐसा लगगा दा है कि साड़ी ऐ यात्रा बड़ी नुकसानदायक है। ना सिर्फ जाजे कने समाने दा पर साड़े प्राणा दा भी नुकसान होणेबाला है।” ¹¹ पर सूबेदारां जाजे दे कपताने कने जाजे दे मालिके दियां गल्लां जो पौलुसे दियां गल्लां ला बदीकरी मनया।

¹² कने ऐ शुभलंगरबारी बन्दरगाह सर्दियां कटणे तांई खरी नी थी; इस तांई मतयां दा बिचार होया कि ओथु ला अगगे चली करी कुसी तरिके ला होई सके तां फिनिक्स बन्दरगाह च पुज्जी करी सर्दियां कटन। ऐ तां करेते टापू दी इक बन्दरगाह है जिसा दा दरबाजा दक्षिण-पश्चिम कने उत्तर-पश्चिम दिशा च है।

???????? ? ? ? ? ? ?

¹³ जालू थोड़ी-थोड़ी दक्षिण होआ चलणा लगगी, तां उना सोचया की उना दी योजना पूरी करणे तांई ठीक बकत है, इस तांई उना लंगर चुकया कने करेते टापू दे किनारे ला होंदे होए अगगे बदणा लगगे।

¹⁴ पर अचानक करेते टापू दिया जमिना ला इक बड़ा तूफान उठया, जिसयो उतरपुर्वी तूफान बोलदे न। ¹⁵ जालू तूफान जाजे ला टकराया, तां जाज तुफाने अगगे नी टिकी सकया, इस तांई असां उसयो होआ दे साबे जाणा दिता, कने इयां ही होआ सोगी चलदे गे।

¹⁶ तालू असां कौदा नाए दे इक टापूए दिया आड़ा च अगगे बदे कने बड़िया मुशकिला ला जाजे दी जीवनरक्षक किस्तिया जो बचाया। ¹⁷ फिरी जाजे च कम्म करणे बालयां जीवनरक्षक किस्तिया जो चुकी करी ठीक किता, कने उना मजबूती तांई पतवार जो चारो पासे ला रस्सियां ला बन्नी दिता, कने सुरतिस दिया खाड़िया दिया रेता च फसी जाणे दे डरे ला, उना लंगरे जो थोड़ा थले उतारी करी जाजे जो होआ दे बहाबे सोगी-सोगी रुड़ने तांई छड़ी दिता। ¹⁸ कने जालू दुज्जे रोजे सांझो तुफाने दिया बजा ला धक्के लगे लगणा, तां सै जाजे ला माल फेंकणा लगगे;

¹⁹ कने तरिए रोजे उना अपणे हथा ला जाजे दा साजो समान भी फेंकी दिता। ²⁰ कने जालू मतयां रोजां दीकर ना सूरज ना तारे मिल्ले, कने तूफान लगातार चलया था, तां आखरी च साड़े बचणे दी सारी आस खत्म होंदी गई।*

²¹ जालू उना मते रोजां दीकर कुछ नी खादा, तां पौलुसे उना दे बिच खड़ोई करी बोलया, “हे लोको, तुहांजो मेरी सलाह मनणी चाईदी थी, करेते टापू ला अगगे नी जांदे, तां ना ऐ मुसीबत ओंदी कने ना ऐ घाटा होंदा।

* 27:20 27:20 उस बकत सूरज कने तारयां दा इस्तेमाल दिशा दा पता लगाणे तांई करदे थे

22 पर मैं हुण तुसां जो समझांदा है कि हिम्मत रखा, क्योंकि तुसां चे कुसी दे भी प्राण नी जाणे, पर सिर्फ जाजे दा नाश होणा। 23 क्योंकि परमेश्वर जिदा मैं है, कने जिदी सेवा मैं करदा है, उदे स्वर्गदूते पिछली राती मेरे बाल आई करी बोलया, 24 हे पौलुस, डर मत। तिजो महाराजा कैसेरे दे सामणे खड़ा होणा जरूरी है। कने परमेश्वरे सबना जो बचाई लेणा है जड़े तेरे सोगी यात्रा करा दे न। 25 इस ताई, हे भाईयो, हिम्मत रखा; क्योंकि मैं परमेश्वरे पर भरोसा करदा है, कि जियां मिंजो ला बोलया है, तियां ही होणा है। 26 पर साड़ा जाज कुसी टापूए पर टकराई टूटी जाणा।”

🔗🔗🔗🔗 🔗🔗 🔗🔗🔗🔗

27 जालू चौदमी रात होई, कने असां अदिरया समुद्रे च भटका दे थे, तां अधिया राती जाजे च कम्म करणे बालयां अणदाजा लाया कि असां कुसी देशे दे बखे पुजणे बाले न। 28 उना समुद्रे दी गेहराई नापी तां सेंती मीटर निकली कने थोड़ा अगगे जाई करी फिरी नापया तां सताईस मीटर निकलया। 29 तालू पथरीली जगा ला टकराणे दे डरे ला उना जाजे दे पिच्छे चार लंगर पाए, कने ब्याग होणे दी कामना करदे रे।

30 पर जाजे पर कम्म करणे बाले जाजे ला नठणा चांदे थे, कने उना जाजे दे सामणे लंगर पाणे दे बहाने जान बचाणे बाली किस्ती समुद्रे च उतारी दिती; 31 तां पौलुसे सिपाईयां कने सुबेदारां जो बोलया, “अगर ऐ जाजे पर नी रे, तां तुसां भी नी बची सकदे।” 32 तालू सिपाईयां रसियाँ बडी करी सै किस्ती फेंकी दिती।

33 जालू ब्याग होणे बाली थी, तां पौलुसे ऐ बोली करी, सबना जो रोटी खांणे ताई बिनती किती, “अज चौदा रोज होए कि तुसां चिंता करिरी भूखे रे, कने कुछ नी खादा। 34 इस ताई तुहांजो ला बिनती करदा है कि कुछ खाई लिया, जिसला तुसां बची सकन, क्योंकि तुसां चे कूसदा भी कोई बाल बांका नी होणा।” 35 कने ऐ बोली करी उनी रोटी लेईकरी सबना दे सामणे परमेश्वरे दा धन्याबाद किता कने तोड़ी करी खांणा लगगा।

36 तालू उना सारयां जो हिम्मत मिल्ली कने रोटी खांणा लगगे। 37 असां सारे मिली करी जाजे पर दो सो छिहतर जणे थे। 38 जालू सै रोटी खाई करी रजी गे, तां कणका जो समुद्रे च फेंकी करी जाजे जो हलका करणा लगगे।

39 जालू दिन निकलया, तां उना उसी देशे जो नी पछेणया, पर इक खाड़ी दिखी जिसा दा चौरस किनारा था, कने बिचार किता कि होई सके तां जाजे जो ओथु लेईकरी चलन। 40 तालू उना लंगरा जो खोली करी समुद्रे च छडी दिता कने उसी बेले पाल दे रस्से खोली दिते, कने होआ दे सामणे अगला पाल चढ़ाई करी

किनारे पासे चले। 41 पर जाज रेते दे डेरे ला टकराई गया कने जाजे दा अगला हिस्सा रेते च फसी गया, पर जाजे दा पिछला हिस्सा लेहरां दे जोरे ला टूटना लगी पिया।

42 तालू सपाइयां दा ऐ बिचार होया कि केदियां जो मारी देंन, ऐसा ना होए कि कोई तेरी करी नठी जा। 43 पर सूबेदारां पौलुसे जो बचाणे ताई उना जो इस बिचार ला रोकया, कने ऐ बोलया, कि जड़े तेरी सकदे न, सै पेहले छाल देईकरी किनारे जो निकली जा। 44 कने बाकी कोई पटरां पर, कने कोई जाजे दियां होर चीजा दे सहारे निकली जा, कने इसा रीतिया ने सारे जमिना पर बची निकले।

28

🔗🔗🔗🔗 🔗🔗 🔗🔗🔗🔗 🔗🔗 🔗🔗🔗🔗

1 जालू असां सारे सलामत बची करी किनारे पर पूजी गे, तालू सान्झो पता लगगा कि इस टापूए दा ना माल्टा था। 2 कने ओथु रेणेबाले लोक बड़े दयालु थे, क्योंकि उना बरखा कने ठंड दिया बजा ला अगग वाली करी साड़ा स्वागत किता।

3 जालू पौलुसे लकड़ियां बटोली करी अगगी पर रखियां, अगगी दे सेके ला इक सप्प निकलया कने उदे हथे ने लिपटी गया। 4 जालू ओथु दे रेणे बालयां उस कीड़े जो उदे हथे च लटकया दिखया, तां अपु चे बोलया, “सच्ची ऐ माणु हत्यारा है, कि समुद्रे च तां बची गया, पर साड़ी न्याये दी देवी नी चांदी की ऐ जिन्दा रे।”

5 तालू उनी कीड़े जो अगगी पर झटकी दिता, कने उसयो कोई नुक्सान नी होया। 6 पर सै लोक नियाला दे कि उनी सूजी जाणा है, या इकदम थले पेई कि मरी जाणा है, पर जालू सै मतिया देरा दीकर दिखदे रे कने दिखया कि उसयो कुछ नी होया है, तां उना लोकां दे बिचार ही बदलुई गे कने बोलणा लगगे, “ऐ तां कोई देवता है।”

7 उसा जगा दे अखे बखे उस टापूए दे प्रधान पुबलियुसे दी जमीन थी: उनी सांझो अपणे घरे लेईजाई करी तिन रोज साड़ी खातिरदारी किती। 8 पुबलियुसे दे पिता जो बुखार कने पेचिश बिमारी थी। पौलुसे उदे बखे जाई करी प्राथना किती, कने उदे पर हथ रखीकरी उसयो ठीक किता। 9 जालू इयां होया, तां उस टापूए दे बाकी बिमार लोक भी पौलुसे बाल आये, कने ठीक होई गे। 10 उना साड़ी बड़ी इज्जत किती, कने तिन मिहने बाद जालू असां जाणा लगगे, तां जड़ा कुछ साड़े ताई जरूरी था, उना जाजे पर रखी दिता।

🔗🔗🔗🔗 🔗🔗🔗🔗 🔗🔗 🔗🔗🔗🔗 🔗🔗

11 असां तीन मिहने बाद सिकंदरिया जाजे पर यात्रा शुरू किती। ऐ जाज सर्दियां दिया बजा ला इस टापूए

पर रुक्या था, कने जाजे दे अगले हिस्से पर इक जोड़ी देवतयां दा इक निशाण दियुसकुरी बणया था।
12 सुरकुसा शेहरे च लंगर पाई करी असां तिन्न दिन दीकर रुकी रे।

13 असां ओथु ला अग्गे चली करी रेगियुम शेहरे च पुज्जे; इक दिन बाद दक्षिण होआ चली, तां असां दुज्जे रोजे पुतियुली शेहरे च पुज्जे। 14 ओथु सांझो कुछ मसीह भाई मिल्ले, उना दे बोलणे ला असां ओथु सत्त रोज रे; ओथु ला असां जमिनी रस्ते ला रोम शेहरे पासे चले।

15 रोम शेहरे दे कुछ मसीही भाईयां सुणया की असां ओथु ओआ दे न, सै सांझो ला मिलणा कने सांझो रोम शेहर लेई जाणे तांई अप्पियुस शेहरे दे बजार कने तीन-सराए शेहरे दीकर आए, उना जो दिखीकरी पौलुसे परमेश्वरे दा धन्याबाद किता कने बड़ा खुश होया।

16 जालू असां रोम शेहरे च पुज्जे, तां पौलुसे जो इक सपाईए सोगी जड़ा उदी रखवाली करदा था, किले रेणे दा हुकम मिल्ली गया।

???? ???? ? ???? ?

17 तिन्ना रोजां बाद उनी यहूदी अगुवां दी इक सभा सदी, कने जालू सै गिठे होए तां उना जो बोलया, “हे यहूदी भाईयो, मैं अपने लोकां दे या अपने पूर्वजां दे रीती रिवाजां दे खिलाफ च कुछ नी किता, फिरी भी मिंजो केदी बणाई करी यरूशलेम शेहरे ला रोमी सरकार दे हथे देई दिता। 18 उना मिंजो जाँची करी छडी देणा चाया, क्योंकि मिंजो च मौत दी सजा देंगे जोगा कोई दोष नी था।

19 पर जालू यहूदी अगुवे इदे खिलाफ च बोलणा लगगे, तां मिंजो बिनती करणा पेई की महाराजा कैसर मेरा न्याय करे; इस तांई नी कि मिंजो अपने लोकां पर कोई दोष लाणा था। 20 इस तांई मैं तुहांजो सदया है, ताकि तुसां ला मिल्ले कने गलबात करे; क्योंकि इसराएले दिया आसा तांई जड़ी की मसीह है, मैं इना जंजीरा ला जकड़या होया है।”

21 उना उसयो बोलया, “ना सांझो कोई तेरे बारे च यहूदिया प्रदेशे दे लोकां ला कोई चिट्ठी मिली, कने ना साड़े भाईयां चे कुनी भी आई करी तेरे बारे च दसया, कने ना बुरा बोलया। 22 पर तेरा बचार क्या है? सेई असां सुणना चांदे न, क्योंकि असां जाणदे न, हर जगा इस मते दे बारे च लोक विरोध करदे न।”

23 तालू यहूदी लोकां जड़े पौलुसे सोगी थे, उना उदे तांई इक दिन तय किता, कने मते भरी लोक उना बाल गिठे होए। कने पौलुस ब्यागा ला लेईकरी संझा दीकर मूसा दी व्यवस्था ला कने परमेश्वरे दा संदेश देणेबालयां दियां कताबां ला परमेश्वरे दे राज्य दी गवाई, कने

यीशुए दे बारे च समझाई-समझाई करी दसदा रिया।
24 तालू थोड़े लोकां पौलुसे दियां गल्लां पर भरोसा किता, कने केईयां भरोसा नी किता।

25 जालू सै अपु चे सेमत नी होए, तां पौलुसे दिया इसा इकी गल्ला पर चली गे, “पबितर आत्मा यशायाह परमेश्वरे दा संदेश देणेबाले दे जरिये तुहाड़े पूर्वजां ला ठीक बोलया है, 26 जाई करी इना लोकां ने बोल: कि सुणदे तां रेंणा, पर समझणा नी है, दिखदे तां रेंणा है, पर जाणना नी है; 27 क्योंकि इना लोकां दा मन मोटा। कने उना दे कन भारी होई गियो न, कने उना अपणियां हखी बंद कितियां न, इयां ना हो कि सै हखी ला दिखन, कने कना ला सुणन, कने मने ला समझन कने बदली जान, कने मैं उना जो ठीक करे।

28 इस तांई तुसां जाणा, कि परमेश्वरे दे इस उद्वारे दी कथा होर जातियां बाल भेजइयो है, कने उना मनणी।”

29 जालू उनी ऐ बोलया तां यहूदी अपु चे बेहस करणा लगगे कने ओथु ला चली गे।

30 कने सै पुरे दो साल अपने खर्चे पर किराए दे घरे च रिया, उना सबना दा स्वागत करदा था जड़े उसला मिलणा ओंदे थे, 31 कने बिना रोक टोक कने बिना डरयो होईकरी परमेश्वरे दे राज्य दा प्रचार करदा कने प्रभु यीशु मसीह दियां गल्लां सिखांदा रिया।

रोमियो दे ना प्रेरित पौलुस दी चिट्ठी

????????

रोमन पौलुसे दियां चिटियां च सारयां ला लंबा कने सारयां ला व्यवस्थित चिट्ठी है। पौलुस इसा चिटिया दे अध्याय 1:16-17 च इसा चिटिया दे बारे च घोषणा करदा है: की शुभसमाचार उद्धार ताई परमेश्वरे दी शक्ति है, क्योंकि ऐ सांझो दसदा है कि परमेश्वरे दी धार्मिकता भरोसा करणे बाले सारे लोकां ताई भरोसे ने है। पौलुस पाप दिया बजा ला भरोसे दे जरिये धार्मिकता दिया जरूरतां दे बारे च दसदा है (अध्याय 1:16-4:25)। सै हुणे दा अनुभव कने भविष्य दी आस (अध्याय 5: 1-8: 39) दोनों दे बारे च भरोसे ने धार्मिकता दे परिणामा जो प्रगट करदा है। अगले तीन अध्यायां च, सै अपने दुखां जो दसदा है कि उदे केई साथी इस्राएलियां शुभसमाचार जो स्वीकार नी कितया है। पौलुस ऐ सब कुछ दसी करी निचौड़ कडदा है कि कियां शुभसमाचार कुसी दे रोजमरा दिया जिन्दगिया जो प्रभावित करदा है। (बचन 12-16) पौलुसे करीब ई स 57 जो अपनी ऐ चिट्ठी रोम जो लिखी।

रूप रेखा

पौलुस कने उदे शुभसमाचार दा संदेश 1:1-17

हर कोई दोषी है 1:18-3 20

लोका जो स्वीकार करणे दा परमेश्वर दा तरिका 3:21-4 25

परमेश्वरे दे लोकां ताई इक नोई जिन्दगी 5:1-8 39

इस्राएल दे लोकां दे बारे च क्या? 9:1-11 36

6. प्रेम दी नोई जिन्दगी कियां पान 12:1-15 13

7. पौलुसे दियां योजना कने निजी अभिवादन 15:14-16 27

????????

1 ऐ चिट्ठी पौलुस दिया तरफा ला है, जड़ा प्रभु यीशु मसीह दा सेवक है, कने परमेश्वरे उसयो प्रेरित होणे ताई चुणया है, कने परमेश्वरे दा शुभसमाचार दा प्रचार करणे ताई नियुक्त कितया है। 2 पबित्र शास्त्र च परमेश्वरे अपने संदेश देणे बालयां दे जरिये बड़े पहले ही शुभसमाचार दा वायदा कितया था, 3 ऐ शुभसमाचार उदे अपने पुत्र, साड़े प्रभु यीशु मसीह दे बारे च है, उदा जन्म इक इन्सान दे रूपे च राजा दाऊदे दे बन्शे च होया था,

4 कने पबित्र आत्मा दिया शक्तिया ला जालू सै मरयां च जिन्दा होया तालू उनी साबित किता की सै

परमेश्वरे दा पुत्र है। कने सै यीशु मसीह साड़ा प्रभु है। 5 मसीह दे जरिये मिंजो अनुग्रह कने प्रेरिताई परमेश्वरे ला मिली ताकि उदे नाए दिया बजा ने सारियां जातियां दे लोक मसीह पर भरोसा करन कने उदे हुकमा जो मनन, 6 तुसां विश्वासी जड़े रोम शेहर च रेंदे न इना ही लोकां च शामिल न जिना जो परमेश्वरे यीशु मसीह दे होणे ताई चुणया है।

7 ऐ चिट्ठी रोम शेहर च रेणे बाले उना सारयां दे ना है जिना ने परमेश्वर प्यार करदा है, कने अपने पबित्र लोक होणे ताई सदया है, साड़े पिता परमेश्वरे कने प्रभु यीशु मसीह दिया तरफा ला तुसां जो अनुग्रह कने शांति मिलदी रे।

????????

8 पहले मैं तुसां सारयां ताई यीशु मसीह दे जरिये अपने परमेश्वरे दा धन्यवाद करदा है, क्योंकि मती सारियां जगां दे लोक तुसां दे यीशु मसीह पर भरोसे दे बारे च गल्लां करा दे न। 9 परमेश्वर जिसदी सेवा मैं अपने पुरे मने ने उदे पुत्रे दे बारे च शुभसमाचार दा प्रचार करदा है, सेई मेरा गबाह है, की मैं अपनी प्रार्थना च तुसां लोकां जो लगातार याद करदा है, 10 कने हर रोज बिनती करदा है, की परमेश्वरे दी इच्छा ने कुसी ना कुसी तरीके ने आखरी च तुसां ने मिलणे दा मौका मिल्ले।

11 क्योंकि मैं तुसां ने मिलने दी बड़ी इच्छा है, ताकि मैं तुसां जो कोई आत्मिक बरदान दें जिसने तुसां भरोसे च होर भी मजबूत होई जान, 12 मेरे बोलने दा मतलब ऐ की मैं तुसां जो उत्साहित करी सकें क्योंकि तुसां जाणदे न की मैं कियां भरोसा किता कने तुसां मिंजो उत्साहित करी सकन क्योंकि मैं जाणदा है की तुसां कियां भरोसा किता।

13 कने हे मसीह भाईयो, मैं चांदा है की तुसां जाणी लिया की मैं तुसां बाल बार-बार ओणा चांदा, की जियां मैं होर जातियां च मसीह ताई चले बणाए, तियां ही तुसां च भी चले बणन, पर हले दीकर इदे च रुकाबट आंदी रेई। 14 मेरी जिम्मेबारी सारयां लोकां जो शुभसमाचार सुणाणे दी है, चाए सै यूनानी भाषा जाणने बाले होन या नी जाणने बाले होन कने चाहे समझदार होन या नासमझ होन। इस ताई मेरी रोम शेहरे च तुसां ने मिलणे दी बड़ी इच्छा है। 15 इस ताई मैं तुसां जो भी जड़े रोम शेहरे च रेंदे न, शुभसमाचार सुणाणे जो भरपूर तैयार है।

????????

16 क्योंकि मैं मसीह दे शुभसमाचार च घमंड करदा है, क्योंकि शुभसमाचार दी शक्ति ने ही परमेश्वरे शुरु ला यहूदियां जो बचाया कने हुण सारे संसारे दे लोकां

जो बचांदा है। 17 क्योंकि शुभसमाचार च परमेश्वर दी धार्मिकता दे बारे च दसया है, ऐ धार्मिकता शुरू ला लेईकरी आखरी दीकर भरोसे दे जरिये होंदी है, जियां पबित्तर शास्त्र च लिखया है, “जड़ा माणु भरोसे दे जरिये परमेश्वरे सोगी सही बणी रेंदा है, उनी ही जिन्दा रेणा।”

?????? ???? ???? ?? ????

18 परमेश्वरे दा गुस्सा तां, जड़े बुराई कने अधार्मिक कम्म करदे न उना लोकां पर स्वर्गे ला प्रकट होंदा है, जड़े बुरे कम्म करणे दे जरिये लोकां जो परमेश्वरे दिया सच्चाईयां जो जाणने ला रोकदे न। 19 इस ताई की सै परमेश्वरे दे ज्ञाने दे बारे च असानी ने समझी सकदे न, क्योंकि परमेश्वरे ऐ ज्ञान उना पर प्रगट कितया है।

20 क्योंकि परमेश्वरे दी हमेशा दी शक्ति कने चरित्तर जो दिखी नी सकदे, पर संसार दी शुरुआत ला ही परमेश्वरे इना जो अपणी सृष्टिया ने दसया है, इस ताई उना बाल कोई भाना नी है की सै परमेश्वर जो नी जाणदे। 21 इसा बजा ने की परमेश्वरे जो जाणने पर भी उना परमेश्वरे दे रूपे च इज्जत नी दिती, कने सोचणा लगगे की ऐ बेकार गल्लां न, ऐथू दीकर की उना जो जियां सोचणा चाईदा तियां नी सोचया पर बेकार गल्लां सोचदे रे।

22 सै अपणे आपे जो बुद्धिमान जताई करी मुर्ख बणी गे, 23 कने हमेशा जिन्दा रेणेबाले परमेश्वरे दिया महिमा जो हमेशा जिन्दा नी रेणेबाले, कने पंछियां, कने चारां पैरां बाले, कने रेंगणेबाले जानवरां दियां मुर्तियां साई बदली दिता कने इना दी पूजा करणा लगगे।

24 इसा बजा ला परमेश्वरे उना जो उना दे मने दिया इच्छा अनुसार यौन अशुद्धता ताई छडी दिता, ताकि सै अपु चे बुरे कम्म करी के अपणे शरीरां दी अनादर करन। 25 क्योंकि सै परमेश्वरे दे बारे दिया सच्चाईया पर भरोसा करणे जो मना करदे न, कने सै उसयो मंदे जड़ा जुट है। कने उना संसारे दी पूजा कने सेवा किती, कने ना की उस सृष्टिकर्ता दी सेवा किती। उस सृष्टिकर्ता दी जिनी सारे संसारे दियां चिजां जो बणाया है, उदी महिमा सदा होंदी रे। आमीन।

26 इस ताई तां परमेश्वरे उना जो उना दे बुरे बिचारां दे बशे च छडी दिता; ऐथू दीकर उना दियां जनानिया मर्दां सोगी जायज रिशतयां जो दुजियां जनानियां सोगी नाजायज रिशतयां च बदली दिता। 27 तियां ही मर्द भी जनानिया सोगी जायज रिशता छडी करी अपु चे व्यभिचार करिरी बरबाद होणे लगगे, कने मर्दां-मर्दां सोगी व्यभिचार करिके अपणे ही शरीरे च अपणिया इसा गलतिया दी ठीक सजा मिल्ली।

28 क्योंकि जालू उना परमेश्वरे जो अपनाणा मुर्खता समझया, तां परमेश्वरे भी उना जो सारे नकम्मे कम्म करणे ताई उना दे नकम्मे मने दे बशे च छडी दिता।

29 इस ताई सै हर तरा दे गलत कम्मा च, बुराई च, कने लालच, कने बैरभाव ने भरुई गे; कने जलन, कने हत्या, कने लड़ाई झगड़े, कने धोखा, कने जलन ने भरुई गे, कने चुगलखोर, 30 गप्पां मारणे बाले, कने होरनी दी बेस्ती करणे बाले, लड़ाके, घमंडी, झूटे, डिंगमार, बुरियां गल्लां करणे बाले, कने माता पिता दी गल्ल नी मनणे बाले, 31 बेअकले, धोखेबाज, दया भाव नी है कने निर्दयी होई गियो न।

32 सै तां परमेश्वरे दे नियम जो जाणदे न की ऐसा कम्म करणे बाले मौत दी सजा जोगे न, तमि ना सिर्फ अपु ऐसे कम्म करदे न कने करणे बालयां ने खुश भी होंदे न।

2

?????????? ?? ??????

1 इस ताई तू सोचदा है की, तू ऐसे लोकां दी निंदा करी सकदा है, जड़े दुज्जयां पर दोष लांदे न; क्योंकि जिसा गल्ला पर तू दुज्जे पर दोष लांदा है, उसा ही गल्ला च तू अपणे आपे जो दोषी बणांदा है, क्योंकि तू जड़ा दोष लांदा है सेई कम्म तू अपु करदा है। 2 कने असां जाणदे न की परमेश्वर ऐसे बुरे कम्म करणे बालयां जो न्याय अनुसार सजा दिन्दा है। 3 कने तू जड़ा ऐसे-ऐसे कम्म करणे बालयां पर दोष लांदा है, कने अपु सेई कम्म करदा है; तू क्या ऐ समझदा है की तू परमेश्वरे दिया सजा ला बची जाणा है? 4 तू क्या परमेश्वर दी भलाई, कने सेहनशीलता, कने धीरज रूपी धने जो बेकार समझदा है? क्या ऐ नी समझदा की परमेश्वरे दी भलाई तिजो अपणे पापां जो मनणा कने गलत कम्मा जो छडणा सिखांदी है?

5 पर क्योंकि तू जिदी कने अपणे पापां दा पश्चाताप करणे ला मना करी दिता, जिस रोज परमेश्वरे अपना गुस्सा दसणा, उस रोज सच्चा न्याय होणा, जालू परमेश्वरे न्याय करणा तालू परमेश्वरे होर भी जादा दर्दनाक सजा देणी। 6 परमेश्वरे हर इकी जो उदे कम्मा दे अनुसार इनाम देणा है। 7 जड़े खरे कम्मा जो मेहनत करदे होऐ महिमा, कने आदर, कने अमरता दीया तोपा च न, उना जो परमेश्वरे हमेशा दी जिन्दगी देणी है;

8 पर जड़े मतलबी न कने सच्च जो नी मंदे न, पर बुरे कम्मा जो करदे न, उना पर परमेश्वरे दा गुस्सा कने प्रकोप पोणा है। 9 दुख कने मुशकिलां हर इक उस माणुऐ पर ओणियां न जड़े बुरा करदे न, परमेश्वरे पेहले

यहूदियां दा न्याय करणा है कने बादे च उना दा न्याय करणा जड़े यहूदी नी न;

10 पर महिमा कने इज्जत कने शांती हर इकी जो मिलणी है, जड़ा भला करदा है, परमेश्वरे सारयां ला पेहले यहूदी लोकां जो देणा फिरी उना लोकां जो देणा जड़े यहूदी नी न। 11 क्योंकि परमेश्वर सबना सोगी इकोदिया व्यवहार करदा है।

12 इस ताई की होर जाति दे लोकां बिना मूसा दी व्यवस्था मिलयो ही पाप किता, उना जो बिना व्यवस्था दे ही परमेश्वरे सजा देणी, कने जिना यहूदी लोकां मूसा दी व्यवस्था मिलणे बाद पाप किता, उना जो परमेश्वरे मूसा दी व्यवस्था दे अनुसार सजा देणी;

13 क्योंकि परमेश्वरे दी नजरा च धर्मी लोक सै नी न, जड़े मूसा दी व्यवस्था जो सुणनेबाले न, पर परमेश्वरे दी नजरा च धर्मी लोक सै न जड़े व्यवस्था दा पालन करदे न। 14 फिरी जालू होर जातियां दे लोक जिना बाल मूसा दी व्यवस्था नी है, पर स्वभावे ने ही इना कम्मा जो करदे न जड़े मूसा दी व्यवस्था च लिखयो न, तां उना बाल मूसा दी व्यवस्था नी होंगे पर भी से साबित करदे न की उना दे मने च ही व्यवस्था है।

15 सै दसदे न की परमेश्वरे दी व्यवस्था उना दे मना च लिखियो है, क्योंकि उना दी अंतरात्मा भी ऐई गबाई दिन्दी है की ऐ सच्च है, क्योंकि उना दे बिचार ही उना जो दसदे न की सै सही करा दे न की गलत करा दे न। 16 ऐ सच्च उस रोज सामणे आई जाणा, जालू परमेश्वरे यीशु मसीह दे जरिये जिसदा मैं शुभसमाचार सुणादा है सारे माणुआं दी गुप्त गल्लां दा न्याय करणा है।

????? ???? ????????????

17 अगर तू अपने आप जो यहूदी बोलदा है, कने व्यवस्था पर भरोसा रखदा है, कने घमंड करदा है की तू परमेश्वर दा खास जन है, 18 कने तिजो परमेश्वर दी इच्छा पता है, तू खरियाँ-खरियाँ गल्लां दा साथ दिन्दा है, क्योंकि तिजो इना दे बारे च मूसा दी व्यवस्था च सिखाया है; 19 कने तिजो इसा गल्ला दा पक्का पता है की, तू अन्ने लोकां जो परमेश्वर दा रस्ता दसदा है, कने तू उना लोकां ताई लौई साई है जड़े नेहरे च रेंदे न, 20 कने बेअकलां जो सिखाणे बाला, कने बचयां दा गुरु है। तिजो पक्का पता है क्योंकि मूसा दी व्यवस्था तेरे बाल है, कने तू पूरी तरा सब कुछ जाणदा है कने तू जड़ा बोलदा है सै सच्च है।

21 इस ताई तू जड़ा बाकियां जो शिक्षा दिन्दा है, सै शिक्षा अपने आपे जो कनी दिन्दा? तू जड़ा चोरी नी करणे दी शिक्षा दिन्दा है, कने अपु ही चोरी करदा है।

22 तू जड़ा ऐ सिखांदा है, “व्यभिचार मत करा,” अपु ही तां व्यभिचार करदा है! तू जड़ा मूर्तियाँ ने नफरत करदा है, अपु ही तां मंदरा जो लुटदा है!

23 तू इसा गल्ला पर घमंड करदा है की तेरे बाल परमेश्वरे दी व्यवस्था है, क्या तू अपु ही व्यवस्था जो नी मन्नी करी, परमेश्वरे दा अनादर नी करदा? 24 “क्योंकि तुसां यहूदियां दिया बजा ने, होर जाति दे लोक परमेश्वरे दे बारे च बुरियां गल्लां करदे न,” तुहाड़े इना कम्मा दिया बजा ने पबित्तर शास्त्र दियां गल्लां सच्च होइयां न।

????? ???? ????????????

25 मैं तिजो समझांदा है, की तेरा खतना होणे दा फायदा तालू ही है अगर तू व्यवस्था जो पूरा करे, पर अगर व्यवस्था च जियां लिखया तू तियां नी करे, तां तुसां खतना होयो यहूदी लोक भी होर जातियां साई न जिना दा खतना नी होया। 26 तां इदा मतलब है की अगर कोई माणु जिदा खतना नी होया कने सै व्यवस्था दे नियमा जो मनदा है, तां परमेश्वर ऐसे माणुऐ जो भी उस माणुऐ साई दिखदा है जिदा खतना होया है। 27 कने जड़ा माणु शरीरिक रुपे च बिना खतना रिया सै अगर व्यवस्था जो मनदा है, तां क्या उनी तिजो पर जिस बाल मूसा दी व्यवस्था है कने खतना होणे पर भी व्यवस्था जो नी मनदा है, दोष नी लाणा?

28 क्योंकि सच्चा यहूदी सै नी जड़ा यहूदी पैदा होया कने जिदा खतना होया। 29 क्योंकि इक सच्चा यहूदी सै है जिदा मन परमेश्वरे सोगी सही है कने सच्चा खतना सिर्फ मूसा दे नियम-कानून मनणे नी है, पर मने दा बदलना है जड़ा की परमेश्वरे दी आत्मा ने होंदा है। ऐसे लोकां दी महिमा लोकां दे जरिये नी पर परमेश्वरे दिया तरफा ला होंदी है।

3

????????????? ???? ??????????

1 तां कोई बोली सकदा है की अगर खतना होई जाणे पर भी परमेश्वर यहूदियां जो अपनांदा नी तां यहूदी दा यहूदी होणे दा क्या फायदा, कने खतने दा क्या फायदा? 2 हाँ, इदा बड़ा फायदा है। क्योंकि सारयां ला जरूरी गल्ल ऐ है की, परमेश्वरे दा बचन यहूदियों जो दितया है।

3 अगर कुछ यहूदी परमेश्वर सोगी बफादार नी भी निकले तां भी क्या है? क्या इदा मतलब ऐ है की परमेश्वरे भी अपने वायदे ला मुकरी जाणा जड़ा उनी यहूदी लोकां ने किता? 4 नी बिलकुल भी नी! परमेश्वर हमेशा सच्च बोलदा है, कने हर इक माणु झूठा होऐ,

जियां पबित्र शास्त्र च परमेश्वरे दे बारे च लिखया है, “जिसने तू अपणियां गल्लां च धर्मी होऐ कने न्याय करदे बेले तेरी जय होऐ।”

5 पर अगर साड़े बुरे कम्म परमेश्वरे दी धार्मिकता दसदे न, तां असां क्या बोलणा? क्या ऐ गलत है की परमेश्वर गुस्सा होई जाऐ कने सांझो सजा दे? (ऐ तां मैं माणुऐ दिया रीतिया पर बोलदा है।) 6 नी बिलकुल भी नी! अगर परमेश्वर साड़ा यहूदियां दा न्याय करणे च सही नी है, तां सै सारे संसारे दे लोकां दा न्याय कियां करगा?

7 कुछ लोक बोली सकदे न, “पर अगर मेरा झूठ परमेश्वरे दिया सच्चाईया जो उजागर करदा है कने उसयो होर जादा महिमा मिलदी है तां सै कियां मेरा न्याय करी सकदा है कने मिंजो इक पापी दे रूपे च दोषी बणाई सकदा है?” 8 असां बोली सकदे न की “चला असां बुरे कम्म करन, ताकि इदे च कोई भलाई निकले?” जियां की सांझो पर ऐई दोष लगादे भी न, कने थोड़े बोलदे न की इना दा ऐई बोलणा है। पर जड़े मेरे बारे च इयुदियां गल्लां करदे न सै सजा दे काबिल न।

9 तां फिरी क्या होया? क्या असां यहूदी लोक होर जातियां दे लोकां ला खरे न? नी बिलकुल भी नी! क्योंकि असां यहूदियां कने होर जातियां दोनो पर ऐ दोष लाई बैठयो न की सै सारे लोक पाप दिया शक्तिया दे बशे च न। 10 जियां पबित्र शास्त्र च लिखया है: “परमेश्वर दे सामणे कोई भी धर्मी नी है, इक भी नी।” 11 ऐथू कोई भी माणु नी है जड़ा समझी सके की क्या सही है; कोई भी परमेश्वरे जो नी जाणना चांदा। 12 सारे परमेश्वरे ला दूर चली गे, कने सारे दे सारे परमेश्वरे तांई निकमे बणी गे; भलाई करणे बाला कोई भी नी, इक भी नी। 13 उना दा गला खुलियो कबरा सांई है जिसा ला बड़ी बदबू ओंदी है: क्योंकि सै अपणी जिबा ने बुरा बोलदे न, कने जड़ा बोलदे न सै सांपे दे जेहरे सांई खतरनाख होंदा है। 14 कने उना दे भाषण श्राप कने कड़वाट ने भरयो न। 15 सै हत्या करणे तांई फुर्तीले न। 16 जिथू कुथी सै जांदे न सै बुराई कने दुख जो लेई ओंदे न। 17 सै नी जाणदे न की कियां शांति ने जि न। 18 उना च परमेश्वर दा डर है ही नी।

19 असां जाणदे न, की व्यवस्था जड़ा कुछ भी बोलदी है सै उना ने ही बोलदी है, जड़े व्यवस्था दे अधीन न, इस तांई की लोकां जो भाना बणाने ला रोकया जाये, कने सारे संसारे दे लोक परमेश्वर दे सामणे हिसाब देणेबाले होई जान। 20 क्योंकि व्यवस्था च दितयो हुकमा जो मनणे ने

कोई भी माणु परमेश्वरे सामणे धर्मी नी बणदा, क्योंकि मूसा दी व्यवस्था सांझो दसदी है की असां पापी न।

21 पर हुण बिना मूसा दी व्यवस्था दे हुकमा जो

मनयो परमेश्वर दी धार्मिकता प्रकट होई है, ऐ मूसा की व्यवस्था कने परमेश्वरे दे संदेश देणेबालयां दियां कताबां च लिखया है की असां कियां परमेश्वरे दे जरिये धर्मी बणे, 22 मतलव की परमेश्वरे दे सामणे धर्मी तालू बणदे न जालू असां यीशु मसीह पर भरोसा करदे न। क्योंकि हुण यहूदी कने होर जाति च कोई फरक नी है।

23 इस तांई की सारयां पाप कितया है कने परमेश्वरे दी उस महिमा ला दूर न जड़ी परमेश्वर दिदा है, 24 पर परमेश्वरे दे अनुग्रह ने उनी सांझो यीशु मसीह दे जरिये पाप दी सजा ला अजाद किता जड़ा यीशु मसीह च है, परमेश्वर सांझो बिना कुछ कितयो धर्मी घोषित करी दिन्दा है।

25-26 परमेश्वरे यीशु मसीह जो सूली पर चढ़ना दिता ताकि उदा खून लोकां दे पापां जो माफ करणे दा जरिया बणी सके, जड़े उस पर भरोसा करदे न। परमेश्वरे ऐसा ऐ दसणे तांई किता की सै धर्मी है। पूराणे बकते च परमेश्वरे सबर रखीकरी लोकां दे पापां जो अणदिखा किता, पर हुण सै लोकां दे पापां ने निपटदा है, ताकि सै अपणी धार्मिकता दस्सी सके। इयां परमेश्वर साबित करदा है की सै धर्मी है कने यीशु पर भरोसा करणे बालयां जो भी धर्मी बणादा है।

27 तां हुण ऐसा कुछ है जिस पर असां घमंड करन? नी, ऐसा कुछ नी जिदे बारे च असां घमंड करी सकन। कुण दे नियमा दिया बजा ने? क्या साड़े व्यवस्था दे कम्मा जो पूरा करणे ने? नी, पर यीशु मसीह पर भरोसा करणे दी दिया बजा ने। 28 इस तांई असां जाणदे न की परमेश्वरे सांझो यीशु मसीह पर भरोसा करणे ने धर्मी घोषित करी दितया है, ना कि मूसा दी व्यवस्था जो मनणे ने।

29 परमेश्वर सिर्फ यहूदियां दा ही परमेश्वर नी है, पर होर जातियां दा भी परमेश्वर है।

30 क्योंकि इक ही परमेश्वर है, जिनी खतने बालयां जो भरोसे ने कने जिना दा खतना नी होया उना जो भरोसे दे जरिये धर्मी घोषित किता है। 31 तां क्या असां व्यवस्था जो भरोसे दे जरिये बेकार बणादे न? नी बिलकुल भी नी! पर असां तां व्यवस्था जो उसा दा सही महत्व देदे न।

4

21 22 23 24 25 26 27 28 29 30 31

1 तां असां यहूदी होणे दे नाते अपने पूर्वज अब्राहमे दे बारे च क्या बोलन? की उसयो कुसा बजा ला धर्मी गिणया? 2 क्योंकि अगर अब्राहम भले कम्मा ने धर्मी बणदा, तां सै घमंड करी सकदा था, पर हुण सै परमेश्वरे सामणे अपने भले कम्मा पर घमंड नी करी सकदा। 3 पबित्र शास्त्र क्या बोलदा है? ऐ की “अब्राहमे परमेश्वरे दे वायदे पर भरोसा किता, कने इसी ने ही परमेश्वरे अब्राहमे जो धर्मी बणाया।”

4 कम्म करणे बाले दी मजदूरी देणा दान नी है, पर ऐ हक समझया जांदा है।

कुण परमेश्वर दा अनुग्रह पांणे तांई कम्म नी करदा है, पर जड़ा पापी लोकां जो धर्मी ठहराणे बाले परमेश्वरे पर भरोसा करदा है, उदा भरोसा उदे तांई धार्मिकता गिणया जांदा है।

5 कुण परमेश्वर दा अनुग्रह पांणे तांई कम्म नी करदा है, पर जड़ा पापी लोकां जो धर्मी ठहराणे बाले परमेश्वरे पर भरोसा करदा है, उदा भरोसा उदे तांई धार्मिकता गिणया जांदा है।

6 जियां पबित्र शास्त्र च दाऊद उना आशीषां दे बारे च लिखदा है, जड़ियां उना लोकां जो मिलदियां न जिना जो परमेश्वरे धर्मी बणाई दिता, चाहे उना धर्मी बणने तांई कोई कम्म नी किता, दाऊद भी इना जो धन्य बोलदा है;

7 “धन्य सै न, जिना दे अधर्म परमेश्वरे माफ किते, कने जिना दे पाप भुलाई दिते।

8 धन्य न सै माणु परमेश्वर जीना दे पापां दा लेखा जोखा नी रखदा।”

9 तां क्या ऐ धन्य बचन खतने बालयां तांई ही है, या जिना दा खतना नी होया है उना तांई भी है? असां ऐ बोला दे न की पबित्र शास्त्र क्या बोलदा है, अब्राहमे परमेश्वरे दे वायदे पर भरोसा किता, कने इसी ने ही परमेश्वरे अब्राहमे जो धर्मी बणाया। 10 तां सै धर्मी कालू बणया? क्या खतना होणे ला पेहले या खतना होणे बाद? अब्राहम खतना होणे ला बाद नी, पर खतना होणे ला पेहले धर्मी बणया।

11 परमेश्वरे उसयो पेहले ही अपनाई लिया था कने उसयो धर्मी घोषित करी दितया था, जबकि उदा हले भी खतना नी होया था, खतने दा निशाण उस अपनाणे दी मोहर है। इस तांई सै उना लोकां दा पूर्वज है जिना बाल भरोसा है पर उना दा खतना नी होया है। इना जो इना दे भरोसे दिया बजा ने धर्मी गिणया जांदा है। 12 कने अब्राहम उना खतना कितयो लोकां दा पूर्वज होया, जड़े ना सिर्फ खतने पर आस रखदे न, पर उना बाल सियुदा ही भरोसा है, जड़ा साड़े पूर्वज अब्राहमे खतना करणे ला पेहले कितया था।

कुण परमेश्वर दा अनुग्रह पांणे तांई कम्म नी करदा है, पर जड़ा पापी लोकां जो धर्मी ठहराणे बाले परमेश्वरे पर भरोसा करदा है, उदा भरोसा उदे तांई धार्मिकता गिणया जांदा है।

13 परमेश्वरे अब्राहम कने उदे बंशजा ने बायदा किता की सै पुरे संसार दे वारिस होणे न, परमेश्वरे ऐ बायदा इस तांई नी किता की अब्राहमे मूसा दे हुकमा जो मनया, पर अब्राहमे जो भरोसे दिया बजा ने परमेश्वरे धर्मी बणया। 14 क्योंकि अगर परमेश्वरे दा अब्राहम कने उदे बंशजा जो संसार देणे दा वायदा सिर्फ उना ही लोकां तांई है जड़े मूसा दी व्यवस्था दे हुकमा जो मंदे न, तां भरोसा बेकार है कने परमेश्वरे दे वायदे दा भी कोई मतलब नी रिया। 15 परमेश्वर तां उना लोकां जो सजा दिन्दा जड़े व्यवस्था जो पूरी तरा नी मंदे, पर जिथू व्यवस्था है ही नी, ओथु व्यवस्था दा उलंघन भी नी हांदा।

16 इस तांई लोकां जो परमेश्वरे दा बायदा उना दे भरोसे दे जरिये मिल्ला। ऐ इस तांई होया की परमेश्वरे दा वायदा अनुग्रह दे जरिये मिल्ले, तालू अब्राहम दे सारे बंशा बाल ऐ वायदा हो, ऐ सिर्फ उना तांई ही नी है जड़े मूसा दी व्यवस्था पर चलदे न, पर हर इक उस माणु तांई जड़ा अब्राहमे सांई भरोसे सोगी जिन्दगी जिंदा है, जड़ा असां सारयां दा पूर्वज है। 17 जियां पबित्र शास्त्रां च लिखया है, “मैं तिजो मतियां जातियां दा पूर्वज बणाया है” परमेश्वरे दे सामणे अब्राहम साड़ा पिता है। उना उस परमेश्वरे पर भरोसा किता, जड़ा मरयां जो फिरी जिन्दा करदा है कने जड़ियां चीजां मोजूद भी नी न, उना दा ना इयां लेंदा है, की जियां की सै चीजां मोजूद न।

18-19 परमेश्वरे अब्राहम जो बोलया की सै तिजो मते सारे बंशज दिगा, पर अब्राहमे सोचया की मैं बड़ा बुड्डा होई गया है, क्योंकि उस बकत सै लगबग सौ सालां दा होई गया था कने सारा भी बच्चे पैदा नी करी सकदी थी। तां ऐ पक्का ही था की अब्राहम कदी भी मतियां जातियां दा पिता नी बणी सकदा था, पर फिर भी अब्राहम अपने भरोसे च कमजोर नी होया कने सै लगातार भरोसा रखदा रिया कने उम्मीदा जो टूटणा नी दिता।

20 कने ना ही अविश्वासी होईकरी परमेश्वरे दे वायदे पर शक किता, पर भरोसे च मजबूत होईकरी परमेश्वरे दी महिमा किती, 21 कने पक्का यकीन किता की जिसा गल्ला दा परमेश्वरे वायदा कितया है, सै इस वायदे जो पूरा करणे दे भी काबिल है। 22 उदे भरोसे दिया बजा ने ही परमेश्वरे अब्राहमे जो धर्मी बणाया,

23 कने इस बचन कने भरोसे दिया बजा ने ही परमेश्वरे अब्राहमे जो धर्मी बणाया, “ना सिर्फ उदे तांई लिखया गिया,” 24 बल्कि साड़े तांई भी जिना जो परमेश्वरे धर्मी घोषित करणा, मतलब की अगर असां परमेश्वरे पर

भरोसा करगे, जिनी साड़े परभु यीशु मसीह जो मरयां चे जिन्दा किता, तां असां भी भरोसे दिया बजा ने धर्मी मन्ने जाणे। 25 यीशु मसीह साड़े पापां तांई मरी गया, कने परमेश्वरे उसयो दुबारा जिंदा किता ताकि परमेश्वर सांझो धर्मी बणाए।

5

?????????? ??

1 इस तांई असां भरोसे ने धर्मी बणे, क्योंकि जड़ा परभु यीशु मसीहे साड़े तांई कितया है, उदे जरिये असां परमेश्वरे सोगी शांति ने रेन, 2 क्योंकि साड़े भरोसे दिया बजा ला यीशु मसीह सांझो इस अनुग्रह च लेईकरी आया जिथू असां हुण न, कने असां पूरी हिम्मत कने खुशिया ने परमेश्वरे दी महिमा च हिस्सेदार होणा।

3 सिर्फ ऐ ही नी, बल्कि सांझो दुखां च भी खुश रेणा चाईदा, क्योंकि असां जाणदे न की दुख सेहणे ने असां होर जादा सहनशील बणदे न, 4 परमेश्वरे सांझो अपनाई लिया क्योंकि असां दुखां च सेहणा सीखी लिया है, कने परमेश्वर सांझो अपनांदा है इस तांई सांझो आस है; 5 कने आस ने सांझो शर्मिंदगी नी होंदी, क्योंकि पबित्तर आत्मा जड़ी परमेश्वरे सांझो दितियो है उदे जरिये परमेश्वरे साड़े मना जो प्यार ने भरी दितया है।

6 क्योंकि जालू असां कमजोर थे, तालू मसीह परमेश्वरे दे चुणयो बकत पर बुरे लोकां तांई मरया। 7 ऐ कुसी तांई कठिन है की कोई धर्मी माणुए तांई अपनी जान देई दे, होई भी सकदा है की भले माणुए तांई अपनी जान देणे दी इच्छा रखे।

8 पर परमेश्वर सांझो पर अपने प्यार दी भलाई इस तरीके ने प्रगट करदा है, की जालू असां पापी ही थे तालू मसीह साड़े तांई मरया। 9 जालू असां हुण धर्मी बणे क्योंकि यीशु मसीह साड़े तांई मरया कने साड़े पापां तांई अपना खून बहाया, तां सांझो यकीन है की मसीहे सांझो परमेश्वरे दे गुस्से ला बचाणा?

10 क्योंकि जालू असां परमेश्वरे दे दुश्मन ही थे तमी उदे पुत्र यीशु दे मरणे ने साड़ा मेल परमेश्वरे सोगी होया, इस तांई सांझो पक्का पता है की हुण साड़ा मेल शान्ति ने परमेश्वरे सोगी है, मसीहे सांझो बचाणा क्योंकि मसीह जिन्दा है। 11 कने सिर्फ ऐ ही नी, पर हुण तां साड़े परभु यीशु मसीह दे जरिये परमेश्वरे ने साड़ा मेल होई गया है, इस तांई असां परमेश्वर च खुश न।

???? ??

12 इस तांई जालू इक माणुए दिया बजा ने पाप संसार च आया, आदम पेहला माणु है जिसयो परमेश्वरे बणाया कने आदमे पाप किता कने मरी गया, कने जिसदी बजा

ने सै सारे लोक जड़े इस संसार च पैदा होए, सै सारे मरे, क्योंकि सब पापी बणी गे। 13 मूसा दी व्यवस्था दिते जाणे ला पेहले ही लोकां पाप किता, पर इसयो पाप नी गिणया क्योंकि तालू कोई व्यवस्था नी थी कने कोई नियम भी नी टुटया था।

14 तमी आदम ला लेईकरी मूसा दीकर सारयां लोकां पाप किता कने सारे मरी गे, जिना आदम सांई कुसी तरा दे हुकम नी मनणे ने पाप नी कितया था। आदम दे पापे इना सारयां लोकां पर प्रभाव पाया, ठीक तियां ही जियां मसीहे किता जड़ा उदे बाद आया।

15 पर आदम दा पाप उस बरदान सांई नी है जड़ा परमेश्वर सांझो अपने अनुग्रह ला दिन्दा है, क्योंकि इक माणुए दा पाप मते लोकां तांई मौत लेईकरी आया। पर परमेश्वरे दा अनुग्रह बड़ा महान है, जड़ा उनी सांझो दितया है, उदी कीमत मतयां लोकां तांई उसला बड़ी जादा है। यीशु मसीहे इक माणुए दे रुपे च अपने अनुग्रह ला जड़ा किता, उनी इसयो संभव किता।

16 जड़ा तोफा परमेश्वर सांझो दिन्दा है सै आदम दे पाप सांई नी है, क्योंकि इक पाप सजा लेईकरी आया, पर चाहे असां मते सारे पाप किते न, परमेश्वरे सांझो सै तोफा दिता जिसने असां धर्मी बणदे न। 17 क्योंकि जालू इक माणुए दे पापां दिया बजा ने मौत सारे लोकां पर आई गई, तां जिना लोकां जो अनुग्रह कने धार्मिकता दा बरदान मता सारा मिलदा है उना जो इक माणुए दे, मतलब की यीशु मसीह दे जरिये हमेशा दी जिन्दगी मिलणी कने उना राज्य भी करणा।

18 इस तांई जियां इक पाप सारे माणुआं तांई सजा लेईकरी आया, तियां ही इक धार्मिकता दा कम्म भी सारयां लोकां तांई धर्मी बणने दी बजा बणी जड़ा जिन्दगी दिन्दा है। 19 क्योंकि जियां इक माणुए दे हुकम नी मनणे ने मते लोक पापी बणे, तियां ही इक माणुए दे हुकम मनणे ने मते लोकां धर्मी बणना है।

20 मूसा दी व्यवस्था दिती गई ताकि सारे लोक जाणी सकन की सै कितणे पापी न, पर जालू लोकां पाप पर पाप किते, तां परमेश्वरे अपनी दया कने अनुग्रह होर भी जादा दसया, 21 जियां सारयां पाप किता कने सारे मरी गे, तियां ही साड़े परभु यीशु मसीह दे जरिये परमेश्वरे दे अनुग्रह ने उना जो धर्मी बणाणा कने उना जो हमेशा दी जिन्दगी देणी।

6

???? : ???? ?

1 तू सोचदा है, की अगर परमेश्वरे अपने अनुग्रह ने साड़े पापां जो माफ करी दितया है, पर असां ऐसा ना

सोचन, चला असां पाप करदे रेंन ताकि अनुग्रह होर जादा हो।² नी बिलकुल भी नी! अगर असां पाप ताई इक बरी मरी गो तां सांझो लगातार पाप नी करणा है।³ असां जाणदे न की जालू असां यीशु मसीह सोगी इक होणे ताई बपतिस्मा लिया, तां असां यीशु मसीह सोगी मरी गो।

⁴ जालू असां बपतिस्मा लिया तां ऐ ऐसा था जियां असां मसीह सोगी मरी गो कने उस सोगी दफनाई दिते, ताकि जियां मसीहा पिता परमेश्वर दिया महिमा दे जरिये मरयां चे जिन्दा किता, तियां ही असां भी नोई जिन्दगिया जो नोए तरीके ने जिन।

⁵ क्योंकि अगर असां बपतिस्मे जरिये यीशु दी मौता च उदे सोगी इक होई गो, तां पक्का है की असां उदे जिन्दे होणे पर उदे सोगी इक होई जाणा।

⁶ क्योंकि असां जाणदे न की साड़ा पराणा पापी सभाव यीशु मसीह सोगी सूली पर चढ़ाया गया, ताकि शरीरे दा पापी सभाव खत्म होई जाऐ, कने असां अगगे जो पाप दे गुलाम नी रेन।⁷ क्योंकि जालू असां मसीह सोगी मरी गो तां असां पाप दी शक्ति ला मुक्त होई गो।

⁸ इस ताई अगर असां मसीह सोगी मरी भी गो, तां साड़ा भरोसा ऐ भी है की उदे सोगी जीणा भी है,⁹ क्योंकि असां जाणदे न की, मसीह मरी करी जिन्दा होया कने फिरी कदी नी मरणा है। मौत दा उस पर कोई हक नी है।

¹⁰ क्योंकि यीशु मसीहा जड़ा मरी गया तां पाप ताई इक ही बरी मरी गया; पर जड़ी जिन्दगी सै जी दा है, सै परमेश्वर दे आदर ताई जिंदा है।¹¹ इयां ही तुसां भी अपने आपे जो पापे दी शक्ति ताई मरया होया समझा, पर परमेश्वरे ताई यीशु मसीह जो इज्जत देणे ताई जिया।

¹² इस ताई पापी इच्छां जो अपणिया जिन्दगिया पर राज करणा मत दिया, ताकि तुसां अपणियां पापी इच्छा दे अनुसार कम्म ना करन।¹³ कने ना अपने शरीर दे अंगा जो बुरे कम्मा ताई इस्तेमाल करा, पर अपने आपे जो मरयां चे जिन्दा समझीकरी अपने आपे जो परमेश्वरे जो दिया, कने अपने शरीरे दे अंगा जो धार्मिकता दे कम्मा जो पूरा करणे ताई अपनी जिन्दगी परमेश्वरे जो दिया।¹⁴ तां तुसां पर पाप दी शक्तिया राज्य नी करणा, क्योंकि तुसां मूसा दी व्यवस्था दे अधीन नी पर परमेश्वर दे अनुग्रह दे अधीन न।

????? ???? ???? ???? ??

¹⁵ तां क्या होया? अगर हुण असां व्यवस्था दे अधीन नी न पर परमेश्वरे दे अनुग्रह दे अधीन न, तां सांझो पाप नी करणा चाईदा।¹⁶ तुसां ऐ जाणदे न की जालू तुसां अपने आपे जो कुसी दा गुलाम बनाई दिन्दे न, तां

फिरी सै माणु तुहाड़ा मालिक है कने तुसां जो सै करणा चाईदा जड़ा सै बोलदा है: तुसां पाप दे गुलाम बणी सकदे न, जड़ा तुसां जो मौता पासे लेई जांदा है, या तुसां परमेश्वरे दे गुलाम बणी सकदे न, जड़ा तुसां जो धार्मिक जिंदगी जिणे च अगुवाई करदा है।

¹⁷ तुसां जड़े पाप दे गुलाम थे, पर हुण तुसां उस शिक्षा जो मंदे न जड़ी तुसां जो मिल्ली है, इदे ताई मैं परमेश्वर दा धन्यावाद करदा है,¹⁸ परमेश्वरे तुसां जो पाप दी शक्ति ला अजाद करी दिता कने तुसां परमेश्वर दे गुलाम बणी गो, की सै करणे ताई जड़ा सही है।

¹⁹ मैं गुलामी दा ऐ उदाहरण तुसां जो इस ताई दिता ताकि तुसां असानी न समझी सकन की मैं क्या सिखा दा है। जियां तुसां अपने शरीरे दे अंगा जो बुरे कम्म कने अपवित्रता दी गुलामी ताई देई दिता, तियां ही हुण अपने शरीरे दे अंगा जो भले कम्म कने पबित्रता दे गुलाम होणे ताई देई दिया।

²⁰ जालू तुसां पाप दे गुलाम थे, तां तुसां दी भले कम्मा जो करणे दी कोई इच्छा नी थी।²¹ तुसां बुरे कम्म किते, कने तुसां हुण इना कम्मा ला शर्मिंदा होंदे न। तां तुसां जो क्या मिल्ला? ऐसे कम्म सिर्फ मौत लेईकरी ओंदे न।

²² पर हुण पाप ला अजाद होईकरी कने परमेश्वरे दे गुलाम बणी करी तुसां दे ऐसे कम्म जिन्दगी च पबित्रता लेईकरी ओंदे न, कने उना दा अंत हमेशा दी जिन्दगी है।²³ क्योंकि पाप दा नतीजा मौत है, पर सै बरदान जड़ा परमेश्वर सांझो दिन्दा है, सै हमेशा दी जिन्दगी है जड़ी साड़े प्रभु यीशु मसीह च है।

7

????? ???? ???? ???? ??

¹ हे मसीह भाईयो, तुसां जाणदे न (मैं व्यवस्था जो जाणने बालयां जो बोलदा हे) की जालू दीकर माणु जिन्दा रेंदा है, तालू दीकर ही उस व्यवस्था दा अधिकार उस पर है?

²⁻³ उदाहरण ताई, व्यवस्था दे अनुसार इक माणुए दी घरे बाली उदी ही घरे बाली बणी की रे जालू दीकर उसा दा घरेबाला जिन्दा है, पर जालू उसा दा घरेबाला मरी गया, तां सै कुसी होरसी ने बियाह करणे ताई अजाद है, पर अगर सै अपने घरे बाले दे होंदे होए कुसी होरसी माणुए सोगी चली जाऐ, तां उसयो व्यभिचारणी बोलदे न।

⁴ तां हे मेरे मसीह भाईयो, जालू तुसां मसीह सोगी मरी गो, तां तुसां व्यवस्था दे अधिकार ताई भी मरी गो। हुण तुसां मसीह दे न जड़ा मरयां चे जिन्दा होई

6 अगर तुसां अपने मन जो पापी सबाभे दे बशे च रखदे न तां उदा नतीजा मौत है, पर अगर तुसां अपने मन जो पबित्र आत्मा दे बशे च रखगे तां उदा इनाम जिन्दगी कने शांति है। 7 क्योंकि पापी सबाभे दे बशे च रेणा तां परमेश्वरे ने बैर रखणा है, क्योंकि पापी सबाभे ना तां परमेश्वरे दिया व्यवस्था दे अधीन है, कने ना ही उदिया व्यवस्था दा पालन करी सकदा है। 8 कने जड़े पापी सबाभे दे बशे च न, सै परमेश्वरे जो खुश नी करी सकदे।

9 पर जालू परमेश्वरे दी आत्मा तुसां च बसदी है, तां तुसां पापी सबाभे दे बशे च नी न, पर आत्मा दे बशे च न। अगर कुसी च मसीह दी आत्मा नी है तां सै मसीह दा नी है। 10 अगर मसीह तुसां च है, तां पाप दिया बजा ने शरीर मरया होणे पर भी धार्मिकता दिया बजा ने तुहाड़ी आत्मा जिन्दा है।

11 कने अगर परमेश्वरे दी आत्मा जिना यीशुए जो मरी करी जिन्दा किता जड़ी तुसां च बसियो है; तां जिनी यीशु मसीह जो मरयां चे जिन्दा किता उनी तुहाड़े मरणे बाले शरीरे जो अपणिया आत्मा दे जरिये जिन्दा करणा।

12 तां हे मसीह भाईयो, सांझो हुकम मनणा चाईदा, पर सै नी जड़ा साड़ा पापी सबाभे चांदा है की असां करन। 13 क्योंकि अगर तुसां पापी सबाभे दे अनुसार जिन्दगी जींगे, तां तुसां परमेश्वरे ला लग होई जाणा, अगर तुसां पबित्र आत्मा दिया शक्तिया ला सै सब करणा बंद नी करगे जड़ा तुहाड़ा पापी सबाभे करणा चांदा है, तां तुसां जिन्दा रेणा।

14 इस तांई की जितणे लोक परमेश्वरे दिया आत्मा दे चलाणे ने चलदे न, से ही परमेश्वरे दे बच्चे न। 15 क्योंकि तुसां जो गुलामी दी आत्मा नी मिलियो है, की तुसां फिरी परमेश्वरे ला डरन, पर तुहांजो परमेश्वरे दी आत्मा मिल्ली है जालू उनी तुसां जो अपने बच्चे होणे तांई गोद लिया, जिसने असां हे बापू, हे पिता बोली करी पुकारदे न।

16 पबित्र आत्मा अपु ही साड़िया आत्मा सोगी गबाई दिन्दा है, की असां परमेश्वरे दी ओलाद न। 17 कने अगर ओलाद न, तां वारिस भी न, बल्कि परमेश्वरे दे वारिस कने मसीह सोगी वारिस न, अगर असां यीशु सांई दुखां जो सेहन करदे न। तां असां भी उदी महिमा च हिस्सा लेणा।

🔗🔗🔗🔗 🔗 🔗🔗🔗 🔗🔗🔗 🔗🔗🔗 🔗🔗🔗

18 मिंजो पक्का यकीन है, की जिना दुख तकलिफां जो असां इस बकत सेहन करा दे न, ऐ दुख तकलीफ उस महिमा दे सामणे बड़े घट न जड़ी सांझो परमेश्वर बादे च देंगे बाला है, 19 क्योंकि सारी सृष्टि बड़िया आसा

सोगी उस बकत दा इंतजार करा दी है, जालू परमेश्वरे प्रगट करणा है की उदे बच्चे कुण न।

20 क्योंकि परमेश्वरे जड़ा कुछ भी संसार च बनाया, सै बेकार होई गया, इस तांई नी होया की सै चांदे थे, पर ऐ इस तांई होया की परमेश्वरे ऐसा किता। पर फिर भी इक आस है। 21 की संसार उस दिने दा इंतजार करा दा है, जालू संसारे मौत कने बिनाश दी गुलामी ला अजाद होई जाणा कने परमेश्वरे दे बचयां दी महिमामय आजादी च हिसेदार होंगा। 22 क्योंकि असां जाणदे न, जालू ला आदमे पाप किता, तालू ला लेइकरी हुणे दीकर जितणियां भी चीजां जो परमेश्वरे बनाया, सै पीड़ा ने इयां चिखदियां न जियां इक जनानी बच्चे जो जमणे बकत चिखदी है।

23 कने सिर्फ संसार ही नी जड़ा पीड़ा सेहन करा दा है, पर असां भी पबित्र आत्मा जरिये होणे बाली महिमा दा स्वाद चखणा है, हालांकि असां अंदर-अंदर ही पीड़ा सेहन करदे न; पर असां हुण भी उस बकते दा इंतजार करदे न जालू परमेश्वर सांझो अपने बच्चे होणे तांई उपर लेई जाणा है कने साड़े शरीरे जो उना सारियां बुरियां चीजां ला छुटकारा देई देणा कने सांझो नोए शरीरां जो देईकरी साड़े शरीरां जो अजाद करणा है। 24-25 परमेश्वरे जालू सांझो बचाया तालू सांझो ऐ आस दिती, की हल्ले दीकर सांझो सै सब कुछ नी मिल्ला जिसदा परमेश्वरे वायदा कितया, इस तांई सांझो अजे भी आस है की सै सब कुछ मिलणा है। इस तांई हुण असां सबर रखीकरी इंतजार करदे न जालू दीकर सै मिल्ली ना जाऐ। क्योंकि कोई भी उसा चिजा जो पाणे दी इच्छा नी करदा जड़ी पेहले ला ही उदे बाल है।

26 इयां ही पबित्र आत्मा भी साड़ी तालू सहायता करदा है जालू असां अपने परमेश्वरे पर भरोसे च कमजोर होंदे न, क्योंकि असां नी जाणदे की प्राथना कियां करणा चाईदी, पर पबित्र आत्मा अपु ही रोई-रोई करी साड़े तांई बिनती करदी है, सै असां दस्सी नी सकदे न। 27 कने मना जो जाणने बाला परमेश्वर जाणदा है, की पबित्र आत्मा क्या बोला दी है? क्योंकि सै पबित्र लोकां तांई परमेश्वरे दिया इच्छा अनुसार बिनती करदा है।

28 कने असां जाणदे न, की जड़े लोक परमेश्वरे ला प्यार रखदे न, उना लोकां तांई सारियां गल्लां मिलिकरी भलाई जो ही पैदा करदियां न, मतलब की उना तांई जड़े उदिया इच्छा अनुसार चुणयो न। 29 क्योंकि जिना जो उनी पेहले ला ही चुणया है, उना तांई पेहले ला ही निर्णय भी लिया है, की सै उदे पुत्रे सांई बणी जान ताकि सै मते भाईयां चे जेठा पुत्र बनन। 30 फिरी जिना तांई

परमेश्वरे पेहले ला ही तय कितया है, उना जो ही चुणया भी, कने जिना जो चुणया है, उना जो धर्मी भी बणाया है, कने जिना जो धर्मी बणाया, परमेश्वरे अपनी महिमा उना सोगी बंडणी है।

?????????? ? ? ? ? ? ? ? ? ? ? ? ? ? ? ? ?

31 तां असां इना गल्लां दे बारे च सोची करी इसी नतीजे पर ओंदे न, अगर परमेश्वर साड़े पासे है, तां कोई भी दुशमण सांझो हराई नी सकदा। 32 जिनी परमेश्वरे अपने इकलोते पुत्रे जो साड़े तांई बलिदान करी दिता, कने साड़े तांई उसयो दुशमणा दे हथे देई दिता, तां उनी सांझो सै सब कुछ भी देणा जिसदा उनी सांझो ने वायदा कितया है।

33 कोई भी परमेश्वरे दे सामणे सांझो पर दोष नी लगाई सकदा, क्योंकि सेई है जड़ा अपने सोगी सांझो धर्मी बणादा है। 34 कोई भी साड़ी बुराई नी करी सकदा, क्योंकि ऐ यीशु मसीह है, जड़ा साड़े तांई मरी गया कने मरी करी जिन्दा होई गया था, कने जड़ा साड़े तांई परमेश्वरे ला बिनती करदा है।

35 कोई भी सांझो मसीह दे प्यार ला लग नी करी सकदा, ना ही दुख, ना ही मुसिबतां, ना ही सताया जाणा, ना ही अकाल, ना ही गरीबी, ना ही खतरा, कने ना ही तलवार इना चे इक भी नी। 36 जियां पबित्र शास्त्र च लिखया है, “परमेश्वरे तांई हर दिन लोक सांझो जानी ला मारणे दी धमकी दिन्दे। सांझो बलि देंगे बालियां भेडां सांई समझया गया।”

37 पर इना सारे बुरे हालातां च उदे जरिये साड़ी पूरी जित है, जिनी सांझो ने प्यार किता है। 38-39 क्योंकि मैं पक्का जाणदा है की, कुछ भी सांझो प्यार करणे वाले मसीह ला दूर नी करी सकदा, इसला कोई फरक नी पोंदा की असां जिन्दे न या मुर्दा, स्वर्गदूत, अधिकारी, कने अम्बरे दियां शक्तियां इस काबिल नी की उदे प्यार ला लग करी सकन कने जड़ा कुछ हुण होआ दा है कने जड़ा कुछ अगगे होणा, कने सारे संसारे च जड़ा सब कुछ है इस काबिल नी है की सांझो परमेश्वरे दे प्यारे ला जड़ा साड़े प्रभु यीशु मसीह च है लग करी सके।

9

???????????? ? ? ? ? ? ? ? ? ? ? ? ? ? ? ? ?

1-3 हुण कुछ भी नी है जड़ा सांझो परमेश्वरे दे प्यार ला लग करी सकदा है, तां फिरी कजो इस्राएली लोक, मेरे यहूदी भाई परमेश्वरे ला लग न? मेरा मन मेरे अपने लोकां तांई बड़ा दुखी होंदा है, क्योंकि मैं ऐथू दीकर चांदा की अपने लोकां दा उद्धार करणे तांई मैं मसीह ला लग होई जां कने अरोपी बणी जां, मैं ऐ करणे तांई तैयार भी है। मैं मसीह जो गबाह मन्नी करी सच्च बोला दा है।

पबित्र आत्मा कने मेरी अंतरात्मा भी ऐ जाणदे न की मैं झूठ नी बोला दा है। 4 सै मेरे सांई इस्राएली लोक न, इना जो परमेश्वरे अपने गोद लियो बच्चे होणे तांई चुणया, महिमा, बाचा, मूसा दी व्यवस्था, परमेश्वरे दी भक्ति कने बायदा उना दी है। 5 अब्राहम, इसहाक कने याकूब उना दे पूर्वज न, जड़े शरीरिक तौर पर प्रभु यीशु मसीह दे भी पूर्वज न कने पिता परमेश्वर जड़ा सबना पर राज करदा है, उदी महिमा युगां-युगां दीकर होंदी रे। आमीन।

6 पर ऐ नी की, परमेश्वरे अपने वायदे पुरे नी करी सकया, इस तांई होया की जड़े इस्राएले दे बंशज न सै असल च सारे इस्राएली नी न; 7 कने अब्राहम दे बंशे च पैदा होणे ने ही सारे उदी सच्ची ओलाद नी बणदे, क्योंकि परमेश्वरे अब्राहम ने बोलया “जड़े इसहाक दे बंश च पैदा होंदे न, सेई तेरे बंश मन्ने जाणे न।”

8 मतलब की जड़े शरीरे ने पैदा होंदे न, सै परमेश्वरे दी ओलाद नी है, पर सिर्फ बायदा कितयो ओलाद ही अब्राहम दे बंश मन्ने जान। 9 क्योंकि बायदे दा बचन ऐ है, “मैं अगले साल इस बकत दुबारा ओणा कने तालू सारा जो इक पुत्र होणा।”

10 कने सिर्फ ऐई नी, पर रिबका दे जुड़वा जागतां दा इक ही पिता था, साड़ा पूर्वज इसहाक। 11-12 कने ऐथू दीकर उना दे पैदा होणे ला पहले परमेश्वरे रिबका ने बोलया, की उदे बडे जागते छोटे जागदे दी सेवा करणी। परमेश्वरे ऐसा इस तांई बोलया की परमेश्वर अपनी इच्छा ने ही चुणदा है, ऐ इस तांई नी होया की इना बचयां चे कुनी कुछ कितया था, पर परमेश्वर ही है जड़ा ऐ चुनाव करदा है। 13 जियां पबित्र शास्त्र च लिखया है, “मैं याकूबे ने प्यार किता, पर एसाब ने प्यार नी किता।”

14 तां असां इदे बारे च क्या बोलन? क्या परमेश्वरे उना लोकां जो चुणने च अन्याय करदा है जिना जो सै चुणना चांदा है? नी बिलकुल भी नी! 15 क्योंकि परमेश्वरे मूसा ला बोलया, “मैं जिस पर दया करणा चांगा उस पर दया करणी, कने जिस कुसी पर कृपा करणा चांगा उस पर कृपा करणी।” 16 इस तांई परमेश्वर उसी जो ही चुणदा है जिस पर दया दसणा चांदा है, परमेश्वरे दा चुणना इसा गल्ला पर निर्भर नी करदा है की लोक क्या चांदे न या क्या करणे दी कोशिश करदे न।

17 क्योंकि पबित्र शास्त्र च परमेश्वरे मिस्र दे राजा फिरौन जो बोलया, “मैं तिजो इसी तांई राजा बणाया है, की तिजो पर अपनी शक्ति दस्से, कने मेरे नाए दा प्रचार सारे संसार दे लोकां च हो।” 18 कने सै जिसयो

चांदा हे, उस पर दया करदा हे, कने जिसयो चांदा हे, उसयो जिद्दी बणाई दिन्दा है।

?????????? ?? ??????? ???? ???? ???? ?

19 फिरी कुछ लोकां मिंजो ने बोलणा, “अगर ऐसा है तां परमेश्वर कियां बोली सकदा है की असां गलत न? क्योंकि कोई भी उसयो नी रोकी सकदा जड़ा सै करणा चांदा है।” 20 हे भाई, तू कुण है, जड़ा परमेश्वरे ने बेहस करदा है? क्या बणाई होई चीज बणाणे बाले पुच्छी सकदी है, “की तू मिंजो ऐसा कजो बणाया?” 21 कुम्हारे जो क्या मीटिया पर हक नी, की सै इकी ही मीटिया ला, इक बांडा आदर ताई, कने दूजा अनादर ताई बणाए,

22 तां इदे च कुण देई हेरानी दी गल्ल है की परमेश्वरे अपना गुस्सा दसणे ताई कने अपनी शक्ति प्रगट करणे दिया इच्छा ला गुस्से दे भांडयां दी, जड़े विनाश ताई तैयार कितयो थे, बड़े सबर ने सेहन किती। 23 जिना लोकां पर परमेश्वर दया करगा, जिना जो उनी अपनी महिमा च हिस्सेदारी ताई पेहले ही चुणया है, उना पर अपनीया बड़ी जादा महिमा दे धने जो प्रगट करणे दी इच्छा किती?

24 मतलब की असां पर जिना जो उनी ना सिर्फ यहूदियां च बल्कि होर जातियां च भी चुणया।

25 जियां होर जातियां दे बारे च, परमेश्वर उदा संदेश देणेबाले होशे दिया कताबां च भी बोलदा है, “जड़ी मेरी प्रजा नी थी, उना जो अपनी प्रजा बोलणा, कने जड़े मेरे प्यारे लोक नी थी, उना जो मैं प्यारे बोलणा; 26 कने इयां होणा की जिसा जगा च परमेश्वरे उना जो ऐ बोलया था, की तुसां मेरे लोक नी न, उसा ही जगा च जिन्दा परमेश्वरे उना जो अपनी संतान बोलणा।”

27 कने परमेश्वरे दा संदेश देणेबाले यशायाह इस्राएल दे लोकां बारे च पुकारी करी बोलदा है, “चाएँ इस्राएले दे लोक गिणतिया च समुदरे दे कंडे दिया रेता साईं मते भरी न, तमी उना च थोड़े ही बचना।” 28 क्योंकि प्रभुऐ जल्दी ही संसारे लोकां दा न्याय सच्चाईया ने करणा। 29 जियां परमेश्वरे दा संदेश देणेबाले यशायाह पेहले भी बोलया था, “अगर सबते शक्तिशाली प्रभु इस काबिल नी बणादां की साड़े कुछ बंश होन, तां असां सदोम कने अमोरा शेहरां दे लोकां साईं खत्म होई जादे।”

?????????? ?? ?????????????

30 तां असां इदे बारे च क्या बोलन? ऐ की होर जातियां अपने आप जो परमेश्वरे सोगी ठीक करणे दी कोशिश नी करदे थे, पर परमेश्वरे उना जो अपने सोगी धर्मी बणाया क्योंकि उना उस पर भरोसा किता; 31 पर इस्राएली लोक, जड़े मूसा दी व्यवस्था जो मन्नी करी

परमेश्वरे दे जरिये धर्मी होणा चांदे थे, पर सै धर्मी बणने च सफल नी होए।

32 ऐ कियां होई सकदा है? इस ताई की इस्राएली लोक भरोसे ने नी, पर भले कम्मा धर्मी होणा चांदे थे: उना मसीह जो नी अपनाया जिदी उस पथरे सोगी तुलना करी सकदे न जिसला लोकां जो ठोकर लगदी है। 33 जियां पबित्र शास्त्र च लिखया है, “दिखा मैं यरूशलेम शहर च लोकां जो ठोकर लगणे ताई इक पथर रखा दा है जिसला लोकां डेई पोंणा है, कने जड़ा इस पर भरोसा करगा, उनी शर्मिंदा नी होणा।”

10

1 हे मसीह भाईयो, मेरे मने दी इच्छा कने इस्राएली लोकां ताई परमेश्वरे ने ऐ मेरी प्राथना है, की परमेश्वर उना जो बचाई ले। 2 क्योंकि मैं उना दी गबाई दिन्दा है, की सै परमेश्वरे ताई उत्साहित रेंदे न, पर परमेश्वर दी सेवा करणे दी उना दी समझ सही नी है। 3 क्योंकि इस्राएली लोक परमेश्वरे दिया उसा धार्मिकता ला अनजाण होईकरी कने अपने ही तरीके ने धर्मी बणने दी कोशिश करदे न, उना अपने आपे जो परमेश्वरे दिया धार्मिकता दे अधीन नी किता।

4 क्योंकि व्यवस्था दा मकसद हुण पूरा होई गया है की मसीह आई गया है। इस ताई हर कोई जड़ा मसीह पर भरोसा करदा है, उसयो परमेश्वर धर्मी बणादा है।

?????????? ?????? ??????

5 क्योंकि मूसा व्यवस्था ला मिलियो धार्मिकता दे बारे च परमेश्वरे दे बचन च ऐ लिखया है, “की जड़ा माणु इना गल्लां जो मनदा है, उसयो इसी ने ही जिन्दगी मिलणी।”

6 पर जड़ी धार्मिकता सांझो मसीह पर भरोसा करणे ने मिलदी है, इदे बारे च पबित्र शास्त्र ऐ बोलदा है, “तू अपने मने च ऐ मत बोलदा की कुण स्वर्गे पर चढ़गा कने मसीह जो थले धरती पर उतारगा?” 7 या कुण अधोलोक च उतरगा कने कुण मसीह जो मरयां च जिन्दा करिरी उपर लेई ओगा?

8 क्या है इदा मतलब? “ऐ की परमेश्वरे दा बचन तेरे बाल है, तेरे मुऐ कने तेरे मने च,” ऐ सेई भरोसे दा संदेश है, जड़ा असां प्रचार करदे न।

9 इस ताई अगर तू अपने मुऐ ला यीशु मसीह जो प्रभु मन्नी लेदां है कने अपने मने ने भरोसा करे, की परमेश्वरे उसयो मरयां च जिन्दा कितया है, तां पक्का परमेश्वरे तिजो बचाणा। 10 जालू असां अपने मने ला भरोसा करदे न तां असां परमेश्वरे असां परमेश्वर दी नजरा धर्मी बणदे न, कने जड़ा भरोसा असां अपने मने च कितया उसयो मुऐ ला बोलदे न, तां असां बचाये जाणे न।

11 क्योंकि परमेश्वरे दा संदेश देणेबाले यशायाह पबित्र शास्त्र च मसीह दे बारे च ऐ लिखदा है, “जड़ा कोई उस पर भरोसा करगा उनी शरमिंदा नी होणा।” 12 यहूदियां कने होर जातियां च कोई फरक नी, क्योंकि परमेश्वर सारयां दा प्रभु है, कने जड़े भी उसला सहायता मंगदे न, सै उना जो बचादां है। 13 क्योंकि पबित्र शास्त्र च ऐ लिखया है “जड़ा कोई भी उसला सहायता मंगदा है प्रभु उना जो बचादां है।”

14 पर इसला पेहले की लोक प्रभु ला सहायता मंगन, उना जो प्रभु पर भरोसा करणा है, इसला पेहले की सै प्रभु पर भरोसा करन, उना जो उदे बारे च सुणना है कने लोक प्रभु दे बारे च सुणन, तां कुसी जो उना जो यीशु मसीह पर भरोसा करणे दे बारे च दसणा है। 15 कने इसला पेहले कोई जाई करी उना जो बोले, की उस माणुऐ जो प्रचार करणे तांई भेजणा चाईदा, इस तांई पबित्र शास्त्र च लिखया है, “क्या ही छेल उना दे पैर न जड़े शुभसमाचार लेईकरी ओंदे न।”

16 पर सारयां उस शुभसमाचार पर भरोसा नी किता। परमेश्वरे दा संदेश देणेबाले यशायाह बोलदा है, “हे प्रभु, थोड़े लोकां साड़े संदेश पर भरोसा किता है?” 17 इस तांई भरोसा तालू ओंदा है जालू असां संदेश सुणदे न, कने यीशु मसीह दे बचन सुणने ला ओंदा है।

18 पर मैं बोलदा है, की इस्राएली लोकां पक्का ही यीशु मसीह दे संदेश दे बारे च सुणया है, क्योंकि ऐ पबित्र शास्त्र च लिखया है, “उना दे बचन सारिया धरती पर न, कने उना दे बचन धरतिया दे कुणे-कुणे दीकर पुज्जी गियो न।”

19 मैं फिरी बोलदा है, की ऐ सच्च है की इस्राएल दे लोक मसीह दे संदेश दे बारे च समझदे थे, पेहले तां प्रभुऐ मूसा दे जरिये ऐ बोलया, “तुसां यहूदी लोकां मेरा होर जातियां तांई प्यार दिखीकरी जलना है, मैं तुसां जो मुख होर जातियां ला गुस्सा चड़ाणा।”

20 फिरी परमेश्वरे दा संदेश देणेबाला यशायाह बड़िया हिम्मता ला ऐ बचन सुणाया की, “जड़े मिंजो नी तोपदे थे, उना मिंजो पाई लिया; कने जड़े मिंजो पूछदे भी नी थे, उना पर मैं प्रगट होई गया।” 21 पर परमेश्वरे संदेश देणेबाले यशायाह दे जरिये इस्राएली लोकां दे बारे च बोलया है, “मैं सारा दिन अपणे हथ इक हुकम नी मनणे वाली कने बेहस करणे वाली प्रजा पासे फेलादां रिया की सै मेरे पासे मुड़न।”

11



1 इस तांई मैं पुछदा है, क्या परमेश्वरे अपणिया प्रजा जो छडी दिता? नी बिलकुल नी! मैं भी तां इस्राएली है; अब्राहम दे बंश कने बिन्यामीन दे गोत्र दा है। 2 परमेश्वरे अपणिया उस प्रजा जो नी छडया, जिसा जो उनी पेहले ला ही चुणया था: तुसां जाणदे न की पबित्र शास्त्र परमेश्वरे दा संदेश देणेबाले एलिय्याह दे बारे च क्या बोलदा है: की सै इस्राएली लोकां दे खिलाफ परमेश्वरे ने बिनती करदा है। 3 उनी बोलया “प्रभु जी, उना तेरे संदेश देणेबालयां जो मारी दिता, कने उना तेरिया वेदिया जो डाई दितया है, मैं ही सिर्फ किला बचया जड़ा तिजो पर भरोसा करदा है, सै मिंजो भी मारणे तांई तोपा दे न।”

4 पर परमेश्वरे एलिय्याह ने बोलया, “मैं अपणे तांई सत हजार माणुऐ जो रखया है, जड़े बाल देवता दी मूर्तिया अगगे नी झुके।” 5 इयां ही हुण भी, परमेश्वर दे अनुग्रह ने ऐथू थोड़े दे यहूदी न जिना जो परमेश्वरे अपणे सच्चे लोक होणे तांई चुणया है।

6 परमेश्वरे उना जो अनुग्रह दे जरिये चुणया है, ऐ भले कम्म करणे ने नी होया है। अगर ऐ भले कम्मा ने है, तां अनुग्रह फिरी अनुग्रह नी रिया। 7 इदा नतीजा ऐ होया: की इस्राएली लोकां परमेश्वर दिया नजरा च धर्मी बणने दी कोशिश किती, पर कामयाब नी होऐ, पर जिना लोकां जो परमेश्वरे चुणया, सै परमेश्वरे दिया नजरा च धर्मी बणे। दुजयां जो जिद्दी बणाई दिता कने उना परमेश्वरे दी सुणने ला मना करी दिता। 8 जियां पबित्र शास्त्र च यशायाह लिखया है, “परमेश्वरे उना जो हले दीकर सुस्त दिमाग दितया है, उना दियां हखी तां हेन पर उना जो सच्चाई नी मिलदी कने कन्ना ला सुणदे तां हेन, पर समझदे नी न।”

9 कने राजा दाऊद बोलदा है, “मैं विनती करदा है की उना लोकां दियां सारियां आशीषां उना जो खत्म होणे दी बजा बणी जा, ऐथू दीकर की सै उजडी जान कने उना जो सजा मिल्ले। 10 कने उना दियां हखी अन्निया होई जान, ताकि सै दिखी नी सकन, कने हर बकत अपणी मुसीबतां च दबुई रेन।”

11 तां मैं पुछदा है, की उना क्या इस तांई: “क्या इस्राएली लोक ठोकर लगणे दिया बजा ने हमेशा तांई खत्म होई गियो न? नी बिलकुल नी! पर उना दे अविश्वास दिया बजा ने होर जातियां जो उद्धार मिल्ला, ताकि इस्राएली लोकां जो होर जातियां ला जलन हो।”

12 अगर इस्राएली लोकां दा अविश्वास होर जातियां दी भलाई दी बजा बणदा है, तां इस्राएली लोकां दा परमेश्वरे बाल बापस ओणे पर बड़ा अच्छा होणा।

36 क्योंकि सब कुछ परमेश्वरे ला ओंदा है। उनी सब कुछ बणाया है, सब कुछ उदा है। उदी महिमा युगां-युगां दीकर होंदी रे। आमीन।

12

?????????? ?? ????? ?? ?????????

1 इस ताई हे मसीह भाईयो, मैं तुसां ला परमेश्वरे दी दया याद करवाई करी बिनती करदा है, की तू अपणी जिन्दगिया जो जिन्दी, पबित्र, कने परमेश्वरे जो खुश करणे बाला बलिदान करिरी चढ़ा; परमेश्वरे दी सेवा करणे दा ऐई सही तरिका है।

2 कने इस संसारे दे लोकां साई मत बणा; पर तुहाड़े सोचणे दे तरीके जो परमेश्वरे जो बदलना दे ताकि तुहाड़ा चाल चलण भी बदली जाए, इयां करिके तुसां जो पता लगी जाणा की परमेश्वर क्या चांदा है, कने उदिया नजरा च क्या भला, सिद्ध कने सही है।

3 क्योंकि मैं उस अनुग्रह दिया बजा ला जड़ा परमेश्वरे ला मिंजो मिलया है, तुसां चे हर इकी जो बोलदा है, की जियां समझणा चाईदा, उसला बदीकरी कोई भी अपने आपे जो ना समझे; पर जियां परमेश्वरे हर इकी दे उदे भरोसे दे अनुसार बंडया है, तियां ही अच्छी समझा ने अपने आपे जो समझा।

4 क्योंकि जियां साड़े इक शरीरे च मते भरी अंग न, कने सारे अंगा दा कम्म इकोदिया नी है; 5 तियां ही, असां जालू मसीह पर भरोसा करदे न, असां सारे मसीह दे शरीरे दे अंग न, कने असां सारे इक दुज्जे ने जुड़यो न।

6 कने जालू की उस अनुग्रह दे अनुसार जड़ा परमेश्वरे सांझो दितया है, सांझो लग-लग बरदान मिलयो न। तां जिसयो भविष्यद्वाणी दा बरदान मिलया हो, उसयो सै बोलणा चाईदा जिसदा उसयो भरोसा है की सै परमेश्वरे उसयो बोलया है। 7 अगर दुज्जयां दी सहायता करणे दा बरदान मिलया हो, तां इस कम्मे च लगी रे, अगर कोई सिखाणे बाला हो, तां सिखाणे च लगी रे; 8 अगर कुसी जो लोकां जो उत्साहित करणे दा बरदान मिलया हो, सै उत्साहित करणे च लगी रे, अगर कुसी जो दुज्जयां दी जरूरतां जो पूरा करणे दा बरदान हो, तां उस दान जो जादा ला जादा दे कर, अगर कुसी जो अगुवाई करणे दा बरदान मिलया हो, तां सै पूरी लगन ने करे, जड़ा दया करे, सै खुशिया ने दया करे।

9 दुज्जयां ने प्यार करणे दा दिखावा ना करे, बुराईया ने नफरत करा, जड़ा परमेश्वरे दिया नजरा च अच्छा है, उसयो करणे च लगी रिया। 10 परिवारे साई इक दुज्जे ने प्यार करा; अपु चे इकी दुज्जे दी इज्जत बदीकरी करा।

11 सकत मेहनत करा कने आलसी मत बणा; उत्साह च बणी रिया, पुरे मने ने प्रभु दी सेवा करदे रिया।

12 तुहाड़े बाल जड़ी आस है, उदे च खुश रिया; कला कलेश च सबर रखा, हर बकत प्राथना च लगी रिया।

13 पबित्र लोकां जो जड़ा कुछ जरूरी हो, उना दी सहायता करा; मेहमाना दा आदर सत्कार करदे रिया।

14 अपयों जो परेशान करणे बालयां जो आशीष दिया; आशीष दिया पर श्राप नी। 15 खुशी मनाणे बालयां सोगी खुशी मना, कने रोणे बालयां सोगी रोआ। 16 इक दुज्जे दा उतणा ही ध्यान रखा जितणा की अपणा रखदे न; घमंड मत करा, पर गरीबां ने मिली जुली करी रिया; अपने आपे जो अकलमंद मत समझा।

17 बुराईया दे बदले कुसी ने बुराई मत करा; जड़ियां गल्लां सारे लोकां ताई खरियां न, उना दी चिंता करा।

18 जिधू दीकर होई सके, तुसां सबना लोकां सोगी मेल जोल रखा।

19 हे प्यारो अपणा बदला मत लेंदे; पर परमेश्वरे जो अपने ताई बदला लेणा दिया, क्योंकि पबित्र शास्त्र च प्रभु बोलदा है, “बदला लेणा मेरा कम्म है, प्रभु बोलदा है मैं ही बदला देणा।” 20 पर पबित्र शास्त्र च ऐ भी लिख्या है, “अगर तेरा दुशमण भूखा है तां उसयो खाणां दे, अगर प्यासा है तां उसयो पाणी पिया; क्योंकि इयां करणे ने तू उसयो शर्मिंदा करी देणा।” 21 बुराईया जो अपने पर जितणा मत दिया पर भलाईया ने बुराईया जो जीती लिया।

13

?????? ????? ????

1 हर इक माणु शासन दे अधिकारियां दे अधीन रे; क्योंकि सारे अधिकार परमेश्वर दिया तरफा ला होंदे न; कने जड़े अधिकार न, सै परमेश्वरे ही दितयो न।

2 इस ताई जड़ा कोई ऐसे लोकां दा बिरोध करदा है जिना बाल शासन करणे दा अधिकार है, सै परमेश्वरे दे नियमा दा बिरोध करदा है, कने बिरोध करणे बालयां जो सजा मिलणी।

3 क्योंकि अगर कोई अच्छे कम्म करदा है तां, उना जो अधिकारियां ला डरने दी जरूरत नी है; अगर सै बुरे कम्म करदा है तां उसयो डरने दी जरूरत है, अगर तुसां अधिकारियां ला डरणा नी चांदे न तां भले कम्म करा जिसला सै तुहाड़ी तारीफ करन। 4 क्योंकि अधिकारी लोक तेरिया सहायता ताई परमेश्वरे दे सेवक न। पर अगर तू बुराई करे, तां तू डर; क्योंकि अधिकारियां बाल तुसां जो सजा देणे दा हक है कने सै परमेश्वरे दे सेवक न, जिना जो इस ताई भेजया है की सै उना लोकां जो सजा देन जड़े गलत कम्म करदे न। 5 तुसां जो ऐसा सिर्फ सजा

ला बचणे ताई ही नी करणा चाईदा, पर इस ताई भी की तुहाड़ी अंतरात्मा साफ रे।

6 इस ताई करी भी दिया, क्योंकि शासन करने वाले परमेश्वरे दे सेवक न, कने हमेशा अपणी जिम्मेबारियां जो निभाणे च अपणी जिन्दगी लाई दिन्दे न। 7 इस ताई जिसयो जड़ा मिलणा चाईदा, तुसां जो सै उसयो देणा चाईदा; जिसयो कर चाईदा, उसयो कर दिया, जिसयो चुंगी चाईदी, उसयो चुंगी दिया; जिसला डरणा चाईदा उसला डरा; जिसदी इज्जत करणा चाईदी उदी इज्जत करा।

०० ०००००० ०००० ००००

8 तुसां सारयां जो सिर्फ इक ही गल्ला दा कर्जदार होणा चाईदा कने सै ऐ है, की तुसां सारे इक दुज्जे ने प्यार रखा; क्योंकि जड़ा दुज्यां ने प्यार रखदा है, उनी ही व्यवस्था पुरी किती है। 9 क्योंकि मूसा दी व्यवस्था च मते हुकम न, “व्यभिचार नी करणा, हत्या नी करणी, चोरी नी करणी, लालच नी करणा,” इना जो छुडी के होर कोई भी हुकम हो तां सारयां दा निचोड़ इस हुकम च है, “की जितणा अपने आपे ने प्यार करदे न, दुज्ज्यां ने भी उतणा ही प्यार करा।” 10 प्यार पड़ोसियां दी कुछ बुराई नी करदा, जड़ा प्यार करदा है, सै व्यवस्था जो पूरा करदा है।

11 तुसां चे हर इक जणे जो इक दुज्जे ने प्यार करदे रेणा चाईदा क्योंकि सै बकत नेड़े है, जालू परमेश्वरे सांझो इसा बुरिया दुनिया ला बचाणा है। जालू असां पैली बरी यीशु मसीह पर भरोसा किता, उस बकते ला तां ऐ होर भी नेड़े है। इसयो समझीकरी तुसां जो अपणी निंदरा ला जागणा कने साबधान रेणा चाईदा। 12 “इसा बुरी दुनिया च रेणे दा साड़ा बकत लगभग खत्म होई गया है इक रात साई, जड़ी लगभग खत्म होई गई है, कने सै बकत भी नेड़े है जालू मसीहे वापस ओणा है।” सांझो उना चीजां जो भी करणा बंद करी देणा चाईदा जड़ियां बुराईयां ने जुड़ियां न, कने सांझो लौई च इस्तेमाल होणे वाले हथियारां दा इस्तेमाल करणा चाईदा।

13 असां जो लौई च रेणेबाले लोकां साई अपणा चाल चलन ठीक करणा चाईदा, ना की खेलणे कूदणे च, ना खाणां पीणे च, ना व्यभिचार च, ना लुचापन च, कने ना ही लड़ाई झगड़े कने जलन च। 14 पर प्रभु यीशु मसीह तुहाड़ा कवच बणी जा, ताकि तुहाड़ी रक्षा करी सके, कने पापी सभाव दियां इच्छां जो पूरा करणे दी कोशिश मत करा।

14

०००० ०००० ०० ०००० ०० ००००

1 जड़ा मसीह भाई भरोसे च कमजोर है उदियां मानयता दे बारे च कुसी भी शके दे विना ही अपनाई लिया, उदे सोगी बेस मत करा की क्या करणा चाईदा या क्या नी करणा चाईदा। 2 क्योंकि इकी जो भरोसा है, की सब कुछ खाणां ठीक है, पर जड़ा भरोसे च कमजोर है, सै सिर्फ साग पत्ते ही खांदा है।

3 जड़े मास खांदे न, सै मास नी खाणे बालयां जो नीच ना समझन कने मास नी खाणे बाला, मास खाणे बालयां पर दोष ना लाऐ; क्योंकि परमेश्वरे दोनों जो अपनांदा है। 4 इस ताई तिजो कुसी दे भी सेवके दा न्याय नी करणा चाईदा, उदा सफल होणा या नी होणा दोनों उदे मालिके ने ही सम्बन्ध रखदा है, उनी पक्का ही सफल होई जाणा क्योंकि प्रभु उसयो सफल करी सकदा है।

5 इयां ही कोई तां इक दिने जो दुज्जे दिने ला बदिया मंदा है, कने कोई सारे दिना जो इकोदे मंदा है, हर इक जो यकीन होणा चाईदा की जड़ा सै सोचदा है सै सही है या नी। 6 जड़ा कोई कुसी दिने जो मनदा है, सै इस ताई करदा है क्योंकि सै प्रभु दी इज्जत करणा चांदा है, जड़े मास खांदे न, सै भी प्रभु ताई खांदे न, क्योंकि सै परमेश्वरे दा धन्यवाद करदा है, कने जड़ा मास नी खांदा है, सै प्रभु ताई नी खांदा है कने परमेश्वरे दा धन्यावाद करदा है।

7 असां सारे प्रभु दे न। इस ताई साड़ी जिन्दगी च कने साड़िया मौत च सांझो सिर्फ प्रभु जो खुश करणा चाईदा ना की अपु जो। 8 क्योंकि अगर असां जिंदे न, तां प्रभु ताई जिंदे न, अगर असां मरदे न, तां प्रभु ताई मरदे न; तां असां जिन या मरन, असां प्रभु दे ही न। 9 क्योंकि मसीह इसी ताई मरया कने फिरी जिन्दा होई गया क्योंकि सै सेई है, सै जिन्दे कने मरयो दोनों दा प्रभु है।

10 तू कजो अपने मसीह भाईऐ पर दोष लगांदा है? या तू कजो अपने मसीह भाई जो बुरा समझदा है? साड़ा सारयां दा परमेश्वरे न्याय करणा। 11 क्योंकि पबित्तर शास्त्र च लिखया है, “प्रभु बोलदा है, मैं अपणी जिन्दगी दी कसम खांदा है की हर इकी माणुऐ मेरे सामणे गोडे टेकणे न, कने हर इक माणुऐ परमेश्वरे जो अपनाणा।”

12 असां चे हर इकी जणे जो अपने-अपने करमा दा लेखा परमेश्वरे जो देणा पोंणा।

०००० ०००००० ०० ०००००००० ०० ०००० ०० ००

13 तां असां अगगे ला इकी दुज्जे पर दोष नी लान, पर तुसां ऐई टांणी लिया की कोई भी अपने भाई या बेहणा दे पाप करणे दी बजा ना बणे।

14 मैं जाणदा है, कने प्रभु यीशु ला मिंजो ऐ पक्का होया है, की सारे खाणे बालियां चीजां ठीक न, पर जड़ा

15 तमी मैं कुथी-कुथी तुसां जो याद दिलाणे ताई तुसां जो बड़ी हिम्मत करिके लिखया है, ऐ उस अनुग्रह दिया बजा ने होया है, जड़ा परमेश्वरे ला मिंजो मिलया है। 16 ताकि मैं होर जातियां ताई मसीह यीशु मसीह दा सेवक होईकरी मैं इक याजक साई परमेश्वरे ला मिलियो शुभसमाचार सुणाणे दी सेवा करदा है; ताकि होर जातियां जो परमेश्वरे दे सामणे भेंट दे रूपे च दितया जाए जिसने सै खुश है, कने जिना जो पबित्र आत्मा पबित्र बणाया है।

17 मैं यीशु मसीह दिया बजा ने हर इक उसा गल्ला दे बारे च जड़ी परमेश्वरे दी सेवा ने जुड़ियो है उसा पर घमंड करी सकदा है। 18 क्योंकि जड़ा मसीहे मेरे ताई कितया है, इसा ही बजा ने मैं ऐ हिमता ने बोली सकदा है की मैं होर जाति दे लोकां जो परमेश्वरे दे हुकमा दा पालन करबाणे दे काबिल है। जालू सै मेरियां गल्लां जो सुणदे न कने मेरे कम्मा जो दिखदे न तां सै यीशु मसीह पर भरोसा करदे न। 19 पबित्र आत्मा दे जरिये मिंजो दितियो शक्ति ने मैं अनोखे कम्म कने चमत्कार करदा है, इस ताई जिथू भी मैं यरूशलेम ला इलिरिकम दीकर गया है, ओथु मैं सारे लोकां जो, यीशु मसीह दे बारे च शुभसमाचार सुणादा है।

20 पर मेरे मने दी इच्छा ऐ है, की शुभसमाचार दा प्रचार उना जगां च हो, जिथू यीशु मसीह दे बारे च हले दीकर सुणया ना हो; मैं ओथु शुभसमाचार दा कम्म नी करी सकदा जिथू कुनी होरनी पेहले ही शुरू करी दितया हो। 21 मैं उसा गल्ला जो पूरा करणा चांदा है जड़ा पबित्र शास्त्र च लिखया है, “जिना जो शुभसमाचार दे बारे च दसया ही नी है, उना दिखणा है कने जिना कदी उदे बारे च सुणाया नी है, उना भी समझणा।”

22 ऐ सेई बजा है की तुसां ने मिलणे ताई मेरे ओणे च मुशकिल ओंदी रेई। 23 पर हुण इना प्रदेशां च, मैं अपणा कम्म पूरा करी लिया है, कने बड़े सालां ला मिंजो तुहाड़े बाल ओणे दी इच्छा है।

24 इस ताई जालू मैं इसपानिया देश जो जांगा तां तुहाड़े बाल होंदा जांगा क्योंकि मिंजो आस है, की उस यात्रा च तिजो ने मिल्ले, कने तुहाड़े सोगी संगती करिके खुश होई जां, मैं चांदा है की तुसां मिंजो मेरी इसपानिया देश दी यात्रा ताई सहायता करन। 25 पर हुण तां मैं परमेश्वरे दे पबित्र लोकां ने मिलणे ताई यरूशलेम शहर जो चलया है। 26 क्योंकि मकिदुनिया कने अखाया प्रदेशे दे लोकां ऐसा करणा इक खरी गल्ल

समझी, की जड़े यरूशलेम शहर दे परमेश्वरे दे लोक न कने गरीब न उना ताई कुछ चंदा भेज न।

27 उना ऐ खुशिया ने कितया है, सै यरूशलेम शहरे दे लोकां दे कर्जदार न, क्योंकि होर जातियां जो यरूशलेम शहर च रेणेबाले विश्वासियां ला खुशखबरी दी आत्मिक आशीषां मिलियां न, इस ताई उना जो लगदा है की इदे बदले च उना दी कुछ चंदा देईकरी सहायता करी सकदे न।

28 इस ताई मैं सबते पेहले यरूशलेम शहर चलया है ताकि उना जो ऐ गठेरेया चंदा देई सकें। उदे बाद, फिरी मैं रोम देश च आई करी तुसां ने मिलणे बाद इसपानिया देश जो जांगा। 29 कने मैं जाणदा है, की जालू मैं तुहाड़े बाल ओणा, तां मसीह दी खास आशीष जो तुहाड़े सोगी बंडगा।

30 कने हे मसीह भाईयो; प्रभु यीशु मसीह च साड़े भरोसे कने पबित्र आत्मा सांझो जड़ा प्यार दितया है उदिया बजा ने, मैं तुसां ने बिनती करदा है की तुसां मेरे ताई परमेश्वरे ला बड़ी इमानदारिया ने प्राथना करा। 31 की मैं यहूदिया प्रदेशे दे अविश्वासियां ला बची रे, कने इस ताई भी प्राथना करा की ओथु दे विश्वासी भी मेरे इस तोफे जो ग्रहण करी लेन जड़ा मैं अपणे सोगी यरूशलेम शहर जो लेई चलया है। 32 कने मैं परमेश्वरे दिया इच्छा ने तुहाड़े बाल खुशिया ने आई करी तुहाड़े सोगी अराम करे।

33 मैं प्राथना करदा है की परमेश्वर, जड़ा शांति दिन्दा है, तुसां सारयां सोगी हो। आमीन।

16

2222222222 22222222

1 मैं तुसां ने फीबे ताई बिनती करदा है, जड़ी साड़ी साथी विश्वासी बेहण है कने किरंखरया शहर दिया कलीसिया दी सेविका है, मैं चांदा है की तुसां इसा दी इज्जत करा। 2 जड़ा प्रभु दा है, उदा स्वागत करा; कने जिसा गल्ला च उसा जो तुहाड़ी सहायता चाईदी होंगी, तां उसा दी सहायता करा; क्योंकि उना मतयां दी सहायता कितियो है कने मेरी भी।

3 बेहण पिरस्का कने उसा दे घरे बाले अक्विला जो मेरी तरफा ला नमस्कार जड़े यीशु च मेरे सोगी प्रभु दी सेवा करदे न। 4 उना मेरी जान बचाणे ताई अपणी जान खतरे च पाई थी, कने सिर्फ मैं ही नी पर होर जातियां दियां सारियां कलीसियां भी उना दा धन्यवाद करदियां न। 5 कने उसा कलीसिया जो भी नमस्कार जड़ी उना दे घरे च गिठी होंदी है। मेरे प्यारे इपेनितुस जो नमस्कार जड़ा आसिया प्रदेश ला मसीह पर भरोसा करणे बाला पेहला माणु है।

6 मरियम जो नमस्कार, जिना तुहाड़े ताई बड़ी मेहनत कितियो है। 7 भाई अन्दरूनिकुस कने बेहन युनियास जो नमस्कार, जड़े मेरे यहूदी विश्वासी भाई न, कने जड़े मेरे सोगी जेला च थे, कने प्रेरित उना जो अच्छे ने जाणदे न, कने मिंजो ला पेहले मसीह पर भरोसा करदे थे। 8 अम्पलियातुस जो नमस्कार, जड़ा प्रभु च मेरा प्यारा भाई है।

9 उरबानुस जो नमस्कार, जड़े मसीह च साड़े सोगी प्रभु दी सेवा करदा है, कने मेरे प्यारे भाई इस्तखुस जो भी नमस्कार। 10 अपिल्लेस जो नमस्कार, जड़ा परखे जाण बाद भी मसीह पर भरोसा करदा रिया। अरिस्तुबुलुस दे परिवारे जो नमस्कार। 11 मेरा रिशतेदार यहूदी भाई हेरोदियोन जो मेरा नमस्कार। नरकिस्सुस दे परिवारे दे लोकां जो मेरा नमस्कार, जड़े प्रभु यीशु मसीह जो मंदे न, 12 बेहण त्रुफेना कने बेहण त्रुफोसा जो मेरा नमस्कार, जड़ियां प्रभु दी सेवा ताई मेहनत करदियां न। प्यारी बेहण पिरसिस जो मेरा नमस्कार जिना प्रभु च बड़ी मेहनत किती। 13 रुफुस जो जिसयो प्रभुएं अपणी सेवा ताई चुणया है, कने उदी माता जो भी जड़ी मेरे ताई भी माता साई है, दोनो जो मेरा नमस्कार। 14 असुंकिरतुस कने फिलगोन कने हिर्मेस कने पतरुबास कने हिमास कने उदे सोगी दे विश्वासी भाईयां जो मेरा नमस्कार। 15 फिलुलुगुस कने यूलिया कने नेर्युस कने उदी बेहन, कने उलुम्पास कने उदे सोगी दे सारे परमेश्वरे दे लोकां जो मेरा नमस्कार। 16 अपु चे इक दुज्जे जो गले लाईकरी नमस्कार करा: तुसां जो मसीह दी सारी कलीसियां दिया तरफा ला नमस्कार।

???? ?

17 हुण हे मसीह भाईयो, मैं तुसां ने बिनती करदा है, की जड़े लोक कलीसिया च इक दुज्जे ने लड़ाई झगड़ा करदे न कने जिना दिया बजा ने दुज्जयां लोकां दा भरोसा खत्म होई जांदा है, ऐ लोक उसा सच्ची शिक्षा दे खिलाफ चलदे न जड़ी तुसां जो मिलियो है, ऐसे लोकां ला साबधान कने दूर रिया। 18 क्योंकि ऐसे लोक साड़े प्रभु यीशु मसीह दी नी पर अपणे आप दी सेवा करदे न; सै छेल-छेल गल्लां करी के लोकां दी चापलूसी करदे न, इयां करी के सै सीधे-साधे लोकां जो धोखा दिन्दे न।

19 हर कोई जाणदा है की तुसां कितणे अच्छे ला प्रभु दे हुकम मंदे न; इस ताई मिंजो तुहाड़े बारे च खुशी होदी है; पर मैं ऐ चांदा है, की क्या खरा है ऐ जाणने ताई बुद्धिमान न, पर बुराईयां ताई भोले बणी रिया। 20 शांति दे परमेश्वरे शैताने जो तुहाड़े अधीन करी देणा। मैं प्राथना करदा है की साड़े प्रभु यीशु मसीह दा अनुग्रह हमेशा तुसां सबना पर होदा रे।

21 तीमुथियुस मेरे सोगी कम्म करणे बाले दा, कने लुकियुस कने यासोन कने सोसिपत्रुस मेरे यहूदी भाई दा, तुसां जो शुभकामनाएं दे दा है। 22 मैं तिरतियुस जड़ा पौलुस ताई ऐ चिट्ठी लिखा दा है, अपणी शुभकामनाएं तुसां जो भेजा दा है। मैं भी प्रभु दा इक सेवक है।

23 गयुस भी तुसां जो अपणी शुभकामनाएं भेजा दा है। मैं भी इदे घरे रेंदा है जिथू कलीसिया गिठी होदी है। इरास्तुस जड़ा इस शेहरे दा भण्डारी है, कने साड़े भाई क्वारतुस भी तुहांजो अपणी शुभकामनाएं भेजदा है। 24 मैं प्राथना करदा है की साड़े प्रभु यीशु मसीह दा अनुग्रह तुसां पर रे।

?????????? ? ?

25 हुण सारी महिमा परमेश्वरे जो मिल्ले जड़ी तुसां जो मजबूत बणाणे च काबिल है कने जिस शुभसमाचार दा मैं प्रचार करदा है, इस संदेश च यीशु मसीह अपणी उस योजना जो होर जातियां ताई प्रगट कितया है, जड़ी शुरू ला गुप्त थी। 26 पर हुण प्रगट होईकरी हमेशा दे परमेश्वरे दे हुकमे ने परमेश्वरे दे संदेश देणेबालयां दियां कताबां दे जरिये सारियां होर जातियां जो दसया है, की सै भरोसे ने हुकम मनणे बाले होई जान।

27 उसी इकमात्र बुद्धिमान परमेश्वरे दी यीशु मसीह दे जरिये युगां-युगां दीकर महिमा होदी रे। आमीन।

कुरिन्थियों दे ना प्रेरित पौलुस दी पेहली चिट्ठी

????????

कुरिन्थ शहर पराणे जमाने च इक जरूरी व्यापार रस्त दे केंद्र च था। व्यापार पर पलणे बाले केई शहरां साईं, कुरिन्थ च लैंगिक अनैतिकता, लग-लग धर्म कने भ्रष्टाचार ताईं इक मनया-तनया शहर था। कलीसिया पौलुसे जो ओथु (अधिनियम 18) लाया कने इना सारियां गल्लां ला लोक भडकी गे कने लग-लग मुद्दयां पर लोकां जो लग करणा शुरू करी दिता। पहले कुरिन्थियां आध्यात्मिक वरदान, बियाह, मूर्तियां पर चढाए खाणे कने मरयां च जिन्दे होणे जदियां चीजां ला जुड़ियो कलीसिया जो विभाजित करदे होए केई प्रश्न पुच्छे। पौलुसे कुरिन्थ शहरे दे लोकां ला एकजुट होणे कने अपु जो “प्रभु दे कम्मे” (अध्याय 15:58) ताईं पूरी तरह ला देणे दा आग्रह किता। अध्याय 13 च प्यार दे बारे च कने महत्व पर इक सिद्ध रस्ता शामिल है। पौलुसे इफिसुस कने कुरिन्थ शहरे दे लोकां जो ऐ चिट्ठी लगभग 55 ई व च लिखी थी।

रूप रेखा

पौलुसे दा अभिवादन कने प्रार्थना 1:1-9

एकता ताईं इक बुलाहट 1:10-21

रिश्ते च समस्याएं 5:1-7:40

मूर्तियां दे बदले परमेश्वरे दी इज्जत करणा 8:1-11:1

अराधना कने कलीसिया जिन्दगी ताईं मार्गदर्शन 11:2-14:40

मसीह दी मौत पर जित 15:1-58

गरीबां ताईं इक तोफा 16:1-4

पौलुसे दियां यात्रा दी योजना 16:5-12

पौलुसे दियां चिंता कने अभिवादन 16:13-24

????????

1 मैं, पौलुस जड़ा प्रभु यीशु दा प्रेरित होणे ताईं परमेश्वरे दिया इच्छा ला चुणया है कने मैं ऐथू साड़े मसीह भाई सोस्थिनेस सोगी है।* 2 मैं ऐ चिट्ठी परमेश्वरे दिया कलीसिया जो लिखा दा है, जड़ी कुरिन्थुस शहर च है, मतलब की उना लोकां जो जिना जो परमेश्वरे यीशु मसीह सोगी इक करिरी अपणे लोक होणे ताईं लग कितया है कने उनी तुहांजो अपणे पबित्र लोक होणे ताईं सदया है; उनी तुहांजो तियां ही पबित्र कितया है, जियां सै हर जगा दे लोकां जो पबित्र करदा है जड़े

* 1:1 1:1 जड़ा पौलुस दी सहायता करदा है।

यीशु मसीह पर भरोसा करदे न, जड़ा साड़ा सारयां दा प्रभु है।

3 मैं प्राथना करदा है की साड़े पिता परमेश्वरे कने प्रभु यीशु मसीह तुहांजो अनुग्रह कने शांति दे।

????????

4 मैं तुहाड़े बारे च अपणे परमेश्वरे दा हमेशा धन्यवाद करदा है, क्योंकि उनी अपणे अनुग्रह ला तुसां जो यीशु मसीह च इक करी दिता कने मतियां सारियां आशीषां दितियां। 5 मसीह सोगी इक करणे दा मतलब ऐ है, की परमेश्वरे तुसां जो सै बड़ा जादा दिता जिदी तुहांजो जरूरत थी, खासकर, उदा संदेश सुणाणे कने उदे बचन दे ज्ञान दियां केई आत्मिक आशीषां दितियां। 6 इना आत्मिक आशीषां ला जड़ियां परमेश्वरे तुहांजो दितियां न, तुहांजो साबित किता की मसीह दे बारे च संदेश सच्चा है।

7 कने इसा बजा ला पबित्र आत्मा तुहांजो सै सारे हुनर दिते जिना दी तुहांजो जरूरत थी, क्योंकि तुसां प्रभु यीशु मसीह दे मुड़ी ओणे दा इंतजार करा दे थे। 8 कने परमेश्वरे तुसां जो आखरी दीकर भरोसे च मजबूत करणा, की तुसां साड़े प्रभु यीशु मसीह जो धरती पर मुड़ी ओणे दीकर निर्दोष बणी रेन। 9 परमेश्वरे ऐसा करणा, क्योंकि जड़ा सै बोलदा है उसयो पूरा करणे ताईं सै भरोसे दे काबिल है, कने उनी तुहांजो अपणे पुत्र यीशु मसीह सोगी रिश्ता बनाणे ताईं सदया है।

????????

10 हे प्यारे भाईयो, मैं साड़े प्रभु यीशु मसीह दे अधिकारे ला तुहांजो ला बिनती करदा है, की तुसां सब इक दुज्जे सोगी सेहमती रखा, कने तुसां च फूट ना होऐ, पर इक ही मन कने इक ही सोच च होईकरी मिली करी रिया। 11 क्योंकि हे मेरे मसीह भाईयो, खलोए दे परिवारे दे लोकां मिंजो तुहाड़े बारे च दसया है, की तुसां च झगड़े होआ दे न।

12 मेरे बोलणे दा मतलब ऐ है, की तुसां च कोई अपणे आपे जो बोलदा है की मैं “पौलुस दा चेला है,” कोई बोलदा, “अपुल्लोस दा चेला है,” कोई बोलदा, “कैफा दा,” कोई बोलदा, “मसीह दा चेला है।” 13 ऐ गल्ल खरी नी है, क्योंकि मसीह लग-लग टोलियां च नी बंडूया है। शायद तुसां गलतिया ला ऐ सोचदे न की मैं, पौलुस तुहांजो अजाद करणे ताईं सूली पर चढ़या था। कने शायद तुसां गलतिया ला ऐ भी सोचा दे न की तुहांजो इस ताईं बपतिस्मा दितया है ताकि तुसां मेरे चले बणन।

14 मैं परमेश्वरे दा धन्यवाद करदा है, की किरस्पुस कने गयुस इना दोनों भाईयां जो छुडी करी, मैं तुसां चे कुसी जो भी बपतिस्मा नी दितया है। 15 इस ताई कोई ऐसा नी बोली सकदा की तुसां मेरे चले बणने ताई बपतिस्मा लिया है। 16 कने मिंजो हुणी याद आया, की मैं स्तिफनास दे परिवारे जो भी बपतिस्मा दितया; इना जो छुडी करी, मैं नी जाणदा कि मैं कुसी होरसी जो भी बपतिस्मा दितया है।

17 क्योंकि मसीहे मिंजो बपतिस्मा देंगे ताई नी, पर शुभसमाचार सुणाणे जो भेजया है, जालू मैं शुभसमाचार सुणादां है, तालू बोलणे च मैं अपने हुनर दा इस्तेमाल नी करदा है, अगर लोक सिर्फ मेरे हुनर दिया बजा ला मिंजो मंदे न, तां सै सूली पर मसीह दी मौत दी शक्ति जो नी जाणदे न।

2222 22 22222 222 2222222222 22
222222

18 क्योंकि जड़े लोक परमेश्वरे ला लग होई जांगे, उना जो सजा मिलणी, सै सूली पर मसीह दी शिक्षा दी कोई कीमत नी समझदे, पर साड़े ताई जड़े बचायो न, असां जाणदे न की ऐ परमेश्वरे दिया शक्तिया दा सबूत है। 19 क्योंकि पबित्र शास्त्र च परमेश्वर बोलदा है, "मैं दसणा है की जिना लोकां दे बिचारां जो संसारे दे लोक बुद्धिमानी बोलदे न, असल च सै बिचार मुखता दे न। मैं साबित करणा है की असल च सै बिलकुल भी समझदार नी न।"

20 तां फिरी, असां बुद्धिमान लोकां दे बारे च क्या बोली सकदे न? कने असां व्यवस्था जो सिखाणे बालयां दे बारे च बोली सकदे न? कने असां उना लोकां दे बारे च क्या बोली सकदे जड़े बोलणे च बड़े चलाक न? परमेश्वरे उना सारयां जो मुख बणाई दितया है, कने उना दी बुद्धिमानी जो बेकार कने बकवास दसया है। 21 मैं ऐसा इस ताई बोलदा है क्योंकि परमेश्वरे समझदारिया ला ऐ फेसला लिया की इस संसारे दे लोक अपनी काबलियता ला उसयो नी जाणी सकदे न, इस ताई परमेश्वर उना जो बचादां जड़े शुभसमाचार पर भरोसा करदे न जिदा असां प्रचार करदे न, चाहे कोई भरोसा नी करणे बाला बोले की ऐ मुखता दियां गल्लां न।

22 यहूदियां ताई ऐ इस ताई मुखता है, क्योंकि सै इसयो सच्च साबित करणे ताई स्वर्ग ला कोई निशाण मंगदे न, कने होर जातियां ताई भी जड़े इन्सानी ज्ञान दिया तोपा च रेंदे न। 23 पर असां तां ऐ प्रचार करदे न की मसीह साड़े पापां ला सांझो छुड़ाणे ताई सूली पर

मरया, जड़ा यहूदियां ताई ठोकर दी बजा है, कने होर जातियां दिया ताई मुखता है;†

24 पर जिना जो परमेश्वरे अपने लोक होणे ताई सदया है, क्या यहूदी, क्या होर जातियां दोना ताई ऐई मसीह परमेश्वरे दी शक्ति, कने परमेश्वरे दा ज्ञान है। 25 ऐ परमेश्वरे दी मुख योजना बुद्धिमान माणुआं दी योजना ला जादा बुद्धिमान है, कने परमेश्वरे दी कमजोरी भी माणुआं दी सबना ला बडी ताकत ला भी बदीकरी ताकतबर है।

222222 222222 2 22222

26 हे मसीह भाईयो, अपने उना हालतां जो याद रखा जालू परमेश्वरे तुसां जो मसीह दे पिच्छे चलणे ताई सदया, अगर असां इन्सानी सोचा ला सोचन, तां तुसां चे मते बुद्धिमान नी थे, कने तुसां चे कोई भी राजा महाराजे दे खानदान ला नी थे। 27 पर बुद्धिमान लोकां जो शरमिन्दा करणे ताई, परमेश्वरे उना लोकां जो चुणया जड़े संसारे दिया नजरा च मुख न कने ताकतबर लोकां जो शरमिन्दा करणे ताई, परमेश्वरे उना लोकां जो चुणया जड़े संसार दिया नजरा च कमजोर न।

28 कने परमेश्वरे उना जो चुणया जड़े संसारे दे लोकां दिया नजरा च निच न, कने जिना दी संसार च कोई कीमत नी है उना जो चुणी लिया ताकि जड़े अपने आप जो कीमती समझदे न उना जो बेकार करी दे। 29 परमेश्वरे ऐसा इस ताई कितया ताकि कोई भी माणु परमेश्वरे सामणे घमंड ना करे।

30 पर परमेश्वरे तुहांजो यीशु मसीह सोगी इक किता, कने मसीह दे जरिये सांझो बुद्धि दिन्दा है। परमेश्वर सांझो धर्मी बणादां है, कने मसीह दे जरिये सांझो पबित्र, कने पापां ला छुड़ादां है। 31 ताकि जियां पबित्र शास्त्र च लिखया है, तियां ही हो, "जड़ा घमंड करे सै उस पर घमंड करे जड़ा परमेश्वरे कितया है।"

2

22222 2222 22222 22 22222 2 222222

1 हे मसीह भाईयो, जालू मैं तुहांजो परमेश्वरे दे बारे च संदेश सुणाया, तां मैं बड़े-बड़े ज्ञान दे अखरां दा इस्तेमाल नी किता कने ना ही समझदार लगणे दा दिखाबा किता। 2 क्योंकि मैं तुहाड़े बिच ऐ फेसला करी के आया था, की मैं यीशु मसीह कने उदी सूली पर मौत दे बारे दे इलाबा होर केसी दे भी बारे च गल्लत नी करणी है।

3 कने जालू मैं तुहाड़े बाल था, तां मैं अपने आप जो मसीह दा कम्म करणे दे काबिल नी समझदा था, इसा

† 1:23 1:23 क्योंकि यहूदी सोचदे न की मसीहे हमेशा ताई जिन्दा रेणा कने इस ताई सै भरोसा नी करदे की यीशु मसीहा है

बजा ला मैं बड़ा कमजोर कने डरदा होया तुहाड़े सोगी रिया।⁴ कने मेरी शिक्षा कने मेरे प्रचार च संसारिक ज्ञान कने लोकां जो खुश करणे बालियां गल्लां नी थियां; पर पबित्र आत्मा बड़िया शक्तिया ला प्रगट किता की जड़ी शिक्षा मैं तुहांजो दिती सै सच्ची है,⁵ इस ताई की तुहाड़ा भरोसा माणुए दे ज्ञान पर नी पर परमेश्वरे दिया शक्तियाँ पर निर्भर हो।

?????????? ?? ??????

⁶ फिरी भी मैं उना लोकां जो, जड़े भरोसे च मजबूत न, ज्ञान भरी शिक्षा दिन्दा है; पर ना ही संसारिक ज्ञान कने ना ही इस संसारे दे हाकिमा दा ज्ञान, जिना दा नाश होणेबाला है।⁷ पर असां परमेश्वरे दे उस ज्ञान दी गल्ल करदे न जड़ा गुप्त था। हल्ले दीकर इसयो कोई नी जाणदा था, परमेश्वरे धरती बणाणे ला पेहले ही फेसला लिया था, की उदे ज्ञान ला सांझो महिमा मिल्ले।

⁸ परमेश्वरे दिया इसा योजना जो संसारे दे हाकिमा चे कुनी भी नी समझया, क्योंकि अगर जाणदे, तां महिमामय प्रभु जो सूली पर नी चढ़ां दे।⁹ पर जिईयां पबित्र शास्त्र च लिखया है, “ना कदी कुनी दिखया है, ना कदी कुनी सुणया, कने ना कदी कुनी उना भली चीजां दे बारे च सोचया, जड़ियां परमेश्वरे उना लोकां ताई तैयार कितियां न जड़े उदे ने प्यार करदे न।”

¹⁰ परमेश्वरे ऐ गल्लां पबित्र आत्मा जरिये असां प्रेरितां जो दसियां; क्योंकि ऐसा कुछ नी है जड़ा परमेश्वरे दी आत्मा नी जाणदा हो। ऐथू दीकर की सै परमेश्वरे डुगे बिचारां जो भी अच्छे ने जाणदा है।

¹¹ तुसां सेई न जड़े जाणदे न की तुहाड़े अपणे मने च क्या है, तियां ही परमेश्वरे दिया आत्मा दे सिबाये कोई भी परमेश्वरे दे बिचारां जो नी जाणी सकदा।

¹² पर साड़ी सोच कने बिचार संसारे दे माणुआं साई नी न, पर परमेश्वरे सांझो अपनी आत्मा दितियो है, ताकि असां उना गल्लां जो जाणन, जड़ियां परमेश्वरे अपणे अनुग्रह ला दितियां न।¹³ कने इस ताई असां इना गल्लां जो दुज्जे लोकां जो दसदे न तां असां ऐसे अखरां दा इस्तेमाल नी करदे, जड़े माणुआं दे ज्ञाने ला मिलदे न, पर असां उना अखरां दा इस्तेमाल करदे न जड़े परमेश्वरे दिया जरिये मिलदे न, जड़ा आत्मिक ज्ञाने दे जरिये आत्मिक गल्लां जो समझांदा है।

¹⁴ पर सै माणु जिसयो परमेश्वरे दी आत्मा नी मिलियो है, सै परमेश्वरे दिया आत्मा दियां गल्लां जो नी मंदा, क्योंकि सै उदिया नजरा च मुखता दियां गल्लां न कने सै इना गल्लां दी कीमत नी समझदा।¹⁵ जिना जो पबित्र आत्मा मिलया, सै उना चीजां जो समझी सकदे न, जड़ा पबित्र आत्मा सिखांदी है। पर जिना लोकां बाल पबित्र आत्मा नी है सै उना लोकां दे बिचारां

जो नी समझी सकदे जिना बाल पबित्र आत्मा है।¹⁶ ऐ सच्च है क्योंकि पबित्र शास्त्र च लिखया है की, “कोई भी ऐ नी जाणी सकदा की परमेश्वरे दे मने च क्या है कने कोई भी उसयो सिखाई नी सकदा।” पर असां भरोसा करणे बाले समझदे न की मसीह दे मने च क्या है।

3

?????????? ? ??????????? ?? ???????????

¹ हे मसीह भाईयो, मैं जालू तुहाड़े सोगी था, तालू मैं तुसां जो गेहरी गल्लां नी सिखाईयां, जियां की मैं आत्मिक लोकां जो सिखांदा है, मैं तुसां लोकां ला इयां गल्लां कितियां जियां की तुसां इसा दुनिया दे लोकां साई न, या इयां जियां की तुसां मसीह जिन्दगी च बच्चे न।

² मैं तुहांजो परमेश्वरे दे बचने ला सिर्फ बुनियादी शिक्षा दिती, कने गेहरी शिक्षा नी दिती, क्योंकि उस बकत तुसां इसा शिक्षा जो पाणे ताई तैयार नी थे,

³ क्योंकि तुसां हल्ले दीकर भी संसारे दे लोकां साई जिन्दगी जिया दे न। इस ताई की जालू तुसां च इक दुज्जे सोगी जलन कने झगड़ा होंदा है, तां ऐ साबित करदा है की तुसां संसार दे लोकां साई न। कने तुसां उना लोकां साई जिन्दगी जिन्दे न जड़े लोक प्रभु दे लोक नी न।⁴ इस ताई की जालू इक बोलदा है की, “मैं पौलुस दा है,” कने दुज्जा बोले कि, “मैं अपुल्लोस दा है,” तां क्या तुसां संसार दे लोकां साई नी करदे न?

⁵ तां फिरी सोचा की अपुल्लोस कुण है? कने मैं पौलुस कुण है? असां तां सिर्फ परमेश्वरे दे सेवक न, जिना दे जरिये तुसां मसीह पर भरोसा किता, असां चे हर इक जणे सेई कम्म किता जड़ा परमेश्वरे सांझो करणे ताई दिता।

⁶ अगर मैं तुसां दी तुलना खेतरे सोगी करें, तां मैं उस माणुए साई है जिनी पेहले तुसां च शुभसमाचार दा बी राया, कने अपुल्लोस उस माणुए साई है जिनी उस बूटे जो खाद पांणी दिता ताकि सै बदी सके, पर परमेश्वर ही है जड़ा तुसां जो आत्मिक रूप ला बदादां है, जियां परमेश्वर उस बूटे जो बदादां है।⁷ इस ताई ना तां बूटे जो लगाणे बाला कुछ है, कने ना ही सै कुछ है जिनी खाद पाणी दिता, पर परमेश्वर ही सब कुछ है जिनी उस बूटे जो बदाया।

⁸ मैं तुहांजो शुभसमाचार सुणाया कने परमेश्वरे दे बचना जो सिखाणा शुरू किता कने अपुल्लोस तुहांजो सिखांदा रिया पर साड़ा दोनों दा इक ही मकसद है, कने हर इक माणुए जो उदिया मेहनता दे साबे ला परमेश्वरे इनाम देणा।⁹ क्योंकि असां परमेश्वरे दे सहकर्मी न; कने तुसां सारे मसीह लोक परमेश्वरे दिया खेतिया साई न,

कने मैं तुहाड़ी तुलना इक घरे साईं करी सकदा है, जिसयो परमेश्वर बणांदा है।

10 परमेश्वरे जड़ा बरदान मिंजो दिता, उदे जरिये मैं इक खरे राज मिस्त्रीए साईं उस घरे दिया नियां पाईयां कने होर दुज्जे लोकां इसा नियां पर घर बणाया। पर हर इक माणु ध्यान रखे की सै कियां घर बणांदा है। 11 क्योंकि नि जड़ी पहले ला ही रखियो है, सै यीशु मसीह है, कने होर कोई भी दुज्जी नि नी रखी सकदा।

12 कने अगर मसीह सेवक खरियां गल्लां सिखाए जड़ियां परमेश्वरे उना जो दीतियां, सै उना घर बणाणे बालयां साईं न जड़े उसा नियां पर होर चीजां न जियां सोना या चांदी या कीमती पथरां ला घर बणांदा है। पर अगर सै झुठियां गल्लां सिखाए तां सै उना घर बणाणे बालयां साईं है जड़े घटिया चीजां ने जियां लकड़ी, भू कने घाए ने घर बणांदा, 13 पर न्याय बाले रोजे अगगी हर कुसी दे कम्म प्रगट करणे न की कुदे कम्म खरे थे कने कुदे कम्म बुरे थे; कने अगगी दसणा है की उस माणुए दे कम्मा दी कोई कीमत है की नी।

14 अगर कुसी घर बणाणे बाले दा कम्म जड़ा उनी उसा नियां पर घर बणांदा बकत कितया हो, कने अगर सै नी फकुंगा तां मसीहे उसयो इनाम देणा है। 15 पर अगर कुसी घर बणाणे बाले दा कम्म फकुई जांगा तां मसीहे उसयो इनाम नी देणा। पर उसयो हमेशा दी जिन्दगी मिली जाणी जड़ी परमेश्वरे उस तांई रखियो है।

16 तुसां जो पक्का पता है, की तुसां परमेश्वरे दा मन्दिर न, कने परमेश्वरे दी दितियो आत्मा तुहाड़े बिच वास करदी है। 17 तुसां परमेश्वरे दे मंदरे साईं न, अगर कोई माणु तुहांजो मिली जुली करी रेंणा नी दिन्दा है। तां परमेश्वरे उसयो सकत सजा देंणी, क्योंकि परमेश्वरे दा मंदर पबित्तर है, कने सै मन्दिर तुसां न।

???????? ???? ??

18 कोई अपणे आपे जो धोखे च ना रखे। अगर तुसां चे कोई अपणे आप जो इस संसारे दे लोकां सामणे ज्ञानी समझे, तां सै उना दिया नजरां च मुख बणी जाए, ताकि तुसां परमेश्वरे दिया नजरा च ज्ञानी बणी सकन।

19 क्योंकि इस संसारे दे लोक जिना गल्लां जो ज्ञान समझदे न, सै सारियां गल्लां परमेश्वरे दिया नजरां च मुखता है, जियां पबित्तर शास्त्र च लिखया है की, “परमेश्वर ज्ञानी लोकां दी चलाकियां च उना जो फसाई दिन्दा है।” 20 कने पबित्तर शास्त्र ऐ भी लिखया है की, “प्रभु ज्ञानी लोकां दे बिचारां जो जाणदा है की सारे बेकार न।”

21-22 इस तांई तुसां घमंड मत करा की तुसां कुसी खास माणुए दे चले न, मैं पौलुस, अपुल्लोस, पतरस,

सारे तुसां दे न, ऐथू दीकर की सारा कुछ तुसां दा है मतलब की संसारे दिया चीजां, अगर तुसां जिन्दे न या मरी गियो, अज या भविष्य सब कुछ तुहाड़ा है। 23 कने तुसां मसीह दे अधिकारे दे अधीन न, कने मसीह परमेश्वरे दे अधिकारे अधीन न।

4

?????? ??

1 तुसां सांझो मसीह दे सेवक समझा जिना जो परमेश्वरे शुभसमाचार दे भेदां दी सच्चाई जो समझाणे दा कम्म दितया है। 2 परमेश्वरे जिसयो ऐ कम्म करणे जो दितया, जरूरी है की सै भरोसे लाइक हो, ताकि दितयो कम्मे जो पूरा करी सके।

3 पर मैं इसा गल्ला दी फिकर नी करदा की, तुसां या होर कोई मेरे बारे च ऐ बोले की ऐ भरोसे दे लायक है की नी है, सच्च तां ऐ है की मैं अपणे बारे च भी नी बोलदा की मैं भरोसे दे लायक है की नी। 4 क्योंकि मेरी अंतरात्मा मिंजो कुसी भी गल्ला च दोषी नी बणांदी, पर इसला मैं निर्दोष नी बणदा, क्योंकि परमेश्वर मिंजो परखणेबाला है कने सेई मिंजो बेकसूर साबित करदा है।

5 इस तांई साड़े प्रभु यीशु मसीह दे बापस ओणे दीकर कोई कुसी दा न्याय ना करे, क्योंकि परमेश्वरे साफ तरीके ला उना सारे बिचारां जो दसणा जड़े लोकां दे मना च न, जिना दे बारे च कोई नी जाणदा है, उनी उना दे मने दे सारे इरादयां जो प्रगट करणा है, तालू परमेश्वरे दिया तरफा ला हर इकी दी तारीफ होंगी।

6 हे मसीह भाईयो, मैं अपुल्लोस कने अपणे बारे च तुहांजो इस तांई दसया ताकि तुसां सांझो इक उदाहरण साईं लेई सकन, “पबित्तर शास्त्र च जड़ा लिखया है, उसला अगगे मत बदा।” ऐ खरा नी है की तुसां कुसी इकी जो इज्जत देईकरी बड़डा बणा, कने दुज्जे दी बेजती करिरी निचा दस्सा। 7 कुण बोलदा है की तू दुज्जे ला खरा है? कने जड़ा कुछ तेरे बाल है सै परमेश्वरे तिजो दितया। कने जालू परमेश्वरे ही सब कुछ तिजो दितया, तां तिजो कोई हक नी है की तू कुसी गल्ला च घमंड करे।

8 तुहांजो लगदा है की तुहाड़े बाल आत्मिक रूप च सारियां चीजां न। कने तुहांजो लगदा है की पेहले ही सारे बरदान तुहांजो मिली गियो न, जड़े पबित्तर आत्मा अपणे लोकां जो दिन्दी है, कने तुहांजो लगदा की तुसां साड़े बिना राजयां साईं शासन करणा लगगी पियो न, मैं खुश होई जांदा अगर तुसां सच्ची राजयां साईं राज करणा लगगी पियो होंदे ताकि असां भी तुहाड़े सोगी शासन करी सकन। 9 मिंजो ऐसा लगगा दा की परमेश्वरे असां प्रेरितां जो जित दिया यात्रा च सारयां

ला आखरी जगा च उना केदियां सांई रखया है जिना जो मौत दी सजा मिलियो हो। असां सारी दुनिया, स्वर्गदूतां कने माणुआं सामणे तमाशा बणी गियो न।

10 लोक सांझो मुख समझदे न क्योंकि असां मसीह दा प्रचार करदे न, पर तुसां गलत सोचदे न की तुसां बुद्धिमान मसीह न! मते लोक मंदे न की साड़े बाल कोई हक नी है। पर तुसां घमंड ला बोलदे न की तुहाड़े बाल परमेश्वरे दी शक्ति है। लोक साड़ी इज्जत नी करदे पर लोक तुहाड़ी इज्जत करदे न। 11 असां उस रोजे दीकर भूखे प्यासे कने फटयो कपड़े पायो न, कने लोकां सांझो मारया कूटया, कने साड़े तांई रेणे जो घर नी था।

12 कने अपने ही हथां ला कम्म करिके मेहनत करदे न, लोक बुरा बोलदे न, असां आशीष दिन्दे न, सै सतादें न असां सेहन करदे न। 13 जालू लोक बदनाम करदे न, तां असां उना जो बड़े प्यारभाव ला जबाब दिन्दे न। अजे भी लोक साड़ी इज्जत नी करदे कने सै बोलदे न की साड़ी कोई कीमत नही है।

????????

14 मैं तुहांजो शरमिंदा करणे तांई ऐ गल्लां नी लिखदा है, पर मेरा मकसद तुहांजो सुधारणा है क्योंकि तुसां मेरे बचयां सांई न जिना जो मैं बड़ा प्यार करदा है कने चेताबनी दिन्दा है। 15 भले ही तुहाड़े बाल सिखाणे तांई हजारो गुरु होन, सिर्फ मैं ही तुहाड़े पिता सांई है, क्योंकि मैं पेहला माणु है, जडा तुहाड़े तांई शुभसमाचार लेईकरी आया, जिसदी बजा ला तुहांजो मसीह यीशु पर भरोसा होया। 16 इस तांई मैं तुहांजो बिनती करदा है, की जियां मैं मसीह च जिन्दगी जिया दा, तियां ही तुसां भी जिन्दगी जिया।

17 इस तांई मैं तीमुथियुस जो तुसां बाल भेजया है, जडा प्रभु यीशु च मेरा प्यारा कने भरोसे बाला पुत्र है, उनी तुहांजो दसणा की मैं क्या करदा है कने यीशु मसीह दा चेला बणी करी जिया दा, ठीक ऐई गल्लां मैं हर जगा कने सारी कलीसियां जो सिखांदा। 18 तुहाड़े बिच कुछ लोक सोचदे न की तुहांजो मिलणा नी ओणा, इस तांई सै घमंडी होई गियो न।

19 पर प्रभुऐ दी इच्छा होई तां मैं तुहाड़े बाल जल्दी ओणा है, कने उना घमंडियां दियां सिर्फ शिक्षा जो ही नी, पर उना दिया शक्तिया जो भी जाणी लेंणा है। 20 क्योंकि परमेश्वरे दा राज्य सिर्फ बड़ियां भरी गल्लां करणा ही नी, पर ऐ परमेश्वरे दिया शक्तिया ला जीणा है। 21 जालू मैं तुहाड़े बाल ओंगा तां तुसां क्या चांदे न की मैं करां? अगर तुसां अपणियां बुरियां गल्लां ला नी सुधरयो होंगे, तां मैं तुहांजो अपने तरीके ला सुधारणा, पर अगर सुधरी

गियो होंगे तां मैं तुसां पर दया दसणी, कने दसणा की मैं तुहांजो ने कितणा प्यार करदा है।

5

????????

1 मैं लोकां जो तुहाड़े बारे च बोलदे सुणया है, की तुसां चे कुछ लोक व्यभिचार करदे न, कने ऐसा व्यभिचार तां होर जाति दे लोकां च भी नी होंदा। सै ऐ है की इकी माणुऐ अपणी सौतेली माऊ सोगी नाजायज रिश्ता रखया है। 2 कने तुसां जो तां इसा गल्ला दा दुख होणा चाईदा था, पर इदे बजाये तुसां इसा गल्ला च घमंड करदे न। तुहांजो इयुदे माणुआं जो कलीसिया ला कडी देणा चाईदा।

3 भले ही मैं ओथु तुहाड़े सोगी नी है, पर ऐसा लगदा है कि मने ला मैं ओथु ही है, कने मैं इयुदे कम्म करणे बालयां दे खिलाफ फेसला करी दितया है। 4 कने तुहांजो ऐसा करणा चाईदा की तुसां सारे भरोसा करणे बाले होणे दे नाते गिठे होन, ऐ जाणदे होऐ की तुहाड़े बाल असल च साड़े प्रभु यीशु मसीह दा हक है। 5 उस पाप करणे बाले माणुऐ जो अपणी कलीसिया ला कडी दिया, कने बापस उस जो शैतान दे बशे च देई दिया। क्या पता सै पाप करणा छुडी दे। क्योंकि अगर सै पाप करणा छुडी दिंगा, तां जिस दिन प्रभुऐ न्याय करणा पक्का उस दिन उनी बची जाणा।

6 तुहाड़ा घमंड करणा बिलकुल भी ठीक नी है, क्या तुसां नी जाणदे की थोड़ा दिया खमीर पुरे गुनयो आटे जो खमीर करी दिन्दा है? अगर कुसी माणुऐ जो पाप करणे दी इजाजत मिलदी है, तां झट सारयां पाप करणा लगी पोंणा। 7 जियां यहूदी लोक अपने घरां ला फसह दा त्योहार मनाणे ला पेहले सारा खमीर कडी दिन्दे न, तियां ही तुसां भी इस पापी माणुऐ जो कलीसिया ला कडी दिया, तां तुसां इक ताजी रोटिया सांई होणा, जडी बिना खमिरे ला बणियो है, कने असल च तुसां सेई न। क्योंकि साड़े फसह दा त्योहार असल च मसीह दे बलिदाने दे जरिये पूरा होया है। 8 इस तांई ओआ की असां अपने फसह दा त्योहार मनान। जियां यहूदी खमीर बाहर कडया, तियां अपने पापी सभाव जो छुडी दिया, कने जियां यहूदी खमिरे बाली रोटी खांदे थे, सांझो भी परमेश्वरे दे लोकां सांई जीणा चाईदा, जिना च कोई बुराई नी होंदी, मतलब की अपने मने ला चलाकिया दियां गल्लां जो कडी करी कने सच्चाईया कने यीशु मसीह सोगी चला।

9 मैं अपणिया पिछलिया चिटिया च तुहांजो लिखया था, की व्यभिचारियां सोगी संगती मत करदे। 10 ऐ नी

की तुसां बिलकुल ही इस संसारे दे व्यभिचारियां, या लोभियां, या दूज्जयां जो धोखा देणेबाले, या मूर्तिपूजा करणे बालयां दी संगती नी करणी, क्योंकि इयां तां तुहांजो इस संसारे ला निकलना पेई जाणा।

11 पर मेरे बोलणे दा मतलब ऐ है, ऐसे माणुऐ सोगी कोई रिश्ता मत रखा जड़ा अपने आपे जो मसीही बोलदा है, पर व्यभिचार, या लालची, या मूर्तिपूजक, या गाली देणे बाला, या शराबी, या दूज्जयां जो धोखा देणेबाला हो, तां उस माणुऐ सोगी संगती मत करदे। 12 क्योंकि कलीसिया ला बाहर बालयां दा फेसला करणा मेरा कम्म नी है, पर तुहांजो उना जो जरूर सुधारणा चाईदा जड़े तुहाड़े कलीसिया दे लोक न। 13 पर कलीसिया ला बाहर बालयां दा फेसला परमेश्वर करदा है: पर जियां पबित्र शास्त्र च लिखया है, की कुसी भी बुरे कम्म करणे बाले माणुऐ सोगी रिश्ता मत रखा।

6

???? ? ? ? ? ? ? ? ? ? ? ? ? ? ? ? ? ? ?

1 अगर तुहाड़ा कुसी दुज्जे मसीह भाई या बेहणा सोगी झगड़ा होंदा है, तां तुसां जो कचेरी च नी जाणा चाईदा। तुहांजो अपनी कलीसिया चे कुसी जो बोलणा चाईदा की, सै तुहाड़े झगड़े दा फेसला करे की कुण सही है कने कुण गलत है। 2 तुसां जाणदे न की, ओणे बाले दिना च परमेश्वरे दे लोकां इस संसारे दे लोकां दा न्याय करणा। इस ताई जालू तुसां बिच छोटे मोटे झगड़े होन तां तुसां जरूर फेसला करी सकन की कुण गलत है कने कुण सही है। 3 तुसां जाणदे न की, ओणे बाले दिना च असां शैताने दे दूतां दा न्याय करणा, तां असां जरूर इसा जिन्दगिया च होणे बालियां छोटियां-छोटियां गल्लां दा फेसला करी सकदे न।

4 अगर एसियां गल्लां सामणे ओदियां न, तां उना दा फेसला करणे ताई ऐसे लोकां बाल नी जाणा चाईदा, जिना दी कलीसिया दे लोक इज्जत नी करदे होन। 5 मैं ऐ गल्लां तुहांजो शर्मिंदा करणे ताई बोला दा है; क्या सच्ची तुसां चे कोई भी समझदार नी है, जड़ा अपने मसीह भाईयां कने बेहणा दा न्याय करी सके? 6 बल्कि इक मसीह भाई दुज्जे मसीह भाई दे खिलाफ मुकदमे जो लेईकरी भरोसा नी करणे बाले बाल जाऐ।

7 पर सच्ची गल्ल तां ऐ की तुसां बिच मुकदमे चलणे दा मतलब है की तुसां इक मसीही जिन्दगी जिणे च हारी गियो न। इस ताई अगर कोई होर मसीह भाई या बेहण तुहाड़े सोगी गलत करे, कने धोखे ने तुहाड़ा कुछ लेई ले, तां तुसां इदे बदले च कुछ मत करा। 8 पर तुसां तां अपु ही गलत करा दे न कने धोखा दे न कने सै भी अपने ही मसीह भाई बेहणा जो।

9 तुसां पक्का जाणदे न की, बुरे कम्म करणे बाले लोक परमेश्वरे दे राज्य दे हकदार नी होणे न। कोई तुसां जो ऐ गल्ल बोली करी धोखा ना दे, की तुसां बुरे कम्म करी के भी परमेश्वरे दे लोक बणी रेई सकदे न। इस धोखे च मत रेंदे की, वेश्यागामी, मूर्तिपूजा करणे बाले, परस्त्रीगामी, लुच्चे, पुरुषगामी, 10 चोर, लालची, शराबी, गाली देणेबाले, दुज्जयां जो धोखा देणेबाले परमेश्वरे दे राज्य दे हकदार नी होणे न। 11 कने तुसां चे कुछ लोक पेहले ऐसे ही थे, पर प्रभु यीशु मसीह दे नाऐ ला कने साड़े परमेश्वरे दिया पबित्र आत्मा तुहाड़े पाप धोई दितयो न, ताकि तुसां पबित्र कने परमेश्वरे दिया नजरा च धर्मी बणन।

???? ? ? ? ? ? ? ? ? ? ? ? ? ? ? ? ? ? ?

12 तुसां बोली सकदे न की, मैं सारियां चीजां करी सकदा है क्योंकि मैं इक मसीह पर भरोसा करणे बाला है; पर सारियां चीजां मेरे फायदे दियां नी न। पर मैं कुसी भी गल्ला दे बशे नी होणा। 13 तुसां बोली सकदे न की, खांणा पेटे ताई, कने पेट खांणे ताई है, ऐ तां सच्च है पर परमेश्वरे ऐ दोनों खत्म करी देणा। साड़े शरीर व्यभिचार ताई नी न, बल्कि प्रभु ताई है, कने इसला प्रभु दी सेवा करणी चाईदी। 14 पर साड़ा शरीर इस ताई भी खास है क्योंकि जियां परमेश्वरे अपणिया शक्तिया ला प्रभु जो मरयां चे जिन्दा किता, तियां ही उनी सांझो भी मरयां चे जिन्दा करणा।

15 तुसां जाणदे न की, तुहाड़े शरीर मसीह दे अंग न। तां क्या इक माणुऐ अपने शरीर जो लेईकरी, वेश्या सोगी जोड़ना चाईदा? नी बिलकुल भी नी।

16 तुसां जाणदे न की पबित्र शास्त्र च लिखया है, “उना दोनों इक बणी जाणा।” इस ताई तुहांजो पता होणा चाईदा की जड़ा कोई वेश्या ला जुड़ी जांदा है सै वेश्या सोगी इक बणी जांदा है। 17 कने जड़ा प्रभु सोगी जुड़ी जांदा है, उदी आत्मा कने प्रभु दी आत्मा इक होई जादियां न।

18 व्यभिचार ला बची रिया; माणुऐ दे कितयो होर पाप उदे शरीरे जो उतणा प्रभावित नी करदे जितणा ऐ करदा है, पर व्यभिचार करणे बाला अपने ही शरीर दे खिलाफ पाप करदा है।

19 तुसां जाणदे न की, तुहाड़ा शरीर सै मंदर है जिदे च पबित्र आत्मा बसदी है; जड़ी परमेश्वरे तुहांजो दितियो है, कने हुण तुसां अपने नी न, पर परमेश्वरे दे न। 20 क्योंकि जालू परमेश्वरे प्रभु यीशु मसीह जो भेजया, तालू उनी तुहाड़े ताई बड़ी बड़ी कीमत चुकाई है, इस ताई अपने शरीर ला परमेश्वरे दी महिमा करा।

7

११११११ ११ १११११११ १११११

1 हुण जड़ सबाल तुसां मिजो ला चिठिया च पूछयो थे हुण मैं उना दा जबाब दिन्दा है। तुसां पूछया था कि, “क्या असां लोकां ताई ऐ खरा है की असां बियाह ना करन?” 2 क्योंकि ऐ आम गल्ल है की लोक नाजायज रिशते बणाई लेंदे न, इस ताई मैं सलाह दिन्दा है की हर इक मर्द बियाह करे, कने अपनी घरे बालिया सोगी बफादार रहे।

3 इक माणु पति होणे दे नाते अपणिया जिम्मेबारियां पुरियां करे; कने तियां ही इक जनानी भी घरे बाली होणे दे नाते जिम्मेबारियां पूरी करे, कने दोनों इक दुज्जे दियां जरूरतां जो पूरा करन। 4 घरे बालिया जो अपणे शरीर पर हक नी है, पर उसा दे घरे बाले जो है; तियां ही घरे बाले जो भी अपणे शरीर पर हक नी है, पर उदी घरे बालिया जो है।

5 तुसां इकी दुज्जे ला लग मत रिया; पर सिर्फ कुछ बकत दीकर अपु चे सलाह करिके लग रिया, ताकि प्राथना करणे ताई कुछ बकत मिल्ली सके, कने फिरी दुबारा सोगी रिया, इयां ना हो की अपणे पर काबू नी रखणे दिया बजा ला शैतान तुसां जो नाजायज रिशता रखणे ताई परखे।

6 पर मैं जड़ा कुछ बोला दा है सै मेरी सलाह है ना की मेरा हुकम। 7 मैं ऐ चांदा है, की जियां की मैं बियाह नी कितया, तियां ही तुसां सारे भी बियाह मत करा, पर परमेश्वरे कुछ लोकां जो खास बरदान दितया है। परमेश्वरे कुछ लोकां जो बियाह करणे दा बरदान दितया, कने कुसी जो बगेर बियाये रेणे दा बरदान दितया है।

8 पर कुआरयां कने बिधवां जो मेरी सलाह ऐ है की, उना ताई ऐई खरा है की सै बगेर बियाह कितयो रिया, जियां मैं है। 9 पर अगर सै सवर नी रखी सकन, तां उना जो बियाह करी लेणा चाईदा, क्योंकि शरीरे दिया इच्छा ला लड़ने ला खरा है की बियाह करी लिया।

10 जिना दा बियाह होई गया है, उना जो मैं नी, बल्कि प्रभु यीशु मसीह हुकम दिन्दा है, की घरे बाली अपणे घरे बाले जो तलाख ना दे। 11 कने अगर तलाख होई भी जा, तां सै दुज्जा बियाह ना करे; या अपणे घरे बाले सोगी दुबारा मिली करी रे। कने ना घरेबाला अपणिया घरे बालिया जो तलाख दे।

12 पर हुण ऐ प्रभु दा हुकम नी है, पर मैं उना भरोसा करणे बाले लोकां जो बोलणा चांदा है, जिना दा बियाह भरोसा नी करणे बाले लोकां ने होई गया है; अगर कुसी मसीह भाईऐ दी घरे बाली मसीह पर भरोसा नी करदी है, कने उदे सोगी रेणा चांदा, तां सै उसा जो तलाख ना

दे। 13 कने जिना मसीह जनानिया दा घरेबाला भरोसा नी करदा हो, कने उसा सोगी रेहणे च खुश हो, तां सै अपणे घरे बाले जो तलाख ना दे। 14 क्योंकि इक मसीह पर भरोसा करणे बालिया दे घरे बालिया दिया बजा ला परमेश्वरे उसा दे घरे बाले जो अपनाई लेणा है, अगर ऐ सच्च नी होंदा की तुहाड़ा भरोसा नी करणे बाला घरेबाला या घरे बाली परमेश्वरे दे न, तां तुहाड़े बाल बच्चे परमेश्वरे दे नी होंदे, पर हुण तां तुहाड़े बाल बच्चे भी परमेश्वरे दे न।

15 अगर कोई भरोसा नी करणे बाला भाई या बेहण तलाख देणा चांदा है, तां सै ऐसा करी सकदा है। ऐसे हालातां च इक भरोसा करणे बाले घरे बाले या घरे बालिये जो इस रिशते जो निभाणे दी जरूरत नी है, क्योंकि भरोसा नी करणे बाला ऐ तलाख दे दा है; परमेश्वरे सांझो शांति ला जिन्दगी जिणे ताई सदया है। 16 हे घरेबालियो तुहांजो याद रखणा चाईदा की तुहाड़िया बजा ला तुहाड़े घरे बाले दियां जिन्दगिया भी बची जान कने हे घरे बालयो तुहांजो भी याद रखणा चाईदा की तुहाड़िया बजा ला तुहाड़े घरे बालियां दी जिन्दगी बची सके।

१११११११११ ११ १११११११ ११ १११११११ १११११

17 मेरा इतणा सब कुछ बोलणे दा मतलब ऐ की जियां प्रभुऐ हर इकी जो जिना हलातां च रखया है, सै उना ही हालातां च अपनी जिन्दगी जिये, जिस ताई परमेश्वरे उना जो अपणे लोक होणे ताई सदया है। कने ऐई गल्ल मैं सारियां कलीसियां दे लोकां जो सिखांदा है। 18 इक उदाहरण ताई, अगर कोई यहूदी माणु प्रभु यीशु मसीही भरोसा करदा है, तां उसयो उदी यहूदी होणे दी पछेण नी छडणी चाइदी, कने तियां ही अगर कोई होर जाति दा माणु यीशु मसीह पर भरोसा करे तां उसयो यहूदी बणने ताई खतना करबाणे दी जरूरत नी है। 19 इक माणु दा खतना होया हो या नी होया हो इसला कोई फर्क नी पोंदा। पर परमेश्वरे दे हुकमा जो मनणा ही सारयां ला जरूरी है।

20 परमेश्वरे जिस माणुऐ जो जिना हलातां च अपणे लोक होणे ताई सदया है, सै माणु उना ही हलातां च ही अपनी जिन्दगिया जो जिये। 21 अगर तू नोकर होंदे होऐ परमेश्वरे पर भरोसा किता है, तां तू इस बारे च चिंता मत कर; अगर तेरा मालिक बोले की तू अजाद है, तालू तू जाई सकदा है। 22 क्योंकि जिसयो नोकरे दिया हालता च प्रभु दे लोक होणे ताई सदया हो, सै अजाद माणुऐ सांई है, क्योंकि प्रभु यीशु मसीहे उसयो उदे पापां ला आजादी देई दितियो है। कने इयां ही जिसयो आजादी दिया हालता च सदया हो, सै मसीह दे

नी है, कने सिर्फ इक ही सच्चा परमेश्वर है। 5-6 पर स्वर्ग कने धरतिया पर मतियां चीजां जो, जिना जो लोक ईश्वर कने प्रभु बोलदे न। पर साड़ा तां इक ही परमेश्वर है: कने सै साड़ा पिता है; कने उनी ही सारियां चीजां बणाईयां न, कने असां उदे जरिये ही जिन्दे न, तियां ही साड़ा इक ही प्रभु है, कने सै यीशु मसीह है। उदे जरिये सारियां चिजां बणाईयां गियां थियां, कने उदे जरिये असां जिन्दे न।

7 पर साड़े भरोसा करणे बाले लोकां जो हल्ले दीकर ऐ नी पता की मूर्तियां बाल कोई शक्ति नी है। क्योंकि सै पेहले मुर्तियां दी पूजा करदे थे, कने हुण जालू सै मूर्तियां जो चढ़ाया खाणा खांदे न, तां सै गलत सोचदे न की सै हल्ले भी मूर्तियां दिया पूजा च करदे न। कने सै ऐ सोची करी दुखी होंदे न की अगर सै मूर्तियां पर चढ़ाया खाणा खांदे न, तां सै पाप करदे न।

8 पर खांणा खांणे ला असां परमेश्वरे दे नेड़े नी होंदे। कने खांणे जो खांणे तांई मना करणे ला असां परमेश्वरे जो घट खुश नी करदे न, कने खांणा खाणा सांझो परमेश्वरे दिया नजरा च कुछ खास नी बणांदा। 9 पर ध्यान रखा की, ऐसा ना हो की, तुहाड़ी ऐ अजादी कुथी घट भरोसे बाले लोकां तांई उदे पाप करणे दी बजा ना बणी जाए। 10 तुसां जाणदे न की असल परमेश्वर नी न, इस तांई तुसां मूर्तियां दे मंदरे च खांणा खाई सकदे न। पर जड़ा कोई भरोसे च कमजोर है, सै तुसां जो ओथु खांणा खांदे दिखदा कने मूर्तियां पर बलि कितियां चीजां जो खांणे तांई हिम्मत करे, पर ऐ सोचे की ऐसा करणा पाप है।

11 इस तांई तू जिना गल्लां जो जाणदा है, उसा बजा ला जड़ा मसीह भाई भरोसे च कमजोर है उनी माणुऐ मसीह पर भरोसा करणा छुड़ी देणा, जिस तांई यीशु मसीहे अपणी जान दिती। 12 कने अगर साड़े इस कम्मे जो करणे दिया बजा ला साड़े साथी मसीही भाई अपणे आप जो पापी महसूस करदे न, तां असां उना दे खिलाफ कने यीशु मसीह दे खिलाफ पाप करदे न। 13 इस तांई अगर मूर्तियां दे सामणे बलि चढ़ाया खाणा खांणे दिया बजा ला कुसी भरोसा करणे बाले भाई या बेहणा दा भरोसा कमजोर होई जांदा है, तां मै कदी भी ऐसा खाणा नी खाणा जिसदी बजा ला उस माणु दा भरोसा कमजोर होई जाए।

9

???????? ?? ?? ???? ???? ?

1 जड़ा कुछ मिंजो खरा लगदा है, सै खांणे तांई मै अजाद है। मै प्रेरित है। मै प्रभु यीशु मसीह जो दिखया है। प्रभुऐ जड़ी सेवा मिंजो करणे तांई दितियो है तुसां

उस सेवा दा नतीजा न। 2 भले ही लोक ऐ नी मंदे की मै प्रभु यीशु दा प्रेरित है, पर तुहांजो ऐ गल्ल मनणा चाइदी। क्योंकि मै ही तुसां बाल सारयां ला पेहले शुभसमाचार लेईकरी आया था, तुसां दा भरोसा जड़ा यीशु मसीह पर है, सै इसा गल्ला दा सबूत है की मै सच्ची तुसां तांई परमेश्वरे दा चुणया चेला है।

3 जड़े लोक मेरे प्रेरित होणे पर सबाल करदे न उना तांई मेरा ऐई जबाब है। 4 मेरा कने बरनबास दा पूरा हक है की, असां तुसां लोकां ला पैसे कने खाणे तांई सहायता लेई सकदे न। 5 जियां पतरस कने होर चेले कने प्रभु दे भाई जालू सेवा करणे तांई अपणी घरे बालियां सोगी जांदे न, तियां ही मेरे बाल भी हक है की मै ऐसा करे। 6 मिंजो कने बरनबास जो भी होर प्रेरितां सांई आर्थिक सहायता लेणे दा हक है, कने अपणियां जरूरतां जो पूरा करणे तांई कम्म करणे दी जरूरत नी है।

7 कोई भी माणु अपणे खर्चे पर सिपाई दा कम्म नी करदा। इक माणु जड़ा अंगूरा दा बाग लांदा है सै भी उदा फल खाणे दी उम्मीद रखदा। भेडां दी रखवाली करणे बाला भी उना दा दूध पिणे दी उम्मीद रखदा। 8 मै ऐ सारियां गल्लां माणुआं दिया सोचा दे मुताबिक नी बोलदा है।

9 मूसा दी व्यवस्था भी ऐई बोलदी है। क्योंकि मूसा दिया व्यवस्था च लिखया है, “गांण गांदे बकते दांदे दा मु मत बनदे।” क्या तुहांजो लगदा है की परमेश्वरे जो दांदा दी ही चिंता है? नी बिलकुल भी नहीं! 10 परमेश्वरे ऐ खासकर सांझो तांई ही बोलया है। कने ऐ साड़े तांई ही लिखया है, क्योंकि हल बांणे बाला आस रखीकरी ही खतरां जो बांदा है, कने गांणे बाला फसल मिलणे दी आस रखीकरी ही फसल गांदा है। 11 असां तुहाड़े बिच आत्मिक बी राया है, इस तांई ऐ उम्मीद करणा बड़ी बड्डी गल्ल नी है, की तुसां साड़े खर्चे तांई पैसे देन।

12 अगर तुसां दुज्जे लोकां दी सहायता किती है जिना तुसां बाल आई करी प्रचार किता, तां बरनबास कने मेरा जादा हक बणदा है की तुसां साड़ियां जरूरतां जो पूरा करा। क्योंकि असां सारयां ला पेहले तुहांजो शुभसमाचार सुणाया, पर असां इसा गल्ला तांई तुसां पर भोज नी पाया। इदे बजाऐ असां सब कुछ सेहन करणे तांई तैयार थे, ताकि साड़े मसीह दे बारे च शुभसमाचार पर भरोसा करणे ला कुसी जो भी परेशानी ना होऐ। 13 तुसां जाणदे न की, जड़े लोक मंदरा च सेवा करदे न, उना जो उना दा खांणा मंदरा ला ही मिलदा है, कने जड़े वेदी पर बलि चढ़ांदे न, उना जो उस बलि दे चढ़ावे चे ही हिस्सा मिलदा है। 14 इस तांई प्रभुऐ हुकम दितया

है की शुभसमाचार सुणाणे बालयां दी रोजी रोटी उना लोकां ला मिलणी चाईदी जड़े शुभसमाचार सुणदे न।

15 पर इना हकां चे मैं कदी कुसी दा भी इस्तेमाल नी किता। कने ऐ गल्लां मैं इस ताई नी लिखियां की, हुण तुसां मेरे ताई ऐसा करा। नी बिलकुल भी नी! मेरे ताई मरणा ठीक है, इदे बजाए की मैं तुसां ला सहायता मंगे, अगर मैं तुसां ला मुजदूरी लेई तां फिरी मैं इसा गल्ला पर घमंड नी करी सकदा, की मैं बिना कुछ लियो तुसां ताई कम्म किता। 16 इस ताई अगर मैं शुभसमाचार सुणा, तां इदे च घमंड करणे बाली कोई गल्ल नी है; क्योंकि प्रभु यीशुऐ मिंजो ऐ कम्म करणे दा हुकम दितया है, अगर ऐ कम्म मैं नी करे तां मिंजो बड़ा दुख होणा।

17 क्योंकि अगर मैं अपणिया इच्छा ला ऐ कम्म करदा है, तां मिंजो मजदूरी मिलणी। कने अगर ऐ कम्म बिना इच्छा ला करदा है, तां ऐ सिर्फ परमेश्वरे दी दितियो जिम्मेबारियां जो पूरा करदा है, तां मैं कोई भी मजदूरी दी उम्मीद नी करी सकदा। 18 तां क्या है मेरी मजदूरी? मेरी मजदूरी ऐई है की मैं बिना मजदूरी लियो मुफ्त च शुभसमाचार दा प्रचार करे। होर कुछ नी मिंजो इदे च ही खुशी है की मैं मुफ्त च ही शुभसमाचार दा प्रचार करे, हालांकि मिंजो बाल पूरा हक है की मैं अपणी मजदूरी इना ला मंगी सके।

19 इदा मतलब ऐ है की मैं लोकां दियां गल्लां जो मनणे ताई मजबूर नी है, सिर्फ इस ताई की सै मेरी सहायता करदे न, फिरी भी मैं सारयां दा सेबक बणया, ताकि मैं उना जो मसीह च लेई ओंऐ। 20 जालू मैं यहूदी लोकां सोगी था, तां मैं उना साई जिन्दगी जिन्दा था ताकि मैं उना जो मसीह च लेई ओंऐ; जालू मैं यहूदी व्यवस्था जो मनणे बालयां सोगी रेंदा था, तां मैं अपु भी उस व्यवस्था दे अधीन रेंदा था, हल्ले की मिंजो उस व्यवस्था जो मनणे दी जरूरत नी है, पर मैं सै इस ताई मनदा है ताकि मैं व्यवस्था दे अधीन रेणे बालयां जो मसीह च लेई ओंऐ।

21 ठीक तियां ही होर जातियां सोगी था, तां उना साई जिन्दगी जी, ताकि उना जो भी मसीह च लेई ओंऐ, पर मैं जाणदा की मैं परमेश्वरे दी व्यवस्था दे बगैर नी जिन्दा था, क्योंकि मैं, मसीह दी व्यवस्था दे अधीन ही है। 22 जालू मैं उना लोकां सोगी होंदा है, जिना दा भरोसा कमजोर है, तां मैं उना साई व्यवहार करदा है, ताकि मैं उना जो मसीह दे पिच्छे चलणे च सहायता करी सकें, मैं हर इक माणुऐ ताई कुछ न कुछ बणया है ताकि कुसी न कुसी तरीके ला कुछ लोकां दा उद्धार होई सके। 23 कने

मैं सारा कुछ मसीह दे बारे च शुभसमाचार जो सुणाणे ताई करदा है, ताकि मिंजो शुभसमाचार दी आशीषां च हिस्सा मिली जाऐ।

??????

24 तुसां जाणदे न की, दौड़ा च तां सारे दौड़दे न पर इनाम इकी जो ही मिलदा है। तुसां इयां दौड़ा की इनाम तुहांजो मिल्ले। इयां ही सांझो सै सब कुछ करणा चाईदा जिदे ला असां परमेश्वरे जो खुश करी सकन। ताकि सांझो सै इनाम मिली सके जड़ा परमेश्वरे ओणे बाले बकत च सांझो देणा। 25 कने जड़े लोक दौड़ा च हिस्सा लेणा चांदे न, सै पेहले इदी तैयारी करदे न, अपणी इच्छां पर काबू रखदे न, सै ऐसा इस ताई करदे न ताकि जिती सकन कने इज्जत मिल्ले। उना दी इज्जत करणे ताई पत्तयां दी बणियो माला दिन्दे न, जड़ी जल्दी सुकी जांदी है। पर असां जड़े यीशु मसीह पर भरोसा करदे न, साड़ी इज्जत होणी है जड़ी, कने सांझो ऐसी आशीष मिलणी है, जड़ी युगां-युगां ताई बणी रेणी है। इस ताई सांझो होर भी जादा सबर रखणा चाईदा। 26 इस ताई मैं अपणी मसीह जिन्दगी जो इक पक्के मकसद सोगी जी दा है, जियां इक कुशती लड़ने बाला पलबाण लड़दा है कने सै होआ च मुक्के नी मारदा है। 27 मैं अपणे शरीर जो काबू च रखदा है, ताकि मैं शरीरे दियां इच्छां पर काबू करी सकें; इयां ना हो की मैं होरां जो शुभसमाचार दा प्रचार करे, मिंजो अपु जो ही इनाम नी मिल्ले।

10

??????????

1 हे मसीह भाईयो, मैं चांदा है, की तुसां इसा गल्लां जो याद रखा की बड़े पेहले साड़े बाप दादयां सोगी जंगला च क्या होया था। परमेश्वरे इक बदल भेजी करी अगुवाई किती, जड़ा उना दे अग्गे-अग्गे चलदा था। कने उना जो लाल समुंदर ला निकाली करी सुक्की धरतिया पर लेई आया। 2 जियां असां प्रभु यीशु दे चले बणने ताई बपतिस्मा लेंदे न, तियां ही सै भी सारे बदला दिया छांआ च थे कने मूसा दे चले बणने ताई लाल सागरे चे गे। 3 कने सारयां सेई रोटी खादी, जड़ी परमेश्वरे उना जो स्वर्गे ला दिती। 4 कने उना सबना सेई पाणी पीता जड़ा परमेश्वरे उना जो दिता था, उना इक चट्टान ला निकलने बाले पांणिए जो पीता, कने उस चट्टाना दी तुलना मसीह सोगी करी सकदे न जिना उना सोगी रेईकरी उना जो जिन्दगी दिती। 5 पर परमेश्वर उना चे मतयां ला खुश नी था, इस ताई तां सै सुनसान जगा च मरी गे।

6 ऐ सारियां गल्लां साड़े बाप दादयां ने इस ताई होईयां ताकि सांझो चिताबनी मिल्ले की अगर असां भी

इना साईं बुराई करणे दी इच्छा करगे, तां जड़ा उना सोगी होया सै साड़े सोगी भी होई सकदा है।

7 कने तुसां मूर्तियां दी पूजा मत करा, जियां उना चे मते लोकां किता था, ऐ ठीक तियां है जियां पबित्र शास्त्र च लिखया है, “लोक धामा च खांणा पीणा बैठे, कने रंगरलियां मनाणे ताईं उठे।” 8 कने शरमिंदा होणेबाला कम्म कोई मत करा; जड़ा साड़े बाप दादयां चे केईयां किता; कने इक ही रोजे तरेई हजार लोक मरी गो।

9 कने प्रभु जो मत परखा; जियां उना चे मते लोकां किता, कने जहरीले सपां सै डस्से कने सै मरी गो। 10 बुड़बुड़ा मत जियां उना चे मते लोकां किता, कने परमेश्वरे इक स्वर्गदूते जो भेजी करी सै मारी दिते।

11 पर ऐ सारियां गल्लां, जड़ियां साड़े बाप दादयां सोगी हुईयां, सै इस ताईं हुईयां ताकि ऐ सारे लोकां ताईं उदाहरण बणे, कने ऐ गल्लां सांझो चेताबनी देंगे ताईं लिखियां न, जड़े इस संसारे च इना आखरी दिना च रे दे न। 12 इस ताईं अगर ऐथू कोई ऐसा माणु है जड़ा बोलदा है की, परमेश्वरे पर उदा भरोसा मजबूत है, तां सै ध्यान रखे की, कुथी ऐसा ना हो की सै अचानक भरोसे ला भटकी जा कने पाप करी ले। 13 पाप करणे दियां इच्छां साड़े बाल जरूर ओदियां न, पर परमेश्वर भरोसे दे लायक है; क्योंकि सै तुसां जो कदी एसियां परखा च नी पोणा दिन्दा, जिसदा तुसां सामणा नी करी सकदे, पर इदे बजाए उनी तुसां जो शक्ति देणी, जिसदी तुसां जो जरूरत है, ताकि तुसां पापां ला बची सकन।

?????????? ?? ??????? ??????????

14 इस ताईं, हे मेरे प्यारे भाईयो, मूर्तियां दियां पूजा करणे ला बची रिया। 15 मैं तुहांजो समझदार समझीकरी गल्लां बोला दा है, इस ताईं इना गल्लां पर ध्याने ला सोच बिचार करा जड़ियां मैं हुण बोलणा लगया की सै सही न या गलत न। 16 जालू असां प्रभु भोज च इस्तेमाल होंगे बाले कटोरे ला अंगूरा दा रस्स पिंदे न, कने जिस ताईं असां परमेश्वरे दा धन्यवाद करदे न, तालू असां सच्ची मसीह दे खूने जो साझा करदे न। कने जालू असां रोटी तोड़दे न कने खांदे न, तां असां सच्चे मसीह दे शरीरे जो साझा करदे न। 17 इस ताईं की, इक ही रोटी है जड़ी की मसीह है, भले ही असां केई न, असां इक शरीर बणी जांदे न; क्योंकि असां सारे उसा इकी रोटिया च खांदे न।

18 इस्राएल देशे दे लोकां दे बारे च सोचा, जालू सै परमेश्वरे जो चढ़ाणे बाले खाणे जो खांदे न, तां परमेश्वरे दी पूजा च हिस्सा लेंदे न, इयां ही जड़े लोक मूर्तियां जो

चढ़ाणे बाले खाणे जो खांदे न, सै भी उना मूर्तियां दिया पूजा च हिस्सा लेंदे न।

19 मेरे बोलणे दा मतलब ऐ नी की मूर्ति या मुर्तियां सामणे चढ़ाईयां बलियां दी कोई कीमत है।

20 पर मैं ऐ बोला दा है की, जड़े लोक उना मूर्तियां ताईं चीजां दियां बलियां चढ़ांदे न, सै परमेश्वरे ताईं नी पर बुरियां आत्मा ताईं चढ़ांदे न, मैं ऐ नी चांदा की तुसां बुरियां आत्मा दे हिस्सेदार बणा। 21 ऐ होई नी सकदा की तुसां प्रभु दे कटोरे चे पीया कने बुरियां आत्मा दे कटोरे चे भी पीया; इयां ही ऐ भी नी होई सकदा की तुसां प्रभु दी मेज च हिस्सेदार होआ कने बुरियां आत्मा दे मेज च भी। 22 अगर असां ऐसा करदे न तां असां प्रभु दे गुस्से जो भड़कांदे न। याद रखा असां परमेश्वरे ला जादा शक्तिमान नी न।

?????? ??????

23 तुसां बोलदे न की, साड़े बाल सारियां चीजां करणे दी अजादी है, हां पर सारियां चीजां साड़े फायदे ताईं नी न। असां सब कुछ करणे ताईं अजाद, पर सारियां चीजां परमेश्वरे पर भरोसे जो नी बदादियां। 24 तुसां चे हर कुसी जो अपणे बारे च ही नी सोचना चाईदा, पर दुज्जे दिया भलाईया ताईं भी सोचना चाईदा।

25 पर जालू तुसां बजारां च मास खरीददे न, तां उसयो खरीदी करी खाई लिया, ऐ मत पुच्छा की ऐ मूर्तियां सामणे बलि कितया था की नी, तां तुसां दिया अंतरात्मा परेशान नी होणा। 26 तुसां इसयो खाई सकदे न, क्योंकि पबित्र शास्त्र च लिखया है की, “धरती कने जड़ा कुछ उसा च है; सै सब कुछ प्रभु दा है।” 27 कने अगर कोई भरोसा नी करणे बालयां चे तुहांजो खाणे ताईं सदे, कने तुसां जाणा चांन, तां जड़ा कुछ तुहाड़े सामणे खाणे ताईं रखगे तां उना ला ऐ मत पुच्छदे की ऐ खाणा बलि कितया है की नी, ताकि अगर सै बलि कितया होंगा, तां उस खाणे दिया बजा ला तुसां दिया अंतरात्मा तुहांजो दोषी नी बणाणा।

28-29 पर अगर कोई तुसां जो बोले, “ऐ तां मुर्तियां जो चढ़ाया खांणा था,” तां तुसां उस खाणे जो मत खांदे, अपणी अंतरात्मा दिया बजा ला नी, पर उदिया अंतरात्मा दिया बजा ला जिनी तुहांजो ऐ गल्ल दस्सी थी। क्योंकि मेरी अपणी खाणे दी अजादी जो कुसी होरसी माणुऐ दिया अंतरात्मा जरिये न्याय नी कितया जाणा चाईदा। 30 अगर मैं धन्यवाद करिरी मूर्तियां सामणे बलि कितियां चीजां खाई लेंदा है, तां उस ताईं मिंजो पर कजो दोष लगांदे न, जिस खाणे ताईं मैं परमेश्वरे दा धन्यवाद किता?

31 कने इदा जबाब ऐ है, चाऐ तुसां खा, या पिया, चाहे जड़ा कुछ करा, पर सारा कुछ परमेश्वरे दिया महिमा ताई करा। 32-33 मैं जड़ा कुछ भी करदा है, उदे च मैं सारयां जो खुश करणे दी कोशिश करदा है; मैं अपणी भलाई नी सोचदा पर सारयां दी भलाई सोचदा है ताकि सारे बची सकन। इस ताई तुसां भी इस तरीके ला जिया की तुसां यहूदी लोकां ताई, या होर जाति दे लोकां ताई, या परमेश्वरे दिया कलीसिया दे लोकां ताई कोई परेशानी खड़ी ना होऐ, जिसा बजा ला सै मसीह पर भरोसा करणा छड़ी देन।

11

?????? ? ???? ???? ?

1 जियां मैं मसीह साई जिन्दगी जिंदा है, तियां ही तुसां भी मेरे साई जिन्दगी जिया।

2 हे मसीह भाईयो, मैं तुहाड़ी तारीफ़ करदा है, क्योंकि तुसां मिंजो सारियां गल्लां च याद करदे न, कने जड़ियां शिक्षा मैं तुसां जो दीतियां न, उना दा ध्याने ला पालन करा दे न। 3 पर इक गल्ल है जड़ी मैं चांदा है की तुसां ऐ जाणी लिया की, हर इक मर्दे दा मुंड मसीह है, कने इक घरे बालिये दा मुंड उदा घरेबाला है, कने मसीह दा मुंड परमेश्वर है। 4 इस ताई अगर कोई मर्द कलीसिया च प्राथना करदे बकत या परमेश्वरे दा संदेश सुणादे बकत अपणा सिर ढकदा है, तां सै मसीह दा अनादर करदा है जड़ा उदा सिर है।

5 पर जड़ी जनानी कलीसिया च बिना सिर ढक्यो प्राथना या परमेश्वरे दा बचन सुणा दी है, इदा मतलब ऐ है की सै अपने घरे बाले दा अनादर करदी है जड़ा उसा दा सिर है। सै उसा जनानिया साई है जिसा जो शर्मिंदा करणे ताई उसा दा मुंडन करी दिन्दे न। 6 अगर सै जनानी मुंड नी ढकणा चांहदी, तां सै अपने बाल कटाई दे; पर अगर जनानिया ताई बाल कटवाणा सरमा दी गल्ल है, तां सै प्राथना या भविष्यवाणी करदे बकत सिर ढकी ले।

7 मर्दे ताई अपणा सिर ढकणा खरा नी है, क्योंकि मर्द परमेश्वरे दी महिमा है, जिसयो परमेश्वरे अपने रूपे च बनाया है; पर जनानियां मर्दा दिया महिमा जो जाहिर करदियां न। 8 क्योंकि पेहला मर्द जनानिया ला नी आया था, पर पैली जनानी मर्दे ला आईयो थी।

9 परमेश्वरे पेहले मर्दे जो जनानिया दिया सहायता ताई नी बनाया, पर जनानिया जो मर्दे ताई बनाया। 10 इसा बजा ला कने स्वर्गदूतां दिया बजा ला भी, इक जनानिया जो अपने सिरे जो ढकणा चाईदा, अपने अधिकारे दे चिन्न दे रूपे च।

11 तमी अगर असां भरोसा करणे बाले लोकां दी गल्ल करदे न, तां ना जनानियां मर्दा ला अजाद न, कने ना ही मर्द जनानिया ला अजाद न। 12 हालांकि परमेश्वरे पैली जनानी मर्दे ला बनाई, पर हुण जनानियां ही मर्दा जो जमदियां न; कने सै दोनों परमेश्वरे दिया तरफा ला न जिनी सारयां जो बनाया है।

13 मैं चांदा है की तुसां अपु ही फेसला करा, की क्या इक जनानिया जो उघड़े सिरे सभा च परमेश्वरे दी प्राथना करणा सही है? 14 कुदरती तुसां ऐ जाणदे नी, की अगर कोई मर्द लम्बे बाल रखे, तां उदे ताई ऐ सरमा दी गल्ल है। 15 अगर जनानी लम्बे बाल रखे तां उदे ताई शोभा है, कने उना जो अराधना च सिर ढकणा चाईदा।

16 पर अगर कुसी जो लगगा दा है मैं गलत बोला दा है, तां तुसां ऐ जाणी लिया की साड़ी कलीसिया कने परमेश्वरे दियां कलीसियां दे ऐई रिबाज न।

??????-???? ?? ???? ?

(????? 26:26-29; ????? 14:22-25; ????? 22:14-20)

17 जिना गल्लां दे बारे च हुण मैं तुहांजो बोलणा लगया, उना दी मैं तारीफ़ नी करी सकदा है, क्योंकि कलीसिया च तुहाड़े गिटे होणे ला तुहाड़ी भलाई नी पर बुराई ही होई है। 18 क्योंकि सारयां ला पैली गल्ल तां ऐ है, मैं ऐ सुणया है, की जालू तुसां कलीसिया च अराधना ताई गिटे होंदे न, तां तुसां बिच अपु चे बणदी नी, कने मिंजो भरोसा है की उना दियां गल्लां च कुछ सच्चाई है। 19 तुसां जो क्या लगदा, की तुसां बिच जालू बटबारा होणा, तालू ही पता लगणा है की कुण परमेश्वरे दे चुणयो लोक न? नी ऐसा बिलकुल नी है।

20 जालू तुसां इक जगा च गिटे होंदे न, तां तुहांजो इसा गल्ला दी चिंता नी है, कि प्रभु यीशु मसीह दी मौत जो याद करणे ताई प्रभु भोज कियां खांणा चाईदा। 21 क्योंकि मिंजो पता लगया की तुसां चे केई लोक दुज्जयां सोगी बंडणे ला पेहले अपणा खांणा खाई लेंदे न, जिसा बजा ला कुछ लोक भूखे ही चली जांदे न, कने केई शराबी होई जांदे न। 22 तुसां अपने घरां च खाई पी सकदे न! तुसां परमेश्वरे दिया कलीसिया दा निरादर कने गरीबां दी बेईजती करदे न। क्या मैं इस कम्मे ताई तुहाड़ी तारीफ़ करां? मैं ऐसा करणे ताई तुहाड़ी तारीफ़ नी करणी।

23 जड़ी शिक्षा मैं तुहांजो दितियो थी, सेई शिक्षा है जड़ी मिंजो प्रभु ला मिलियो है, की प्रभु यीशु मसीह जिस राती पकड़बाया गया, तां उनी रोटी लेई, 24 कने परमेश्वरे दा धन्यावाद करिरी तोड़ी, कने बोलया, "ऐ

मेरा शरीर है, जड़ा तुहाड़े उद्धार ताई बलिदान कितया जाणा, कने मिंजो याद करणे ताई इयां ही करदे रिया।”

25 कने जालू सै रोटी खाई बैठे तां यीशुए अंगूरा दे रस्से ला भरुया कटोरा लिया, कने बोलया, “ए कटोरा मेरे खूने च नोई बाचा है, जालू कदी तुसां इसयो पींगे, तां मेरी याद ताई इयां ही करदे रिया।”

26 क्योंकि जालू भी तुसां इसा रोटिया चे खांगे, कने इस कटोरे चे अंगूरा दा रस पिंगे, तां जालू दीकर प्रभु मुड़ी नी ओए तां उदिया मौता दा प्रचार करदे रिया।

27 इस ताई जड़ा कोई इस तरीके ला जड़ा मसीह दा निरादर करदा है प्रभु दी रोटी खा, या उस कटोरे चे पिए, तां सै प्रभु दे शरीर कने खूने दे खिलाफ पाप करदा है।

28 इस ताई हर इक माणु इसा रोटिया जो खाणे कने इस कटोरे चे अंगूरा दा रस पिणे ला पेहले अपणे आपे जो जांजी परखी ले की उदे अपणे बिचार सही न। 29 क्योंकि जड़ा कोई रोटी जो खाणे कने कटोरे च पिंदे बले प्रभु दे शरीरे दी इज्जत ना करे, तां सै इस तरीके ला खाई पी करी अपणे उपर सजा लेई ओंदा है। 30 ऐई बजा है की तुसां चे केई बीमार न, कने तुसां लोकां बाल कमजोर शरीर भी है कने केई लोक मरी भी गियो न, क्योंकि ऐ परमेश्वरे दी सजा है।

31 इस ताई अगर असां पेहले अपणे आपे जो परखी लेंदे न, तां परमेश्वरे सांझो सजा नी देणी। 32 पर अगर परमेश्वर इस तरीके ला सांझो सजा दिन्दा है, तां सै सिर्फ सांझो सुधारदा है, ताकि सांझो न्याय बाले दिने संसारे दे लोकां सोगी सजा ना मिल्ले।

33 इस ताई, हे मेरे मसीह भाईयो, जालू तुसां प्रभु भोज खाणे ताई गिठे होंदे न, तां इक दुज्जे ताई रुका करा ताकि सोगी रोटी खाई सकन। 34 अगर कोई भूखा हो, तां अपणे घरे खाई ले ताकि जालू तुसां गिठे होंदे न तां सही ढंगे ला व्यवहार करी सकन, ताकि परमेश्वर तुहांजो सजा ना दे, कने बाकि गल्लां दे बारे च जड़ियां तुसां लिखियां थियां, सै मैं ओथु आई करी समझाई दिंगा।

12

☞☞☞☞☞ ☞☞☞☞☞ ☞☞ ☞☞☞☞☞

1 हे मसीह भाईयो, तुसां मिंजो ला पबित्र आत्मा दे बरदाना दे बारे च पूछया था, मैं चांदा की तुसां इना बरदाना दे बारे च अच्छे ला जाणी लिया।

2 तुसां जाणदे न, की परमेश्वरे पर भरोसा करणे ला पेहले कियां जिन्दगी जिन्दे थे। तुसां भटकाई दितयो थे की तुसां बेजान मूर्तियां दी पूजा करन। 3 इस ताई मैं चांदा है तुसां इसा गल्ला जो जाणी लिया की परमेश्वरे दी दितियो पबित्र आत्मा दे जरिये कोई भी माणु ऐसा

नी बोलदा की यीशु श्रापित है, कने पबित्र आत्मा दे जरिये ही सै बोली सकदा है की “यीशु ही प्रभु है।”

4 कने हुण केई किस्मा दे बरदान न, पर इना जो सारे बरदाना जो देणेबाला सिर्फ इक ही है, कने सै पबित्र आत्मा है। 5 कने लग-लग तरीके ला असां प्रभु दी सेवा करी सकदे, पर असां सारे इक ही प्रभु दी सेवा करदे न। 6 कने परमेश्वर भी केई तरीके ला साड़िया जिन्दगिया च कम्म करदा है, पर ऐ सेई परमेश्वर है जड़ा असां सारयां दे जरिये कम्म करदा है।

7 परमेश्वरे सांझो सारयां जो इक दुज्जे विश्वासी भाई बेहणा दी सहायता ताई ऐसा बरदान दितया है, जड़ा पबित्र आत्मा दी हाजरी जो प्रकट करदा है।

8 क्योंकि पबित्र आत्मा कुसी इकी माणुए जो अकली दियां गल्लां बोलणे दा बरदान दिन्दी, कने होर कुसी माणुए जो ज्ञान दियां गल्लां बोलणे दा बरदान दिन्दी है।

9 कने कुसी माणुए जो मसीह पर बड़ा जादा भरोसा करणे दा बरदान दिन्दा, कने कुसी जो ऐई पबित्र आत्मा दुज्जे माणुआं जो ठीक करणे दा बरदान दिन्दी है। 10 पबित्र आत्मा कुसी जो चमत्कार करणे दी शक्ति दिन्दी; कने कुसी जो परमेश्वरे दा संदेश देणे दा बरदान दिन्दी, कने कुसी जो ऐ परखणे दी समझ दिन्दी की पबित्र आत्मा दिया तरफा ला कने बुरियां आत्मा दिया तरफा ला मिलणे बाले बरदाना च क्या फर्क है। कने कुसी जो लग-लग भाषा बोलणे दा बरदान दिन्दी, जड़ी उना कदी नी सिखियो हो; कुसी जो इना भाषा दा मतलब दसणे दा बरदान दिन्दी। 11 पर ऐ सारे बरदान इक ही पबित्र आत्मा दे कम्म न, सै सारे मसीह पर भरोसा करणे बालयां जो बरदान दिन्दा है जदिया पबित्र आत्मा चांदा है।

☞☞☞☞ ☞☞: ☞☞☞ ☞☞☞

12 क्योंकि जियां माणुए दा शरीर तां इक है पर उदे अंग मते न, कने मते सारे अंग मिली करी इक शरीर बणादे न, इयां ही मसीह भी कने उस पर भरोसा करणे बाले भी इक न। 13 क्योंकि असां सारयां जड़े यहूदी न, या होर जाति न, या गुलाम न, या अजाद न, इक ही पबित्र आत्मा जरिये इक शरीर होणे ताई बपतिस्मा लिया, कने सांझो सारयां जो इक ही आत्मा मिली ईयो, जियां असां सारयां इक ही कटोरे चे पिंदे न।

14 साड़े शरीरे च इक ही अंग नी है, पर मते सारे अंग न। 15 सोचा, अगर पैर बोले की, “मैं हथ नी है, इस ताई मैं शरीरे दा अंग नी है,” तां क्या उदे ऐसा बोलणे दिया बजा ला सै शरीरे दा अंग नी है? 16 कने अगर कन बोले, “मैं हथ नी है, इस ताई मैं शरीर दा अंग नी है,” तां क्या सै कन्ना दा ऐसा बोलणे दिया बजा ला सै शरीरे दा अंग

नी है? 17 अगर सारा शरीर हख ही होंदी तां सुणना कुथु ला था? अगर सारा शरीर कन ही होंदा तां सिंघणा कुथु ला था?

18 पर परमेश्वरे अपणी इच्छा अनुसार शरीरे दे सारे अंगा जो इक-इक करिरी ठीक जगा च रखया है। 19 अगर सारे इक ही अंग होंदे, तां कोई शरीर नी होणा। 20 इस ताई, भले ही शरीरे दे मते अंग होंदे न, पर शरीर इक ही है।

21 हखी हथां ला नी बोली सकदियां की, मिंजो तेरी जरूरत नी है, कने ना सिर पैरां जो बोली सकदा है की, “मिंजो तेरी जरूरत नी है।” 22 पर शरीर दे से अंग जिना जो असां कमजोर समझदे न, सै बड़े जरूरी न। 23-24 कने शरीर दे जिना अंगा जो असां आदर दे काबिल नी समझदे न उना जो असां बड़े ध्याने ला ढकी करी रखदे न। इस ताई उना अंगा दी रक्षा करदे न जिना जो दुज्जयां जो नी दस्सी सकदे, जालू की जादा आदर दे काबिल अंगा जो खास देखभाल दी जरूरत नी होंदी। इस ताई परमेश्वरे शरीरे जो इस तरीके ला बणाया है की उना अंगा जो जादा आदर कने देखभाल होऐ जड़े घट इज्जत दे काबिल न।

25 परमेश्वरे ऐ इस ताई किता की शरीरे दे सारे अंग इक दुज्जे ला मिल्ली करी रेन, कने शरीरे दे सारे अंग इक दुज्जे दी देखभाल करन। 26 अगर साड़े शरीरे दा इक अंग बीमार है, तां उस सोगी शरीरे दे सारे अंग दुखी होंदे न, कने इयां ही साड़े शरीरे दे इक अंगे दी अच्छे ला देखभाल होंदी है, तां पूरा शरीर खुश है।

27 इयां ही तुसां भी सारे मिली करी मसीह दे शरीर न, कने तुसां सारे उदे शरीरे दे अंग न।

28 कने मसीह दे इस शरीरे च जड़ी कलीसिया है, परमेश्वरे लग-लग लोकां जो लग-लग कम्म दितया है। पेहले सै लोक जड़े उदे प्रेरित न, दुज्जे परमेश्वरे दे संदेश देणेबाले, तीजे सै लोक न जड़े सिखांदे न। उदे बाद सै लोक न जिना जो उनी चमत्कार करणे दा हक दितया है, कने सै लोक न जिना जो लोकां जो ठीक करणे दा हक दिता, फिरी सै न जिना जो दुज्जयां दी सहायता करणे दी ताकत मिलियो, फिरी सै न जड़े अगुवे न, फिरी सै न जिना जो पबित्र आत्मा जरिये लग-लग भाषा बोलणे दा बरदान मिलया, जड़ियां उना कदी सिखियां नी थियां। 29 हर कोई प्रेरित नी होंदा। हर कोई परमेश्वरे दा संदेश देणेबाला नी होंदा। कने हर कुसी बाल चमत्कार करणे दा हक नी होंदा।

30 हर कुसी जो लोकां जो ठीक करणे दा बरदान नी मिलया होंदा। कने हर कुसी जो लग-लग भाषा बोलणे दा बरदान नी मिलया होंदा, जड़ियां उनी कदी भी नी सिखियां होन। 31 हर कुसी जो लग-लग भाषा दा मतलब दसणे दा बरदान नी मिलया, जड़ियां उनी कदी

नी सिखियां। इस ताई पबित्र आत्मा ला बडे ला बडा बरदान पाणे दी इच्छा रखा! पर मैं हुण तुसां जो दसणा की इदे ला भी खरा क्या है।

13

?????? ???? ? ???? ???? ?

1 अगर मैं माणुआं, कने स्वर्गदूतां दी भाषा बोलें, कने मैं लोकां सोगी प्यार ना करें, तां मेरा बोलणा ठण-ठण करदी पितल कने छण-छण करदी झांझ सांई है। 2 कने अगर मैं परमेश्वरे दा संदेश देई सकें, कने सारे भेदां कने हर तरा दे ज्ञाने जो समझी सकें, कने ऐथू दीकर की मेरा परमेश्वरे पर पूरा भरोसा हो की, मैं पहाड़े जो हटाई दें, पर दुज्जे सोगी प्यार नी करें, तां मेरी कोई कीमत नी। 3 कने अगर मैं अपणी सारी जमीन जायदाद गरीबां जो बंडी दें, या उना जो अपणा शरीर फुकणे तांई देई दें, कने दुज्जे सोगी प्यार नी करें, तां इदे ला मिंजो कोई फायदा नी।

4 जड़े लोक दुज्जयां सोगी प्यार करदे न, सै सबर रखणेबाले कने दयालु होंदे न, सै लोक जलन नी करदे; कने ना सै अपणी बड़ाई करदे न कने न अपणे बारे च घमंड करदे। 5 सै लोक कुसी सोगी भी बुरा व्यवहार नी करदे, सै अपणी ही खुशी दे बारे च ही नी सोचदे, सै झट गुस्सा नी करदे, कने सै उना बुरियां गल्लां जो याद नी रखदे, जड़ियां उना दे खिलाफ कितियां होन। 6 जालू लोक बुरे कम्म करदे न तां सै खुश नी होंदे, पर सै तालू खुश होंदे जालू लोक सही कम्म करदे न। 7 सै कदी हार नी मंदे, प्यार सांझो हर तरा दे हालातां च परमेश्वरे पर भरोसा करणा कने आस रखणे दे काबिल बणादां है, ऐ दुख कने परेशानियां च सबर रखणा सिखांदा है।

8 सै बकत ओणा जालू लोकां परमेश्वरे दे संदेश दा प्रचार होर-होर भाषा च नी करणा, कने परमेश्वरे दे बारे च खास ज्ञाने दी जरूरत नी होणी, पर प्यार हमेशा तांई बणी रेणा। 9-10 क्योकि साड़ा खास ज्ञान कने परमेश्वरे दे संदेश दे बारे च प्रचार करणे दी शक्ति, दोनों अधूरियां न। पर जालू उनी ओणा है जड़ा पूरा कने सिद्ध है, तालू जड़ा अधुरा है उदी जरूरत नी रेणी।

11 ऐ इक माणुऐ दे बड्डे होणे सांई। जालू मैं इक बच्चा था, तां मैं बच्चे सांई बोलदा कने सोचदा समझदा था, पर जालू मैं बडा होई गया, तां मैं बचपने दे तरीके छडी दिते। 12 इसा जिन्दगी च असां सब कुछ पूरी तरा नी समझदे न। ऐ तियां है जियां कोई माणु अपणी शकल धुन्दले सीसे च दिखदा है। पर जालू असां स्वर्गे च जांदे न, तालू असां सब कुछ साफ-साफ समझणा। ऐ कुसी सोगी आमणे सामणे गल्ल करणे सांई होणा। हुण असां

22 इस ताई होर भाषां भरोसा करणे बालयां ताई नी, पर भरोसा नी करणे बालयां ताई इक निशाण है, कने परमेश्वरे दे संदेश दसणा भरोसा नी करणे बालयां ताई नी, पर भरोसा करणे बालयां ताई इक निशाण है। 23 इस ताई अगर कलीसिया दे लोक इक जगा गिठे होन, कने सारे होर भाषा च परमेश्वरे ला गल्लां करन, कने कोई जडे ऐ भाषा नी समझदे होन या कोई भरोसा नी करणे बाले अंदर आई जान तां उना पक्का सोचणा की तुसां पागल होई गियो न।

24 पर अगर सारे परमेश्वरे दे संदेश दसणा लगगे, कने अगर कोई भरोसा नी करणे बाला या इस बरदान दे बारे च अनजाण माणु अंदर आई जा, तां उसयो ऐहसास होई जाणा की सै पापी है, कने उनी अपणी जिंदगी तुसां दे बोलणे दिया बजा ला बदली देणी। 25 परमेश्वरे दे शुभसमाचार दिया बजा ला उसयो उदी बुराई कने उदे मने दे बुरे बिचारां दा ऐहसास होणा, कने उसयो ऐहसास होणा की सै पापी है कने उनी पापां दा पश्चाताप करणा, कने गोडे भार बेईकरी परमेश्वरे दी अराधना करणी। कने मन्नी लेणा की, सच्ची परमेश्वर तुहाड़े बिच है।

?????? ? ???? ?

26 इस ताई हे मसीह भाईयो, सुणा तुहांजो क्या करणा चाईदा? जालू तुसां अराधना ताई गिठे होंदे न, तां तुसां चे इकी माणुऐ प्रभु दे भजन गाऐ, कने इक ही परमेश्वरे दे दितयो प्रकाशन दस्से, कने इक ही होर भाषा च परमेश्वरे ला गल्लां करे, कने होर दुज्जे इदा मतलब दसन। ऐ सारा कुछ तुहांजो भरोसा करणे बाले लोकां जो मजबूत करणे ताई करणा चाईदा। 27 अगर होर भाषा च परमेश्वरे सोगी गल्लां करणियां चांदे न, तां सिर्फ दो या तिन्न जणे बारी-बारी बोलन, कने इक माणु इना भाषा दा मतलब दसणे बाला होणा जरूरी है। 28 पर अगर होर भाषा दा मतलब दसणे बाला कलीसिया च कोई नी है, तां सै माणु कलीसिया च चुपरे, कने अपणे मने च परमेश्वरे ला गल्लां करे।

29 परमेश्वरे दा संदेश देणे बालयां चे दो या तिन ही परमेश्वरे दा संदेश देन, कने बाकी लोक ऐ दीखन की जड़ा सै बोला दे न सै पबित्तर शास्त्रे अनुसार ठीक है की नी है। 30 पर अगर कुसी दुज्जे माणुऐ जो जड़ा कलीसिया च बैठया हो, उसयो परमेश्वरे दिया तरफा ला कोई संदेश मिल्ले, तां जड़ा पेहले बोलणा लगया हो सै चुप होई जाऐ कने उसयो बोलणा दे।

31 क्योंकि तुसां सारे परमेश्वरे दा संदेश देई सकदे न, पर इक-इक करिरी, ताकि हर कोई सिखे कने सारयां जो हिम्मत मिल्ले। 32 कने परमेश्वरे दा संदेश देणे बाला अपणे आप पर काबू रखे; सै अपणिया इच्छा ला बोली सके कने अपणिया इच्छा ला बोलणा बंद भी करी

सके। 33 क्योंकि परमेश्वर गडबड़ी दा नी पर शांति दा परमेश्वर है। इसी नियमे जो परमेश्वरे दियां सारियां कलीसियां मंदियां न।

34 जनानिया कलीसिया च चुप रेंन, क्योंकि उना जो गल्लां करणे दा हुकम नी है, पर अधीन रेणे दा हुकम है। जियां मूसा दिया व्यवस्था च भी लिखया है। 35 अगर सै कुछ सिखणा चांदिया न तां सै कलीसिया च जादा सबाल जबाब ना करन, पर घरे जाई करी अपणे घरे बाले ला पूछन, क्योंकि जनानिया दा कलीसिया च गल्लां करणा सही नी है।

36 ऐसा क्या है की तुसां चे कुछ लोक पेहले दसियो व्यवस्था जो नी मनणा चांदे? क्या तुहांजो लगदा है की तुसां पेहले न जिना जो परमेश्वरे दा बचन दितया है? या सिर्फ ऐ तुहांजो ही दितया था?

37 अगर कोई माणु अपणे आप जो परमेश्वरे दा संदेश देणे बाला या ऐसा माणु समझे जिसयो पबित्तर आत्मा बरदान दितया हो, तां ऐ समझी लिया की, जड़ियां गल्लां मैं तुहांजो लिखियां न, सै प्रभु दा हुकम है।

38 अगर कोई माणु मेरियां लिखियां गल्लां जो ना मन्ने, तां तुसां भी उदियां बोलियां गल्लां मत मन्ना।

39 हे मसीह भाईयो, परमेश्वरे दा संदेश देणे दी इच्छा रखा कने होर भाषा च परमेश्वरे ला गल्लां करणे ताई कुसी जो भी मना मत करा। 40 पर जड़ा कुछ भी तुसां अराधना करदे बकत करदे न, उना सारियां गल्लां जो पुरे सभ्य तरीके ला करा।

15

????? ?? ???? ? ???? ?

1 हे मसीह भाईयो, मैं तुहांजो सै ही शुभसमाचार याद करांदा है, जड़ा मैं पेहले सुणाई बैठया है, जिस पर तुसां पेहले भरोसा भी किता था कने जिदे च तुसां टिकयो भी न। 2 अगर तुसां उस शुभसमाचार पर जिदा मैं प्रचार किता, तुहाड़ा भरोसा उस पर बणी रेंगा तां परमेश्वरे तुहाड़ा उद्धार करणा; अगर तुहाड़ा भरोसा कमजोर होई जांगा तां उदी कोई कीमत नी कने सै बेकार है।

3 इसा बजा ला मैं तुहांजो सारयां ला जरूरी संदेश दसया, जड़ा मिंजो प्रभु यीशु मसीह ला मिलया। कने सै संदेश ऐ है पबित्तर शास्त्रे दे बचने अनुसार यीशु मसीह साडे पापां ताई मरी गया। 4 कने धरती च दबया; कने पबित्तर शास्त्रे दे अनुसार तिरऐ रोजे मरयां चे जिन्दा भी होई गया। 5 कने फिरी सै पतरस जो मिल्ला कने उदे बाद सै बारां चेलयां जो मिल्ला।

6 फिरी उदे बाद सै पंज सौ ला जादा चेलयां जो मिल्ला, जिना चे मते लोक हले दीकर जिंदे न पर केई

मरी गियो न। 7 फिरी उदे बाद याकूबे जो मिल्ला कने सारे चुणयो प्रेरितां जो भी मिल्ला।

8 कने सारयां ला बादे च उनी अपणे आप जो मिंजो पर प्रगट किता, जड़ा उस बच्चे साई है जिदा जन्म सही बकत पर नी होया हो। 9 क्योंकि मैं प्रेरितां च सारयां ला घट खास है, बल्कि प्रेरित बणने जोगा भी नी है, क्योंकि मैं परमेश्वरे दिया कलीसिया दे लोकां जो सताया था। 10 पर अगर अज मैं प्रेरित है तां सै परमेश्वरे दा अनुग्रह है: कने उनी जड़ा अनुग्रह मिंजो पर कितया है, सै बेकार नी होया। पर मैं उना दुज्जे प्रेरितां ला जादा बदीकरी मेहनत किती; तमी ऐ मेरिया तरफा ला नी होया, पर परमेश्वरे दे अनुग्रह मेरी बड़ी सहायता किती की मैं उदा कम्म करी सकें।

11 इस ताई अगर चाऐ मैं है, या दुज्जे प्रेरित न, असां सारे मसीह दे बारे च प्रचार करदे न, कने इसी पर तुसां भरोसा किता।

?????? ???? ? ? ? ? ? ?

12 हुण मैं तुहांजो ऐ बोलणा चांदा; क्योंकि असां सारयां तुहाड़े बिच ऐई प्रचार किता की जालू मसीहा मरया तां परमेश्वरे उसयो जिन्दा किता, तां तुसां चे कोई भी ऐ ना बोले की परमेश्वरे भरोसा करणे बाले दे मरणे बाद उना जो जिन्दा नी करणा। 13 अगर मरणे बाद जिन्दा होणा नी होंदा, तां फिरी मसीह भी मरयां चे जिन्दा नी होया। 14 कने अगर मसीह मरयां चे जिन्दा नी होया, तां जिस संदेश दा असां प्रचार करदे न कने मसीह पर तुहाड़ा भरोसा करणा दोनों बेकार न।

15 इसला भी बदीकरी ऐ की असां परमेश्वरे दे झूठे गबाह साबित होआ दे न क्योंकि असां उदे बारे च ऐ गबाई दीतियो है की उनी मसीह जो मरयां चे जिन्दा कितया है, पर अगर मरयो असल च जिन्दे नी होंदे न तां परमेश्वरे मसीह जो भी जिन्दा नी कितया है। 16 अगर मरयो लोक मौत ला बाद जिन्दा नी होंदे न, तां मसीह भी मौत ला बाद जिन्दा नी होया है। 17 कने अगर मसीह जिन्दा नी होया, तां मसीह पर तुहाड़ा भरोसा करणा बेकार है; कने तुसां हले दीकर भी अपणे पापां च जिया दे न।

18 अगर मसीह मरयां चे जिन्दा नी होया है, तां जड़े मसीह च भरोसा करणे बाले लोक मरी गियो न, सै बचायो नी न, बल्कि नाश होई गियो न, मतलब की ऐ की हमेशा ताई परमेश्वरे ला लग होई गियो न। 19 अगर असां सिर्फ ऐथू दी जिन्दगिया ताई मसीह पर आस रखदे न, तां इस संसारे दे माणुऐ ला साड़ी हालत जादा बुरी है।

20 पर सच्चाई ऐ की परमेश्वरे मसीह जो सारयां ला पेहले मरयां चे जिन्दा कितया है, सै इसा गल्ला दा सबूत

है उनी सै जिन्दे करणे जड़े मरी गियो न। 21 इस ताई जियां इक माणु आदम दे जरिये मौत इस संसारे च आई कने हुण मरयां दा जिन्दा होणा भी इक माणुऐ जरिये है मतलब की यीशु मसीह जरिये शुरू होया है।

22 जियां आदम दिया बजा ला सारयां दी मौत होंदी है, क्योंकि असां उदे बंश न, तियां ही दुज्जे माणु मतलब की मसीह सोगी जितणे भी लोक जुड़यो न, उना सारयां मरयां चे जिन्दे होई जाणा है। 23 पर हर इक जणा अपणिया-अपणिया बारिया पर जिन्दा होणा; इदा सबूत ऐ है की मसीह सारयां ला पेहले जिन्दा किता, फिरी जालू मसीहे मुड़ी करी ओणा है, तां जड़े लोक उदे सोगी मजबूत रिश्ता रखदे न उना जो मरयां चे जिन्दा करणा है।

24 कने फिरी जालू मसीहे परमेश्वरे दा बिरोध करणे बालियां सारियां बुरियां शक्तियां दा नाश करी देणा उदे बाद संसारे दा अंत होई जाणा। तालू मसीहे अपणे पिता परमेश्वरे जो अपणा राज्य सौंपी देणा ताकि सै उस पुरे तरीके ला राज्य करे। 25 पर जालू दीकर परमेश्वर उदे सारे दुशमणा जो पूरे तरीके ला राई नी दे, तालू दीकर मसीहा जो उस राज्य पर राज करणा चाईदा। 26 सारयां ला आखरी दुशमण खत्म करी देणा है, सै मौत है।

27 पबित्र शास्त्र च भजनकार लिखदा है की, “परमेश्वरे सब कुछ मसीह दे अधिकारे थले करी देणा है,” पर इदे च परमेश्वर अपु शामिल नी है क्योंकि सै ही है जिनी मसीह जो अधिकार दितया था। 28 कने जालू सारा कुछ मसीह दे मतलब की पुत्रे दे अधीन होई जाणा, तां पुत्रे भी अपु जो परमेश्वरे दे अधीन करी देणा। ताकि परमेश्वर जिनी अपणे पुत्रे जो सारियां चीजां पर हक दितया है, ताकि परमेश्वर ही सारयां ताई सारा कुछ होणा।

29 अगर मरयो लोक जिन्दे नी होंदे तां उना दा क्या होणा, जड़े मरयो लोकां ताई बपतिस्मा लेंदे न? अगर परमेश्वर मरयो लोकां जो जिन्दा नी करदा तां लोक हुण भी ऐसा कजो करदे न? 30 अगर मरयो लोकां दा जिन्दा होणा नी होंदा है, तां ऐ साडे ताई मुखता दी गल्ल है की असां अपणे आपे जो बार-बार कजो खतरे च पांदे रेंदे?

31 हे मसीह भाईयो, जियां ऐ गल्ल पक्की है की तुसां दे यीशु मसीह ला जुड़ने दिया बजा ला मैं घमंड करदा है, तां ऐ गल्ल भी पक्की है की मिंजो हर रोज मरणे दा खतरा है। 32 ऐथू इफिसुस शेहरे च जिना लोकां मेरा जंगली जानवरां साई बिरोध किता, कने जड़े दुख उना मिंजो दिते उना जो सेहन करणे दा क्या फायदा होया? कुछ भी नी! अगर ऐ सच्च होंदा की मरयो लोक दुबारा जिन्दा नी होंदे न, तां खरा होंदा की मैं उना लोकां दी

गल्ल मन्नी लेंदा जड़े ऐ बोलदे न की, “ओआ असां खांदे-पिंदे क्योकि अगर असां कल मरी गे तां सब कुछ खत्म होई जाणा।”

33 जड़े इयुदियां गल्लां करदे न उना ला मुख मत्त बणदे, “बुरी संगती खरे चरित्र जो बिगाड़ी दिन्दी है।”

34 तुसां होसा च ओआ कने पाप करणा छड़ी दिया; मैं तुहांजो ऐ गल्ल शर्मिंदा करणे तांई बोला दा है, क्योकि तुसां बिच केई ऐसे न जिना दा परमेश्वरे सोगी रिश्ता ठीक नी है।

उदाहरण तांई अगर तुसां चे कोई पुच्छे की, “कियां परमेश्वर मरयां जो जिन्दा करदा या उना दा शरीर कदिया होणा,” 36 जड़ा भी इस तरीके दे सबाल पुच्छदा है तां सै मुख है। तुसां जाणदे न की इक बी जालू उसयो जमिना च रांदे न, तां सै जालू दीकर सड़ी नी जांदा है, अंकुरित नी होंदा है।

35 उदाहरण तांई अगर तुसां चे कोई पुच्छे की, “कियां परमेश्वर मरयां जो जिन्दा करदा या उना दा शरीर कदिया होणा,” 36 जड़ा भी इस तरीके दे सबाल पुच्छदा है तां सै मुख है। तुसां जाणदे न की इक बी जालू उसयो जमिना च रांदे न, तां सै जालू दीकर सड़ी नी जांदा है, अंकुरित नी होंदा है।

37 अगर तुसां धान या कोई होर बी रांदे न, तां तुसां पेहले ला ही उगया बूटा नी लांदे न, बल्कि सिर्फ इक बी रांदे न। 38 पर परमेश्वर अपणिया इच्छा अनुसार उसयो बूटे दा रूप दिन्दा है; कने हर किस्मा दे बी अपणे रुपे च बददे न। 39 संसार च सारे प्राणियां दा शरीर इकोदिया नी हुंदा, माणुआं दा शरीर डंगरां सांई नी हुंदा; चिड्डुआं पखेरुआं दा शरीर मच्छियां सांई नी हुंदा।

40 कने जियां संसार दे प्राणिया दे शरीर केई तरा दे होंदे न, तियां ही अम्बरे च भी है, जियां की सूरज, चाँद कने तारे। आसमाने दियां चीजां दी सुन्दरता इको देई होंदी, कने धरती दियां चीजां चे इक होर तरा दी सुन्दरता होंदी है। 41 सूरजे दी सुन्दरता लग है, चन्द्रमे दी सुन्दरता लग है, कने तारयां दी सुन्दरता लग है, क्योकि इक तारे ला दुज्जे तारे दी सुन्दरता च फरक है।

42 इस तांई जालू मरयां लोकां दुबारा जिन्दे होणा, तालू उना सोगी भी ऐसा होणा। जिस शरीरे जो सै दफनांदे न, सै ऐसा शरीर है जड़ा सड़ी जांदा है, पर जालू ऐ दुबारा जिन्दा होंदा है, तां ऐ ऐसा शरीर होणा है जड़ा सड़ी नी सकदा है। 43 जालू असां मरी जांदे न, तालू साड़ा शरीर बदसूरत कने कमजोर होंदा है, पर जालू उना मरयां चे जिन्दा होणा, तां उना छेल कने ताकतबर होणा। 44 जियां साड़े बाल मास कने खूने दा शरीर है, इयां ही ऐसे शरीर भी न जिना जो परमेश्वरे दी आत्मा जरिये जिन्दगी मिलदी है; साड़े ऐ मास कने खूने दे शरीर उना शरीरे च बदलुई जाणा जिसयो परमेश्वर दी आत्मा जरिये जिन्दगी मिलदी है।

45 पबित्र शास्त्र च भी लिखया है, “पेहला माणु, मतलब की आदम, जिन्दा माणु बणया” कने आखरी आदम, मतलब की यीशु मसीह हमेशा दी जिन्दगी देणेबाला बणया। 46 सारयां ला पेहला माँस कने खूने दा शरीर आया, फिरी सै शरीर आया जिसयो परमेश्वरे दिया आत्मा जिन्दगी दिती।

47 पेहला माणु आदम था धरतिया ला मतलब की मीटिया दा बणया था। दुज्जा माणु मसीह है जड़ा स्वर्गे ला आया है। 48 संसारे दे पेहले माणु आदम सांई न जड़ा मीटिया दा बणया था, पर जड़े स्वर्गे दे लोक न, सै स्वर्गे ला आयो माणु मतलब की मसीह सांई न। 49 असां सारयां बाल आदम दा रूप है जिसयो मीटिया ला बणया था, इयां ही इक रोज सांझो मसीह दा रूप भी मिलणा, जड़ा स्वर्गे ला आया था।

50 हे मसीह भाईयो, मैं तुसां जो बोलदा है, इसा धरती पर साड़े शरीर माँस कने खूने ला बणयो न; असां स्वर्ग च परमेश्वरे दे राज्य च अपणे इस शरीरे सोगी नी रेई सकदे जड़ा मरी सकदा है, क्योकि ओथु कोई भी मौत नी है।

51-52 इस भेद दिया गल्लां जो सुणा, साड़े चे कुछ भरोसा करणे बालयां केई लोकां नी मरणा। ऐ सारियां गल्लां पलक झपकदे ही होई जाणियां न। जालू आखरी तुरही बजाई जाणी, तां जड़े लोक मरी गियो न, सै हमेशा दी जिन्दगी तांई दुबारा जिन्दे करणे न कने असां जड़े जिन्दे न, साड़े शरीर बदलुई जाणे। 53 क्योकि साड़ा शरीर जड़ा तोल्ली ही मरणे बाला कने सड़ने बाला है, जरूरी है की ऐ इक ऐसे शरीरे च बदलुई जा जड़ा कदी नी मरदा कने सड़दा हो।

54 कने जालू ऐसा होणा तालू ऐ गल्ल पूरी होई जाणी जड़ी परमेश्वरे पबित्र शास्त्र च लिखियो की, “मौत जो हराई देणा कने उना कदी नी रेणा।” कने इयां पबित्र शास्त्र च लिखया पूरा होई जाणा। 55 “हे मौत तेरी जित कुथु है? हे मौत तेरा डंक कुथु रिया?” इस तरीके ला पबित्र शास्त्र च जड़ा लिखया था सै पूरा होया।

56 क्योकि पाप ऐसा डंक है जिदा नतीजा मौत है, कने व्यवस्था दिया बजा ला पाप दी शक्ति साड़िया जिन्दगिया च ओंदी है। 57 पर परमेश्वरे दा धन्यबाद हो, जड़ा सांझो साड़े प्रभु यीशु मसीह दे मरणे जरिये पाप कने मौत पर जितांदा है।

58 इस तांई हे मेरे मसीह भाईयो, अपणे भरोसे च मजबूत रिया कने कोई तुसां जो न भडकाए, कने परभु दे कम्मा च हमेशा बददे जा, क्योकि तुसां ऐ जाणदे न की तुसां प्रभु तांई मेहनत करदे न कने सै बेकार नी है।

16

उदाहरण तांई अगर तुसां चे कोई पुच्छे की, “कियां परमेश्वर मरयां जो जिन्दा करदा या उना दा शरीर कदिया होणा,” 36 जड़ा भी इस तरीके दे सबाल पुच्छदा है तां सै मुख है। तुसां जाणदे न की इक बी जालू उसयो जमिना च रांदे न, तां सै जालू दीकर सड़ी नी जांदा है, अंकुरित नी होंदा है।

1 यरूशलेम शेहरे दे परमेश्वरे दे पबित्र लोकां दी सहायता ताई जड़ा चंदा तुसां गठेरया, इदे बारे च तुसां मिंजो ला सुआल पूछया था, कने हुण मैं इदे बारे च बोलणा चांदा है, इदे बारे च जड़ियां गल्लां मैं गलातिया प्रदेशे दिया कलीसिया दे लोकां जो करणे ताई बोलया था तुसां भी इयां ही करा। 2 हर तुआरे बाले रोजे तुसां चे हर इक माणु अपणिया कमाईया चे कुछ, पैसे कडी करी लग रखी ले, ताकि जालू मैं ओंगा तां उस बकत तुसां जो दान गिठा करणे च परेशानी ना हो।

3 कने जालू मैं ओथु रेंगा तां मैं उना लोकां जो भेजगा जड़े तुहाड़िया नजरा च भरोसेमंद न की सै यरूशलेम शेहर जो दान लेईकरी जान। मैं उना सोगी इक चिट्ठी भी भेजी दिगा ताकि ओथु दे भरोसा करणे बाले लोकां ने उना दी पछेण कराई सके। 4 अगर तुसां जो लगगा दा है की मिंजो जाणा चाईदा, तां सै मेरे सोगी जाई सकदे न।

????? ? ? ? ? ? ? ? ? ? ? ? ? ? ? ? ? ?

5 कने मैं मकिदुनिया प्रदेश च जाणे बाद आई करी तुहांजो ने मिलणा है। क्योंकि मैं मकिदुनिया प्रदेश जो जाणे दी योजना बणा दा है। 6 पर होई सकदा की कुछ लम्बे बकते दीकर मैं तुहाड़े सोगी रें, या होई सकदा की सर्दियां तुहाड़े बाल कटटें, कने उदे बाद मेरिया अगलिया यात्रा ताई तुसां मिंजो भेजी सकदे न।

7 मैं नी चांदा की मकिदुनिया प्रदेशे च जांदे बेले सिर्फ कुछ बकते ताई तुसां सोगी रें। अगर प्रभु दी इच्छा होई तां मैं आस रखदा है की कुछ लम्बे बकते दीकर ओथु तुसां सोगी रें। 8 पर मैं पेन्तिकुस्त त्योहारे दे रोजे दीकर इफिसुस शेहरे च ई रेंगा। 9 क्योंकि हल्ले भी ऐथू मते लोक न जड़े परमेश्वरे दा बचन सुणना चांदे न, मेरा ऐथू रेंगा बड़ा जरूरी है। हालांकि ऐथू मते लोक ऐसे न जड़े मेरा बिरोध करदे न।

10 अगर तीमुथियुस तुहाड़े बाल कुरिन्थुस शेहरे च ओंगा, तां उदी खातिरदारी इज्जता ला करनयो, क्योंकि सै मेरे साई प्रभु दा कम्म करदा है। 11 इस ताई कोई उदी बेईजती ना करे, पर यात्रा ताई जरूरतां दियां चीजां देईकरी बिदा करा, ताकि सै मेरे बाल आई जा; क्योंकि मैं उदी कने दुज्जे भरोसा करणे बाले भाईयां जो भी नियाला दा जड़े उना सोगी आयो न। 12 कने मैं मसीह भाई अपुल्लोस ला बड़ी बिनती कित्ती है की सै भी होर भरोसा करणे बालयां सोगी तुहांजो ला मिलणा ओए, पर सै इस बकत नी ओणा चांदा, पर जालू उसयो खरा मोका मिलगा, तालू उनी आई जाणा।

????? ? ? ? ? ? ? ? ? ? ? ? ? ? ? ? ? ?

13 साबधान रिया, लगातार भरोसा करदे रिया, साहसी माणु बणा, कने परमेश्वरे सोगी अपणे रिश्ते जो मजबूत रखा। 14 तुसां जड़ा कुछ भी करदे न सै प्यारे ला करा।

15 हे मसीह भाईयो, तुसां स्तिफनास जो कने उदे परिवारे जो जाणदे न की, उना अखाया प्रदेशे च उना ही सारयां ला पेहले मसीह पर भरोसा कितया था, कने सै परमेश्वरे दे लोकां दी सहायता ताई तैयार रेंदे न। 16 इस ताई मैं तुहांजो ने बिनती करदा है की ऐसे अगुवां दियां गल्लां मन्ना, बल्कि ऐसे सारे लोकां दी सुणा जड़े प्रभु दी सेवा जो बड़ी मेहनता कने बड़ी भक्ति ला करदे न।

17 कने मैं स्तिफनास फूरतूनातुस कने अखईकुस मसीह भाईयां दे मेरे बाल ओणे ला खुश है, क्योंकि उना मेरी सै सहायता कित्ती, जिसा जो करणे ताई तुसां ऐथू नी थे। 18 कने उना मेरे मने जो हिम्मत दिती ठीक तियां ही जियां उना तुहाड़े ताई भी करणा जालू उना तुहाड़े बाल ओणा। इस ताई तुहांजो भी ऐदे लोकां दी इज्जत करणी चाईदी।

19 आसिया प्रदेश दिया कलीसिया दे लोकां दिया तरफा ला तुहांजो नमस्कार; अक्विला कने उदी घरे बाली पिरस्का दा कने उना दे घरे च गिठी होणे बाली कलीसिया दे मसीह भाई बेहणा दिया तरफा ला भी तुसां जो प्रभु च नमस्कार। 20 ऐथू ला जितणे भी मसीह भाई बेहणा न, उना सारयां दिया तरफा ला तुहांजो नमस्कार। गले लगगी करी इक दुज्जे जो नमस्कार करा।

21 कने हुण मैं पौलुस, इसा चिटिया दे आखरी च अपणे हथां ला इस नमस्कार जो लिखा दा है। अगर कोई प्रभु ला प्यार नी करे, तां सै श्रापित हो। 22 हे साड़े प्रभु, आई जा!

23 मैं प्राथना करदा है साड़ा प्रभु यीशु मसीह तुहांजो पर अपणा अनुग्रह करदा रे।

24 मैं तुसां सारयां ला प्यार करदा है, जिना दा यीशु मसीह सोगी गेहरा रिश्ता है। आमीन।

2 कुरिन्थियों दे ना प्रेरित पौलुस दी दुज्जी चिट्ठी

????????

कुरिन्थियस शेहरे ताई पौलुसे दी ऐ दुज्जी चिट्ठी पेहले संबोधित कितियां कुछ चीजां पर चर्चा करदी है, कने कुछ नोए मुदे भी हेन। पौलुसे पेहले कुरिन्थियां दिया चिटिया च विश्वासियों जो इक-दुज्जे सोगी एकजुट होणे दा आग्रह किता, इसा चिटिया च पौलुसे कलीसिया ला आग्रह किता, कि उदे सोगी उदिया सेवा च गिटे होआ। पौलुस दे बिरोधी उदे कम्मे जो घट समझा दे थे, उना दा दावा था कि उना दी पीड़ (11: 24-29) ऐ साबित करदी है कि सै इक सच्चे प्रेरित नी थे। पौलुसे दा जवाब है कि उदा दुख मसीह पर उदिया निर्भरता जो उजागर करदा है, क्योंकि ऐ मसीह दिया ताकता पासे इशारा करदा है न कि उदी अपु दी। दुज्जे कुरिन्थियों च शुभसमाचार दिया सेवा (अध्याय 2-5) पर सरगर्मी दा नजरिया शामिल है, पबित्र जिन्दगी ताई प्रोत्साहन (अध्याय 6-7), कने देणे दे बारे च निर्देश। (अध्याय 8-9) पौलुसे ऐ चिट्ठी पेहले कुरिन्थियों च लिखणे दे इक साल बाद लगभग 56 ई स च लिखी।

रूप रेखा

पौलुस परमेश्वर जो धन्यवाद दिंदा है 1:1-11

परमेश्वरे दे लोकां ताई इक प्रेरित दा कम्म 1:12-

2:17

मसीह दे प्यार ला प्रेरित 3:1-7-16

गरीबां ताई तोफा 8:1-9:15

पौलुस इक सच्चा प्रेरित है 10:1-13:10

आखरी अभिवादन 13:11-13

????????

1 मैं, पौलुस, परमेश्वरे दिया इच्छा ला यीशु मसीह दा प्रेरित है, कने साड़ा मसीह भाई तीमुथियुस मेरे सोगी है। मैं ऐ चिट्ठी कुरिन्थुस शेहर च परमेश्वरे दिया कलीसिया जो, कने अखाया प्रदेशे दे सारे परमेश्वरे दे लोकां जो लिखा दा है। 2 मैं प्राथना करदा की साड़ा पिता परमेश्वर कने प्रभु यीशु मसीह तुहांजो पर अनुग्रह करे कने तुहांजो शांति दे।

????????

3 साड़े प्रभु यीशु मसीह दे पिता कने परमेश्वरे दा धन्यवाद हो, जड़ा सांझो पर दया कने सांझो हमेशा तसल्ली दिन्दा है। 4 सै सांझो साड़े सारे दुखां च तसल्ली दिन्दा है; ताकि असां दुज्जयां दे दुखां च उना जो इयां

ही तसल्ली देई सकन जियां परमेश्वर सांझो दुखां च तसल्ली दिन्दा है।

5 जितणा जादा असां यीशु मसीह ताई दुख सेहन करदे न, परमेश्वर मसीह दे जरिये उतणी ही जादा तसल्ली सांझो दिन्दा है। 6 असां दुख सेहन करदे न, ताकि परमेश्वर तुहांजो तसल्ली दे कने तुहाड़ा उद्धार करे। क्योंकि परमेश्वरे सांझो तसल्ली दिन्दा है इस ताई उनी तुहांजो भी तसल्ली देणी क्योंकि तुसां बड़े सबर सोगी साड़े साई दुख सेहन किते। 7 कने साड़ी आस तुहाड़े बारे च पक्की है, क्योंकि असां जाणदे न, की जियां तुसां साड़े दुखां च साथी थे, तियां ही तुसां साड़िया तसल्लिया च साथी होणा, जड़ी परमेश्वरे सांझो देणी।

8 हे मसीह भाईयो, मैं चांदा की तुसां साड़िया उना मुसीबतां दे बारे च जाणा, जड़ियां आसिया प्रदेश च सांझो होईयां। असां ऐसे बोझे ला दबुई गियो थे, जड़ा साड़े सेहणे ला बाहर था, असां तां जिणे दी पूरी उम्मीद ही छडी दितियो थी। 9 असां तां अपणे मने च ऐ सोची लिया था, की असां मरणे बाले न। ऐ इस ताई होया की असां अपणे आपे पर नी पर परमेश्वरे पर भरोसा रखन, जड़ा मरयां जो जिन्दा करदा है। 10 परमेश्वरे ही सांझो इतणिया बडिया मुसीबता ला बचाया, कने बचाणा भी; कने सांझो ऐ आस है की उनी अगगे भी बचादे रेणा है।

11 जियां तुसां साड़े ताई प्राथना करिरी साड़ी सहायता करदे न, तियां ही मते लोकां दियां प्राथना ला सांझो परमेश्वरे दियां आशीषां मीलियां न, उदिया बजा ला साड़िया तरफा ला परमेश्वरे दा धन्यवाद करनयो।

????????

12 क्योंकि असां अपणी अंतरात्मा दिया सच्चाईया पर घमंड करदे न। संसार च कने खासकर तुसां लोकां बिच साड़ी जिन्दगी पबित्र कने सच्ची थी, जड़ा परमेश्वरे दिया तरफा ला सांझो मिलया था। असां माणुआं दे ज्ञान पर भरोसा नी रखया है, पर परमेश्वरे दे अनुग्रह पर भरोसा रखया है। 13-14 असां हमेशा तुहांजो अपणी चिटियां च उना ही गल्लां जो लिखदे न जड़ियां तुसां पढ़ी कने मन्नी सकन। भले ही तुसां हुण इना गल्लां जो अच्छे ला नी समझदे, पर मिंजो आस है की प्रभु यीशु मसीह दे दुबारा मुड़ी ओणे दीकर तुसां इना गल्लां जो अच्छे ला समझणा कने मनणा ताकि उस रोज तुसां साड़े पर तियां ही घमंड करन, जियां असां तुहाड़े पर घमंड करदे न।

????????

15 मिंजो इसा गल्ला दा भरोसा था की तुसां सांझो समझणा, इस ताई हुण मैं चांदा है की मैं सारयां ला पेहले तुहाड़े बाल ओंऐ ताकि तुहाड़े बाल दो बरी ओंणे ला

तुहांजो दो गुणी आशीष मिल्ले। 16 मैं सोचा दा था की तुहाड़े बाले ला होईकरी मकिदुनिया प्रदेश जो जां, कने मकिदुनिया प्रदेश ला बापस मुड़दे फिरी तुहाड़े बाल ओंऐ, कने तुसां मिंजो यहूदिया प्रदेशे दीकर सफर करणे ताई समान देईकरी मेरी सहायता करनयो।

17 मेरी योजना ऐई थी। तां, क्या मैं बिना कुसी बजा दे ही अपणा बिचार बदली दिता? क्या मैं संसारिक माणुआं सांई योजना बणादां है? क्या मैं इक बकत च, हां कने बादे च ना बोलदा है? 18 परमेश्वरे पर भरोसा करी सकदे न, तियां ही तुसां भी सांझो पर भरोसा करी सकदे न, हालांकि असां तुहाड़े बाल ओंणे दा बायदा करा दे न।

19 क्योंकि परमेश्वरे दा पुत्र यीशु मसीह जिदा प्रचार मैं, सिलवानुस कने तीमुथियुस दे जरिये तुहाड़े बिच होया, सै प्रभु यीशु मसीह सच्चा है, क्योंकि उदे च कदी हां कने कदी ना बाली कोई गल्ल नी है, उदे च सिर्फ हां ही है। 20 क्योंकि पिता परमेश्वरे दे जितणे भी बायदे न, सै सारे बायदे मसीह च पुरे होंदे न कने इस ताई असां “आमीन” बोलदे, की साड़े जरिये पिता परमेश्वरे दी महिमा हो।

21-22 परमेश्वर ही है, जड़ा तुहाड़े सोगी सांझो मसीह च मजबूत करदा है। परमेश्वरे सांझो पर अपणी मोहर लाईकरी ब्याने दे रुपे च अपणी आत्मा साड़े मना च रखीकरी सांझो अपने ताई चुणया।

23 परमेश्वर मेरिया इसा सच्चाईया दा गबाह है की मैं हले दीकर कुरिन्थुस शेर च इस ताई नी आया की, मैं तुहांजो दुख देणा नी चांदा था। 24 इदा मतलब ऐ नी की, असां तुहाड़े भरोसे पर अपणा हक जतान, क्योंकि तुसां अपने ही भरोसे च टिकयो न। असां तां तुहाड़िया खुशिया ताई तुहाड़े सोगी न।

2

1 मैं अपने मने च ऐई ठाणी लिया था की मैं इक बरी दुबारा ओथु आई करी तुहांजो दुख ना दे। 2 क्योंकि अगर मैं ओथु आई करी तुहांजो दुखी करे, तां तुसां दे सिवा मिंजो खुशी देंगे बाला होर कोई नी है, सिर्फ तुसां ही न जिना जो मैं दुखी किता है।

3 कने मैं ऐई गल्ल तुहांजो इस ताई लिखी, की कुथी इयां ना हो, की मेरे ओंणे पर जिना ला मिंजो खुशी मिलणा चाईदी, सेई मेरे दुखी होणे दी बजा न बणी जान। क्योंकि मिंजो तुसां पर इसा गल्ला दा भरोसा है की, जड़ी मेरी खुशी है, सेई तुसां सारयां दी भी खुशी है। 4 बड़े दुखी मने ला, कने रोई-रोई करी ऐ चिट्ठी मैं तुहांजो लिखी है, इस ताई नी की, तुसां दुखी होई जा,

पर इस ताई की तुसां उस बड़े प्यार जो जाणी लिया, जड़ा मिंजो तुसां सोगी है।

2222 22 2222

5 अगर कोई दुखे दी बजा है, तां सै ऐ की जिनी माणुऐ ऐ सारियां परेशानियां खड़ियां कीतियां, उनी मिंजो दुखी करणे ला जादा तुसां सारयां जो दुखी किता है। मैं इदे बारे च इसला जादा होर कुछ नी बोलणा चांदा। 6 ऐसे माणुऐ ताई ऐ सजा काफी है, जड़ी तुसां चे मते विश्वासी लोकां उसयो दिती। 7 इस ताई इदे बजाए तां ऐ खरा है की उदिया गलतिया जो माफ करी दिया कने उसयो तसल्ली दिया। अगर तुसां उसयो माफ नी किता तां शायद सै इतणा दुखी होई जाऐ कने परमेश्वरे पर भरोसा करणा बिलकुल ही छड़ी दे।

8 इसा बजा ला मैं तुसां ला बिनती करदा है, की उसयो यकीन दिला की तुसां हले भी सच्ची उसला प्यार करदे न। 9 क्योंकि मैं ऐ इस ताई भी लिखया था की, तुसां जो परखी लें की, तुसां मेरे सारे हुकमा जो मंदे न की नी।

10 जिसयो तुसां माफ करदे न उसयो मैं भी माफ करदा है, क्योंकि जालू मिंजो माफ करणे दी जरूरत होंदी है, तां मैं तुहाड़े फायदे ताई मसीह दे हके सोगी ऐसा करदा है। 11 ताकि शैतान साड़े हालातां दा फायदा ना लेई सके, क्योंकि असां उदे बुरे इरादे जो जाणदे न।

2222222222 2222 22222 22 2222222

12 कने जालू मैं मसीह दा शुभसमाचार सुणाणे ताई त्रोआस शेर च आया, तां परमेश्वरे मिंजो शुभसमाचार दा प्रचार करणे दे बड़े मौके दिते। 13 तां मेरा अपणा मसीह भाई तीतुस तुहाड़ी खबर लेईकरी मेरे बाल नी आया, जिदे ला मेरे मने जो चेन नी मिला। इस ताई मैं तीतुस जो तोपणे ताई त्रोआस शेर दे मसीह लोकां ला बिदा लेईकरी मकिदुनिया प्रदेश जो चली गया।

14 पर परमेश्वरे दा धन्यवाद हो, जड़ा मसीह सोगी साड़े रिशते दिया बजा ला हमेशा साड़े सोगी चलदा है, कने सांझो जितांदा है। इदा मतलब है की असां जिथू भी जांदे न, असां शुभसमाचार दी खुशबु फेलांदे न, ताकि सारे लोक परमेश्वरे जो जाणन कने सुणन। 15 क्योंकि असां परमेश्वरे ताई मसीह दे जरिये बखायो धुपे सांई न। कने साड़े जरिये प्रचार कितया संदेश सारे लोकां च फेलियो खुशबु सांई है, जड़ी उद्धार पांणे बाले, कने नाश होणे बाले लोकां बिच बिखरदी है।

16 पर ऐ खुशबु नाश होणे बालयां लोकां ताई तां मौता दी मुस्क है, जड़ी उना जो मौत दिया तरफा लेई जांदी है; पर उद्धार पांणे बाले लोकां ताई ऐ जिन्दगी दी ऐसी खुशबु है, जड़ी उना जो हमेशा दिया जिन्दगिया पासे

ताई परमेश्वरे बोलया की, “नेहरे च लौ चमके,” कने परमेश्वरे लौई साई साड़े मना च समझ दिती, ताकि असां परमेश्वरे दिया महिमा जो पछेणी सकन, जड़ी यीशु मसीह दे मूए च मिलदी है।

२२२२२२ २२ २२२२२२ २ २२

7 असां उसा मीटिया दे भांडयां साई न जिना च ऐ खजाना रखया है। इसला ऐ गल्ल साफ होई जांदी है की, ऐ असीम शक्ति साड़िया तरफा ला नी है, पर परमेश्वरे दिया तरफा ला है। 8 असां चारो पासे ला परेशानियां ला घिरयो रेंदे न पर कदी हार नी मंदे; घबरांदे तां हेन, पर हिम्मत नी छुडदे। 9 असां सताये तां जांदे न, पर परमेश्वर सांझो छुडदा नी है; डाए तां जांदे न पर, पर परमेश्वर सांझो खत्म नी होणा दिन्दा। 10 असां हमेशा उना दुखां जो अपणे शरीर च महसूस करदे न, जड़े दुख यीशुए मरदे बकत महसूस किते थे; ताकि जड़ा कम्म असां करदे न उदे जरिये लोक यीशु दी जिन्दगी जो दिखी सकन।

11 क्योंकि असां जिंदे जी यीशु दिया बजा ला मौत दे खतरे च रे, ताकि यीशुए दी जिन्दगी भी साड़े मरणे बाले शरीरे पर प्रगट होए। 12 इस ताई असां मौत दे खतरे च रेंदे न, पर इदिया बजा ला तुहांजो हमेशा दी जिन्दगी मिली।

13 पर असां प्रचार करदे रे क्योंकि सांझो च सेई भरोसा था, जदिया भजन लिखणे बाले च था, जालू उनी पबित्र शास्त्र च ऐसा लिखया की, “मैं भरोसा किता, इस ताई मैं बोलया।” असां भी भरोसा करदे न, इस ताई बोलदे न।

14 क्योंकि असां जाणदे न, जिनी प्रभु यीशु मसीह जो मरयां चे जिन्दा किता, उनी ही सांझो भी यीशु मसीह साई जिन्दा करणा, कने परमेश्वरे सामणे खड़े होणे ताई सांझो तुहाड़े सोगी लेई ओणा है। 15 क्योंकि जड़े दुख असां सेहन किते, सै तुहाड़े फायदे ताई न, ताकि परमेश्वरे दा अनुग्रह जादा ला जादा मतयां लोकां जो मिल्ले, कने मते सारे लोक परमेश्वरे दिया महिमा ताई धन्यवाद करन।

16 इस ताई असां हिम्मत नी छुडदे; भले ही साड़े शरीरे दी ताकत घटदी जा दी है, पर साड़ी अंदरूनी आत्मा रोज-रोज नोई होंदी जा दी है। 17 क्योंकि साड़ा ऐ हुणे दा घट कने थोड़े बकते दा दुख साड़े ताई ऐसी हमेशा दी महिमा जो पैदा करदा है, जिंदे बारे च असां सोची भी नी सकदे। 18 कने असां दिखियां चीजां जो नी पर अणदिखियां चीजां जो दिखदे रेंदे न, क्योंकि दिखियां चीजां थोड़े ही दिना दियां न, पर अणदिखियां चीजा सदा बणी रेंदियां न।

5

२२२२२२ २२२२२२२२ २२ २२

1 क्योंकि असां जाणदे न, की धरतिया पर साड़े शरीर इक तम्बूए साई न जिंदे च असां रेंदे न। कने जालू असां मरी जाणा, तां परमेश्वरे दिया तरफा ला सांझो स्वर्गे च इक ऐसा शरीर मिलणा है, जड़ा माणुआं दे हथां ला नी बणया पर स्वर्गीय कने हमेशा ताई होणा है। 2 इस शरीरे च तां असां रेंदे न, कने बड़ी इच्छा रखदे न, की सांझो इक ऐसा शरीर मिल्ले जड़ा साड़े स्वर्गे दे घरे साई हो। 3 जालू सांझो सै स्वर्गे दा शरीर मिलणा, तां असां नंगे नी रेंणा।

4 कने असां इस घरे च रेंदे होए भोजे हेठ दबुई करी रेंदे रेंदे न; क्योंकि असां इना संसारिक शरीरां जो नी छुडणा चांदे न, पर असां चांदे न की परमेश्वरे सांझो स्वर्गे दा शरीर दे ताकि ऐ मरी जाणे बाले शरीर, नी मरणे बाले शरीर च बदलुई जान। 5 कने परमेश्वरे सांझो अपु नोए शरीर देंणे ताई तैयार कितया है कने उनी ही सान्झो बयाने दे रूपे च पबित्र आत्मा भी दितियो है, जड़ा ऐ यकीन दुआंदा है की परमेश्वरे उसयो जरूर पूरा करणा।

6 इस ताई असां हमेशा सबर रखदे न कने ऐ जाणदे न; की जालू दीकर असां शरीर च रेंदे न, तालू दीकर असां प्रभु ला दूर न जड़ा स्वर्गे च रेंदा है। 7 क्योंकि असां प्रभु यीशु मसीह दे रूप जो दिखीकरी नी, पर उस भरोसे करणे दिया बजा ला जिन्दे न। 8 इस ताई असां सबर रखदे न, कने शरीर दे घरे जो छुडी करी परमेश्वरे सोगी रेंणा जादा खरा समझदे न।

9 इस बजा ला साड़े मने दी इक ही इच्छा है की, चाहे असां उदे सोगी स्वर्गे च होन, या असां इसा धरती पर होन, असां प्रभु जो खरे लगदे रेंन। 10 क्योंकि जरूरी हे, की मसीह साड़ा सारयां दा न्याय करे, कने हर इक माणुए जो उदे अपणे भले बुरे कम्मा दा इनाम मिल्ले जड़े उनी शरीर दे जरिये कितयो न।

२२२२२२२२२२ २२२२ २२२ २२२२२२ २२ २२२२२

11 सांझो पता है की परमेश्वरे दा डर क्या है, इस ताई असां सच्च पर भरोसा करणे ताई लोकां जो समझांदे न कने परमेश्वर सांझो पुरे तरीके ला जाणदा है कने मिंजो उम्मीद है की तुहाड़िया अंतरात्मा भी सांझो ढंगे ला पछेणी लिया है। 12 असां फिर भी अपणी प्रशंशा तुहाड़े सामणे नी करदे बल्कि असां तुहांजो अपणे बारे च घमंड करणे दा मोका दिन्दे न, ताकि तुसां उना जो जबाब देई सकन, जड़े मने पर नी, बल्कि दिखावटी गल्लां पर घमंड करदे न।

13 अगर कोई बोलदा है की असां पागल न, तां सै परमेश्वरे ताई न; अगर कोई बोले की साड़े दिमाग खरे न, तां सै तुहाड़े भले ताई न। 14 क्योंकि मसीह दा प्यार

सांझो मजबूर करी दिन्दा है, इस ताई की असां ऐ भरोसा करदे न, की जालू इक माणु सारयां ताई मरी गया, तां सारे मरी गियो न। 15 कने मसीह इस ताई सारयां ताई मरया, ताकि जड़े जिंदे न, सै अगगे जो सिर्फ अपु जो खुश करणे ताई ना जीन पर उना जो उदे ताई जीणा चाईदा। मसीह उना ताई मरया कने परमेश्वरे उसयो जिन्दा करी दिता।

???? ? ???? ???? ?

16 इस ताई हुणे ला असां कुसयो भी संसारिक नजरा ला नी दिखणा, अगर असां पेहले मसीह जो भी संसारिक नजरा ला दिखया था, पर हुण नी दिखणा क्योंकि हुण उसयो जाणी गियो न। 17 इस ताई, अगर कोई मसीह पर भरोसा करदा है, तां उसयो इक नौआ सभाव मिलया है, पुराणा सभाव खत्म होई गया है; कने हुण नौआ सभाव होई गया है।

18 कने सारियां गल्लां परमेश्वरे दिया तरफा ला न जिनी मसीह दे जरिये सांझो अपणे बाल बापस लौदया है, कने लोकां जो परमेश्वरे सोगी मेल मिलाप करणे दी सेवा सांझो देई दिती है। 19 परमेश्वर सारे लोकां ताई इक रस्ता बणा दा था की जड़ा कुछ मसीहे कितया है, उदे जरिये परमेश्वरे सोगी मेल मिलाप करी सकन। परमेश्वरे लोकां दे पापां दा दोष उना पर नी लाया कने उनी शान्ति दे बारे च संदेश बंडणे दा कम्म सांझो देई दितया है।

20 इस ताई असां मसीह दे राजदूत न। परमेश्वर उदे संदेश जो अपनाणे ताई साड़े जरिये लोकां ला बिनती करदा है। असां मसीह दिया तरफा ला बिनती करदे न की परमेश्वरे बाल आई जा। 21 मसीह जड़ा पाप ला अनजाण था, उसी जो ही परमेश्वरे साड़े ताई पाप बणाया, ताकि असां परमेश्वरे दिया नजरा च धर्मी बणी जान क्योंकि मसीहे साड़े पापां दी सजा अपणे उपर लेई ली।

6

1 परमेश्वरे सोगी कम्म करणे बाले होणे दिया बजा ला असां तुसां ने बिनती करदे न, की परमेश्वरे दा अनुग्रह जड़ा तुसां पर होया है, उसयो तुसां बेकार मत जाणा दिया। 2 क्योंकि पबित्र शास्त्र च परमेश्वर बोलदा है, “सही बकत पर मैं तेरी सुणी, कने उद्धार दे रोजे मैं तेरी सहायता किती।” सुणा; हुण ही सही बकत है; सुणा, ऐ ही है उद्धार दा दिन।

?????? ???? ???? ?

3 परमेश्वरे सोगी कम्म करदे होऐ साड़ा व्यवहार कुसी ताई कोई भी रुकावट नी बणदा है, ताकि ऐसा ना हो की कोई साड़िया सेवा पर दोष लाऐ।

4 असां हर इक तरीके ला दसदे न की असां परमेश्वर दे सच्चे सेवक न। क्योंकि असां बड़ा सबर रखीकरी कलेशां जो, दरिद्रता कने मुसीबतां जो सेहन करिरी, 5 असां कोड़े खादे, जेला च गे, कने दंगे फसादां च चोटां लगियां, असां बड़ी मेहनत किती, बगेर सोऐ कने बगेर खादे-पिते रे, 6 पर असां अपु जो बड़ा पबित्र रखया, अकली ला कम्म किते, सबर रखया कने दुज्जयां पर दया किती, पबित्र आत्मा दे हुकम मने, 7 सच्चा प्यार कित्या, असां सच्चाई दा संदेश सुणाया, परमेश्वरे दिया शक्तिया साड़े च कम्म कित्या। असां सज्जे हथे च धार्मिकता दे हथियारे जो हमला करणे ताई कने खबे हथे जो बचाव ताई इस्तेमाल करदे न,

8 चाहे लोकां साड़ी इज्जत किती या बेइज्जती किती, तारीफ या बुराई किती, पर असां इमानदार न, पर सै बोलदे न की असां झूठे न। 9 भले ही लोक सांझो अनजाण समझदे न, पर फिरी भी असां प्रसिद्ध न; भले ही लोक सांझो मरयां साई समझदे न, पर फिरी भी असां जिंदे न; सांझो सजा तां मिलदी है पर जानी ला नी मारी सके। 10 सांझो बड़े दुख थे, पर असां हमेशा खुश रेंदे थे। असां अपु तां गरीब थे, पर बाकियां जो आत्मिक रूपे च अमीर बणाई दिन्दे न। इयां न जियां साड़े बाल कुछ नी फिरी भी साड़े बाल सब कुछ है।

11 हे कुरिन्थुस शेर दे मसीह लोको, असां खुली करी तुसां जो सच्चियां गल्लां बोलदे न, असां पुरे दिले ला तुहांजो प्यार करदे न। 12 तुहाड़े ताई साड़ा प्यार कदी घट नी होया, पर तुसां दा प्यार साड़े ताई घटी गया है। 13 पर अपणे बाल बच्चे समझीकरी मैं तुहांजो बोलदा है, की तुसां भी साड़े प्यार दे बदले च साड़े सोगी पुरे दिले ला प्यार करा।

????? ???? ? ? ? ? ? ? ?

14 भरोसा नी करणे बाले लोकां सोगी कोई रिशता मत रखा, क्योंकि धार्मिक कम्मा दा कने बुरे कम्मा दी कोई बराबरी नी। लौई दा कने नेहरे दा कोई रिशता नी। 15 कने मसीह दा शैताने सोगी कोई रिशता नी है। कने भरोसा करणे बाले लोकां दा भरोसा नी करणे बाले लोकां सोगी कोई रिशता नी। 16 कने मूर्तियां दी परमेश्वरे दे मंदरे च कोई जगा नी। क्योंकि असां तां जिंदे परमेश्वरे दे मंदर न; जियां परमेश्वरे पबित्र शास्त्र च बोलया है, “मैं इना लोकां सोगी रेंणा कने उना बिच ही चलणा फिरणा; कने मैं उना दा परमेश्वर होणा, कने सै मेरे लोक होंगे।”

17 इस ताई प्रभुऐ सांझो ला पबित्र शास्त्र दे जरिये बोलया है की, “उना लोकां ला लग होई जा जड़े परमेश्वरे पिच्छे नी चलदे। कने गंदिया चीजां सोगी कोई रिशता मत रखा, तां मैं तुहांजो अपनाणा।” 18 “कने मैं

तुहाड़ा पिता होणा कने तुसां मेरे बेटे कने बेटियाँ होणे: ऐ सारयां ला शक्तिशाली प्रभु परमेश्वर दा बचन है।”

7

1 हे प्यारो भाईयो, क्योंकि परमेश्वरे सांझो अपने बच्चे दे रूपे च अपनाणे दा बायदा कितया है, इस ताई ओआ असां अपने शरीरे दे सारे बुरे कम्म कने आत्मा दे गंदे बिचारां जो करणा बंद करी देन कने परमेश्वरे दा डर मन्नी करी कने उदी इज्जत करा। कने सांझो पुरे तरीके ला पबित्तर जिन्दगी जिणे ताई मेहनत करणी चाईदी।

?????? ??

2 तुसां सांझो ला अपने पुरे दिले ला प्यार करा, असां ना कुसी ने अन्याय किता, ना कुसी दा कुछ बिगाड़या, ना कुसी सोगी बेईमानी किती। 3 मैं ऐ तुसां पर दोष लाणे ताई नी बोला दा है, क्योंकि मैं पेहले ही बोली बैठया है की, असां तुसां सोगी पुरे दिले ला प्यार करदे न कने असां लग नी होणा है चाहे असां जिन्दे रेन या मरी जान। 4 मैं तुसां ला बड़े भरोसे सोगी बोला दा है, मिंजो तुसां पर बड़ा घमंड है: मिंजो बड़ी तसल्ली मिली; कने मैं अपने सारे दुखां च भी बड़ा जादा खुश रेंदा है।

5 क्योंकि जालू असां त्रोअस शेरर जो छड़ी करी मकिदुनिया प्रदेश च आये, ओथु सांझो कोई अराम नी मिला, बल्कि हर पासे ला परेशानियां झेलदे थे; कने हर पासे लड़ाई-झगड़े थे कने साड़े मना च डर था। 6 पर उदास लोकां जो तसल्ली देणेबाले परमेश्वरे तीतुस जो साड़े बाल भेजी करी सांझो तसल्ली दिती। 7 ऐ सच्च है की तीतुस सोगी मिली करी असां खुश होऐ। पर इसला भी जादा असां इसा गल्ला पर खुश होऐ की तुसां लोकां उसयो बड़ी हिम्मत दिती। कने उनी मिंजो दसया की तुसां मिंजो ला मिलणे दी कितणी इच्छा रखदे न, मेरे ताई दुखी न कने मेरे ताई कितणी लगन रखदे न, इना गल्लां ला मिंजो होर भी खुशी होई।

8 मिंजो कोई पछताबा नी है की मैं तुहांजो ऐ सकत चिट्ठी लिखी, चाहे तुसां इसा दिया बजा ला दुखी होऐ। पर पेहले मिंजो पछताबा होया जालू मैं दिखया की इसा चिटिया जो पढ़ी करी तुहांजो थोड़े बकते ताई दुख तां होया पर ऐ थोड़िया देरा ताई था, 9 पर हुण मैं खुश है इस ताई नी की तुहांजो बड़ा जादा दुख देईकरी बल्कि इस ताई की तुसां उस दुखे दिया बजा ला पाप करणा बंद करी दिता कने परमेश्वरे बाल मुड़ी आऐ, क्योंकि ऐ उस तरीके दा दुख है जड़ा परमेश्वर चांदा है की उदे लोकां जो हो, ताकि तुहांजो साड़िया बजा ला कुसा भी गल्ला च तकलीफ ना हो। 10 क्योंकि सै दुख जड़ा परमेश्वर चांदा है की असां अनुभव करन, सै लोकां दे पश्चाताप करणे

दी बजा बणदा है, जिदे ला उना दा उद्धार होंदा है, कने फिरी उसला पछताणा नी पोंदा: पर संसारे दे दुख लोकां जो हमेशा दिया मौता पासे लेई जांदे न।

11 ध्यान दिया की परमेश्वरे दिया तरफा ला आयो दुखां ला तुहाड़े च क्या-क्या बदलाव आया है, इदे ला तुहाड़ी हिम्मत बदी गई, अपने आप जो बेकसूर साबित करणे दी इच्छा, अन्याय ताई तुहाड़ा गुस्सा, परेशानिया ताई ऐसी साबधानी, मिंजो ला मिलणे दी इतणी जादा इच्छा, परमेश्वरे दी सेवा ताई तुहाड़ी फिकर, कने गलत माणुऐ जो सजा देणे ताई तैयार रेणा, इना कम्मा दे जरिये तुसां साबित करी दितया है की सब कुछ ठीक-ठाक करणे च तुसां कोई भी कमी नी छड़ी है। 12 हालांकि ऐ सकत चिट्ठी मैं तुहांजो इस ताई नी लिखी थी की मिंजो उना दी चिंता थी, जड़े अन्याय करदे न कने ना ही उना ताई जड़े अन्याय सेंदे न, पर इस ताई लिखी की तुसां अपु ही परमेश्वरे सामणे दिखी लेन की तुसां साड़े ताई कितणे सच्चे न।

13 इस ताई सांझो इना गल्लां ला हिम्मत मिल्ली; कने साड़ी हिम्मत कने खुशी तीतुस जो दिखीकरी होर भी बदी गई; क्योंकि सै तुहाड़िया बजा ला बड़ा खुश होई गया था।

14 क्योंकि अगर तीतुसे सामणे मैं तुहाड़े बारे च घमंड किता है, तां मैं शरमिंदा नी होया, पर जियां असां तुसां सोगी सारियां गल्लां सच्च-सच्च बोली दितियां थियां, तियां ही साड़ा घमंड दसणा तितुसे सामणे भी सच्च साबित होया।

15 कने जालू सै याद करदा है की तुसां सारयां उदी गल्ल मन्नी कने डरदे कने कमदे उसयो अपनाया तां उदा प्यार तुहाड़े ताई होर भी बदी गया है। 16 मिंजो इसा गल्ला दी भी खुशी होंदी है की, हुण मैं हर गल्ला च तुसां पर भरोसा करी सकदा है।

8

?????? ??

1 हे मसीह भाईयो हुण, मैं तुहांजो उस अनुग्रह दे बारे च दसणा चांदा है, जिसयो परमेश्वरे मकिदुनिया प्रदेश दिया कलीसिया जो दितया है। 2 जालू बड़ियां भरियां परेशानियां ला उना दी परिक्षा होई, तां सै बड़े खुश होऐ कने हालांकि सै बड़े गरीब थे, फिरी भी उना होर भरोसा करणे बालयां दिया सहायता ताई उदारता ने पैसे दिते।

3 कने उना दे बारे च मेरी ऐ गवाई है की, उना ना सिर्फ जितणा होई सकदा था, बल्कि उना उसला भी जादा बदीकरी दिता, कने उना ऐ कम्म अपनी इच्छा ला किता। 4 उना लोकां साड़े ला बड़ी बिनती करिरी इजाजत मंगी की यरूशलेम शेररे दे परमेश्वरे दे पबित्तर

लोकां दी सहायता करणे दा सांझो मौका दिया।⁵ असां इदी उम्मीद बिलकुल भी नी कितियो थी। उना अपणे आपे जो पेहले प्रभु जो कने फिरी सांझो देई दिता, ठीक बिलकुल तियां ही जियां परमेश्वर चांदा था की सै करन।

⁶ इस ताई असां तीतुस ला बिनती किती की, जियां उनी पेहले दान गिठा करणे दा कम्म शुरू कितया था, तियां ही तुहाड़े बिच इस दान दे कम्मा जो पूरा करी ले।⁷ पर जियां तुसां सारियां गल्लां च मतलब की भरोसे च, परमेश्वरे दे बचने दा प्रचार करणे च, ज्ञान कने तुसां दुज्जयां दी सहायता करणे ताई कोशिश करणे च, कने उस प्यार च जड़ा सांझो ला करदे न, इना गल्लां च बददे जांदे न, तियां ही हुण इना भरोसा करणे बाले गरीब लोकां जो दान देणे दिया सहायता ताई भी बददे जा।

⁸ मैं तुहांजो कोई हुकम नी देणा लगया, मैं सिर्फ दुज्जे लोकां दी हिम्मता दी तुलना तुहाड़े प्यार ला करा दा है, ताकि तुहाड़े प्यारे दिया सच्चाईया जो परखी सकें।⁹ तुसां साड़े प्रभु यीशु मसीह दे अनुग्रह जो ढंगे ला जाणदे न की, सै अमीर होईकरी भी तुहाड़े ताई गरीब बणी गया ताकि उदे गरीब होणे ला तुसां अमीर होई जान।

¹⁰⁻¹¹ पिछले साल तुसां दान देणे कने ऐसी इच्छा रखणे च भी सारयां ला अगगे थे। इस बारे च तुहाड़े ताई क्या खरा है, उदे बारे च मेरी ऐ सलाह है की; हुण जड़ा तुसां शुरू कितया है, उसयो पूरा करा। शायद तुसां भी इस कम्मे जो खत्म करणे ताई उतणे ही उत्साही न जितणे तुसां इसयो शुरू करणे च थे।¹² क्योंकि अगर तुहाड़े मने च दुज्जयां जो दान देणे दी इच्छा है तां जड़ा उदे बाल है, उदे मुताबिक ही उदा दान ग्रहण होणा, ना की उदे मुताबिक जड़ा उदे बाल नी है।

¹³ मैं नी चांदा है की दुज्जयां दी जिन्दगी असान बणाणे ताई तुहाड़ी जिन्दगी मुशकिल होई जा। पर सारयां बाल इक बराबर होणा चाईदा।¹⁴ पर इस बकत तुहाड़ी बढ़ोतरी उना दी जरूरत पूरी करणे ताई भतेरी है, पर कदी ऐसा भी होई सकदा है की तुहांजो जरूरत पेई जा, तालू सै तुहाड़ी सहायता करन, तालू दोनों इक बराबर होई जाणा।¹⁵ जियां पबित्त्र शास्त्र च लिखया है, “जिनी बड़ा जादा गठेरया, उसयो जादा नी मिलया कने जिनी घट गठेरया, उसयो कुसी चिजा दा घाटा नी होया।”

????? ?? ???? ???? ???? ?

¹⁶ कने परमेश्वरे दा धन्यावाद हो की, जड़ी फिकर मिंजो तुहाड़े बारे च है, ठीक सियुदी ही फिकर परमेश्वरे तुहाड़े बारे च तीतुस दे मने च पाई दिती है।¹⁷ जालू असां तीतुसे जो तुहाड़े बाल जाणे ताई बोलया, तां उनी

खुशिया ला साड़ी बिनती मन्नी लेई कने बड़ा उत्साही होईकरी अपणिया मरजिया ला तुहाड़े बाल आया है।

¹⁸ कने असां तीतुस सोगी इक होर मसीह भाईऐ जो भेजया है, कने सारियां कलीसियां दे भरोसा करणे बाले लोक उदी तारीफ करदे न क्योंकि सै शुभसमाचार दा प्रचार बड़े अच्छे ला करदा है; ¹⁹ कने सिर्फ इतणा ही नी, पर उसयो कलीसिया दे लोकां ही चुणया है, ताकि इस दान देणेबाले कम्मे ताई साड़े सोगी चले। असां ऐ दान दी सेवा इस ताई करदे न, ताकि प्रभु दी महिमा हो, कने ऐ दसणे ताई की असां यरूशलेम शेहरे दे भरोसा करणे बालयां दी सहायता करणा चांदे न।

²⁰ तीतुस सोगी उस मसीह भाइये जो भेजणे जरिये असां इसा गल्ला दा ध्यान रखदे न, की इस दान देणे दिया सहायता दे बारे च जिदी सेवा असां करदे न, कोई सांझो पर दोष ना लाई सके।²¹ क्योंकि असां सिर्फ उना गल्लां पर ही ढंगे ला ध्यान नी दिन्दे न, जड़ियां परमेश्वरे दिया नजरा खरियां न, पर उना पर भी दिन्दे न जड़ियां माणुआं दिया नजरा च खरियां न।

²² कने असां इना सोगी अपणे इक होर मसीह भाइऐ जो भेजया है, असां उसयो बड़ी बरी बड़ियां गल्लां च परखया है कने सै सच्चा निकलया है। पर हुण तुसां पर उसयो बड़ा भरोसा है, इसा बजा ला सै होर भी जादा उत्साही है।²³ अगर कोई तीतुस दे बारे च पुच्छे, तां सै मेरा साथी, कने तुहाड़े ताई मेरा सहकर्मी है, कने अगर साड़े मसीह भाईयां दे बारे च कोई पुच्छे, तां सै कलीसिया दे भेजयो होऐ न कने उना दी जिन्दगी मसीह दी महिमा ताई है।²⁴ इस ताई अपणा प्यार कने साड़ा सै घमंड जड़ा असां तुहाड़े बारे च करदे न, कलीसिया दे सामणे उना जो साबित करिरी दसा।

9

????? ???? ???? ???? ?

¹ हुण यरूशलेम शेहरे दे भरोसा करणे बाले लोकां जो दान देणेबाली सेवा दे कम्मे दे बारे च मिंजो तुसां जो लिखणा जरूरी नी है।² क्योंकि मैं तुहाड़े मने दिया इच्छा जो जाणदा है। कि तुसां उना दी सहायता करणे ताई तैयार न, इस ताई मैं तुहाड़े बारे च मकिदुनिया शेहरे दे भरोसा करणे बाले लोकां सामणे घमंड दसदा है की, तुसां अखाया प्रदेशे दे लोक पिछले इक साले ला तैयार थे, कने तुहाड़े उत्साह दिया बजा ला होर भी लोक उत्साहित होई गे।

³ मैं तीतुस कने दो होर मसीह भाईयां जो तुहाड़े बाल इस ताई भेजा दा है, ताकि असां जड़ा घमंड तुहाड़े बारे च दसया, सै इसा गल्ला च बेकार ना होई जाऐ; पर

जियां मैं बोलया तियां ही तुसां यरूशलेम शेहरे दे भरोसा करणे बाले लोकां ताई दान देणे ताई तैयार रिया। ⁴ इयां ना हो की, अगर कोई मकिदुनी शेहरे दा मसीह भाई मेरे सोगी ओए, कने तुहाड़ा दान तैयार ना होए, तां साड़ा जड़ा तुसां पर भरोसा है, उदिया बजा ला असां बेईजत होणा, पर तुसां इदे ला भी जादा बेईजत होणा। ⁵ इस ताई मैं मसीह भाईयां ने बिनती करणा जरूरी समझया की सै पेहले ही तुहाड़े बाल चली जान, कने जड़ा दान देणे दा बायदा तुसां कितया था, उसयो तैयार रखन, जड़ा तुसां प्यारभाव ला देणा है ना की कुसी मजबूरिया च।

२२२ २२२२२ २२२२

⁶ पर इसा गल्ला जो याद रखा, की जड़ा थोड़ा रांदा है सै बडदा भी थोड़ा है; कने जड़ा जादा रांदा है, सै जादा ही बडदा है। ⁷ इस ताई जिनी अपणे मने च जितणे भी देणे दा फेसला कितया है, सै उतणा ही दे, बिना इच्छा या मजबूरिया ला ना दे। क्योंकि परमेश्वर खुशिया ला देणे बालयां ला प्यार करदा है।

⁸ परमेश्वर तुहांजो तुहाड़िया जरूरतां ला भी जादा हर तरा दा अनुग्रह देई सकदा है। जिदे ला हर गल्ला च कने हर बेले, सब कुछ, जड़ा तुहांजो जरूरी हो, सै तुहाड़े बाल रे, ताकि तुहाड़े बाल हर भले कम्मा ताई जरूरत ला जादा हो। ⁹ जियां की पबित्र शास्त्र च लिखया है, “परमेश्वर जरूरतमंदा जो उदारता ला दिन्दा है, कने जड़े कम्म सै करदा है, सै सही न कने हमेशा होंदे रेणे।”

¹⁰ परमेश्वर हमेशा किसाना जो रांणे ताई बी दिन्दा है, कने खांणे ताई रोटी दिन्दा है। इयां ही परमेश्वरे ऐ इंतजाम करणा की तुहाड़े बाल हमेशा इतणी धन दौलत हो ताकि तुसां होर जादा उदारता ला गरीब लोकां दी सहायता करी सकन। ¹¹ परमेश्वरे तुहांजो हर तरीके ला आशीर्वाद देणा ताकि तुसां हमेशा उदारता ला दान देई सकन। कने जालू असां तुहाड़े दाने जो जरूरतमंद लोकां जो देणा, तां उना परमेश्वरे जो धन्यावाद देणा।

¹² क्योंकि इसा सेवा जो पूरा करणे ला, ना सिर्फ परमेश्वरे दे लोकां दियां जरूरतां पुरियां होंदिया न बल्कि लोकां दिया तरफा ला परमेश्वरे दा बड़ा जादा धन्यावाद होंदा है। ¹³ क्योंकि दुज्जयां दी सहायता करणे ताई दान देणे दी ऐ सेवा दसदी है की तुसां अपना बायदा पूरा किता है, क्योंकि तुसां मन्नया है की मसीह दा शुभसमाचार ही सच्च है कने खुद अपणे बचना दा पालन किता है। कने गरीब भरोसा करणे बाले कने सोगी ही बाकी भरोसा करणे बालयां दी सहायता करणे च उदारता दसदे न। ¹⁴ कने उना तुहाड़े ताई परमेश्वरे ला प्राथना करणी। सै तुहाड़े ने प्यार करदे न, क्योंकि सै जाणदे न की परमेश्वरे तुहांजो बड़ा जादा अनुग्रह

दितया है। ¹⁵ ओआ असां परमेश्वरे दे उस दाने ताई धन्यवाद करन, जिसयो शब्दां च बयान नी करी सकदे।

10

२२२२२२ २२२२२

¹ मैं सेई पौलुस है, जड़ा तुहाड़े सामणे डरफोक लगदा है, पर तुहांजो ला दूर जाणे पर हिम्मता बाला होई जांदा है। तुहांजो ला मसीह दिया उदारता कने कोमलता दिया है। तुहांजो ला मसीह दिया उदारता कने कोमलता दिया बजा ला बिनती करा दा है की, ² कुछ लोक बोलदे न असां इस संसारे दे लोकां साई कम्म करदे न। इस ताई जालू मैं ओणा है तां मिंजो उम्मीद है की मिंजो उना सोगी सकत होंणा पोंणा। मैं हथ जोड़ी करी बिनती करदा है की जालू मैं तुहाड़े बाल ओंगा तां मिंजो तुहाड़े सोगी ऐसा बर्ताब ना करणा पोए।

³ क्योंकि असां इस संसार च रेंदे जरूर न, पर असां अपणे दुशमणा सोगी संसारे दे लोकां साई नी लडदे। ⁴ क्योंकि जिना हथियारां ला असां लडदे न सै संसारे दे लोकां दे हथियारा साई नी न, पर किलयां जो ढांणे ताई परमेश्वरे दे शक्तिशाली हथियार न।

⁵ इना दे जरिये असां उस हर इक बिरोध जो कने उस हर इक घमंड करणे बालिया गल्ला जो, जड़ी परमेश्वरे दे ज्ञान दे खिलाफ खड़ी होंदी है, उना उच्चिया गल्लां जो असां डाई दिन्दे न, कने साड़े हर इक बिचार जो काबू करिरी उना जो मसीह दा हुकम मनणे बाला बणाई दिन्दे न। ⁶ कने जालू तुसां मसीह दा हुकम मनणे बाले बणी जांदे न, तां असां सारे हुकम नी मनणे बालयां जो सजा देणे ताई तैयार रेंदे न।

२२२२२२ २२ २२

⁷ तुसां सिर्फ बाहरी दिखावे जो ही दिखदे न, अगर कुसी जो अपणे उपर ऐ भरोसा हो, की मैं मसीह दा है, तां सै ऐ भी जांणी ले, की जियां सै मसीह दा है, तियां ही असां भी मसीह दे न। ⁸ क्योंकि अगर मैं उस हके दे बारे च होर भी घमंड दस्सें, जड़ा तुहाड़े भरोसे जो खत्म करणे ताई नी, पर तुहांजो भरोसे च बदणे ताई दितया, तां इदे च मिंजो कोई शर्म नी होणी।

⁹ मैं नी चांदा की तुहांजो ऐ लगगे की मैं ऐ चिट्ठी तुहांजो डराणे ताई लिखा दा है। ¹⁰ क्योंकि तुहांजो चे कुछ लोक बोलदे न, “पौलुसे दियां चिटियां गंभीर कने प्रभावशाली न; पर जालू दिखदे न, तां बोलदे न सै कमजोर माणु है कने उदियां गल्लां बेकार न।”

¹¹ इस ताई ऐसा बोलणे बालयां जो ऐ समझणा चाईदा की, जियां असां दूर रेईकरी चिटिया दे जरिये तुसां सोगी गल्लां करदे न, तियां ही तुहाड़े सोगी रेणे पर साड़े कम्म भी होंणे।

11 मैं मुखर् तां बणया, पर ऐ तुसां ही न जिना मिंजो ऐसा करणे तांई मजबूर किता: तुहांजो तां मेरी प्रशंशा करणी चाईदी थी, क्योंकि अगर मैं कुछ भी नी है, तमी उना महान प्रेरितां ला कुसी भी गल्ला च घट नी है। 12 मैं तुहाड़े बिच रेईकरी इक सच्चा प्रेरित होणे दे सबूत दिते, मैं सबर रखया, चिन्न चमत्कार, अनोखे कम्म, कने शक्ति दे कम्म दस्से। 13 तुसां कुसा दिया गल्ला च होर कलीसियां ला घट थे, सिर्फ इक ही गल्ल की जड़ी मैं बाकियां कलीसियां सोगी किती कने तुहाड़े सोगी नी किती की, मैं तुहाड़े ला अपणियां जरूरतां तांई पैसे नी मंगे, तुहाड़ा ऐ सोचना गलत है की मैं ऐसा करिरी तुहाड़े विरोध च गलत कितया है।

????? ? ? ? ? ? ? ? ? ? ? ? ? ? ? ?

14 दिखा मैं तीजी बरी तुहाड़े बाल ओणे तांई तैयार है, कने मैं इस बरी भी तुहाड़े ला कोई सहायता नी लेंगी; क्योंकि मैं तुहाड़िया संपतिया जो नी, पर तुहांजो चांदा है। क्योंकि बचयां जो अपणे माता-पिता तांई धन नी गठेरणा चाईदा, पर माता-पिता जो बचयां तांई धन दौलत गठेरणी चाईदी। 15 मैं तुहाड़े तांई बड़िया खुशिया ला अपणा सब कुछ देई देणा बल्कि अपणे आप जो भी देई देणा; क्योंकि मैं तुहांजो ने बड़ा प्यार करदा है, पर ऐसा लगदा है की तुसां मिंजो ने घट प्यार करदे न।

16 कुछ भी हो, मैं तुहांजो पर भोजन नी बणया, पर दुज्जयां जो लगदा है की मैं चलाक है कने मैं तुहांजो धोखा दिता है, पर ऐ झूठ है। 17 मैं तीतुस जो कने होर मसीह भाईयां जो कदी भी तुहांजो बाल भेजी करी पैसे दी सहायता नी मंगी। 18 मैं तीतुस जो कने उदे सोगी अपणे मसीह भाईऐ जो भेजया था, तां क्या तितुसे धोखा देईकरी तुहांजो ला कुछ लिया? नी! क्योंकि साड़ा इक ही मकसद है कने साड़ा इक ही कम्म है।

19 मेरे प्यारे मसीह भाईयो, तुसां अपणे मने च ऐ सोचा दे होणे न की असां ऐ सब अपणे बचाव तांई बोला दे न। पर असां ऐ सब परमेश्वरे दे सामणे यीशु मसीह च तुहाड़े भरोसे जो मजबूत करणे तांई बोला दे न।

20 क्योंकि मिंजो डर है, कुथी इयां ना हो, की मैं तुहाड़े बाल ओणे कने मैं जदेई उम्मीद कितियो है, तुसां सियुदे ना होन, कने जदेई उम्मीद तुसां मिंजो ला कितियो कने मैं भी सियुदा नी होणे। मिंजो डर है, की ओथु झगड़ा, जलन, गुस्सा, मतलबीपन, चुगली, घमंड कने बखेड़े ना पियो होन। 21 कने ऐसा ना हो की जालू मैं दुबारा बापस ओणे, तां मेरा परमेश्वर मिंजो बेइज्जत करे। कने फिरी मिंजो केईयां तांई रोणा पोए, जिना पेहले गंदे कम्मा ला, कने व्यभिचार, कने लुचपन ने, कने जड़े पाप उना

कितया होन, उना ला पश्चाताप नी कितया हो कने पाप करणा नी छडया हो।

13

????? ? ? ? ? ? ? ? ? ? ? ? ? ? ? ?

1-2 पबित्र शास्त्र च लिखया है की, “हर इक गल्ल जो साबित करणे तांई दो या तिन गबाह दी जरूरत होंदी है,” जालू मैं दुज्जी बरी तुहाड़े बाल आया था, तालू मैं कुछ लोकां जो चेताबनी दिती थी, जड़े पाप करदे थे। हुण मैं इसा चिठिया दे जरिये सारयां जो दुबारा चेताबनी दिन्दा है, जियां मैं पेहले भी दितियो थी। हुण मैं तिजी बरी तुहाड़े बाल लगया ओणा कने हुण भी उना लोकां पाप करणा नी छडया, तां कोई भी उना जो सजा ला नी बचाई सकदा।

3 मैं ऐ बोलदा है क्योंकि तुसां इदा सबूत चांदे न, की मसीह मेरे जरिये बोलदा है, कने मसीह तुहांजो सुधारदा है, तां ऐ साबित होंदा है की से कमजोर नी है; पर तुहाड़े बिच शक्तिशाली है। 4 से कमजोरिया दिया बजा ने सूली पर तां चढ़ाया गया, पर परमेश्वरे दिया शक्तिया ला जिन्दा है, असां भी तियां ही कमजोर न, जियां मसीह था; पर परमेश्वरे दिया शक्तिया ने जड़ी तुहाड़े तांई है, असां उदे सोगी जीणा।

5 अपणे आपे जो परखा, की तुहाड़ा भरोसा सच्चा है की नी; क्या तुहांजो ऐ अनुभव नी होंदा है की यीशु मसीह तुसां च है। अगर नी होंदा है तां तुसां निककमे निकलयो न। 6 पर मेरी आस है, की तुसां जाणी लेंणा है की असां निकम्मे नी न।

7 कने असां अपणे परमेश्वरे ला प्राथना करदे न, की तुहांजो ला कोई गलती ना हो। ऐ दसणे तांई नी की साड़ी सेबकाई सफल रेई है, पर असां चांदे न की तुसां खरे कम्म करन, चाहे असां अपु निककमे ही लगन। 8 क्योंकि असां सचाइया दे खिलाफ कुछ नी करी सकदे न, पर सचाइया तांई ही करी सकदे न।


9 असां अपणे कमजोर होणे कने तुहाड़े भरोसे च ताकतबर होणे पर असां खुश होंदे न। कने ऐ प्राथना भी करदे न की, तुसां भरोसे च सिद्ध होंदे जा। 10 इसा बजा ला मैं तुहाड़े बाल ओणे ला पेहले तुहांजो ऐ गल्लां लिखा दा है, ताकि मिंजो तुहांजो सजा देंगे दे हके जो इस्तेमाल करणे दी जरूरत ना पोए, जड़ा मिंजो प्रभुऐ दितया है। पर मैं इना हका दा इस्तेमाल तुहाड़े भरोसे जो मजबूत करणे तांई करणा चांदा है ना की नाश करणे तांई।

????? ? ? ? ? ? ? ? ? ? ? ? ? ? ? ?

11 हे मसीह भाईयों, खुश रिया, सिद्ध बणदे जा, सबर रखा, इक दुज्जे जो उत्साहित करा, इक ही मन रखा, मिल्ली जुली करी रिया कने शांति देणेबाले परमेश्वरे तुहाड़े सोगी रेणा। 12 इक दुज्जे जो गल्ले लगी करी मसीह दे प्यार च नमस्कार करा।

13 सारे पबित्तर लोक तुहांजो नमस्कार करदे न। 14 मैं प्राथना करदा है की प्रभु यीशु मसीह दा अनुग्रह कने परमेश्वरे दा प्यार कने पबित्तर आत्मा दा साथ तुहाड़े सोगी रे।


गलातियों दे ना प्रेरित पौलुस दी चिट्ठी



इसा चिट्ठिया दिया शुरुआत ला ही गलातियों दे चर्चा च, पौलुस अपने पाठकों जो दो गल्लां साफ करदा है: सै इक सच्चा प्रेरित है, कने उदा संदेश इकलोता सच्चा संदेश है। (अध्याय 1:1-2 10) ऐ गल्लां बड़ियां जरूरी थियां, क्योंकि कुछ लोकां दावा कितया था की पौलुस इक गलत संदेश सोगी प्रेरित है। पौलुसे इसा कलीसिया च शुभसमाचार दा प्रचार कितया था। पौलुस असल च इक सच्चा प्रेरित था, कने होर जातियां च शुभसमाचार दा प्रचार करणे दा मिशन परमेश्वरे उसयो दितया था। उनी उना लोकां दा मुकाबला करणे ताई लिखया, जिना सिखाया की अगर मसीही लोक खतना करांगे तां परमेश्वरे उना जो स्वीकार करणा। भरोसा ही इकलोता रस्ता बचया है। पौलुस जोर देईकरी बोलदा है की ऐ अब्राहम ताई पेहले ला ही सच था, जिसयो भरोसे ला परमेश्वरे दा बायदा मिलया था। कने पौलुसे उदे बारे च कोई शक नी छडया है की उदे अपने भरोसे दा क्या मतलब है: मिंजो मसीह सोगी सूली पर चड़ाया है। मैं मरी गया है, पर मसीह मिंजो च रेंदा है। कने मैं हुण परमेश्वरे दे पुत्रे पर भरोसा करिके जिन्दा है, जिनी मिंजो प्यार किता कने मेरे ताई अपनी जिन्दगी दिती (अध्याय 2:19-20)।

रूप रेखा

इक सच्चा प्रेरित कने सच्चा संदेश 1:1-10
परमेश्वरे पौलुसे जो प्रेरित बनाया 1:11-24
पौलुसे अपने संदेशे दी रक्षा किती 2:1-21
भरोसा ही इकलोता रस्ता है बचाये जाणे दा 3:1-4
31
आत्मा कने प्रेम दे जरिये निर्देशित 5:1-6 10
आखरी चेतावनी 6:11-18



1 मैं, पौलुस, तुहांजो ऐ चिट्ठी लिखा दा है, कने मैं इक प्रेरित है, मिंजो प्रेरित होणे ताई कुनी खास समूह या कुनी माणुऐ नी चुणया, पर यीशु मसीह कने परमेश्वरे पिता दे जरिये चुणया है, जिनी यीशु मसीह जो मरयां च जिन्दा किता।² कने मैं ऐ चिट्ठी गलातिया प्रदेशे दिया सारिया कलीसिया जो उना सारे मसीह भाईयां दिया तरफा ला लिखा दा है जड़े मेरे सोगी न।

3 मैं प्रार्थना करदा है की साड़ा पिता परमेश्वर कने प्रभु यीशु मसीह तुहांजो अनुग्रह कने शांति दे।⁴ साड़े पिता परमेश्वर दी इच्छा दे अनुसार यीशु मसीहे अपने आपे जो साड़े पापां दिया बजा ने बलिदान करी दिता ताकि असां इस संसार दे लोकां दे बुरे प्रभाव ला बचाई सके।⁵ मैं प्रार्थना करदा है की परमेश्वर दी महिमा युगां-युगां दीकर होंदी रे। आमीन।



6 मिंजो इसा गल्ला दी हेरानी होंदी है, जिनी परमेश्वरे तुहांजो मसीह दे अनुग्रह दे जरिये अपने लोक होणे ताई सदया है, उसला तुसां इतणी जल्दी फिरी करी कुसी होर ही शिक्षा जो मनणा लगी पे।⁷ पर सिर्फ इक ही सच्चा शुभसमाचार है, पर असल गल्ल ऐ है की कुछ लोक मसीह दे शुभसमाचार दी शिक्षा जो बिगाड़ना चांदे न कने उना लोकां ही तुहांजो भटकाई दिता है।

8 पर अगर असां चे कोई या स्वर्गदूतां चे कोई भी इस शुभसमाचार जो छडी करी जड़ा असां तुहांजो सुणाया है, कोई होर शिक्षा दा प्रचार करे तां, परमेश्वरे उसयो सजा देणी।⁹ जियां असां पेहले ही बोलया है, तियां ही मैं हुण फिरी बोलदा है, की उस शुभसमाचार जो छडी करी जिसयो तुसां अपनाया है, कोई होर शिक्षा दा प्रचार करे तां, परमेश्वरे उसयो सजा देणी।

10 मैं पक्के तौर पर लोकां दी नी मंदा है पर परमेश्वरे दी मंदा है, मैं लोकां जो खुश करणे दी कोशिश नी करा दा है, पर परमेश्वरे जो खुश करणा चांदा है। अगर मैं हले दीकर माणुऐ जो खुश करदा रेंदा तां मैं मसीह दा सेवक नी होंदा।



11 हे मसीह भाईयो, मैं तुहांजो दसी दिन्दा हे की, जड़ा शुभसमाचार मैं सुणाया है, सै माणुऐ दा बनाया नी है।¹² क्योंकि मैं ऐ अपने पूर्वजां या धार्मिक गुरुआं ला नी सिखाया है, बल्कि खुद यीशु मसीहे शुभसमाचारे जो मिंजो पर प्रगट कितया है।

13-14 तुसां जाणदे न की मैं यहूदी धार्मिक नियमा दे अनुसार जिन्दगी जिन्दा था, तां मेरे मते साथी जड़े मेरिया उमरा दे थे, सै भी यहूदी नियमा दा पालन करदे थे, पर मैं उना सारयां ला जादा बदीकरी कने पुरे दिले ला अपने पूर्वजां दे रीती रिबाजां जो मंदा था। कने उस बकत मैं यीशु मसीह पर भरोसा करणे बालयां जो सतांदा था कने उना जो मारणे दी कोशिश करदा रेंदा था।

15-16 पर तालू परमेश्वरे ऐ फेसला किता की अपने पुत्रे जो मिंजो पर प्रकट करे, ताकि मैं होर जातियां बिच यीशु मसीह दा प्रचार करी सके। परमेश्वर ही है

जिनी मिंजो मेरे पैदा होणे ला पेहले ही चुणी लिया कने अपणे अनुग्रह ने मिंजो अपणी सेवा ताई सदया। जालू यीशुए अपणे आप जो मिंजो पर प्रगट किता, तालू मैं सलाह लेणे ताई कुसी बाल नी गया, 17 कने ना ही जड़े मिंजो ला पेहले प्रेरित थे, उना जो मिलणे ताई यरूशलेम गया, पर झट अरब नाए दे इलाके जो चली गया, कने फिरी ओथु ला दमिश्क शेहरे च दुबारा बापिस आई गया।

18 फिरी तिन्ना सालां बाद मैं पतरसे ने मिलणे ताई यरूशलेम शेहरे जो आया, कने उदे बाल पन्द्रा रोज रिया। 19 कने मैं प्रभु यीशु दे भाई याकूब जो छडी करी कने कुसी भी होर प्रेरिते ने नी मिल्ला। 20 परमेश्वर मेरा गबाह है की तुहांजो जड़ियां गल्लां मैं लिखदा है, उस च कुछ भी झूठ नी है।

21 यरूशलेम शेहरे च मैं उना प्रेरितां ला मिलणे बाद सीरिया कने किलिकिया प्रदेशां च आया। 22 पर यहूदिया प्रदेशे च मसीह पर भरोसा करणे बाले लोकां मिंजो कदी नी दिखया था। 23 पर उना भरोसा करणे बालयां मेरे बारे च ऐई सुणाया था, की जड़ा पेहले सांझो मसीह पर भरोसा करणे ने सतांदा था, सै हुण इसी भरोसे दा प्रचार करदा है, इसला पेहले सै उना लोकां जो मारणे दी कोशिश करदा था जड़े मसीह पर भरोसा करदे थे। 24 इस ताई सै परमेश्वरे दी महिमा करदे न क्योंकि उनी मिंजो इक सतांणे बाले ला मसीह दा इक चेला बणाई दिता।

2

१११ ११११११११११ ११ १११११ १११११ ११ ११११११११

1 चौदा साल बाद मैं बरनबास सोगी यरूशलेम शेहर गया कने तीतुस जो भी सोगी लेई गया। 2 मैं ओथु गया क्योंकि परमेश्वरे मिंजो जाणे ताई बोलया कने जालू मैं ओथु था, तां मैं कुछ बड्डे अगुवां ने एकांत च मिलया कने उना जो उस शुभसमाचार दे बारे च दसया जिसदा मैं होर जातियां च प्रचार करा दा था। ताकि इयां ना हो, की मेरी इस बकते दी, या पिछली मेहनत बेकार होए।

3 मेरा साथी तीतुस कने सै इक यूनानी है; उदा खतना कदी नी होया। पर यरूशलेम शेहरे दी कलीसिया दे अगुवां उसयो अपनाई लिया कने उना उसयो खतना कराणे ताई मजबूर भी नी किता। 4 तीतुस दा खतना नी होणे दा ऐ मामला कुछ झूठे भाईयां ताई इक मुदा बणी गया, जड़े साड़िया मंडलिया च चोरिया ला आई गियो न कने उसा अजादिया जो खत्म करणे दी कोशिश करा दे थे जड़े साड़े उधारकर्ता यीशु मसीहे दितियो है, ताकि सै

सांझो फिरी ला यहूदी व्यवस्था दा गुलाम बणाई सकन। 5 पर असां थोड़े बकते ताई भी उना दियां गल्लां ने सेहमत नी होए, ताकि तुसां लगातार सच्चे शुभसमाचार दी सचाई पर भरोसा करदे रेन।

6 यरूशलेम शेहरे दिया कलीसिया दे उना बड्डे अगुवां मेरी शिक्षा च कुछ भी नी जोड़या, मैं इसा गल्ला दी कोई चिंता नी करदा की सै अगुवे कुण न क्योंकि परमेश्वर बाहरी रूप दिखीकरी न्याय नी करदा। 7 पर जालू अगुवां दिखया की, जियां परमेश्वरे यहूदी लोकां ताई शुभसमाचार प्रचार करणे दा कम्म पतरसे जो दितया है तियां ही होर जातियां जो शुभसमाचार प्रचार करणे दा कम्म मिंजो दितया है। 8 क्योंकि जिनी परमेश्वरे पतरसे जो यहूदी लोकां बिच प्रेरित होणे ताई चुणया, उनी ही मिंजो भी होर जातियां बिच प्रेरित होणे ताई चुणया है।

9 कने जड़े लोक कलीसिया दे खम्बे समझे जांदे थे, मतलब की पतरस, याकूब, कने यूहन्ना, उना अनुग्रह दे उस बरदान जो पछेणी लिया जड़ा मिंजो मिलया है। उना मिंजो कने बरनबास जो अपना साथी समझीकरी सांझो हिस्सेदार बणाया। सै इसा गल्ला ताई राजी होए की असां होर जातियां बाल जान कने सै यहूदियां बाल जान। 10 उना सांझो ने ऐई विनती किती की यरूशलेम शेहरे दे गरीब विश्वासियां दी सहायता करनयो, कने ऐ सेई कम्म था जिसयो मैं करणा चांदा था।

११११११११११ ११११११ १ ११११११ ११ ११११११११

11 पर जालू इक दिन पतरस अन्ताकिया शेहर च आया, तां मिंजो लोकां सामणे उसयो फटकार लाणा पेई क्योंकि सै सही कम्म नी करा दा था। 12 पतरस पेहले होर जातियां सोगी खाणा खांदा था पर जालू याकूब दे भेजयो कुछ विश्वासी यरूशलेम शेहर च आये तां उना सोगी मिलणा-जुलणा कने खाणां खाणा बंद करी दिता क्योंकि सै उना यहूदियां ला डरदा था, जड़े चांदे थे की सारियां होर जातियां दा खतना होणा चाईदा।

13 कने उदे सोगी अन्ताकिया शेहर दे कुछ यहूदी विश्वासी भी ऐथू दीकर की बरनबास भी उना ला डरदा था कने उनी भी होर जातियां सोगी मिलणा-जुलणा बंद करी दिता। 14 पर जालू मैं दिखया, की उना दा चाल चलण सियुदा नी है, जदिया शुभसमाचार सिखांदा है, तालू मैं सारयां सामणे पतरसे जो फटकार लाईकरी बोलया, “तू इक यहूदी होईकरी भी, होर जातियां दे रीती रबाजां जो मन्ना दा है,” कने यहूदियां दे रीती रबाजां जो नी मन्ना दा है, अगर तू इक यहूदी होईकरी ऐसा कितया

है। तां तू फिरी होर जातियां जो असां यहूदियां दे रीती रबाजां जो मनणे ताई कजो मजबूर करदा है?

????? ?? ?????? ?????

15 असां जड़े जन्म ला ही यहूदी न कने होर जाति नी न जिना जो यहूदी पापी बोलदे न। 16 असां यहूदी विश्वासी जाणदे न की मूसा दी व्यवस्था जो मन्नी करी कोई भी माणु धर्मी नी बणदा है, इस ताई असां भी यीशु मसीह पर भरोसा किता, असां मूसा दी व्यवस्था दा पालन करी के नी पर यीशु मसीह च भरोसा करणे ने धर्मी होए; इस ताई की मूसा दी व्यवस्था दे कम्मा ने कोई भी माणु धर्मी नी होंदा।

17 कुछ यहूदी सोचदे न की असां पाप कितया है, क्योंकि असां व्यवस्था दा पालन करणे दिया बजाए, धर्मी होणे ताई मसीह पर भरोसा करदे न, इदा मतलब ऐ है की मसीह सांझो पापी बणादां है, नी बिलकुल भी नी। 18 पर असल च मैं पाप करणा अगर मैं इसा गल्ला जो दुबारा ला अपनाई लेंदा है की इक माणु व्यवस्था जो मनणे ने ही परमेश्वरे दिया नजरा च सही होंदा है। 19 मैं समझदा है की मिंजो मूसा दिया व्यवस्था जो मनणे ने मैं धर्मी नी बणी नी सकदा। इस ताई मैं ऐसा मनदा है की मैं व्यवस्था दे बारे च मरी गया ताकि मैं परमेश्वरे ताई जिन्दा रेई सके।

20 ऐ इयुदा है जियां जालू मसीह सूली पर मरी गया, तां मैं भी मसीह सोगी सूली पर मरी गया। हुण मैं जिन्दा नी है, पर मसीह मेरे अंदर जिन्दा है। हुण मैं परमेश्वरे दे पुत्रे पर भरोसा करिरी जी दा है, जड़ा मिंजो ने इतणा प्यार करदा है की उनी मेरे ताई अपणी जान देई दिती। 21 मैं इसा गल्ला ला मना नी करी सकदा की परमेश्वरे अपणी दया दिया बजा ने सांझो बचाया। क्योंकि अगर लोक मूसा दी व्यवस्था जो मन्नी करी धर्मी बणी सकदे, तां मसीह जो मरणे दी जरूरत नी थी।

3

?????????? ?? ??????

1 हे गलातिया शेहरे दे लोकों, तुहाड़े दिमाग खराब होई गियो न, तुहांजो कुनी भटकाई दितया है, क्योंकि मैं तुहांजो बड़े अच्छे तरीके ने समझाया की यीशु मसीह सूली पर कजो मरया कने उनी कुस कम्मे जो पूरा किता। 2 मिंजो इक गल्ल दस्सा, तुहांजो पबित्र आत्मा कियां मिलया? क्या मूसा दी व्यवस्था जो मन्नी करी तुहांजो पबित्र आत्मा मिलया? नि बिलकुल भी नी! तुहांजो पबित्र आत्मा इस ताई मिलया क्योंकि तुसां शुभसमाचार सुणी कने उस पर भरोसा किता। 3 क्या तुहाड़ा दिमाग खराब होई गिया की, तुसां पबित्र

आत्मा दे जरिये नोई जिन्दगी शुरू करिरी क्या अपणिया ताकता ला इदा अंत करणा चादे न?

4 विश्वासी बणने बाद तुसां बड़े दुख झेले। मैं सच्ची आशा करदा है की ऐ सब कुछ बेकार नी था! 5 जड़ा तुहांजो उदारता ला पबित्र आत्मा दिन्दा है कने तुहांजो च चमत्कार दे कम्म करदा है, क्या ऐ इसा बजा ने है की तुसां मूसा दी व्यवस्था दा पालन किता या मसीह दे बारे च शुभसमाचार सुणया कने उस पर भरोसा किता?

6 “हुण अब्राहम दे बारे च ही सोचा, उनी परमेश्वरे पर भरोसा किता, कने इसी ने ही परमेश्वरे अब्राहमे जो धर्मी बणाया।” 7 तां तुहांजो ऐ समझणा चाईदा की जड़े लोक अब्राहम सांई परमेश्वरे पर भरोसा करदे न, सै अब्राहम दे सच्चे बंशज न। 8 कने परमेश्वरे पबित्र शास्त्र च बड़े पेहले बोलया की, परमेश्वरे होर जातियां जो भरोसे करणे ने धर्मी बणाणा, परमेश्वरे पेहले ही ऐ शुभसमाचार अब्राहमे जो सुणाई दितिया था, की “तेरे जरिये सारे देशां दे लोकां जो आशीष मिलणी।” 9 परमेश्वरे अब्राहमे जो उदे भरोसे दिया बजा ला आशीष दिती, तियां ही जड़ा कोई भी मसीह पर भरोसा करदा है उसयो पक्का ही अब्राहमे सोगी परमेश्वरे आशीष देणी।

10 पर मूसा दी व्यवस्था च लिखया है, जड़ा कोई धर्मी होणे ताई व्यवस्था दे नियमा पर भरोसा रखदा है, परमेश्वरे दा श्राप उस पर होंदा है। इस ताई उना सारे लोकां पर श्राप आई गिया जड़े व्यवस्था जो मन्नी करी परमेश्वरे सामणे धर्मी बणने दी कोशिश करदे न। क्योंकि कोई भी हर बकत उस व्यवस्था दा पूरी तरीके ने पालन नी करी सकदा। 11 पर ऐ गल्ल सच्च है, की मूसा दी व्यवस्था दा पालन करणे ने कोई भी परमेश्वरे दिया नजरा च धर्मी नी बणी सकदा, क्योंकि पबित्र शास्त्र च लिखया है, “पर अगर कोई भी परमेश्वरे पर भरोसा करदा है, तां परमेश्वरे उसयो धर्मी बनाणा कने हमेशा दी जिन्दगी देणी।” 12 मूसा दी व्यवस्था दा पालन करिरी जिणा कने परमेश्वरे पर भरोसा करिरी जीणा दोनो इकोदिया नी है, पर जियां की पबित्र शास्त्र च लिखया है की, जड़ा कोई इसा व्यवस्था दा पालन करदा है, उनी जिन्दा रेणा।

13 पर मसीहे सांझो उस श्राप ला छुड़ाया है जड़ा व्यवस्था नी मनणे दिया बजा ने होंदा है, जालू सूली पर मसीह दी मौत होई तां उनी साड़े पापां दिया बजा ने अपणे उपर श्राप जो लेई लिया। क्योंकि पबित्र शास्त्र च लिखया है की जड़ा कोई सूली पर मरदा है, सै श्रापित है। 14 मसीहे ऐसा इस ताई किता, की अब्राहम दी सारी आशीष यीशु मसीह दे जरिये होर जातियां दे लोकां दीकर पुज्जे, कने मसीह पर भरोसा

6 असां उदे बच्चे न, क्योंकि परमेश्वरे अपणे पुत्रे दी पबित्र आत्मा जो साडे दिले च भेजया है, जड़ी आत्मा परमेश्वरे जो “मेरा पिता” बोली करी पुकारदा है। 7 इस तांई हुण असां गुलाम नी न, पर असां परमेश्वरे दे बच्चे बणी गियो न; क्योंकि तू परमेश्वरे दा बच्चा है, तां तिजो सै सारा कुछ मिलणा है जड़ा परमेश्वरे अपणे बचयां जो देणे दा वायदा कितया है।

8 जालू तुसां परमेश्वरे जो नी जाणदे थे, उस बकत तुसां उना दे गुलाम थे जड़े असल च परमेश्वर है ही नी। 9 पर हुण जालू तुसां परमेश्वरे जो जाणी लिया है या मिंजो ऐ बोलणा चाईदा की परमेश्वरे सांझो अपणे बच्चे दे रूप च अपनाया है, तां फिरी तुसां कजो कमजोर कने उना बेकार पूराणी शिक्षां दे गुलाम होणे तांई बापस जा दे न? क्या तुहांजो दुबारा उना दे ही गुलाम बणने दी इच्छा है?

10 मैं ऐ सुणया की, तुसां जड़े होर जातियां दे भरोसा करणे बाले न, यहूदी लोकां दे खास दिना च, मिनयां, मौसमा कने सालां जो ऐ सोची करी मंदे न की इना ला परमेश्वर खुश होंदा है। 11 जड़ा कुछ तुसां करा दे न उदिया बजा ने चिंता करा दा है, की तुहाड़े बिच सेबा कितियो है सै बेकार ना होई जाए।

12 हे मसीह भाईयो, मैं तुहांजो ने बिनती करदा है, तुसां सियुदा ही व्यवहार करा जदिया व्यवहार मैं करदा है, क्योंकि मैं व्यवस्था ला तियां ही अजाद है जियां तुसां होर जाति दे लोक न; तुसां मेरी अच्छे ने देखभाल किती। 13 पर तुहांजो याद होणा, ऐ इक बिमारिया दिया बजा ला था कि मैं पैली बरी तुहाड़े बाल शुभसमाचार दा प्रचार करणा आया। 14 मेरी बिमारी तुहाड़े तांई इक परेशानी थी, पर फिरी भी तुसां मिंजो ला नफरत नी किती कने ना ही मिंजो दूर जाणा दिता। तुसां मिंजो उसी तरीके ने अपनाया जियां तुसां परमेश्वरे दे इक स्वर्गदूत जो या यीशु मसीह जो अपनादे न।

15 उस बकत तुसां बड़े खुश थे! तुहाड़ी सै खुशी हुण कुथु है, मिंजो पूरा यकीन है की, तुसां मेरे तांई सब कुछ बलिदान करी दिन्दे, “ऐथू दीकर की अपणी हखी भी कडी करी मिंजो देई दिन्दे।” 16 तां क्या तुसां सोगी सच्च बोलणे दिया बजा ला मैं तुहाड़ा दुशमण बणी गिया?

17 झूठे गुरु तुहांजो अपणे सोगी शामिल करणे दी पूरी कोशिश करा दे न, पर ऐ भले मकसद तांई नी है; उना दा मकसद तुहांजो मिंजो ला लग करणा है, ताकि तुसां उना दे चले बणी जान। 18 हमेशा ही खरे मकसद तांई

उत्साही होणा खरा होंदा है कने सिर्फ उस बकत ही नी, जालू मैं तुहाड़े सोगी होंदा है।

19 हे मेरे बच्चयो, जियां इक जनानी बच्चा जमदे बकत पीड़ महसूस करदी है, तियां ही मैं इक बरी फिरी तुहाड़े तांई दुख झेला दा है। तुहांजो मसीह च मजबूत होई जाणे दीकर, मैं इसा पीड़ा च रेणा चांदा है। 20 मेरी बड़ी इच्छा है की हुण तुहाड़े सोगी रें ताकि मैं तुसां ने प्यारे ने गल्ल करी सके, क्योंकि मैं असल च नी जाणदा की मैं तुसां जो क्या बोलें।

21 जड़े मूसा दी व्यवस्था दे गुलाम रेणा चांदे न, बिचार करा की मूसा दे लेख सांझो क्या दसदे न। 22 पबित्र शास्त्र च लिखया है, की अब्राहम दे दो पुत्र थे; उदा इक बच्चा हाजिरा ला पैदा होया, सै इक नोकराणी थी। कने दुज्जा बच्चा सारा ला पैदा होया था, सै उदी घरे बाली थी। 23 अब्राहम दा पुत्र, जड़ा उसयो नोकराणी हाजिरा ला पैदा होया था, सै सिर्फ माणुऐ दिया योजना ने पैदा होया था। पर अब्राहम दा दुज्जा पुत्र जड़ा सारा ला पैदा होया था, उदा जन्म परमेश्वरे दे बायदे जो पूरा करणे तांई होया था।

24 इना दोनों जनानियां दी तुलना दो बाचां ने करी सकदे न, सै बायदा जड़ा परमेश्वरे इसराएल दे लोकां सोगी सीनै पहाड़े च किता था, सै हाजिरा सांई है। सै उना बचयां जो पैदा करदी है जड़े गुलाम बणदे न। 25 हाजिरा सीनै पहाड़ जो दर्शादी है जड़ा अरब देश च है। सै अज दे यरूशलेम शहर सांई है जिदे लोक अपणे बचयां समेत मूसा दिया व्यवस्था दे गुलाम न।

26 पर स्वर्गीय यरूशलेम अब्राहम दी घरे बाली सारा सांई है, कने उदे बच्चे मूसा दिया व्यवस्था दे गुलाम नी न। ऐ यरूशलेम साड़ी मां सांई है, जड़ी भरोसा करदी है। 27 क्योंकि पबित्र शास्त्र च लिखया है, “हे जनानियों तुसां जिना दे कदी बच्चे नी होऐ,” कने जिना कदी बच्चे जमणे दी पीड़ा जो कदी महसूस नी किता, चिल्ला कने खुश होआ! क्योंकि छडियो जनानिया दे बच्चे, उसा जनानिया दे बचयां ला जादा न जड़ी अपणे घरे बाले सोगी रेंदी है।

28 हे मसीह भाईयो, असां भी अब्राहम दे पुत्र इसहाक सांई न, जड़े परमेश्वरे दे बायदे दे अनुसार पैदा होयो न कने परमेश्वरे दी ओलाद बणी गे। 29 पर हुण तुहांजो सै लोक सतांदे न जड़े लोक चांदे न की तुसां व्यवस्था जो मन्ना, तियां ही जियां शरीर दिया इच्छा ने पैदा होए इश्माएले आत्मा दी इच्छा ने पैदा होए इसहाक जो सताया था।

30 पर पबित्र शास्त्र च लिखया है, “गुलाम जनाना कने उदे पुत्रे जो दूर भेजी दे, क्योंकि गुलाम जनानिया दे पुत्रे जो पिता दी धन दौलत चे कुछ नी मिलणा चाईदा; ऐ पिता दी घरे बालिया दे पुत्रे जो मिलणा चाईदा।” 31 इस ताई हे मसीह भाईयो, असां गुलाम जनानिया दे बच्चे नी न, जिना जो मूसा दे नियम कनुना जो मनणा जरूरी है। पर असां उसा जनानिया दे बच्चे न, जड़ी पिता दी घरे बाली है।

5

???????? ?? ???????

1 मसीहे सांझो बचाई लिया है ताकि सांझो मूसा दिया व्यवस्था दा पालन करणे ताई गुलामा सांई जिणे दी जरूरत नी है। इस ताई अजाद बणी रिया कने व्यवस्था जो मनणे ताई अपने आप जो दुबारा ला गुलाम बणना मत दिया।

2 मैं पौलस तुहांजो जड़ा बोलदा है, उसयो सुणा की परमेश्वरे दे सामणे धर्मी होणे ताई अगर खतना करांगे, तां मसीहे जड़ा कुछ कितया है, उसला तुहांजो कोई फायदा नी होणा।

3 मैं दुबारा चेताबनी करी बोलदा है, की हर इक माणु जड़ा ऐ सोची करी खतना करवांदा है, की परमेश्वरे दिया नजरा च धर्मी बणी सके, तां उसयो मूसा दिया व्यवस्था दे हर इक हुकमे जो मनणा चाईदा।

4 तुसां जड़े मूसा दी व्यवस्था जो मन्नी करी धर्मी बणना चांदे न, तां तुसां अपने आप जो मसीह कने उदे अनुग्रह ला लग करा दे न, जिसला परमेश्वर तुहांजो बचाई सकदा है। 5 क्योंकि सांझो पबित्र आत्मा दिया तरफा ला पूरी उम्मीद है, की परमेश्वरे सांझो धर्मी दे रूपे च अपनाई लेणा क्योंकि असां परमेश्वरे पर भरोसा करदे न। 6 अगर तुसां यीशु मसीह दे चेले न, तां इसा गल्ला ला कोई फर्क नी पोंदा की तुहाड़ा खतना होया है या नी, जड़ी गल्ल मायने रखदी सै ऐ है की असां मसीह पर भरोसा कने परमेश्वरे कने दुज्जे लोकां ताई प्यार रखदे न।

???????? ?? ?????????????????????????????????

7 तुसां तां मसीह सोगी अपने रिशते च अच्छे ने अगगे बदा दे थे, हुण तुसां जो मसीह दी सच्ची शिक्षा पर भरोसा करणे ला कुसी जो भी रोकणा नी देणा चाईदा था। 8 ऐसी झूठी शिक्षा परमेश्वर नी दिन्दा, जिनी तुहांजो अपने बच्चे होणे ताई चुणया है।

9 ऐसी झूठी शिक्षा इयां फेला दी है, जियां की इक कहावत है, “की थोड़ा दिया खमीर पुरे गुनयो आटे जो खमीर करी दिन्दा है।” 10 मैं परमेश्वरे पर भरोसा करदा

है की उनी तुहांजो झूठी शिक्षा पर भरोसा करणे ला बचाई रखणा है। बल्कि तुसां मेरियां शिक्षां जो मनणा है। क्योंकि जड़े तुहाड़े ताई परेशानी खड़ी करदे न सै कोई भी कनी हो परमेश्वरे उसयो सजा देणी।

11 पर हे मसीह भाईयो, मैं ऐ प्रचार करदा है, की खतना जरूरी नी है, कने इसा बजा ने ही यहूदी लोक मिंजो सतादे न, अगर मैं ऐ प्रचार नी करे की उद्धार सिर्फ यीशु मसीह दी सूली ने ही है, तां कुनी भी नराज नी होणा। 12 खरा होंदा, की जड़े तुसां जो झूठी शिक्षा दिन्दे न, सै अपने आपे जो नामर्द बणाई लेंदे।

13 हे मसीह भाईयो, तुहांजो परमेश्वरे दे जरिये अजाद होणे ताई चुणया था, इस ताई सांझो मूसा दी व्यवस्था जो मनणे दी जरूरत नी है। पर अपनी आजादी जो शरीरे दियां इच्छा जो पूरा करणे दा जरिया मत बणा, पर इक दुज्जे ने प्यार कने सेवा करा। 14 क्योंकि सारी व्यवस्था दा निचोड़ इकी ही हुकमे च पुरा होई जांदी है, “तू अपने पड़ोसियां ने अपने सांई प्यार रख।” 15 पर अगर तुसां इकी दुज्जे जो डंगरा सांई मारदे बडदे न, तां तुसां जो ध्यान देणा चाईदा की कुथी तुसां इक दुज्जे दा सत्यानाश नी करी देन।

???????? ?????????????????????????????????

16 पर मैं तुहांजो बोलदा है, की तुहांजो पबित्र आत्मा दी अगुवाई ने जिणे दी जरूरत है, तालू तुसां सै बुरे कम्म नी करणे जिना कम्मा जो तुहाड़ा पापी सभाव कराणा चांदा है। 17 क्योंकि सै कम्म जड़े साड़ा पापी सभाव सांझो ला करबाणा चांदा है, ऐ सेई चीजां न जड़ी पबित्र आत्मा नी चांहदी की असां नी करन, क्योंकि ऐ दोनों इक दुज्जे दे दुश्मण न; इस ताई हमेशा उना खरे कम्मा जो नी करी सकदे जड़े असां करबाणा चांदे न। 18 कने अगर तुसां पबित्र आत्मा दी अगुवाई ला जिन्दगी जिन्दे न, तां तुसां मूसा दिया व्यवस्था दे गुलाम नी न।

19 तुसां दिखी सकदे न की पापी सभाव क्या-क्या करदा है, मतलब की व्यभिचार, गंदे कम्म, लुचापन। 20 मूर्तिपूजा, टूणा, बैर, लड़ाई, जलन, गुस्सा, बिरोध, फूट, अधर्म। 21 डाह, नशे च मतवाले होणा, ऐश मस्ती, कने ऐसे होर भी बड़े कम्म करदे न, इना कम्मा दे बारे च मैं चिताबनी दे दा है जियां मैं पेहले भी तुहांजो दिती थी, की ऐसे कम्मा करणे बालयां जो परमेश्वरे दे राज्य दे वारिस नी होणे।

22 सै गुण जड़े परमेश्वरे दी आत्मा दे जरिये पैदा होंदे न, सै न प्यार, खुशी, शांती, सबर, कने दया, भलाई, दुज्जयां ताई भरोसेमंद, 23 दीनता, कने संयम; ऐसे व्यवहार पर रोक लाणे ताई कोई भी व्यवस्था नी है।

24 सै लोक जड़े यीशु मसीह ने रिशता रखदे न, उना अपणी पाप भरी जिन्दगिया दियां बुरियां इच्छां जो सूली पर चढ़ाई दितया है। 25 क्योंकि परमेश्वरे दिया पबित्र आत्मा सांझो इक नोई जिन्दगी दितियो है, इस तांई सांझो पबित्र आत्मा दी अगुवाई ने जिणा चाईदा।

26 सांझो घमंड नी करणा चाईदा, कने इक दुज्जे ला जलन नी करणी चाइदी।

6

?? ???? ? ? ???? ? ? ?

1 हे मसीह भाईयो, अगर कुनी माणुए कोई पाप किता है, तां तुसां जड़े पबित्र आत्मा दी अगुवाई ने चलदे न, उसयो प्यारे ने सही रस्ते पर बापस लोणे तांई उदी सहायता करा, ध्यान रखा की कुथी तुसां अपु ही उस पाप च ना पेई जान। 2 मुशकिलां दा सामणा करदे बकत इक दुज्जे दी सहायता करा। इयां करिरी तुसां मसीह दी व्यवस्था जो मंदे न।

3 अगर तुहांजो लगदा है कुसी दी सहायता करणे तांई तुसां बड़े जरूरी न तां तुसां सिर्फ अपणे आप जो मुख बणा दे न। तुसां इतणे भी जरूरी नी न। 4 पर हर इक माणु अपणे कम्मा जो परखे की क्या सै खरे न, अगर खरे न तां अपणे कम्मा पर घमंड करी सकदा है। पर उसयो अपणे कम्मा दी तुलना दुज्जे लोकां दे कम्मे सोगी नी करणी चाइदी। 5 सांझो चे हर इक जणा अपणे कम्मा दा अपु जिम्मेवार है।

???? ???? ???? ???? ?

6 ए जरूरी हे की जड़े लोक परमेश्वरे दे बचन जो सिखांदे न, उना दे लोकां जो उना ला खांणे कने पैसे दी सहायता मिलणी चाइदी। 7 अपणे आप जो धोखा मत दिया, कोई भी कदी भी परमेश्वरे जो धोखा नी देई सकदा है क्योंकि माणु जड़ा रांदा है सेई बडदा है।

8 क्योंकि अगर कोई माणु सै करदा है जड़ा उदा पापी सभाव चांदा है, उसयो हमेशा दी मौत मिलणी है पर जड़ा माणु पबित्र आत्मा दी इच्छा जो पूरा करदा है, उसयो पबित्र आत्मा हमेशा दी जिन्दगी देणी।

9 असां खरे कम्म करणे च हिम्मत ना छडन, क्योंकि अगर असां कदी हार नी मनगे, तां परमेश्वरे अपणे बकते पर सांझो इनाम देणा। 10 इस तांई जालू भी सांझो मोका मिल्ले सारे लोकां सोगी भलाई करणी चाइदी; खासकर विश्वासी भाई बेहणा सोगी।

???? ???? ???? ???? ?

11 ध्यान दिया की कियां बड्डे-बड्डे अखरां च मैं तुहांजो अपणे हथां ला ए लिखया है। 12 इस तांई की यहूदी तुहांजो अपनाई लेन, सै तुहांजो खतना करबाणे तांई बोलदे न, सै ऐसा इस तांई करदे न ताकि लोक

उना जो ए प्रचार करणे दिया बजा ने तंग ना करन की परमेश्वर लोकां जो सिर्फ इस तांई बचांदा है क्योंकि सै भरोसा करदे न की मसीह सूली पर मरया। 13 क्योंकि ऐथू दीकर की यहूदी विश्वासी भी मूसा दी व्यवस्था जो नी मंदे, पर सै चांदे न की तुहाड़ा खतना होए ताकि सै दुज्जे यहूदियां सामणे घमंड ने ए बोली सकन की तुहाड़ा खतना उना दिया बजा ने होया है।

14 अगर मैं घमंड करदा तां मैं इसा गल्ला पर घमंड करदा की साड़ा प्रभु यीशु मसीह साड़े तांई सूली पर मरया। जड़ा कुछ भी उनी कितया है, उदी बजा ने संसार दियां कुसी भी चिजा दा बश नी रिया, कने मिंजो च हुण धरती दे कम्मा जो करणे दी कोई इच्छा नी है।

15 क्योंकि ना खतना, कने ना जिसदा खतना नी होया कुछ मायने रखदे न, जरूरी ए की क्या असां इक नोई सृष्टि च बदलुयो न। 16 परमेश्वर उना सारे लोकां पर दया करे कने अपणी शांति दे, जड़े इस नियम जो मंदे न, कने उना जो आशीष देंगी क्योंकि सै परमेश्वर दे चुणयो लोक न।

17 अगगे जो मिंजो कोई दुख ना दे, क्योंकि मेरे शरीरे च जड़े दाग न सै दसदे न की मैं यीशु दा सच्चा सेवक है।

18 हे मसीह भाईयो, मैं प्राथना करदा है की साड़े प्रभु यीशु मसीह दा अनुग्रह हमेशा तुसां सबना पर होंदारे। आमीन।

महिमामय आशीषां जो समझी सकन जिसदा वायदा परमेश्वरे अपणे लोकां ने कितया था।

19 मैं चांदा है की तुसां उदी महानता कने उदी शक्तिया दे बारे च जाणी सका, जड़ी परमेश्वरे बाल साड़े ताई है जड़े यीशु मसीह पर भरोसा रखदे न। ऐ सेई महान शक्ति है। 20 जिनी मसीह जो मरयां चे जिन्दा किता कने स्वर्गीय जगा च सजे कने आदर बालिया जगा च बठाया। 21 ओथु परमेश्वरे उसयो हर तरा दी प्रधानता, हक कने शक्ति, कने प्रभुता, कने उदी उपादी हर इक अधिकारिये दिया उपादिया ला उपर है, जड़ी ना सिर्फ इस लोक च पर ओणे बाले लोक च भी उपर ही रेणी।

22 कने परमेश्वरे इना सारियां चीजां जो यीशु मसीह दी शक्ति दे अधीन करी दिता कने ऐ सेई है जिसयो परमेश्वरे सारे भरोसा करणे बालयां पर अगुवा बणाई दिता। 23 असां भरोसा करणे बाले मसीह दे शरीरे दे अंगा सांई न, कने मसीह साड़े बिच पूरी शक्ति दा इस्तेमाल करदा है, जियां सै अपणी शक्तिया दा इस्तेमाल पूरी दुनिया च करदा है।

2

???? ? ? ? ? ? ? ? ? ? ?

1 जालू तुहाड़े बाल परमेश्वरे दिया तरफा ला नोई जिन्दगी नी थी, तालू तुसां बुरे कम्मा कने पापां दिया बजा ने मरयो लोकां सांई थे। 2 उस बकत तुसां संसारे दे लोकां सांई चलदे थे, जड़े परमेश्वरे जो नी जाणदे थे कने तुसां शैताने दे हुकमा जो मंदे थे, मतलब की उस प्रधान दा जड़ा अम्बरे च बुरियां आत्मा पर शाशन करदा है, जड़ा हुण भी उना लोकां दे मने च कम्म करा दा जड़े परमेश्वरे दे हुकमा जो नी मंदे। 3 असां भी उना सांई ही जिन्दे थे कने अपणे पापी सभाव दियां इच्छा जो पूरा करदे थे कने जड़ियां भी साड़े शरीरे दियां इच्छां कने बुरे बिचार सांझो ला करबाणा चांदे थे, असां सेई करदे थे कने बाकी सारयां सांई असां भी बुरे थे कने परमेश्वरे दी सजा दे अधीन थे।

4 पर परमेश्वर बड़ा दयालु है। अपणे उस बड़े प्यार दिया बजा ने जिसने उनी सांझो ने प्यार किता; 5 जालू असां मसीह पर भरोसा नी कितया था, तालू असां बुरे कम्मा कने पापां दिया बजा ने मरयो लोकां सांई थे। तालू परमेश्वरे सांझो जिन्दगी दिती जालू उनी मसीह जो मरयां चे जिन्दा किता; परमेश्वरे दे अनुग्रह ने ही तुहाड़ा उद्धार होया है। 6 क्योंकि यीशु मसीह सोगी जुड़े होणे दिया बजा ने, परमेश्वरे सांझो मरयां चे जिन्दा किता, कने सांझो स्वर्गीय जगां च मसीह सोगी बेठाया। 7 परमेश्वरे ऐसा इस ताई किता ताकि ओणे बाले दिना च

संसारे दे लोकां जो दस्सी सके की उदा अनुग्रह कितणा महान है, उस कम्मे दिया बजा ने जड़ा यीशु मसीह साड़े ताई किता है।

8 क्योंकि जालू तुसां भरोसा किता तां परमेश्वरे अपणे अनुग्रह ने तुहांजो बचाई लिया है, कने तुसां अपणे आप जो नी बचाया पर ऐ परमेश्वरे दा दान है; 9 कने ना ही तुहाड़े किते भले कम्मा दिया बजा ने है कने इस ताई तुहाड़े बाल घमंड करणे दी कोई बजा नी है। 10 क्योंकि सांझो परमेश्वरे नोए लोकां दे रूप च बणाया है ताकि असां यीशु मसीह दे उना भले कम्मा जो करन जिना जो परमेश्वरे पेहले ला साड़े ताई तैयार कितया है।

???? ? ? ? ?

11 इसा बजा ने याद रखा, की तुसां होर जातियां दे रूप च पैदा होयो न, कने यहूदी लोक तुहांजो ऐ बोली करी मजाक उड़ाया की तुसां खतना नी करबांदे न कने असां करबांदे न। पर उना दा ऐ रिबाज सिर्फ उना दे शरीरां करदे न। 12 तुसां लोक उस बकत यीशु मसीह जो नी जाणदे न कने परमेश्वरे दे चुणयो होयो इस्राएली लोकां च शामिल नी थे कने तुसां उना चीजां दे हिस्सेदार नी थे, जिना दा वायदा परमेश्वरे यहूदियां ने कितया था, कने तुहाड़े बाल कोई आस नी थी कने इस संसारे च बिना परमेश्वर दे रेंदे थे।

13 पर हुण तुसां मसीह सोगी इक न कने यीशु मसीह च उदे खून बहाणे दे जरिये नेड़े आयो न।

14 क्योंकि यीशु मसीह दिया बजा ने साड़े बिच शांति होई। पेहले ऐसा जियां इकी दिबारा यहूदियां कने होर जातियां जो लग करी दितया था। सै इक दुज्जे ला नफरत करदे थे, पर हुण मसीहे उसा दिबारा जो डाई दितया है कने यहूदियां कने होर जातियां जो इक करी दितया है। 15 अपणी मौत दे जरिये उनी मूसा दी व्यवस्था दे सारे नियमा कने रिबाजां जो खत्म करी दिता है ताकि सै यहूदियां कने होर जातियां दे बिच शांति करी सके ताकि इक नोआ झुण्ड बणाई सके, 16 कने अपणी मौत दे जरिये मसीहे यहूदियां कने होर जातियां जो इक करी दिता कने उना जो परमेश्वरे मिलाई दिता, इयां करिके इना दोनो जातियां दिया नफरता जो खत्म करी दिता।

17 कने मसीहे आई करी होर जातियां जो जड़े परमेश्वरे ला दूर थे, कने यहूदियां जो जड़े उदे नेड़े थे, उना जो मेल जोल दा शुभसमाचार सुणाया। 18 यीशु मसीह दिया बजा ने ही असां सारे इक ही पबित्तर आत्मा ने पिता परमेश्वरे बाल आई सकदे न।

दुज्जे ने मिली झूली करी रेन, क्योंकि तुसां परमेश्वरे दिया आत्मा जरिये इक कितयो न।

4 असां सारे विश्वासी इक ही शरीरे दे अंगा सांई न, कने असां सारयां जो इक ही पबित्र आत्मा मिलया है। जियां तुहांजो इक आस दिती थी, जालू तुहांजो परमेश्वरे दे लोक बणने तांई चुणया था। 5 असां सबना दा इक ही प्रभु है, असां सिर्फ यीशु मसीह पर ही भरोसा करदे न, असां सारयां जो इक ही बपतिस्मा मिलया है, 6 कने इक ही परमेश्वर है जड़ा सब लोकां दा पिता है, सै असां सारयां पर राज करदा है, सै असां सारयां दे जरिये कम्म करदा है, कने सै असां सारयां च रेंदा है।

7 पर मसीहे सांझो चे हर इकी जो उदे माफ दे अनुसार या उदारता दे कम्म करणे तांई लग-लग कने खास काबलियतां दितियां न। 8 इस तांई पबित्र शास्त्र च लिखया है, “सै उचिया जगा च चढ़या, कने सै अपणे सोगी केई कैदियां जो लेई गया, कने माणुए जो दान दिते।”

9 जालू पबित्र शास्त्र बोलदा है की, सै उचिया जगा च चढ़या, इदा मतलब सिर्फ ऐ है की, सै धरतिया दे सबते निचलिया जगां च उतरया भी था। 10 इस तांई मसीह जड़ा थले आया, कने सै सेई है जड़ा स्वर्ग च सबना ला उच्ची जगा पर जाई करी बेई गया। ताकि सै हर जगा होई सके।

11 ऐ मसीह था जिनी ऐ जिम्मेदारी कलीसिया जो दिती: उनी थोड़यां जो प्रेरित बनाया, कने केईयां जो परमेश्वरे दा संदेश देणेबाला बनाया, कने केईयां जो शुभसमाचार सुणाने बाला, कने केईयां जो रखबाला, कने शिक्षक बनाया। 12 इना दी जिम्मेबारी ऐ है, की सै परमेश्वरे दे लोकां जो उदा कम्म करणे तांई तैयार करन कने मसीह दा शरीर जड़ा विश्वासियां दी मंडली है, सै मजबुतिया ला बददी जाए। 13 ऐ तालू दीकर होंदा रेणा जालू दीकर की असां अपणे भरोसे कने परमेश्वरे दे पुत्रे दे बारे च अपणी समझ च इक होई जादे न। तालू असां काबिल होई जाणा, जियां की मसीह है कने असां पूरी तरा ने उदे सांई होई जाणा।

14 ताकि असां हुण बचयां सांई नी रेन, हुण असां उना किस्तियां सांई नी होन जिना जो लेहरां अगगे पिच्छे धकेलदियां कने जिस पासे होआ चलदी उस पासे चली पोंदिया न। इदा मतलब है की सांझो धोखेबाज लोकां दी उना झूठी शिक्षा च नी फसणा चाईदा, जड़ियां सच्च लगदियां न। 15 पर प्यारे ने सच्च बोली करी कने सांझो हर तरहा ने काबिल होणा चाईदा ताकि असां मसीह सांई होई जान, जड़ा अपणा शरीर दा, मतलब की कलीसिया दा सर है। 16 असां सारे जड़े मसीह पर भरोसा करदे न, उदे शरीरे दे अंगा सांई न। जियां इक माणुए दा शरीर

उदे सारे जोड़ा ने इक सोगी जुड़ी करी रेंदा है, कने जालू शरीरे दा हर इक अंग ठीक तरीके ने कम्म करदा है तां शरीर बडूदां कने मजबूत होंदा है; तियां ही जालू सांझो चे हर इक उस कम्मे जो करदा है जड़ा मसीहे सांझो दितया है तां असां मजबूत कने काबिल बणना कने इक दुज्जे ने होर जादा प्यार करणा।

???? ? ???? ?????????

17 इस तांई उस अधिकारे सोगी जड़ा मिंजो प्रभुए दितया है, मैं तुहांजो ऐ दसदा है, की भरोसा नी करणे बाले लोकां सांई, तुसां बेकार बिचारां सोगी अपणी जिन्दगी मत जिया। 18 क्योंकि सै समझणे दे काबिल नी न, कने उना दी नासमझी दिया बजा ने जड़ी उना च है कने सुणने ला मना करणे दिया बजा ने सै उस जिन्दगी ला लग होई गियो न जड़ा परमेश्वर दिन्दा है; 19 क्योंकि उना जो हुण शर्म नी ओंदी, इस तांई उना बुरे कम्म करणे तांई अपु जो बदली लिया है, सै लगातार हर तरा दे बुरे कम्म करदे रेंदे न, कने सै कदी भी इना चीजां जो छडणा नी चांदे न।

20 पर तुसां इस तरा दा व्यवहार करणा नी सिखया जालू तुसां मसीह दे बारे च सिखया। 21 जड़ा कुछ तुसां यीशु मसीह दे बारे च सुणया है कने जड़ा कुछ तुहाड़े गुरुआं तुहांजो सिखाया है, सै पक्का ही उदा सच्चा संदेश है। 22 तुहाड़े गुरुआं तुहांजो उस तरिके जो छडणे दी शिक्षा दिती, जिसदे अनुसार तुसां व्यवहार करदे थे। तुहाड़ियां बुरियां इच्छा तुहांजो धोखा दिता कने तुहाड़ी जिन्दगी खराब करी दिती।

23 हुण तुहांजो परमेश्वरे जो तुहाड़े सोचणे दे तरीके जो बदलना देणा चाईदा, 24 कने परमेश्वरे तुहांजो इक नोआ माणु बनाया है। इस नोए माणुए जो परमेश्वरे सांई बणने तांई बनाया है। मतलब की उसयो असल च धर्मी कने पबित्र होणे तांई बनाया है।

25 इसा बजा ने झूठ बोलणा छडी करी हर इक अपणे साथी विश्वासी ने सच्च बोले, क्योंकि असां सारे इक ही शरीरे दे अंग न। 26 अगर गुस्सा होई जान, तां ध्यान रखा की तुसां पाप ना करन: दिन मुकणे ला पेहले तुसां गुस्सा होणा बंद करी दिया। 27 कने तुसां शैताने जो धोखा देणे दा मौका मत दिया।

28 चोरी करणे बाला फिरी चोरी न करे; पर उसयो अपणे हथां ने इमानदारिया ने कम्म करणा चाईदा, ताकि गरीब लोकां दी सहायता करणे तांई उस बाल कुछ हो। 29 कोई गंदी गल्ल तुहाड़े मुए ला ना निकले, पर उना गल्लां जो बोला जड़ियां लोकां तांई जरूरी न, जड़ियां की उना जो भरोसे च मजबूत करणे च सहायता करन। तालू तुसां जड़ा कुछ भी बोलगे उनी तुहाड़े

सुणने बालयां दा भला करणा । 30 अपणे कम्मा दे जरिये परमेश्वरे दिया पबित्र आत्मा जो दुखी मत करा जड़ा तुहाड़े छुटकारे ताई बयाने दे रूपे च दितया है ।

31 हर तरा दी कड़वाट कने कोप कने गुस्सा, रोष, कने बैरभाव, कने निंदा तुहांजो ला दूर होई जा । 32 इक दुज्जे पर कृपा कने दया करा, कने जियां परमेश्वरे मसीह च तुहाड़े पाप माफ किते, तियां ही तुसां भी इक दुज्जे दे पाप माफ करा ।

5

????? ? ? ? ? ? ?

1 तुसां परमेश्वरे दे प्यारे बच्चे न, इस ताई तुसां उदे साईं बणने दी कोशिश करा । 2 तुहाड़ा सभाव दुज्जयां ताईं प्यार भरया हो जियां यीशु मसीहे तुहांजो ने प्यार किता कने तुहाड़े पापां दी माफी ताईं अपणे आपे जो बलिदान करी दिता । परमेश्वर इस बलिदान ला खुश था, क्योंकि ऐ बलिदान उदे ताईं खुशबु बाले इत्र साईं था ।

3 जदिया की परमेश्वरे दे लोकां ताईं सही है, तियां तुसां भी व्यभिचार, कने कुसी भी तरा दे बुरे कम्म, या लालचे दियां गल्लां दी चर्चा मत करदे । 4 कने ना ही अशलील गल्लां करा, कने ना बेकार गल्लां, कने ना ही अशलील मजाक करा, क्योंकि ऐ गल्लां शोभा नी दिदिया कने सही नी न, पर सिर्फ तुहाड़े मुए ला धन्याबाद ही निकले ।

5 क्योंकि तुसां ऐ अच्छी तरा ने जाणदे न की कुसी व्यभिचारी दी, बुरे या लालची माणुए दी, जड़ा मूर्ति पूजणे बाले साईं है, जड़ा इस संसारे दी चीजां दी अराधना करदा है । इना मसीह कने परमेश्वरे दे राज्य दा हिस्सा नी बणना । 6 उना लोकां दियां गल्लां ने मुख मत बणा जड़े इना पापां जो करणे ताईं बहाने बणाणे दी कोशिश करदे न; क्योंकि इना ही कम्मा दिया बजा ने परमेश्वरे दा गुस्सा हुकम नी मनणे बालयां पर भड़कदा है । 7 इस ताईं तुसां इना पाप भरे कम्मा जो करणे च उना सोगी मत जुड़ा ।

???? ? ? ? ?

8 तुसां अंधरे च रेणेबाले लोकां साईं होंदे थे, पर हुण तुसां लौई च रेणेबाले लोक न, क्योंकि तुसां प्रभु दे लोक न । इस ताईं लौई च रेणेबाले लोकां साईं कम्म करा । 9 क्योंकि अगर कोई माणु लौई च है, तां उदा चाल चलन अच्छा कने धार्मिक होंदा है कने उस पर भरोसा करी सकदे न, 10 कने ऐ सिखणे दी कोशिश करा की प्रभु जो क्या खुश करदा है । 11 कने तुसां इना पाप भरे कम्मा जो करणे च उना सोगी मत जुड़ा, बल्कि लोकां जो दस्सा की ऐ कम्म बुरे न । 12 क्योंकि अविश्वासी लोकां दे गुप्त कम्मा दी चर्चा भी सरमा दी गल्ल है ।

13 पर जालू कुसी चिजा पर लौ चमकदी है तां हर कोई दिखी सकदा है, की सै चीज कदेई है क्योंकि जालू कुसी चिजा पर सै पोंदी है, तां चीज खुद लौ बणी जांदी है ।

14 इसा बजा ने लोक बोलदे न, “हे सोंणे बालयो जागी जा कने मरयां ला जिन्दे होई जा; मसीह तुहांजो पर लौ चमकाणी ।”

???? ? ? ? ? ?

15 इस ताईं ध्याने ने दिखदे रिया की तुसां कदेई जिन्दगी जी दे न । बेअकलयां साईं नी पर ज्ञानिया साईं जिन्दगी जिया । 16 कने भलाई करणे दे हर इक मौके दा अकला ने इस्तेमाल करा क्योंकि दिन बुरे न । 17 इस बजा ने अज्ञानी मत बणा, पर ध्याने ने समझा की प्रभु तुहांजो ला क्या करवाणा चांदा है ।

18 कने शराब पी करी मतबाले मत बणी रिया, क्योंकि इसला लोक असभ्य कने दुज्जयां ने बुरा व्यवहार करदे न, पर पबित्र आत्मा जो अपणे आप पर काबू करणा दिया, 19 अगर तुसां पबित्र आत्मा दे काबू च न, तां तुसां इयां ही करणा; जालू तुसां अपु चे गिठे होंगे तां भजन कने स्तुति करा कने उना होर गाणयां जो गा जड़ा पबित्र आत्मा तुहांजो दिन्दा है । 20 कने जड़ा कुछ साड़े प्रभु यीशु मसीहे किता उदी बजा ने हमेशा सारियां गल्लां ताईं साड़े पिता परमेश्वर दा धन्याबाद करदे रिया ।

21 असां मसीह ताईं श्रदा कने भक्ति रखणे दिया बजा ने इक दुज्जे दे अधीन रिया ।

???? ? ? ? ? ?

22 हे घरे बालियों, अपणे-अपणे घरे बालयां दे अधीन रिया, जियां तुसां प्रभु दे अधीन रेंदियां न । 23 क्योंकि घरेबाला तां घरे बालिया दा सिर है, जियां की मसीह कलीसिया दा सिर है; मसीह कलीसिया दा उद्धारकर्ता है, जड़ी उदा अपना शरीर है । 24 जियां कलीसिया मसीह दे अधीन न, तियां ही घरे बालियां भी हर गल्लां च अपणे-अपणे पति दे अधीन रेंन ।

25 हे पतियो, अपणिया-अपणिया घरे बालिया ने प्यार रखा, जियां मसीहे कलीसिया ने प्यार करिके साड़े ताईं अपनी जिन्दगी देई दिती । 26 ताकि उदा बचन कलीसिया दे लोकां पर प्रगट होईकरी उना जो पाप ला शुद्ध करे, जियां कोई माणु कुसी जिचा जो धोई करी शुद्ध करदा है; 27 सै अपणे लोकां ताईं मरी गया ताकि सै अपणे लोकां जो सिद्ध बणाईं सके, कने सै सांझो अपनी ऐसी महिमामय कलीसिया बणाईं करी पेश करी सके, जिना च कोई दोष या पाप या होर कोई बुरी गल्ल नी होणी बल्कि सै पबित्र कने सिद्ध होणे ।

28 इयां होणा चाईंदा, की पति अपणिया-अपणिया घरे बालिया ने अपणे शरीरे साईं प्यार करे, जड़ा

कने क्या करा दा है। ²² उसयो मैं तुहाड़े बाल इस तांई भेजया हे, की तुसां साड़िया हालता जो जाणन, कने सै तुहांजो उत्साहित करी सके।

²³ मैं प्राथना करदा है की पिता परमेश्वर कने प्रभु यीशु मसीह तुसां भरोसा करणे बालयां जो शांति दे, ताकि इसा बजा ने तुसां इक दुज्जे ने प्यार करन कने लगातार प्रभु यीशु मसीह पर भरोसा करन। ²⁴ परमेश्वर तुसां सारयां पर अनुग्रह करे जड़े उस प्यार ने प्रभु यीशु मसीह जो प्यार करदे न जड़ा प्यार कदी खत्म नी होदा।

फिलिप्पियां दे ना प्रेरित पौलुस दी चिट्ठी

????????

फिलिप्पियों दे भरोसा करणे बालयां च आनंद कने धन्यवाद उमड़ता है। पौलुसे फिलिप्पी दिया कलीसिया जो लिखया कि उना दिया भेंट ताई उना जो धन्यवाद। उनी खुशिया दा समाचार दिता कि इफरुदितुस, जड़ा पौलुस ताई उना दी भेंट लेई आया था, सै अपणिया बिमारिया ला चंगा होया था कने फिलिप्पी शेहरे जो बापस ओआ दा था। पौलुसे बोलया कि उनी कोई भी हालातां च संतुष्ट रेणे दा रहस्य सिखया है, कने उनी जेला च अपणे हालातां दे बारे च दसया। उनी खुशी जाहिर किती कि मते लोक मसीह दे बारे च सुणा दे थे, भले ही कुछ बुरे मकसदां सोगी शुभसमाचार दा प्रचार करा दे थे। फिलिप्पी च मसीहियां सोगी एकजुट होणे ताई इच्छा करा दा था, उनी उना जो यीशुए सांई सेवक बणने दी चुनौती दिती, जालू यीशुए “खुद को शून्य बनाया” कने उनी अपणे ईश्वरीय स्वभावे दे अधिकारे जो पकड़ी रखणे दे बजाए माणुए दा रूप धारण किता (अध्याय 2:1-11) पौलुसे इसा चिटिया जो तालू लिखया जालू सै जेला च था, संभवतः रोम च ई स 60 च।

रूप रेखा

अभिवादन कने प्रार्थना 1:1-11

पौलुसे दिया जिन्दगिया दा क्या मतलब है 1:12-30

मसीह दी सच्ची विनम्रता दा उदाहरण 2:1-18

पौलुस दे मित्त्रां दे बारे च समाचार 2:19-30

परमेश्वरे ताई स्वीकार्य होणे दे नाते 3:1-4:9

पौलुस फिलिप्पियां जो धन्यवाद बोलदे न 4:10-20

आखरी अभिवादन 4:21-23

1 मैं पौलुस तीमुथियुस सोगी ऐ चिट्ठी लिखा दा है कने असां यीशु मसीह दे सेवक न। मैं ऐ चिट्ठी फिलिप्पी शेहरे च रेणे बाली कलीसिया दे अगुवां जो कने सेवकां समेत परमेश्वर दे पबित्त्र लोकां ताई लिखा दा है। 2 मैं ऐ प्रार्थना करदा है कि, साड़े पिता परमेश्वर कने प्रभु यीशु मसीह दी तरफा ला तुहांजो अनुग्रह कने शांति मिलदी रे।

???????? ? ? ? ? ? ? ? ? ? ? ? ? ? ? ? ? ? ?

3-5 पेहले दिने ला तुसां यीशु मसीह दे शुभसमाचार पर भरोसा किता, कने शुभसमाचार जो फेलाणे च साड़े हिस्सेदार रे। इसा बजा ला मैं जालू भी तुहाड़े बारे च

सोचदा है, तां परमेश्वरे दा धन्यवाद करदा है, कने मैं खुशिया सोगी तुहाड़े सारयां ताई उदी सहायता ताई प्रार्थना करदा है। 6 मिंजो इसा गल्ला दा भरोसा है की परमेश्वरे तुसां च खरा कम्म शुरू कितया है, उनी यीशु मसीह दे दुबारा मुड़ी ओणे दीकर उसयो पूरा भी करणा।

7 ठीक है कि मैं तुसां सारयां ताई ऐसा ही बिचार करे, क्योंकि मेरे मने च तुहाड़े ताई खास जगा है, क्योंकि जालू मैं केद च है, ऐ शुभसमाचार दी सच्चाईया ला जबाब देणे ताई तुसां मेरे सोगी परमेश्वर दे अनुग्रह च साथी न। 8 इदे च परमेश्वर मेरा गबाह है कि मैं यीशु मसीह सांई प्यार करिरी तुसां सारयां जो मिलणे दी इच्छा करदा है।

9 मैं ऐ प्रार्थना करदा है, की तुसां पूरी समझ कने ज्ञान ला इक दुज्जे सोगी लगातार प्यार च बददे जा, 10 इस ताई की तुसां जड़ियां खरियां गल्लां न उना जो अपनाई करी योग्य बणी जा, ताकि मसीह दे मुड़ी ओणे दीकर सच्चे कने निर्दोष बणी रेई सकन। 11 कने मसीह यीशु दे जरिये पैदा होणे बाले धार्मिकता दे कम्मा ला अपणे जो भरी लिया, जिसला परमेश्वरे दी महिमा कने स्तुति होंदी रे।

???????? ? ? ? ? ? ? ? ? ? ? ? ? ? ? ? ? ? ?

12 है मसीह भाईयो, मैं चांदा है, की तुसां सारे भी ऐ जाणी लिया जड़ा मिंजो पर बितया है, उसने मतयां लोकां शुभसमाचारे पर भरोसा किता है। 13 ऐथू दीकर की महाराजा कैसरे दे राज्य दी सारी सेना कने बाकी सारे लोकां जो भी ऐ पता चली गया कि मैं मसीह दे शुभसमाचार ताई जेला च है। 14 कने हुण मेरे केद च होणे दिया बजा ला, प्रभु यीशु च जड़े भाई न, उना चे केई पुरे भरोसे सोगी परमेश्वरे दा बचन बिना कुसी डरे दे कने हिम्मत ला सुणा दे न।

15 कुछ लोक तां जलन कने लड़ाईया दिया बजा ला मसीह दा प्रचार करदे न कने कुछ भली सोच ला प्रचार करणे च मेरी सहायता करदे न। 16 जड़े भली सोचा सोगी प्रचार करदे न, सै ऐ इस ताई करदे न क्योंकि सै मिंजो सोगी प्यार करदे न कने सै जाणदे न कि मैं शुभसमाचारे दे जबाब देणे ताई जेला च रखया है। 17 पर जड़े लोक जलन रखदे न, सै अपणी मतलबी इच्छा दिया बजा ला मसीह दा प्रचार करदे न पर इमानदारिया ला नी करदे, ऐ समझीकरी की सै जेला च मेरी परेशानियां जो बधाई सकन।

18 ताँ क्या होया? बस इतणा ही, की हर तरीके ला चाऐ झुठिया बजा ला चाऐ सच्चाईया ला, मसीह दा

है, ताकि मैं स्वर्ग जाणे दा इनाम पाई सके, जिदे ताई परमेश्वरे मिंजो प्रभु यीशु दे जरिये स्वर्ग जो सदया है।

15 इस ताई असां चे जितणे भी आत्मिक रुपे च समझदार न, सै सारे इक मन रखन, कने अगर कुसी गल्ला च तुहाड़ा होर ही बिचार हो, तां परमेश्वरे उसयो भी तुहांजो पर प्रगट करी देणा। 16 इस ताई जिथू दीकर परमेश्वरे सांझो पर सच्चाई जो प्रगट कितया है, उसी दे अनुसार ही सांझो चलणा भी चाईदा।

17 हे मसीह भाईयो, तुसां मेरे साई व्यवहार करा कने उना लोकां पर ध्यान दिया जड़े मेरे साई व्यवहार करदे न, कने जदिया व्यवहार तुसां सांझो करदे दिखया जालू असां तुहाड़े सोगी थे। 18 क्योंकि मते न जिना दे बारे च मैं पेहले भी अच्छे ने दसया है, कने हुण भी रोई-रोई करी दस्सा दा है, की ऐथू केई लोक न जड़े ऐसी जिन्दगी जिन्दे न, जिसने पता चलदा है की सै मसीह दी सूली पर मौत दे खिलाफ न। 19 नाश होणा ही उना दा अंत है, सै शरीरे दियां इच्छा जो पूरा करणे ताई जिन्दे न, कने अपणे शर्मनाक कम्मा पर घमंड करदे न कने हमेशा संसारे दियां चीजां दे बारे च सोचदे रेंदे न।

20 पर असां स्वर्ग दे निबासी न, कने असां अपणे उद्धारकर्ता प्रभु यीशु मसीह दी स्वर्ग ला वापस ओणे दा इंतजार करा दे न। 21 यीशु मसीह अपणिया उसा शक्तिया ने, हर इक चीजा जो अपणे बसे च कितया है, कने साड़े कमजोर, संसारिक शरीरे दा रूप बदली कर, अपणी महिमा दे शरीरे साई बणाई देणा है।

4

????????????????

1 इस ताई हे मेरे प्यारे मसीह भाईयो, मिंजो तुसां लोकां ने मिलणे दी बड़ी इच्छा है। तुसां, जड़े मेरी खुशी कने मुकुट न, प्रभु च लगातार टिकी रिया।

2 मैं यहूदिया कने सुन्तुखे दोनों बेहणा ला विनती करदा है, की प्रभु च इकी दुज्जे ला मिली जुली करी रिया। 3 हे सच्चे साथी सुन्तुखे, मैं तितो ला भी विनती करदा है, कि तू उना जनानिया दी सहायता कर की सै मेल मिलाप करी लेन, क्योंकि उना मेरे सोगी शुभसमाचार प्रचार करणे च, क्लेमेंस कने मेरे उना होर साथियां सोगी बड़ी मेहनत किती, जिना दे ना जिन्दगी दी कताबां च लिखयो न।

4 प्रभु च हमेशा खुश रिया; मैं फिरी बोलदा है, खुश रिया। 5 सारे लोक तुहाड़े कोमल सभाव जो जाणी सकन। प्रभु यीशु दा ओणा नेड़े है। 6 कुसी भी गल्ला दी चिंता मत करा; पर हर इक हालात च तुहाड़े निवेदन, प्राथना कने विनतिया दे जरिये धन्यावाद सोगी परमेश्वरे सामणे रखे जान। 7 तालू परमेश्वरे दी

शांति, जड़ी माणुआं दी समझा ला परे है, तुहाड़े दिले कने तुहाड़े बिचारां जो मसीह यीशु च संभाली करी रखगी।

8 इस ताई हे मसीह भाईयो, अंत च, जड़ियां-जड़ियां गल्लां सच्च न, कने जड़ियां-जड़ियां गल्लां आदरणीय न, कने जड़ियां-जड़ियां गल्लां धर्मी न, कने जड़ियां-जड़ियां गल्लां पबित्तर न, कने जड़ियां-जड़ियां सुंदर न, कने जड़ियां-जड़ियां गल्लां प्रशंशा दे काबिल न, जड़ियां-जड़ियां गल्लां उत्तम कने आदर दियां गल्लां न, उना पर ही तुहाड़ा मन लगी रे। 9 जड़ियां गल्लां तुस्सां मिंजो ला सिखियां, कने ग्रहण कितियां, कने सुणियां, कने मिंजो च दिखियां उना दा ही पालन करा, तां शांति दे परमेश्वरे तुसां लोकां सोगी रेणा।

????????????????

10 मैं प्रभु च बड़ा खुश है, की हुण तुहांजो इतणे दिना बाद मिंजो पैसे भेजणे दे बारे च फिरी बिचार आया है; पक्का तुहांजो शुरू च भी इदा बिचार था, पर तुहांजो मौका नी मिल्ला। 11 ऐ नी की मिंजो कुसी जरूरत दिया चिजा दी कमी है क्योंकि मैं हर तरा दे हालतां च खुश रेणा सिखया है। 12 मैं बड़े थोड़े च भी जीणा जाणदा है, कने जरूरत ला जादा च भी रेणा जाणदा है; हर इक गल्ला च कने सारे हालतां च मैं रजणा कने जालू मेरे बाल खाणे ताई बड़ा कुछ होंदा है, कने जालू मेरे खाणे ताई बड़ा घट होंदा है, तां मैं दोनों हालतां च रेणा सीखी लिया है। 13 मसीह दे जरिये, जड़ा मिंजो शक्ति दिन्दा है, उदे च मैं सब कुछ करी सकदा है।

14 तमी तुसां खरा किता कि मेरे इना मुश्किलां दे दिना च पैसे भेजी करी मेरी सहायता किती कने मेरे उना दुखां च मेरे साथी होए। 15 हे फिलिप्पी शहर दे लोको, तुसां तां अपु ही जाणदे न जालू मैं तुहांजो यीशु मसीह दा शुभसमाचार सुणाया था कने जालू मैं तुहाड़ी जगा ला मकिदुनिया प्रदेश जो गया, तालू तुहांजो छडी होर कुनी भी कलीसिया च लेणे-देणे दे बारे च मेरी सहायता नी किती। 16 इयां ही जालू मैं थिस्सलुनीके शहर च था, तालू भी तुसां मेरी सहायता जो पूरा करणे ताई इक बरी नही पर दो बरी मिंजो पैसे भेजे थे। 17 मैं ऐ इस ताई नी बोलदा की मैं पैसा चांदा है की इसयो उना अच्छी चिजां दी सूची च शामिल करा, जिना जो तुसां पेहले ही करी बैठयो न, कने जिस ताई परमेश्वरे तुहांजो इनाम देणा।

18 मेरे बाल सब कुछ है, कने बड़ा जादा भी है; जड़ियां चीजां तुसां इपफरदितुस दे हथे ला भेजियां थियां उना जो पाई करी मैं रजी गया है, ऐ इक तोफे साई है, जिदे च मिठी खुशबु ओआ दी है, जिसयो सै ग्रहण करदा है कने ऐ परमेश्वर जो खुश करदा है।

19 मेरा परमेश्वर भी उस धने दे अनुसार जड़ा महिमा सोगी यीशु मसीह च है, तुहाड़ी हर इक घाटे जो पूरा करगा। 20 साड़े पिता परमेश्वरे दी महिमा युगां-यूगां दीकर होदी रे। आमीन।

????? ????????

21 यीशु मसीह च सारे पबित्त्र लोकां जो मेरा नमस्कार बोला। जड़े मसीह भाई मेरे सोगी न, तुहांजो नमस्कार बोलदे न। 22 सारे पबित्त्र लोक, खासकर जड़े महाराजा कैसरे दे घराने दे न, तुहांजो नमस्ते करदे न।

23 मैं प्राथना करदा है की साड़े प्रभु यीशु मसीह दा अनुग्रह हमेशा तुसां सारयां सोगी रे।

कुलुस्सियां दे ना प्रेरित पौलुस दी चिट्ठी

????????

पौलुसे कुलुस्सि च कलीसिया जो झूठे गुरुआं दे खिलाफ मजबूत करणे ताई लिखया, जड़े शायद खाणे कने पीणे कने धार्मिक त्योहारों दे बारे च सख्त नियम लागू करणे दी कोशिश करदे थे। पौलुस सारे पबित्र शास्त्र कने परंपराओं ला उपर मसीह जो श्रेष्ठ दर्शादां है। सै मसीह दी ईश्वरता दे बारे च लिखदे न, “सै अणदिखयो परमेश्वरे दी छाप है, जड़ी सारिया सृष्टि दे पहले न” (अध्याय 1:15) कने उनी अपणे खूने ला मेल-मिलाप किता। सै साफ करदा है कि इसा दुनिया च रेणे दा सही तरिका संसारिक चीजां दे बजाए स्वर्गीय गल्लां पर ध्यान देणा है। परमेश्वरे दे चुणयो लोकां जो अपणे पापी जिन्दगी जो पिच्छे छुडणा चाईदा कने इक धर्मी तरीके ला जीणा चाईदा, मसीह जो कलीसिया दे सिरे दे रूपे च दिखणा चाईदा (अध्याय 1:18)। पौलुसे इसा चिटिया जो जेला च रेंदे होए लिखया, शायद उसी बकते दे दौरान जालू उनी इफिसियों जो लिखया था।

रूप रेखा

अभिवादन 1:1-2

धन्यवाद दी प्रार्थना 1:3-8

व्यक्ति कने मसीह दा कम्म 1:9-2:19

मसीह सोगी नोई जिन्दगी 2:20-4:6

आखरी अभिवादन 4:7-18

????????

1 में, पौलुस ऐ चिट्ठी लिखा दा है, जड़ा परमेश्वरे दी इच्छा ने चुणया होया यीशु मसीह दा प्रेरित है कने मसीह भाई तीमुथियुस दिया तरफा ला, 2 मसीह च उना पबित्र कने भरोसे दे काबिल मसीह भाईयां दे ना जड़े कुलुस्से शहर च रेंदे न। साड़े पिता परमेश्वरे दिया तरफा ला तुसां सारयां जो अनुग्रह कने शांति मिलदी रे।

????????

3 जालू असां तुहाड़े ताई प्रार्थना करदे न, असां अपणे प्रभु यीशु मसीह दे पिता मतलब की परमेश्वरे दा धन्यवाद करदे न।

4 क्योंकि असां सुणाया है, की यीशु मसीह पर तुहाड़ा भरोसा है, कने सारयां पबित्र लोकां ला प्यार करदे न; 5 क्योंकि तुसां उम्मीदा दिया बजा ला ऐसा करदे न, जड़ी परमेश्वरे स्वर्ग च तुहाड़े ताई रखया है। जिदे बारे च तुसां पेहले ही सुणी बैठयो न जालू लोक पैली बरी

तुहाड़े बाल आये कने तुहांजो यीशु मसीह दे बारे च शुभसमाचार सुणाया, जड़ा की परमेश्वरे दा सच्चा संदेश है। 6 ऐ शुभसमाचार सारे संसार च फेला दा है कने मते भरी लोक यीशु मसीह पर भरोसा करा दे न। ऐ हर जगा जिन्दगी बदला दा है, ठीक तियां ही जियां तुसां पैली बरी सुणाया था, कने सच्चाई जो समझया था की परमेश्वर उना लोकां दे पापां जो माफ करदा है, जड़े यीशु मसीह च भरोसा करदे न।

7 उदी ही शिक्षा तुसां साड़े प्रिय साथी इपफ्रास ला सीखी है, जड़ा साड़े ताई मसीह दा भरोसे दे लायक सेवक है। 8 उनी सान्झो दुज्जे लोकां ताई तुहाड़े प्यार दे बारे च दसया है, जड़ा पबित्र आत्मा तुहांजो दितया है।

9 इस ताई जिस दिने ला ऐ सुणाया है, असां भी तुहाड़े ताई हमेशा प्रार्थना किती, की परमेश्वरे दी आत्मा तुहांजो अकल कने समझ दे, की उदी इच्छा जो पुरे तरिके ला समझी सकन। 10 असां ऐ प्रार्थना करदे न ताकि तुसां ऐसी ही जिन्दगी जी न जदिया परमेश्वरे दे लोकां दा होणा चाईदी, कने तुसां परमेश्वरे जो खुश करी सकन कने तुसां लगातार भले कम्मा जो करदे रिया जिसने तुसां परमेश्वर जो जानने च बददे जा।

11 कने असां ऐ भी प्रार्थना करदे न की परमेश्वर अनोखी शक्तिया ला बड़ा जादा मजबूत बणाए, ताकि तुसां सबर कने खुशिया ला मुशकिलां जो सेहन करी सकन। 12 कने पिता परमेश्वर दा धन्यवाद करदे रिया, जिनी सांझो अपणी विरासत च हिस्सेदार होणे दे काबिल बणाया, जिसयो उनी अपणे पबित्र लोकां ताई स्वर्ग च तैयार कितया है।

13 क्योंकि ओई सांझो शैताने दिया शक्तिया ला छुड़ाई करी अपणे प्यारे पुत्रे दे राज्य च लेईकरी आया है। 14 परमेश्वरे अपणे पुत्रे दा बलिदान करिरी सांझो शैताने दिया शक्तिया ला अजाद किता कने साड़े पापां जो माफ किता।

????????

15 कोई भी परमेश्वरे जो नी दिखी सकदा है, जालू उदा इकलोता पुत्र माणु बणी गया तां, उनी लोकां दे सामणे परमेश्वर जो प्रगट किता कने सारा कुछ बणाणे ला पेहले सै मौजूद था कने परमेश्वरे जड़ा कुछ बणाया उस पर उदा सारयां ला बडा हक है। 16 क्योंकि सै मसीह था जिनी सारा कुछ बणाणे ताई परमेश्वरे सोगी कम्म किता, स्वर्ग दी हो, या धरती दी हो, दिखियो हो या अणदिखियो हो, क्या सिंहासन, क्या प्रभुताएँ, क्या प्रधानताएँ, क्या हक, सारियां चिजां उनी ही बणाईयां कने उदे ताई ही बणियां न। 17 कुछ भी बणने ला पेहले,

मसीह पेहले ला ही था, कने सारियां चीजां उदी बणाईयो व्यवस्था ला ही कम्म करदियां न।

18 मसीह कलीसिया दी अगुवाई करदा है, जियां सर माणुए दे शरीरे जो काबू च रखदा है; सैई आदि है कने मरी के जी उठणे बालयां लोकां च पेहला है, कने सारियां गल्लां च सैई प्रधान बणे।

19 क्योंकि पिता परमेश्वर दी खुशी इसी च ही है, की परमेश्वर दा पूरा सभाव यीशु मसीह च हो। 20 परमेश्वरे अपणा पुत्रे जो भेजणे दा फेसला लिया, जिनी अपणा खून बहाया कने सूली पर उदी मौत होई। परमेश्वरे ऐ अपणे कने सारियां चीजां बिच मेल मिलाप करणे तांई किता, इयां करणे ला उनी अपणे कने स्वर्ग च शामिल कने धरती च शामिल सबना च शांति बणाई।

21 इसला पहले तुसां परमेश्वरे ला बड़े दूर थे। तुसां परमेश्वरे दे दुशमण थे क्योंकि तुहाड़े बिचार कने तुहाड़े कम्म बुरे थे। 22 पर हुण पिता परमेश्वरे अपणे पुत्रे जो माणु बणाई करी मरणे ला तुहाड़ा भी मेल करी लिया है, ताकि तुहांजो अपणे सामणे पबित्र, निष्कलंक कने निर्दोष बणाई करी पेश करी सके। 23 तुहाड़ा भरोसा मजबूत रेणा चाईदा, जियां की घर इक पक्की नी पर बणाया जांदा है, हुण साड़े बाल आस है क्योंकि असां शुभसमाचार पर भरोसा करदे न, जिसदा प्रचार सारी धरतिया पर कितया है, कने जिस शुभसमाचार दा सेवक मैं, पौलुस बणया।

[\[2:12-2:18\]](#)

24 हुण मैं तुसां लोकां तांई दुख झेलदा है, इदी बजा ला खुश है। कने मैं लगातार अपणे शरीर च दुख सेहन करा दा है, जियां यीशु मसीहे सेहन किते थे, कने ऐ दुख मैं मसीह दी कलीसियां तांई अपणे शरीर च सेहन करा दा है, जड़ा उदा शरीर है। 25 इसा कलीसिया तांई तुहाड़े तांई परमेश्वरे दी दितियो सेवा तांई सेबक चुणया है, ताकि मैं परमेश्वर दे शुभसमाचार जो पुरे तरीके ने प्रचार करी सके। 26 मतलब की उस भेद जो जड़ा पिछली पीढ़ियां दे लोकां ला गुप्त रिया, पर हुण परमेश्वरे दे उना पबित्र लोकां पर प्रकट होया है। 27 जिना पर परमेश्वरे प्रकट करणा चाया क्योंकि परमेश्वर चांदा की इस भेद जो जाणन की मसीह दी महिमा दी क्या कीमत है, जड़ा सारयां तांई है, ऐ भेद यीशु मसीह खुद है, जड़ा तुसां च है, ऐई साड़ी इकलोती आस है जिसने महिमा होणी।

28 असां मसीह दे बारे च सारयां जो दसदे न, सारयां जो चेतानी दिन्दे कने सारयां जो पुरिया समझा ला सिखादें जड़ा परमेश्वरे सांझो दितया है, ताकि ऐ पक्का करी सकन की हर कोई मसीह च सिद्ध होई सके जालू

सै परमेश्वरे दे सामणे खड़े होंगे। 29 ऐई बजा है की मैं इतणी मेहनत करदा है। मैं ऐसा करणे तांई परेशानियां दा सामणे करदा है जड़ा की मसीह दिया शक्तिया ला ही होंदा है, जड़ा मेरे अंदर कम्म करदा है।

2

1 मैं चांदा है की तुसां जाणी लिया की तुहाड़े कने उना दे जड़े लौदीकिया शहरे च न, कने उना सबना तांई जिना ला मैं नी मिलया है, मैं कड़ी मेहनत इस तांई करदा है, 2 मैं ऐसा इस तांई करदा है क्योंकि मैं उना जो तेरे भरोसे च मजबूत करणा चांदा है, सै इक सोगी प्यार च शामिल होई जान, कने मैं चांदा है की उना जो पूरा भरोसा हो क्योंकि उना जो परमेश्वर दे भेद दी योजना दे बारे च पूरी समझ है, जड़ा अपु मसीह है। 3 ऐ सै है जड़ा परमेश्वरे दी अकल कने ज्ञान जो जाणदा है, जड़ा की उस खजाने सांई है, जिसयो लुकाया गया था।

4 ऐ मैं इस तांई बोला दा है, की कोई भी माणु तुहांजो उना दी झूठी शिक्षा पर भरोसा करणे तांई राजी करी के धोखा ना दे। 5 क्योंकि मैं तुहाड़े सोगी नी है, फिरी भी मैं लगातार तुहाड़े बारे च सोचदा है, मिंजो खुशी है की तुसां इक न कने तुसां अपणे भरोसे च जड़ा मसीह पर है, जिन्दगी जिन्दे रिया।

[\[2:12-2:18\]](#)

6 इस तांई, जियां तुसां प्रभु यीशु मसीह जो प्रभु मन्नी करी अपनाई लिया, तियां ही उदे पिच्छे चलदे रिया। 7 तुसां मसीह दे भरोसे च मजबूत बणी रिया, जियां इक रुख जड़ पकड़दा कने इक घर इक नीयां पर मजबूत रेंदा है, इयां ही तुसां भी अपणे भरोसे च बददे जा, कने जादा ला जादा धन्यवाद करदे रिया। 8 साबधान रिया की कोई तुहांजो संसारिक ज्ञान कने बेकार गल्लां ने मुख नी बणाई ले, ऐ गल्लां सुणने जो तां ज्ञान बालियां लगदियां न, पर ऐ गल्लां सिर्फ संसार दे लोकां दिया तरफा ला न, ना की मसीह दिया तरफा ला।

9 इयां ना हो की ऐ लोक तुहांजो धोखा देन, क्योंकि जालू मसीह माणु बणया, तालू भी सै पूरी तरहा परमेश्वर था। 10 यीशु मसीह ही सारी शक्तियां कने अधिकारां दा प्रधान है, इस तांई अगर तुसां मसीह सोगी जुड़यो न तां तुसां उदे च सिद्ध बणा। 11 जालू तुसां मसीह पर भरोसा किता, तालू तुहाड़ा खतना कुसी माणुए ला नी होया है, जियां यहूदी लोक करदे न, पर मसीह दे जरिये तुहाड़ा सै खतना होया है, जड़ा तुहाड़े पाप करणे बाले सभाव जो दूर करदा है। 12 कने तुसां बपतिस्मा लिया, ऐ इसा गल्ला जो दसदा है की तुहाड़ा पापी सभाव मसीह सोगी कबरा च दबी दिता है कने

जालू तुसां नोए सभाबे ने पाणिए ला बाहर आये। ऐ इस ताई होया क्योंकि तुसां भरोसा किता की परमेश्वरे अपणी शक्तिया ने मसीह जो मरयां चे जिन्दा किता।

13 जालू परमेश्वरे तुहांजो भी मसीह सोगी जिन्दा किता, जड़े अपने अपराधां कने अपने पापी सभाबे ला अजाद नी थे, कने साड़े सारे अपराधां जो माफ किता। 14 ऐ इयां था जियां परमेश्वरे साड़े पापां दे दस्ताबेज जो खत्म करी दिता, जिना च साड़े खिलाफ दोष लिखयो थे। जालू मसीह जो सूली पर चढ़ाया तालू उनी उस देस्ताबेज जो पुरे तरीके ने खत्म करी दिता। 15 परमेश्वरे मसीह दे सूली पर मरणे ने संसार दी सारी शक्तियां कने अधिकारां जो हराई करी उना जो सबना सामणे बेइज्जत किता, कने उना जो हराई करी खुशी मनाई।

16 इस ताई तुहांजो कोई धोखा ना दे, कने कोई तुहाड़े खाणे पीणे जो लेईकरी, या त्योहारे, या नोआ चंद्रमा, या सब्ब दे दिना दे बारे च तुहाड़ा कोई न्याय ना करे। 17 क्योंकि ऐ सारे नियम कने कानून इक छोआं दे साई है, पर हकीकत मसीह च ही है। 18-19 कलीसिया इक शरीर है यीशु मसीह उस शरीरे दा सर है, उसी ने ही शरीरे दे सारे हिस्सयां दी देख रेख होंदी है कने जालू इना जो इक सोगी जोड़दे न, तां सै बददे न जियां परमेश्वर चांदा है की सै बदे। कोई माणु दीनता कने स्वर्गदूतां दी भक्ति करिके तुहांजो दौड़ दे इनामे च दूर ना करे। ऐसे माणु दिखियां गल्लां दा दाबा करदे न, जिसने सै घमंड ने भरयो रेंदे न, कने जड़े मसीह जो छड़ी दिन्दे न।

20 जालू तुहाड़ा पापी सभाव मसीह सोगी मरी गया,

तां तुहांजो होर भी जादा इस संसारे दियां शिक्षां जो नी मनणा पोणा। इस ताई कजो अजे भी इस संसारे दे नियमा जो मंदे न जियां अजे भी संसार तुहांजो काबू करा दा है। 21 सै ऐसे नियम बणादें न की तुसां ऐ मत छुंदे, ऐसा मत खांदे, ऐ मत खांदे। 22 क्योंकि ऐ सारे नियम कुसी कम्मे दे नी, क्योंकि ऐ माणुआं दे हुकमा कने शिक्षा दे अनुसार न।

23 इना शिक्षां च अपणी इच्छा दे अनुसार बणाई भक्ति दे रिबाज, कने जूठी दीनता, कने अपने शरीरे सोगी कठोर बर्ताब करणा ही इक ज्ञानी होणे दा डोंग करदा है, पर हकीकत च ऐ नियम लोकों जो उना दिया बुरियां जो रोकणे च मदद नी करदे।

3

1 जियां परमेश्वरे यीशु मसीह जो मरयां चे जिन्दा किता तियां ही तुहांजो जिन्दा किता है, इस ताई उना चीजां दिया तोपा च लगी रिया जड़ियां स्वर्गे च रखियां

न जिथू मसीह परमेश्वरे दे बखे सबते आदर बालिया जगा पर बैठया है। 2 धरतिया दियां चीजां नी स्वर्गे दियां चीजा पर ध्यान ला, 3 क्योंकि तुसां अपने पाप बाले सभाबे ताई मरी गियो न, कने तुहाड़ी नोई जिन्दगी मसीह सोगी परमेश्वरे च लुकियो है। 4 जालू मसीह जड़ा तुहांजो नोई जिन्दगी दिन्दा है, बापस इसा धरती पर ओंगा, तालू तुसां भी उदे सोगी कने उदी महिमा च भागिदार होई जाणा।

5 इस ताई तुसां बुरे कम्मा जो छड़ी दिया जड़े तुहाड़े

पापी सभाव ला जुड़या न। जियां, व्यभिचार, अशुद्धता, दुष्कामना, बुरी लालसा, कने लालच जो जड़ा मूर्तिपूजा दे बराबर है। 6 क्योंकि लोक इना बुरे कम्मा जो करदे न कने परमेश्वर उना जो सकत सजा देणी। 7 कने तुसां भी, जालू इना बुराइयां च जिन्दगी कटदे थे, तां तुसां भी ऐ कम्म करदे न। 8 पर हुण तुसां भी इना सबना जो मतलब की गुस्सा, रोष, बैरभाव, निंदा, कने गालियां बकणा, तुसां ऐ कम्म करणा छड़ी दिया।

9 इक दुज्जे सोगी झूठ मत बोला क्योंकि तुसां पुराणे पापी सभाव कने हुण सारे बुरे कम्मा जो छड़ी दितया है। 10 हुण तुसां इक नोए माणु बणी गियो न, ऐ नोआ सभाव जड़ा अपने सृष्टिकर्ता साई जादा ला जादा बणदा जांदा है ताकि तुसां उसयो होर भी अच्छे ला समझी सकन। 11 इसा बजा ला नोईया जिन्दगिया च ना तां कोई होर जाति दा रिया, ना यहूदी, ना खतना, ना बिना खतने बाला, ना जंगली, ना विदेशी, ना गुलाम कने ना अजाद बस मसीह ही है जड़ा सब कुछ है कने तुसां सारयां दे अंदर रेंदा है।

12 इस ताई परमेश्वर तुहांजो प्यार करदा है कने उनी तुहांजो अपने पबित्तर लोक होणे ताई चुणया है, इस ताई तुसां लोकां जो, करुणा, भलाई, दीनता, कने नम्रता, कने सेहनशीलता बाला बणना चाईदा। 13 अगर कुसी जो कुसी पर दोष लाणे दी कोई बजा हो, तां इक दुज्जे दी सेहन करी लिया, कने इक दुज्जे दे अपराध माफ करा: जियां प्रभुए साड़े अपराध माफ किते, तियां ही तुसां भी माफ करा। 14 कने इना सारयां ला जरूरी गल्ल ऐ है की इक दुज्जे ला प्यार करा, इयां करणे ला तुसां पुरे तरीके ला इक जुट होई जाणा।

15 मसीह तुहाड़े मना च शांति दे, तुसां सब इक ही शरीरे दे हिस्से न, इस ताई तुसां इक दुज्जे सोगी जड़ी शान्ति मसीह दिंदा है उसा शांतिया ला रेणे ताई सदयो न, कने तुसां धन्यवादी बणी रिया। 16 मसीह दे बचना दे बारे च हर बकत सोचा, ताकि ऐ सब केसी जो काबू करे

जड़ा तुसां सोचदे कने करदे न; सिद्ध ज्ञान ला इक दुज्जे जो सिखा, कने चेताबनी दिया, कने अपणे-अपणे मने च धन्यवाद सोगी परमेश्वरे ताई भजन, स्तुतिगान कने आत्मिक गीत गा। 17 जड़ा भी तुसां बचना ला बोलदे न या जड़ा भी कम्म करा सब प्रभु यीशु दे नाए ला करा, कने उसला प्रभु परमेश्वरे दा धन्यवाद करा।

११११ ११११११११ ११ १११११११११ १११११

18 हे पत्नियों, अपणे-अपणे घरे बालयां दे अधीन रिया क्योंकि मसीह दे पिच्छे चलणे बालयां ताई ऐ ही ठीक है। 19 हे घरे बालयो, अपणी-अपणी लाड़ियां ने प्यार रखा, कने उना सोगी प्यारे ला बर्ताव करा। 20 हे बच्चो, सबना गल्लां च अपणे-अपणे माता-पिता दे हुकमा जो मन्ना करा, क्योंकि प्रभु इसला खुश होंदा है। 21 हे माता पिताओं, अपणे बचयां जो बार-बार डांटी करी तंग मत करा, इयां ना हो की उना दा दिल टूटी जा।

22 हे सेबकों, जड़े इस संसारे च तुहाड़े मालिक न, सारियां गल्लां च उना दे हुकमा दा पालन करा, माणुआं जो खुश करणे बालयां साई दिखावे ताई नी, पर मने दिया सच्चाई कने परमेश्वरे दे डरे ने करा। 23 जड़ा कुछ तुसां करदे न, पुरे मने ने करा, ऐ सोची करी की माणुआं ताई नी पर प्रभु ताई करा दे न। 24 क्योंकि तुसां जाणदे की तुसां जो इदे बदले च प्रभु ला सै आशीष मिलणी है जड़ी परमेश्वरे तुहाड़े ताई रखियो है। तुसां जिस मालिक दी सेवा करा दे न, सै मसीह है। 25 क्योंकि जड़ा कोई बुरा करदा रेंदा है, उसयो परमेश्वरे ला सजा मिलणी क्योंकि परमेश्वर कुसी दा पक्षपात नी करदा।

4

1 हे मालिकों, स्वर्गे च तुहाड़ा भी मालिक है, ऐ समझीकरी, अपणे-अपणे दासां सोगी न्याय कने इकोदिया व्यवहार करा।

११११ १११११११११११ १११११

2 लगातार प्राथना करदे रिया, कने जालू तुसां प्राथना करन तां सतर्क रिया कने हमेशा परमेश्वरे दा धन्यवाद करदे रिया। 3 कने इदे सोगी-सोगी साड़े ताई भी प्राथना करदे रिया, की परमेश्वर साड़े ताई बचन दा प्रचार सुणाने दा मोका दे, की असां मसीह दे उस भेद जो पुरे तरीके ला सुणाई सकन, इसा ही बजा ला मैं जेला च है। 4 कने प्राथना करा दा की मैं साफ तरीके ला कने खुलेआम मसीह दे बारे च दस्सें।

5 हर मोके दा अच्छे ला इस्तेमाल करा ऐ दसणे ताई की तुसां विश्वासी न, कने जड़े लोक यीशु मसीह पर भरोसा नी करदे उना सोगी समझदारिया ला बर्ताव करा। 6 उना ला हमेशा प्यारभाव ला गलबात करा, कने

एसियां गल्लां करा जिसला सै तुहाड़ियां गल्लां च रुची लेन, अगर तुसां ऐसा करदे न, तां तुहांजो पता लगणा की उना जो कियां जबाब देणा है, जड़े तुहाड़े भरोसे दे बारे सबाल च उठादें न।

१११११ ११११११११११

7 प्यारे मसीह भाई कने भरोसे दे लाइक सेवक, तुखिकुस जड़ा प्रभु यीशु मसीह च मेरा साथी है, मेरियां सारियां गल्लां उनी तुहांजो दस्सी देंणियां न। 8 उसयो मैं इस ताई तुहाड़े बाल भेजया है, ताकि तुहांजो पता लगी सके की साड़े क्या हलात न, कने सै तुहांजो भरोसे च मजबूत करी सके। 9 उदे सोगी उनेसिमस जो भी भेजया है; जड़ा भरोसे दे लाइक कने प्यारा मसीह भाई कने सै तुहाड़े ही शेहरे दा है, उना तुहांजो ऐथू दियां सारियां गल्लां दे बारे च दसी देणा।

10 अरिस्तर्खुस जड़ा मेरे सोगी कैदी है, कने बरनबास दा भांजा मरकुस तुहांजो नमस्कार बोलदा है। जिदे बारे च तुहांजो पेहले ही चिट्ठी मिली बेठियो है की अगर से तुहाड़े बाल ओए, तां उसला ढंगे ला व्यवहार करनयो। 11 कने यीशु जिसयो युस्तुस बोलदे न, तुहांजो नमस्कार करदा है। यहूदी लोकां च बस ऐई तिन परमेश्वरे दे राज्य ताई मेरे साथी कने मिंजो उत्साहित करणे बाले न।

12 इपफ्रास जड़ा तुहाड़े ही शेहरे ला है, कने मसीह यीशु दा दास है, तुहांजो नमस्कार करदा है। कने हमेशा तुहाड़े ताई प्राथना करदा है, ताकि परमेश्वर तुहांजो भरोसे च मजबूत कने सिद्ध करे की तुसां परमेश्वरे दी इच्छा दा पालन करा। 13 मैं उदा गबाह है, कि सै तुहाड़े ताई कने लौदीकिया शेहरे कने हियरापुलिस शेहरे दे लोकां ताई लगातार प्राथना करदा है। 14 प्यारे वैद्य लूका कने देमास दा तुहांजो नमस्कार बोलदे न।

15 लौदीकिया शेहर दे मसीह भाईयां कने बेहणा जो कने नुमफास कने उदी घरे दी कलीसिया जो नमस्कार बोलनयो। 16 जालू ऐ चिट्ठी तुहाड़े ऐथू पढी जांगी, तां ऐसा करनयो की लौदीकिया शेहरे दिया कलीसिया च भी इसयो पढनयो, कने जड़ी चिट्ठी लौदीकिया ला ओणी उसयो तुसां भी पढनयो। 17 फिरी अरखिप्पुसे ला बोलनयो की “जड़ी सेवा प्रभु च तिजो दितियो है, उसा सेवा जो अच्छे तरीके ने पूरी करनयो।”

18 मैं, पौलुस तुहांजो नमस्ते करणे ताई चिट्ठी दा ऐ हिस्सा तुहांजो अपणे हथे ने लिखा दा है, याद रखणा की मैं जेला च है, कने मेरे ताई प्राथना करनयो, तुसां पर परमेश्वरे दा अनुग्रह होंदा रे। आमीन।

1 थिस्सलुनीकिया दे ना प्रेरित पौलुस दी पेहली चिट्ठी

????????

पौलुस ने ओए भरोसा करने बालयां जो उत्साहित करणे ताई ऐ चिट्ठी लिखियो थी, ताकि जड़े लोक मरी गियो थे उना दी अनन्त अवस्था दे बारे च उना जो “प्रभु दे आगमन” (अध्याय 4:15), याद दिलाणे ताई आशवासन देई सकन। कने उना जो ईश्वरीय जिन्दगी ताई प्रेरित करणा। पौलुसे उना जो शांति ला रेणे दा आग्रह किता। कने उना “सारे हालातां च धन्यवाद” दिया (अध्याय 5:18). थेस्सालोनिकी (वर्तमान थेस्सालोनिकी, ग्रीस) मेसेडोनिया दी राजधानी थी। ऐ जरूरी व्यापारे दे रस्तयां पर था। पौलुस, दो बरी लेखक दे रूपे च पछाणया गया (अध्याय 1:1-2:18) अपनी दुज्जी मिशनरी यात्रा पर थेस्सालोनिकी दा दौरा किता पर यहूदियां दे बिरोध दिया बजा ला पलायन करणे ताई मजबूर होई गया। उना तिमूथि जो बड़े पैमाने पर होर जातियां दे चर्च सोगी कम्म करणे ताई भेजया, कने तिमूथिऐ उना जो उना दे भरोसे (अध्याय 3:6) दी अच्छी खबर दिती। ऐ पौलुसे दिया पेहलिया चे इक चिट्ठी है, शायद ई स 51 च लिखया है।

रूप रेखा

अभिवादन 1:1-3

थिस्सलुनीकियों दा भरोसा कने उदाहरण 1:4-3:13

इक जिन्दगी जड़ी परमेश्वरे जो खुश करदी है 4:1-

12

जालू परमेश्वर बापस मुड़ी ओए तां क्या उम्मीद करें

4:13-5:11

आखरी निर्देश कने अभिवादन 5:12-28

????????

1 ऐ चिट्ठी मैं पौलुस, सिलवानुस कने तीमुथियुस दिया तरफा ला थिस्सलुनीकिया शहर दिया कलीसिया दे ना लिखा दा है, जड़े पिता परमेश्वर कने प्रभु यीशु मसीह च न। मैं प्राथना करदा है की पिता परमेश्वर तुहांजो पर अपना अनुग्रह कने तुहांजो शांति दे।

????????

2 असां अपणियां प्राथना च तुहांजो याद करदे कने हमेशा तुसां सबना दे बारे च परमेश्वरे दा धन्यवाद करदे न, 3 कने जालू असां अपने पिता परमेश्वरे ने प्राथना करदे न, तालू असां तुहाड़े उना कम्मा जो याद करदे न, जड़े तुसां भरोसे दिया बजा ला करदे न, कने जड़िया सकत मेहनता ने तुसां मसीह भाईयां दी सहायता करदे

न क्योंकि तुसां उना ने प्यार करदे न कने दुख तकलिफा जो सेहन करदे न क्योंकि तुहांजो आस है, की प्रभु यीशु मसीह जल्दी बापस ओणे बाला है।

4 हे मेरे मसीह भाईयो, तुहांजो ने परमेश्वर बड़ा प्यार करदा है, असां जाणदे न, की परमेश्वरे तुहांजो अपने लोक होणे ताई चुणया है। 5 क्योंकि प्रभु यीशु मसीह दा शुभसमाचार तुहाड़े बाल सिर्फ अखरां च ही नी पर पबितर आत्मा दिया शक्तिया, कने पूरी मजबुतिया ने तुहाड़े बाल पूज्या है, तुहांजो पता है की तुहाड़े उद्धार ताई तुसां बिच साड़ा चाल चलन कदिया था।

6 तुसां बड़े भरी दुखां च थे पर तुसां पबितर आत्मा दी दीतियो खुशिया सोगी शुभसमाचार जो अपनाई करी साड़े उदाहरण कने प्रभु दे उदाहरण दा अनुसरण किता।

7 ऐथू दीकर की तुसां मकिदुनिया प्रदेश कने अखाया प्रदेश दे सारे विश्वासियां ताई आदर्श बणी गे।

8 क्योंकि तुहाड़े ऐथू ला ना सिर्फ मकिदुनिया प्रदेश कने अखाया प्रदेशे च प्रभु दा बचन सुणाया, पर तुहाड़े भरोसे दी चर्चा हर पासे फेली गई जड़ा परमेश्वरे पर है, हर जगा जिथू असां गे, ओथु सांझो लोक मिल्ले जिना सांझो तुहाड़े भरोसे दे बारे च दसया, जड़ा परमेश्वरे पर है, इस ताई सांझो तुहाड़े बारे च कुछ बोलणे दी जरूरत नी है। 9 क्योंकि सै लोक अपु ही दुज्जयां जो दसदे न की तुसां साड़ा स्वागत किता जालू असां तुहाड़े बाल आए; कने तुसां कजो मूर्तियां ला दूर होईकरी परमेश्वरे बाल आये ताकि तुसां जिन्दे कने सच्चे परमेश्वरे दी सेवा करन। 10 कने तुसां स्वर्गे ला परमेश्वरे दे पुत्रे दे ओणे दी आस रखा दे न, जिसयो परमेश्वरे मरयां चे जिन्दा किता, मतलब की यीशुऐ जो, जड़ा सांझो परमेश्वरे दे ओणे बाले गुस्से ला बचादां है।

2

????????

1 हे मसीह भाईयो, तुहांजो अपु ही पता है, साड़ा तुहाड़े बाल ओणा फायदेमंद होया। 2 तुसां अपु ही जाणदे न की तुहाड़े बाल ओणे ला पेला असां फिलिप्पी शहरे च कितणे दुख झेले। फिर भी परमेश्वरे सांझो इतणी हिम्मत दिती, की तुहाड़े शहरे दे लोकां ला साड़ा इतणा बिरोध होणे बाद भी असां परमेश्वरे दा शुभसमाचार तुहांजो सुणाया।

3 क्योंकि साड़ा उपदेश ना तां धोखा था, कने ना ही गलत इरादे ने, कने ना ही छलावा है। 4 परमेश्वरे सांझो काबिल समझीकरी शुभसमाचार दितया है, इस ताई असां माणुआं जो नी, पर असां मना जो परखणे बाले परमेश्वरे जो खुश करणे ताई उपदेश दिन्दे न।

5 तुहांजो पता है, की असां कदी भी चापलूसी दियां गल्लां नी करदे थे, क्योंकि असां ना ही कदी पैसे दे लालचे दे इरादे ने कुछ किता, परमेश्वर इसा गल्ला दा गबाह है की असां ऐसे नी थे। 6 असां ना माणुऐ ला, ना ही तुहाड़े ला कने ना ही कुसी होरसी ला आदर नी चांदे थे। पर मसीह दे प्रेरित होणे दिया बजा ला तुसां ला सहायता मंगणा साड़ा हक था।

7 पर जियां माता-पिता अपणे बचयां जो पालदे न, तियां ही असां भी तुहाड़े बिच रेई के इयुदी दीनता दसियो है। 8 असां तुहांजो सोगी इतणा प्यार करदे न की सिर्फ परमेश्वरे दा शुभसमाचार सुणने ताई ही नी पर तुहाड़े ताई अपणी जान देंगे ताई भी तैयार थे। इस ताई की असां तुहाड़े सोगी बड़ा प्यार करदे थे। 9 हे मसीह भाईयो, तुसां साड़ी मेहनत कने प्यारे जो याद रखदे न, की असां इस ताई रात दिन कम्म धंधे करदे होये परमेश्वरे दे शुभसमाचारे दा प्रचार तुहाड़े च किता, ताकि असां अपणी जरूरतां ताई तुसां कुसी पर भी कोई बोझ ना बणन।

10 तुसां अपु भी कने परमेश्वर भी गबाह है, तुसां विश्वासियां सोगी साड़ा सभाव कितणा सच्चा, धर्मी कने निर्दोष था। 11 तुहांजो पता है, की जियां पिता परमेश्वर अपणे बचयां सोगी बर्ताब करदा है, तियां ही असां भी तुसां सबना जो उपदेश, कने प्रोत्साहित करदे, कने समझांदे थे। 12 की तुसां अपणी जिन्दगी इस तरीके ला जिया जड़ी परमेश्वरे जो खुश करे, जड़ा तुहांजो अपणे राज्य कने माहिमा च हिस्सेदार होणे ताई सददा है।

13 इस ताई असां भी हमेशा परमेश्वरे दा धन्यावाद करदे न; की जालू तुसां परमेश्वरे दा संदेश सुणया जड़ा असां प्रचार किता, तां तुसां उसयो माणुऐ दा नी पर परमेश्वरे दा सच्चा संदेश समझी के अपनाया, सै ही संदेश तुसां च कम्म करदा है, जड़े यीशु मसीह पर भरोसा रखदे न।

14 हे मसीह भाईयो, इस ताई तुसां भी परमेश्वरे पर भरोसा करणे बाले लोकां साई न, जड़े यहूदी प्रदेश च रेंदे न कने मसीह च न, क्योंकि तुहांजो भी अपणे लोकां ला तदिया ही दुख मिल्ला जदिया यहूदी मसीह लोकां जो यहूदियां ला मिल्ला था। 15 उना यहूदियां जिना प्रभु यीशुऐ जो, कने परमेश्वरे दे संदेश देणे बालयां जो मारी दिता कने सांझो तंग किता, कने परमेश्वर उना ला खुश नी है, कने सै सारे माणुआं दा बिरोध करदे न। 16 सै सांझो होर जातियां जो ऐ दसणे ला रोकणे दी कोशिश करा दे थे की परमेश्वर उना जो कियां बचाई सकदा है

कने सै अपणे पाप पर पाप जोड़दे जांदे न; कने हुण अंत च परमेश्वर उना जो पक्का सजा देणे बाला है।

???????? ?? ?????? ?? ??????

17 हे मेरे प्यारे मसीह भाईयो, जालू असां थोड़ी देरा ताई मने ला नी पर, असां शारीरक रूप ला तुहाड़े सोगी नी थे, तां असां बड़ी इच्छा ला तिजो दिखणे ताई होर भी जादा कोशिश किती। 18 इस ताई असां (मतलब की मैं पौलुसे) इक बरी नी, पर केई बरी तुहाड़े बाल औणे दी सोची, पर शैतान सांझो तुहाड़े बाल ओणे ताई रोकदा था। 19 साड़ी आस, खुशी या बड़ाई दा मुकट कुण है? ऐ तुसां ही होणे जालू साड़े प्रभु यीशु मसीहे फिरी मुड़ी करी ओणा है। 20 साड़ी बड़ाई कने खुशी तुसां ही न।

3

?????????????? ?? ?????? ?????

1 आखरी च जालू असां तुहांजो मिलयो बिना नी रेई सके, तां मैं पौलुस कने सिलासे एथेंस शेहरे च किल्ले रेणे दा फेसला किता। 2 कने असां तीमुथियुस जो जड़ा मसीह दे शुभसमाचारे च साड़ा भाई है, कने परमेश्वरे दा सेवक है, उसयो इस ताई तुहाड़े बाल भेजया की सै तुहांजो प्रोत्साहित करे कने तुहाड़े मसीह पर भरोसे जो मजबूत करे। 3 ताकि कोई इना दुखां दिया बजा ला भरोसे च कमजोर ना होई जाऐ; क्योंकि तुसां अपु ही जाणदे न, की सांझो मसीह च दुख झेलणे पोणे न।

4 जालू असां तुहाड़े ओथु रेंदे थे, उस बकत तुहांजो बोलदे थे कि, सांझो लोकां ला दुख झेलणे पोणे न, कने इयां ही होया, कने तुसां जाणदे भी हेन। 5 इसा बजा ला जालू मिंजो ला तुहांजो मिलयो बिना नी रिया गया, तां मैं तुसां लोकां दे भरोसे दा हाल जाणने ताई तीमुथियुस जो भेजया, क्योंकि असां डरदे थे, कुथी इयां ना हो की परिक्षा करणे बाले शैताने तुहाड़ी परिक्षा लेई हो, कने साड़ी मेहनत बेकार होई गई हो।

?????????????? ?? ?????? ?????

6 पर हुण तीमुथियुसे तुहाड़े बखे ला आई करी तुहाड़े भरोसे कने प्यार दा शुभसमाचार सुणाया। कने ऐ भी सुणाया, की तुसां हमेशा प्यारे ला मिंजो याद करदे न, कने सांझो दिखणे दी इच्छा रखदे न, जियां असां तुहांजो दिखणे दी इच्छा रखदे थे। 7 इस ताई हे मसीह भाईयो, असां अपणी सारी दुख तकलिफां च जालू तीमुथियुस ला सुणया की तुसां भरोसे च मजबूत न, तां सांझो बड़ी शांति मिल्ली।

8 क्योंकि हुण तुसां प्रभु च टिकी रेंगे, तां इसला सांझो नोई जिंदगी मिलदी है। 9 कने जदेई खुशी तुहाड़िया बजा ला सांझो अपणे परमेश्वरे सामणे है,

कने कोई डर नी, तालू उना जो इकदम दुख तकलिफां दा सामणा करणा पोणा है, जियां गर्भवती जो इकदम पीड़ पौंदी; तालू सै कुथी भी नठी नी सकदी, तियां ही सै उसा बड़िया मुसीबता ला कुसी भी तरीके ला नी बची सकणा।

4 पर हे मसीह भाईयो, तुसां जड़े नेहरे च नी न कने सै दिन तुहाड़े पर चोरां सांई आई पोएे जिस दिन यीशु मसीहे बापस ओणा। 5 क्योंकि तुसां सारे जड़े ज्योति ने रिशता रखदे न, कने दिने दी ओलाद न, असां ना तां राती ने, कने ना ही नेहरे ने रिशता रखदे न। 6 इस तांई सांझो अविश्वासियां सांई सोंदे नी रेन, पर जागदे कने सावधान रिया। 7 क्योंकि जड़े सोंदे न, सै राती ही सोंदे न, कने जड़े मतवाले होंदे न, सै राती ही मतवाले होंदे न। 8 पर असां तां दिने दी ओलाद न, इस तांई सांझो अपणे पर काबू रखणा चाईदा। साड़ी भरोसा कने प्यार साड़ी रक्षा करे जियां कबच इकी सिपाइये दी रक्षा करदा है, कने साड़े बाल उद्वारे दी आस है, कि असां हमेशा दिया सजा ला बची गियो न, जियां टोप सिपाइये जो बचादां है।

9 क्योंकि परमेश्वरे सांझो सजा देणे तांई नी चुणया है, पर इस तांई रखया की असां अपणे प्रभु यीशु मसीहे ला उद्वार पाई सकन। 10 प्रभु यीशु मसीह साड़े तांई इस बजा ने मरया, की असां चाएे जिन्दे रेन, या मरी जान, जालू प्रभु यीशु मसीहे बापस ओणा तालू असां हमेशा उदे सोगी रेई सकन। 11 इसा बजा ने इक दुज्जे जो प्रोत्साहित करा, कने इक दुज्जे जो भरोसे च मजबूत होणे तांई सहायता करा, कने ऐसा तुसां करदे भी हेन।

???????? ?? ???????

12 हे मसीह भाईयो, असां तुसां ने विनती करदे न, की जड़े तुहांजो चे बड़ी मेहनत करदे न, कने प्रभु च तुहाड़े अगुवे न, कने तुहांजो शिक्षा दिन्दे न, उना दे हुकम मन्ना। 13 क्योंकि जड़ा सै तुहाड़े तांई करदे न, उस तांई उना दी अच्छे ने इज्जत कने प्यार करा कने अपु चे मिली झुली की रिया।

14 हे मसीह भाईयो, असां तुहांजो ने विनती करदे न, उना जो चेतावनी दिया, जड़े बड़े आलसी न, डरफोकां जो होसला दिया, जड़े कमजोर न उना दी सहायता करा, सबना जो सेहनशीलता दस्सा। 15 ऐ ध्यान रखा! कोई कुसी ने बुराईया दे बदले बुराई ना करे; तुसां हमेशा इक दुज्जे कने सारयां तांई भले कम्म करणे च लगी रिया।

16 हमेशा खुश रिया। 17 लगातार प्राथना करदे रिया। 18 अपणे हर हालातां च परमेश्वरे दा धन्यावाद करा; क्योंकि यीशु मसीह च तुहाड़ी तांई परमेश्वरे दी ऐई इच्छा है।

19 पबित्र आत्मा दे कम्मा जो लोकां दी जिन्दगी च होणे ला मत रोका। 20 ऐ मत सोचा की जड़ियां भविष्यवाणियां परमेश्वरे अपणे लोकां जो दितियां सै कुसी कम्मे दियां नी न। 21 पर हर इक गल्ला दी परख करा ऐ जाणने तांई की सै परमेश्वरे दा संदेश है की नी, जड़ियां गल्लां खरियां न उना गल्लां जो ही अपना। 22 सारियां बुराईयां ला बची के रिया।

????????????

23 परमेश्वर जड़ा शांति दिन्दा है, तुहांजो हर तरा ने पबित्र करे; कने तुहाड़ी आत्मा, प्राण कने शरीर साड़े प्रभु यीशु मसीह दे बापस ओणे दीकर पूरे निर्दोष कने ठीक रेन। 24 तुहांजो सदणे बाला भरोसे दे काबिल है, क्योंकि सै तुहांजो पबित्र होणे तांई सददा है, कने उनी पबित्र बणने दे काबिल भी बणाणा है।

25 हे मसीह भाईयो, साड़े तांई प्राथना करा।

26 सारे मसीह भाईयां जो प्यारे ने नमस्ते करा।

27 मैं तुहांजो प्रभु दा हुकम दिन्दा है, की ऐ चिट्ठी सारे मसीह भाईयां जो पढ़ी करी सुणा।

28 मैं प्राथना करदा है की साड़े प्रभु यीशु मसीह दा अनुग्रह हमेशा तुसां सारयां पर होंदा रे।

2 थिस्सलुनीकिया दे ना प्रेरित पौलुस दी दुज्जी चिट्ठी

????????

प्रेरित पौलुसे दी ऐ चिट्ठी होई सकदा थिस्सलुनीके दिया कलीसिया जो दितयो अपणिया पेहलिया चिटिया दे तुरंत बाद लिखया था। पौलुस सताव दे हालातां च इक-दुज्जे दे प्रति अपने भरोसे कने अपने प्रेम दे बारे च दसदे होए दुज्जे चर्चा च जाई करी उना जो घमंड दस्सा दा था। पौलुसे उना जो याद दिलाया कि परमेश्वर उना दे सताव जो चुकाई देणा। उना इसा कलीसिया च दो समस्याओं जो दुबारा ला संबोधित कितया है। सारयां पेहले, जियां कि 1 थिस्सलुनीकियों च था, कि सै इस ताई चिंता च थे कि प्रभु पहले ही बापस आई गया है। पौलुसे उना ला आग्रह किता कि सै “मने च डरन ना,” ऐ डर कि “प्रभु दा दिन” (अध्याय 2: 2) पेहले ही आई गया था। दुज्जा, उनी उना जो बेकार नी जाणे दी आज्ञा देईकरी बोलया कि, “यदि अगर कोई कम्म करणे जो तैयार नी है, तां उसयो खाणा मत खाणा दिया” (अध्याय 3:10)।

रूप रेखा

अभिवादन 1:1-2

प्रभु दिया वापसिया न्याय लोणा 1:3-12

प्रभु हले दीकर नी मुड़ी करी आया हैं 2:1-12

भरोसे दे लायक बणा 2:13-1

प्रार्थना कने कम्म 3:1-15

इक आखरी प्रार्थना 3:16-18

????????

1 ऐ चिट्ठी मैं पौलुस सिलवानुस कने तीमुथियुस दिया तरफा ला थिस्सलुनीकिया शेहरे दिया कलीसिया दे ना लिखा दा है, जड़े पिता परमेश्वर कने प्रभु यीशु मसीह च न,

2 असां प्रार्थना करदे न की परमेश्वर तुसां पर अनुग्रह करे कने तुसां जो शांति दे।

????????

3 हे मसीह भाईयो, तुहाड़े बारे च सांझो लगातार परमेश्वरे दा धन्यवाद करणा चाईदा। कने ऐ साड़े ताई ठीक भी है, की तुहाड़ा भरोसा यीशु मसीह पर बददा जा दा है, कने तुहाड़ा प्यार भी इक दुज्जे ताई बददा जा दा है। 4 इस ताई परमेश्वरे दिया कलीसिया च तुहाड़े बारे च घमंड करदे न, की चाहे तुसां पर जितणे दुख तकलीफ आए, पर तुसां लगातार सबर ने उना दा सामणा किता

कने प्रभु यीशु मसीह पर भरोसा करदे रे। 5 तुहाड़ा दुखां जो सेहणा तुसां जो इस काबिल बणादा है की तुसां परमेश्वरे दे राज्य जा जाई सकन, ऐ ही सच्चा सबूत है, की परमेश्वर सच्चा न्याय करदा है।

6 क्योंकि परमेश्वर हमेशा सही न्याय करदा है, परमेश्वरे उना जो जरूर दुख देणे, जड़े तुहांजो दुख दिन्दे न। 7 कने उनी तुसां जो सुख देणा जड़े हुण दुखे च न, कने सांझो भी सुख चैन देणा, ऐ उस बकत होणा जालू प्रभु यीशु मसीह अपने शक्तिशाली स्वर्गदूतां सोगी स्वर्गो ला धधगती होई अगगी चे प्रगट होणा। 8 कने जड़े परमेश्वरे जो नी पछेणदे, कने जिना साड़े यीशु मसीह दे शुभसमाचारे जो नी मनया, परमेश्वरे इना जो सजा देणी।

9 परमेश्वरे उना जो अपनी मोजुदगी ला बाहर कडी देणा कने परमेश्वरे उना जो अपणिया शक्तिया कने महानता जो जाणने दी अनुमति नी देणी, कने उना जो हमेशा दी सजा देणी। 10 ऐ उस रोजे होणा, जालू यीशु मसीह अपने पबित्र लोकां च महिमा कने इज्जत पाणे ताई बापस ओणा, जड़े लोक उस पर भरोसा रखदे न, तुसां भी उना लोकां सोगी होणा है जिना प्रभु यीशु दी महिमा करणी है, क्योंकि तुसां साड़ी गबाइया पर भरोसा किता।

11 इस ताई असां लगातार तुहाड़े ताई रोज प्रार्थना भी करदे न, की परमेश्वर तुहांजो उसा जिन्दगी जो जिणे दे काबिल बणाए जिस ताई तुहांजो सदया है, कने सै तुहाड़ी हर इक भली इच्छा जो पूरा करे, कने हर उस कम्मे जो सफल करे जड़ा तुहाड़े भरोसे दा नतीजा है। 12 असां ऐ प्रार्थना करदे न की लोक तुहाड़िया बजा ने प्रभु यीशु मसीह दी महिमा करन, कने तुसां जो भी इज्जत मिलणी क्योंकि तुसां उदे न। ऐ सब कुछ परमेश्वरे कने यीशु मसीह दे अनुग्रह ने होणा।

2

??????

1 हे मसीह भाईयो, असां प्रभु यीशु मसीह दे बापस ओणे दे बारे च कुछ बोलणा चांदे न, जालू असां सबना उसला मिलणा है। 2 कोई भी भविष्यवाणी, या बचन, या उसा चिट्ठिया दिया बजा ने अपने मना जो दुखी कने बेचैन मत होणा दिन्दे, जिना चिट्ठिया जो साड़ी लिखियो समझदे होन, कने उसा च दसया हो की प्रभु यीशु मसीह बापस आई गया है, कने तुसां घबरांदे मत। 3 उना लोकां दा कोई भरोसा मत करदे जड़े इना चीजां दे बारे च बुरा बोलदे न, क्योंकि प्रभु यीशु मसीह दे बापस ओणे ला पेहले लोकां परमेश्वरे दा विरोध करणा है, कने सै पापी माणु जिसयो परमेश्वरे नरक च नाश करणा, उनी

हासिल करणी है। ¹⁷हुण युगां-युगां दे राजा दी, कदी नी नाश होणे बाले कने कदी नी दिखयो कने इकलोते सच्चे परमेश्वरे दी इज्जत कने महिमा युगां-युगां दीकर होंदी रे। आमीन।

¹⁸हे पुत्र तीमथियुस, मैं तिजो ऐ हुकम दिन्दा है, की तू उना भविष्यवाणियां जो याद कर जड़ियां परमेश्वरे दे संदेश देणे बालयां तेरे ताई कितियां थियां, तू इना गल्लां जो झूठे गुरुआं दे खिलाफ हथियारे सांई इस्तेमाल कर। ¹⁹तुसां जो लगातार यीशु मसीह पर भरोसे च बणी रेणा कने साफ अंतरात्मा रखणी चाईदी। पर केई लोकां अपणी अंतरात्मा जो खराब करी दितया है कने उना मसीह पर भरोसा करणे दी काबलियत जो खत्म करी दितया है, ठीक तियां ही जियां इक जाज कुसी चिजा ने भजी करी डुबी जांदा है। ²⁰उना चे ही हुमिनयुस कने सिकंदर न, मैं उना जो कलीसिया ला बाहर कडी दिता कने शैताने दिया शक्तिया दे हवाले करी दिता, की सै परमेश्वरे दी बुराई करणा ना सिखन।

2

?????? ???? ???? ?

¹सारयां ला जरूरी बिनती ऐ है की, प्राथना, निवेदन कने धन्यावाद सारे माणुऐ ताई करा। ²कने राजयां कने सारे उच्चे पदां दे अधिकारियां ताई प्राथना करा, की असां सुख शान्ति कने सुरक्षा ने अपणी जिन्दगी जी सकन, ताकि असां परमेश्वरे दी भक्ति करी सकन कने साड़ा बर्ताब दुज्जयां ताई अच्छा होई सके। ³लोकां ताई इयुदियां प्राथना करणा साड़े उद्धारकर्ता परमेश्वरे जो खरा लगदा है, ⁴क्योंकि परमेश्वर चांदा है, की सारयां लोकां दा उद्धार हो कने सै यीशु मसीह दी सच्ची शिक्षा दा ज्ञान पाई सकन।

⁵क्योंकि सिर्फ इक ही परमेश्वर है, कने इक ही माणु है जड़ा परमेश्वर कने माणुऐ जो मिलादां है, सै माणु प्रभु यीशु मसीह है जड़ा माणुऐ दे रुपे च पैदा होया, ⁶यीशु मसीहे अपणे आपे जो सारयां लोकां दे पापां कने हमेशा दी मौत छुटकारे ताई बलिदान करी दिता, ऐ करिरी परमेश्वरे सही बकते पर साबित कित्ता की, सै चांदा है की सारे लोक बच्ची जान। ⁷इसा बजा ने, परमेश्वरे मिंजो शुभसमाचार दा प्रचारक कने इक प्रेरित होणे ताई चुणया है। उनी मिंजो होर जातियां ताई भरोसे दा सच्चा संदेश देणे ताई चुणया, मैं झूठ नी बोलदा, सच्च बोला दा है।

⁸मैं चांदा है की, जालू तुसां परमेश्वरे दी अराधना करणे ताई गिठे होंदे न, कने सै मर्द जड़े पबित्र जिन्दगी जिन्दे न, बिना गुस्से कने पूरी शरदा ने अपणे हथ उपर

चुकी करी प्राथना करा। ⁹इयां ही मसीह जनानिया जो भी सही ढंगे दे कपड़े पांणा चाईदे, जड़े तुहाड़े शरीरे जो ढंगे ने ढकी सकन, ना की ऐसे होन की सै मर्दा जो आकर्षित करन; कने तुहाड़े बालां दा अंदाज ऐसा ना हो की लोकां जो आकर्षित करे, ¹⁰पर अपणे आपे जो दुज्जयां ताई भले कम्म करी के छेल बणा, क्योंकि परमेश्वरे दी भक्ति करणे बालियां जनानिया ताई ऐई सही है।

¹¹जालू मर्द विश्वासी लोकां जो सिखा दे होन, तां सारी जनानियां जो चुपचाप कने बड़ी इज्जता ने सुणना कने सिखणा चाईदा। ¹²मैं बोलदा है, की जनानिया मर्दां जो शिक्षा ना देन कने ना ही उना पर हुकुम चलान जालू सै यहूदी जंज घर च गिठे होंदे न, पर जनानिया चुपचाप रेन।

¹³ऐ मैं इस ताई बोलदा है क्योंकि परमेश्वरे पेहले मर्द बणाया जिसदा ना आदम था, उदे बाद जनानी बणाई जिसा दा ना हव्वा था। ¹⁴कने इक होर बजा ऐ है, सै हव्वा ही थी जिसयो शैताने बहकाया था, आदम नी था। ऐसा करिके हव्वा परमेश्वरे दा नियम तोड़या। ¹⁵पर परमेश्वरे जनानिया जो बच्चे पैदा करणे दिया बजा ने बचाई लेणा है, अगर उसा दा मन शुद्ध है कने मसीह च अपणे भरोसे ला भटकदी नी है, होर लोकां ने प्यारभाव रखदी, कने इक निर्दोष जिन्दगी जिन्दियां न।

3

???????? ? ???? (????)

¹ऐ गल्ल सच्ची कने भरोसे दे काबिल है, की जड़ा कलीसिया दा अगुवा बणना चांदा है, तां सै इज्जतदार कम्मा दी इच्छा रखदा है। ²इस ताई ऐ जरूरी है की अगुवा निर्दोष हो, इक ही घरे बाली हो, सेहनशील, अच्छा हो, इज्जतदार हो, परोंणया दा इज्जत करणे बाला, कने परमेश्वरे दा बचन सिखाणे च काबिल हो। ³शराबी या मारकुटाई करणे बाला ना हो; पर दयालु हो, शान्तिप्रिय हो, कने ना पैसै दा लालची हो।

⁴अपणे घर परिवार जो ढंगे ने सम्भालदा हो, कने अपणे बचयां जो आदर ने अपणा केहणा मनणा सिखांदा हो। ⁵अगर कोई अपणे ही घर परिवारे जो सम्भालना नी जाणदा हो, तां सै परमेश्वरे दी कलीसिया जो भी नी सम्भाली सकदा है।

⁶कने ऐसा ना हो की जिनी नौआ-नौआ भरोसा कितया हो, सै घमंडी होई जाऐ कने उसयो शैताने सांई सजा मिल्ले। ⁷कने संसारिक लोकां च भी उदी अच्छी इज्जत हो, इयां ना हो की लोक उदी बुराई करदे होन कने शैताने दे फंदे च फंसी जा।

???????? ? ???? (????)

आपे जो इना गल्लां ताई पुरे तरीके ने समपिरत करी दे, ताकि हर कोई दिखी सके की तुसां अपणे भरोसे च बदा दे न। 16 ध्यान रखा की तुसां कियां जिया दे न कने क्या सिखा दे न, इना गल्लां पर टिकी रिया, क्योंकि अगर तू ऐसा करदा रेंगा, तां तू खुद जो कने जड़े तिजो सुणदे न दोनों जो न्याय बाले दिने बचाई लेणा है।

5

??

1 कुसी भी सियांणे माणुए दी बेजती करणे दे इरादे ने मत झिड़कां दिन्दे; उसयो इज्जता ने समझा जियां की सै तेरा अपणा पिता है, कने अपणे ला छोटयां जो इयां समझा जियां की सै तेरा अपणे भाई है; 2 बजुर्ग जनानिया जो इयां समझा जियां की सै तेरी अपणी माता है, कने जवान बेहणा जो पूरी पबित्रता ने समझा जियां की सै तेरी अपणी बेहण है।

3 उना विधवां जनानियां दी इज्जत कने उना दी देखभाल करा जिना दी देखभाल करणे बाले कोई नी है। 4 अगर कुसी विधवा दे बच्चे, या नाती-पोते होन, तां सै पेहले अपणे घर परिवारे दी जिम्मेदारी पूरी करे, जियां इक मसीह भरोसा करणे बालयां जो करणा चाईदा, कने अपणे माता-पिता जो उना दा हक देणा सिखे, क्योंकि ऐ सब परमेश्वरे जो पसंद है।

5 जिसा विधवा दा कोई देखभाल करणे बाला नी है, सै परमेश्वरे पर ही आस रखदी है, कने दिन रात बिनती कने प्राथना करिरी परमेश्वरे ला सहायता मंगदी है। 6 पर जड़ी विधवा अपणा सारा बकत एशो अराम च करदी है, सै शरीरिक रूपे च तां जिन्दा न, पर आत्मिक रूप च मरी गियां न। 7 भरोसा करणे बालयां जो इना गल्लां दा हुकम दे, ताकि उना पर कोई दोष नी लाई सके।

8 अगर कोई अपणयां रिश्तेदारां दी, कने खासकर अपणे परिवारे दी देखभाल ना करे, तां उनी अपणा भरोसा छुडी दितया है, कने भरोसा नी करणे बालयां ला भी बुरा बणी गिया है।

9 उना ही विधवा दे नां दर्ज करा जड़ियां सठा सालां ला जादा उमरा दिया होन, कने सै अपणे घरे बाले ला बफादार रियो हो, 10 कने अपणे भले कम्मा दिया बजा ला उदा ना हो, जिना अपणे बाल बचयां दा अच्छे ने पालन-पोषण कितया हो; कने प्रोण्यां दी ठीक ठाक सेवा कीतियो हो, कने भरोसा करणे बालयां दी सेवा इक दासिया सांई किती हो, दुखी लोकां दी सहायता कितियो हो, कने हर इक भले कम्मा च मन लाया हो।

11 पर जवान विधवां दे ना दर्ज मत करदे, क्योंकि जालू उना दी शारीरिक इच्छां इक विधवा दे रूपे च मसीह दी सेवा करणे दे वायदे ला जादा बदी जांदियां

न, तां सै मसीह ला दूर होईकरी के दुज्जा बियाह करणा चांदिया न, 12 दुज्जा बियाह करिके सै अपणे आपे जो दोषी बणाई दिन्दी है, क्योंकि उना अपणा पेहला बायदा पूरा नी किता।

13 इदे सोगी सै घरे-घरे फिरी करी सुस्त होणा सिखदियां न, कने सिर्फ सुस्त होणा ही नी, पर दुज्जयां दे बारे च चुगली निंदा करदियां न कने दुज्जयां दे कम्मा च दखल भी दीदियां न, कने बुरियां गल्लां बोलदियां न, कने ऐसियां गल्लां करदियां जड़ियां इना जो नी करणा चाईदियां। 14 इस ताई मैं ऐ सलाह दिन्दा है, की जवान विधवां जो बियाह करी लेणा चाईदा; कने बच्चे जमन कने घरबार संभालन, कने कुसी भी दुशमणे जो, इना जो बदनाम करणे दा मौका नी दे। 15 मैं ऐ इस ताई बोलदा है क्योंकि केई विधवां एसियां न जिना परमेश्वरे दे हुकमा जो मनणा छुडी दीतिया है, कने तियां ही करदियां न जियां शैतान चांदा है की सै करन।

16 अगर कुसी मसीही परिवारे च कोई विधवा हो, तां सेई उसा दी सहायता करन ताकि उसा दा भोजन कलीसिया पर ना ओए, ताकि कलीसिया ऐसी विधवां दी देखभाल करी सके जिना दी देखभाल करणे बाला कोई नी है।


17 जड़े अगुवे अपणा कम्म अच्छे ने करदे न, सै दो गुणा इज्जत कने मजदूरी दे काबिल समझे जान, खासकर सै जड़े परमेश्वरे दे बचन जो मेहनता ने सिखांदे कने प्रचार करदे न। 18 ऐ पबित्र शास्त्र लिखया है, की गांण गांंदे बले दांंदे दा मुं मत बनदे, होर ऐ भी लिखया है, “की इक मजदूरे जो उदी मेहनत दी मजदूरी लेणे दा हक है।” इस ताई कलीसिया जो अपणे अगुवे जो मजदूरी देणी चाईदी।

19 अगर अगुवे पर कोई दोष लगांदा है तां तुसां तालू दीकर उस दोषे जो मत मन्ना जालू दीकर दो या तिन गबाह बोलन की असां इसयो खुद गलत कम्म करदे दिखया है। 20 तुसां जो उस भरोसा करणे बालयां जो जड़ा पाप करदा है, सारयां सामणे डांटी करी समझाई दिया, ताकि होर भरोसा करणे बाले लोक पाप करणे ला भी डरन।

21 परमेश्वर, कने मसीह यीशु, कने स्वर्गादूतां दी मौजूदगी च, मैं तिजो चेतावनी दिन्दा है, की तू कुसी इकी दा पक्ष मत ले, साबना ने इकोदिया बर्ताब कर। 22 कुसी पर भी तालू दीकर हथ रखीकरी अगुवा नियुक्त मत करा जालू दीकर सै साबित नी करे की सै प्रभु यीशु सोगी बफादार है, अगर तू इयां करदा है तां तू भी उदे पापां दा हिस्सेदार है; अपणे आपे जो पापां ला दूर रखा।

दी शिक्षा ला भटकी जांदे न । मै ऐ पूराथना करदा है की
परमेश्वरे दा अनुग्रह तुसां पर होदा रे ।


2 तीमुथियुस दे ना प्रेरित पौलुस दी दुज्जी चिट्ठी



पौलुस ऐ चिट्ठी इयां लिखदा हैं, जियां मना सै मौत दी सजा दा इंतजार करा दा है। सताव दे डरे दिया बजा ला उदे केई सहयोगियां उदा साथ छुडी दिता, इना सारियां गल्लां दे बावजूद, पौलुसे अपणे आत्मिक पुत्र तीमुथियुसे जो उस आशा च बदणे ताई जड़ी मसीह च है, मार्गदर्शन करदा है। जियां सै तीमुथियुस जो साहसी बणने ताई, टिकी रेणे ताई, कने झूठी शिक्षां दा सामणा करदे होए भरोसे दे लायक बणी रेणे ताई, बोलदा है, तियां ही पौलुस गेहरी सिद्धान्तिक शिक्षां दे प्रति भी अपणी चिंता दसदा हैं। पौलुस बोलदा है, “पवित्रशास्त्र परमेश्वर दिया प्रेरणा ला रचया है” कने भरोसा मसीही लोकां जो धर्म दी शिक्षा ताई बतेरा है (अध्याय 3:16-17)। इस ताई, पुराणे भरोसा करणे बालयां जो इसा गल्लां ताई उत्सुक होणा चाहिए की सै अपणा पवित्रशास्त्र दा ज्ञान उना लोकां जो देन जड़े भरोसे च नोए न (अध्याय 2:2)। पौलुसे ऐ चिट्ठी रोम ला ई स 67 से 68 दे बिच लिखियो है।

रूप रेखा

- तीमुथियुस ताई अभिवादन कने प्रार्थना 1:1-2
- प्रभु ला लज्जित मत होआ 1:3-18
- मसीह दा इक अच्छा सैनिक कियां बणन 2:1-26
- लोक आखरी रोजां च कदे होणे 3:1-9
- भरोसे दे लायक बणी रिया 3:10-4:8
- व्यक्तिगत निर्देश कने आखरी अभिवादन 4:9-22



1 मैं पौलुस जड़ा साड़े पिता परमेश्वरे दिया तरफा ला प्रभु यीशु मसीह दा प्रेरित होणे ताई चुणया है। ताकि मैं प्रचार करी सके, की यीशु मसीह पर भरोसा करणे पर हमेशा दी जिन्दगी देणे दा परमेश्वरे बायदा कितया है, 2 मैं ऐ चिट्ठी तीमुथियुस जो लिखा दा है, जड़ा मेरे अपणे प्यारे पुत्रे साई है। मैं प्रार्थना करदा है की पिता परमेश्वर कने साड़े प्रभु यीशु मसीह दिया तरफा ला तिजो अनुग्रह, दया कने शांति मिल्ले।



3 मैं परमेश्वरे दा धन्यवाद करदा है, जिसदी सेवा मैं शुद्ध अंतरात्मा ला किती जियां मेरे पूर्वज करदे थे, जालू भी मैं प्रार्थना करदा है, तां प्रार्थना च तिजो हमेशा याद करदा है, 4 मिंजो याद है की तू कितना रोया था,

जालू मिंजो तिजो छुडी करी जाणा पिया था, कने तेरे आंसुआं जो याद करिरी दिन रात तिजो ने मिलणे दी इच्छा रखदा है, की मैं खुशिया ला भरूई जां। 5 मैं यीशु मसीह च तेरे भरोसे जो भी याद करदा है, जड़ा सारयां ला पेहले तेरी नानी लोइस, कने तेरी माता यूनीक च था, कने मिंजो यकीन है की सेई भरोसा तेरे अंदर भी है।

6 इस ताई मैं तिजो याद दिलादां है कि तू उना बरदाना जो दोबारा ला जगा कर जड़े परमेश्वरे तिजो उस बकत दितयो थे जालू मैं तेरे सिरे पर हथ रखे। 7 क्योंकि परमेश्वरे सांझो डरफोक नी बणाया है, पर परमेश्वरे दी आत्मा साड़े मना जो मजबूत करदी है, कने दुज्जियां ने प्यार करणे च सहायता करदी है, कने सांझो सबर रखणा सिखांदी है।

8 इस ताई ना तां साड़े प्रभु दे बारे च गवाई देणे च शर्म करा, कने ना मिंजो ला शर्म करा, जड़ा यीशु मसीह दी सेवा करणे ताई जेला च है, पर उस परमेश्वरे दी शक्तिया ला शुभसमाचारे ताई दुख झेलणे ताई मेरे सोगी जुड़ी जा। 9 परमेश्वरे ही साड़ा उद्धार कितया है, कने पवित्र जिन्दगी ताई सांझो सदया है, कने उनी सांझो इस ताई नी चुणया की असां खरे कम्म किते न; पर संसार दे बणाने ला पेहले परमेश्वरे यीशु मसीह जो इस संसार च भेजणे दे जरिये अपणा अनुग्रह दसणे दी योजना बणाई। 10 पर हुण साड़ा उद्धारकर्ता प्रभु यीशु मसीह आई गिया है, कने उनी मौत दी शक्ति जो हराई दिता है, कने शुभसमाचारे दे जरिये सांझो हमेशा दी जिंदगी दा रस्ता दसया है। 11 कने परमेश्वरे मिंजो इस शुभसमाचार दा प्रचार करणे कने प्रेरित बणने ताई कने लोकां जो उपदेश देणे ताई चुणयां है।

12 इसा ही बजा ने मैं दुखां जो भी झेलदा है, कने शरमांदा नी है, क्योंकि मैं यीशु मसीह जो जाणदा है जिस पर मैं भरोसा किता; कने मिंजो पक्का पता है, की यीशु मसीह उस दिने दीकर जालू दीकर सै बापस नी ओंगा, उदी रक्षा करणे च सक्षम है, जड़ा उनी मिंजो दितया है।

13 जड़ी सच्ची शिक्षा तू मिंजो ला सुणियो है, इसा जो उस भरोसे कने प्यारे ला जड़ा यीशु मसीह च बसया है, उना जो अपणा आदर्श बणाई कर रखे। 14 पवित्र आत्मा दिया सहायता ला जड़ा सांझो चरेंदा है, सच्चाई दी रखवाली करा जड़ी परमेश्वरे सांझो दिती थी।

15 तू जाणदा है की मते सारे आसिया प्रदेश दे भरोसा करणे बालयां मिंजो छुडी दितया है, जिना च फूगिलुस कने हिरमुगिनेस न। 16 उनेसिफुरुस दे घरे पर प्रभु दया करे, क्योंकि सै मिंजो ने बड़ी बरी मिलणे जो आया कने मेरी सहायता किती, कने सै जेला च भी मिंजो ने मिलणे

ताई शर्मिदा नी होया। 17 पर जालू सै रोम शेहरे च आया, तां उनी मिंजो हर जगा च तोपया कने मिंजो ने मिल्ला। 18 परभु करे, की न्याय दे दिने उस पर बड़ी दया करे। कने जड़ी सेबा उनी मेरी इफिसुस शेहरे च किती है, उसा जो तू अच्छे ने जाणदा है।

2

☞☞☞☞☞ ☞☞☞☞☞☞☞

1 इस ताई हे मेरे पुत्र तीमुथियुस, ऐ जाणी करी तू अपने आपे जो मजबूत बना की परमेश्वरे तिजो अनुग्रह दितया है जड़ा सिर्फ यीशु मसीह दिया तरफा ला मिलदा है। 2 तू मिंजो मतयां लोकां दे सामणे मसीह दे बारे च शिक्षा दिन्दे सुणया है, इस ताई मैं चांदा की तू भी भरोसा करणे बालयां जो इस शिक्षा जो सिखा, जड़े बाकियां जो भी सिखाणे दे काबिल न।

3 यीशु मसीह दे अच्छे सिपाई सांई मेरे सोगी सबर ने दुखां दा सामणा कर। 4 अगर कोई सिपाई जड़ा सेना च है, तां सै होर कोई कम्म धंधा नी करदा क्योंकि सै अपने बड्डे अधिकारियां जो खुश करणा चांदा है। 5 इयां ही अगर कोई पेहलवान कुशती दे अखाड़े च हिस्सा लेंदा है, कने नियमा दे अनुसार नी लड़दा है, तां सै जीत दा इनाम नी जीती सकदा है।

6 जड़ा किसान मेहनत करदा है, फसल दा पेला हिस्सा उसयो ही मिलणा चाईदा। 7 इना उदाहरणा दे बारे च सोच की ऐ क्या सिखाणा चांदे न, कने परभु तिजो इना गल्लां जो समझणे च सहायता करे।

8 हमेशा यीशु मसीह दे बारे च सोचदा रे, जड़ा राजा दाऊदे दे वंशे ला था, कने परमेश्वरे उसयो मरयां चे जिन्दा किता; कने ऐ ही सै शुभसमाचार है, जिसदा मैं प्रचार करदा है। 9 इसी शुभसमाचारे दिया बजा ने मैं जेला च इक अपराधी सांई दुख झेला दा है, पर परमेश्वरे दे शुभसमाचार जो प्रचार करणे ला कोई नी रोकी सकदा है। 10 इस ताई मैं परमेश्वरे दे चुणयो लोकां दे फायदे ताई सारे दुखां जो सेहन करदा है, ताकि सै यीशु मसीह पर भरोसा करन कने बची सकन कने उना जो हमेशा दी महिमा मिल्ली सके।

11 ऐ गल्ल सच्च है कने भरोसा करणे दे काबिल है, की अगर असां यीशु मसीह सोगी मरी गियो न, तां उदे सोगी जिंदा भी होणे। 12 अगर असां यीशु मसीह दिया बजा ने दुख झेलगे, तां असां उदी बजा ने राज भी करणा है; अगर असां बोलगे की असां यीशुए दे चले नी न, तां उनी बोलणा की मैं इना जो नी जाणदा। 13 अगर असां मसीह सोगी बफादार नी न, फिरी भी सै साड़े सोगी बफादार है, क्योंकि सै खुद अपने सभाव दे खिलाफ नी जाई सकदा है।

☞☞☞☞☞ ☞☞☞☞☞☞☞

14 बार-बार इना गल्लां दी शिक्षा भरोसा करणे बालयां जो दिया, जड़ियां मैं तुहांजो सिखाईयां न, कने परभु जो गबाह बणाई करी उना जो चेताबनी दिया की अखरां दे मतलब पर बेहस मत करा, इयां करणे ने कोई फायदा नी होंदा; पर सुणनेबाले लोकां ताई नुकसान है। 15 तुहांजो जितना जादा होई सके मेहनत करणी चाईदी की परमेश्वर तुहांजो ऐसा कम्म करणे बाला साबित करी दे, जड़ा कदी भी शर्मिदा ना होन, कने जड़ा परमेश्वरे दे बचना जो ठीक तरीके ने सिखांदा हो।

16 पर संसारिक गल्लां कने बेकार गल्लां ला बची रिया, क्योंकि जड़े लोक इयुदियां गल्लां च हिस्सा लेंदे न, सै होर भी जादा परमेश्वरे ला दूर होई जांदे न। 17 उना दी झूठी शिक्षा फैलीकरी लोकां दे भरोसे जो तोड़ी दिन्दी है, जियां खूला सड़या होया जखम माणुए जो खत्म करी दिन्दा है: हुमिनयुस कने फिलेतुस भी उना चे ही न, 18 उना सच्चाई पर भरोसा करणा छूडी दितया है, सै ऐ बोलदे न की परमेश्वरे मरी गियो भरोसा करणे बालयां जो पहले ही हमेशा दी जिन्दगी ताई जिन्दा करी दितया है, जिसदी बजा ने सै कुछ विश्वासियां जो यीशु मसीह पर भरोसा करणे ला भटकाई दिन्दे न।

19 पर परमेश्वरे दे लोक उसा पक्की नियां सांई न जड़ी कदी हिलदी नी, उसा पक्की नियां पर खोदी करी लिखया है की, “परभु अपने लोकां जो जाणदा है” कने “जड़ा कोई परभु दी भक्ति करदा है, सै बुराई ला बची रेंदा है।”

20 बड्डे घरे च सिर्फ सोने या चांदी दे ही नी, पर लकड़ी कने मिट्टी दे भांडे भी होंदे न, कुछ भांडयां दा इस्तेमाल खास मौकयां ताई होंदा है, कने कुछ भांडयां दा इस्तेमाल आम कम्मा ताई होंदा है। 21 इस ताई अगर कोई अपने आपे जो गंदगी ला साफ करगा, तां सै उस आदर दे भांडे सांई होई जाणा जिसयो आदर ताई इस्तेमाल करदे न, उदी जिन्दगी पबित्तर होणी कने मालिक उसयो इस्तेमाल करी सकदा है।

22 इस ताई उना पापी इच्छां ला बची रिया जड़ियां जवान लोकां जो अपने पास्से खिचदियां न; कने उना लोकां दी संगती करा, जड़े धार्मिकता, भरोसा, प्यार कने शांत सभाव कने जड़े साफ मने ला परमेश्वरे दी भक्ति करदे न। 23 कने मुखता कने फालतू गल्लां ला दूर रिया, क्योंकि तू जाणदा है की इना ला झगड़े होंदे न।

24 कने परभु दे दासे जो लड़ाका नी होणा चाईदा, पर उसयो सबना ने प्यारभाव ने गल्ल बात करणे बाले, कने परमेश्वरे दी शिक्षा जो अच्छे ने सिखाणे बाला, कने सेहनशील होणा चाईदा। 25 कने जड़े लोक इना दा बिरोध करदे न, उना जो प्यारभाव ने सच्ची शिक्षा जो समझादां हो, क्या पता परमेश्वर उना दा मन बदली दे,

जिसला उना जो यीशु मसीह दी सच्चाईया जो जाणने दा मौका मिले। ²⁶ कने ताकि सै जागरूक होई जान कने शैताने दे बशे ला बाहर निकली सकन, जिनी उना जो धोखा दिता कने सेई करवाया जड़ा सै चांदा था।

3

????? ???? ? ???? ?

¹ तीमुथियुस, मै चांदा की तू ऐ जाणे, की यीशु मसीह दे दुबारा मुड़ी करी ओणे दे आखरी रोजां च ऐसा बुरा बकत ओणा है। ² क्योंकि लोक मतलबी, लालची, डींगमार, घमंडी, निंदा करणे बाले, माता-पिता दी गल्लां जो नी मनणे बाले, मतलबी, अपबित्, ³ दुज्जयां ने प्यार नी करणे बाले, माफ नी करणे बाले, दोष लाणे बाले, अपणियां इच्छां पर काबू नी रखणे बाले, झगड़ालू, अच्छाई ला नफरत करणे बाले, ⁴ भरोसा तोड़ने बाले, ढीठ, घमण्डी, परमेश्वरे जो नी पर अपणे ऐशो अराम जो प्यार करणे बाले हांणे न।

⁵ इयोदे लोक दिखणे च तां परमेश्वर दे भक्त लगदे न, पर ऐ उसा शक्ति जो नी मंदे, जड़ी उना जो परमेश्वर दा भक्त बणाई सकदी है, ऐसे माणुआं ला दूर ही रेनयो। ⁶ इना चे ही कुछ लोक ऐसे भी न, जड़े धोखे ला लोकां दे घरां च बड़ी जांदे न, कने उना मुख जनानिया जो वशे च करी लेंदे न, जिना दा मन पापां दे भोज ने दबूईया कने हर तरा दी वासना दे वशे च फसियां न। ⁷ कने सै हमेशा नोईयां शिक्षां जो सिखदियां रेंदियां न पर यीशु मसीह दी सच्ची शिक्षा जो कदी नी समझी सकदी।

⁸ कने ऐ झूठे गुरु न, जड़े यीशु मसीह दियां सच्चियां शिक्षा दा बिरोध करदे न, जियां यन्नेस कने यम्बरेसे मूसा दा बिरोध किता था, इना दी अकला जो कीड़े पेई गियो न कने, प्रभु यीशु मसीह पर भरोसा नी करदे न। ⁹ सै लम्बे बकते दीकर लोकां जो धोखा नी देई सकदे, क्योंकि जियां लोकां यन्नेस कने यम्बरेसे दिया मुखता जो पछेणी लिया था, तियां ही सारयां जाणी लेणा की ऐ भी मुख न।

????? ???? ? ???? ?

¹⁰ पर हे तीमुथियुस, तू अच्छे ने जाणदा है की मै क्या सिखादां, कने मै कियां जिन्दगी जिन्दा है, कने मेरियां क्या योजना थियां कने मेरा क्या भरोसा है। तू जाणदा है की मै कितणा सेहनशील कने दुज्जयां ने प्यार करदा है, कने दुख मुसीबतां जो सेहन कितया है, ¹¹ कने तू उना भयानक दुखां दे बारे च जाणदा है, जड़े अन्ताकिया कने इकुनियुम कने लुस्त्रा दे शेररां दे लोकां मिंजो दिते कने मै उना दुखां जो कियां झेलया, पर प्रभुऐ मिंजो इना ला छुड़ाई लिया। ¹² जितणे भी लोक परमेश्वर जो

खुश करणा चांदे न कने यीशु मसीह पर भरोसा करदे न, उना सारयां जो दुख कने परेशानियां झेलणियां पॉणियां। ¹³ पर बुरे लोकां कने धोखा देणे बाले लोकां होर भी जांदे बुरे कम्म करणे, उना लोकां जो धोखा देणा कने उना अपु भी होर लोकां ला धोखा खाणा।

¹⁴ पर हे तीमुथियुस, उना गल्लां पर जड़ियां तू मिंजो ला सिखियां न, कने जिना पर तू भरोसा किता है, इना जो तू लगातार भरोसे ने मनदा रे। क्योंकि तू जाणदा है की तिजो ऐ सच्चाईयां कुनी सिखाईयां न। ¹⁵ तालू ला जालू तू इक छोटा बच्चा था, तू पबित् शास्त्र जो सिखया है, जड़ा तिजो ऐ समझणे च सहायता करदा है कि जालू तू यीशु मसीह पर भरोसा करदा है तां परमेश्वर तिजो बचांदा है।

¹⁶ सारा पबित् शास्त्र सै बचन है जिसयो परमेश्वरे अपणे पबित् लोकां दे मने च पाया कने उना इस बचने जो इस तांई लिखया है, ताकि असां इदा इस्तेमाल लोकां जो सच्ची शिक्षा सिखांणे, कने जड़े लोक गलत करदे न उना जो समझाणे, कने लोकां जो दसणे तांई की कियां अच्छी जिन्दगी जि सकदे न, ¹⁷ ताकि परमेश्वरे दे लोक तैयार होइ जान कने हर इक भले कम्म करणे दे काबिल होइ जान।

4

¹ जालू यीशु मसीहे राजे सांई राज करणा ओणा है, तालू उनी उना दोनों दा न्याय करणा है, जड़े लोक जिन्दे न कने उना दा भी जड़े मरी गियो न, इस तांई पिता परमेश्वरे कने प्रभु यीशु मसीहे जो गबाह मन्नी करी मै तिजो आदेश दिन्दा है। ² की हर तरा दे हालातां च तू परमेश्वर दे बचना दा प्रचार करणे तांई तैयार रे, चाहे हालत अच्छे होन या हालात बुरे होन, तिजो लोकां जो दसणा है की उना क्या गलत किता, कने उना दे पांपा तांई उना जो समझा, पर तिजो उना लोकां जो उत्साहित भी करणा है, जालू तू उना जो सबर ने सिखांदा है।

³ क्योंकि ऐसा बकत भी ओणा, की जालू लोकां सच्चिया शिक्षा जो नी मनणा है, पर उना अपणी ही इच्छा दे अनुसार चलणा, कने उना ऐसे होर मते गुरुआं जो तोपणा है, जड़े सेई सिखांदे न जड़ा सै सुणना चांदे न। ⁴ ऐसे लोक परमेश्वरे दिया सच्चाई जो सुणना नी चांदे पर उना झूठ कने माणुआं दी बणी बणाईयां कहाणियां ही सुणनियां न। ⁵ पर तू सारियां गल्लां च शांत कने साबधान रे चाहे तिजो दुख तकलिफां जो झेलणा पोऐ, कने शुभसमाचारे दे प्रचार तांई मेहनत कर, कने परमेश्वरे दा सेवक होणे दे नाते न तू सै सारे कम्म करणे न जड़े तिजो दितयो न।

6 मैं ऐ हुकम इस ताई दिन्दा है, क्योंकि परमेश्वरे ताई मेरी जिन्दगी कने मेरे कम्म करणे दी ताकत घटा दी है, क्योंकि मैं जाणदा है मैं जल्दी मरणे वाला है। 7 जियां इक सच्चा सिपाई लड़ाईया बकते हार नी मनदा तियां ही मैं भी कदी मसीह ताई मेहनत करणे ला हार नी मन्नी, मैं उना सारे कम्मा जो पूरा किता जड़े यीशु मसीहे मिंजो करणे जो दिते, मैं आखरी दीकर बफादार रिया। 8 प्रभु यीशु मसीहे मिंजो धार्मिकता दा ताज देणा, जड़ा सच्चा न्याय करदा है, कने ऐ इनाम मिंजो उस रोज मिलणा जालू उनी दुबारा मुड़ी ओणा है, कने ऐ इनाम सिर्फ मिंजो ही नी पर उना सारे लोकां जो मिलणा है जड़े चांदे न की यीशु मसीह दुबारा मुड़ी ओए।

तिमुथियुस 4:6-7

9 तिमथियुस, तू मेरे बाल जल्दी औणे दी कोशिश कर। 10 क्योंकि देमास उना चीजां ने प्यार करदा है जड़ियां इस संसारे दियां न, कने मिंजो छड़ी करी थिस्सलुनीके शहरे जो चली गया है, भाई क्रैसकेस गलातिया प्रदेशे जो कने भाई तीतुस दलमतिया शहरे जो चली गया है।

11 सिर्फ लूका मेरे सोगी है, कने जालू तू आंगा तालू मरकुस जो सोगी लेई ओयां; क्योंकि सै मेरी सेबकाई ताई बड़े कम्मे दा बन्दा है। 12 तुखिकुस जो मैं इफिसुस शहरे च भेजया है। 13 जालू तू आंगा, तां मेरा गर्म कोट लेई ओयां जड़ा मैं त्रोआस शहरे च करपुस दे घरे छड़ी आया है, कने सोगी मेरी चिट्ठिया जो लेई ओयां, खासकर उसा चिट्ठिया जो जड़ी भेडा दी खली ने बणियो है।

14 सिकंदर जड़ा तांबे दे भांडे बणादा था, उनी मिंजो बड़े दुख दिते, प्रभुऐ उसयो उदे बुरे कम्मा दे अनुसार फल देणा। 15 तू भी अपने आपे जो उसला बचाई रख, क्योंकि उनी यीशु मसीह दिया शिक्षा दिया बजा ने साड़ा बड़ा विरोध कितया है।

16 पैली बरी जालू मैं अपने बचाव ताई रोम शहरे दी कचेरी च गया, तां कोई भी मेरे सोगी नी था, कने सारे मिंजो छड़ी गे, परमेश्वरे इना दे इस कम्मे जो इना दे खिलाफ ना गिणे, मैं प्राथना करदा है की परमेश्वर इना जो माफ करी दे। 17 पर प्रभुऐ मेरी सहायता किती कने मिंजो शक्ति दिती, ताकि मैं होर जाति दे लोकां जो, जड़े उस बकत कचेरी च थे, उना जो प्रभु यीशु दा प्रचार साफ-साफ सुणाई सके; कने उनी मिंजो मौत ला बचाई लिया।

18 कने प्रभुऐ मिंजो हर इक बुरे कम्मा ला बचांणा, कने मिंजो स्वर्ग दे राज्य च लेई जाणा है: कने उदी महिमा युगां-युगां दीकर होंदी रे। आमीन।

तिमुथियुस 4:8-10

19 प्रिस्का कने अक्विला जो, कने उनेसिफुरुस दे परिवार जो मेरा नमस्कार। 20 इरास्तुस कुरिन्थुस शहरे च रेई गया, कने मैं तरुफिमुस जो मीलेतुस शहरे च छड़ी दिता क्योंकि सै बीमार था। 21 सर्दियां ला पेहले औणे दी कोशिश कर। यूबूलुस, कने पूदेंस, कने लीनुस कने क्लौदिया, कने सारे मसीह भाईयां दिया तरफा ला जड़े ऐथू न तिजो नमस्कार।

22 मैं प्राथना करदा है की प्रभु तेरे सोगी कने उदा अनुग्रह भी तेरे सोगी रे।

तीतुस दे ना प्रेरित पौलुस दी चिट्ठी

जानकारी

पौलुसे दिया तरफा ला तीतुसे जो लिखियो चिटिया दा मकसद प्रोत्साहन कने ज्ञान देणा है, जियां-जियां तीतुस अपणिया कलीसिया दे अन्दर अधार्मिक कने कनूना ला जुड़यो बिरोधा दा सामणा करदा है। पौलुस तीतुसे जो अपणिया देखा-रेखा च कलीसिया ताई अगुवां जो नियुक्त करणे दे दितयो कम्मे जो मुकाणे ताई निर्देश दिंदा है। पौलुसे दसया कि इना अगुवां जो कदे लोक होणा चाईदा, कने सारे मसीह भाई बेहणा जो इक दुज्जे सोगी कदे रिश्ते रखणे चाइदे कने अविश्वासियां सोगी गल्ल बात कियां करणी चाइदी। सही मसीही आचरण इसा सच्चाईया पर अधारित है कि “परमेश्वरे दी कृपा, सारे लोकां ताई प्रकट होई है,” कने इस ताई जड़े लोक मसीह पर भरोसा करदे न, उना जो, सच्चा, कने इक ईश्वरीय जिन्दगी बिताणा जरूरी है जियां सै मसीह दा दुबारा आगमन दा इंतजार करदे न (अध्याय 2:11-13)। पौलुसे ऐ चिट्ठी इ स 60 च लिखया था।

रूप रेखा

अभिवादन कने तीतुस ताई प्रार्थना 1:1-4

कलीसिया दे अधिकारियां ताई निर्देश 1:5-16

कलीसिया दे लोकां ताई निर्देश 2:1-3:11

व्यक्तिगत सलाह कने आखरी अभिवादन 3:12-15

????????

1 मैं, पौलुस ऐ चिट्ठी तिजो लिखा दा है, मैं पिता परमेश्वरे दा सेवक कने यीशु मसीह दा प्रेरित है, मिंजो परमेश्वरे दे चुणयो लोकां दे भरोसे जो मजबूत करणे कने उना जो सच्ची शिक्षा जो जाणने च सहायता करणे ताई चुणया है। ताकि सै ऐसी जिन्दगी जीन जड़ी परमेश्वरे जो खुश करदी हो। 2 जिदी बजा ने सै परमेश्वरे सोगी हमेशा दी जिन्दगिया दी आस रखन, क्योंकि परमेश्वर जड़ा कदी झूठ नी बोलदा है। उनी ही संसार बणने ला पेहले ऐ बायदा कितया की परमेश्वरे दे लोकां जो हमेशा दी जिन्दगी मिलणी है। 3 पर हुण बिलकुल सही बकते च, परमेश्वरे ऐ शुभसमाचार सांझो पर प्रगट किता, कने असां सबना जो इदा प्रचार करदे न, साड़े उद्धारकर्ता परमेश्वरे मिंजो ऐ जिम्मेदारी दिती की मैं उदे ताई ऐ कम्म करी सके।

4 मैं चिट्ठी तीतुस जो लिखा दा है, तू मेरे अपणे पुत्रे सांई है क्योंकि तू मसीह पर भरोसा करदा है जियां मैं

करदा है: मैं प्रार्थना करदा है की पिता परमेश्वर कने साड़े उद्धारकर्ता मसीह यीशु तिजो हमेशा अनुग्रह, दया कने शांति दिन्दा रे।

???????? ? ? ? ? ? ?

5 मैं इस ताई तिजो करेते टापू च छडी आया था, ताकि तू ओथु पर साड़े बचयो कम्मा जो पूरा करी सके, कने करेते टापू दे हर इक शेहरे च अगुवां जो नियुक्त करे, जियां करणे ताई तिजो मैं हुकम दितया है।

6 इक अगुवे जो निर्दोष, कने अपणी घरे बालिया ला बफादार, सेहनशील, जिना दे बच्चे भरोसा करणे बाले होन, कने शरीरे दी इच्छा पर नी चलणे बाले हो, कने माता-पिता दी इज्जत करणे बाले होन। 7 क्योंकि अगुवे जो परमेश्वरे दा भंडारी होणे दिया बजा ला निर्दोष होणा चाईदा। ना हठी, ना गुस्से बाला, ना शराबी, ना मारकुटाई बाला, कने पैसे दा लालची हो।

8 पर परोणयां दी इज्जत करणे बाला हो, भलाई ने प्यार करणे बाला हो, अपणे उपर सयम रखणे बाला हो, धर्मी हो, पबितर हो, समझदार हो; 9 कने उसयो यीशु मसीह दे बारे च भरोसे दे काबिल संदेश पर मजबुतिया ला भरोसा करणा चाईदा, जड़ा असां उसयो सिखाया है, ताकि सै दुज्जयां जो सही शिक्षा मनणे ताई उत्साहित करी सके कने उना दियां गलतियां जो सही करी सके।

10 मैं ऐसा इस ताई बोलदा है, क्योंकि मते लोक सही शिक्षा दा बिरोध करदे न, जड़े बकवास करदे, कने दुज्जयां जो धोखा दिन्दे न। खासकर यहूदी लोक जड़े विश्वासी बणी गियो न कने उद्धार ताई खतना करणे पर जोर दिन्दे न। 11 तिजो इना लोकां जो शिक्षा देणे ला रोकणा चाईदा क्योंकि जालू सै ऐसी शिक्षा दिन्दे न, तां मतयां परिवारां दा भरोसा खत्म होई जांदा है, सै ऐ कम्म सिर्फ पैसा कमाणे ताई करदे न।

12 उना चे ही इकी माणुऐ जड़ा करेते टापू ला है, जिसयो सै अकलमंद माणु मंदे न, उनी ही बोलया है, “करेते टापू दे लोक हमेशा झूठ बोलदे न, सै डंगरा सांई बर्ताब करदे न, कने आलसी कने खान्दू लोक न।” 13 ऐ गल्लां करेते टापू दे लोकां ताई अज भी सच्च न, इस ताई उना जो सकती ने चेतावनी दिया कर की सै यीशु मसीह दी शिक्षा पर भरोसा करन।

14 कने सै यहूदियां दी झूठी शिक्षा कने झूठी कहाणियां पर कने इना माणुआं दे हुकमा पर मन न लगान, जड़ियां सच्च दी शिक्षा ला भटकादियां न।

15 ऐसे लोक जिना दे मना च बुरे बिचार नी न, उना ताई सारियां चीजां शुद्ध न, पर सै लोक जड़े बुरे न कने यीशु मसीह पर भरोसा नी करदे, कने ना ही कोई अच्छा कम्म करदे न क्योंकि उना दे दिल कने दिमाग दोनों ही

6 साड़े उद्धारकर्ता प्रभु यीशु मसीहे जड़ा कित्ता उदे जरिये परमेश्वरे सांझो पबित्तर आत्मा दितया है, ताकि सै सांझो च सामर्थ बाले कम्म करी सके। 7 जिसने असां उस हमेशा दी जिन्दगी दी आस रखी सकन जड़ी परमेश्वरे सांझो अपणी ओलाद दे रूपे च देणे दा बायदा कितया है। कने उदे बारे च असां जाणी सकदे न क्योंकि परमेश्वरे अपणे अनुग्रह दे जरिये सांझो अपणे सोगी सही बणाया है।

8 ऐ गल्ल सच्ची है, जड़ी मैं हुणी दस्सी है कने मैं चांदा है, की तू भरोसा करणे बालयां जो इना गल्लां दे बारे च मजबूती ने सिखा। इस ताई की जिना परमेश्वरे पर भरोसा रखया है, सै खरे-खरे कम्मा जो करणे च अपणा बकत देणे च ध्यान लगान, ऐ गल्लां सारयां ताई खरियां न, कने फायदेमंद न।

9 पर मुर्ख गल्लां दी बेहसा ला दूर रिया, पूर्वजां दी लम्बियां सूचियां पर अपणा बकत बर्बाद मत करा, कने बैर बिरोध, कने उना झगड़यां ला बची के रिया जड़े मूसा दे नियमा दे बारे च न, क्योंकि इना गल्लां दा कोई फायदा नी है। 10 जड़े लोक कलीसिया च फुट पांदे न, तिजो उना लोकां जो कम्म से कम्म दो बरी चेतावनी देणी चाईदी, की सै ऐसा करणा बंद करी देन। उदे बाद उना पर होर बकत बर्बाद मत करदे कने उना ला दूर रेणा चाईदा। 11 तुसां ऐ पक्का करी लिया की ऐसा माणु जड़ा जाणी बुझी करी बुरे रस्ते पर चलदा है, तां उदे खुद दे बुरे कम्म ही साबित करदे न की सै दोषी है।

12 जालू मैं तेरे बाल कूरेते टापू पर अरतिमास कने तुखिकुस जो भेजगा, तालू तू मेरे बाल निकुपुलिस शेहर औणे दी कोशिश करयां, क्योंकि मैं ओथु ही सदियां कटणे दी सोचियो है।

13 जालू जेनास व्यवस्था जो सिखाणे बाला कने अपुल्लोस अपणी यात्रा ताई निकलगे, तां इना दी सहायता करणे ताई जड़ा कुछ तू करी सकदा है, सै तू करयां। कने ऐ ध्यान रखयां की उना जो कुसी भी चीजा दी कमी ना हो।

14 सिर्फ इतणा ही नी, पर तिजो भरोसा करणे बालयां जो सिखांदे भी रेणा चाईदा की भले कम्म करणे ताई लगातार मेहनत करदे रिया, ताकि उना लोकां दियां जरूरतां पुरियां होई सकन जिना बाल कुछ नी है, ऐ भरोसा करणे बालयां दी सहायता करदा है की, सारे इक ही मकसद ने जिन्दगी जी सकन।

15 मेरे सोगी ऐथू दे सारे भरोसा करणे बाले तिजो नमस्कार करदे न। ओथु कूरेते टापू च साड़े भरोसा करणे बाले साथियां जो जड़े सांझो ने प्यार करदे न, उना जो

भी मेरी तरफा ला नमस्ते बोलयां। मैं प्राथना करदा है की, प्रभु तुसां सारयां पर अनुग्रह करे।

फिलेमोन दे ना प्रेरित पौलुस दी चिट्ठी

????????

फिलेमोने दी चिट्ठी मसीही दे बिच सामंजस्य कने रिशतयां दे बारे च दसदी है। उनेसिमुस (जिदा मतलब है “उपयोगी”), ऐ फिलेमोन नाए दा इक दास था जड़े कुलुस्से शेहरे च रंदा था। ऐसा लगदा है की, उनेसिमुस फिलेमोने दे घरे ला चोरी करिके नठी गया था। जालू पौलुस गिरफ्तार होईकरी कुछ बकत तांई जेला च था, उस बकत उनेसिमुस दी पौलुसे सोगी मुलाकात होई कने सै मसीही बणी गया था। ऐसा लगदा है की ऐ चिट्ठी कने कुलुस्सियो दी चिट्ठी पौलुसे इक ही बकत पर लिखया था कने इसयो उनेसिमुस दे हथां ला फिलेमोने बाल लेई जाणे तांई दितया था (देखे कुलु. 4: 9)। पौलुसे फिलेमोने ला निवेदन किता, कि सै उनेसिमुस जो अपने घरे जो बापस लेई जाऐ, पर इक दास दे रूप च नी पर प्रभु च इक भाई दे रूपे च। पौलुसे दे हिसावे ला, उनेसिमुस जादा “उपयोगी” था (बचन 11) हुण सै इक मसीही था। ऐथू दीकर की पौलुसे फिलेमोने जो ऐ भी बायदा कितया कि जड़ा भी कर्जा उनेसिमुस दा है, उदा सै कर्जा चुकाई दिंगा।

रूप रेखा

फिलेमोन जो अभिवादन (1-3)

पौलुसे ओनेसिमस दे बारे च फिलेमोन ला गल्ल किती (4-22)

आखरी अभिवादन कने प्रार्थना (23-25)

????????

1 मैं, पौलुस इसा चिट्ठिया जो लिखा दा है। मैं यीशु मसीह दिया सेवा तांई जेला च बन्द है। मैं कने साड़ा मसीह भाई, तीमुथियुस तुहांजो नमस्कार करदे न। कने मैं ऐ साड़े प्यारे मित्र कने सोगी कम्म करणे बाले फिलेमोन जो लिखा दा है। 2 कने मैं साड़ी मसीह बेहण अफफिया कने मसीह भाई अरखिप्पुस, जड़ा योधा सांई परमेश्वरे दी सेवा करदा है कने उसा कलीसिया दे ना जड़ी तुहाड़े घरे गिठी होंदी है उसा जो भी लिखा दा है। 3 मैं प्राथना करदा है की साड़े पिता परमेश्वर कने प्रभु मसीह यीशु दिया तरफा ला तुहांजो अनुग्रह कने शांति मिलदी रे।

????????

4 क्योंकि मैं जालू भी तिजो तांई प्राथना करदा है, मैं हमेशा तेरे तांई परमेश्वरे दा धन्यवाद करदा है कने

अपणी प्राथना च भी तिजो याद करदा है। 5 मैं प्रभु यीशु मसीह च तेरे भरोसे दी कने परमेश्वर दे सारे लोकां तांई तेरे प्यार दी चर्चा सुणदा है। 6 मैं प्राथना करदा है की तू अपने भरोसे च मजबूत होई जाऐ कने उना सारी अच्छी चिजां जो समझी सके जिना जो परमेश्वरे सांझो दितया है, इसी बजा ने लोकां मसीह दी महिमा करणी है। 7 क्योंकि हे मसीह भाईयो, तुहाड़ी इक दुज्जे तांई प्यारे दी भावना ने मैं बड़ा खुश है कने उत्साहित है, इस तांई की तेरे जरिये परमेश्वरे दे लोक उत्साहित न।

????????

8-9 इसा बजा ला मैं तिजो मसीह च इक भरोसा करणे बाला होणे दे नाते खरे कम्म करणे तांई बड़े हके सोगी हुकम देई सकदा है। मैं बजुर्ग पौलुस, जड़ा हुण यीशु मसीह दी सेवा करणे दिया बजा ला इक केदी भी है, फिर भी तिजो बड़े प्यार ला बिनती करदा है।

10 मैं उनेसिमुस तांई बिनती करदा है, जड़ा मेरे तांई पुत्रे सांई है। जालू सै जेला च था तालू सै मसीह च मेरा पुत्र बणी गया। 11 सै तां पेहले तेरे कुसी कम्म दा नी था, पर हुण तेरे कने मेरे दोनो तांई बड़े कम्म दा है। 12 चाहे मैं उनेसिमुस सोगी बड़ा प्यार करदा है, पर मैं उसयो तुहाड़े बाल भेजा दा है। 13 मैं उसयो अपनी मदद तांई अपने बाल ही रखणा चांदा था, जबकि मैं शुभसमाचारे दा प्रचार करणे तांई जेला च था। सै ऐथू मेरी मदद करणे तांई है तेरी जगा लेई सकदा है, क्योंकि मिंजो पता है की तू मेरी मदद करणा चांदा है।

14 अगर तू सेहमत नी है तां मैं उसयो ऐथू नी रखगा, मैं चांदा है की तू अपणिया खुशिया ला मेरी मदद करे क्योंकि इस तांई नी की मैं तिजो ऐ करणे तांई मजबूर किता है। 15 शायद ऐई बजा है की परमेश्वरे उनेसिमुस जो थोड़े बकते तांई तिजो ला दूर जाणे दा हुकम दिता ताकि सै मसीह पर भरोसा करे, इसा बजा ला तू उसयो अपने बाल रखणा है। 16 तू उसयो दास ना समझन पर सै दास ला भी बदीकरी है, सै हुण विश्वासी साथी है कने प्यारा भी है कने तुहांजो उसयो होर भी जादा प्यार करणा है, कने मैं उसयो बड़ा प्यार करदा है, पर तिजो उसयो दासे दे रूपे च होर भी जादा प्यार करणा चांदा है क्योंकि सै मसीह च इक भाई है।

17 अगर तू मिंजो अपना साथी समझदा है, जालू उनेसिमुस बापस तेरे बाल आंगा तां उदा खुशिया ला स्वागत करयां जियां मेरा स्वागत करदे न। 18 अगर उनी तेरा कुछ नुक्सान कितया या उस पर तेरा कोई कर्ज है तां उसयो मेरे नां लिखी दे। 19 मैं पौलुस अपने हथे ने लिखदा है की मैं उदा कर्ज भरी दिंगा; हालांकि तुसां

पेहले ला ही जाणदे न की, अगर मैं तुहाड़ी मदद नी कितियो होंदी तां तुहांजो खुद नोई जिन्दगी नी मिलियो होंदी इस तांई तुसां अपणी जिन्दगी तांई मेरे कर्जदार न। ²⁰ मेरे प्यारे मित्र, ऐ खुशी मिंजो प्रभु च तेरिया तरफा ला मिल्ले, कने इक साथी विश्वासी दे रूपे च मिंजो उत्साहित करे।

²¹ जियां की मैं तुहांजो लिखया है, मिंजो यकीन है की तुसां तियां ही करणा जियां मैं करणे जो बोलया। मिंजो पता है की उसला भी बदीकरी करणा जितणा मैं तुहांजो बोलया। ²² इक होर गल्ल कने मेरे तांई अपणे घरे च इक कमरा तैयार करा क्योंकि मैं उम्मीद करदा है की परमेश्वरे तुहाड़ी प्राथना दा जबाब देणा की मैं दुबारा तुहाड़े बाल ओंऐ कने मिली सके।

²³ इपफ़रास, जड़ा यीशु मसीह दा प्रचार करणे दिया बजा ला मेरे सोगी जेला च है कने मसीह च तुहांजो नमस्कार करदा है। ²⁴ कने मरकुस, अरिस्तर्खुस, देमास, लूका जड़े मेरे सोगी प्रभु दा कम्म करदे न, इना दी तरफा ला तुहांजो नमस्कार।

²⁵ मैं प्राथना करदा है की साड़ा प्रभु यीशु मसीह तुहांजो पर अनुग्रह करे। आमीन।

इब्रानिया दे ना चिट्ठी

????????

इब्रानिया दी चिट्ठी सताव दे बकत मसीहियां जो पुरोत्साहित करणे तांई लिखी थी। ऐ यीशु मसीह दे पुरे प्रभुत्व कने शक्तिया पर ध्यान केन्द्रित करिके कितया है। परमेश्वरे भूतकाल च “केई बरी कने केई तरिक्यां ला” गल्लां कितियां, हुण सै सांझो ला अपणे पुत्र यीशु मसीह दे जरिये गल्ला करदा है, जड़ा की परमेश्वर कने उदे स्वाभाव दी “सटीक छाप” है, जड़ा बरम्हांड जो अपणे शब्दां दिया शक्तिया ला थमी रखदा है (अध्याय 1:1-3)। जड़े यीशु पर विश्वास करदे न, उना सारयां तांई यीशुऐ उद्धार दे कम्मे जो पूरा कित। (अध्याय 1:1-10:18) असां ऐसे महान उद्धार दा तिरस्कार करणे दी हिम्मत ना करन (अध्याय 2:3; 5:12-6:20; 10:19-39)। बल्कि साड़े भरोसे च कने रोजे दिया जिन्दगिया च, सांझो मसीह दा कने उना दा जड़े भरोसे दे आदरणीय प्रेरणा दे स्तरोत न, उना जो मनणा चाईदा। (अध्याय 11-13) ऐ चिट्ठी, जिसा दा लेखक पता नी है, ई स 60 से 70 के बिच लिखयो है।

रूप रेखा

परमेश्वरे दे पुत्रे दी महानता 1:1-4
 यीशु स्वर्गदूतां ला बदीकरी है 1:5-2:18
 यीशु मूसा कने यहोशू ला बदीकरी है 3:1-4:13
 यीशु महान महायाजक है 4:14-7:28
 यीशुऐ इक बेहतर समझौता कित 8:1-9:22
 यीशु का बलिदान इक बरी कने सारयां तांई है 9:23-10:31
 परमेश्वरे दे कुछ लोक जिना दा बड़ा भरोसा था 11:1-40
 यीशु दे उदाहरण दा अनुसरण करा 12:1-13:19
 आखरी प्रार्थना कने अभिवादन 13:20-25

????????

1 परमेश्वरे पराणे जमाने च परमेश्वरे दे संदेश देणेबालयां दे जरिये बड़ी बरी बड़े तरिक्यां ला साड़े पूर्वजां सोगी गल्लां कितियां, 2 पर इना आखरी रोजां च परमेश्वरे साड़े सोगी अपणे पुत्रे जरिये गल्लां कितियां। परमेश्वरे अपणे पुत्रे जरिये सारियां चीजां जो बणाया कने उसयो सारे संसारे दा बारिस बणाया। 3 पुत्र ही परमेश्वरे दी महिमा दी लौ, कने बिलकुल उदे सांई ही है, कने अपणे शक्तिशाली बचना ला सारे संसारे जो चलादां है। उनी लोकां जो उना दे पापां ला शुद्ध कित,।

कने इदे बाद स्वर्गे च महिमामय परमेश्वरे दे सजे पासे जाई बैठा।

4 इस तांई परमेश्वरे अपणे पुत्रे जो ऐसा ना दिता जड़ा स्वर्गदूतां ला जादा महान है, इसला सांझो पता चलदा है की पुत्र उना ला कितणा जादा महान है।

????????

5 क्योंकि पबित्र शास्त्र च ऐ कुथु भी नी लिखया है की परमेश्वरे अपणे कुसी स्वर्गदूते ला ऐसा कदी नी बोलया जड़ा उनी अपणे पुत्रे ने बोलया, “तू मेरा पुत्र है; अज मैं घोषणा करदा है की तू मेरा पुत्र है।” कने उनी फिरी कदी भी कुसी स्वर्गदूते ने ऐ नी बोलया की, “मैं तेरा पिता होणा, कने तू मेरा पुत्र होणा।”

6 परमेश्वरे अपणे बड़े महान पुत्रे जो संसारे च भेजणे ला पेहले बोलया की, “उदे सारे स्वर्गदूत उसयो अराधना करन।” 7 कने स्वर्गदूतां दे बारे च ऐ बोलदा है, “परमेश्वर अपणे स्वर्गदूतां जो होआ सांई बणादां है, कने अपणे सेवकां जो बलदी अग्गी सांई बणांदा है।”

8 पर पुत्रे दे बारे च बोलदा है, “हे परमेश्वर तेरा राज युगां-युगा दीकर बणी रेणा तू लोकां पर न्याय ला राज करणा। 9 तू भले कम्मा ला प्यार कने पाप दे कम्मा ला दुश्मणी रखी; इसी तांई तुहाड़े परमेश्वरे, तेरे साथियां बीचे ला तुहांजो चुणया, कने बड़िया खुशिया ला उना ला लग करिरी नियुक्त कितया।” 10 पबित्र शास्त्र ऐ भी बोलदा है की, “शुरुआत च तू धरती जो बणाया, कने तू सै सब कुछ भी बणाया जड़ा अम्बरे च है। 11 इना तां सारयां खत्म होई जाणा; पर तू युगां-युगां दीकर बणी रेणा; कने उना सारयां कपड़यां सांई पुराणे होई जाणा। 12 कने तू उना जो चादरा सांई बटोलणा, कने उना जो कपड़यां सांई बदलणा: पर तू हमेशा इकोदिया रेणा कने तू हमेशा जिन्दा रेणा।”

13 कने परमेश्वरे कदी कुसी स्वर्गदूते जो ऐसा नी बोलया, “जालू दीकर मैं तेरे सारे दुश्मणा जो हराई ना दे, तालू दीकर तू मेरे सजे पासे बैठी रे कने इज्जत ले।”

14 तां स्वर्गदूतां दा क्या कम्म है? सै सिर्फ परमेश्वरे दे सेवक न, कने परमेश्वर उना जो उना लोकां दी देखभाल करणे तांई भेजदा है, जिना दा उद्धार होणा है।

2

????????

1 इस तांई, जरूरी है की असां जड़ियां गल्लां सिखियां न, उना जो मनणे पर जादा ध्यान देन, तां असां सच्चाईया ला नी भटकणा।

2 क्योंकि जड़ी व्यवस्था स्वर्गदूतां दे जरिये बोलियो थी, सै हमेशा सच्च साबित होई, कने जड़े इसा व्यवस्था

जो नी मंदे थे, उना जो परमेश्वरे ला सजा मिलदी थी।
3 तां सांझो भी सजा मिलणी, अगर असां इस महान उद्धार जो नी मनगे। कने इस उद्धार दे बारे च सारयां ला पेहले प्रभुए अपु बोलया था, कने जिना लोकां इस उद्धार दे संदेश दे बारे च सुणया उना सांझो साबित किता की ये सच्च है।⁴ कने जालू भी परमेश्वरे दी इच्छा होई तालू उनी चिन्न कने लग-लग चमत्कारां जरिये कने पबित्र आत्मा दे जरिये लोकां जो बरदान देईकरी इस उद्धार दे संदेश जो साबित किता है।

????? ?????? ????? ?????

5 परमेश्वरे उस ओणे बाले संसार जो जिदे बारे च असां बोला दे न, अपणे स्वर्गदूतां दे अधीन नी कितया पर अपणे पुत्र यीशु मसीह दे अधीन कितया है।⁶ पर पबित्र शास्त्र च कुथी ऐ लिखया है की, माणु क्या न, की परमेश्वर तू उदी चिंता करदा है या देखभाल करदा है? सै माणुए ला जादा होर कुछ नी है।⁷ तू उसयो स्वर्गदूतां ला घट शक्ति दितियो है; तू उसयो राजे सांई महिमा कने इज्जत दिती कने उसयो अपणे हथां दे कम्मा पर हक दिता।⁸ तू सारियां चीजां पर उसयो हक दिता ताकि सै सारयां पर राज करे, इस तांई ऐसा लगदा है की परमेश्वरे सारा कुछ माणुए दे बशे च करी दितया है। मतलब की ऐसा कुछ नी है, जड़ा उदे काबू च ना हो। पर असां दिखी सकदे न, की हले दीकर भी सारा कुछ माणुए दे बशे च नी है।

9 पर असां यीशुए जो दिखदे न! उसयो थोड़े बकते तांई स्वर्गदूतां ला घट दर्जा दितया था, ताकि परमेश्वरे दे अनुग्रह ला सै सारे लोकां तांई मरी जाए। इस तांई उनी दुख झेले कने मरी गया कने परमेश्वरे उसयो महिमा कने इज्जत दिती।

10 परमेश्वरे सारा कुछ बणाया कने सारियां चीजां जो अपणे तांई सम्भाली रख्या है। इसा बजा ला, की लोकां जो अपणी महिमा च हिस्सेदार बणाए, परमेश्वरे ऐ फेसला लिया की, ऐ सही होणा की प्रभु यीशु मसीह दुख झेली करी इक ऐसा माणु बणी जाए जड़ा चरित्र च सिद्ध है। क्योंकि यीशु ही है जड़ा उना दा उद्धार करी सकदा है।

11 क्योंकि सै जड़ा लोकां दे पापां जो माफ करदा है, कने सै जिना दे पाप माफ होंदे न, उना दोना दा पिता इक ही है, इसा बजा ला यीशु उना जो भाई कने बेहण बोलणे ला नी शरमांदा।¹² कने इदे बारे च यीशु मसीह परमेश्वरे ला बोलदा है, “मैं अपणे मसीही भाईयां जो दसणा की तू मेरे तांई कितणे खरे कम्म किते, कने जालू सै तेरी अराधना करणे तांई गिटे होंगे तालू मैं तेरी महिमा उना सारे लोकां बिच करगा।”

13 सै दुबारा बोलदा है की, “मैं परमेश्वरे पर भरोसा रखणा।” कने सै दुबारा बोलदा है की, “मैं उना लोकां सोगी है जिना जो परमेश्वरे मिंजो दितया है।”

14 क्योंकि परमेश्वरे दे बच्चे माणु न, मतलब की जड़े मास कने खूने दे बणयो न, कने पुत्र भी इक माणु बणी गया, क्योंकि इक माणु बणी करी ही सै मरी सकदा था, कने मरणे जरिये ही सै शैतान जो हराई सकदा था, जिदे बाल मौत दी शक्ति है,¹⁵ कने इस तरीके ला प्रभु यीशुए उना सारयां जो अजाद करी दिता जड़े अपणी पूरी जिन्दगी मौत दे डरे च होईकरी गुलामा सांई जी दे थे।

16 क्योंकि प्रभु यीशु तां स्वर्गदूतां जो नी बल्कि अब्राहम दे वंशा दी सहायता करदा है।¹⁷ इस बजा ला उस तांई जरूरी था की, यीशु हर तरीके ला बिलकुल साड़े सांई बणी जाए, कने इस तरीके ला सै परमेश्वरे दा सच्चा कने दयालु महायाजक बणया। कने जड़ा बलिदान सै उना तांई करदा है ताकि उदे जरिये लोकां जो उना दे पापां ला माफी मिल्ली सके।¹⁸ क्योंकि यीशु मसीहे मुशकिलां कने दुखां जो सेहन किता इस तांई सै उना लोकां दी सहायता करी सकदा है जड़े मुशकिलां कने दुखां जो सेहन करा दे न।

3

????? ?????? ?? ????? ????? ???? ?????
???????? ? ? ?????? ??????

1 इस तांई हे मसीह भाईयो जड़े परमेश्वरे ला रिश्ता रखदे न, तुहांजो स्वर्गे दी जिन्दगिया च हिस्सेदार बणने तांई सदया है। यीशु मसीह पर ध्यान दिया जिसयो असां मंदे न, जड़ा साड़े तांई परमेश्वरे दे शुभसमाचार दा दूत कने महायाजक है।² यीशु मसीहे सै सारा कुछ किता जड़ा परमेश्वरे उसयो करणे तांई बोलया, बिलकुल तियां ही जियां मूसा परमेश्वरे दे परिवारे दे सारे लोकां दी सेवा करणे च भरोसे दे लायक था।³ घर बणाणे बाले जो घरे ला जादा इज्जत मिलदी है। इयां ही यीशु मूसा ला जादा आदर दे काबिल है।⁴ क्योंकि हर इक घरे जो बणाने बाला कोई न कोई होंदा है, पर जिनी सब कुछ बणाया है सै परमेश्वर है।

5 मूसा परमेश्वरे दे परिवारे दे सारे लोकां दी सेवा करणे च भरोसे दे लायक रिया। जड़ा मूसे किता सै उना गल्लां पासे इशारा करा दा था, जड़ा परमेश्वर बादे च बोलणे बाला था।⁶ पर मसीह इक पुत्रे सांई परमेश्वरे दे परिवारे दे लोकां च भरोसे दे लायक है, अगर असां अपणी हिम्मत कने उस आसा पर मजबुतिया ला आखरी दीकर टिकी रेंदे न, तां असां परमेश्वरे दे लोक न।

???????? ? ? ?????? ????????? ?????? ?????????

7 जियां पबित्र आत्मा पबित्र शास्त्र च बोलदी है, “अज जालू तुसां परमेश्वरे जो बोलदे सुणदे न, 8 तां तुसां उदे हुकम मनणे ला मना मत करदे, जियां तुसां दे पूर्वजां सुनसान जगा च परिक्षा बेले परमेश्वरे दे खिलाफ किता।” 9 ओथु तुहाड़े पूर्वजां चालियां सालां दीकर मेरे महान कम्मा जो दिखणे बाद भी, चुनौती देईकरी मिंजो परखया। 10 इसा बजा ला मैं उस बकते दे लोकां सोगी गुस्सा रिया, कने बोलया, हमेशा ही उना दा मन मिंजो ला दूर होई जांदा है, कने जड़ा करणे दा हुकम मैं दिता उसयो करणे ला मना करी दिता। 11 तालू मैं गुस्से च आई करी कसम खादी की, उना उस जगा च दाखल नी होणा जिथू मैं उना जो अराम देणा।

12 हे मसीह भाईयो, ध्यान रखा, की तुसां चे कुसी दा पापी कने बेबसआसी मन ना हो, जिसने तुसां जिन्दगी देणेबाले परमेश्वरे जो मनणे ला मना करी देन। 13 तुसां इक दुज्जे जो हर रोज प्रोत्साहित करदे रिया, ऐसा ना हो की पाप दे धोखे च आई करी तुहाड़े मन ढीठ बणी जाए। इस तांई जालू दीकर असां “अज” बोली सकदे न, तालू दीकर इक दुज्जे जो हर रोज प्रोत्साहित करदे रिया।

14 जड़ा भरोसा साड़ा मसीहे जो अपनाणे दे बकत था, अगर असां अपने उस भरोसे च आखरी दिने दीकर हिम्मता सोगी टिकी रेंगे, तां असां मसीह सोगी हिस्सेदार बणी जाणा।

15 तियां ही जियां पबित्र शास्त्र च लिखया, “अगर अज तुसां परमेश्वरे दी अबाज सुणगे, तां तुसां मने च ढीठ मत बणदे, जियां तुहाड़े पूर्वजां बणे च परमेश्वरे दा बिरोध किता था।”

16 भला सै कुण लोक न जिना परमेश्वरे दी अबाज सुणीकरी भी उसयो मनणे ला मना करी दिता? क्या सै ऐ लोक नी थे जिना जो मूसे मिस्र देशे ला बाहर कडया था? 17 कने परमेश्वर चालियां सालां दीकर कुना लोकां पर गुस्सा रिया? ऐ इस्राएली ही थे जिना सुनसान जगा च पाप किता कने बणे च मरी गे। 18 कने परमेश्वरे कुना लोकां सोगी कसम खादी थी, की तुसां उसा जगा च दाखल नी होणा जिथू मैं उना जो अराम देणा? सै पक्का उना लोकां दे बारे च बोला दा था जिना उदा हुकम नी मनया था। 19 सांझो पता चली गिया की, सै लोक भरोसा नी करणे दिया बजा ला उसा अराम दिया जगा च नी जाई सके।

4

???? ???? ???? ? ???? ???? ???? ?

1 परमेश्वरे बायदा कितया है की असां अरामे दिया जगा च जाणा, इस तांई अराम दिया जगा च जाणे दा

बायदा अजे भी है, तां सांझो इसा गल्ला दा होर भी ध्यान रखणा चाईदा। तुसां चे कुसी जो भी उस अराम बाली जगा पर जाणे दा मौका नी छडणा चाईदा। 2 क्योंकि जियां असां मसीह दे बारे च शुभसमाचार सुणया, इयां ही इस्राएल दे लोकां अराम दी जगा दा शुभसमाचार सुणया, पर उना भरोसा नी किता। इस तांई उना जो इस शुभसमाचार ला कोई फायदा नी होया।

3 असां परमेश्वरे दियां बोलियां गल्लां पर भरोसा कितया है, इस तांई असां अराम दिया जगा च दाखल होणा; जियां परमेश्वरे दुज्जयां तांई बोलया है, “मैं गुस्से च कसम खादी थी की उना मेरे अरामे बालिया जगा च दाखल नी होई सकणा।” पर परमेश्वरे ऐ इस तांई नी बोलया था की हले दीकर अराम दी जगा तयार नी थी, ऐ संसारे जो बणने ला पेहले ही तैयार होई गियो थी।

4 क्योंकि सतमे रोजे दे बारे च पबित्र शास्त्र च इयां लिखया है, “परमेश्वरे सतमे रोजे अपने सारे कम्मा जो पूरे करिरी अराम किता।” 5 कने असां ऐ भी पढया की बादे च उनी बोलया, “उना मेरे अरामे दिया जगा च दाखल नी करी सकणा है।”

6 कने इस्राएले दे लोकां जिना सारयां ला पेहले ऐ शुभसमाचार सुणयां, सै अराम दिया जगा च दाखल नी होई सके, क्योंकि उना परमेश्वरे दे हुकम नी मन्ने, पर बाकियां तांई अराम दिया जगा दा रस्ता हले दीकर खुलया है। 7 इस तांई परमेश्वरे अपने अराम दिया जगा च दुबारा दाखल होणे तांई इक होर बकत तय किता, कने सै बकत अज है। साड़े पूर्वजां दे विद्रोह करणे दे केईयां सालां बाद, परमेश्वरे राजा दाऊद ला इना बचना जरिये बोलया, जडे पेहले भी बोलयो थे की, “अगर अज तुसां परमेश्वरे दी अबाज सुणगे, तां तुसां अपने मने जो कठोर मत करदे।”

8 कने असां ऐ भी जाणदे न की परमेश्वरे जिस अराम दिया जगा दा बायदा कितया है, सै कनान नी है, जिथू जाणे तांई यहोशुऐ उना दी अगुवाई किती थी। अगर ऐ कनान देश होंदा तां परमेश्वर बादे च ऐ नी बोलदा की इदे तांई इक होर बकत था। 9 परमेश्वरे दे लोकां तांई हुण भी इक जगा तैयार है, जिथू सै पुरे तरीके ला अराम करी सकदे न। उना तियां ही अराम करणा है जियां परमेश्वरे सतमे रोजे अराम किता। 10 परमेश्वरे अपना कम्म पूरा करिरी अराम किता था। कने सारे लोकां तांई ऐ इकोदिया है जडे परमेश्वरे बाल अराम करणा जांदे न। उना अपना कम्म पूरा करणे बाद अराम करणा। 11 इस तांई सांझो भी उस अराम बालिया जगा च दाखल होणे तांई जादा मेहनत करणी चाईदी। ऐसा ना हो की कोई उना लोकां सांई परमेश्वरे दे हुकम नी मनणे दिया बजा ला उस अराम दिया जगा च दाखल नी होऐ।

12 क्योंकि परमेश्वरे दा बचन जिन्दा कने असरदार है, सै कुसी भी दोधारी तलवारा ला भी पेना है। जड़ा साड़ी आत्मा, प्राण, जोंडा जो कने गुरदयां जो बिनी दिन्दा है, कने सै मना दे बिचारां कने मने दी भावना जो जाणी लेंदा है। 13 परमेश्वरे दिया नजरा ला इस संसारे दा कोई भी माणु लुकया नी है, सांझो सारे कम्मा दा लेखा उसयो देणा पोंणा है। उदे सामणे सारियां चीजां खुलियां कने प्रगट न।

????? ????????

14 परमेश्वरे दा पुत्र यीशु जड़ा साड़ा सारयां दा महायाजक है, स्वर्गे च परमेश्वरे बाल चली गया। इस ताई ओआ जिस भरोसे जो सारयां सामणे मनया था, उस भरोसे च असां मजबूतिया ला टिकी रेंन। 15 क्योंकि ऐ महायाजक जड़ा यीशु मसीह है, जड़ा साड़ियां हर इक कमजोरियां जो समझदा है। शैताने सै हर गल्ला च साड़े साईं परखया, तमी उनी पाप नी किता। 16 इस ताई ओआ, असां बिना डरयो परमेश्वरे सामणे ओन, तालू परमेश्वरे सान्झो पर दया कने अनुग्रह करणा, कने जालू सांझो जरूरत होणी तालू उनी साड़ी सहायता करणी।

5

????? ????????

1 परमेश्वरे हर इक महायाजके जो इस्राएल दे लोकां च चुणया। सै लोकां दी भलाई ताईं परमेश्वरे दिया तरफा ला कम्म करणे ताईं चुणया जांदा है; सै इस ताईं भेंट कने बलि चढ़ांदा है ताकि परमेश्वर लोकां दे पापां जो माफ करी दे। 2 इक माणु होणे दे नाते सै अपु भी केई सारियां चीजां च कमजोर है। इसा बजा ला सै मुख कने भटकणे बाले लोकां ला प्यारे ला निपटी सकदा है। 3 इक महायाजक होणे दे नाते उसयो अपने पापां जो कने लोकां दे पापां जो दूर करणे ताईं बलियां चढ़ाणियां चाईदियां। 4 कोई भी माणु अपु महायाजक होणे दी पदवी अपने उपर नी लेई सकदा। जियां परमेश्वरे हारूने जो पेहले महायाजके दे रूपे च सदया कने चुणया था, तियां ही परमेश्वर दुज्जे महायाजकां जो सददा कने चुणदा है।

5 तियां ही मसीहे भी अपु जो महायाजक बणने ताईं चुणी करी अपु अपना आदर नी किता। पर परमेश्वरे यीशु मसीहे जो ऐ बोली करी चुणया जड़ा उनी होर कुसी महायाजक जो कदी नी बोलया था, जड़ा की पबित्र शास्त्र च भजनकारे लिखया है, “तू मेरा पुत्र है, अज मैं ऐ घोषणा करदा है की मैं तेरा पिता है।”

6 इयां ही परमेश्वरे दुज्जिया जगा च दुबारा उसयो बोलया, “इयां ही जियां मलिकिसिदक इक याजक था, तियां ही तुमी हमेशा याजक बणी रेणा।”

7 जालू यीशु इस संसारे च जिन्दा था, तालू उनी जोरे-जोरे कने रोई-रोई के परमेश्वरे सामणे प्राथना कने बिनतियां कितियां जड़ा उसयो मौता ला बचाई सकदा था, कने इस बड़े आदर कने अपने आपे जो परमेश्वरे जो सौपणे दिया बजा ला परमेश्वरे उदियां प्राथना कने बिनतियां सुणियां। 8 यीशु मसीह परमेश्वरे दा पुत्र होणे पर भी, उनी दुख सेहन करिरी सै करणा सीखी लिया जड़ा परमेश्वर उसला चांदा था।

9-10 परमेश्वरे मलिकिसिदक साईं उसयो इक महायाजक दी इज्जत दिती, कने उसयो सिद्ध बनाया कने सै उना सारयां लोकां ताईं उद्धार दी बजा बणी गया जड़े उदे हुकमा जो मंदे थे।

????? ?? ?????? ?????? ?? ???????

11 इदे बारे च बोलणे ताईं बड़ियां सारियां गल्लां न, पर इना गल्लां जो समझणा बड़ा मुशकिल है, क्योंकि तुसां परमेश्वरे दा बचन सुणने च सुस्त होई गियो न।

12 तुसां इतणे लम्बे बकते ला भरोसा करदे न, तुहांजो तां हुण बाकियां जो सिखाणे बाला होणा चाईदा था। पर तुहांजो हले भी ऐसे माणुऐ दी जरूरत है जड़ा तुहांजो दुबारा नोऐ सिरे ला परमेश्वरे दिया शिक्षा जो सिखाए। तुहांजो अनाज नी पर बचयां साईं दुधे दी जरूरत है। 13 क्योंकि जड़े लोक दूध पिंदे न, सै उना बचयां साईं न जड़े असल च परमेश्वरे दिया नजरा च सही जिन्दगी जिणे दे बारे च नी जाणदे न। 14 पर अनाजे दी रोटी उना ताईं है जड़े भरोसे च पक्के न, जिनी अपने अनुभव ला भले बुरे च फर्क करणा सीखी लिया है।

6

????? ?? ????????

1 इस ताईं जड़ा सारयां ला पेहले असां मसीह दे बारे च सिखाया था, उना बुनियादी शिक्षां जो बार-बार दोहरांदे मत रिया, कने हुण अगगे बदीकरी उच्च शिक्षां दे बारे च सोच बिचार करा। बुनियादी शिक्षां साईं मत बना, जियां की पाप करणा छुड़ी देणे दे बारे च, परमेश्वरे पर भरोसा करणे दे बारे च, 2 कने बपतिस्मा देणे दे बारे च, कुसी पर हथ रखीकरी आशीष देणे दे बारे च, मरयां दा जिन्दा होणे देणे दे बारे च, कने हमेशा दी सजा देणे दे बारे च कने आखरी न्याय दिया शिक्षा दी नीई दुबारा ला पांणे दी जरूरत नी है। 3 कने अगर परमेश्वरे मौका दिता तां, मैं तुहांजो उच्च शिक्षा दियां गल्लां सिखाणियां।

4 जिना अपना भरोसा गवाई दितया उना दा अपने पापां जो छुड़ी करी दुबारा मुड़ी ओणा मुशकिल है। क्योंकि सै इक बरी परमेश्वरे दी लौइ च रेई बैठयो न, कने स्वर्गे दे वरदान लेई बैठयो न, कने उना जो होर लोकां सोगी पबित्र आत्मा मिली बैठया है, 5 उना अनुभव

कितया था की परमेश्वरे दा बचन खरा है, कने ओणे बालिया शक्तिया जो अनुभव किता जालू परमेश्वरे राज करणा। 6 ऐसे लोकां जो परमेश्वरे बाल बापस लोणे दा कोई रस्ता नी है; क्योंकि सै खुद परमेश्वरे दे पुत्रे जो दुबारा ला सूली पर चढ़ादे न कने उसयो शरमिंदा करदे न जिसा बजा ला होर लोक मसीह दा मजाक उड़ादे न।

7 सै लोक जीना जो खरी शिक्षा मिलियो है, सै उसा जमिना सांई न जिसा पर बार-बार बरखा होंदी है। अगर जमीन खरी है तां ऐ किसाने जो फायदे बाली फसल दिन्दी है, कने इस पर परमेश्वरे दी आशीष होंदी है। 8 कने होर लोक उसा जमिना सांई न जड़ी झिल्ल, जाड़-बसुट उगांदी है, जड़ा की कुसी कम्मे दा नी। इसा पर परमेश्वरे दा श्राप होणे दा खतरा है कने इदे च पैदा होणे बालियां बेकार चीजां जो अग्गी च फुकी देणा।

9 पर हे प्यारे भाईयो, तुसां खरे कम्म करा दे न, क्योंकि परमेश्वरे तुहांजो पेहले ही बचाई लिया है। ऐ चेताबनियां तुहाड़े तांई नी न। 10 तुसां परमेश्वरे दे खातिर परमेश्वरे दे लोकां दी सेवा बड़े प्यारे ला करदे थे कने करा दे भी न, परमेश्वरे तुहाड़े इना कम्मा जो नी भूलणा। क्योंकि परमेश्वर अन्याय करणे बाला नी है।

11-12 तुसां सुस्त मत बणा। पर कड़ी मेहनत करणे बालयां सांई आखरी दीकर सबर कने भरोसे सोगी पक्की आस रखीकरी इना प्यार भरे कम्मा जो करदे रेणा चाईदा, ताकि सांझो परमेश्वरे दे वायदे मिली सकन।

?????????? ?? ??????? ???????

13 कने परमेश्वरे अब्राहमे ला वायदा करदे बेले अपणे नाए दी कसम खादी क्योंकि उसला बडा ऐसा कोई नी, जिदा ना लेईरी कसम खाई सकन, कने उनी बोलया, 14 “मैं सच्ची तिजो बड़ी आशीष देणी, कने मैं तिजो मते बंश देणे।” 15 अब्राहमे बड़े लम्बे बकते दीकर सबर रखया। तां जाई करी उसयो सै मिल्ला जिदा परमेश्वरे उसयो बायदा कितया था।

16 कसम खांदे बकत लोक हमेशा अपणे ला बड़डे कुसी माणुऐ दी कसम खांदे न। कसम खाणे ला ऐ यकीन होंदा है की जड़ा सै बोला दे न सै सच्च है, कने ऐ सारयां झगड़यां जो खत्म करी दिन्दी है। 17 जालू परमेश्वरे अपणे लोकां जो ऐ गल्ल बिलकुल साफ दसणा चाई की सै अपणे कितयो बादयां जो कदी नी भुलदा; तां उनी बायदे सोगी अपणे ना दी कसम जोड़ी। इसला पता चलदा है उदे बायदे सच्ची पुरे होंणे न। 18 तां ऐथू फिरी दो गल्लां न परमेश्वरे दा बायदा कने उदी कसम, जड़ी कदी नी बदली सकदी जिना दे बारे च परमेश्वर कदी झूठ नी बोली सकदा। इस तांई असां परमेश्वरे बाल बचणे तांई आयो न, कने जड़ी आस उनी सांझो दितियो है, उसा जो पकड़ी रखा कने जादा उत्साहित रिया।

19 जियां इक बडे किले ला बनियो रस्सी किस्तिया जो टिकाई रखदी है, तियां ही है आस साड़िया जिन्दगिया जो टिकाई कने मजबूत बणाई रखदी है। जिदे च साड़ी आस है सै यीशु मसीह है, जड़ा स्वर्ग च बड़िया पबित्र जगा च परमेश्वरे बाल गिया। 20 यीशु सांझो ला अग्गे कने साड़े तांई स्वर्गे च गिया है। सै याजक मलिकिसिदक सांई हमेशा तांई महायाजक बणी गिया है।

7

???????????????? ???????

1-3 ऐ मलिकिसिदक शालेम शेहरे दा राजा था, कने परम प्रधान परमेश्वरे दा याजक था, सारयां ला पेहले उदे नाए दा मतलब है, “धार्मिकता दा राजा” कने उदा ना “शालेम शेहरे दा राजा” जिदा मतलब है की शांति दा राजा। जिदा ना पिता, ना मां, ना खानदान दा कोई पता था, कने ना उदे जमणे दी कने ना मरणे दी खबर थी, फिरी भी सै परमेश्वरे दे पुत्रे सांई हमेशा तांई याजक बणी रेंदा है; मलिकिसिदक अब्राहम ने तालू मिल्ला जालू सै राजयां जो हराई करी मुड़ी करी ओआ दा था, कने उसयो आशीष दिती कने अब्राहमे उसयो हर चिजा दा दसमा हिस्सा दिता जड़ा उनी अपणे दुशमणा लिया था।

4 हुण इसा गल्ला पर ध्यान दिया की मलिकिसिदक कितणा महान था, जिसयो साड़े पूर्वज अब्राहमे अपणे दुशमणा ला लुटयो माले दा दसमां हिस्सा देई दिता था। 5 मूसा दी व्यवस्था दसदी है की लेवी दे बंशे च जड़े याजक बणदे न, उना जो हुकम मिलया है, की सै इस्राएले दे लोकां ला दसमा हिस्सा लेन। पर सै याजक कने होर लोक भाईयां सांई न क्योंकि सै सारे अब्राहम दे बंशे दे न। 6 पर फिरी भी मलिकिसिदक जड़ा लेवी दे बंशे दा नी था, उनी अब्राहम ला दसमा हिस्सा लिया, कने उनी अब्राहम जो आशीष दिती, हालांकि अब्राहम तां सै माणु था जिसयो परमेश्वरे बायदा दितया था।

7 कने असां पक्का जाणदे न की जड़ा आशीष दिन्दा है, सै आशीष लेणेवाले ला बड़डा होंदा है। 8 कने लेवी बंशे दे याजक जड़े दसमा हिस्सा ले दे थे, कने ऐसे लोक थे जिना इक ना इक रोज मरी जाणा। पर मलिकिसिदक जिनी अब्राहम ला दसमां हिस्सा लिया, सै हल्ले भी जिंदा है, जियां की पबित्र शास्त्र च लिखया है। 9 तां असां बोली सकदे न, की लेवी जड़ा लोकां ला दसमा हिस्सा लेंदा था सै अब्राहम दा बंशज था। इस तांई अब्राहम जालू मलिकिसिदक ला मिलया कने उसयो दसमां हिस्सा दिता, तां असां ऐ बोली भी सकदे न की लेविऐ भी अब्राहमे जरिये मलिकिसिदक जो दसमां हिस्सा दिता। 10 क्योंकि जिस बेले मलिकिसिदक

अब्राहम ला मिल्ला, उस बकत तां लेवी जम्या भी नी था, पर सै तां अपणे पिता दे शरीरे च था।

११ ११११ ११११११ ११ ११११११

11 लोकां जो उना याजकां दे आधार पर व्यवस्था मिलियो थी, जड़े लेवी गोत्र दे हारून ला आयो थे। पर उना जो इसा व्यवस्था जरिये सिद्ध नी बणाई सके, इस तांई इक होर याजके दी ओणे दी जरूरत थी, इक ऐसा याजक जड़ा हारून सांई नी पर मलिकिसिदक सांई हो। 12 क्योंकि जालू इकोदे याजक नी रेंदे, तां व्यवस्था जो बदलणा भी जरूरी होई जांदा है।

13 क्योंकि असां ऐ गल्लां मसीह दे बारे च बोला दे न, जड़ा इक लग गोत्रे ला था। कने उस गोत्रे च कदी भी कुनी भी याजके दे रुपे च वेदिया पर सेबा नी कितियो थी। 14 सारे जाणदे न की, साड़ा प्रभु यीशु यहूदा दे बंशे ला था कने मूसे इस यहूदा दे बंश दे लोकां दा याजक बणने दे बारे च कुछ नी बोलया, कने ना ही यहूदा बंश दा कोई याजक बणया था।

15 हुण तुसां समझी सकदे न की मैं कुस बारे च बोला दा है। इस तांई ऐ गल्ल होर भी साफ है की मूसा दी व्यवस्था कने याजक दोनों जो साड़े महायाजके तांई बदली दितया है, जड़ा मलिकिसिदके सांई याजक है। 16 यीशु कुसी खास माणु मतलब की लेवी दे बंशज दे नियमा कने विधियां दिया बजा ला याजक नी बणया, पर यीशु अपणी कदी खत्म नी होणे वाली जिन्दगिया दिया शक्तिया दिया बजा ला याजक बणया। 17 क्योंकि परमेश्वर उदे बारे च पबित्र शास्त्र ऐ गबाई दिन्दा है की, “तू मलिकिसिदके सांई युगां-युगां दीकर याजक बणी रेणा है।”

18 इस तांई मूसा दी व्यवस्था सै नी करी सकी जड़ा उसा जो करणा चाईदा था कने कुसी कम्मे दी नी थी इसा बजा ला बदली दिती। 19 इस तांई की मूसा दी व्यवस्था कुसी भी गल्ला जो सिद्ध नी बणाई सकी, कने उदिया जगा पर साड़े बाल इक आस है, जड़ी यीशु मसीह च है, जिदे जरिये असां परमेश्वरे दे नेड़े जाई सकदे न।

१२ १२१२१२ १२१२१२ १२ १२१२१२१२

20 इदे बाद जालू परमेश्वरे यीशु मसीह जो याजक बणाया तां उनी इक कसम खादी। 21 क्योंकि लेवी दे बंश बगेर कसमा दे याजक बणाए, पर यीशु मसीह कसमा सोगी परमेश्वरे दिया तरफा ला याजक बणया। परमेश्वरे यीशु मसीह दे बारे च बोलया, “मैं परमेश्वर, मैं ऐ कसम खांदा है, मैं अपणा फेसला कदी नी बदलणा, की तू युगां-युगां दीकर मलिकिसिदका सांई इक याजक है।” 22 इस तांई यीशु मसीह ही सै है, जड़ा इक खरी बाचा दे पूरा होणे दी बजा बणदा है।

23 ऐथू यीशु मसीह दा याजक होणे दा इक होर फायदा है, सै तां बड़े जादा याजक बणदे आए, क्योंकि उना चे हर इक याजके दी मौत होई गई कने इसा बजा ला सै अपणा कम्म जारी नी रखी सकी। 24 पर यीशु युगां-युगां दीकर जिन्दा है, इस तांई उनी हमेशा याजक बणी रेणा, पर होर कोई उदा याजक होणे दा पद नी लेई सकदा। 25 इसी तांई जड़े यीशु जरिये परमेश्वरे बाल ओदे न, सै उना दा पूरा-पूरा उद्धार करी सकदा है, क्योंकि सै उना तांई हमेशा विनती करणे तांई जिन्दा है।

26 क्योंकि ऐसा ही महायाजक साड़ियां जरूरतां जो पूरा करी सकदा है, जड़ा पबित्र, जिस पर कोई दोष ना हो, शुद्ध हो, पापियां ला लग रेंदा हो, कने जड़ा स्वर्गे ला भी उच्चा हो। 27 कने सै महायाजक जड़े हारून दे बंशे दे थे, उना सांई यीशुऐ तांई जरूरी नी है, की सै पेहले अपणे पापां कने फिरी लोकां दे पापां तांई बलिदान चढ़ाए; क्योंकि यीशुऐ तां इक बरी सारे लोकां तांई अपणे आपे जो बलि चढ़ाई दितया। 28 क्योंकि मूसा दी व्यवस्था तां कमजोर लोकां जो महायाजक बणांदी है; पर जड़ी कसम मूसा दी व्यवस्था दे बाद आई सै परमेश्वरे दे पुत्रे जो बड्डा याजक बणांदी है। कने सै हमेशा तांई साड़े तांई इक सिद्ध महायाजक बणी गिया है।

8

१११११ ११११११ ११११११११

1 हुण जड़ियां गल्लां असां करा दे न, उना चे सारयां ला बड्डी गल्ल ऐ है, की साड़े तांई इक ऐसा महायाजक है, जड़ा स्वर्गे च उस महिमामय परमेश्वरे दे सिहांसने दे सजे पासे जाई बैठा है। 2 कने साड़ा महायाजक स्वर्गे च सच्चे मिलाप दे तम्बूऐ च बड़िया पबित्र जगा च सेबा करदा है जड़ी स्वर्गे च है, जिसयो परमेश्वरे बणाया ना की कुनी माणुऐ।

3 क्योंकि हर इक महायाजक जिसयो इस तांई चुणदे न की सै लोकां दी माफी तांई भेंट कने बलिदान चढ़ाए। इस तांई साड़े महायाजक यीशु तांई भी ऐ जरूरी था की उस बाल भी कुछ चढ़ाने तांई हो। 4 कने अगर मसीह धरतिया पर होंदा तां कदी भी याजक नी होंदा, क्योंकि मूसा दी व्यवस्था दे अनुसार भेंट चढ़ाने तांई पेहले ला ही याजक हेन। 5 जड़े ऐ याजक करदे न, सै सिर्फ उदी इक नकल कने परछाई है जड़ा स्वर्गे च है। क्योंकि जालू मूसा मिलाप दा तम्बू बणाणा चलया था, तालू परमेश्वरे उसयो ऐ चेतावनी दिती की, “तू हर चीज तियां ही बणायां जदिया उदाहरण तिजो पहाड़े पर दसया था।”

6 पर जड़ा याजकां दी सेबा दा कम्म साड़े महायाजक यीशुऐ जो मिलया, सै याजकां ला बदीकरी है। क्योंकि

सै जिस बाचा दा बिचोलिया है, सै पराणिया बाचा ला खरी है कने खरियां चीजां दे बायदे पर आधारित है।

7 क्योंकि अगर पेहलिया बाचा च कमियां नी होंदिया तां दूजिया बाचा दी जरूरत ही नी होंदी।

8 पर परमेश्वरे लोकां पर दोष लाईकरी बोलया, “सै दिन ओआ दे न की, मैं इस्राएल दे लोकां सोगी कने यहूदा दे लोकां सोगी नोई बाचा करणी है। 9 ऐ बाचा उस बाचा सांई नी होणी है, जड़ी मैं उना दे पूर्वजां सोगी कितियो थी, जालू मैं उना जो मिस्र देशे ला कडी लेई आया था, क्योंकि सै मेरी बाचा पर टिकी नी रे, कने मैं उना दी चिंता करणा बंद नी करी दिता, प्रभु ऐई बोलदा है। 10 फिरी प्रभु बोलदा है की, जड़ी नौइ बाचा मैं ओणे बाले दिना च इस्राएल दे लोकां सोगी करणी, सै ऐ है की मैं उना जो मेरी व्यवस्था दे बारे च सोचना देणा, कने उना उसा जो अपणे मना च रखणा, कने मैं उना दा परमेश्वर बणना, कने उना मेरी अराधना करणी। 11 फिरी कुनी भी इस्राएल दे लोकां अपणे देशे बालयां जो, कने अपणे रिशतेदारां जो ऐ शिक्षा देणे दी जरूरत नी पोंणी, की तुसां प्रभु जो मन्ना, क्योंकि छोट्टे ला लेईकरी बड्डे लोकां दीकर सारयां मन्नी लेणा की मैं उना दा परमेश्वर है। 12 क्योंकि मैं उना दे पाप माफ करी देणे, कने मैं उना दे पापां जो दुबारा फिरी याद नी करणा।”

13 परमेश्वरे इसयो नोई बाचा बोलया, इस तांई उनी पेहले बालिया बाचा जो पूराणा करी दिता। जड़ा कुच्छ भी पूराणा है कने घिस्या-पिटया है, सै खत्म होई जाणा।

9

?????? ? ? ? ? ? ?

1 उसा पैली बाचा जो जड़ी बडे पेहले, मूसा दे जरिये इस्राएल दे लोकां जो दीतियो थी। उदे च परमेश्वरे दी अराधना करणे दे सारे नियम कने कनून थे कने इसा धरती पर अराधना तांई लोकां दा बणाया मिलाप दा इक पबित्र तम्बू भी था। 2 ऐ तम्बू जानवरां दिया खल्ली ला बणया था, उस तम्बूऐ बिच उना इक पर्दा लटकाई दिता कने दो कमरे बणाई दिते, पेहले कमरे च इक धूपदान, कने मेज थी जिसा पर परमेश्वरे जो चढ़ाईयां रोटियां रखदे थे, कने इस कमरे जो पबित्र जगा बोलदे थे।

3 कने तम्बूऐ दे दुज्जे कमरे जो जड़ा परदे पिच्छे था, उसयो परम पबित्र जगा बोलदे न। 4 उस दुज्जे कमरे च सोने दी धूपदानी थी, कने चारो पासे ला सोने दा मढ़या सन्दुक था जिसयो बाचा दा सन्दुक बोलदे न। कने उदे च सोने दे भांडयां च मन्ना भरीरी रखया था, कने हारून दा डंडा भी था जिदे पर खिलयो पत्ते लगयो थे, आखरी च इदे च दो पथरे दियां पटियां थियां, जिना पर परमेश्वरे सै दस हुकम लिखयो थे, जडे मूसा जो दितयो थे। 5 इदे

इलाबा सन्दुके प्राला दो फंगा बाले करुब बणयो थे, जडे इसा गल्ला दा संकेत था की परमेश्वर उस जगा पर था। उना अपणे फंगा ला उसा जगा जो ढक्या था, जिस पर महायाजक खून छिड़कदा था, ताकि लोकां दे पाप माफ होई सकन। पर हुण असां इना चीजां दे बारे च इक-इक करिरी दस्सी नी सकदे।

?????? ? ? ? ? ? ?

6 इस तरीके ला उना इना सारियां चीजां जो तम्बूऐ दे दो कमरयां च तैयार किता। याजक हर रोज उस पेहले कमरे च जाई करी अपणी धार्मिक बिधियां जो पूरा करदा था। 7 पर दुज्जे कमरे च मतलब की उस बड़ी पबित्र जगा च सिर्फ महायाजक साले च इक ही बरी जांदा था। कने सै अपणे सोगी जानवरां दे खूने जो लेई जांदा था, जिसयो सै अपणे तांई कने लोकां दे अनजाणे च कितयो पापां दी माफी तांई चढ़ांदा था।

8 इना विधियां जरिये पबित्र आत्मा सांझो ऐ समझांदा है, की जालू दीकर इसा धरती पर मिलाप बाले तम्बू कने इना दियां विधियां जो मंदे न, तालू दीकर स्वर्गे च परमेश्वरे दे परम पबित्र जगा च जाणे दा रस्ता हल्ले दीकर नी खुलया है। 9 ऐ सारियां चीजां सिर्फ इना गल्लां दा उदाहरण थियां, जडियां हुण मसीह दे जरिये पुरियां होआ दियां न। क्योंकि सै चढ़ाबे कने बलिदान जडे लोक परमेश्वरे जो चढ़ादे थे, जडे उदी अराधना करदे थे। सै लोकां दे मना कने दिलां जो शुद्ध करणे दे काबिल नी थे। 10 क्योंकि ऐ लोकां दे खाणे पीणे दियां गल्लां दे बारे च, कने भांती-भांती दियां नोहणे दियां बिधिया दे बारे च दसदे न जिना ला लोक बाहरी तौर ला साफ होई जांदे न। इना विधियां जो तालू दीकर मनणा था जालू दीकर की परमेश्वर नोई बाचा जो शुरू नी करी दिंदा।

?????? ? ? ? ? ? ?

11 पर हुण मसीह महायाजक सांई आया है, जड़ा नोईया बाचा दियां सारियां खरियाँ-खरियाँ चीजां दिन्दा है। सै होर भी जादा महान कने सिद्ध तम्बूऐ च दाखल होया। ऐ तम्बू माणुआं नी बणाया था मतलब की इस संसारे दा नी था। 12 यीशु मसीह परम पबित्र जगा च इक बकरी या बछड़े दा खून लेईकरी नी गया, पर सै अपणे ही खूने सोगी गया। उनी सै सिर्फ इक बरी ही किता, कने इसयो दुबारा करणे दी जरूरत नी होणी। उदे जरिये सांझो हमेशा दा उद्धार मिलया।

13 मूसा दी व्यवस्था अनुसार जडे लोक अशुद्ध होंदे न, सै परमेश्वरे दी अराधना करणे दे काबिल नी होंदे। पर अगर उना पर बकरयां कने दांदा दा खून कने बछड़यां दी राख छिड़की जाऐ तां सै शुद्ध होई जांदे न। अगर इदे च माणुआं दे शरीरे जो शुद्ध करणे दी शक्ति है, 14 तां

जरा सोची की दिखा की मसीह दे खूने ला साड़े दिलां जो उना कम्मा ला कितणा शुद्ध करणा जड़े मौत दे पासे लेई जांदे न, ताकि असां जिन्दे परमेश्वरे दी अराधना करी सकन। क्योंकि अनन्त आत्मा दिया शक्तिया दे जरिये मसीहे साड़े पापां ताई अपने आप जो निर्दोष बलिदान दे रूपे च परमेश्वरे जो भेंट चढ़ाई दिता। 15 इसा बजा ला यीशु मसीहे लोकां सोगी इक नोई बाचा बन्नी, ताकि जिना लोकां जो परमेश्वरे सदया है, उना जो हमेशा दियां आशीषां मिली सकन जिदा परमेश्वरे बायदा कितया था। क्योंकि यीशु मसीह उना जो उना दे पापां दिया सजा ला अजाद करणे ताई मरी गया, जड़े उना पैली बाचा दे अधीन रेईकरी कितयो थे।

16 असां जाणदे न की अगर कोई माणु अपनी मौत ला बाद अपनी जमीन जयादाद जो बंडणे ताई बसियत लिखदा है, तां उस बटबारे जो करणे ताई उदा मरणा जरूरी है। 17 क्योंकि उसा बसियत दी कोई कीमत नी जालू दीकर जयादाद दा मालिक हल्ले जिन्दा है। उसा बसियत दी कीमत तालू ही है जालू उस मालिके दी मौत होई जांदी है।

18 इस ताई ऐथू दीकर परमेश्वरे दे जरिये दितियो पैली बाचा जो भी पक्की होणे ला पेहले इक बलि दिती थी। 19 सारयां ला पेहले मूसा सारयां लोकां जो व्यवस्था दे हुकम दे बारे च दसया। इदे बाद उनी बछड़यां दा खून लेईकरी पाणिए च घोलया कने इदे बाद उनी इसयो लोकां कने व्यवस्था दिया कताबा च छिड़कणे ताई लाल ऊन, कने जूफा नाए दे बूटे दियां डालियां दा इस्तेमाल किता। 20 कने जालू मूसा ऐ बोला दा था, उनी लोकां ने बोलया, “ऐ खून उस बाचा जो शुरू करदा है, जिसा जो मनणे दा हुकम परमेश्वरे तुहांजो दितया है।”

21 कने इयां ही मूसे तम्बूऐ च कने अराधना दियां सारियां चीजां पर खून छिड़कया। 22 कने मूसा दी व्यवस्था बोलदी है की सारियां चीजां जो खून छिड़की करी शुद्ध करणा चाईदा, कने बिना खूने बहाए, परमेश्वर लोकां जो उना दे पापां ताई माफ नी करी सकदा।

23 इस ताई मिलाप बाले तम्बूऐ कने उदियां सारियां चीजां जो विधिया अनुसार बलि देईकरी शुद्ध करणा जरूरी था, ऐ स्वर्गे दियां चीजां दी नकल है। पर स्वर्गे दियां चीजां जो विधिया अनुसार शुद्ध करणे ताई, जानवरां दे खूने ला भी खरे बलिदाने दी जरूरत थी। 24 इसा बजा ला मसीह उस पबित्र जगा च नी गया जिसा जो माणुआं अपने हथां ला बणाया है, जड़ी सच्ची पबित्र जगा दी इक प्रतीक है। पर सै साड़े फायदे ताई परमेश्वरे सामणे ओणे ताई सीधा स्वर्गे जो गया।

25-26 कने मसीह अपने आप जो बार-बार बलि चढ़ाणे ताई स्वर्गे च नी गया, जियां महायाजक हर साल जानवरां दे खूने सोगी परम पबित्र जगा च जांदा है, क्योंकि अगर इयां होंदा तां फिरी उसयो संसारे दे शुरू होणे ला ही बड़े सारे दुख झेलणा पोंदे। पर मसीह इस संसार दे आखरी बकत च अपने आप जो बलिदान करणे ताई सिर्फ इक बरी आया ताकि पाप दा अंत होई सके।

27 क्योंकि ऐ पक्का है की असां सारे लोकां इक बरी मरणा, कने उदे बाद साड़ा न्याय होणा। 28 तियां ही मसीह भी सारे लोकां दे पापां जो माफ करणे ताई इक ही बरी बलिदान होया। पर उनी जालू दुबारा इसा धरती पर ओणा, तां उनी साड़े पापां ताई बलिदान होणे ताई नी ओणा, पर उना लोकां जो बचाणे ताई ओणा जड़े लोक उसयो नियाला दे न।

10

1 मूसा दी व्यवस्था तां सिर्फ अगगे भविष्य च ओणे बालियां खरियां चीजां दी परछाई है, पर उना खरियां चीजां दा असली रूप नी है, जड़ियां मसीहे साड़े ताई कितियां न। इस ताई व्यवस्था जो मनणे बाले लोक हर साल इकोदियां बलियां चढ़ादे न, पर ऐ बलिदान उना लोकां जो कदी सिद्ध नी करी सकदे जड़े परमेश्वरे दी अराधना करणे ताई उदे नेड़े ओदे न। 2 अगर परमेश्वरे दी अराधना करणे बाले इना बलिदाना दिया बजा ला सिद्ध होई जांदे, तां सै अपने आप जो दोषी नी मंदे। तां फिरी हुण बलिदान चढ़ाणे दे बारे च गल्ल नी होंदी। 3-4 पर जानवरां दियां बलियां दा खून उना दे पापां जो दूर नी करी सकदा, पर ऐ हर साल उना जो उना दे कितयो पापां जो याद करांदा है।

5 इसा बजा ला जालू मसीह इस संसारे च आया तां उनी परमेश्वरे ला बोलया था, “तू नी चांदा की लोक तित्तो बलियां चढ़ान, पर तू मिंजो इक आदमी बणाई दिता।” 6 कने ना सै बलियां जिना च जानवरे जो पूरा फूकी करी चढ़ादे न कने ना ही पापां दिया माफिया ताई चढ़ाईयां बलियां ला तू खुश होंदा है। 7 तालू मसीहे परमेश्वरे ने बोलया, “हे परमेश्वर, मैं तेरी इच्छा पूरी करणे ताई आई गया है, पबित्र शास्त्र च मेरे बारे च ऐई लिखया है।”

8 मूसा दी व्यवस्था सिखांदी है बलियां कने भेंटा पाप दिया बजा ला चढ़ाणियां चाईदियां। पर मसीहे इना गल्लां दे बारे च कजो बोलया की परमेश्वरे इना ला खुश नी होंदा? 9-10 फिरी मसीह ऐ भी बोलदा है, “दिख, मैं सेई करणा आया है, जड़ा तू चांदा है।” तालू परमेश्वर

बलियां बाली पैली व्यवस्था जो खत्म करी दिन्दा है, ताकि सै नोई व्यवस्था शुरू करी सके। इसी बजा ला असां उस बलिदान दे जरिये पबित्र होई गियो न जड़ा यीशु मसीहे अपने शरीरे जो चढ़ाई करी दिता।

11 हर इक यहूदी याजक रोज ही वेदिया सामणे खड़ा होँदा है कने लोकां दे पापां जो दूर करणे दियां बिधियां जो पूरा करदा है। कने हमेशा ही इकोदे बलिदाना चढ़ादां रेंदा है, जड़े कदी भी उस माणुए दे पापां जो दूर नी करी सकदे न, जड़े उनी कितयो न। 12 पर यीशु मसीहे साड़े पापां दी माफी ताँई अपने आप जो परमेश्वरे सामणे इक ही बरी कने हमेशा ताँई बलिदान करी दिता कने। सै परमेश्वरे दे सजे पासे कने सिंहासने पर सारयां ला जादा इज्जता बालिया जगा च हमेशा ताँई जाई बैठा। 13-14 क्योंकि मसीहे अपने आप जो सिर्फ इक बरी ही बलिदान दे रूपे च परमेश्वरे जो देई दिता कने इस बजा ला उदे लोकां जो पबित्र करी दितया है कने सै सच्ची हमेशा ताँई धर्मी बणी गियो न। कने ओथु सै अपने सारे दुश्मणा जो पुरे तरीके ला अपने अधीन करणे ताँई परमेश्वरे दा इंतजार करा दा है।

15 कने पबित्र आत्मा भी सांझो ऐ दसदा है की, ऐ गल्ल सच्च है। कने प्रभु परमेश्वरे दे बायदे जो याद करा जिदे बारे च उनी पेहले ही बोलया था, 16 “प्रभु बोलदा है; की जड़ी बाचा मैं ओणे बाले दिनां च उना सोगी करणी है, की मैं उना जो अपनी व्यवस्था दे बारे च सोचना देणा कने उना उसा जो अपने मना च रखणा।” 17 फिरी परमेश्वर ऐ बोलदा है, “मैं उना दे पाप माफ करी देणे, कने मैं उना दे पापां जो दुबारा फिरी याद नी करणा।”

18 कने परमेश्वर साड़े पापां जो माफ करदा है, तां हुण कोई भी होर बलिदान देंगे दी जरूरत नी है।

???????? ?

19 इस ताँई हे मसीह भाईयो, जालू की यीशु मसीहे साड़े ताँई अपनी जिन्दगी बलिदान करी दिती, हुण असां हिम्मत सोगी स्वर्गे दिया परम पबित्र जगा च बिना डरयो जाई सकदे न। 20 जालू मसीह मरया तां उनी साड़े ताँई इक नोआ रस्ता खोली दिता ताकि असां ऐसी जिन्दगी जी सकन जिदा कोई अंत ना हो। उनी ऐ रस्ता पर्दे ला निकली करी खोली दिता, मतलब की अपने शरीरे जो बलिदान करिरी रस्ता खोली दिता। 21 क्योंकि साड़ा ऐसा महान याजक है जड़ा परमेश्वरे दे सारे लोकां पर राज करदा है, 22 तां ओआ असां, मसीह दे खूने जो छिड़की करी अपने मना जो शुद्ध करिरी कने साफ पाणिऐ ला अपने शरीरे जो धोई करी साफ करिरी कने सच्चे मने कने पक्के भरोसे सोगी परमेश्वर दे नेड़े जान।

23 कने असां बिना कुसी शक दे अपनी उस आस पर टिकी रेन, जिसा जो असां अपनाया है क्योंकि असां परमेश्वर पर उदे बायदयां जो पूरा करणे ताँई भरोसा करी सकदे न। 24 ओआ असां इक दुज्जे सोगी प्यारभाव कने भले कम्मा जो करणे ताँई इक दुज्जे जो प्रोत्साहित करन।

25 कने असां परमेश्वरे दी अराधना करणे ताँई गिटे होणा बंद ना करन, जियां केई लोक करा दे न, पर ओआ असां इक दुज्जे जो होर भी जादा प्रोत्साहित कने समझान क्योंकि असां जाणदे न की प्रभु जल्दी मुड़ी करी ओणे बाला है।

26 सांझो इना कम्मा जो करणा चाईदा क्योंकि यीशु मसीहे दे शुभसमाचार दी सच्चाई जो जाणने बाद अगर असां जाणी बुझी करी पाप करदे न, तां कोई होर बलिदान नी है जड़े साड़े पापां जो माफ करी सके। 27 बल्कि डरीकरी परमेश्वरे दा इंतजार करणा है की उना दा न्याय करे कने अग्गी च भस्म करी दे क्योंकि सै उदे दुश्मण न।

28 जड़ा कोई मूसा दी व्यवस्था जो नी मंदा है, उस पर बगेर दया कितयो दो या तीन लोकां दी गवाई पर उसयो मारी दिन्दे न। 29 अगर मूसा दी व्यवस्था च ऐसी सजा थी, तां उस माणुए दी सजा बड़ी बड़ी होणी चाईदी जड़ा परमेश्वरे दे पुत्रे दी बेईजती करदा है कने परमेश्वरे दे पुत्रे जो अपने पैरां थले गरेची दिन्दा है, कने मसीह दे खूने जो पबित्र नी मंदा जिदे जरिये परमेश्वरे उसयो पबित्र करणे ताँई नोई बाचा शुरू किती थी कने पबित्र आत्मा दी बेईजती किती जिदे जरिये उसयो अनुग्रह मिलया था।

30 क्योंकि असां जाणदे न की परमेश्वरे बोलया, “बदला लेणा मेरा कम्म है, मैं ही बदला लेणा।” कने उनी फिरी ऐ भी बोलया की, “प्रभुए अपने लोकां दा न्याय करणा।” 31 जिन्दे परमेश्वरे दे हथां ला सजा मिलणा इक बड़ी भयानक गल्ल है।

32 पर उना दिनां दे बारे च याद करा, जालू तुसां पैली बरी मसीह पर भरोसा कित था। तुसां बड़े भरी दुख तकलिफां जो झेलया, पर तुसां भरोसे च पक्के बणी रे। 33 कदी-कदी तां इयां भी होया की तुसां लोकां ला बेईजती कने अत्याचार झेली करी सारयां सामणे तमाशा बणी गे, कने केई बरी तुसां मसीह भाईयां दा साथ दिता जड़े तुहाड़े साँई दुख मुसीबतां च थे। 34 तुसां कैदियां दे दुखां च भी दुखी होए, कने जालू होरनी लोकां तुहाड़ी धन-दौलत जो लूटया तां तुसां उना जो लुटणा दिता। क्योंकि तुसां जाणदे न की तुहाड़े बाल हल्ले भी सारियां चीजां न, जिना दा परमेश्वरे बायदा कितया है, कने सै हमेशा ताँई न। 35 इस ताँई अपने भरोसे जो मत

छड़ा चाहे कुछ भी होई जा। कने उस इनाम जो याद रखा जड़ा परमेश्वरे तुहांजो देणा।

36 हुण तुहांजो सबर रखीकरी सेहन करणे दी जरूरत है, ताकि तुसां परमेश्वरे दी इच्छा जो पूरा करी सकन। तां तुहांजो सै सारा कुछ मिलणा जिदा उनी बायदा कितया है। 37 क्योंकि जियां पबित्त्र शास्त्र च मसीह दे बारे च लिखया है की, “हुण बड़ा ही घट बकत रेई गिया है, जालू की ओणे बाले ओणा है, कने देर नी करणी थोड़े।” 38 कने मेरे धर्मी लोकां मिंजो पर भरोसा करणे ला ही जिंदे रेणा, कने अगर सै मिंजो पर भरोसा करणे ला पिच्छे हटी जांगे तां मै उना ला खुश नी होंगा।

39 पर असां उना लोकां चे नी न जड़े परमेश्वरे ला पिच्छे हटी जांदे न, कने खत्म होई जांदे न। पर असां उना लोकां चे न जड़े भरोसा रखदे न कने बची जांदे न।

11

?????? ??

1 हुण जड़े लोक परमेश्वरे पर भरोसा रखदे न, उना जो पक्का ही परमेश्वरे सारा कुछ देणा जिदी सै आस रखदे न; उना जो यकीन है की जिना चीजां जो उना दिखया नी है सै असली च हेन। 2 साड़े पूर्वजां दा भी ऐसा भरोसा था कने इसी तांई परमेश्वर उना ला खुश था। 3 क्योंकि भरोसा करणे ला ही असां जाणी लेंदे न, की सारे संसार जो परमेश्वरे अपणे बचना ला बणाया है। इस तांई असां जड़ा भी दिखदे न, सै उना चीजां ला नी बणयो न जिना जो दिखी नी सकदे न।

4 भरोसा करणे दिया बजा ला ही आदमे दे पुत्र हाबिले अपणे बड्डे भाई कैन ला बदिया बलिदान परमेश्वरे तांई चढ़ाया, कने उदे बलिदाने दे जरिये ही परमेश्वरे गबाई दिती की हाबिल धर्मी है, कने परमेश्वर उदे बलिदान ला खुश था। हाबिल अपणी मौत ला बाद भी सांझो सिखा दा है की भरोसा कदिया होणा चाईदा।

5 भरोसे दिया बजा ला ही परमेश्वरे हनोक नाए दे माणुए जो स्वर्गे च जिन्दा चुकी लिया, कने सै इस तांई मरया नी कने कुसी जो भी उदी लाश नी मिल्ली, क्योंकि स्वर्गे च जाणे ला पेहले हनोके परमेश्वरे जो खुश किता, जियां पबित्त्र शास्त्र च लिखया है। 6 परमेश्वरे पर भरोसा करिरी ही असां उसयो खुश करी सकदे न, क्योंकि परमेश्वरे बाल ओणे बाले लोकां जो पक्का भरोसा होणा चाईदा की, परमेश्वर है, कने सै उना जो इनाम दिन्दा है जड़े उसयो जाणदे दी कोशिश करदे न।

7 भरोसा करणे दिया बजा ला ही नूह नाए दे माणुए जो बाढ़ दे बारे च चेतावनी मिल्ली जड़ी उनी कदी नी दिखियो थी। तां परमेश्वरे दा हुकम मन्नी करी अपणे परिवार जो बचाणे तांई जाज बणाया, कने जिना लोकां

भरोसा नी किता सै सारे दोषी होए कने सारे पाणिणे च डूबी करी मरी गे। क्योंकि नूहे परमेश्वरे पर भरोसा किता इसा बजा ला सै परमेश्वरे दिया नजरा च धर्मी बणया।

8 भरोसे दिया बजा ला ही अब्राहम नाए दे माणुए जो परमेश्वरे इक ऐसी जगा च जाणे तांई सदया जिसा जगा जो परमेश्वर बादे च उसयो विरासत च देणे बाला था। कने सै ऐ नी जाणदा था की कुथयो चलया है, पर फिर भी परमेश्वरे दा हुकम मन्नी करी सै उस देशे जो चली गिया। 9 परमेश्वरे जिस जगा दा बायदा कितया था, अब्राहम उस देशे च परदेसियां सांई तम्बूआं च रेंदा था, उदे सोगी उदा जागत इसहाक कने पोतरू याकूब भी तम्बूआं च रेंदे थे, जिना जो परमेश्वरे ला ऐई बायदा मिलया था। 10 क्योंकि सै स्वर्ग च इक ऐसे शेरें च रेणे दी उम्मीद रखदे थे, जिनी हमेशा बणी रेणा है, जिसयो बणाने बाला कने रचणे बाला परमेश्वर है।

11 भरोसे दिया बजा ला ही अब्राहम दी घरे बालिया सारा बुड्डी होई के भी गर्भ धारण किता, क्योंकि उसा जो भरोसा था की परमेश्वरे जड़ा बायदा कितया है सै उनी पूरा करणा। 12 कने इसा बजा ला जालू अब्राहम बड़ा बुड्डा होई गिया था की मरणे ही बाला था, फिरी भी अम्बरे दे तारयां सांई कने समुंदरे कंडे दे रते सांई उदे अणगिनत वंश पैदा होए।

13 ऐ सारे लोक जिना परमेश्वरे पर भरोसे किता, सै उना चीजां जो मिलयो बिना ही मरी गे, जिदा बायदा परमेश्वरे कितया था। सै उना चीजां जो दुरे ला दिखीकरी खुश होए, कने उना ऐ गल्ल मन्नी लेई की असां इसा धरती पर परदेसी कने अजनबी न। 14 सै लोक जड़े ऐसा बोलदे न की असां परदेसी कने अजनबी न, सै इक ऐसे देशे दी मिलणे दी उम्मीद रखदे न जड़ा उना दा अपणा होणा।

15 अगर सै उस देशे दे बारे च सोचदे, जिथू ला सै आयो थे, तां सै मुड़ी करी जाई सकदे थे। 16 पर उना जो इक खरे देश जाणे दी इच्छा थी मतलब की स्वर्ग, इस तांई परमेश्वर उना दा परमेश्वर बोलया जाणे ला खुश था, क्योंकि उनी उना तांई इक शेरें तैयार कितया है।

17-19 भरोसे दिया बजा ला ही अब्राहम अपणे पुत्रे दी बलि चढ़ाणे तांई तैयार होई गिया था, जालू परमेश्वरे उदी परिक्षा लेई। परमेश्वरे अब्राहमे ला इस पुत्रे दे बारे च बायदा कितया था की, “इसहाक ला ही तेरा वंश बदणा है।” फिरी भी सै अपणे इकलोते पुत्रे जो बलि चढ़ाणे तांई तैयार था। क्योंकि उसयो पूरा भरोसा था की अगर इसहाक मरी भी जांगा तां परमेश्वर उसयो जिन्दा करी सकदा है। इस तरीके ला अब्राहमे जो उदा अपणा पुत्र इसहाक जिन्दा मिली गिया था।

20 भरोसे दिया बजा ला ही इसहाके अपने दो पुत्रों मतलब की याकूबे कने एसाब जो औणे बाली जिन्दगी ताई जड़ा बायदा कितया था उदे बारे च आशीष दिती। 21 भरोसे करणे ला ही याकूबे मरदे बकत यूसुफे दे पुत्रों जो इक-इक करिरी आशीष दिती, कने अपणिया सोठिया दे सारे ला झुकी करी परमेश्वरे दी अराधना किती। 22 भरोसा करणे ला ही यूसुफ नाए दे माणुएे जालू सै मरणे बाला था, तां उनी बड़े भरोसे ला इसा गल्ला जो बोलया था की इस्राएल देशे दे लोकां मिस्र देशे जो छुडी करी कनान देशे जो चली जाणा। कने उनी ऐ हुकम भी दितया की जालू सै कनान देशे जो जांगे तां उदियां हड्डियां जो भी कनान देशे लेई जान।

23 जालू मिस्र देशे दे राजे ऐ हुकम दिता की इस्राएलियां दे सारे जमदे जागतां जो मारी दिया, तालू भरोसा करणे ला ही मूसा दे माता-पिता उसयो पैदा होणे बाद तिन्न महीने दीकर लुकाई रख्या, क्योंकि उना दिखया की ऐ खास बच्चा है, कने सै राजे दे हुकम नी मनणे ला नी डरे।

24 मिस्र देशे दे राजे दिया कुडिया मूसे जो पालया था। कने जालू मूसा बड्डा होया तां उनी भरोसा करणे ला ही राजे दिया कुडिया दा पुत्र होणे ला मना करी दिता। 25 ऐ इस ताई होया की मूसे पाप दे थोडे बकते दे सुखां दा आनंद लेंणे दे बजाए परमेश्वरे दे लोकां सोगी दुख झेलणा जादा खरा समझया। 26 कने उनी मसीह ताई बेईजत हांणा, मिस्र देशे दे धन दौलत ला भी जादा बदीकरी समझया, क्योंकि सै अपणा इनाम मिलणे दा इंतजार करा दा था, जड़ा परमेश्वरे उसयो देणा था। 27 भरोसा करणे दिया बजा ला ही सै मिस्र देशे दे राजे दे गुस्से ला नी डरया कने उनी मिस्र देशे जो छुडी दिता, क्योंकि सै समझी गया था कने मन्ना ऐ ऐसा था की जियां उनी परमेश्वरे जो दिखी लिया था, जिसयो कोई दिखी नी सकदा।

28 भरोसा करणे ला ही मूसे इस्राएल देशे दे लोकां दी पेहली ओलादी जो हुकम दिता की दरबाजे पर बकरे दा खूने छिड़की करी फसह दा त्योहारे मना, ताकि पैली ओलादा जो खत्म करणे बाला दूत इस्राएलियां दिया पेलिया ओलाद जो छुई ना सके।

29 भरोसा करणे ला ही इस्राएल दे लोकां लाल समुन्दर इयां ही पार करी लिया, जियां की सै सुकियां जमिना पर चलयो न, पर जालू मिस्र देशे दे लोकां इयां करणा चाया तां सै सारे डुबी करी मरी गे क्योंकि समुन्दर पलटी गया। 30 भरोसा करणे ला ही इस्राएल देशे दे लोकां परमेश्वरे दा हुकम मन्नी करी यरीहो शहरे दिया कन्दा दे चारो पासे सत्तां दिनां दीकर चक्कर लांदे रे, तां

सै कन्द डेई गई। 31 भरोसा करणे ला ही रहाब वैश्या परमेश्वरे दे हुकम नी मनणे बाले लोकां सोगी खत्म नी होई, क्योंकि उना इस्राएली गुप्तचरां दा स्वागत किता था जड़े यरीहो शहर दा भेद लेंणा आयो थे।

32 हुण मिंजो कुछ होर बोलणे दी जरूरत नी है, क्योंकि हुण मेरे बाल बकत नी रिया की, मै, गिदोन, बराक, शिमशोन, यिफतह, दाऊद, शमूएल, कने परमेश्वरे दे संदेश देणेबालयां दे भरोसे दे बारे च तुहांजो दस्से। 33 इना भरोसा करणे ला ही राज्य जित्ते; सही कम्म किते; कने इना जो बायदा कितियां चीजां मिलियां; कने शेर इना जो खाई नी सके, 34 अगग उना जो फुकी नी सकी, तलबारा दी धार उना जो मारी नी सकी, जालू इक बरी कमजोर होए तां दुबारा सै मजबूत बणे, लड़ाईया च वीर निकले, कने उना अपने दुश्मणा दी सेना जो मारी दितया।

35 कुछ जनानियां अपने मरयां लोकां जो फिरी ला जिन्दा दिखया, कितणे तां मार खांदे-खांदे मरी गे, कने अपणा भरोसा नी छुडया ताकि उना जो जेला ला छुटकारा मिली जा; इस ताई की उना जो मरयां चे जिन्दे होई जाणे बाद इक खरी जिन्दगी मिल्ले। 36 केईयां दा मजाक उड़ाया, केईयां जो कोड़े खाणा पे, केईयां जो सुंगला ला बन्नी करी जेला च पाई दिता। 37 केईयां जो पथर मारी करी मारी दिता, कने आरे ला चिरी करी दो फाड़ करी दिते, तलबारा ने मारी दिते। सै गरीब थे, उना जो दुख दिते कने उना सोगी बुरा बर्ताब किता। कने सै भेडां बकरियां दी खली जो ओडी करी रुआं-परां भटकदे रे। 38 कने बणा, पहाड़ा, गुफां च कने धरती दी दरारां च भटकदे फिरे। संसार इना भरोसा करणे बाले लोकां दे काबिल नी था।

39 कने भरोसे दे जरिये ही इना लोकां दी परमेश्वरे उना दी तारीफ कितियो, तमी उना जो सै चीजां नी मिलियां जिना दा परमेश्वरे उना ला बायदा कितया था। 40 क्योंकि परमेश्वरे बाल सांझो कुछ खरा देणे योजना है ताकि उना जो सिद्ध बणाई सके, पर सिर्फ साड़े सोगी मिली करी ही।

12

११११ १११११११११ ११ ११११११

1 साड़े अखे-बखे इयोदे लोक बड़े भरी न, जिना दिया जिन्दगिया ला सांझो पता लगदा है की भरोसे दा क्या मतलब होंदा है। तां ओआ, असां हर इक रोकणे बाले कने उलझाणे बाले पापां जो दूर करिरी, असां उस रस्ते पर चलन जिस पर सांझो जरूर चलणा चाईदा। 2 सांझो यीशु मसीह पास्से दिखदे रेणा चाईदा, जड़ा सांझो अगगे बदांदा है कने साड़े भरोसे जो पूरा करदा है। जिनी उसा खुशिया ताई जड़ी उसयो बादे च ओणे बाले बकते च

मिलणी थी, बेईजती दी कोई परबाह नी करिरी सूली दे दुखे जो सेहन किता कने मरी गया; कने हुण सै परमेश्वरे दे सिंहासने दे सज्जे पासे जाई बैठया है।

3 इस ताई यीशु दे उदाहरण दे बारे च सोचा, जिनी पापियां दे दितयो बड़े बड़े दर्द जो इस ताई सेहन करी लिया ताकि तुसां हारी करी हिम्मत ना छुडी देन।

4 तुसां बुराईया दियां ताकता दे खिलाफ लड़दे होऐ, तुसां हल्ले दीकर ऐसी लड़ाई नी लड़ी होणी जिसा च तुहाड़ी मौत होई गई हो। 5 कने तुसां उस हिम्मत दियां गल्लां जो भूली गियो न जड़ियां परमेश्वरे तुहांजो अपणे पुत्र समझीकरी बोलियां थियां: “हे मेरे पुत्र, जालू प्रभु तिजो ऐहसास कराऐ की तू गलत कितया है तां उस पर पूरा ध्यान दिया, कने जालू प्रभु तिजो झिड़कां दे तां दिखयां हिम्मत छुडदा।” 6 क्योंकि प्रभु जिसला प्यार करदा, उसयो सुधारदा भी है, कने जिसयो अपणा पुत्र बणाई लेंदा है, उसयो कोड़े भी मारदा है।

7 जड़ा दुख तुसां झेला दे न उसयो परमेश्वरे दी सजा समझीकरी सेहन करी लिया। परमेश्वर तुहांजो पुत्र समझीकरी तुहाड़े सोगी बर्ताव करदा है। सै कुण दिया पुत्र है जिसयो उदा पिता सुधारदा नी है? 8 अगर परमेश्वर तुहांजो नी सुधारे जियां सै अपणे पुत्रे जो सुधारदा है, तां तुसां उदे असली बच्चे नी न।

9 फिरी जालू की साड़े शरीरिक पिता भी सांझो सुधारणे ताई सजा दिन्दा है, असां फिरी भी उदी सुणदे कने इज्जत करदे न, इस ताई ऐ होर भी जादा जरूरी है की जालू साड़ा स्वर्गे दे पिता सांझो सुधारे तां तालू असां उदी सुणन ताकि सांझो हमेशा दी जिन्दगी मिल्ले। 10 साड़े शरीरिक पिता तां अपणी-अपणी समझा दे साबे ला जड़ा उना जो ठीक लगगे, थोड़े रोजां ताई सांझो सुधारदे थे, पर परमेश्वर साड़िया भलाईया ताई सांझो सुधारदा है, ताकि असां भी उस साईं पबित्तर होई जान।

?????? ???? ???? ?? ???? ??

11 जिस बकत सै सांझो सुधारदा है, उस बकत सै सुधार सांझो खरा नी लगदा है, बल्कि बड़ा बुरा लगदा है, पर जालू बादे च असां इसला सिख लेंदे न, तालू सांझो शांति मिलदी है, क्योंकि असां सही तरीके ला जिणा शुरू करी दिन्दे न।

????? ???? ???? ???? ??

12 इना सारियां गल्लां दिया बजा ला मजबूत बणा कने प्रोत्साहित रिया। 13 रुआं-परां दिखणे दिया बजाऐ, तुसां यीशु मसीह बाल जाणे बाले रस्ते पर जा, ताकि जड़े साड़े बिच आत्मिक रूप च कमजोर न, सै भटकी ना जान पर उना दा भरोसा मजबूत होई जाए।

14 सारयां सोगी मिली-जुली करी रिया, कने पबित्तर जिन्दगी जिणे दी कोशिश करदे रिया। इदे बिना कोई भी प्रभु जो नी दिखी सकदा है। 15 कने ध्यान रखा की, ऐसा ना हो की कोई भी परमेश्वरे दे अनुग्रह ला छूटी जाए, कने तुहाड़े बिच परेशानी खड़ी करी दे। ऐसा माणु तुहाड़े चे मतयां जो बर्बाद करी सकदा है।

16 ऐसा ना हो, की कोई भी जणा व्यभिचारी, या अब्राहमे दे पोतूरू एसाब साईं अधर्मी हो। क्योंकि सै जेठा पुत्र था, पर उनी अपणे पेहला पुत्र होणे दे सारे हकां जो अपणे छोटे भाई याकूब जो इक बकते दिया रोटिया ताई बेची दिता। 17 तुसां जाणदे न की बादे च जालू सै अपणे पिता ला आशीष पांणा चांदा था, पर उसयो ऐ नी मिली, कने रोई-रोई करी भी उनी आशीष मंगी पर उसयो अपणी गलती सुधारणे दा दुबारा मौका नी मिलया।

18 तुसां सीनै पहाड़े साईं असली पहाड़े पर नी आयो न, जिसयो छुई कने दिखी सकदे न। ऐथू कोई भखदी अगग या काले बदल या तूफान नी है, कने लोक इक ऐसिया ही जगा च थे जालू परमेश्वरे उना जो अपणी व्यवस्था दिती। 19 कने ना ही तुरही दिया अबाजा कने बोलणे बाले दे बखे नी आयो न, जिसयो सुणने बालयां विनती किती की हुण साड़े ला जादा गल्लां मत करा। 20 उना ऐसा इस ताई बोलया क्योंकि सै उस हुकमे जो सेहन नी करी सके जड़ा परमेश्वरे बोलया, “अगर कोई जानवर भी उस पहाड़े जो छुंगा तां उसयो पत्थर मारा।” 21 कने सै दर्शन इतणा डरावणा था, की मूसे भी बोलया, “मैं बड़ा डरा दा कने कमा दा है।”

22 पर तुसां सिच्योन पहाड़े पर आई गियो न जड़ा जिन्दे परमेश्वरे दा स्वर्गीय यरूशलेम शहर है, जिथू लखां स्वर्गदूत त्योहारे कने खुशिया मनादे न। 23 तुसां परमेश्वरे दे पहिलौठां दिया सभा च आयो न, जिना दे ना स्वर्ग च लिखयो न। तुसां अपु परमेश्वरे बाल आयो न जड़ा सारियां चीजां दा न्याय करणे बाला है, सै स्वर्ग च उना धर्मी लोकां दियां आत्मा न जिना जो हुण सिद्ध बणाया है। 24 तुसां यीशु मसीह बाल आयो न जड़ा लोकां कने परमेश्वरे बिच नोई बाचा दा बिचोलिया है। कने छिड़कयो खूने बाल आयो न, जड़ा हाबिले दे खूने साईं न्याय ताई विनती करणे दे बजाए पापां दी माफी दी गल्ल करदा है।

25 ध्यान रखा कने उस परमेश्वरे दी मन्ना जड़ा तुहाड़े ने गल्ला करा दा है, क्योंकि इस्राएल दे लोक परमेश्वरे दिया सजा ला नी बची सके जालू उना मूसा दी गल्ल नी मन्नी, इस ताई साड़े ताई होर भी जादा बुरा होणा अगर

असां परमेश्वरे दिया गल्लां जो सुणने ला मना करी दिंगे जड़ा स्वर्गे ला चेतावनी दिन्दा है।

26 जालू परमेश्वरे सीनै पहाड़े पर खड़ोई करी बोलया तां उदिया अबाजा ला धरती हिली पेई थी, पर हुण उनी ऐ बायदा कितया है की, “मैं इक बरी फिरी सिर्फ धरती जो नी, पर अम्बरे जो भी हिलाई देणा है।”

27 कने ऐ गल्ल इक बरी फिरी इसा गल्लां जो दसदी है, की सारियां बणाईयां चीजां हिलाईयां कने हटाई जाणियां न, ताकि सै चीजां जड़ियां हिलाई नी जान्दियां न सै टिकी रेन। 28 इस ताई सांझो जड़ा राज्य मिलया सै हिलाया नी जाई सकदा, इसा गल्ला ताई सांझो परमेश्वरे दा धन्यवाद करणा चाईदा। कने इज्जत कने डरे सोगी, परमेश्वरे दी ऐसी अराधना करन, जिसला सै खुश होंदा। 29 क्योंकि जियां अगग भस्म करदी है, तियां ही साड़ा परमेश्वर अपणे दुशमणा जो खत्म करदा है।

13

????? ?????????? ?????? ???????????

1 इक दुज्जे सोगी अपणा भाई कने बेहण समझीकरी प्यार करा। 2 अजनबी लोकां दी भी इज्जत कने खातिरदारी करदे रिया, क्योंकि ऐसा करणे ला केईयां लोकां अनजाणे च स्वर्गदूतां दी इज्जत कने खातिरदारी कितियो है। 3 कैदियां दा इयां हाल चाल पुच्छदे रिया, जियां मन्ना तुसां भी उना सोगी जेला च न, कने जड़े दुख सेहन करा दे न, उना दा भी ऐ समझीकरी हाल चाल पुच्छदे रिया, जियां तुसां भी उना सोगी उना दे दुखे च शामिल न।

4 बियाये दा रिश्ता सारयां ताई आदरनीय हो, कने लाड़ा-लाड़ी इक दुज्जे सोगी बफादार रिया। क्योंकि परमेश्वरे व्यभिचारियां कने नाजायज रिश्ते रखणे बालयां दा न्याय करणा है।

5 अपणिया जिन्दगिया जो पैसयां दे लालचे ला दूर रखा, कने जड़ा तुहाड़े बाल हो तुसां उसी च ही खुश रिया; क्योंकि परमेश्वरे अपु ही बोलया है, “मैं तिजो कदी भी नी छड़गा कने ना ही कदी त्यागणा है।” 6 इस ताई असां बिना डरयो बोलदे न, “प्रभु, मेरी सहायता करदा है, मैं नी डरणा; माणु मेरा क्या बगाड़ी सकदा है।”

7 जड़े तुहाड़े अगुवे न, कने जिना तुहांजो परमेश्वरे दा बचन सुणाया है, उना जो याद रखा; कने ध्याने ने उना दिया जिन्दगिया जो दिखा की, कियां उना अपणी जिन्दगी जी कने मरणे दीकर भरोसे च बफादार रे, तियां ही तुसां भी परमेश्वरे पर भरोसा दस्सा जियां उना दसया था। 8 यीशु मसीह कल कने अज कने यूगां-यूगां दीकर इकोदिया है, क्योंकि यीशु मसीह कदी नी बदलदा। 9 इस ताई सांझो इना सारियां नोईयां कने लग-लग

शिक्षां जो नी मनणा चाईदा, जड़ियां तुहांजो गलत रस्ते पर लेई जान्दियां न। तुहाड़े मना ताई ऐ ही खरा है की सै अनुग्रह दे जरिये पक्के बणन, ना की उना खाणे बालियां चीजा दे रिबाजां जो मनणे ला, क्योंकि इना गल्लां जो मनणे ला उना दा कोई फायदा नी है जड़े इना गल्लां जो मंदे थे।

10 साड़े बाल इक ऐसी वेदी है, जिसा चे मिलाप दे तम्बूऐ दे याजकां जो खाणे दा कोई हक नी है। 11 क्योंकि पैली बाचा अनुसार हर साल महायाजक जिना जानवरां दा खून पापां दी माफी ताई परम पबित्र जगा पर लेई जांदा था, उना दे शरीरां जो जिथू सै रेंदे ओथु ला बार लेईजाई करी फूकदे न।

12 इसी बजा ला, यीशुऐ भी लोकां जो अपणे ही खूने ला पबित्र करणे ताई यरूशलेम शहर ला बाहर दुख झेले कने मरी गया। 13 इस ताई ओआ, असां यहूदी रीतियां जो छड़ी करी, छावनी दे बार जान, कने यीशु मसीह पर भरोसा करदे होऐ जियां यीशुऐ बेईजती सेहन किती, तियां ही असां भी बेईजती सेहन करन। 14 क्योंकि इसा धरती पर साड़े बाल हमेशा रेणे ताई कोई घर नी है, बल्कि असां तां उस स्वर्गे दे घरे दा इंतजार करा दे न जड़ा हमेशा ताई है।

15 इस ताई असां यीशुऐ जरिये लगातार अपणे ओठां ला परमेश्वरे दा गुणगान करन। ऐई उदे ताई साड़ा बलिदान है। 16 पर भलाई करणा कने जरूरतमंद लोकां दी सहायता करणा कदी मत भुलदे; क्योंकि परमेश्वर ऐसे बलिदाना ला खुश होंदा है।

????????????? ?????? ??????????

17 अपणे अगुवां दा हुकम मन्ना, कने उना दे अधीन रिया, क्योंकि तुहाड़ियां आत्मा दी रखवाली करणा उना दा कम्म है, उना जो तुहाड़े बारे च परमेश्वरे जो लेखा देणा पौणां है। तुसां उना दी मन्ना ताकि सै इस कम्मे जो खुशिया ला करन, ना की दुखी होईकरी, क्योंकि दुखी होईकरी सेवा करणे दा कोई फायदा नी होणा।

18 साड़े ताई प्राथना करदे रिया; क्योंकि सांझो इसा गल्ला दा पक्का पता है, की साड़ी अंतरात्मा शुद्ध है, कने असां हर बकत खरा ही करणा चांदे न जिदे जरिये परमेश्वरे जो इज्जत मिल्ले। 19 तुहाड़े ला मेरी ऐ खास बिनती है की प्रार्थना करा की मैं तुहांजो ला मिलणा तोली आई सकें।

??????

20-21 कने हुण परमेश्वर जड़ा तुहांजो शांति दिन्दा है, कने जिनी साड़े प्रभु यीशु जो मरयां चे जिन्दा कित्ता, सै तुहांजो सारियां चीजां दे जिना दी जरूरत तुहांजो उदी इच्छा जो पूरा करणे ताई है। कने यीशु मसीह दिया

शक्तिया जरिये सै तुहांजो हर इक खरिया गल्ला जो सिद्ध करे जड़ियां उसयो खुश करदियां न। यीशु मसीह सनातन बाचा दे जरिये भेडां दा महान पुहाल बणया, जिस पर उदे खूने ला हस्ताक्षर कितया है। उदी महिमा हमेशा होंदी रे। आमीन।

²² हे मसीह भाईयो, मैं तुहाड़े ला विनती करदा है, इस चिठिया दियां गल्लां जो सबर रखीकरी सुणी लिया, ऐ मैं तुहांजो होंसला देणे तांई लिखियां न। मैं इसा चिठिया च बड़ियां जादा गल्लां नी लिखियां न।

²³ तुसां ऐ जाणी लिया की तीमुथियुस साड़ा मसीह भाई जेला ला छुटी गया है, कने अगर सै तौली मेरे बाल आई गया तां मैं उदे सोगी तुहांजो ने मिलगा।

²⁴ अपने सारे अगुवां जो कने परमेश्वरे दे सारयां लोकां जो नमस्कार बोला। इतालिया प्रदेशे दे भरोसा करणे बाले मसीह भाई कने बेहणा तुहांजो नमस्कार बोलदे न।

²⁵ मैं प्राथना करदा है की, परमेश्वर दा अनुग्रह तुसां सारयां पर होंदा रे। आमीन।

याकूब दी चिट्ठी

????????

कदी-कदी इसयो “नोए नियम दे नीतिवचन” बोलदे न, याकूब दी कताब व्यावहारिक रूप च कने मसीही भाई बेहणा जो याद दिलांदी है कि कियां जीणा है। दृढ़ता ला सच्चे भरोसे सोगी कुसी दिया जीभा जो नियंत्रित करने ताई, परमेश्वरे दी इच्छा दे प्रति समर्पित होणा, कने सबर रखणा, ऐ कताब पढ़ने बालयां जो मसीह ताई अधिकारिक रूप च कने बुद्धिमानी ला जिणे ला सहायता करदी है। केई लोकां ऐ दावा कितया है कि याकूब कने प्रेरित पौलुस भरोसे दे कम्मा दे सबालां पर भिन्नता रखदे न, पर असल च याकूब जिस आत्मिक फले दे बारे च गल्ल करदा है, सै उस सच्चे भरोसे जो दसदा है जिदे बारे च पौलुसे लिखया। उना दा लिखया अपु चे इक दुज्जे दे खिलाफ नी पर इक दुज्जे दे लेखां जो पूरा करदे न। नोए नियम दे लेखां चे सारयां ला पेहला लेखन (इ स 40-50), ऐसा मनया जांदा है कि ऐ कताब यीशुऐ दे भाई याकूबे लिखियो है (गलातियों. 1:19)।

रूप रेखा

अभिवादन 1:1-11

भरोसे दी जिन्दगी 1: 12-18

परमेश्वरे दा संदेश सुणना कने पालन करणा 1:19-

27

अमीर कने शक्तिशाली पर एहसान मत करा 2:1-13

भरोसा कने कम्म 2:14-26

ज्ञान कने शब्द 3:1-18

दुनिया सोगी दोस्ती दे खिलाफ चेतावनी 4:1-5:6

धीरज, दया, कने प्रार्थना 5:7-20

????????

1 मैं, याकूब इसा चिटिया जो लिखा दा है, मैं परमेश्वर दा कने प्रभु यीशु मसीह दा सेवक है। मैं ऐ चिट्ठी इस्राएल दे लोकां जो लिखा दा है, जड़े बाहरां गोत्रों चे न कने दुनिया भर रुआं परां बिखरयो न, कने उना जो नमस्कार बोलदा है।

????????

2 हे मेरे मसीह भाईयो, जालू तुहांजो पर लग-लग तरा दियां परेशानिया ओन, तां इसयो पूरी खुशिया दी गल्ल समझनयो, ³ क्योंकि तुसां जाणदे ही न, की तुहाड़े भरोसे जो परखे जाणे ला होर जादा सबर बददा है। ⁴ परमेश्वरे पर भरोसा करिरी सबर ला परेशानिया दा सामणा करदे रिया, ताकि तुसां आत्मिक रूपे ला पूरे

समझदार कने सिद्ध होई जान कने तुहाड़े च कुसा भी गल्ला दी कमी ना रे।

⁵ पर अगर तुसां चे कुसयो भी अकला दी कमी है, तां परमेश्वरे ला मंगा, जड़ा बिना दोष दितयो सबना जो प्यारे ला दिन्दा है; कने परमेश्वरे तुहांजो भी देणा है।

⁶ जालू तुसां परमेश्वरे ला मंगगे, तां पूरा भरोसा करिके मंगनयो कने परमेश्वरे पर कोई भी शक मत करदे, क्योंकि शक करणे बाले समुन्द्रे दियां लैहरां साई बदलदे रेंदे न, जड़ियां होआ ने चलदियां कने उटकदियां न। ⁷⁻⁸ ऐसा माणु ऐ आस बिलकुल छडी दे, की उसयो प्रभु ला कुछ मिलगा, क्योंकि इदा मन घड़ी-घड़ी बदलुन्दा रेंदा कने लोक इस पर भरोसा नी करी सकदे।

????????

⁹ जड़े विश्वासी भाई गरीब न, उना जो खुश होणा चाईदा की परमेश्वरे उसयो कदेई इज्जत दिति। ¹⁰ जड़े विश्वासी भाई अमीर न, उसयो खुश होणा चाईदा, की परमेश्वरे उसयो दीन किता, क्योंकि उदी अमीरी नाश होणे बाले जंगली घाए साई है दे फुलां साई झड़ी करी खत्म होई जांदी है। ¹¹ क्योंकि सूरज निकलदे ही जोरे दी धुप पौंदी कने सारा घा सुकी जांदा है, कने उसा दे सारे फुल झड़ी जांदे न, कने उना दी शोभा मुकी जांदी है; तियां ही अमीर विश्वासिये भी मरी जाणा अगर सै अपने ही कम्मा च लगगी रेंगा।

¹² धन्य है सै माणु, जड़ा परख च टिकी रेंदा है, क्योंकि जालू सै परख च खरा निकली जांदा है, तां उसयो अनन्त जिंदगी दा सै मुकुट मिलणा जिसदा बायदा परमेश्वरे अपने प्यार करणे बालयां ताई कितया है। ¹³ जालू कुसी दी परख हो, तां सै ऐ ना समझे, की मेरी परख परमेश्वरे करा दा है, क्योंकि ना तां बुरियां गल्लां ने परमेश्वरे दी परख होई सकदी है, कने ना ही परमेश्वर कुसी दी परख अपु लेंदा है।

¹⁴ पर हर माणु अपणियां ही बुरिया इच्छा च फसी करी परख च पौंदा है, जियां इक डंगर खांणे दे लालचे आई करी फाईया च फसी जांदा है। ¹⁵ फिरी सै बुरी इच्छा गर्भवती होई के पापे जो जन्म दिन्दी है, कने जालू पाप बदी जांदा है, तां सै हमेशा दी मौत दा रस्ता है।

¹⁶ मेरे प्यारे मसीह भाईयो, धोखा च मत रिया।

¹⁷ क्योंकि हर इक खरा वरदान कने हर इक खरा दान स्वर्गे ला ही है, कने ज्योतियां दे पिता ला ही मिलदा है, सै हमेशा इकोदिया रेंदा कने ना ही छायया पौंदी है।

¹⁸ उनी अपणी ही इच्छा ने सांझो सच्चे बचना ने नोई जिन्दगी दितियो है, ताकि असां उदी बणाईयो दुनिया दे सारयां ला जरूरी हिस्सा बणन।

परमेश्वर है; ऐ अच्छी गल्ल है: बुरियां आत्मा भी भरोसा रखदियां न, कने डरदियां न। 20 पर मुख माणु क्या तू ऐ भी नी जाणदा, की भले कम्म बिना भरोसा बेकार है?

21 जालू साड़े पूर्वज अब्राहमे अपने पुत्र इसहाक दी बलि वेदिया पर चढ़ाई, तां उनी जड़ा भला कम्म किता, उसला ही सै परमेश्वरे दे सामणे धर्मी बणया था। 22 तू दिखी लिया की भरोसे उदे कम्मा सोगी मिली के प्रभाव पाया है, कने उदे कम्मा दे जरिये उदा भरोसा पूरा होया। 23 कने पबित्र शास्त्रे दा ऐ बचन सच्च होया, अब्राहमे परमेश्वरे पर भरोसा किता, कने उदे भरोसे दिया बजा ला उसयो धर्मी माणु मनया, कने उसयो परमेश्वरे दा मित्तर बोलया गया। 24 तां तुसां दिखी लिया की माणु सिर्फ भरोसे ला ही नी पर भले कम्मा दिया बजा ला इक माणु धर्मी बणदा है।

25 तियां ही रहाब वैश्या भी, जालू उना संदेश देणेबाले दूतां जो अपने घरे रेणे दी जगा दिती कने दुज्जे रस्ते ला विदा किता, तां सै भी अपने इस भले कम्मे दिया बजा ला धर्मी मन्नी गई। 26 जियां साड़ा शरीर बिना सां दे मरया होया है, तियां ही भरोसा भी भले कम्मा दे बिना बेकार है।

3

????? ?? ???? ? ?????

1 हे मेरे मसीह भाईयो, तुहाड़े चे कलीसिया दे मते गुरु मत बणदे, क्योंकि तुसां जाणदे न, की असां गुरुआं दा न्याय होर भी जादा सकतिया ला होणा है। 2 असां सारे बड़ी बरी गलतियां करी दिन्दे न; पर अगर कोई माणु जड़ा कुछ सै बोलदा है, उस च कोई गलती ना करे, तां सेई सिद्ध माणु है, कने अपने आपे जो पूरी तरह बशे च रखी सकदा है।

3 अगर असां घोड़यां जो अपने वशे च करणे तांई उना दे मुंए च लगाम लांदे न, तां असां उना दे सारे शरीरे जो कुसी भी पासे घुमाई सकदे न। 4 दिखा, जाज भी कितणे बड्डे होंदे न, कने तेज होआ ने चलाए जांदे न, तमी इक छोटी दिया पतवारा ने माँझी अपणिया मरजिया ला मोड़ी दिदा है।

5 तियां ही जीभ भी साड़े शरीरे दा इक छोटा दिया अंग है, कने बडियां-बडियां गल्लां करदी है: दिखा कियां, इक छोटी देई चिंगारी कितणे बड्डे बणे च अगग लगाई सकदी है। 6 ऐ छोटी जीभ भी इक चिंगारी सांई है; ऐ शरीर दा सबते बुरा हिस्सा है, जड़ा इक माणुए दी सारी जिन्दगी जो नरके दी अगगी च नाश करी दिन्दी है।

7 हर तरा दे बणे दे जानवर, पंछी, कने रेंगणेबाले जानवर कने पाणिए च रेहणे बाले तां माणुए दे वशे च होई सकदे न, कने होई भी गियो न। 8 पर जीभा जो कोई भी माणु वशे च नी करी सकदा; सै इक ऐसी बला है, जड़ी कदी भी रुकदी ही नी है; कने जहरिले सांपे सांई खतरनाख है।

9 इसा जीभा ला ही असां प्रभु यीशु कने पिता परमेश्वर दी स्तुति करदे न, कने इसा जीभा ला ही माणुआं जो श्राप दिन्दे न, जिना जो परमेश्वरे अपने स्वरूप च बणाया है। 10 इक ही मुंए ला श्राप कने धन्याबाद दोनो निकलदे न। हे मेरे मसीह भाईयो, ऐसा नी होणा चाईदा।

11 पाणिए दे इकी ही खुए ला कोड़ा कने मिटा पाणी दोनो सोगी कदी नी निकली सकदे। 12 हे मेरे मसीह भाईयो, इयां ही अंजीरे दे रुखे च जैतून, या दाखा दिया बेला च अंजीर कदी नी लगी सकदे। इयां ही पाणिए दे इकी ही खुए ला कोड़ा कने मिटा पाणी दोनो सोगी कदी नी निकली सकदे।

?????????? ?????

13 तुसां च ज्ञान बाला कने समझदार कुण है? अगर तुसां हेन, तां तुहांजो इसयो अच्छी जिन्दगी जी करी साबित करणा चाईदा कने शांत सभाव जड़ा तुहाड़े ज्ञान ला ओंदा है, अपने भले कम्मा दे जरिये साबित करणा चाईदा। 14 अगर तुसां अपने मने च कड़वाट, जलन कने मतलबीपन रखदे न, तां इदा घमंड मत करदे, कने ना ही सच्च दे खिलाफ कोई झूठ बोलनयो।

15 ऐ ज्ञान सै नी है, जड़ा स्वर्गे ला मिलदा है, ऐ तां शारीरिक, संसारिक, कने शैतानी है। 16 क्योंकि जिथू जलन कने मतलबी हुंदा है, ओथु बखेड़ा कने हर तरा दे बुरे कम्म भी होंदे न। 17 पर जड़ा ज्ञान स्वर्गे ला मिलदा है, सै पेहले तां पबित्र होंदा है, फिरी मिलनसार, कोमल, कने प्यारभाव, दया ला भरया, खरे कम्मा ला लदुया कने बिना कुसी भेदभाव कने बिना कुसी कपट दे होंदा है। 18 कने जड़े मेल मिलाप करणे बाले न, उना शान्ति दा बी राणा कने धार्मिकता दा फसल बडणी।

4

?????????? ?? ?????

1 तुसां च ऐ लड़ाई कने झगड़े कुथु ला ओंदे न; ऐ उना इच्छा ला ओंदे न जडियां तुहाड़े अंदर लडदियां न। 2 तुसां कुछ चांदे न, पर जालू तुसां जो सै मिलदा नी है; इस तांई तुसां हत्या करणे तांई तैयार होई जांदे न, की तुहांजो सै मिली जाए, पर कुछ हासिल नी हुंदा तांई तां तुसां लडदे झगड़दे न, तुहांजो इस तांई कुछ

नी मिलदा क्योंकि तुसां परमेश्वरे ला कुछ नी मंगदे न ।
3 तुसां मंगदे न फिरी भी तुहांजो नी मिलदा, क्योंकि तुसां बुरिया इच्छा ला मंगदे न, ताकि अपने बुरे कम्मा च उड़ाई दे ।

4 हे व्यभिचारियों सांई वेविश्वासी लोको, क्या तुसां नी जाणदे, कि संसारे दियां चीजां ला मित्रता करणे दा मतलब परमेश्वरे ला बैर करणा है, जड़ा संसारे दा मित्र बणना चांदा है, सै अपने आपे जो परमेश्वरे दा बैरी बणाई लेंदा है ।⁵ क्या तुसां ऐ समझदे न, की पबित्र शास्त्र च जड़ा लिखया है सै बेकार है, “जिसा पबित्र आत्मा जो उनी साडे अंदर बसाया है, सै ऐ चांदा है की असां परमेश्वरे दी ही अराधना करन ।”

6 पर परमेश्वर सांझो होर भी जादा अनुग्रह दिन्दा है ताकि असां बुरियां इच्छां दे खिलाफ खड़े होई सकन, इस बजा ला पबित्र शास्त्र च ऐ भी लिखया है कि, “परमेश्वर घमंडियां दा विरोध करदा है, पर दीन लोकां पर अनुग्रह करदा है ।”⁷ इस तांई परमेश्वरे दे अधीन होई जा; कने उना कम्मा जो करणे ला मना करा जड़ा कि शैतान चांदा है की तुसां करा, तालू उनी तुहाड़े सामणे ला नसी जाणा ।

8 परमेश्वरे दे नेडे ओआ, तां उनी भी तुहाड़े नेडे ओणा, ओ पापियो, अपने मना जो शुद्ध करा । लगातार सोच बदलने बाले लोको, अपने दिले जो पबित्र करा ।
9 अपने पापां दिया बजा ला दुखी होआ, शोक करा, कने रोआ : तुहाड़ी हंसी रोणे च कने खुशी उदासिया च बदली जा ।¹⁰ प्रभुऐ दे सामणे दीन बणा, तां उनी तुहांजो उच्चा उठाणा ।

?????? ? ? ? ? ? ?

11 हे मसीह भाईयो, इक दुज्जे दी निंदा मत करा, जड़ा अपने भाईयां दी निंदा करदा है, या भाई पर दोष लांदा है, तां सै व्यवस्था दी निंदा करदा है, कने व्यवस्था पर दोष लांदा है, तां तू व्यवस्था पर चलणे बाला नी, पर उस पर न्याय करणे बाला होया ।¹² परमेश्वर ही है जड़ा व्यवस्था देणेबाला कने न्याय करणे बाला है सै नाश करणे बाला कने बचाणे बाला है; तुसां कुण होंदे न, जड़े अपने पड़ोसिए पर दोष लांदे न?

???? ? ? ? ? ? ? ? ?

13 तुसां जड़ा ऐ बोलदे न, “अज या कल असां दुज्जे शेहरे च जाईके इक साल ओथु रेंगे, कने व्यापार करिरी फायदा करगे ।”¹⁴ पर ऐ नी जाणदे न की कल क्या होणा है । तुसां सुणा! की तुहाड़ी जिन्दगी हे ही क्या? तुसां तां मन्ना की धुंधा सांई न, जड़ी थोड़ी देर मिलदी है, फिरी उड़ी जांदी है ।

15 इस तांई तुहांजो ऐ बोलणा चाईदा, “अगर प्रभु दी मर्जी होंगी, तां असां जींदे रेणा है, कने ऐ या सै कम्म भी करगे ।”¹⁶ पर हुण तुसां अपनी बडियां-बडियां योजना पर घमंड करदे न; ऐसा सारा घमंड बुरा होंदा है ।¹⁷ इस तांई जड़ा कोई भलाई करणा जाणदा है कने नी करदा, उदे तांई ऐ पाप है ।

5

?????? ? ? ? ? ? ? ? ?

1 हे अमीरों, सुणा; तुसां लोकां जो रोणा कने जोरे-जोरे ला चिलाणा चाईदा, क्योंकि मुसीबतां तुहाड़े पर ओणे बालियां न ।² तुहाड़ी धन दौलत नाश होई जाणी कने तुहाड़े कपड़यां जो कीड़े लगी गिया है ।³ तुहाड़ा सोना चांदी बेकार होई गिया है; जिस धन दौलत पर तुसां भरोसा करदे न उनी तुहांजो अग्गी सांई फुकी देणा: तुहाड़ा गठेरया धन दौलत न्याय दे दिने तुहाड़े खिलाफ सबूत दे रूपे च खड़ा होई जाणा ।

4 दिखा, जिना मजदुरां तुहाड़े खेतर बड़डे, उना दी मजदूरी जड़ी तुसां उना जो नी दिती, उना दी नी दीतियो मजदूरी परमेश्वरे दे सामणे तुहाड़े खिलाफ चिलाई-चिलाई करी गबाई दे दी है, कने मजदुरां दी दुहाई स्वर्गीय सेना दे प्रभुऐ सुणी लेई है ।⁵ तुसां धरतिया पर भोग-विलास करणा लगी रे, कने बड़ा भरी सुख भोगया; तुसां तां उस जानवरे सांई होई गे, जिसयो मारणे ला पेहले खुआई पियाई करी मोटा करदे न, इयां ही तुसां भी नी जाणदे न, की तुसां नाश होआ दे न ।⁶ तुसां भोले लोकां जो दोषी बोली करी मारी दिता, कने सै तुहाड़े खिलाफ लड़ी ही नी सके ।

???? ? ? ? ? ? ? ? ?

7 इस तांई हे मसीह भाईयो, प्रभुऐ दे ओणे दीकर सबर रखा, जियां किसान धरतिया दे किमती फसल दी आस रखीकरी पैली कने आखरी बरखा होणे दीकर सबर रखदा है ।⁸ इयां ही तुसां भी सबर रखा, कने आस मत छड़ा, क्योंकि प्रभु ओणे बाला है ।

9 हे मसीह भाईयो, इक दुज्जे पर दोष मत ला, ताकि तुहाड़े पर भी दोष ना लगगे, दिखा, न्याय करणे बाला ओणे तांई तैयार है ।¹⁰ हे मसीह भाईयो, जिना परमेश्वरे दे संदेश देणेबालयां प्रभु दे नां ला गल्लां कितियां न, उना जो दुख झेलणे कने सबर रखणे दा इक आदर्श समझा ।¹¹ दिखा, असां धीरज रखणे बालयां जो धन्य बोलदे न । तुसां प्रभु दे सेवक अय्यूब दे सबर दे बारे च सुणया ही है, कने तुसां ऐ भी जाणदे न की प्रभुऐ आखरी च उदी कियां सहायता किती, उसला प्रभु दी बड़ी करुणा कने दया प्रगट होंदी है ।

12 पर हे मेरे मसीह भाईयो, सारयां ला बडी गल्ल ए है, कदी भी कसम मत खांदे, ना ही स्वर्गे दी, ना ही धरतिया दी, ना ही कुसी होर चीजा दी, पर तुहाड़ी गल्ल हां दी हां, कने ना दी ना हो, ताकि तुहांजो परमेश्वरे ला सजा ना मिल्ले ।

?????????? ?? ???????

13 अगर तुहाड़े च कोई दुखी हो तां सै प्राथना करे, अगर कोई खुश हो तां सै स्तुति दे भजन गाए । 14 अगर तुसां चे कोई रोगी हो, तां सै कलीसिया दे अगुवां जो सदे, कने सै प्रभु दे नाए ला उस पर तेल मली करी उदे तांई प्राथना करा । 15 कने भरोसे दिया प्राथना ला मरीजे दे सारे रोग दूर होई जाणे, कने प्रभुए उसयो ठीक करी देणा; अगर उनी पाप भी कितयो होंगे, तमी परमेश्वरे उसयो माफ करी देणा । 16 इस तांई तुसां अपु चे इक दुज्जे दे सामणे अपणे-अपणे पापां जो मनी लिया; कने इक दुज्जे तांई प्राथना करा, जिसला तुसां ठीक होई जान; इक धर्मी जणे दी प्राथना बड़ी सामर्थी है कने अदभुत नतीजे निकलदे न ।

17 परमेश्वरे दा संदेश देणेबाला एलिय्याह भी तां साडे सांई दुख-सुख भोगी माणु था; कने उनी पुरे दिले ला गिड़गिड़ाई करी प्राथना किती, की बरखा ना हो, कने साडे तिन्ना सालां दीकर धरती पर बरखा नी होई । 18 फिरी उनी प्राथना किती, तां अम्बरे ला बरखा होई, कने धरती हरी बरी होई ।

19 हे मेरे मसीह भाईयो, अगर तुसां चे कोई परमेश्वरे दे सच्च दे रस्ते ला भटकी जा, कने कोई तुसां चे उसयो बापस फेरी लेई ओए । 20 तां तुसां समझी लिया, जड़ा कोई परमेश्वरे दी सच्ची शिक्षा ला भटकयो पापिये जो बापस लेई ओंगा, उनी इक आदमिये दे प्राणा जो मौत ला बचाणा है, कने परमेश्वरे उदे केई पापां जो माफ करी देणा ।

1 पतरस दी पेहली चिट्ठी

????????

प्रेरित पतरसे दिया चिटिया दे पाठक उलझन च थे कने उना दे भरोसे दिया बजा ला उना सोगी होआ दे सताव ला हताश थे। पतरसे उना जो मजबूत खड़े होणे ताई उकसाया, बार-बार उना जो मसीह दे उदाहरण दी याद दिलाई करी, उदे च उस दे उत्तराधिकार दे धन कने उदे स्वर्ग लेई जाणे ला लेईकरी दुबारा ला मुड़ी ओणे दी आशा जो व्यक्त किता। पतरसे समझाया कि जालू सै अपने भरोसे दिया बजा ला दुखी होंदे न तां मसीहियां जो क्या करणा चाईदा। पतरसे जो “आशा दा प्रेरित” बोलया गया है, पतरसे दा प्राथमिक संदेश प्रभु पर भरोसा रखणा, आज्ञाकारी बणी करी जीणा चाहे कोई भी हालात होन, कने अपनी आशा जो परमेश्वरे दे उद्धार दे आखरी बायदे पर टिकाई रखणा है। दुख ओणे दी उम्मीद हमेशा बणी रे, पर ऐ अस्थायी है कने जड़े स्थिर रेंदे न उना ताई महान आशीर्वाद दिंदा है। पौलुसे संभवतः इ. सन. 60 दे दशक दे बिच ऐ चिट्ठी लिखियो थी।

रूप रेखा

अभिवादन कने प्रार्थना 1:1-2

आशा ताई इक असली बजा 1:3-12

परमेश्वर दे पबित्त्र लोकां दे रूप च रेणा 1:13-2:17

मसीह दे दुखां दा उदाहरण 2:18-25

इक मसीही कने पीड़ित होणे दे नाते 3:1-4:19

कलीसिया दी अगुवाई करणे बालयां ताई सलाह 5:1-11

आखरी अभिवादन 5:12-14

????????

1 मैं, पतरस जड़ा यीशु मसीह दा प्रेरित है, ऐ चिट्ठी मेरिया तरफा ला है। मैं ऐ चिट्ठी परमेश्वरे दे चुणयो लोकां जो लिखा दा है जड़े पुन्तुस, गलातिया, कप्पूकिया, आसिया, कने बितूनिया प्रदेशां दे लग-लग शेहरां च परदेसियां साई रेंदे न। 2 कने पिता परमेश्वरे बड़े पेहले ही तुहांजो अपने लोक होंणे ताई कने पबित्त्र आत्मा दे कम्मो दे जरिये तुहांजो चुणी लिया है। उनी ऐसा इस ताई किता ताकि तुसां यीशु मसीह दे हुकमा जो मनन कने उदे खूने ला शुद्ध होई सकन। मैं प्रार्थना करदा है की परमेश्वर तुसां जो अनुग्रह कने शांति दिन्दा रे।

????????

3 साड़े प्रभु यीशु मसीह दे पिता कने परमेश्वरे दा धन्यवाद हो। परमेश्वरे सांझो अपनी दया ला इक नोई

जिन्दगी दिती है, क्योंकि परमेश्वरे यीशु मसीह जो मरयां च जिन्दा करिरी सांझो बड़े आत्मविश्वास सोगी जिणे दे काबिल बनाया है; मतलब की असां उना चीजां जो मिलणे दी उम्मीद करी सकदे न जड़ियां उनी सांझो देंणे दा बायदा कितया है। 4 असां उना खरियां चीजां दा मिलणे दा इंतजार करदे न जड़ियां परमेश्वरे साड़े ताई तैयार कितियां न। कोई भी कदी भी इना चीजां दा नाश नी करी सकदा। उना कदी भी पुराणिया कने उना दी सुन्दरता घट नी होणी। परमेश्वरे तुहाड़े ताई स्वर्ग च उना चीजां जो रखया है। 5 परमेश्वर अपनी शक्तिया ला तुहाड़ी रक्षा करदा है, क्योंकि तुसां यीशु मसीह पर भरोसा करदे न। उनी तुहांजो आखरी दिने दीकर जालू यीशु मसीहे मुड़ी करी ओणा है बचाई रखणा है। तालू तुहांजो पता लगी जाणा की परमेश्वरे तुहांजो पाप कने मौत ला पुरे तरीके ला बचाई लिया है।

6 तुहांजो इना सारियां चीजां दे बारे च खुश होंणा चाईदा, चाहे हुण थोड़े बकते ताई लग-लग तरा दियां परेशानियां तुहांजो दुखी करदियां न। 7 कने ऐ परेशानिया इस ताई होंदिया न की ताकि पता लगी सके की तुहाड़ा भरोसा परमेश्वर पर है की नी। यीशु मसीह पर तुहाड़ा भरोसा सोने ला भी जादा कीमती है। जियां नाश होई जाणे बाले सोने जो अगगी च परखया जांदा है कने शुद्ध होंदा है, इयां ही तुहाड़ा भरोसा भी अगर परेशानियां होणे बाद भी मजबूत रेंदा है, तां इसला तुहाड़ी बड़ी तारीफ कने महिमा कने इज्जत होणी जालू यीशु मसीहे फिरी इस संसारे च मुड़ी ओणा है।

8 तुसां यीशु मसीह जो कदी नी दिखया है, फिरी भी तुसां उसयो प्यार करदे न। तुसां हुण उसयो नी दिखा दे न, पर फिर भी तुसां उस पर भरोसा करदे न। इस ताई तुसां खुशी कने महिमा ला जादा खुश होआ जिसयो अखरां च ब्यान नी करी सकदे न, 9 क्योंकि परमेश्वर तुहांजो पाप दिया सजा ला बचांदा है। ऐ यीशु मसीह पर तुहाड़े भरोसे दा फल है।

????????

10 ऐ उद्धार कुछ ऐसा था जिदे बारे च परमेश्वरे दे संदेश देणेबाले होर जाणना चांदे थे। उना दसया की कियां परमेश्वरे तुहांजो बचाणे ताई अपनी दया तुहाड़े पर किती जिदे तुसां काबिल नी न, उना उस जबाब जो तोपणे ताई बड़ी मेहनत किती।

11 मसीह दी आत्मा परमेश्वरे दे संदेश देणेबालयां च था, जड़ा मसीह दे दुखां कने उना दुखां बाद मिलणे बाली महिमा दे बारे च उना जो पेहले ला दस्सा दा था। परमेश्वरे दा संदेश देणेबालयां ऐ जाणने दी कोशिश

कितती की आत्मा उना जो क्या दस्सा दा था, ऐ सारियां गल्लां कालू होंणियां कने ऐ कियां पुरियां होणियां। 12 पर परमेश्वरे इना परमेश्वरे दे संदेश देणेबालयां जो दसया की उना दे संदेश अपु अपने ताई नी न बल्कि तुहाड़े ताई थे। सै संदेश यीशु मसीह दे बारे च शुभसमाचार है जड़ा तुसां हुण सुणया है। परमेश्वरे स्वर्गे ला पबित्र आत्मा भेजया ताकि तुहांजो शुभसमाचार प्रचार करणे ताई सहायता करे। ऐ सब इतणा अनोखा है की ऐथू दीकर की स्वर्गदूत भी बड़िया गौर ला इना गल्लां जो होंदे होए दिखदे न।

?????? ???? ???? ?? ???? ???

13 इस ताई अच्छे तरीके ला सोचा कने अपने आप पर काबू करणे दी कोशिश करा। कने उस उद्धार दी आस अनुग्रह पर लाई रखा जड़ा तुहांजो तालू मिलणा है जालू यीशु मसीह दुबारा इस संसारे च मुड़ी करी ओणा है। 14 परमेश्वरे दिया आज्ञा दा पालन करा जियां अच्छे बच्चे अपने पिता दिया आज्ञा दा पालन करदे न। कने उना बुरे कम्मा जो मत करा जिना दी तुसां इच्छा रखदे थे, जालू तुसां परमेश्वरे दिया सच्चाईया जो नी जाणने थे।

15 पर हुण तुहांजो हर कम्मा च जड़े तुसां करदे न पबित्र होणा चाईदा, जियां की परमेश्वर पबित्र है, जिनी तुहांजो अपने बच्चे होंणे ताई चुणया। 16 क्योंकि पबित्र शास्त्र च लिखया है की, “तुहांजो पबित्र होंणा चाईदा क्योंकि मैं पबित्र है।”

17 कने जालू तुसां प्राथना करदे न, तां तुसां परमेश्वरे जो अपना पिता बोलदे न। पर तुसां याद रखा की सै भेदभाव नी करदा है, कने हर कुसी जो उदे कम्मा दे अनुसार न्याय करदा है। इस ताई जालू की तुसां इसा धरती पर इक परदेसी होईकरी रेंदे न तां तुहांजो परमेश्वरे दी बड़ी इज्जत करणी चाईदी।

18-19 क्योंकि तुहांजो पता है की तुसां पेहले इक बेकार तरीके ला जिन्दगी जिया दे थे, इक ऐसा तरिका जड़ा तुहाड़े पूर्वजां दे बकत ला चली ओआ दा था। पर तुहांजो उस बेकार जिन्दगी ला बचाई लिया। तुहांजो सोने या चांदिया सांई खत्म होंणे बालियां चीजां ला नी खरीदया है, पर मसीह दे बड़े कीमती खूने ला खरीदया, जड़ा इक शुद्ध कने सिद्ध मेमने सांई था।

20 इस संसारे जो बणने ला पेहले, परमेश्वरे पेहले ला ऐ फेसला करी लिया था की यीशु मसीह छुड़ाणे बाला होंणा। पर सै इना आखरी दिना च तुहाड़ी सहायता करणे ताई इस संसारे च प्रगट होया। 21 जड़ा कुछ भी मसीहे किता है उदिया बजा ला तुसां परमेश्वरे पर भरोसा करदे न। परमेश्वर सेई है जीनी यीशु मसीह जो

मरयां चे जिन्दा किता, कने उसयो बड़ी जादा महिमा दिती। इस ताई तुसां भरोसा करदे न कने परमेश्वर पर तुहाड़ी उम्मीद पक्की है।

22 क्योंकि सच्चाईया जो मनणे ला ही तुहांजो तुहाड़े पापां ला शुद्ध कितया है, हुण तुहांजो अपने साथी मसीह भाई बेहणा सोगी इमानदारी कने साफ मने ला प्यार करदे रेंणा चाईदा। 23 तुहांजो इक दुज्जे ला प्यार करणा चाईदा क्योंकि तुहांजो परमेश्वरे दिया तरफा ला इक नोई जिन्दगी मिलियो है। तुहांजो ऐ जिन्दगी कुसी ऐसिया चिजा ला नी मिलियो है, जिना खत्म होई जाणा, पर हमेशा टिकी रेणेबाले बचन दे जरिये नोई जिन्दगी मिलया है।

24 क्योंकि पबित्र शास्त्र ऐ बोलदा है, “हर इक माणु घाए सांई है, कने उदी सारी शोभा घाए दे फुलां सांई है। घाए सुकी जाणा है, कने फुलां झड़ी जाणा है।” 25 पर परमेश्वरे दा बचन हमेशा बणी रेंदा है। कने ऐ बचन मसीह दे बारे च शुभसमाचार है जड़ा तुहांजो च प्रचार कितया था।

2

?????? ???? ???? ???? ???? ???

1 इस ताई हर तरा दा बुरा व्यवहार छुड़ी दिया, दुज्जयां जो धोखा मत दिया, पाखंडी मत बणा, दुज्जयां ला जलन मत रखा, कुसी जो बदनाम मत करा, 2 जियां नोए जम्यो बच्चे अपनी माता दे दुधे दी इच्छा रखदे न, तियां ही तुहांजो परमेश्वरे दे बचन सिखणे दी इच्छा रखणी चाईदी ताकि तुसां आत्मिक रूप च मजबूत बणी सकन। तां आखरी च, परमेश्वरे तुहांजो इस संसारे दियां बुरियां चीजां ला पुरे तरीके ला बचाई लेणा। 3 क्योंकि जियां पबित्र शास्त्र च लिखया है की, “तुसां अपने अनुभव ला जाणया है की प्रभु भला है।”

4-5 प्रभु यीशु दी तुलना इक जिन्दे पत्थरे ला कितियो है। उस पत्थरे जो माणुआं फेंकी दितया था क्योंकि उना बोलया की ऐ बेकार था। पर परमेश्वरे दिया नजरा च, सै अनमोल है, कने परमेश्वरे उसयो नियां दे मुख्य पत्थरे दे रूपे च चुणया। हे मेरे मसीह साथियों तुसां भी मसीह बाल ओआ, ताकि तुहांजो भी उदे जरिये जिन्दे पत्थरां सांई बणाया जाए जड़े परमेश्वरे दी अराधना दा घर बणाणे ताई लगाए जादे न। उनी तुहांजो भी पबित्र याजक बणाया है। क्योंकि जियां याजक परमेश्वरे जो चढावा चढादे न, तियां ही तुसां भी चढावे दे रूपे च अपना दिल परमेश्वरे जो चढाया है। कने सै चढावा परमेश्वरे जो खुश करदा है, क्योंकि तुसां यीशु मसीह दे न।

किता ताकि असां पाप करणा बंद करी देन। कने उना जखमा दिया बजा ला जड़े उनी सेहन किते, असां ठीक होई गे। ²⁵ इक बकत पेहले तुसां भेडां सांई थे, जड़ियां गलत रस्ते पर जा दियां थियां। पर हुण तुसां यीशु मसीह बाल वापस आई गियो न जड़ा तुहाड़िया आत्मा दा पुआल कने रखवाला है।

3

???? ???? ???? ??

1-2 हे घरे बालियां, तुसां भी अपणे घरे बालयां दे अधीन रिया। ताकि अगर उना चे कोई भी परमेश्वरे दे बचना पर भरोसा करणे ला मना करदा है, तां तुहांजो ऐ दसणे दी जरूरत नी होणी की उना जो भरोसा करणा चाईदा। जालू उना दिखणा की कियां तुसां पबित्र जिन्दगी जिया दे कने परमेश्वरे दी इज्जत करदे न, तां उना मसीह पर भरोसा करी लेणा।

3 तुहाड़ी सुन्दरता दिखावटी ना हो, जियां की बाल संवारना, कने सोने दे गेहणे पेहनणा, या भाँती-भाँती दे मेंगे-मेंगे कपड़े पांणा। ⁴ जड़ा तुहाड़े दिले च है, सेई है जड़ा तुहांजो सुंदर बणादां है। साड़ा व्यवहार प्यार भरा कने शांत हो, जड़ा की परमेश्वरे तांई बड़ा कीमती है।

5 कने बड़े पहले जड़ियां जनानियां परमेश्वरे पर भरोसा रखदियां थियां, कने उस पर अपणी आस रखदियां थियां, सै अपणे घरे बाले दा हुकम मन्नी करी अपणे आपे जो सुंदर बणादियां थियां। ⁶ जियां सारा अब्राहम दे हुकमा जो मंदी कने उसयो स्वामी बोलदी थी। अगर तुसां दुज्जयां सोगी भलाई करन कने तुहांजो कोई भी चिंता कने डर ना हो, तां तुसां सारा दे बचयां सांई बणणा।

???

7 तियां ही हे पतियो, तुहांजो अपणिया-अपणिया घरे बालिया सोगी समझदारिया ला रेंणा चाईदा, कने तुहांजो याद रखणा चाईदा सै तुसां ला कमजोर न, इस तांई तुहांजो उना दी इज्जत करणी चाईदी। क्योकि तुसां दोनों ही हमेशा दी जिन्दगिया दे बरदाने दे हिस्सेदार न जड़ा परमेश्वरे बड़े अनुग्रह ला दितया है। इयां करा ताकि जालू तुसां परमेश्वरे ला प्राथना करन तां सै तुहाड़ी सुणे।

???? ?? ???? ???? ???? ???? ???? ??

8 आखरी च, मै तुसां सारयां ला ऐ बोलणा चांदा है की, तुसां सारयां दा इक ही मन होंणा चाईदा कने इक दुज्जे सोगी प्यारभाव ला रिया कने घमंड मत करा कने नम्र बणा। ⁹ बुराईया दे बदले बुराई मत करा कने ना गाली दे बदले गाली दिया; इदे बदले उना जो आशीष दिया क्योकि परमेश्वरे तुहांजो इसी तांई सदया है की तुसां

दुज्जयां जो आशीष देई सकन। अगर तुसां ऐसा करदे न तां परमेश्वरे भी तुहांजो आशीष देंगी। ¹⁰ क्योकि पबित्र शास्त्र च लिख्या है, अगर कोई माणु अपणी जिन्दगी दी खुशी लेणा चांदा है, कने खरे दिन दिखणा चांदा है, तां उसयो ध्यान देणा चाईदा की सै बुरियां गल्लां ना बोले। कने उसयो एसियां गल्लां करणा बंद करी देणा चाईदा जड़ियां सच्च नी है। ¹¹ उसयो पक्का ही बुरे कम्म करणा छुडी देणा चाईदे। कने इदे बजाए उसयो सेई करणा चाईदा जड़ा भला है। दुज्जयां सोगी शान्ति ला रेणे दी कोशिश करा। ¹² क्योकि प्रभु उना लोकां दी देखभाल करदा है जड़े भले कम्म करदे न, कने सै हमेशा उना दी प्राथना सुणने तांई कने उना दा जबाब देंगे तांई तैयार है। पर परमेश्वर बुराई करणे बाले लोकां दे खिलाफ कम्म करदा है।

???? ???? ???? ???? ??

13 अगर तुसां हमेशा भले कम्म करणे दी कोशिश करदे न, तां कोई भी असल च तुहाड़ा नुक्सान नी करी सकदा। ¹⁴ पर अगर जड़ा सही है सै करणे दिया बजा ला असां दुख झेलदे न, तां असल च असां धन्य होणा। इस तांई अगर कोई लोक सांझो डरान, तां डरदे मत कने ना ही घबरानयो,

15 पर मसीह जो अपणे मना च प्रभु दे रूपे च इज्जत दिया। कने अगर कोई तुहांजो ला उस आसा दे बारे च पुच्छे जड़ी भरोसा करणे बाले होंणे दे नाते तुसां सारयां च है, तां हमेशा उसयो समझाणे तांई तैयार रिया। ¹⁶ कने अपणी अंतरात्मा भी शुद्ध रखा, इस तांई की जिना गल्लां दे बारे च तुहाड़ी बदनामी होंदी है उना दे बारे च सै, जड़े मसीह च तुहाड़े खरे चाल-चलण दी बेइजती करदे न, शर्मिंदा होन। ¹⁷ अगर सांझो अपणे भले कम्मा दिया बजा ला दुख मिलदा है, तां ऐ साड़े तांई खरा है, अगर परमेश्वरे दी ऐई इच्छा है। ऐ तां बुरे कम्मा दिया बजा ला दुख झेलणे ला साड़े तांई खरा है।

???? ?? ???? ??

18 मै इस तांई बोला दा है क्योकि यीशु मसीहे भी साड़े पापां दिया बजा ला दुख सेहन किता कने मरी गया। सै सिर्फ इक ही बरी मरया उसयो दुबारा मरणे दी जरूरत नी है। सै इक धर्मी माणु था जड़ा पापी माणुआं तांई मरी गया ताकि सै सांझो परमेश्वरे दे नेड़े आंणी सके। उना उदे शरीरे जो तां मारी दिता पर परमेश्वरे उसयो पबित्र आत्मा दिया शक्तिया ला दुबारा जिन्दा करी दिता। ¹⁹ तालू उदिया आत्मा जाई करी उना आत्मा जो शुभसमाचार प्रचार किता जड़ियां उसा जगा पर केद कितियां न, जिथू मरयां लोकां दियां आत्मा न। ²⁰ ऐ उना लोकां दियां आत्मा थियां जिना

17 क्योंकि न्याय करने दा बकत आई गया है, परमेश्वरे पेहले असां भरोसा करने बालयां दा न्याय करणा है, इस ताई उना भयानक चीजां दे बारे च सोचा जड़ियां उना लोकां सोगी होंणियां न जड़े परमेश्वरे दे दितयो शुभसमाचारे जो नी मंदे। 18 जियां की पबित्त्र शास्त्र च लिखया है, “अगर इक भले माणुऐ दा बचाया जाणा इतणा मुशकिल है, तां बुरे लोकां दा कने पापियां दा क्या होणा जड़े परमेश्वरे दे शुभसमाचारे पर भरोसा नी करदे?” 19 इस ताई जड़े लोक परमेश्वरे दिया इच्छा दे अनुसार दुख झेलदे न, उना जो परमेश्वरे पर भरोसा करदे रेंणा चाईदा, जिनी उना जो बणाया है। परमेश्वर हमेशा सै करदा है जड़ा उनी करणे दा बायदा कितया था कने इस ताई जड़ा खरा है सै करदे रेंणा चाईदा।

5

?????? ?? ???????

1 कुछ एसियां गल्लां न जड़ियां मैं ओथु दे कलीसिया दे अगुवां ला बोलणा चांदा है क्योंकि मैं भी तुहाड़े साई इक अगुवा है। मैं खुद उना दुखां जो दिखया है जड़े बड़े पेहले यीशु मसीहे सेहन किते। जालू उनी दुबारा मुड़ी करी ओणा है, तां मैं उदिया महिमा च हिस्सेदार बणना है। हुण मैं तुहांजो ला बिनती करदा है, 2 जियां इक पुहाल अपणियां भेडा दी रखबाली करदा है, तियां ही तुहांजो भी हर इकी जणे दी देखभाल करणी चाईदी जिसयो परमेश्वरे तुहाड़िया देखभाला च दितया है। इस कम्मे जो अपणिया इच्छा ला करा, ना की कुसी मजबूरिया दिया बजा ला क्योंकि परमेश्वर ऐई चांदा है की तुसां ऐसा करन। ऐ कम्म इस ताई मत करा की तुसां पैसा कमाणे चांदे न, पर परमेश्वरे कने लोकां दी सेवा करणे दी इच्छा ला करा। 3 उना लोकां दे उपर इक शासक साई हुकम मत दिया जिना ताई तुसां जिम्मेबार न, पर उना ताई इक अच्छा उदाहरण बणा। 4 जालू यीशु मसीहे, जड़ा साड़ा प्रधान पुहाल है, उनी मुड़ी करी ओणा है, तालू तुहांजो इक सुंदर मुकुट मिलणा है जिदी चमक कदी नी घटणी।

?????????????? ?? ??????? ??????? ???????
?? ???????

5 इयां ही तुसां जवान लोकां जो बुड्डे मर्दां दे हुकम मनणा चाईदे। तुसां सारयां जो प्यारभाव ला इक दुज्जे दी सेवा करणी चाईदी, क्योंकि पबित्त्र शास्त्र च लिखया है की, “परमेश्वर घमण्डियां दा बिरोध करदा है, पर नम्र लोकां ताई भला है।” 6 इस ताई अपणे आपे जो परमेश्वरे सामणे नम्र बणा जड़ा सारयां ला शक्तिशाली है, ताकि सै सही बकत ओणे पर तुहांजो

बड़ी जादा इज्जत दे। 7 परमेश्वरे जो अपणी सारी चिंता कने परेशानिया दस्सा क्योंकि सै तुहाड़ी परवाह करदा है।

8 ध्यान रखा, कने जागदे रिया, क्योंकि शैतान तुहाड़ा दुशमण तुहांजो पर हमला करणा चांदा है, ताकि तुसां परमेश्वरे दे हुकमा जो नी मनन। सै धहाड़ने बाले शेर साई फिरदा कने दिखदा रेंदा है की कुसयो खाई सके। 9 तुहांजो अपणे पक्के भरोसे सोगी शैताने दा बिरोध करणा चाईदा। याद रखा की तुहाड़े मसीह भाई-बेहण जड़े पुरे संसार च रे दे न, ऐदे ही दुखां जो सेहन करा दे न जियां तुसां सेहन करा दे न।

10 परमेश्वरे जड़ा अनुग्रह ला पूरा भरुया है, उनी साड़े मसीह सोगी रिशते दिया बजा ला स्वर्गे च उदी हमेशा दी महिमा च हिस्सेदार होणे ताई चुणया है। तुहांजो थोड़े बकते दीकर दुख झेलणे बाद परमेश्वरे तुहांजो अच्छा बणाई देणा ताकि तुहांजो च फिरी कोई दोष ना रे ताकि तुहाड़ा भरोसा मजबूत हो कने डगमगाणे बाला ना हो। 11 उनी हमेशा ताई शक्तिशाली रूपे ला शासन करणा। आमीन।

????? ?????????

12 मैं ऐ छोटी देई चिट्ठी सिलवानुस दिया सहायता ला लिखियो है कने तुहांजो भेजी है। जिसयो मैं मसीह च भरोसे दे काबिल भाई मंदा है। मेरा इसा चिटिया जो लिखणे दा मकसद तुहांजो उत्साहित करणा है कने तुहांजो भरोसा दिलाणा है की जड़ा कुछ भी तुसां सिखा दे न सै असल च तुहाड़े ताई परमेश्वरे दे अनुग्रह दा हिस्सा है। इस अनुग्रह च टिकी रिया। 13 जड़े बाबेल शहरे दे यीशु पर भरोसा करणे बाले लोक तुहांजो नमस्कार करदे न, जिना जो परमेश्वरे चुणया है, जियां उनी तुहांजो चुणया था। मरकुस जड़ा मेरे ताई इक पुत्रे साई है, सै भी तुहांजो नमस्कार करदा है। 14 इक दुज्जे जो गले लाईकरी नमस्कार करा। मैं प्राथना करदा है परमेश्वर तुसां सारयां जो शांति दे जड़े प्रभु यीशु मसीह सोगी रिश्ता रखदे न।

2 पतरस दी दुज्जी चिट्ठी

????????

इसा दुजिया चिटिया च, पतरसे दसया कि (अध्याय 2) कुछ झूठे गुरु मसीही लोकां जो गलत शिक्षा देईकरी प्रभु ला दूर लेई जाणे दी कोशिश करा दे न, पर झूठे गुरुआं जो उना दे बुरे कम्मा तांई सजा मिलणी जो। (1: 17-18) मसीह दिया महिमा दे अपणे अनुभव जो याद करदे होए, पतरस शुभसमाचार दे सच जो झूठी शिक्षा दे खिलाफ च दसदा है। शुभसमाचार इक अंधेरी जगा च चमकदा होया दिये सांई है (अध्याय 1:19)। अध्याय 3 च पतरसे उना लोकां पर ध्यान केन्द्रित करदा है जड़ा मसीह दी जीत बापसी कने आखरी फैसले दे बिचारां दा मजाक उड़ादे न। जियां परमेश्वरे इक बरी पाणिये ला दुनिया जो नाश कितया था, तियां उनी इक दिन अपणी अग बरसाणी। इसा गल्ला दिया लौई च, सांझो “पबित्तरता कने धर्मीकता” च रेणा चाईदा जियां असां उदिया वापसिया दा इंतजार करदे न कने सै उद्धार जड़ा उनी सारे विश्वासियों जो देणे दा वायदा कितया है। पतरसे ऐ चिट्ठी लगभग इ. सन 67-68 च लिखियो थी। उदिया मौता ला कुछ बकत पेहले।

रूप रेखा

अभिवादन कने प्रार्थना 1:1-2

प्रभु दे अनुयायियों जो कियां जीणा चाईदा 1:3-15

मसीही दी महिमा 1:16-21

झूठे परमेश्वरे दे संदेश देणेबाले कने शिक्षक 2:1-22

परमेश्वरे दी बापसी पक्की है 3:1-18

????????

1 मैं, शमौन पतरस, जड़ा यीशु मसीह दा सेबक कने प्रेरित है। मैं तुसां सारयां तांई ऐ चिट्ठी लिखा दा है जड़े सांझो सांई उसी कीमती भरोसे जो साझा करदे न, जड़ा भरोसा सांझो साड़े परमेश्वर कने उद्धारकर्ता यीशु मसीहे जरिये मिलया है, जड़ा सांझो परमेश्वरे दिया नजरा च सही बणादां है। 2 मैं प्रार्थना करदा है की परमेश्वर तुहांजो जादा ला जादा अनुग्रह कने शांति दे जियां-जियां तुसां परमेश्वर कने साड़े प्रभु यीशु मसीह दे ज्ञान च बददे जान।

???????? ? ?

3 परमेश्वरे अपणी शक्तिया ला सांझो सै सब दितया है, जड़ा सांझो इक ऐसी जिन्दगी जिणे तांई चाईदा जड़ी परमेश्वरे जो खुश करदी है। ऐ इस तांई होया क्योंकि असां परमेश्वरे जो जाणदे न कने सै सेई है जिनी अपणी

अच्छाई कने महिमा दिया बजा ला सांझो अपणे लोक होंगे तांई सदया है।

4 कने उदिया महिमा कने अच्छाईया दिया बजा ला, उनी सांझो बड़े महान कने कीमती बायदे दितयो न। ताकि इना बरदाना दा इस्तेमाल करिरी असां इस संसारे च जड़ियां बुरियां इच्छा न उना ला बची सकन कने परमेश्वरे दे सभावे च साझी बणी सकन। 5 क्योंकि तुसां परमेश्वरे दे सभावे च साझी होणे तांई न इस तांई तुहांजो सिर्फ मसीह पर भरोसा ही नी करणा चाईदा, बल्कि तुहांजो हमेशा सेई करणे दी कोशिश करणी चाईदी जड़ा दुज्जियां तांई खरा है। तुहांजो ना सिर्फ सै करणा चाईदा जड़ा खरा है, बल्कि तुहांजो ऐसे लोक बणना चाईदा जड़े समझदारिया ला व्यवहार करणा जाणदे न। 6 तुहांजो ना सिर्फ ऐ जाणना चाईदा की समझदारिया ला कियां व्यवहार करणा है, बल्कि तुहांजो अपणे आपे जो भी काबू करणा चाईदा। तुहांजो ना सिर्फ अपणे पर काबू रखणा चाईदा, बल्कि तुहांजो मुसीबतां च सबर भी रखणा चाईदा। ना सिर्फ तुहांजो सबर रखणा चाईदा, बल्कि तुहांजो ऐसे तरीके ला जीणा चाईदा जड़ा परमेश्वरे जो खुश करदा है। 7 ना सिर्फ तुहांजो इस तरीके ला जिणा चाईदा जड़ा परमेश्वरे जो खुश करदा है, बल्कि तुहांजो इक दुज्जे मसीह भाई बेहणा जो अपणे खुद दे परिवारे सांई प्यार करणा चाईदा। ना सिर्फ तुहांजो इक दुज्जे सोगी अपणे परिवारे सांई प्यार करणा चाईदा, बल्कि तुहांजो सारे लोकां सोगी प्यार भी करणा चाईदा।

8 क्योंकि अगर ऐ सारियां गल्लां तुसां च हेन कने बदा दियां न, तां इना साड़े प्रभु यीशु मसीहे दा होर जादा ज्ञान लेंगे च तुहांजो बेकार कने असफल नी होणा देणा। 9 पर जिदे च ऐ गुण नी है, सै उस माणुऐ सांई जिदी नजर इतणी कमजोर है की सै दिखी नी सकदा कने भूली गया है की परमेश्वरे उसयो उदे पुराणे पापां ला पबित्तर करी दितया है।

10 इस बजा ला हे मसीह भाईयो, अपणे आपे जो कने होर लोकां जो ऐ दसणे तांई होर भी अच्छा व्यवहार करणे दी कोशिश करा की परमेश्वरे सच्ची चुणया है कने तुहांजो अपणे लोक होंगे तांई सदया है। अगर तुसां ऐसा करगे तां पक्का ही तुसां कदी भी परमेश्वरे ला लग नी होंगा। 11 कने परमेश्वरे तुहाड़ा उस राज्य च बड़े आदर सोगी स्वागत करणा, जिथू साड़ा प्रभु कने उद्धारकर्ता यीशु मसीहे हमेशा तांई राज करणा।

???????? ? ?

12 मैं तुहांजो इना गल्लां दे बारे च बार-बार याद दिलाणा चांदा है, हालांकि तुसां पेहले ला ही इना गल्लां जो जाणदे न कने पूरा भरोसा करदे न की सै सच्चियां न।

13-14 साड़े प्रभु यीशु मसीहे मिंजो साफ-साफ दस्सी दितया है की मैं जल्दी ही मरी जाणा है। इस ताई मिंजो लगदा है की मेरे ताई ऐई खरा है की जालू दीकर मैं जिन्दा है तालू दीकर मैं तुहांजो याद दिलांदा रे।¹⁵ इस ताई मैं तुहांजो ऐ गल्लां दसणे ताई इतणी मेहनत करा दा है, ताकि मेरिया मौता ला बाद तुसां हर बकत इना गल्लां जो याद रखन।

???? ? ? ???? ? ? ???? ???? ???? ???? ?

16 जालू असां परेरितां तुहांजो साड़े प्रभु यीशु मसीह दी शक्ति कने मुड़ी ओणे दे बारे च संदेश दिता, तां असां तुहांजो कोई चलाकिया ला मन घइन्त कहाणियां नी सुणाईयां न, बल्कि असां उदिया महिमा जो अपणी हखी ला दिखया है।¹⁷⁻¹⁸ असां उदे सोगी उस पबित्र पाड़े पर थे, जालू पिता परमेश्वरे उसयो महिमा कने इज्जत दिती थी। उस बकत परमेश्वरे दिया तरफा ला यानी की महिमा ला उस ताई अबाज आई, “ऐ मेरा अपणा प्यारा पुत्र है, जिसला मैं खुश है!” असां खुद स्वर्गे ला ओंदी अबाज जो सुणया।

19 कने असां जाणदे न की मसीह दे बारे च परमेश्वरे दे संदेश देणेबालयां जड़े बचन लिखयो थे, सै सच्चे न, कने जड़ा असां तुहांजो यीशु मसीहे दे दुबारा मुड़ी ओणे दे बारे च सिखाया था, सै इसा गल्ला जो सच्च साबित करदे न। तुहांजो उना बचना जो ध्याने ला सुणना चाईदा, क्योंकि जियां नेहरे च इक चमकदा दिव्या लोकां जो सही रस्ता दसणे च सहायता करदा है, तियां ही इना बचना तुहांजो ऐ जाणने ताई सहायता करणी की सच्च क्या है। प्रभु यीशु मसीह दे दुबारा मुड़ी करी ओणे दीकर तुहांजो उना बचना जो ध्याने ला सुणना चाईदा, उदा मुड़ी करी ओणा नोऐ दिने दिया भयागा साई रौशनी लोणा है, कने सै भयागा दे तारे साई होणा। उस बकत उदी लौ तुहाड़े दिलां च चमकणी कने तुहाड़े सामणे परमेश्वरे जो साफ-साफ प्रगट करणा।²⁰ पर ऐ बड़ा जरूरी है की तुसां इसा गल्ला जो समझन की परमेश्वरे दा संदेश देणेबालयां दे बचन जड़े तुसां पबित्र शास्त्र च पढ़दे न, सै सिर्फ उना दे अपणे विचार नी न।²¹ क्योंकि पबित्र शास्त्र च दीतियो कोई भी भविष्यवाणी कदी भी माणुऐ दिया मरजिया ला नी होंदी है। पर पबित्र आत्मा उना दे मना च पांदा है, जालू उना परमेश्वरे दिया तरफा ला आयो संदेशे जो बोलया।

2

???? ???? ?

1 जियां बड़े बकत पेहले, ऐथू इस्राएली लोकां बिच झूठा संदेश देणेबाले गुरु थे, तियां ही तुहाड़े बिच भी

झूठी शिक्षां दे झूठे गुरु होणे। सै झूठी शिक्षां जो चुपके ला फेलाई दिन्दे न, कने जड़ियां लोकां जो मसीह पर भरोसा करणे ला रोकदियां न। इना झूठे गुरुआं मसीह जो अपणा मालिक मनणे ला मना करी देणा जड़ा उना दा मालिक है कने जिनी उना जो पाप दिया शक्तिया ला अजाद कितया है। ऐसा करिरी उना अचानक अपणे आप दा नाश करवाई लेणा है।² परमेश्वरे दे मतयां लोकां इना गुरुआं दे बुरे कम्मा दी नकल करणी है, कने जड़ा कुछ भी सै करदे न उदिया बजा ला लोकां परमेश्वरे पासे जाणे बाले रस्ते दे बारे च बुरियां-बुरियां गल्लां करणियां।³ ऐ गुरु लालची होंणे, कने उना बणियां-बणाईयां कहाणियां सुणाई करी तुहांजो धोखा देणा ताकि तुहांजो ला पैसा कमाई सकन। परमेश्वरे बड़े पेहले ही फेसला करी लिया था की सै उना जो सजा दे कने सै ऐसा करणे ताई तैयार है। उनी पक्का ही उना दा नाश करी देणा।

⁴ तुसां जाणदे न की बड़े बकत पेहले जालू कुछ शैताने दे दूतां परमेश्वरे दे हुकमा जो नी मनया था, तां परमेश्वरे उना स्वर्गदूतां जो सजा दिती। उनी उना जो नरक च फेंकी दिता, कने उना जो नेहरे च केद करिरी उस दिने दीकर रख्या है जालू उनी उना दा न्याय करणा कने सजा देंगी है।⁵ तुसां ऐ भी जाणदे न की जालू बड़े बकत पेहले रेणे बालयां लोकां परमेश्वरे दा डर नी मनया तां उनी उना दे बुरे कम्मा जो नजरअंदाज नी किता जड़े सै करा दे थे। बल्कि उनी पुरिया धरतिया पर पांणी भरी करी ऐसी सजा दिती की सै सारे डूबी करी मरी गे। पर परमेश्वरे नूह समेत अठां लोकां जो बचाई लिया, जिना परमेश्वरे सोगी सही रेणे दे बारे च विचार किता।⁶ परमेश्वरे सदोम कने अमोरा शेहरां जो सजा दिती, कने उना जो ऐसा भस्म करी दिता की सै फकुई करी राख बणी गे। परमेश्वरे इना लोकां जो सजा देईकरी चेताबनी दिती की जड़े लोक परमेश्वरे दे हुकमा जो नी मंदे न उना सोगी क्या होंणा है।

⁷ पर इसला पेहले की परमेश्वर सदोम कने अमोरा शेहरे दा नाश करदा, उनी लूत जो ओथु ला निकाली दिता कने बचाई लिया, सै इक धर्मी माणु था। लूत बड़ा दुखी था क्योंकि सदोम शेहरे दे लोक कुसी भी नियम जो नी मंदे थे कने बड़े ही शर्मशार कम्म करदे थे।⁸ सै उना बुरे लोकां बिच रेंदा था, कने सै हर रोज उना बुरे कम्मा जो दिखदा था जड़े सै करदे थे कने उना दियां बुरियां गल्लां जो सुणदा था, कने सै इना सारियां गल्लां ला बड़ा दुखी था, क्योंकि सै इक धर्मी माणु था।⁹ ऐ सारे कम्म जड़े परमेश्वरे अतीत च किते, सै सांझो ऐ दसणे ताई न की जड़े लोक परमेश्वरे जो खुश करणे वाली जिन्दगी जिन्दे न, जालू सै मुसीबता च होंदे न

तां परमेश्वर उना दी पक्का रक्षा करदा। कने असां ऐ भी यकीन करी सकदे न की परमेश्वरे उस दिने दीकर लगातार अधर्मियां जो सजा दिन्दे रेंणा जालू दीकर सै सारे लोकां दा न्याय नी करदा।

10 परमेश्वरे उना झूठे गुरुआं जो पक्का ही सजा देंगी है जड़े अपणी बुरियां इच्छा दे मुताबिक कम्म करदे न, कने अपणे उपर परमेश्वरे दे अधिकारे जो नी मंदे न। सै ढीठ कने घमण्डी न। सै महिमामय स्वर्गे दे प्राणियां दे बारे च बुरा भला बोलणे ला नी डरदे न। 11 पर स्वर्गदूत जड़े इना झूठे गुरुआं ला जादा शक्तिशाली न, सै भी उना दी बेइज्जती नी करदे जालू सै परमेश्वरे सामणे उना पर दोष लादे न।

११११ ११११११ ११ ११११११११११

12 पर ऐ झूठे गुरु जंगली जानवरां सांई कम्म करदे न, जड़े सेई करदे न जदिया उना दा शरीर चांदा है कने जड़े इस तांई पैदा होंदे न की लोक उना जो फसाई करी मारी सकन। ऐ झूठे गुरु उना चीजां दी बेईज्जती करदे न, जिना दे बारे च सै असल च कुछ नी जाणदे। परमेश्वरे उना जो तियां ही नाश करी देणा जियां लोक जानवरां जो मारदे न। 13 उना दा विनाश उस नुक्सान दा फल है जड़ा उना कितया है। उना जो दिन दोपहरी अनैतिक खांणा-पिणा पसंद है। सै तुहाड़े बिच इक कलंक कने धब्बे न। सै धोखा देंणे च खुशी मंदे न, कने सै तुहाड़े तांई धामा च तुहाड़े सोगी खांदे पिंदे न। 14 सै हर इक जनानिया सोगी व्यभिचार करणा चांदे न, जिसा जो भी दिखदे न। सै पाप करणे दे मौके तोपदे रेंदे न। सै उना लोकां जो धोखा दिन्दे न जिना दा मसीह पर भरोसा कमजोर होंदा है, कने सै उना जो पाप पासे लेई जांदे न। कने उना दे होर जादा-जादा चीजां पांणे दे हमेशा बददे लालचे दिया बजा ला ही परमेश्वरे उना जो सजा देंगी।

15 उना सही कम्म करणा बंद करी दितया है, कने उना सियुदा ही कम्म करणा शुरू करी दितया है, जदिया बओर दे पुत्र बिलामे बड़े पेहले कितया था। उनी गलत कम्म करिरी पैसा कमाणा पसंद कित। 16 पर परमेश्वरे बिलामे जो उदे बुरे कम्मा तांई उदिया गदिया दे जरिये फटकार लाई। भले ही गधे बोलदे नी न, पर उना गदिया बिलामे ला इन्साना सांई गल्ल किती, जालू बिलाम राजे जो मिलणे तांई गदिया जो लदी करी लेई चलया था कने परमेश्वरे उस बकत बिलामे जो बेवकूफिया बाला कम्म करणे ला रोकी दिता।

17 ऐ झूठे गुरु उना पांणिए दे झरनया सांई बेकार न, जड़े सुकी गियो न। सै उना बदला सांई बेकार न, जिना जो बरखा होणे ला पेहले तेज होआ उड़ाई करी लेई जांदी है। परमेश्वरे उना तांई इक ऐसी जगा तैयार कितियो है जिथू सिर्फ काला नेहरा ही है।

११११ ११११११ ११ ११११

18 जालू सै लोकां जो शिक्षा दिन्दे न, तां सै बेकार कने घमंडी गल्लां दा इस्तेमाल करदे न। सै लोकां जो दसदे न की सै उना शर्मनाक कम्मा जो करी सकदे जड़ा उना दा शरीर करणा चांदा है, कने सै उना लोकां जो दुबारा पाप करणे तांई भटकाई दिन्दे न, जिना थोड़े बकत पेहले ही यीशु मसीह पर भरोसा कित। 19 झूठे गुरु लोकां जो दसदे न की सै जड़ा कुछ भी करणा चांदे न, सै करणे तांई उना जो अजादी है, हालांकि सै खुद गुलाम न क्योंकि उना दा अपणा पापी सभाव उना जो बुरे कम्म करणे तांई मजबूर करदा है। क्योंकि जड़ा कुछ भी तुहांजो काबू करदा है, तुसां उदे गुलाम बणी जांदे न।

20 लोक संसारे दिया बुराईया ला बची गे जालू उना प्रभु यीशु मसीह जो उद्धारकर्ता मन्नी लिया, पर हुण फिरी दुबारा उना बुरे कम्मा च फसी गियो न, कने सै बुरे कम्म सान्झो काबू करदे न, इस तांई हुण यीशु मसीह जो छडणे बाद उना दी हालत पेहले ला भी बुरी होई गियो है, जालू उना भरोसा नी कितया था। 21 मेरा ऐ मतलब है, क्योंकि परमेश्वरे उना लोकां जो होर भी जादा सकत सजा देंगी जड़े प्रभु यीशु मसीह जो छडी दिन्दे न, बजाए उना दे जिना कदी प्रभु यीशु मसीह जो अपनाया ही नी। उना तांई ऐई खरा होणा था की सै कदी ऐ जाणदे नी की जिन्दगी जो धर्मी तरीके ला जिणे दा क्या मतलब होंदा है। हुण सै जाणदे न की सही क्या है पर उना परमेश्वरे दे हुकमा मनणा बंद करी दितया है जड़े असां प्रेरितां सिखायो थे। 22 उना सोगी जड़ा होंदा है सै दसदा है की ऐ कहाबतां सच्चियां न; सै कुतयां सांई न जड़ा अपणिया उलटिया जो चटणे तांई बापस ओंदा है, कने सै सुअरां सांई न जिसयो धोया जांदा है कने सै दुबारा चिकड़े च लोटणे तांई चली जांदा है।

3

११११११ ११ १११११ ११ ११११

1 हे प्यारे मसीह भाईयो, हुण मैं तुहांजो ऐ दुज्जी चिटठी लिखदा है, मैं तुहांजो ऐ दोनों चिटियां इस तांई लिखियां न, ताकि जड़िया गल्लां तुसां पेहले ला ही जाणदे न, उना दे बारे च तुहांजो याद दिलाई करी तुहाड़े मना च साफ बिचार पैदा करी सकें। 2 मैं ऐसा इस तांई करा दा है क्योंकि मैं चांदा है की तुसां उना बचना जो याद रखा, जड़े परमेश्वरे दे संदेश देणे बालयां बड़े पेहले बोलयो थे, कने साड़े उद्धारकर्ता, साड़े प्रभु यीशु मसीह दियां शिक्षां जो याद रखा जड़ियां तुहांजो उना प्रेरितां सिखाईयां थियां जड़े तुहाड़े बाल आये थे।

1 यूहन्ना दी पेहली चिट्ठी

????????

यूहन्ना मसीही विश्वासियां जो ऐ दसणा चांदे है कि जालू असां परमेश्वरे जो साड़े पापां दे बारे च दसगे, तां परमेश्वरे सांझो माफ करी देणा। (1-9) भरोसे दी सच्ची परिक्षा इक-दुज्जे ताई प्यार (अध्याय 3:11-24) है। क्योंकि परमेश्वर प्रेम है, उदे लोकां जो उदे साईं होणा चाईदा (अध्याय 4:1-21)। पाप पर पूरी जित ताई, सांझो ना सिर्फ दुज्यां ला प्रेम करणा चाईदा, बल्कि सांझो ऐ भरोसा करणा चाईदा कि यीशु, परमेश्वरे दा पुत्र, असल च मसीह है, कने ऐ कि साड़े ताई उदी मौत असल थी (अध्याय 5:1-12)। याद रे ऐ सै शब्द है जड़ा जिन्दगी दिंदा है सै शुरू ला था, कने ऐ सै है जिदे बारे च साड़े संदेश न। (अध्याय 1:1)

रूप रेखा

सै शब्द जड़ा जिन्दगी दिंदा है 1:1-4

परमेश्वर लौ है कने मसीह साड़ा उदाहरण है 1:5-2:6
नोआ हुकम 2:7-17

मसीह कने परमेश्वरे दे बचयां दे दुश्मन 2:18-3:10
परमेश्वरे दा प्यार कने साड़ा प्यार 3:11-4:21
दुनिया पर जीत 5:1-21

???????? ??

1 असां तुहांजो इक माणुऐ दे बारे च लिखा दे न जड़ा जीवन दा बचन है, कने सै शुरूआत ला ही था, जिसयो असां सुणया, जिसयो असां ध्याने ने अपणी हखी ने दिखया कने हथां ने छुता। 2 ऐ माणु जड़ा जिन्दगी दिंदा है सै धरती पर आया है, कने असां उसयो दिखया, कने उदी गबाई दिन्दे न, कने तुहांजो हमेशा दी जिन्दगी दे बारे च दसदे न, जिसयो पिता परमेश्वरे सांझो दसया। 3 जड़ा कुछ असां यीशुऐ मसीह दे बारे च दिखया कने सुणया है, उदी गबाई तुहांजो भी दिन्दे न, इस ताई की तुहाड़ी संगती साड़े सोगी हो: कने साड़ी ऐ संगती पिता परमेश्वर सोगी, कने उदे पुत्र यीशु मसीह सोगी है।

4 कने ऐ गल्लां असां इस ताई लिखदे न, की तुहाड़ी खुशी पूरी होई जा।*

???????? ?

5 जड़ा शुभसमाचार असां यीशुऐ ला सुणया है, सै ऐ है, की परमेश्वर अच्छा है कने ज्योति साईं पबित्तर है कने उदे च कोई भी बुराई[†] नी है। 6 अगर असां बोलन,

* 1:4 1:4 उना दी खुशी पूरी होई जांदी अगर उना जो परमेश्वरे सोगी उदारकर्ता ला मिली सकदी थी। † 1:5 1:5 नेहरा बुराई जो दसदा है

की परमेश्वरे सोगी साड़ी हिस्सेदारी है, कने असां फिरी भी बुराई करदे रेंदे न, तां असां झूठ बोलदे न कने सच्चाई ने नी जिन्दे न। 7 तुसां सै ही करा जड़ा सही है जियां परमेश्वर सिद्ध रूपे च सही है, तियां ही असां भी लौई च जी न, तां परमेश्वरे कने इक दुज्जे ने हिस्सेदारी रखदे न, कने उदे पुत्र यीशु मसीह दा खून सांझो साड़े सारयां पापां ला शुद्ध करदा है।

8 अगर असां बोलन की असां कोई पाप नी किता, तां असां अपणे आपे जो धोखा दिन्दे न, कने जड़ी सच्चाई परमेश्वर बोलदा है इस पर भरोसा नी करदे। 9 अगर असां परमेश्वरे सामणे अपणे पापां जो मन्नी लेन, तां सै साड़े पापां जो माफ करणे कने सांझो सारे अधर्म ला शुद्ध करणे च भरोसे दे काबिल कने धर्मी है। 10 अगर असां बोलन की असां पाप नी किता, तां असां परमेश्वरे जो झूठा बणादे न, कने असां परमेश्वर दे बचन जो नी समझदे न कने सै जड़ा बोलदा है उदा पालन नी करदे।

2

??????

1 हे मेरे बच्चो, मैं ऐ गल्लां तुहांजो इस ताई लिखा दा है, की तुसां पाप ना करन; कने अगर कोई पाप करे तां पिता परमेश्वर बाल साड़ा इक सहायक है सै यीशु मसीह है कने सांझो माफ करणे ताई पिता परमेश्वरे ला प्रार्थना करदा है कने सै धर्मी है। 2 कने उनी ही साड़े पापां दी माफी ताई अपणा बलिदान दिता: कने सिर्फ साड़े ही नी पर संसारे दे सारे लोकां दे पापां ताई भी।

3 अगर असां परमेश्वरे दे हुकमा जो मन्नी लेंगे, उसला ही सांझो पता चलणा की असां उसयो जाणदे न।

4 जड़ा कोई ऐ बोलदा है, मैं परमेश्वरे जो जाणी गिया है, पर उदे हुकमा जो नी मनदा, सै झूठा है; कने परमेश्वरे दे सच्च दे अनुसार जिन्दगी नी जिन्दा है। 5 पर जड़ा कोई परमेश्वरे दे बचना जो मनदा है, उदे च सची परमेश्वरे दा प्यार सिद्ध होया है, सांझो इसी ने ही पता चलदा है, की असां उदे सोगी बणी रेंदे न। 6 जड़ा कोई ऐ बोलदा है की असां यीशु मसीह च टिकयो न, तां सै यीशु मसीह साईं ही चाल चलन रखन।

??????

7 हे प्यारो, मैं तुहांजो कोई नोआ हुकम नी लिखदा, पर सेई पुराणा हुकम जड़ा शुरू ला तुहांजो मिलया है; ऐ पुराणा हुकम सै बचन है, जिसयो तुसां तालू सुणया जालू यीशु मसीह पर भरोसा किता। 8 फिर भी जड़ा हुकम मैं तुहांजो लिखदा है, सै नोआ हुकम है, कने इदी सच्चाई

यीशु मसीह च कने तुसां च भी मिलदी है; क्योंकि हुण बुराई खत्म होंदी जा दी है कने सच्चाई कने पबित्रता बदा दी है।

9 जड़ा कोई ऐ बोलदा है, की मैं अच्छाई कने भलाई ने जी दा है; पर अपणे मसीह भाईयां ने बैर रखदा है, सै हल्लै दीकर भी बुराई च ही है। 10 जड़ा कोई अपणे मसीह भाईऐ ने प्यार रखदा है, सै भलाई ने जिन्दगी जिंदा है, कने उदे अंदर ऐसा कुछ नी है जड़ा कुसी दे पाप करणे दी बजा बणे। 11 पर जड़ा कोई अपणे मसीह भाइये ने बैर रखदा है, सै बुराई च जी दा है कने बुराई च चलया है, कने नी जाणदा है की कुथु चलया है क्योंकि बुराईया उदियां हखी अन्निया करी दितियां न।

12 हे बच्चो, मैं तुहांजो इस ताई लिखा दा है, की यीशु मसीह दे नाए ने तुहाड़े पाप माफ होऐ न। 13 हे पिताओं, मैं तुहांजो इस ताई लिखा दा है, क्योंकि तुसां मसीह जो जाणदे न, जड़ा शुरू ला है। हे जवानो, मैं तुहांजो इस ताई लिखा दा है, की तुसां उस शैताने पर जित हासिल किती है: हे बचयां, मैं तुहांजो इस ताई लिखया है, की तुसां पिता परमेश्वरे जो जाणी गियो न।

14 हे पिताओं, मैं तुहांजो इस ताई लिखया है, क्योंकि तुसां मसीह जो जाणदे न, जड़ा शुरू ला है। हे जवानो, मैं तुहांजो इस ताई लिखया है, की जोरे बाले होआ, कने परमेश्वरे दा बचन तुसां च बणी रेंदा है, कने तुसां उस शैताने पर जित हासिल किती है।

?????? ?? ???? ?? ???

15 तुसां ना तां संसारे ला कने ना तां संसारे दिया चीजां ने प्यार रखा अगर कोई संसारे ने प्यार रखदा है, तां उदे च पिता परमेश्वरे दा प्यार नी है।

16 क्योंकि जड़ा कुछ संसारे च है, मतलब की शरीरे दी पापी इच्छा जो पूरा करणा, कने चीजां जो दिखणा कने उना जो पांणे दी इच्छा रखणा कने जड़ा उदे बाल है कने जड़ा सै करदा है उदा घमंड करणा, सै पिता परमेश्वरे दिया तरफा ला नी, पर संसारे दिया तरफा ला है। 17 संसार कने उदी बुरी इच्छा दोनो खत्म हुंदे जांदे न, पर जड़ा परमेश्वरे दिया इच्छा दे अनुसार चलदा है, सै हमेशा बणी रेंदा है।

???? ???? ???

18 हे बच्चो, ऐ मसीहे दा मुड़ी करी ओणे दा बकत है, जियां तुसां सुणया है, की मसीहे दा बिरोधी ओणे बाला है, उदे अनुसार हुण भी बड़े भरी मसीह दे बिरोधी आई गियो न; इसला असां जाणदे न, की मसीह दे मुड़ी करी ओणे दा बकत है। 19 सारे जड़े मसीह दा बिरोध करदे न सै निकलयो तां सांझो ला ही न, पर सांझो चे नी थे;

क्योंकि अगर सांझो चे होंदे, तां साड़े सोगी रेंदे, पर उना सांझो छडी दिता क्योंकि उना चे कोई भी साड़ा नी था।

20 पर तुहांजो तां यीशु मसीह दे जरिये पबित्र आत्मा मिलया है, कने तुसां सब सच्च जाणदे न। 21 मैं तुहांजो इस ताई नी लिखया, की तुसां सच्च जो नी जाणदे न, पर इस ताई लिखया है, की तुसां उसयो जाणदे न, कने इस ताई की कुसी भी झूठ दा जन्म सच्च ला नी होंदा है।

22 झूठा कुण है? सिर्फ सै जड़ा यीशु जो मसीहा होणे जो मना करदा है; कने मसीह दा बिरोधी सेई है, जड़ा पिता परमेश्वर दा कने पुत्र यीशु जो नी मनदा है। 23 जड़ा कोई पुत्रे जो नी मनदा है उदे बाल पिता परमेश्वर भी नी: जड़ा पुत्र यीशु जो मन्नी लेदां है, उदे बाल पिता परमेश्वर भी है।

24 जालू तुसां मसीह पर भरोसा किता कने जड़ा सच्चाई दा बचन तुसां सुणया, सै ही तुसां च बणी रे। अगर सै तुसां च बणी रे, तां तुसां भी पुत्रे च, कने पिता परमेश्वर च बणी रेणा। 25 हमेशा दी जिन्दगी सै बायदा है जड़ा पिता परमेश्वरे सांझो ने कितया है।

26 मैं तुहांजो उना लोकां दे बारे च चिताबनी दे दा है जड़े तुहांजो गलत शिक्षा ने धोखा देणे दी कोशिश करा दे न। 27 पर तुहांजो तां पबित्र आत्मा यीशु मसीह दे जरिये मिलया है, सै तुहाड़े च हमेशा बणया रे; इस ताई तुहांजो सच्चाई दे बारे च कुसी माणुऐ जो सिखाणे दी जरूरत नी है, बल्कि पबित्र आत्मा तुहांजो उना सरियां चीजां दे बारे च जाणने च मदद करणी है जिना दी तुहांजो जरूरत है, जड़ा पबित्र आत्मा तुहांजो सिखाणा सै सच्च है, उस च कुछ झूठ नी है: इस ताई यीशु मसीह सोगी बणी रिया जियां की पबित्र आत्मा करणे ताई बोलया है।

?????????? ?? ???? ???

28 हे बच्चों मसीह सोगी बणी रिया; की जालू उनी दोबारा प्रगट होणा, तां सांझो हिम्मत हो, कने असां उदे ओणे पर उदे सामणे शरमिंदा ना होन।

29 क्योंकि तुसां ऐ जाणदे न, की यीशु मसीह धर्मी है, तां ऐ भी जाणदे न, की जड़े कोई धर्मे दे कम्म करदे न, सै परमेश्वर दे बच्चे न।

3

1 बिचार करा की पिता परमेश्वरे साड़े ने कितणा प्यार किता है, की सांझो परमेश्वर दे बच्चे बोलन, कने सच्ची असां परमेश्वर दे बच्चे न। इस संसारे दे लोक ऐ नी जाणदे न की असां परमेश्वर दे बच्चे न क्योंकि सै पिता परमेश्वर जो नी जाणदे। 2 हे प्यारो, हुण असां परमेश्वरे

दी ओलाद न, कने हल्ले दीकर ऐ प्रगट नी होया, की असां भविष्य च क्या बणी जाणा। इतणा पता है की जालू उनी प्रगट होणा है, तां असां भी उदे साई होणा, क्योंकि उसयो तदिया ही दिखणा जियां सै है।

3 कने जड़ा कोई यीशु मसीह पर आस रखदा है, सै अपने आपे जो तदेया ही पबित्र करदा है, जदेया सै पबित्र है।

4 जड़े कोई लगातार पाप करदे न, सै परमेश्वरे दी व्यवस्था जो नी मंदे कने पाप करणा व्यवस्था जो तोड़णा है। 5 कने तुसां जाणदे न, की सै इस ताई आया है की साड़े पापां दिया सजा जो दूर करी दे; कने उदे च कोई पाप नी है। 6 जड़ा कोई उदे च बणी रेंदा है, सै लगातार पाप नी करदा; जड़ा कोई पाप करदा है, सै नी जाणदा की यीशु मसीह कुण है, कने ना ही उसयो जाणया है।

7 हे बच्चो, कुसी दे बेहकाबे च मत ओंदे। जड़ा धार्मिकता दे कम्म करदा है, सेई यीशु मसीह साई धर्मी है। 8 जड़ा कोई लगातार पाप करदा है, सै शैताने दिया तरफा ला है, क्योंकि शैतान शुरू ला ही पाप करदा आया है, परमेश्वरे दा पुत्र इस ताई आया, की शैताने दे कम्मा जो खत्म करे।

9 जड़ा कोई परमेश्वरे दे बच्चे न सै लगातार पाप नी करदा; क्योंकि परमेश्वर दा सभाव उदे च है: कने सै पाप नी करी सकदा, क्योंकि सै परमेश्वरे दा बच्चा है। 10 इसी ने परमेश्वरे दे बच्चे कने शैताने दे बच्चे जाणे जांदे न; जड़ा कोई धर्मे दे कम्म करदा, सै परमेश्वरे दिया तरफा ला है, कने जड़ा कोई अपने मसीह भाईऐ ने प्यार करदा है सै भी परमेश्वरे दिया तरफा ला है।

222 2222222 22 222222 2222

11 जड़ा समाचार तुसां शुरू ला सुणया है, से ऐ है, की असां इक दुज्जे ने प्यार रखिए। 12 कने आदम दे पुत्र कैन साई मत बणदे, जड़ा उस शैताने दा बच्चा था, जिनी अपने भाईऐ दी हत्या कित्ती, कने उनी उदी कुसा बजा ने हत्या कित्ती? उनी इस ताई हत्या कित्ती क्योंकि उदे अपने कम्म बुरे थे, कने उदे भाईऐ दे कम्म धर्मे दे थे।

13 हे मसीह भाईयो, अगर संसारे दे लोक तुहांजो ने बैर रखदे न तां हेरान मत होंदे। 14 सांझो पता है, की असां मौत दी शक्ति ला अजाद होई गियो न कने हुण साड़े बाल परमेश्वरे दिया तरफा ला हमेशा दी जिंदगी है; क्योंकि असां मसीह भाईयां ने प्यार रखदे न, कने जड़ा प्यार नी रखदा है सै हले भी मौत दिया शक्तिया दे अधीन है। 15 जड़ा कोई अपने भाईयां ने बैर रखदा है, सै हत्यारा है; कने तुसां जाणदे न, की कुसी भी हत्यारे च हमेशा दी जिन्दगी नी रेंदी।

16 असां प्यार जो यीशु मसीह ला ही जाणया, की उनी साड़े ताई अपने प्राण दिते; इस ताई सांझो भी मसीह भाईयां ताई प्राण देणा चाईदे। 17 पर जिसदे बाल संसारे दी धन सम्पत्ति हो कने सै अपने मसीह भाईये जो कंगाल दिखीकरी उस पर तरस ना खा, तां उदे च परमेश्वरे दा प्यार नी होई सकदा।

18 हे मेरे प्यारे बच्चो, सांझो बचना कने गल्लां ला ही नी, पर उना दी सहायता करी के सच्चा प्यार करणा चाईदा।

2222222222 22 222222 2222222

19 जालू असां दुज्जयां ने प्यार करगे इसला ही सांझो पता चलणा है, की असां सच्च दी ओलाद न। कने जालू कदी साड़ा मन सांझो पर दोष ला, तां असां परमेश्वरे दे सामणे अपने मने जो दिलासा देई सकदे न। 20 क्योंकि परमेश्वर साड़े मने ला बड्डा है; कने सब कुछ जाणदा है।

21 हे प्यारो, अगर साड़ा मन सांझो दोष नी ला, तां असां परमेश्वरे सामणे हिम्मत होंदी है। 22 कने जड़ा कुछ असां परमेश्वरे ला मंगदे न, सै सांझो उसला मिलदा है, क्योंकि असां उदे हुकमा जो मंदे न; कने जड़ा परमेश्वरे जो खुशी दिन्दा है असां सेई करदे न।

23 कने उदा हुकम ऐ है की असां उदे पुत्र यीशु मसीहे पर भरोसा करन कने जियां उनी सांझो हुकम दितया है तियां ही अपु चे प्यार रखन। 24 जड़ा उदे हुकमा जो मनदा है, सै परमेश्वर च रेंदा है कने परमेश्वर उना च रेंदा है। कने इसी ला ही उसा पबित्र आत्मा ला जड़ी उनी सांझो दिती है, असां जाणदे, की सै सांझो च रेंदा है।

4

222222 22 22222

1 हे प्यारो, हर इक कुसी पर भरोसा मत करा जड़ा बोले उस बाल पबित्र आत्मा है, पर उना जो परखा, की सै परमेश्वरे दिया तरफा ला हेन की नी; क्योंकि बड़े भरी झूठे संदेश देणेबाले इस संसारे च आयो न, जड़े बोलदे न की असां पिता परमेश्वरे दिया तरफा ला बोलदे न। 2 परमेश्वरे दी आत्मा जो तुसां इसा रीतिया ने पछेणी सकदे न, की जड़ा कोई माणु ऐ मनी लेंदा है, की यीशु मसीह माणु बणी करी आया है, सै परमेश्वरे दिया तरफा ला है। 3 कने जड़ा कोई माणु यीशुऐ जो नी मंदा है, सै परमेश्वरे दिया तरफा ला नी है; कने सेई मसीह दे बिरोधी दी आत्मा है; जिसदी चर्चा तुसां सुणी बैठयो न, की सै औणे बाला है, कने हल्ले भी संसारे च है।

4 हे बच्चों, तुसां परमेश्वरे दिया तरफा ला झूठे संदेश देणेबालयां जो हराया; क्योंकि जड़ा पबित्र आत्मा तुहाड़े च है, सै शैताने ला बडा है जड़ा संसार च है। 5 सै परमेश्वर दिया तरफा ला झूठे संदेश देणेबाले संसारे दे न, इस ताई सै संसारे दियां गल्लां करदे न, कने संसार दे लोक उना दी सुणदे न। 6 असां परमेश्वरे दिया तरफा ला न, जड़े परमेश्वरे जो जाणदे न, सै साड़ी सुणदा है; जड़ा परमेश्वरे जो नी जाणदा है सै साड़ी नी सुणदा है इस तरीके ने असां सच्च दी आत्मा कने झूठ दी आत्मा जो पछेणी लेंदे न।

?????????? ???? ??

7 हे प्यारो, असां अपु चे प्यार रखन; क्योंकि प्यार परमेश्वर ला है कने जड़ा कोई दुज्जयां सोगी प्यार करदा है, सै परमेश्वरे दा बच्चा है कने परमेश्वरे जो जाणदा है। 8 जड़ा दुज्जयां जो प्यार नी करदा सै परमेश्वरे जो नी जाणदा है, क्योंकि परमेश्वर प्यार है।

9 जड़ा प्यार परमेश्वर साड़े ला रखदा है, सै इसा गल्ला ने प्रगट होया है की पिता परमेश्वरे अपणे इकलोते पुत्रे जो संसार च भेजया है ताकि सांझो उसला हमेशा दी जिन्दगी मिल्ले। 10 सच्चा प्यार ऐ नी है की असां परमेश्वरे ने प्यार किता, पर उनी सांझो ने प्यार किता है, पर परमेश्वरे साड़े पापां जो माफ करणे ताई अपणे पुत्रे जो बलिदान होणे ताई भेजया है।

11 हे प्यारो, जालू परमेश्वरे सांझो ने ऐसा प्यार किता, तां सांझो भी अपु चे ऐदिया ही प्यार रखणा चाईदा। 12 परमेश्वरे जो कदी भी कुनी नी दिखया है; अगर असां अपु चे प्यार रखिए, तां परमेश्वर सांझो च बणी रेंदा है; कने उदा प्यार सांझो च सिद्ध होई गया है।

13 इसी ने सांझो पता चलदा है, की असां परमेश्वर च रेंदे न, कने परमेश्वर सांझो च रेंदा है; क्योंकि उनी अपणी पबित्र आत्मा सांझो दितया है। 14 असां पुत्रे जो दिखया है कने गबाई भी दिन्दे न की पिता परमेश्वरे अपणे पुत्रे जो संसारे दे लोकां दा उद्धारकर्ता बणाई के भेजया है।

15 जड़ा कोई ऐ अपनाई लेंदा है की यीशु परमेश्वरे दा पुत्र है, परमेश्वर उदे च रेंदा है, कने सै परमेश्वरे च रेंदा है। 16 असां जाणदे न कने भरोसा करदे न की परमेश्वर सांझो ने प्यार करदा है, उसयो असां जाणी गे न, कने सांझो उदा भरोसा है; परमेश्वर प्यार है जड़ा प्यार च बणया रेंदा है परमेश्वर उदे च रेंदा है, कने सै परमेश्वरे च रेंदा है।

17 इसी ला ही प्रेम सांझो च पूरा होया कि, न्याय दे दिने सांझो हिम्मत मिल्ले की सै सांझो नी दिंगा,

क्योंकि मसीह साई इक दुज्जे सोगी प्यार करदे न कने इसा दुनिया च मसीह साई रेंदे न।

18 प्यार च डर नी होंदा, सिद्ध प्यार डरे जो भी दूर करी दिन्दा है, क्योंकि जड़ा डरदा है सै सजा ला डरदा है। जड़ा डरदा है सै प्यारे च सिद्ध नी होया है।

19 परमेश्वरे सांझो ला पेहले प्यार किता इस ताई असां परमेश्वर कने दुज्जयां सोगी प्यार करदे न। 20 अगर कोई बोले, मैं परमेश्वरे ने प्यार करदा, पर अपणे मसीह भाईऐ ने दुशमणी रखे; तां सै झूठा है; क्योंकि जड़ा अपणे मसीह भाईऐ ने जिसयो उनी दिखया है उसला प्यार नी रखदा है, तां सै परमेश्वरे ने भी प्यार नी रखी सकदा है, जिसयो उनी दिखया भी नी है। 21 कने उसला सांझो ऐ हुकम मिलया है, की जड़ा कोई परमेश्वरे ने प्यार रखदा है, सै अपणे मसीह भाई ने भी प्यार रखे।

5

?????????? ? ???? ???? ???? ?

1 जिदा ऐ भरोसा है की यीशु ही मसीह है, सै जन परमेश्वरे दी संतान है कने जड़ा कोई पिता परमेश्वरे ला प्यार करदा है, तां सै उदी संतान ला भी प्यार करदा है।

2 जालू असां परमेश्वरे ने प्यार करदे न, कने उदे हुकमा जो मंदे न, तां इसी ने सांझो पता चलदा है, की परमेश्वरे दी ओलाद ने प्यार रखदे न।

3 परमेश्वरे ने प्यार करणे दा मतलब है की असां उदे हुकमा जो मनन; कने उदे हुकमा जो मनणा बड़ा कठिन नी न। 4 क्योंकि जड़े कोई परमेश्वरे दे बच्चे न, सै संसारे पर जित हासिल करदे न, कने सै जीत, जिसने संसारे जो रांदा है, सै साड़ा भरोसा ही है। 5 संसारे पर जीत पाणे बाला कुण न? सिर्फ सेई जिसदा भरोसा है, की यीशु ही परमेश्वरे दा पुत्र है।

???????? ???? ? ???? ? ???? ?

6 ऐ यीशु मसीह है, जिसयो परमेश्वरे इस संसार च भेजया है, कने उसयो पाणिए ने बपतिस्मा दितया था, कने बाद च जालू सै मरी गया तां उदा खून बेह गया। सै सिर्फ बपतिस्मा लेणे ताई नी आया था पर सूली पर अपना खून बहाइ करी मरया भी। पबित्र आत्मा दसदा है की यीशु मसीह परमेश्वरे ला आया, कने पबित्र आत्मा हमेशा सेई दसदा है जड़ा सच्च है।

7 गबाई ऐ है की यीशु मसीह साड़े पापां ताई बलिदान होया, ऐ तिन्न गल्लां इसदी गबाई दिन्दियां न। 8 पबित्र आत्मा, पाणी, कने खून; तिनी इक ही गल्ल बोलदियां न।

9 जालू असां माणुऐ दी गबाई मन्नी लेंदे न, तां परमेश्वरे दी गबाई तां उसला भी बदीकरी है कने परमेश्वरे दी गबाई ऐ है, की उनी अपणे पुत्रे दे बारे च

गबाई दितियो है। 10 जड़ा परमेश्वरे दे पुत्रे पर भरोसा करदा है, सै अपणे मने च ही गबाई रखदा है; जिनी परमेश्वरे पर भरोसा नी रखया, उनी परमेश्वरे जो झूठा बणाया; क्योंकि उनी उसा गबाइया पर भरोसा नी किता, जड़ी परमेश्वरे अपणे पुत्रे दे बारे च दिती है।

11 कने सै गबाई ऐ है, की परमेश्वरे सांझो हमेशा दी जिन्दगी दितियो है कने सांझो ऐ हमेशा दी जिन्दगी परमेश्वरे दे पुत्रे ला मिल्ली है। 12 जड़ा पिता परमेश्वरे दे पुत्र यीशु मसीह जो अपनांदा है, उदे बाल हमेशा दी जिन्दगी है; कने जड़ा परमेश्वरे दे पुत्रे जो नी अपनांदा है, उदे बाल हमेशा दी जिन्दगी भी नी है।

?????? ??????????

13 मैं तुहांजो ऐ सब इस तांई लिखया है की तुसां, जड़े परमेश्वरे दे पुत्रे पर भरोसा करदे न, की तुहांजो पता लगगे की हमेशा दी जिन्दगी तुहाड़ी है।

14 कने सांझो परमेश्वरे सामणे जड़ी हिम्मत होंदी है, सै ऐ है; की अगर असां उदी इच्छा ने कुछ मंगदे न, तां सै साड़ी सुणदा है। 15 कने जालू असां जाणदे न, की जड़ा कुछ असां परमेश्वरे ला मंगदे न, सै साड़ी सुणदा है, तां ऐ भी जाणदे न, की जड़ा कुछ असां मंगया है सांझो मिल्ला भी है।

16 अगर कोई अपणे मसीह भाईऐ जो ऐसा पाप करदे दिखे, जिदा परिणाम मौत न हो, तां सै उदे तांई परमेश्वरे ला प्राथना करा तां परमेश्वरे उदिया जिन्दगिया दी रक्षा करणी। क्योंकि इक पाप ऐसा भी होंदा है जिदा नतीजा मौत है; मैं इदे बारे च परमेश्वरे ला प्राथना करणे तांई नी बोलदा। 17 हर तरा दा अधर्म तां पाप है, पर ऐसा पाप भी है, जिदा नतीजा मौत है।

18 सांझो पता है, की जड़ा कोई परमेश्वर दा बच्चा है, सै लगातार पाप नी करदा; क्योंकि परमेश्वरे दा पुत्र यीशु मसीह उदी रक्षा करदा है कने शैताने उसयो छुई नी सकदा। 19 असां जाणदे न, की असां परमेश्वरे ला न, कने सारे संसारे दे लोक उस शैताने दे वशे च पियो न।

20 कने ऐ भी जाणदे न, की परमेश्वरे दा पुत्र यीशु मसीह इस संसार च आया कने उनी सांझो समझ दिती, की असां उस सच्चे परमेश्वरे जो पछेणन। असां सच्चे परमेश्वरे सोगी करीबी रिश्ते च न क्योंकि साड़ा उदे पुत्र यीशु मसीह सोगी करीबी रिश्ता है। सच्चा परमेश्वर कने हमेशा दी जिन्दगी ऐई है। 21 हे बच्चों, अपणे आपे जो हर इक ऐसी चिजा ला दुर रखा जड़ी तुहाड़े दिले च परमेश्वरे दी जगा ले।

2 यूहन्ना दी दुज्जी चिट्ठी

????????

यूहन्ना इक मसीही जिन्दगी च प्यार दे महत्व दे बारे च दुबारा ला लिखदा है। सै दसदा है कि सत्य कने प्रेम जो सोगी चलणा पोंणा। सांझो ऐ भी मनणा चाईदा कि मसीह असल च माणु थे, कने इक दुज्जे ला प्रेम करणा चाईदा।

रूप रेखा

अभिवादन कने प्रार्थना (1-3)

सत्य कने प्रेम (4-11)

आखरी अभिवादन (12-13)

????????

1 मैं यूहन्ना कलीसिया दा अगुवा, मैं ऐ चिट्ठी उसा आदरणीय जनानिया जो कने उसा दे बच्चयों जो लिखा दा है, जिना जो परमेश्वरे चुणया है। मैं सच्ची तुहांजो ने प्यार करदा है, कने सिर्फ मैं ही नी पर सै सारे भी प्यार करदे न, जड़े परमेश्वरे दी सच्चाईया पर भरोसा रखदे न। 2 असां तिजो ला इस ताई प्यार करदे क्योंकि सच्ची शिक्षा साड़े मना च बणियो है सै हमेशा साड़े सोगी बणी रेणी है।

3 परमेश्वर पिता कने उदे पुत्र यीशु मसीह दिया तरफा ला अनुग्रह, दया कने शांति असां सारयां सोगी बणी रे। जड़े सच्च जो मंदे कने इक दुज्जे ने प्यार करदे न।

?????? ???? ???????

4 मैं बड़ा खुश होया जालू मैं तेरे कुछ बचयां दे बारे च सुणया की सै सचाई ने जिन्दगी जी दे न, सै बिलकुल सै ही करा दे न जड़ा साड़े पिता परमेश्वरे करणे जो बोलया। 5 हुण हे आदरनीय जनानी, मैं तिजो ला विनती करदा है, की सांझो इक दुज्जे ने हमेशा प्यार करणा चाईदा। ऐ कोई नोआ हुकम नी है पर सेई हुकम है जिसयो असां उस बकते ला जाणदे न जालू असां मसीह दे पिच्छे चलणा शुरू कितया था। 6 सच्चा प्यार सै है जड़ा असां तालू करदे न जालू असां परमेश्वर दे हुकमा जो मंदे न, जालू ला असां मसीह दे पिच्छे चलणा शुरू कितया है, तालू ला असां सुणया है की परमेश्वरे तुहांजो हुकम दितया है की तुहांजो हमेशा इक दुज्जे ने प्यार करदे रेणा चाईदा।

7 मैं ऐ इस ताई बोला दा है क्योंकि केई लोक न जड़े झूठे उपदेश दिन्दे न सै मतियां जगां च गियो न, सै बोलदे न की यीशु मसीह माणुऐ दे रूपे च इसा दुनिया च नी आया है। जड़ा कोई ऐ नी मंदा की यीशु माणुऐ दे रूपे

इसा धरती च नी आया है तां सै माणु मसीह दा बिरोधी है कने लोकां जो हमेशा धोखा दिंदा है। 8 इस ताई तुसां ऐ ध्यान रखा की ऐ लोक तुहांजो धोखा ना देन, ताकि परमेश्वरे दी सेवा ताई कितियो मेहनत बेकार ना होई जा कने परमेश्वरे तुहाड़ी सेबकाई ताई तुहांजो पूरा इनाम देणा।

9 जड़े लोक सच्ची शिक्षा ला भटकी जांदे न कने मसीह दी शिक्षा जो नी मंदे न, सै परमेश्वरे सोगी संगती च नी न। जड़े लोक यीशु मसीह दी शिक्षा जो मंदे न सै परमेश्वरे सोगी कने उदे पुत्र यीशु सोगी संगती च न। 10 अगर कोई तुहाड़े बाल आए कने कुछ सिखा दा है, जड़ा मसीह यीशु दी शिक्षा ला लग है। ना तां उदी मेहमान नबाजी करा, कने ना ही उसयो नमस्ते करा। 11 क्योंकि जड़ा कोई ऐसे माणुआं दा स्वागत करदा है, सै उदे बुरे कम्मा च हिस्सेदार होंदा है जड़ा सै करदा है।

?????? ?????????

12 मैं होर भी मतियां गल्लां तुहांजो दसणा चांदा है, पर मैं उना जो इयां चिटिया च नी लिखणा चांदा है, पर मिंजो आस है, की मैं तुहाड़े बाल ओऐ, कने आमणे सामणे होईकरी गल्लां करे तालू असां पूरी तरा ला खुश होणा।

13 ऐथू तुहाड़ियां बेंहणा दे बच्चे, जिना जो परमेश्वरे चुणयां है सै तुहांजो नमस्कार करा दे न।

यहूदा दी चिट्ठी

????????

यहूदा दा झूठे गुरुआं दे बारे च बड़ा कुछ बोलणा है। सै दुष्ट न! परमेश्वरे उना जो सजा देणी, कने मसीहियां जो उना दिया शिक्षा जो नी मनणा चाईदा। उना दे जिणे दे तरीके जो नी अपनाणा चाईदा। इक सुंदर प्रार्थना साई आशीर्वाद ला यहूदा दी कताब मुकदी है: साड़े प्रभु यीशु मसीह दिया बजा ला साड़े उद्धारकर्ता परमेश्वरे दी स्तुति करा! सिर्फ परमेश्वर ही तुहांजो पोणे ला बचाई सकदा है कने तुहांजो उना दी शानदार हजुरी च शुद्ध कने आनंदित करी सकदे न। बकत ला पेहले कने हुण कने हमेशा ताई, परमेश्वरे दी महिमा, इज्जत, शक्ति कने अधिकार दे काबिल है। आमीन। (24, 25)

रूप रेखा

अभिवादन (1-2)

झूठे गुरुआं दे खिलाफ भरोसे दा बचाव (3-23)

आखरी प्रार्थना (24-25)

????????

1 मैं, यहूदा तुहांजो ऐ चिट्ठी लिखा दा है। मैं यीशु मसीह दा सेबक कने याकूबे दा छोटा भाई है। मैं तुसां लोकां जो लिखा दा है, जिना जो परमेश्वरे अपणे उपर भरोसा करणे ताई सदया है। साड़ा पिता परमेश्वर तुहांजो ने प्यार करदा है कने तुहाड़ी रक्षा करदा है।

2 मैं प्रार्थना करदा है की परमेश्वर तुहांजो दया, शांति कने प्यार बड़ा जादा दे।

??????

3 हे प्यारे मसीह भाईयो, मैं तुहांजो उसा नोई जिन्दगी दे बारे च लिखणे दी हर इक कोशिश करा दा है कने जड़ी यीशु मसीह दे जरिये परमेश्वरे दिया तरफा ला होंदी है कने जिसा च असां सारे हिस्सेदार न। पर हुण मिंजो इसा चिठिया जरिये तुहांजो प्रोत्साहित करणे दी जरूरत महसूस होआ दी है ताकि तुसां मसीह पर भरोसे च टिकी रेणे ताई कोशिश करा। परमेश्वरे अपणे लोकां ताई ऐ भरोसा इक ही बरी हमेशा ताई दितया है, कने इसयो बदली नी सकदे। 4 मैं तुहांजो इस ताई लिखा दा है क्योंकि कुछ ऐसे लोक न जड़े भरोसा करणे दा दिखावा करदे न, कने परमेश्वरे दी इज्जत नी करदे न कने तुहाड़िया कलीसिया च शामिल होई गियो न, कने गलत शिक्षा दिन्दे न क्योंकि परमेश्वरे अपणे अनुग्रह ला साड़े पापां जो माफ करी दिन्दा है, इस ताई असां बुरे कम्म कने पाप करी सकदे न, जड़ा साड़ा इकलोता

मालिक कने साड़ा प्रभु है। बड़े बकत पेहले ला, पबित्र शास्त्र च लिख्या है की परमेश्वरे ऐसे लोकां जो सजा देंगी है।

5 हालांकि तुसां इना सारियां गल्लां दे बारे च जाणदे न, फिरी भी मैं तुहांजो इना गल्लां दी याद दिलाणा चांदा है, की परमेश्वरे इस्राएलियां जो गुलामी ला अजाद कराया कने मिस्र देशे ला कडी लेई आया, पर बादे च उनी सारयां जो मारी दिता, जिना रेगिस्तान च उस पर भरोसा नी किता। 6 याद करा की परमेश्वरे उना शैताने दे दूतां जो कियां सजा दिती, जिना अपणिया जिम्मेदारियां जो नी निभाया, कने उना अपणे पदां जो छुडी दिता। परमेश्वरे इना स्वर्गदूतां जो नेहरे च रखया है, कने ऐसे सुंगला ला बनया है जिना जो कोई नी तोड़ी सकदा ताकि उस महान न्याये बाले दिने उना दा न्याय होई सके।

7 इस ताई इना इस्राएली कने स्वर्गदूतां साई, उना लोकां जो भी याद रखा जड़े सदोम कने अमोरा शहरां च कने उना दे अखे-बखे दे ग्रां च रेंदे थे, की उना सोगी क्या होया था। सै लोक व्यभिचारी होई गियो थे, कने हर तरा दे नाजायज यौन रिशतयां च पेई गियो थे, इस ताई परमेश्वरे उना जो अग्गी ने मारी दिता। उना सोगी जड़ा होया सै झूठे गुरुआं ताई इक चेताबनी है की उना जो भी कदी नी बुझणे बालिया अग्गी दी सजा मिलणी है। 8 इना उदाहरणा दे बारे च जाणने बाद भी, ऐ भरोसा होणे दा दिखावा करणे बाले माणु इयां ही पाप करदे न कने बोलदे न की उना दर्शण दिखया है। सै अपणे शरीरे जो पाप करणे ताई इस्तेमाल करदे न, कने परमेश्वरे दे अधिकारां जो नी मंदे न, कने महिमामय स्वर्गदूतां जो बदनाम करदे न।

9 पर ऐथू दीकर की प्रधान स्वर्गदूत मीकाईले भी ऐसियां बुरियां गल्लां नी कीतियां जदियां गल्लां ऐ झूठे गुरु करदे न। पर जालू उनी शैताने सोगी बेहस किती कने मूसा परमेश्वरे दा संदेश देणेबाले दिया लाशा जो लेई जाणे ताई अपणे अधिकारे जो चुनौती दिती, तां मीकाईले ऐ नी सोचया की उदे बाल बुरियां गल्लां बोली करी शैताने पर बुरा दोष लाणे दा हक है। बल्कि उनी बोलया, “प्रभु तिजो ला सकताईया ला गल्ल करे।”

10 पर सै लोक जड़े परमेश्वरे दी अराधना नी करदे, सै ऐसिया गल्लां दा बिरोध करणे ताई उना दे बारे च बुरा भला बोलदे न, जड़ियां उना जो समझ नी ओदियां; कने सै जंगली जानवरां साई व्यवहार करदे न, कने जिना कम्मा दे बारे च सै जाणदे नी न, उना जो बिना सोचयो समझे करदे न, परमेश्वरे उना जो सजा देंगी है।

11 उना दा बड़ा बुरा होंगा है! की सै कैन साई बुराई दे रस्ते पर चलदे न, जिनी अपणे भाई दी हत्या करी दिती थी, क्योंकि सै भाईऐ ला जलदा था, क्योंकि परमेश्वरे

उदे भाईऐ दे बलिदान जो अपनाई लिया था पर उदे बलिदाने जो नी। उना जल्दबाजी च सेई गलती किती जड़ी बिलामे होर लोकां जो पाप पासे लेई जाणे दी किती ताकि पैसे कमाई सके। जियां मूसा दे खिलाफ जाणे ला कोरह दा नाश होई गया, तियां ही उना लोकां दा भी नाश होई जाणा जड़े परमेश्वरे दे खिलाफ जांदे न।

12 जियां पाणिऐ अंदर लुकियां चट्टाना समुंदरी जाजां ताई खतरनाख न, तियां ही ऐ लोक तुहाड़े सोगी धामा च तुहाड़े ताई खतरनाख न। चाहे सै प्रभु भोज च शर्मनाक कम्म करदे न पर सै इना कम्मा दिया बजा ला कोई भी शर्म महसूस नी करदे। सै उना पुहाला साई न जड़े अपणी ही देखभाल करदे न; सै दुज्जयां लोकां दी सहायता नी करदे। सै उना बदला साई न जिना जो सुकी होआ बिना बरखा कितयो उड़ाई लेई जांदी है। सै बायदे तां बड़े करदे न, पर कुछ दिन्दे न। फसल दे बकते दे रुखां साई न जिना पर कोई फल नी होंदा है जिना जो उखाड़ी दिन्दे न, मतलब की सै मरी गियो न। 13 समुन्दरे दियां भारी लेहरां साई जड़ियां गंदा झाग बणादियां न, ऐ लोक भी शर्मनाक कम्म करदे न। सै कुछ तारयां साई न जड़े इक सीधे रस्ते पर नी चलदे, कने सही रस्ता नी दसदे। प्रभु उना ताई इक जगा रखा दा है जड़ा जिथू पूरा नेहरा ही है जिथू उना जो हमेशा ताई रेंणा पोंणा है।

14 कने हनोक जड़ा पेहले माणु आदम ला बाद सतमी पीढ़ियां च जमया था, उनी इना अधर्मी लोकां दे बारे च भविष्यवाणी किती, “सुणा! परमेश्वरे पक्का ही अपणे अणगिनत स्वर्गदूतां सोगी ओणा। 15 सारे लोकां दा न्याय करणे ताई, उना सारे बुरे कम्मा ताई उना पर दोष लाणे ताई जड़े उना परमेश्वरे दे खिलाफ कितयो न कने उना सारियां भद्दी गल्लां ताई जड़े उना उदे खिलाफ बोलियां न।” 16 ऐ लोक हमेशा परमेश्वरे दे खिलाफ बोलदे न कने दुज्जयां लोकां च गलती तोपदे न। सै लगातार उना बुरे कम्मा जो करदे न जड़े उना दे दिल करणा चांदे न। सै अपणे बारे च घमंड ला दाबा करदे न कने खुद दे फायदे ताई दुज्जयां लोकां दी चापलूसी करदे न, उना जो पिता परमेश्वरे दिया तरफा ला सजा मिलणी।

????? ???? ?

17 पर हे प्यारे मसीह भाई, तुसां उना गल्लां जो याद रखा; जड़े साड़े प्रभु यीशु मसीह दे प्रेरित बड़े पेहले बोली बैठयो न। 18 सै तुहांजो ला बोलदे थे, “साड़े प्रभु यीशु मसीह दे मुड़ी करी बापस ओणे ला पेहले, ऐसे लोकां होंणा है जिना प्रभु कने उदे लोकां दा मजाक उड़ाणा। ऐ सेई लोक न जिना दिया जान्दियां च बुरी इच्छां दा काबू है।” 19 ऐ सै लोक न, जड़े तुहांजो च फुट

पांदे न, उना दिया बुरियां इच्छा उना जो काबू करदियां न, कने उना च पबित्तर आत्मा नी है।

20 पर हे प्यारे भाईयो तुहांजो इक दुज्जे दी सहायता करदे रेणा चाईदा ताकि उना पबित्तर सच्चाईयां च जिना पर तुसां भरोसा करदे न, इक दुज्जे जो बधाई सकन। तुहांजो पबित्तर आत्मा दिया अगुवाई च प्राथना करणी चाईदी। 21 तुहांजो इस भरोसे सोगी जीणा चाईदा की परमेश्वर सांझो ला प्यार करदा है। हालांकि तुसां उस दिने दा इंतजार करदे न जालू साड़े प्रभु यीशु मसीहे बापस मुड़ी करी ओणा ताकि तुहांजो हमेशा दी जिन्दगी मिल्ले क्योकि उनी सांझो पर दया किती है।

22 उना लोकां ताई दयालु बणा जड़े ऐ नी जाणदे कुस पर भरोसा करन। 23 कुछ होर लोक जिना जो तुसां जाणदे न, अगर सै नरख पास्से जा दा दे न, तां उना जो उस हमेशा दिया अगगी ला झट खिची करी बचाई लिया। कने दुज्जयां पर दया दस्सा। पर सियुदा ही पाप करणे ला बचणे ताई साबधान रिया। ऐथू दीकर की उना कपड़यां ला भी नफरत करा जिना पर पाप दे कम्मा दे दाग न।

?????????? ? ???? ?

24-25 इकलोता परमेश्वर ही है जड़ा तुहाड़ी रक्षा करी सकदा है, जालू सै तुहांजो अपणिया महिमा च अपणे सामणे खरेडदा है। उनी सांझो साड़े प्रभु यीशु मसीह दे जरिये बचाया है। महिमा, गौरव, शक्ति, अधिकार बकत दी शुरुआत ला ही उदे थे, हुण भी उदे न, कने हमेशा ताई उदे ही रेणे। आमीन।

यूहन्ना दा प्रकाशितवाक्य

????????

“यीशु मसीह दा प्रकाशितवाक्य” (1: 1) प्रेरित यूहन्ना लिखया है। ऐ सत वास्तविक कलीसियां जो संबोधित कितया था। प्रकाशितवाक्य दी शुरुआत इना कलीसियां दे मसीह दिया चिठिया ला होंदी है, जिना च प्रशंसा, आलोचना कने अराम शामिल है। फिरी दुष्टां पर फैसले दी इक लंबी श्रृंखला, साड़ी उच्च प्रतीकात्मक भाषा च ओंदी है। कलीसिया जो बड़े भरी संकट च दसया है, पर यीशुए दे आखरी जीत दा भरोसा “राजे कने राजयां दे परमेश्वर” दे रूपे च दितया है (अध्याय 19:16)। कने इदे च मानवता दे विद्रोह जो मुकाणे कने इक नोए स्वर्ग च प्रवेश करणे कने नोई धरतिया दे बारे च (अध्याय 21: 1), जिथू परमेश्वरे खुद हमेशा कने हमेशा (अध्याय 11:15) शासन करणा। प्रकाशितवाक्य लगभग 95-96 इस च लिखया था।

रूप रेखा

यूहन्ना दी भविष्यवाणी 1:1-8

जिंदा परमेश्वरे दा इक दर्शन 1:9-20

सात कलीसियां जो चिट्ठी 2:1-3:22

स्वर्ग च अराधना दा इक दर्शन 4:1-11

सत मुहरां बाला मुहरबन्द कताब 5:1-6:17

परमेश्वरे दे सिंहासने दे सामणे दी अराधना 7:1-17

सत तुरहियां 8:1-11:19

इक अजगर कने दो जानवर 12:1-13:18

परमेश्वरे दा न्याय कने संरक्षण दे दर्शन 14:1-15:8

परमेश्वरे दे प्रकोपे दे सत कटोरे 16:1-21

परमेश्वरे दे दुश्मना दी हार 17:1-20:10

आखरी न्याय 20:11-15

इक नोआ स्वर्ग कने इक नोई धरती 21:18

नोआ यरूशलेम 21:9-22:5

यीशु दा दुबारा ओणा 22:6-21

1 इसा कताबा च उना गल्लां जो लिख्या है जड़िया परमेश्वरे यीशु मसीह जो दसियां न। परमेश्वरे इस ताई उसयो दसियां ताकि सै अपणे सेबकां जो उना घटना दे बारे च दस्सी सके जड़ियां जल्दी ही होणियां न। यीशु मसीहे ऐ संदेश मिंजो, अपणे सेबक यूहन्ना बाल स्वर्गदूते जो भेजी करी दसया, 2 इस ताई, मैं सै सब कुछ लिख्या जड़ा मैं दिखया। मैं इसा कताबा च परमेश्वरे दा बचन कने सै सच्चियां शिक्षां लिख्यां न जिना दे बारे च यीशु मसीहे मिंजो दसया।

3 परमेश्वरे हर उस माणुए जो आशीष देणी जड़े इसा भविष्यवाणियां जो दुज्जयां जो पढ़ी करी सुणादां है, कने

उनी हर उस माणुए जो आशीष देणी जड़े उसयो सुणदे न कने इसयो मंदे न। क्योंकि ऐ चीजां जल्दी ही होणियां।

???????? ???? ? ? ? ? ? ? ? ?

4 ऐ चिट्ठी यूहन्ना दिया तरफा ला आसिया प्रदेशे दिया सत्तां कलीसियां ताई है: मैं प्राथना करदा है की परमेश्वर तुहांजो पर अनुग्रह कने शांति दे। सै सेई परमेश्वर है, जड़ा बकत दिया शुरुआत ला लेईकरी हुणे दीकर कने हमेशा ताई नी बदलदा। कने उना सत्तां आत्मा दिया तरफा ला, जड़ियां परमेश्वरे दे सिंहासने दे सामणे न,

5-6 कने यीशु मसीह दिया तरफा ला जिदे बचना पर भरोसा करी सकदे न, सै सेई ही है जड़ा मरी करी दुबारा ला जिंदा होणे बालयां चे पेहला है कने सै इस संसारे दे सारे राजयां दा शासक है। कने यीशु मसीह सांझो ला प्यार करदा है। सै साड़े ताई मरी गिया कने उनी साड़े पापां दिया सजा जो खत्म करी दितया है। इसा बजा ला असां याजकां दा इक परिवार बणी गियो न, जड़े उदे पिता परमेश्वरे दी सेवा करदे न। इस ताई यीशु मसीह जो महिमा कने शक्ति हमेशा मिलदी रे। आमीन।

7 सुणा, सै बदलां सोगी औणे बाला है; कने हर इक जणे उसयो दिखणा, जड़े लोक उदिया मौता ताई जिम्मेवार थे, उना भी उसयो ओंदे दिखणा। कने धरतिया दे सारे लोकां जोरे-जोरे ला रोंणा जालू उना उसयो दिखणा। हाँ ऐसा ही होणा! आमीन।

8 प्रभु परमेश्वर बोलदा है, “मैं अलफा कने ओमेगा है, मतलब की मैं ही है जिनी सारियां चीजां दी शुरुआत किती, कने मैं ही है जिनी सारियां चीजां जो खत्म करणा, कने मैं ही है जड़ा हमेशा ला था, कने जड़ा औणे बाला है, मैं सारयां ला शक्तिशाली है।”

???????? ? ? ? ? ? ? ? ?

9 मैं यूहन्ना, तुहाड़ा साथी मसीह भाई, मैं भी तुहाड़े सांई दुख सेहन कित। मैं परमेश्वरे दे राज्य दा इक नागरिक है जियां की तुसां न, कने मिंजो भी अपणियां परेशानिया जो तियां ही सबर सोगी सेहन करणा चाईदा जियां तुसां करदे न। मैं परमेश्वरे दे बचन दा प्रचार करणे कने यीशु दे बारे च दसणे दिया बजा ला पतमुस दे टापूए पर केदी बणाई करी भेजी दितया था। 10 तुआरे जो जड़ा परमेश्वरे दा दिन है, परमेश्वरे दी आत्मा मिंजो पर आई। कने मैं अपणे पिच्छे ला कुसी जो बोलदे सुणया जड़ा तुरही सांई उच्चा कने साफ अबाजा च बोला दा था। 11 उनी मिंजो बोलया जड़ा कुछ तू दिखदा है, उसयो कताबा च लिखी करी उना सत्तां कलीसियां जो

भेजी दे जड़ियां इफिसुस, स्मुरना, पिरगमुन, थुआतीरा, सरदीस, फिलदिलफिया, कने लौदीकिया शेहरां च न।

12 तालू मैं ऐ दिखणे ताई पिच्छे मुड़या की कुण मिंजो ला गल्लां करा दा है, कने मैं सोने दे सत्त दिव्ये दिखे; 13 कने उना दिव्यां बिच इक प्राणी दिखया जड़ा माणुऐ साईं लगगा दा था। उनी इक लम्बा चौला पाया था जड़ा उदे पैरां दीकर पुजदा था। उनी अपणिया छातिया दे चारो पास्से इक सोने दा पटका पाया था। 14 उदे सिरे दे बाल चीटिया उना साईं चिट्टे या बर्फां साईं थे। कने उदियां हखी अग्गी दिया लौई साईं चमका दियां थियां। 15 उदे पैर पीतलू साईं चमका दे थे, जियां पितलू जो भटिया च तपा दे होन, कने जालू उनी बोलया तां उदी अबाज बड़ी जोर दी थी, जियां केई झरनया ला पाणी पोणे दी अबाज होंदी है। 16 उनी अपणे सजे हथे च सत्त तारे लियो थे, कने उदे मुंऐ ला तेज दोधारी तलवार निकलदी थी; उदा मुं उतणा ही चमका दा था जियां सूरज दोपेरा बड़िया धूपा च चमकदा है।

17 जालू मैं उसयो दिखया, तां झट उदे पैरां च मरयो माणुऐ साईं पेई गया। पर उनी मिंजो पर सजा हथ रखीकरी बोलया, “डर मत; मैं ही है जिनी सारियां चीजां दी शुरुआत किती, कने मैं ही है जिनी सारियां चीजां जो खत्म करणा कने मैं सै है जड़ा हमेशा जिन्दा है, 18 चाहे मैं मरी गया था। पर हुण मैं जिन्दा है कने हमेशा जिन्दा रेणा; मैं युगां-युगां दीकर जिन्दा है; कने मेरे बाल मौत कने अधोलोक पर अधिकार है जड़ा मरयो लोकां दी जगा है। 19 इस ताई तू इना सारियां गल्लां जो लिखी ले, जिना जो तू दिखा दा है, कने ऐ चीजां पक्का ही बादे च होणियां न।” 20 हुण मैं तिजो दसणा की मेरे सजे हथे दे सत्तां तारयां दा क्या मतलब है जड़ा पेहले पता नी था। इदा मतलब ऐ है की सत्त तारे उना स्वर्गदूतां जो दसदे न जड़े सत्त कलीसियां दी रखबाली करदे न कने सत्त दिव्ये सत्त कलिसियां जो दर्शादे न।

2

?????? ? ? ? ? ? ? ? ?

1 उनी मिंजो ऐ भी बोलया, इफिसुस शेहरे दिया कलीसिया दे अगुवे जो ऐ संदेश लिख: मैं सेई है जड़ा अपणे सज्जे हथे च सत्त तारे लेई रखदा है, कने सोने दे सत्त दिव्यां दे बिच चलदा है, मैं तिजो ला ऐ बोलदा है:

2 मैं जाणदा है की तू क्या करदा है, कने कितणी मेहनत करदा है कने कदी हार नी मंदा। मैं ऐ भी जाणदा है की तू बुरे लोकां दियां झुठियां शिक्षा जो सेहन नी करदा। तू उना लोकां जो जांचया परखया जड़े बोलदे न की सै प्रेरित न पर असल च सै प्रेरित नी न कने सै सारे

झूठे निकले। 3 तू सबर रखीकरी दुखां जो सेहन कितया है क्योंकि तू मिंजो पर भरोसा करदा है, कने फिरी भी तू मेरी सेवा करणा बंद नी किती। 4 पर हुण मिंजो तिजो ला ऐ शिकायत है की: हुण तू मिंजो ला सियुदा प्यार नी करदा जदिया प्यार तू मिंजो ला तालू करदा था जालू तू पैली बरी मिंजो पर भरोसा किता था। 5 इस ताई याद कर की तू शुरुआत च मिंजो ला कदिया प्यार करदा था कने हुण तू मिंजो ला सियुदा प्यार नी करदा। इसा गल्ला जो मन्नी ले कने मिंजो ला सियुदा ही प्यार करणा शुरू करी दे जदिया तू शुरुआत च किता था। अगर तू मन बदलगा नी, तां मैं तेरे बाल ओणा कने जिथू तेरा दिव्या रख्या है उसयो ओथु ला हटाई करी तिजो सजा देंगी। 6 पर मैं तिजो ला खुश भी है क्योंकि तू उना लोकां ला नफरत करदा है जड़े नीकोलस दियां गल्लां मंदे न, तियां ही जियां मैं उना दे कम्मा ला नफरत करदा है।

7 हर कुसी जो जड़ा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जड़ा पबित्तर आत्मा कलीसिया ला बोलदा है। सै लोक जड़े बुरियां शक्तियां जो हरांदे न, उना जो मैं जिन्दगी देणेबाले रुखे ला फल खांणे दी इजाजत देंगी जड़ा परमेश्वरे दे स्वर्गे दे बगीचे च है।

???????? ? ? ? ? ? ? ? ? ? ? ? ?

8 स्मुरना शेहरे दिया कलीसिया दे अगुवे जो ऐ लिख: मैं ही है जिनी सारियां चीजां जो शुरु कितया है, कने मैं ही सै है जिनी सारियां चीजां दा अंत करणा; चाहे मैं मरी गया था कने हुण जिन्दा है कने हमेशा जिन्दा रेणा मैं तिजो ला ऐ बोलदा है;

9 मैं जाणदा है की तिजो दुख तकलीफ होए कने तू गरीब है। पर तू दिले ला अमीर है। मैं उना लोकां दे बारे च जाणदा है, जड़े ऐ यकीन कने बोलदे न की सै परमेश्वरे दे चुणयो लोक न, मतलब यहूदी लोक, पर हे नी न। सै तेरे बारे च बुरियां गल्लां बोलदे न, पर असलियत च सै शैताने दिया मंडलिया दे बंदे न। 10 उना दुखां ला मत डरा जड़े तिजो मिलणे न। शैताने लोकां ला तुसां चे कुछ लोकां जो गिरफ्तार करणा कने तुहांजो जेल कराई देणी ताकि सै तुहाड़ी परिक्षा करी सके। तुसां दस दिना दीकर बड़ियां मुसीबतां जो झेलणा। पर मिंजो पर भरोसा करणा कदी मत छडदे चाहे तुहांजो मरणा पोऐ, क्योंकि मैं तुहाड़िया जिता ताई इनाम च हमेशा दी जिन्दगी देंगी।

11 हर कुसी जो जड़ा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जड़ा

पबित्र आत्मा कलीसिया ला बोलदा है: जड़े लोक बुराई जो हराई करी जित हासिल करदे न, उना जो उसा दुज्जी मौत ला कोई नुकसान नी होणा, जालू परमेश्वरे आखरी न्याय करणा।

???????? ???? ? ???? ???? ? ???? ?

12 पिरगमुने शेहरे दिया कलीसिया दे अगुवे जो ऐ लिख: मैं ही है जिदे बाल तेज दोधारी तलवार है, मैं तुहांजो ला ऐ बोलदा है:

13 मैं जाणदा है, की तेरा शेहर शैताने दे काबू च है, पर इदे बावजूद भी मिंजो पर भरोसा करणा नी छडया कने मेरियां शिक्षां जो मनणा नी छडया। तू उस बकत भी भरोसा करणा नी छडया जालू उना अन्तिपास जो ओथु मारी दिता। सै मेरे बचना दा प्रचार करणे च भरोसे दे काबील था, इस ताई उसयो तेरे शेहरे च मारी दिता जड़ा शैताने दे काबू च है। 14 पर मिंजो तेरे बारे च कुछ शिकायतां न, क्योंकि तू उना गल्लां दा बिरोध नी करदा जड़े झूठी शिक्षा दिन्दे न, जियां परमेश्वरे दा संदेश देणेबाले बिलामे बड़े पहले दीतियां थियां। बिलामे राजा बालाक जो सिखाया की इस्राएल दे लोकां जो पाप करणे ताई उकसाणे ताई क्या करणा चाईदा। उनी उना जो मूर्तियाँ अगगे चढ़ाईयां चीजां जो खाणे कने व्यभिचार करणे ताई सिखाया। 15 तियां ही तुहाड़े बिच कुछ लोक न जड़े नीकुलइयां दे दलां दियां शिक्षां जो मंदे न।

16 इस ताई पाप करणा छडी दिया, अगर तू ऐसे कम्म करणा बंद नी करगा तां मैं जल्दी ही ओणा, कने उना लोकां दे खिलाफ उसा तलबारा ला लडना, जड़ी मेरे मुंऐ ला निकलदी है जड़ा मेरा बचन है। 17 हर कुसी जो जड़ा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जड़ा पबित्र आत्मा कलीसिया ला बोलदा है; सै लोक जड़े बुराई जो हरादे न, मैं उना जो उस मन्ने चे देणा जिसयो कुनी लुकाया है। मैं उना चे हर इक जो इक चिट्टा पथर देणा, जिस पर इक नोआ ना लिख्या होणा। जिस माणुऐ जो सै मिलगा उसयो छडी करी कोई भी उस नाऐ जो नी जाणी सकदा।

???????? ???? ???? ???? ???? ? ???? ?

18 थुआतीरा शेहरे दिया कलीसिया दे अगुवे जो ऐ लिख:

परमेश्वरे दे पुत्रे दिया तरफा ला ऐ संदेश है जिदियां हखी अगगी दिया लौई सांई चमका दियां थियां, कने जिदे पैर पीतलू सांई चमका दे थे, जियां पितलू जो भटिया च तपा दे होन, सै ऐ बोला दा है:

19 मैं तुहाड़े कम्मा जो जाणदा है की तुसां इक दुज्जे ला प्यार करदे न कने तुसां पक्का भरोसा करदे न। मैं

जाणदा है की तुसां इक दुज्जे दी सहायता किती, कने तुहाड़ी सेहनशक्ति जो भी जाणदा है। मैं जाणदा है की तुसां हुण पेहले ला जादा भले कम्म करदे न जालू तुसां पेहले मिंजो पर भरोसा किता था। 20 पर मिंजो तेरे बारे च कुछ शिकायतां न, राणी इजेबेल जड़ी बड़ी पेहले रेंदी थी, उसा सांई इक जनानी तुहाड़े बिच है। सै अपने आप जो परमेश्वरे दा संदेश देणेबाली बोलदी है पर मेरे चलयां जो गलत शिक्षा दिन्दी है। सै मेरे दासां जो व्यभिचार करणे कने मूर्तियाँ अगगे चढ़ाईयां चीजां जो खाणे दी शिक्षा दिन्दी है। 21 मैं उसा जो अपने पापां ला पश्चात्ताप करणे दा मौका दिता है, पर सै उना बुरे कम्मा जो बंद करणे ला मना करदी है। 22 मैं उसा जो रोगी बणाई देणा। कने जड़े उसा सोगी व्यभिचार करदे न, अगर सै भी उसा सांई पाप करणा नी छडगे तां मैं उना जो भी बड़े दुखां च पाई देणा। 23 मैं उना लोकां जो मारी देणा है जड़े उदिया शिक्षां जो मंदे न; तालू सारियां कलीसियां जो पता चली जाणा की मैं हर इक जणे दे बिचारां कने मकसदां जो परखदा। मैं तुहांजो सबना जो तुहाड़े अपने कम्मा दे अनुसार इनाम देणा है। 24-25 पर थुआतीरा शेहरे च तुसां बाकी लोकां उसा झूठी शिक्षा जो नी मन्नया। तुसां उना गल्लां च हिस्सा नी लिया जिसयो उदे चले शैताने दियां बड़ी जरूरी गल्लां बोलदे न। मैं तुहांजो बोलदा है, की मैं तुहाड़े पर होर कोई जरूरी हुकम नी थोपणा, सिवाए इदे की जालू दीकर मैं नी आई जांदा तालू दीकर मिंजो पर पक्का भरोसा करदे रेनयो।

26 सै लोक जड़े बुराईया जो हराई दिन्दे न, कने संसारे दे अंत दिकर मेरे हुकम मंदे रेंदे न, मैं उना जो देशां पर राज्य करणे दा हक देणा। 27 मैं उना जो राज्य करणे दा सेई हक देणा जियां मेरे पिता मिंजो दिता है। उना दा राज्य लोऐ सांई मजबूत होणा जड़ा टूटदा नी है, उना दे दुशमणा टुटयो भांडया सांई होणा। 28 कने मैं उसयो अपनी जीत दसणे तांई ब्यागा दा तारा देणा। 29 हर कुसी जो जड़ा मेरे संदेश जो समझणा चांदा है, उसयो इसा गल्ला जो ध्याने ला सुणना चाईदा जड़ा पबित्र आत्मा कलीसिया ला बोलदा है।

3

???????? ???? ???? ???? ???? ? ???? ?

1 सरदीसे शेहरे दिया कलीसिया दे अगुवे जो लिख: ऐ संदेश उदिया तरफा ला है जिनी सत्त तारयां जो अपने हथां च रखया है कने जड़ा परमेश्वरे दियां सत्त आत्मा जो भेजदा है। सै ऐ बोलदा है, की मैं तेरे कम्मा जो जाणदा है: तू मिंजो च भरोसे दे लायक लगदा है, पर असल च तू मेरे हुकमा जो नी मंदा।

2 इस ताई साबधान होई जा, कने मिंजो पता लगगा है की विश्वासी होणे दे नाते जदेई जिन्दगी जिणे ताई परमेश्वरे बोलया है सियुदी जिन्दगी तुसां नी जिया दे न। इस ताई आत्मिक निद्रा ला जागी जा, कने जड़े मसीह गुण तुहांजो च हुण भी बचयो न उना जो नोए करा इसला पेहला की सै गायब होई जान। 3 इस ताई उसा शिक्षा जो याद कर, जड़ी तू बड़े पेहले सुणियो थी कने भरोसा किता था, कने जड़ा तिजो सिखाया था उसयो मन, कने गलत कम्मा जो छडी करी पापां जो मनी ले। अगर तू ऐसे गलत कम्म करणा नी छडदा है, तां मैं चोरी छुपे ओणा, जियां राती चोर ओंदा है, कने तू उस बकत जो नी जाणी सकदा जालू मैं तिजो सजा देणे ताई ओणा। 4 पर सरदीस च तुहाड़े बिच कुछ ऐसे लोक न जिना पाप नी कितया है, जिना विश्वासी होणे दे नाते इक पबित्र जिन्दगी जि है। उना चिट्टे कपड़े पाई करी मेरे सोगी रेंणा है, क्योंकि सै भरोसे दे लायक न।

5 सै जड़े जीत हासिल करदे न, उना जो भी उना सांई ही चिट्टे कपड़े पेहनाणे न। मैं उना दे ना उसा कताबा ला कदी नी हटाणे न जिसा च परमेश्वरे उना लोकां दे ना लिखयो न जिना जो हमेशा दी जिन्दगी मिलणी। मैं अपणे पिता दे सामणे कने उदे स्वर्गदूतां दे सामणे ऐ घोषित करणा की सै मेरे न। 6 हर कुसी जो जड़ा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जड़ा पबित्र आत्मा कलीसिया ला बोलदा है।

7 फिलदिलफिया शेहरे दिया कलीसिया दे अगुवां जो ऐ लिख: ऐ संदेश उदिया तरफा ला है जड़ा पबित्र कने सच्च है, सै जिदे बाल दाऊद दे राज्य दा अधिकार है। अगर सै दरबाजा खोलदा है, तां कोई भी उसयो बंद नी करी सकदा। अगर सै उसयो बंद करी दे, तां कोई भी उसयो खोली नी सकदा। मैं तुसां जो ऐ बोलदा है की,

8 मैं तेरे कम्मा जो अच्छे ला जाणदा है। मैं जाणदा है की तिजो च थोड़ी ही ताकत है, पर फिर भी तू मेरियां बोलियां गल्लां पर भरोसा किता कने तू इसा गल्ला ला मना नी किता की तू मिंजो पर भरोसा करदा है। इस ताई मैं तिजो ताई इक दरबाजा खोलया है, जिसयो कोई बंद नी करी सकदा। 9 सै लोक जड़े इक ऐसे झुंडे दे सदस्य न जड़े शैताने ला रिशता रखदे न, कने बोलदे न की सै यहूदी न पर सै सच्चे यहूदी नी न कने सै झूठ बोलदे न। दिख मैं ऐसा करणा है, की जिसला उना आई करी तेरे पैरां च पेई जाणा, कने उना जो पता लगी जाणा है की मैं तिजो ला प्यार रखदा है। 10 तू मेरे संदेशे दा पालन

किता ताकि जालू तू दुख झेले तां उसयो सबर रखीकरी सेहन करी सकन। इस बजा ला, मैं तेरी परिक्षा दे बकत तेरी रक्षा करणी। जड़ी इस संसारे दे सारे लोकां पर ओणी है। 11 मैं जल्दी ही ओणे बाला है; इस ताई तिजो मिंजो पर भरोसा करदे रेंणा चाईदा ताकि कोई भी तिजो तेरी जित दा इनाम लेणा ला ना रोकी सके जड़ा मुकुटे सांई है।

12 सै जड़े जीत हासिल करदे न, जियां इक खम्बा घरे जो मजबूत बणादा है, तियां ही उना भी हमेशा ताई परमेश्वरे दे मंदरे च रेंणा। मैं उदे पर मेरे परमेश्वरे दा नां लिखणा कने परमेश्वरे दे शेहर यरूशलेम दा ना लिखणा। कने ऐ सेई शेहर है जड़ा स्वर्गे च है, मतलब की मेरे परमेश्वरे दिया तरफा ला थले ओणा। मैं उदे पर मेरा नोआ ना लिखणा। 13 हर कुसी जो जड़ा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जड़ा पबित्र आत्मा कलीसिया ला बोलदा है।

14 लौदीकिया शेहरे दिया कलीसिया दे अगुवे जो ऐ लिख: ऐ संदेश उदिया तरफा ला है जड़ा आमीन है। कने भरोसा दिया काबलियता ला परमेश्वरे दे बारे च सच्च जो प्रगट करदा है, कने मैं सेई है जिदे जरिये परमेश्वरे सारियां चीजां जो बणाया है।

15 मैं जाणदा है की तू क्या करदा है, तू कितणी मेहनत करदा है कने कदी हार नी मंदा। कने ना तां तू मिंजो पर भरोसा करणे ला मना करा दा है कने ना ही मिंजो पुरे मने ला प्यार करदा है। मैं चांदा है की या तां तू मिंजो मनणे ला मना करी दे या मिंजो ला पुरे मने ला प्यार कर। 16 इस ताई की तू मिंजो पर भरोसा करणे ला मना करा दा है कने ना ही मिंजो पुरे मने ला प्यार करदा है, क्योंकि तिजो मिंजो पर अधा-अधुरा भरोसा है, इस ताई मैं तिजो पूरी तरहा ला हटाणे ताई तैयार है। 17 तू सोचदा है की तू अमीर है, कने तेरे बाल सै सब है जिदी तिजो जरूरत है, पर तू नी जाणदा की इदा सच्च ऐ है की, तिजो पर तरस ओणा चाईदा। क्योंकि सच्च ऐ है की तू गरीब है, तेरे बाल कपड़े नी न, कने तू अन्ना है। 18 इस ताई मैं तिजो सलाह दिन्दा है की तिजो मिंजो ला शुद्ध सोना खरीदणा चाईदा ताकि तू सच्ची दा अमीर बणी सके। तिजो मिंजो ला अपणे पांणे ताई चिट्टे कपड़े भी खरीदणे चाईदे ताकि तेरा शरीर डक्की रे कने तू शर्मिदा ना हो। कने तिजो अपणी हखी दा लाज करणे ताई दवा भी मिंजो ला खरीदणी चाईदी ताकि तू दिखी सके। 19 मैं जिना-जिना ला भी प्यार करदा है, उना जो मैं सिखांदा है

कने सजा दिन्दा है ताकि सै खरे बणन। इस ताई अच्छाई करणे च लगगी रिया, कने पापी कम्म करणा बंद करी दिया। 20 मैं तुहाड़े दिले च बसणे ताई, मैं उस बंदे साई है जड़ा घरे बाहर खड़ोतया है कने दरबाजे जो खटखटा दा है। अगर तुसां मेरिया अबाजा जो सुणदे न कने मेरे ताई अपणा दिल खोलदे न तां मैं अंदर ओणा कने असां इक दुज्जे सोगी संगती करणी।

21 सै जड़े जीत हासिल करदे न, उसयो मैं अपणे सोगी उदे सिंहासने पर बांणे दा हक देणा। ऐ बिलकुल मेरे साई ही होंणा, जियां मैं जित हासिल कितियो हो कने अपणे पिता दे बखे आसन मिलया हो। 22 हर कुसी जो जड़ा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जड़ा पबित्तर आत्मा कलीसिया ला बोलदा है।

4

???????? ? ?????????

1 मैं इना सारियां गल्लां जो दिखणे बाद स्वर्गे च खुलया दरबाजा दिखया। कने कोई मिंजो सोगी गल्लां करा दा था कने गल्लां करणे बाला सेई था जिसयो मैं पेहले भी सुणया था, जिदी अबाज तुरही जो बजाणे दिया अबाजा साई थी। कने उनी मिंजो बोलया, “मेरे बाल ऐधू उपर आई जा; कने मैं सै गल्लां तिजो दसणियां न, जिना दा इना गल्लां बाद पूरा होणा जरूरी है।”

2 तालू ही झट परमेश्वरे दी आत्मा मिंजो पर आई; “कने मैं स्वर्गे च इक सिंहासन दिखया कने उस सिंहासने पर कुसी जो बैठया दिखया।” 3 जड़ा उस पर बैठया था, उदा चेहरा बेशकीमती अनमोल पथरे साई चमकदा था जिसयो यश्व कने लाल कीमती पथर बोलदे न। कने उदे सिंहासने दे चारो पासे इक इन्द्रधनुष था, जड़े सेले कीमती पथरे साई मिल्ला दा था। 4 उस सिंहासने दे चारो पासे होर चौबी सिंहासन थे; कने इना सिंहासना पर चौबी अगुवे चिट्टे कपड़े पायी करी बैठयो थे, कने उना दे सिरां पर सोने दे मुकुट थे।

???????????? ? ?????????

5 उस सिंहासने ला बिजली कने गड़ाकयां दी अबाज निकला दी थी कने सिंहासने दे सामणे अग्गी दे सत्त दिव्ये बलयो थे, कने जड़ियां परमेश्वरे दियां सत्त आत्मा थियां, 6 कने उस सिंहासने सामणे इक फर्श था जड़ा समुंदरे साई चौड़ा था कने शीशे साई साफ था। कने सै सिंहासन उना सबना दे बिच था कने उदे चारो पासे चार जिन्दे प्राणी दिखे, जिना दे पुरे शरीर हखी ला डकुयो थे। 7 उना चारां जिन्दे प्राणिया च प्राणी शेरें साई मिल्ला दा था, कने दुज्जा प्राणी बछड़े साई था, तिजे प्राणिये दा मुं माणुऐ साई था, कने चौथे दा उड़दे बाजे साई था।

8 कने उना चारां जिन्दे प्राणियां दे छे-छे फंग थे, कने उना दे शरीर पर हखी थियां, ऐधू दीकर की उना दे फंगा हेठ भी; कने सै रात-दिन बिना अराम कितयो ऐ बोलदे रेंदे थे, “पबित्तर, पबित्तर, पबित्तर प्रभु परमेश्वर, सारयां ला शक्तिशाली, जड़ा बकत दिया शुरुआत ला लेईकरी हुणे दीकर कने हमेशा ताई नी बदलदा कने जड़ा औणे बाला है।”

9-10 जड़ा सिंहासने पर बैठया है, कने सै सेई है जड़ा हमेशा-हमेशा दीकर जिन्दा रेंदा है, जालू भी सै जिन्दा प्राणी उसयो आदर कने धन्यावाद दिन्दे न। तां सै चौबी अगुवे जड़े सिंहासने पर बैठयो न, उदे सामणे झुकी जांदे न कने उदी अराधना करदे न। सै ऐ बोली करी सिंहासने दे सामणे अपणे-अपणे मुकुटां जो रखी दिन्दे थे। 11 ऐ साड़े प्रभु परमेश्वर, तू सारियां चीजां जो बणाया है, तेरिया इच्छा अनुसार सै बणाईयां न। इसा बजा ला तुसां महिमा कने आदर कने शक्ति देंगे दे काबिल है।

5

???????????????? ?????? ????? ?????

1 जड़ा सिंहासने पर बैठया था, मैं उदे सजे हथे च इक कताब दिखी, कने सै कताब दोनो पासयां ला लिखियो थी, कने सै सत्त मुहरां लाई के बंद कितियो थी। 2 फिरी मैं इक शक्तिशाली स्वर्गदूते जो दिखया कने सै जोरे-जोरे ला ऐ प्रचार करा दा था की, “इसा कताबा जो खोलने दे कने इसा दियां मोहरां जो तोड़ने दे काबिल कुण है?” 3 पर ना तां स्वर्गे च, ना ही धरती पर, ना ही धरतिया दे थले चे कोई इसा कताबा जो खोलणे कने उसा जो पढ़ने दे काबिल निकलया। 4 तालू मैं बड़े जोरे-जोरे ला रोया, क्योंकि उसा कताबा जो खोलणे बाला कने नां ही कोई पढ़ने दे काबिल है। 5 इसा गल्ला पर उना अगुवां चे इकी मिंजो ला बोलया, “मत रो; दिख, सै जिसयो यहूदा दे गोत्रे दा शेर बोलदे न, कने जड़ा राजा दाऊदे दा बंशज है, उनी उसा कताबा जो खोलणा कने सै उसा दियां मोहरां जो तोड़ी सकदा है, उनी शैताने जो हराई दिता।”

6 तालू मैं उस सिंहासने कने चारों जिन्दे प्राणियां कने उना चौबी अगुवां दे बिच इक छेलुये जो खड़ोतयो दिखया था। कने उस छेलुये दे शरीर पर ऐसे निशाण थे की उसयो मारी दितया था। उदे सत्त सिंग कने सत्त हखी थियां; ऐ परमेश्वर दियां सत्त आत्मा न, जड़ियां सारिया धरतिया पर भेजियां न। 7 उनी छेलुऐ आईके उदे सजे हथे ला कताब लेई ली, जड़ा सिंहासने पर बैठया था। 8 जालू उनी कताब लेई ली, तां सै चारों जिन्दे प्राणी कने चौबी अगुवे उस छेलुये अगगे पेई गे; कने हर इकी

अगुवे हथे च वीणा कने धूपे ने भरूया सोने दा कटोरा लिया था, उस धुपे दी खुशबु उना लोकां दी प्राथना दा निशाण है जड़े परमेश्वरे दे सेवक न।⁹ कने सै ऐ नोआ गीत गाणा लगगे, तू इसा कताबा जो खोलणे कने इदिया मोहरां जो खोलणे दे काबील है; क्योंकि उना तेरी बलि दिती कने तू अपणे खूने ला हर इक कुले, भाषा, लोकां, कने जातियां चे परमेश्वरे तांई लोकां जो खरीदी लिया।¹⁰ कने तू उना जो ऐसे लोक बणाई दितया है जिना पर साड़ा परमेश्वर राज करदा है कने याजक बणाया जड़े उदी सेवा करदे न, कने उना धरतिया पर राज करणा।

११ जालू मैं फिरी दिखया, तां मैं अचानक उस सिंहासने कने उना जिन्दे प्राणियां कने चौबी अगुवां दे चारो पासे ला स्वर्गदूतां दियां अबाजा सुणियां, जिना दी गिणती नी करी सकदे थे।¹² कने सै जोरे ला गांदे दे थे, “धन्य है, सै छेलू जिसयो मारी दितया था, सै महिमा दे काबिल है। उदा अधिकार महान है। उदा ज्ञान गेहरा है। सै बड़ा शक्तिशाली है कने बड़ा अमीर है। ओआ असां उदा आदर करन। ओआ असां उदी स्तुति करन।”

¹³ फिरी मैं स्वर्गे च, कने धरतिया पर, कने धरतिया दे थले, कने समुन्दरे दियां बणाईयां सारियां चीजा जो, कने सै सब केसी जो जड़ा उना चे है, उना जो ऐ बोलदे सुणया, “की ओआ असां उदी स्तुति करन जड़ा सिंहासने पर बैठया है। ओआ असां हमेशा तांई छेलुये दी महिमा करन कने उसयो आदर देन क्योंकि सै सारयां ला जादा शक्तिशाली है।”¹⁴ कने चारों जिन्दे प्राणियां, “आमीन” बोलया, कने सै अगुवे झुकी करी उदी अराधना करणा लगगे।

6

१ फिरी मैं दिखया की छेलुये उना सत्तां मुहरां चे इकी जो खोलया; कने मैं चारों जिन्दे प्राणियां चे इकी जो पुकारदे सुणया। उदी अबाज गड़क्यां सांई तेज थी। उनी बोलया, “हुण जा, अगगे बद।”² तालू ही मिंजो इक चिट्टा घोड़ा मिल्ला, कने उदे पर सवार होयो माणुऐ धनुष लिया था; कने उसयो इक मुकुट भी दितया था, कने सै इक विजेता सांई जित हासिल करणा निकलया कने दुबारा ला उनी ही जितणा।

३ जालू छेलुये दुज्जी मोहर खोली, तां मैं दुज्जे जिन्दे प्राणिए जो ऐ बोलदे होऐ सुणया, “हुण जा, अगगे बद।”⁴ फिरी इक चमकदार लाल घोड़ा उसा जगा ला बार आया जिथू सिंहासन रख्या है। परमेश्वरे उस पर

बैठयो जो धरती दे लोकां जो अपु चे लड़ाणे दी शक्ति दिती, ताकि सै लड़ाईया दे बकत इक दुज्जे जो मारी दें। इस कम्मे तांई परमेश्वरे इस सवारे जो इक बड्डी तलवार भी दितियो थी।

५ जालू छेलुये तिजी मोहर खोली, तां तिजे जिन्दे प्राणिए जो ऐ बोलदे होऐ सुणया, “हुण जा, अगगे बद।” कने तालू मैं दिखया की इक काला घोड़ा बाहर आया है कने उस पर सवार बंदे दे हथे च इक तरकड़ी थी।⁶ कने मैं सुणया की उना चारों जिन्दे प्राणिया चे कोई बोला दा था, ऐ माणुऐ सांई अबाज थी की, “ओणे बाले दिना च धरतिया पर अकाल पोंणा। इस तांई इक किलो कणक कने तिन किलो जौं दी कीमत पुरे इक दिने दिया ध्याडिया बराबर होंगी। पर तेले कने अंगूरा दे रस्सां दी कीमत नी बदलणी।”

७ जालू छेलुये चौथी मोहर खोली तां मैं चौथे जिन्दे प्राणिए जो ऐ बोलदे सुणया, “हुण जा, अगगे बद।”⁸ तालू मैं फीका पिया हरे रंगे दा घोड़ा दिखया; कने उस पर सवार बंदे दा नां मौत था; कने अधोलोक उदे पिच्छे-पिच्छे ओआ दा था। कने उसयो धरतिया पर रेणेबाले इक चौथाई लोकां जो मारणे दा हक है। उनी उना जो भूखा ला, उना जो बुरियां-बुरियां बिमारियां जो, कने उना जंगली जानवरां ला मारी दिता।

९ जालू छेलुये पंजमी मोहर खोली, तां मैं वेदिया दे थल्ले उना लोकां दिया आत्मा थियां जिना जो मारी दितया था क्योंकि उना परमेश्वरे दे बचना दा प्रचार कितया था कने प्रभु यीशु पर भरोसा करणे ला पिच्छे नी हटे की यीशु उना दा प्रभु है।¹⁰ कने उना जोरे ला पुकारी करी परमेश्वरे ला बोलया, “हे पबितर कने सच्चं परमेश्वर; तू धरतिया पर रेणेबाले उना बुरे लोकां जो सजा देंणे च इतणा लम्बा इंतजार कजो करदा है?” असां बिनती करदे न की तू उना लोकां दे व्यवहारे जो बदला ले जिना सांझो मारी दितया था।¹¹ कने उना चे हर इकी जो चिट्टे कपड़े दितयो। कने परमेश्वरे उना जो बोलया, “हुणे तांई अराम करा, क्योंकि हल्ले भी कुछ सोगी कम्म करणे बाले कने तुहाड़े साथी मसीह भाई न, जिना जो तुहाड़े सांई मारी देणा है। जालू दीकर तुहाड़े मसीह साथियां दे मरणे दी संख्या पूरी होई जांगी, तालू ही मैं बदला लेंगा।”

१२ जालू मैं उसयो छेमी मोहर खोलदे दिखया, तां मैं दिखया की इक बड़ा बड़ा हिलण होया, कने सूरज दा

१३ जालू मैं उसयो छेमी मोहर खोलदे दिखया, तां मैं दिखया की इक बड़ा बड़ा हिलण होया, कने सूरज दा

१४ जालू मैं उसयो छेमी मोहर खोलदे दिखया, तां मैं दिखया की इक बड़ा बड़ा हिलण होया, कने सूरज दा

१५ जालू मैं उसयो छेमी मोहर खोलदे दिखया, तां मैं दिखया की इक बड़ा बड़ा हिलण होया, कने सूरज दा

१६ जालू मैं उसयो छेमी मोहर खोलदे दिखया, तां मैं दिखया की इक बड़ा बड़ा हिलण होया, कने सूरज दा

रंग काले कम्बले साईं काला होई गिया कने पूरे चन्द्रमे दा रंग खूने साईं लाल होई गिया। 13 कने अम्बरे दे तारे धरतिया पर इयां पेईं गे जियां तूफाने ला रुखे ला कच्चे फल पेईं जादे न। 14 अम्बर उस कागजे साईं गायब होई गिया जिसयो लपेटी दितया हो कने सारे पाड़ कने समुंदरे चे सारे टापूआं अपणी जगा बदली दिती। 15 इदा नतीजा ऐ होया की, तालू धरतिया दे राजे, कने प्रधान, कने सरदार, कने अमीर कने सामर्थी लोक, कने हर इक सेवक, कने जड़े गुलाम नी न, सारे पाड़ां दियां गुफां च कने पथरां थल्ले जाईं लुकयो न; 16 कने पाड़ां कने पथरां ला बोलणा लग्गे, “साड़े पर पेईं जा; कने सांझो उसला बचाईं लिया जड़ा सिंहासने पर बैठया है कने छेलुऐ दिया सजा ला बचाईं लिया।” 17 क्योंकि सै भयानक दिन आई गिया है जालू परमेश्वरे कने छेलुऐ सारयां जो सजा देंगी कने कोई भी इसा सजा ला नी बची सकदा।

7

14,4000

1-2 इदे बाद मैं धरतिया दे चारों कुणा च चार स्वर्गदूतां जो खड़ोतया दिखया। कने उना स्वर्गदूतां जो परमेश्वरे हक दितया है की सै संसारे दे लोकां जो दुख परेशानिया च पाईं करी उना दा नुक्सान करन, चाहे सै धरती च होन या समुंदर च। उना संसारे दे चारो कुणयां ला होआ जो रोकी दिता, ताकि समुंदरे च धरती च या बणे च होआ ना चले। मैं इक होर स्वर्गदूते जो पूर्व दिशा पास्से ला प्रगट होदे दिखया, उदे बाल जिंदे परमेश्वरे दी मोहर थी। उनी स्वर्गदूते उच्चिया अबाजा ला उना चार स्वर्गदूतां जो पुकारी करी बोलया; 3 “जालू दीकर असां अपणे परमेश्वरे दे सेबकां दे मथयां च मोहर नी लांगे, तालू दीकर धरती कने समुन्दर कने रुखां दा नाश मत करदे, ताकि सै उना दुख परेशानिया च नी पौन।”

4 जालू स्वर्गदूतां मोहर लांगे दा कम्म पूरा करी लिया। तां कुनी मिंजो दसया की सै लोक जिना दे मथे पर स्वर्गदूतां परमेश्वरे दी मोहरा दा निशाण लाया है, उना दी गिणती 1,44000 थी। ऐ लोक इस्राएल दे बारां गोत्रां चे थे: 5 स्वर्गदूतां यहूदा दे गोत्रां चे बारह हजार पर परमेश्वरे दी मोहर लाईं, रुबेने दे गोत्रे चे बारा हजार पर, गाद दे गोत्रे च भी बारा हजार, 6 आशेर दे गोत्रे चे भी बारा हजार, नप्ताली दे गोत्रे चे भी बारा हजार; मनश्शे दे गोत्रे चे भी बारा हजार, 7 शमौने दे गोत्रे चे बारा हजार पर, लेवी दे गोत्रे चे बारा हजार पर, इस्साकार दे गोत्रे च बारा हजार, 8 जबूलूने दे गोत्रे च बारा हजार, यूसुफे दे गोत्रे चे बारा हजार, कने बिन्यामीन दे गोत्रे चे बारा हजार पर मोहर दिती है।

9 इदे बाद मैं दिखया की लोकां दी इक इतणी बडी भीड़ थी की कोई भी उना सारयां जो गिणी नी सकदा था। सै संसारे दिया हर इक जाति, कने कुल, भाषा चे थे। सै सारे सिंहासने कने छेलुऐ सामणे खड़ोतयो थे। उना चिटटे कपड़े पायो थे कने उना सारयां हथे च खजूरी दियां डालियां पकड़ियां थियां कने जड़ा इक त्योहारे दा प्रतीक है; 10 कने जोरे ला पुकारी करी बोला दे थे, “साड़े परमेश्वरे दी स्तुति हो, जड़ा सिंहासने पर बैठया है, कने छेलुऐ दी जै-जै कार करा! सिर्फ तू ही है जड़ा उद्धार करदा है।”

11 कने सारे स्वर्गदूत, उस सिंहासने दे चारो पासे कने अगुवां दे कने चारों जिन्दे प्राणियां दे चारों पासे खड़ोतयो थे। फिरी सै सिंहासने दे अगगे दण्डवत होई गे कने उना परमेश्वरे दी अराधना किति। 12 “आमीन, असां हमेशा तेरी महिमा करदे न, तिजो धन्यवाद कने इज्जत दिन्दे न! असां मंदे न कने तू ज्ञानवान, कने शक्तिशाली है, जड़ा हमेशा ताईं सारे कम्मा जो करणे दे काबिल है! परमेश्वरे दा धन्यावाद कने महिमा करदे न।”

13 उना चे इकी अगुवे मिंजो ला पुच्छया, “ऐ जिना चिटटे कपड़े पायो थे सै कुण है? कने कुथु ला आयो न?” 14 मैं उसयो बोलया, “हे मालिक, मैं नी जाणदा पर तू जाणदा है।” उनी मिंजो बोलया, “ऐ सै लोक न जिना बड़ा दुख झेलया है। उना अपणे कपड़यां जो छेलुऐ दे खूने ला धोई लिया है कने हुण सै चिटटे होई गियो न, इदा मतलब ऐ है की उना दे पाप मिटाईं दितयो न।” 15 इसा ही बजा ला सै परमेश्वरे दे सामणे खड़ोतयो न, कने हर बकत दिन रात परमेश्वरे दे घरे च उदी सेवा करदे न। कने सै जड़ा सिंहासने पर बैठया है, उनी उना बिच रेंणा कने उना दी रक्षा करणी। 16 “उना फिरी भूखे कने प्यासे नी होणा; कने ना ही सूरजे उना जो धुपा ला जलाणा कने ना ही गर्मियां ला उना जो जलन होणी। 17 क्योंकि छेलू जड़ा सिंहासने बिच है, उनी उना दी देखभाल करणी, तियां ही जियां इक पुआल अपणियां भेडां दी देखभाल करदा है कने उनी उना जो ताजा पाणिए बाल लेईं जाणा जड़ा लोकां जो जिन्दगी दिन्दा है कने परमेश्वरे उना दिया हखी ला सारे आंसू पूंजी देणे।”

8

1 जालू छेलुऐ सत्तमी मोहर खोली, तां सै सारे जड़े स्वर्गे च थे अथे घंटे ताईं शांत होई गे। 2 तालू मैं उना सत्तां स्वर्गदूतां जो दिखया जड़े परमेश्वरे दे सामणे खड़ोतयो रेंदे न, कने उना जो सत्त तुरहियां दितियां।

पक्का इसी तरीके ला मारी देणा। ⁶ उना जो हक है की अम्बरे जो बंद करन, ताकि उना दी भविष्यवाणियाँ दे दिनां च कोई बरखा ना हो; कने उना जो सारे पाणिऐ पर हक है, की उसयो खून बणान, कने जालू-जालू सै चांगे तालू-तालू सै धरतिया पर मुसीबतां जो लेई ओन।

⁷ जालू उना दो गबां परमेश्वरे दे संदेशे दा प्रचार करी बाँणा है, तालू सै जंगली जानवर जड़ा अथाह कुंडे ला निकलना है, उनी दो लोकां सोगी लड़णा, कने उना जो हराई देणा कने मारी देणा। ⁸ कने उना दियां लाशां बडे शेहर यरूशलेमे दियां सड़कां पर रेंणियां न, जिथू उना दा प्रभु भी सूली पर चढ़ाया था। इस शेहरे जो निशाण दे रूपे च सदोम कने मिस्र देश बोलदे न। क्योंकि इस शेहरे दे लोक सदोम कने मिस्र देशे दे रेणे बालयां लोकां सांई बडे बुरे थे। ⁹ कने सारे लोक, कने कुल, कने भाषा, कने जातियां सारे लोकां उना जो साढ़े तिन दिनां दीकर दिखदे रैणा है, पर उना कुसी दिया भी लाशां जो दफनाणा नी देणा है। ¹⁰ कने इस संसारे दे लोकां उना दे मरणे पर खुश होणा कने मगन होणा कने इक दुज्जे जो तोफे भेजणे न, क्योंकि इना दोनो परमेश्वरे दे संदेश देणेबालयां संसारे दे लोकां जो दुखी कितया था।

¹¹ पर साढ़े तिन दिनां दे बाद परमेश्वरे उना च अपणा सा पाया कने सै जिन्दे होई गे, कने सै खड़ाई गे, कने जिना लोकां उना जो दुबारा ला जिन्दे दिखया, सै डरी गे। ¹² इदे बाद उना दो लोकां स्वर्गे ला इक बंदे जो बोलदे सुणया, जिनी उना जो जोरे ला पुकारया कने बोलया, “ऐथू उपर ओआ।” जालू दुशमण दिखा दे थे, तालू सै इक बदले ला डकुई करी स्वर्गे जो चली गे। ¹³ फिरी तालू ही यरूशलेम शेहरे च इक बड़ा बड़ा हिलण होया, कने शेहरे दियां इमारतां दा दसमां हिस्सा पेई गया, कने उस हिलणे ला सत्त जार लोक मरी गे कने जड़े लोक बची गियो थे, सै डरे ला रेंणा लगगे कने उस परमेश्वरे दी महिमा करणा लगगे जड़ा स्वर्गे च है।

¹⁴ ऐ दुज्जिया मुसीबता दा खात्मा था; पर हल्ले इक होर है जड़ी तोल्ली औणे वाली है।

???? ???? ?

¹⁵ जालू सतमे स्वर्गदूते तुरही बजाई, तां मैं स्वर्गे ला तेज अबाजां जो पुकारदे सुणया: “संसारे च हुण होर कोई नी है जड़ा राज करे, सिर्फ साड़ा परमेश्वर कने उदा चुणया मसीहे राज करणा कने उनी हमेशा तांई राज करणा।”

¹⁶ कने चौबियां अगुवां जड़े परमेश्वरे सामणे अपणे-अपणे सिंहासने पर बैठयो थे, उना परमेश्वरे अगगे दण्डवत करिरी, ¹⁷ ऐ बोलणा लगगे, “हे सारयां ला शक्तिशाली प्रभु परमेश्वर, कने तू सेई परमेश्वर है, जड़ा बकत दी शुरुआत ला लेईकरी हुणे दीकर कने

हमेशा तांई नी बदलदा, असां सच्ची तेरा धन्यावाद करदे न, क्योंकि तू हुण अपणी महान सामर्थ्य दस्सी कने हुण तू धरती पर अपणा राज्य शुरू करी दिता है।

¹⁸ कने जीना देशां दे लोक तिजो पर भरोसा नी करदे सै बडे गुस्सा न, कने बकत आई गया है की तू अपणा गुस्सा दस्से कने उना सारयां दा न्याय करणे दा बकत आई गया है जड़े मरी गियो न। कने हुण सै बकत भी है जालू तू उना परमेश्वरे दा संदेश देणेबालयां जो इनाम देणा जड़े तेरी सेवा करदे न कने उना सारे लोकां जो जड़े तेरी इज्जत करदे न, हालांकि तू उना दा नाश करी देणा है जिना धरती दा नाश कितया है।”

¹⁹ कने परमेश्वरे दा जड़ा मंदर स्वर्गे च है, सै खोली दिता, कने उदे मंदरे च उदी बाचा दा संदूक मिल्ला, कने बिजली लगगी, गड़ाके होए, हिलण होए, कने बड्डे-बड्डे ओले पे।

12

???? ???? ?

¹ जालू सै मुकी गया, तां ओथु इक अनोखा निशाण था, जिसयो अम्बरे च दिखी सकदे थे। क्योंकि चन्द्रमे पर इक खड़ातियो जनानी प्रगट होई जिना ऐसे कपड़े पायो थे जड़े सूरजे सांई चमकदे थे। कने उसा दे सिरे पर मुकुट लाया था, जिदे उपर बारा तारे थे। ² सै जनानी गर्भवती थी, उसा दा बच्चा पैदा करणे दा बकत आई गया। कने सै बच्चा जमणे दिया पीड़ा ला रोआ दी थी। ³ इक होर निशाण अम्बरे च मिल्ला, इक बड़ा बड़ा लाल अजगर था, जड़ा शैतान है। उदे सत्त सिर थे कने दस सिंग थे, कने उदे सत्तों सिरा पर सत्त मुकुट थे। ⁴ कने उदिया पूंछा अम्बरे दे इक तिहाई तारयां जो खिची करी धरतिया पर सुटी दिता, सै अजगर उसा जनानिया दे सामणे जाई खड़ोता, ताकि जालू सै बच्चा जम्मे तां उसा दे बच्चे जो खाई जा। ⁵ तालू उना जनानिया जागते जो पैदा किता, पर उसयो अजगर नी खाई सकया क्योंकि उसयो झट खोई लिया कने परमेश्वरे दे सिंहासने सामणे लेई ओंदा। उनी जागते इक लोहे दे डंडे सोगी सारे देशां दे लोकां पर राज करणा। ⁶ कने सै जनानी उसा सुनसान जगा जो नटी गई, जड़ा परमेश्वरे उस तांई तैयार कितया था ताकि सै ओथु इक हजार दो सो सठ दिनां दीकर पली सके।

???? ???? ?

⁷ फिरी स्वर्गे च लड़ाई होई, तां परमेश्वरे दे मुख्य स्वर्गदूतां चे इकी जिदा ना मीकाईल है, उनी अपणे अधीन स्वर्गदूतां सोगी अजगरे पर हमला किता। कने अजगर कने शैताने दे दूतां मीकाईल दे खिलाफ लड़ाई लड़ी। ⁸ अजगर लड़ाई हरी गया, कने उसयो कने उदे

दूतां जो स्वर्गे ला कडी दिता।⁹ इस ताई उसयो कने उदे दूतां जो धरतिया पर फेंकी दिता। ऐ बड्डा अजगर सेई है जड़ा बड़े पेहले सप्पे दे रूपे च मिल्ला था, जिसयो शैतान या दोष लाणे बाला बोलदे न। ऐ सेई है जड़ा इस संसारे दे लोकां जो धोखा दिन्दा आया है।¹⁰ फिरी मैं स्वर्गे ला ऐ जोरे ला अबाज सुणी, हुण साड़े परमेश्वरे अपणे लोकां जो बचाणा! हुण उनी अपणिया शक्तिया दा इस्तेमाल करणा कने राजे दे रूपे च राज करणा! हुण उदे मसीहे संसार पर अपणे अधिकारे दा दाबा करणा! हुण शैताने साड़े परमेश्वरे दिया हजुरी च खड़ोई करी साड़े साथी सेबकां पर दिन रात दोष नी लाणा, क्योंकि उसयो स्वर्गे ला बार फेंकी दितया है!

¹¹ कने साड़े भरोसा करणे बालयां शैताने जो राई दिता। उना उसया छेलुये दे खूने दिया शक्तिया ला हराया है, जड़ा उना जो पापां ला छुड़ाणे ताई मरी गया था। क्योंकि उना भरोसा करणा नी छुड़या की छेलू उना दा प्रभु है। हालांकि उना जो दुख तकलीफ होई, ऐथू दीकर की उना जो मारी भी दिता पर सै अपणे उस भरोसे ला पिच्छे नी हटे।¹² इस ताई तुसां सारयां जो खुश होणा चाईदा जड़े ऐथू स्वर्गे च रेंदे न। पर तुसां जड़े धरती पर न कने जड़े समुंदरे च न तुहांजो पर तरस खाणा चाईदा, क्योंकि बुरियां आत्मा दा अगुवा थले तुहाड़े बाल आई गया है। असल च सै बड़ा जादा गुस्सा है क्योंकि सै जाणदा है की जल्दी ही उदा अंत होई जाणा।

¹³ जालू अजगरे समझी लिया, की उसयो धरतिया पर सुटी दितया है, तां उनी उसा जनानिया दा पिच्छा कित्ता जिना पुत्र जमया था।¹⁴ पर परमेश्वरे उसा जनानिया जो बाजे दे दो फंग दितयो थे, ताकि सै उड़ी करी सुनसान जगा च जा जड़ी उसा ताई तैयार कितियो था। कने ओथु उसा दी साड़े तिन्ना सालां दीकर देखभाल कित्ती ताकि अजगर उसा दीकर ना पुज्जी सके।¹⁵ तालू अजगरे उसा जनानिया पर अपणे मूए ला खड्डा साई पाणी फेंक्या ताकि बाड़ उसा जो रुड़ाई लेई जा।¹⁶ पर धरतिया उसा जनानिया दी सहायता करणे ताई पाणिए जो निगली लिया जड़ा अजगरे अपणे मुंए ला निकला था।¹⁷ इस बजा ला, अजगर उसा जनानिया पर बड़ा गुस्सा होया, इस ताई उनी जनानिया दे बंशजा दे खिलाफ लड़ाईया दी घोषणा करी दिती। मतलब की उना लोकां दे खिलाफ जड़े परमेश्वरे दे हुकमा जो मंदे न कने यीशु मसीह दियां सिखाईयां शिक्षा जो मंदे रेंदे न।¹⁸ तालू सै अजगर चली गया कने समुंदरे दे कंडे पर खड़ोई गया।

13



¹ तां मैं इक जानवरे जो समुंदरे ला निकलदे दिखया, जिसदे दस सिंग कने सत्त सर थे। उदे सिगां पर दस राजमुकुट थे, कने उदे हर इक सिरे पर परमेश्वरे दे खिलाफ इक ना लिख्या था।² जड़ा जानवर मैं दिखया, सै चिते साई था; उदे पैर भालुए साई थे, कने मुं शेरें साई था। अजगरे अपणी शक्ति इस जानवरे जो देई दिती कने उसयो धरती पर राज करणे दा हक देई दिता।³ मैं जानवरे दे सिरां चे इकी सिरे च इक डुगे जखमे दा निशाण था, जड़ा उदिया मौता दी बजा बणी सकदा था, पर उदा जखम खरा होई गया था, इस ताई धरतिया दे लोक हेरान थे कने सै उदे चले बणी गे।⁴ सारयां लोकां अजगरे दी पूजा कित्ती क्योंकि उनी जानवरे जो अपणा हक देई दितया था। उना उस जानवरे दी भी पूजा कित्ती। उना बोलया, “कोई भी इस जानवरे ला जादा शक्तिशाली नी है कोई भी उसला लड़ी नी सकदा है।”⁵ परमेश्वरे उस जानवरे जो अपणे बारे च बड़ाई कने परमेश्वरे दी बुराई करणे दा हक दिता। कने परमेश्वरे उसयो बयाली मिनयां दीकर ऐ हक रखणे दा हुकम दिता।⁶ कने जानवरे परमेश्वरे दी बुराई करणा शुरू कित्ती, उनी उदे नां दे खिलाफ कने उसा जगा दे खिलाफ बोलया मतलब की स्वर्गे दे खिलाफ जिथू परमेश्वर रेंदा है, कने ओथु रेणेबाले लोकां दे खिलाफ बुराई करणा शुरू कित्ती।⁷ उस जानवरे जो ऐ हक दितया है की सै परमेश्वरे दे लोकां ला लड़े, कने उना जो राई दे, कने उसयो हर इक कुल दे लोकां, जातियां, भाषा पर हक दितया है।⁸ धरतिया पर रेणेबाले सारे लोक जानवरे दी पूजा करणा लग्गे, मतलब की सै सारे लोक जिना दे नां संसारे दिया शुरुआता ला छेलुए दिया जिन्दगिया दिया कताबा च नी लिखयो न। छेलू सेई है जड़ा मारी दिता था।⁹ हर कुसी जो जड़ा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जड़ा पबित्र आत्मा कलीसिया ला बोलदा है।¹⁰ जिना दा जेला च जाणा तय है, उना जो पक्का जेल होंगी, जिना लोकां दा तलबारा ला मरणा तय है, उना पक्का ही तलबारा ला मरणा है। इस ताई परमेश्वरे दे लोकां जो दुख सेहन करणे च सबर रखणा चाईदा कने उस पर भरोसा करदे रेंणा चाईदा।



¹¹ फिरी मैं इक होर जानवरे जो धरतिया ला निकलदे होए दिखया, उदे छेलुये साई दो सिंग थे। पर जालू सै बोलणा लग्गा तां उदी अबाज अजगरे साई थी।¹² ऐ दुज्जा जानवर उस पेहले बाले जानवरे दे सारे हकां दा इस्तेमाल करदा था। कने धरतिया दे लोकां जो उस पेहले जानवरे दी जबरदस्ती पूजा करांदा था, जिदा सै जखम ठीक होई गया था।¹³ सै दुज्जा जानवर बड्डे-बड्डे

११११११ ११११ ११११ ११ ११११

14 मैं फिरी इक चिट्टे बदले जो दिखया, कने मैं उस बदले पर कुसी जो बैठया दिखया जड़ा माणुए साईं लगगा दा था, कने उस पर माणुए दे पुत्रे साईं कोई बैठया है, जिसदे सिरे पर सोने दा मुकुट कने हथे च पेनी दराटी थी। 15 तालू ही फिरी इक होर स्वर्गदूत परमेश्वरे दा संदेश लेईकरी स्वर्गे दे मंदरे ला बार आया, ऐ चौथा स्वर्गदूत था। उनी बदले पर बैठयो माणुए जो जोर देईकरी बोलया, “धरतिया दी फसल तैयार है, फसला जो बडणे दा बकत आई गिया है। इस ताईं अपणी दराटी चला कने फसला दी बडाई कर।” 16 इसा बजा ला सै माणु जड़ा बदले पर बैठया था, सै अपणिया धराटिया ला धरतिया पर बडणा लगगा उनी पुरिया धरतिया दिया फसला दी कटाई किती।

17 फिरी पजमा स्वर्गदूत उस मंदरे ला निकलया, जड़ा स्वर्गे च है, कने उदे बाल भी पेनी दराटी थी। 18 तालू इक होर स्वर्गदूत वेदिया ला बार आया, जड़ा अग्गी ला धुप बालने दी जिम्मेदारी निभान्दा है। उनी जोरे ला उस स्वर्गदूते ला जिनी पेनी दराटी लियो थी उसयो बोलया, “धरतिया पर अंगूरा दे गुच्छे पक्की गियो न! उना जो अपणिया दराटिया ला बडी ले।” 19-20 तालू उनी स्वर्गदूते अपणिया दराटिया ला उना अंगूरा जो बडडी दिता जडे धरती पर थे कने उना जो गठेरया। ताकि उना जो निचोड़ी सकन, इदा मतलब ऐ है की परमेश्वरे बडी खतरनाख सजा देंगी। अंगूरा जो शेहरे ला बार निचोड़या। ओथु जिथू अंगूरा जो निचोड़या था ओथु ला जड़ा खून निकलया सै इतणा डुगा था, जितणा की इक घोड़े दा सिर होंदा है जालू उसयो लगामा ला पकड़दे न कने तिन सौ (300) किलो मीटर दीकर चली गिया।

15

११११११११ ११ ११११११ ११११ ११११ ११ ११११११

1 इदे बाद मैं अम्बरे च जड़ा नोआ नोखा चमत्कार दिखया कने सै बड़ा डराणे बाला था। ओथु सत्त स्वर्गदूत थे जिना सत्त लग-लग मुसीबतां पकड़ियां थियां। ऐ मुसीबतां आखरी न क्योंकि जालू उना मुकी जाणा तालू परमेश्वरे दा गुस्सा भी पूरा होई जाणा।

2 तालू मैं कुछ दिखया जड़ा समुन्दरे साईं लगदा था कने शीशे साईं चमकदा था कने उदे च अग्ग भी मिलियो थी। मैं उना लोकां जो भी दिखया जिना उस जानवरे जो हराया था क्योंकि उना उदिया मूर्तिया दी अराधना नी कितियो थी कने उना पर जानवरे दी छाप नी लगियो थी। 3 कने सै परमेश्वरे दे दास मूसा दा गीत गांदे थे,

जड़ा छेलुये दे बारे च गीत है। सै गांदे थे की, “हे सारयां ला शक्तिशाली प्रभु परमेश्वर, जड़ा कुछ तू कितया है सै कीमती कने अनोखा है।” तू सारयां देशां दा राजा है, तू जड़ा भी करदा है सेई सच्च कने धर्मी है। 4 “हे प्रभु, सारे लोक तेरी इज्जत करदे न, सै सारे तेरे नाए दी इज्जत करदे न, क्योंकि सिर्फ तू ही पबित्तर परमेश्वर है। हर इक जातिया दे लोक तेरे बाल ओंदे न, कने सै तेरी अराधना करदे न क्योंकि तेरे धर्मे दे कम्म सारे लोक अच्छे ला जाणदे न।”

5 इदे बाद जालू सै गीत गाईं बैठे, तालू मैं दिखया की स्वर्गे दा मंदर खुलया था। जड़ा मिलाप बाले तम्बुए साईं है। 6-7 कने सै सतां स्वर्गदूत जिना बाल सत्तां मुसीबतां थियां, उस मंदरे ला बार निकले। उना चमकदार कपड़े पायो थे कने उना दिया छातिया दे चारो पासे सोने दिया पट्टियां भी थियां। तालू उना चार जिन्दे प्राणियां चे इकी उना सत्त स्वर्गदूतां जो परमेश्वरे दिया तरफा ला जड़ा हमेशा जिन्दा है, गुस्से दा भरया इक-इक सोने दा कटोरा दिता। 8 कने मन्दिर परमेश्वरे दिया महिमा कने सामर्थ्य ला ओणे बाले धुंए ला भरुई गिया। कने तालू दीकर कोई भी मंदरे च नी जाई सके जालू दीकर उना सत्त स्वर्गदूतां दे जरिये नियोरियां सतो मुसीबतां मुकी नी जान।

16

१११११११११ ११ ११११११११ ११ ११११ ११११११

1 फिरी मैं उदे बाद मंदरे ला इक उचिया अबाजा जो सत्तां स्वर्गदूतां जो ऐ बोलदे सुणया, “जा, कने परमेश्वरे दिया तरफा ला सजा जो जड़ी उना सत्तां कटोरयां च है, धरतिया दे लोकां पर नियोरी दिया।”

2 इस ताईं पहले बाले स्वर्गदूते जड़ा उदे कटोरे च था सै धरती पर नियोरी दिता। फिरी उना लोकां जो जिना पर उस जानवरे दी छाप थी, या जिना उदिया मूर्तिया दी पूजा कितियो थी, उना जो बडे बडडे जख्म होई गे जिना च बडी जादा पीड़ा होंदी थी।

११११११११ ११११११११

3 दुज्जे स्वर्गदूते जड़ा उदे कटोरे च था उसयो उनी समुंदरे च नियोरी दिता। कने तालू ही समुंदरे दा रंग मरयो माणुए दे खूने साईं होई गिया, कने समुंदरे च रेणे बाली हर इक प्राणी दी मौत होई गई।

११११ ११११११११

4 तिजे स्वर्गदूते जड़ा उदे कटोरे च था उसयो उनी खड्डां कने पाणिए दे झरनया पर नियोरी दिता, कने सै खून साईं बणी गे। 5 तालू मैं उस स्वर्गदूते जो जिसया पाणिए पर हक है, परमेश्वरे ला ऐ बोलदे होए सुणया, “हे पबित्तर परमेश्वर, जड़ा बकत दी शुरुआत ला लेईकरी

हुणे दीकर कने हमेशा ताई नी बदलदा, तू जड़ी सजा दितियो है, सै सही है।” 6 क्योंकि उना तेरे लोकां कने परमेश्वरे दे संदेश देणे बालयां जो मारी दिता, इस ताई तू हुण उना जो खून पिणे ताई दिन्दा है। ऐई उना ताई खरा है।

7 मैं फिरी वेदिया ला कुसी जो बोलदे सुणया, “हाँ, हे सारयां ला शक्तिशाली प्रभु परमेश्वर, ऐ सच्च है की जियां तू लोकां दा न्याय करदा है सै सही है।”

???? ???? ?

8 चौथे स्वर्गदूते जड़ा उदे कटोरे च था उनी सूरजे पर नियोरी दिता, कने सूरजे जो अपणी गर्मी बदाणे दी इजाजत दिती, इसा बजा ला लोक जादा गर्मियां दिया बजा ला फकुई गे, 9 इस ताई उना परमेश्वरे जो श्राप दिता था, क्योंकि सेई था जिदे बाल सजा देंगे दा हक था। उना हल्ले भी अपणे पापां ला पश्चाताप नी किता कने परमेश्वरे दी निंदा किती, उना हल्ले दीकर परमेश्वरे दिया महानता जो नी मनया।

???? ???? ?

10 पंजमे स्वर्गदूते जड़ा उदे कटोरे च था उनी उस जानवरे दे सिंहासने पर नियोरी दिता, कने जिस राज्य पर जानवर राज करदा था उस पर नेरा छाई गया; कने लोक अपणिया जीभा जो चबाणा लगगी पे क्योंकि सै उना दुखां कने जखमा जो सेहन नी करी सका दे थे जड़े उना जो होआ दे थे। 11 कने अपणियां पिंडा कने फोडयां दिया बजा ला स्वर्ग दे परमेश्वरे दी बुराई किती; भले ही उना दे हालात इयोदे थे पर अपणे बुरे कम्मा ला पश्चाताप नी किता कने ना ही उना बुरे कम्मा जो करणा छडया जड़े सै करा दे थे।

???? ???? ?

12 छेमे स्वर्गदूते जड़ा उदे कटोरे च था उनी सै बड़ी बड्डी नदी फरात च नियोरी दिता, इसा बजा ला उसा दा पाणी सुकी गया कने पूर्व दिशा दे राजे अपणिया सेना लेईकरी उसा नदिया जो पार करी सके। 13 कने मैं इदे बाद तिन बुरी आत्मा जो दिखया जड़ियां दिखणे च मेंढके साई थियां। इक उस अजगरे दे मुए ला बार आई, कने दुज्जी पेहले जानवरे दे मुए ला बार आई कने तीजी उस दुज्जे जानवरे दे मुए ला बार आई जिनी झूठा संदेश दितया था। 14 इना बुरियां आत्मा बाल चमत्कार करणे दी शक्ति थी कने उना जाई करी उना लोकां जो गटेरया जड़े इस संसारे दे सारे देशां पर राज करदे न ताकि सै सारयां ला शक्तिशाली परमेश्वरे दे उस महान दिने पर उदे खिलाफ लड़ाई लड़ने ताई जान।

15-16 “उना बुरियां आत्मा राज कने उना दियां सेना जो उसा जगा पर गिठा किता जिसया इब्रानी भाषा च हर-मगिदोन बोलदे न।” इस ताई प्रभु यीशु मसीह

बोलया है, “ऐ गल्ल सुणा। मैं चोरे साई अचानक ओणा है। सोभाग्यशाली है सै माणु जड़ा मेरे ओणे पर जागदा है कने अपणे कपड़े तैयार रखदा है। तालू उना नंगे नी होणा कने शर्मिंदा नी होणा जालू उना लोकां बिच जाणा।”

???? ???? ?

17 कने सतमे स्वर्गदूते जड़ा उदे कटोरे च था उनी होआ च नियोरी दिता, कने मैं सुणया, ओथु सै था जड़ा स्वर्ग दे मंदरे दे अंदरे ला परमेश्वरे दे सिंहासने ला बोला दा था, “सब कुछ होई गया।” 18 कने उसी बकत बिजलियां कने गड़गड़ात बदलां दे गड़के होणा लगे कने इक ऐसा भयानक हिलण होया, इसला पेहले लोकां कदी भी इतणे जोरे ला हिलण महसूस नी कितया था। 19 इसला बाबेल दा सै बड्डी शहर तिन हिस्सयां च बंडूई गया। क्योंकि परमेश्वरे अपणा वायदा पूरा किता जड़ा उनी बाबेल शहरे दे लोकां जो सजा देणे दे बारे च कितया था। इसयो परमेश्वरे बड़ी कटोर सजा देंगी। ऐ इयां ही होणा जियां उना बिना पांणी पायो शराब पि लियो है, जिसया परमेश्वरे अपु गलासे च पाया है, जड़ा उदे गुस्से जो दसदा है। 20 कने उस बकत समुंदरे दे सारे टापू गायब होई गे, कने पाड़ भी गायब होई गे। 21 अम्बरे ला लोकां पर बड्डे-बड्डे ओले पे, हर इकी ओले दा बजन लगभग 50 किलो था। ऐ मुसीबत बड़ी भरी बड्डी थी, इसा बजा ला लोकां परमेश्वरे दी बुराई किती।

17

???? ???? ???? ???? ? ? ?

1 जिना सत्त स्वर्गदूतां बाल सै सत्त कटोरे थे, उना चे इक जणे आई करी मिंजो ला ऐ बोलया, “मैं तिजो दसणा की परमेश्वरे कियां उसा बडिया बेश्या जो सजा देंगी, जड़ी ऐसिया जगा पर बोंदी है जिथू ला मतियां खड्डां न।” 2 जिसा सोगी धरती दे राजयां व्यभिचार किता, बाबेल दे बुरे कम्मा धरतिया दे सारे देशां जो भ्रष्ट करी दिता। ऐ ऐसा था जियां उनी उना जो शराब पिणे ताई दिती, कने इसा बजा ला परमेश्वरे उना जो सजा देंगी। 3 तालू स्वर्गदूत मिंजो पबित्तर आत्मा दिया सहायता ला सुनसान जगा च लेई गया, आत्मा मिंजो अपणे काबू च लेई लिया, कने मैं ओथु इक जनानिया जो दिखया जड़ी इक लाल रंगे दे जानवरे पर बेठियो थी, जिसादे सत्त सिर कने दस सिंग थे। उदा शरीर परमेश्वर दे खिलाफ लिखयो ना ला भरुया था। 4 इना जनानिया बैगणी, कने लाल रंगे दे कपड़े पायो थे। उना अपणे शरीरे जो सोने दे मंगे मणियां कने मोतियां ला सजाया था। कने उसा दे सज्जे हथे च शराबा ला भरुया सोने दा गलास पकड़या था, जड़ा उसा दे बुरे कम्मा कने गंदे यौन कम्मा जो दसदा

है।⁵ कने उसा दे मथे पर इक ना लिखया था जिदा इक गुप्त मतलब है, “मैं महान शहर बाबेल है। मैं सारियां बेश्यां दी मां है कने संसारे दे सारे बुरे कम्मा दा जरिया है।”⁶ कने मैं दिखया की जनानी परमेश्वरे दे लोकां दे खूने दे नशे च थी, जिना जो लोकां मारी दितया था क्योंकि सै यीशुऐ पर भरोसा करदे थे। कने उसयो दिखीकरी मिंजो बड़ी हेरानी होई।

२२२२२ २२२ २२२२२२ २२ २२२२

⁷ उनी स्वर्गदूते मिंजो ला बोलया, “तू हेरान मत हो। मैं तिजो इसा जनानी, कने उस जानवरे दा, कने जिस पर सै बेठियो है, जिदे सत्त सिंग न कने दस सर न, गुप्त भेद समझांगा।”

⁸ जड़ा जानवर जिसया तू हुण दिखया, इक बकत पेहले जिन्दा था, पर हुण नी है, कने सै हुण अथाह कुंडे ला बार ओणे बाला है कने परमेश्वरे पुरे तरीके ला नाश करी देणा। धरती पर रेणेबाले लोक जिना दे ना परमेश्वरे संसार शुरू होणे ला पेहले जिन्दया दिया कताबा च नी लिखयो, उना सारयां हेरान होई जाणा जालू उना इस जानवरे जो दिखणा। इक बकत पेहले सै जिन्दा था; हुण सै जिन्दा नी है; पर उनी फिरी बापस मुड़ी ओणा।⁹ ऐ समझणे ताईं तुहांजो ज्ञान दी जरूरत है: जानवरे दे सत्तो सर उस शेहरे जो द्रशादे न जिस पर ऐ जनानी राज करदी है। कने सै सत्त राजयां जो भी द्रशादे न।¹⁰ कने सै जड़े सत्त राजा न, उना चे पंज तां पेहले ही मरी गियो न; उना चे इक हुण राजा है कने आखरी बाला हल्ले दीकर आया नी है, पर जालू उनी ओणा तां उनी थोड़े बकते ताईं राज करणा।¹¹ सै जानवर जड़ा बड़े पेहले रेंदा था कने हुण नी है, सै अठमा राजा है। पर सै अठमा राजा पेहले सत्त राजयां चे इक है। आखरी च उस राजे जो पक्का ही हमेशा ताईं सजा मिलणी।¹² जड़े दस सिंग तू पेहले दिखे थे, सै उना दस राजयां जो द्रशादे न जिना हल्ले दीकर राज करणा शुरू नी कितया है। उना दस राजयां जो उस जानवरे सोगी मिलिकरी थोड़े दे बकते ताईं राज करणे दा अधिकार मिलणा।¹³ इना सारयां राजयां दा इक ही मकसद है, कने उना अपणी-अपणी शक्ति कने अधिकार जानवरे जो देई देणा।

२२२२२२ २२२२ २२२

¹⁴ “जानवर कने इना दसां राजयां छेलुये दे खिलाफ युद्ध करणा, पर छेलुये उना जो हराई देणा, क्योंकि सै प्रभुआं दा प्रभु, कने राजयां दा राजा है। उनी उना जो अपणे सदयो, चुणयो कने भरोसे दे काबील चेलयां सोगी हराई देणा।”

¹⁵ स्वर्गदूते भी मिंजो ऐ भी बोलया, “जड़ा पांणी तू पेहले दिखया था, जिस पर सै बेश्या बेठियो थी, सै सारे

संसारे दे लोक न, जड़े सारियां जातियां, धर्म, देश दे कने लग-लग भाषा बोलणे बाले न।”¹⁶ सै बकत ओणा जालू जानवर उना दस राजयां सोगी जड़े उदे सोगी न, उस बेश्या ला नफरत करणी जड़ी उस पर बेठियो है। उना उस पर हमला करणा, उसयो नंगा करणा, उना उदे मिटे दा हिस्सा खाई जाणा, कने बाकियां जो उना फुकी देणा।¹⁷⁻¹⁸ सै जनानी जिसया तू दिखया था, सै बड्डा शहर है जड़ा धरती पर सारे राजयां पर शासन करदा है। ऐ चीजां उदे सोगी होई ना, क्योंकि परमेश्वरे अपणे मकसदे जो पूरा करणे ताईं उना दे मना दा मार्गदर्शन किता है। ऐई बजा है की उना अपणा अधिकार जानवरे जो देई दिता ताकि सै राज करे, जालू दीकर सै पूरा नी होई जा जड़ा परमेश्वरे बोलया था।

18

२२२२२२२ २२ २२२

¹ इदे बाद मैं इक होर स्वर्गदूते जो स्वर्गे ला उतरदे दिखया। उदे बाल बड्डा अधिकार था कने उदिया चमका दिया बजा ला सारिया धरतिया पर लौ होई गेई।² उनी जोरे ला पुकारी करी बोलया, “बाबेल देश दा सर्वनाश होई गया! बड्डे बाबेल देश दा सर्वनाश होई गया।” कने सै बुरियां आत्मा दा घर, कने हर इक अशुद्ध आत्मा दा अडा, कने हर इक अशुद्ध कने बुरे पंछियां दा अडा होई गया।³ ऐ इसा बजा ला होणा क्योंकि उना जनानिया जड़ी बाबेल शहर है, उना हर इक देशे दे सारे लोकां जो सै शराब पियाईयो है जड़ी उसा दी मूर्तियां दी पूजा है। सारिया धरतिया दे राजा उदे गंदे कम्मा च शामिल होयो न। धरतिया दे व्यपारी उसा जनानिया दिया मेगियां-मेगिया चीजां दिया इच्छा दिया बजा ला अमीर बणी गे।

⁴ फिरी मैं स्वर्गे ला इक हर अबाज सुणी, “हे मेरे लोको, उस शेहरे ला निकली जा। उना लोकां सोगी मिली करी पाप मत करा, ताकि तुहांजो उना सोगी सजा ना मिल्ले।”⁵ क्योंकि उना दे पाप बड़े बड्डे न, जिना दा ढेर अम्बरे दीकर लगगी गया है, कने परमेश्वर उसा बुराई जो कदी नी भुलदा है जड़ी उना कितियो है।⁶ इस ताईं मैं बोलदा है, उस शेहरे सोगी भी सियुदा ही कर जियां उनी दुज्जयां सोगी कितया है, उदे सारे बुरे कम्मा ताईं उसयो दो गुणा बदला दे। उस शेहरे ताईं दौगुनी शक्तिशाली यातना दी तैयारी कर जदियां यातना सोगी उनी दुज्जयां लोकां सोगी जुलम कितया था।⁷ तू उसयो पक्का ही बड़ी जादा पीड़ कने दुख देंगी जड़ा उदे जिन्दगी जिणे दे तरीके कने उदे अपणे आपे दे घमंडे दे बराबर है। उनी अपणे आपे ला बोलया, “मैं इक राणिया सांई लोकां सांई राज करणा।” इक बिधवा नी है

5 कने फिरी मैं कुसी जो बोलदे सुणया, कने ऐसा लगया की जियां ऐ अबाज परमेश्वरे दे सिंहासने ला आई हो। उनी बोलया, “साड़े परमेश्वरे दे सेबकों कने तुसां जड़े उदा डर मंदे न, चाहे बड़डे दर्जे दे होन या छोटे दर्जे दे होन तुसां सारे परमेश्वरे दी स्तुति करा।”

6 इदे बाद, फिरी मैं ऐ भी सुणया जड़ा बड़े जादा लोकां दे चिलाणे सांई था। उना दा चिल्लाणा मते पाणिए दिया अबाजा सांई था, कने बदलां दे गड़ाकयां दिया अबाजा सांई था। मैं उना जो ऐ बोलदे सुणया; परमेश्वर साड़ा प्रभु, ओआ असां उदी स्तुति करन। क्योंकि उदे बाल हर जगा राज करणे दी शक्ति है। 7 ओआ, असां खुश कने मगन होई जान, कने उदी स्तुति करन, क्योंकि छेलुये दा बियाह होणेबाला है, उदी लाड़ी श्रृंगार करिरी कने अपणे आपे सजाई करी उदे तांई तैयार है। 8 छेलुये उसयो साफ चमकदार मलमल ला बणयो कपड़े पाणे तांई दिते न, जड़े शुद्ध न, जड़ा भरोसा करणे बालयां दे भले कम्मा दा प्रतीक है।

9 तालू स्वर्गदूते मिंजो ला बोलया, “ऐ लिख, धन्य सै न, जिना जो छेलुये दे बियाये दा जशन मनाणे तांई धामा च सदया है।” फिरी उनी मिंजो बोलया, “ऐ बचन परमेश्वरे दे सच्चे बचन न।”

10 जालू मैं सुणया तां जड़ा मिंजो ला गल्लां करा दा था, मैं उस माणुए सामणे झुकी गया, क्योंकि मैं उदी अराधना करा दा था। उनी मिंजो बोलया, मेरी अराधना मत कर, मैं भी तेरे सांई परमेश्वरे दा सेबक है कने तेरे भाईयां सांई जड़े यीशु मसीह दियां सच्ची शिक्षां पर भरोसा करदे कने मंदे न। तिजो परमेश्वरे दी ही अराधना करणी चाईदी। क्योंकि परमेश्वर आत्मा है जड़ी परमेश्वरे दे लोकां जो यीशु मसीह दी दसियो सच्चाईया दी घोषणा करणे दे काबिल बणादां है।

?????? ???? ?? ???? ?

11 फिरी मैं स्वर्गे की खुलया होया दिखया, कने ओथु मेरे सामणे इक चिट्टा घोड़ा था; कने उस पर इक सवार था, सै परमेश्वरे दा सच्चा कने भरोसेमंद सेबक था; सै धार्मिक तरीके ला उदे दुशमणा दा न्याय करदा है कने उना दे खिलाफ लड़ाई करदा है। 12 उदियां हखी अगगी दियां लपटा सांई चमकदियां थियां, कने उदे सिरे पर मते भरी राजमुकुट थे। उदा इक ना उस पर लिखया था, पर सिर्फ सेई उस नाए दा मतलब जाणदा था। 13 उनी खूने च डोबया कपड़े पायो थे, कने उदा ना परमेश्वरे दा बचन था। 14 कने स्वर्गे दी सेना उदे पिच्छे-पिच्छे थी। सै भी चिट्टे घोड़यां पर सवार थे कने उना चिट्टे मलमले दे कपड़े पायो थे जिना च कोई भी दाग नी था। 15 उदे

मुंए ला इक पैनी तलवार निकली जिसला उनी देशां जो हराई देणा। जड़ा उदे अधिकारां जो नी अपनांदा उनी उना जो पुरे तरीके ला सजा देंगी। उनी सारयां ला शक्तिशाली परमेश्वरे दे भयंकर गुस्से जो इयां ही छड़ी देणा जियां इक रस्सकुंड ला अंगूरा दा रस्स निकलदा है। 16 कने उदिया पोशाका कने उदिया सजिया जंघा पर ऐ ना लिखया है: “राजयां दा राजा कने प्रभुआं दा प्रभु है।”

?????? ???? ???? ???? ?? ???? ?

17 फिरी मैं इक स्वर्गदूते जो सूरजे पर खड़ोतयो दिखया, कने उनी अम्बरे च उच्चे उड़दे मांस खाणे बाले सारे पंछियां जो जोरे ला पुकारया, “ओआ, उसा बडिया धामा तांई गिटे होई जा जड़ी परमेश्वरे तुहाड़े तांई तैयार कितियो है।” 18 ओआ कने राजयां, सेना दे अगुवां, ताकतबर सेनिका, घोड़यां कने उना से सवारां दा मास खाओ। तुसां हर तरा दे मरयो लोकां दा मास खाई सकदे न, मतलब की गुलाम कने अजाद, बड़डे कने छोटे, सारयां दा मास खा।

19 फिरी मैं उस जानवरे जो दिखया जड़ा समुंदरे ला बार आया था, कने धरती दे राजयां कने उना दियां सेना जो दिखया। सै घोड़े पर बोणे बाले कने उदिया सेना दे खिलाफ लड़ाई लड़ने तांई इक सोगी आए। 20 कने सै पैला जानवर, कने उदे सोगी सै झूठा परमेश्वरे दे संदेश देंगे बाला पकड़ोई गया, झूठे संदेश देणेबाले जानवरे दिया तरफा ला चमत्कारी चिन्न दस्से कने उना सारे लोकां जो भटकाया, जिना अपणे मथे पर छाप लाईयो थी कने जड़े उदिया मुर्तिया दी पूजा करदे थे। ऐ दोनो जीदे जी उसा अगगी दिया झिला च पाई दिते, जड़ी गन्धक ला बलदी है। * 21 तालू चिट्टे घोड़े दे सवारे उस जानवरे दे सारे सेनिका जो मारी दिता, उनी उना जो उसा तलबारा ला बडी दिता जड़ी उदे मूए ला निकली थी। तालू अम्बरे दे सारे पंछी मरयो लोकां दा मास खाणे तांई आई गे जालू दीकर की उना दा पेट भरुई नी जा।

20

?????? ???? 1000 ???? ???? ???? ???? ? ???? ?

1 फिरी मैं इक स्वर्गदूते जो स्वर्गे ला उतरदे दिखया, जिदे हथे च डुगे कुंडे दी चाबी थी, कने इक बडी जंजीर थी। 2-3 कने उनी उस पूराणे अजगरे जो झपटी करी पकड़ी लिया। जिसयो शैतान भी बोलदे न, उनी उसयो बन्नी करी डुगे कुंडे च फेंकी दिता कने दरबाजा बंद करी दिता कने उस पर मोहर लाई दिती ताकि उसयो इक जार सालां दीकर कोई खोले ना। इना जार सालां च शैताने

* 19:20 19:20 ऐ अध्याय 13 दा दुज्जा जानवर है। उसयो 16:13 च झूठा परमेश्वरे दा संदेश देणेबाला बोलया है

संसारे लोकां जो धोखा नी देई सकणा। उदे बाद उसयो थोड़े बकते तांई छडी देणा।

1,000

4 फिरी मैं कुछ सिंहासन दिक्खे, कने जड़े लोक उना सिंहासना पर बैठयो थे उना जो राज करणे दा हक दितया था। मैं उना लोकां दियां आत्मा जो भी दिखया जिना दे सिरां जो बड्डी दितया था क्योंकि उना ऐ मन्नी लिया था की यीशु उना दा प्रभु है, कने सै परमेश्वरे दे बचने पर भरोसा करदे थे। उना जानवर या उदिया मुर्तिया दी पूजा नी कितियो थी कने इना अपणे मथे कने हथां पर जानवरे दी छाप नी लाइयो थी। ऐ लोक दुबारा ला जिन्दे होई गो कने इना इक हजार सालां दीकर मसीह सोगी राज किता। 5-6 मरयां चे जिन्दे हांणे बालयां चे ऐ सारयां ला पेहले थे कने ऐ बड़े जादा सोभाग्यशाली कने पबित्र न। दूजी मौत दा उना पर कोई अधिकार नी है। सै परमेश्वरे दे कने मसीह दे याजक होणे कने उना सोगी इक हजार साल दीकर राज करणा। इना इक हजार सालां ला पेहले कुसी भी भरोसा करणे बालयां जो जड़े मरी गियो थे जिन्दा नी कितया।

7-8

जालू हजार साल पुरे होई जाणे तां स्वर्गदूते शैताने जो ओथु ला जिथू सै बन्नया था अजाद करी देणा कने उनी उना देशां जो धोखा देंणे तांई बार आई जाणा जड़े पुरे संसारे च खिंडयो न। इना देशां जो गोग कने मागोग बोलदे न। शैताने उना सारयां जो इकी जगा पर गठेरी देणा जिथू उना लड़ाई करणी। उना समुंदरे दे बखे दिया रेटा बराबर होणा की कुनी उना जो गिणी नी सकणा। 9 कने सै सारिया धरतिया पर हर जगा गे। उना उस शेहरे जो घेरी लिया, जिसयो परमेश्वर प्यार करदा है, जिथू उदे लोक रेंदे थे। परमेश्वरे दिया तरफा ला कने स्वर्गे ला अगग आई उना पुरिया सेना जो भस्म करी दिता। 10 इदे बाद शैतान पकड़ोई जाणा, जिनी हर देशे दे लोकां जो भटकाया कने उसयो गन्धक दिया अगगी च फेंकी देणा, मतलब की उसा अगगी च जड़ी झीला सांई बड्डी है। जिदे अंदर उस जानवरे जो कने परमेश्वरे झूठे संदेश देणे बालयां जो पेहले ही फेंकी दितया था। उसा अगगी च उना जो हमेशा तांई दिन रात सताया जाणा है।

11 फिरी मैं इक चिट्टा सिंहासन दिखया जिस पर परमेश्वर बिराजमान था। पर ओथु जिथू परमेश्वर बिराजमान था, ओथु ला धरती कने स्वर्ग सारा गायब होई गया कने फिरी कुनी भी उना जो नी दिखया। 12-13 फिरी मैं मरयो लोकां जो उस सिंहासने सामणे खड़ोतयो दिखया मतलब की उना जो जड़े खास न कने आम लोक न। सै लोक जड़े समुंदरे च डूबी करी

मरी गियो थे कने कबरां दे सारे मरयो लोक, कने सै सारे लोक जड़े मरयां दिया जगा पर थे, सै सारे उस सिंहासने सामणे खड़ोते। कने कताबां च लिखियां गल्लां दे अनुसार, जड़ा-जड़ा उना कितया उदे अनुसार उना दा न्याय होणा। 14-15 सै सारे लोक जिना दे ना जिन्दगिया दिया कताबा च नी लिखयो थे, उना जो अगगी दिया झिला च फेंकी दिता। इदे बाद मौत नी है, हुण मरयां दी कोई जगा नी है क्योंकि सै सारे लोक जिना दे ना जिन्दगिया दिया कताबा च नी लिखयो थे उना जो अगगी दिया झिला च फेंकी दिता, इसा जो ही दुज्जी मौत बोलदे न, जड़ा की अगगी दिया झिला च सजा है।

21

1

फिरी मैं नोआ स्वर्ग कने नोई धरती दिखी, क्योंकि पूराणी धरती कने स्वर्ग हुण नी थे। कने हुण कोई समुन्दर भी नी था। 2 फिरी मैं पबित्र नोए शेरर यरुशलेमे जो भी दिखया, जड़ा स्वर्गे ला परमेश्वरे दिया तरफा ला थले ओआ दा है। उस शेहरे जो नोईया लाडिया सांई तैयार कितया था, जिसा जो कपड़े पहनाई करी कने शरूगार कितया है जड़ी लाड़े सोगी बियाह करणे तांई तैयार है।

3 फिरी मैं इक अबाज सुणी जड़ी परमेश्वरे दे सिंहासने ला जोरे ला बोली, “दिख, हुण परमेश्वरे लोकां बिच अपना घर बणाणा।” उनी उना सोगी रैणा, कने सै उदे लोक होणे, उनी अपु उना जो अपणे लोकां दे रुपे च अपनाणा कने उनी उना सोगी रैणा कने उना भी उसयो परमेश्वरे दे रुपे च अपनाई लेणा। 4 परमेश्वरे उना दियां हखी ला सारे आंसू पूज्जी देंणे; कने इदे बाद कुसी भी माणुऐ जो दुख नी सेहणा पोंणा, रोणा नी पोंणा, दर्द महसूस नी होणा, ना ही कूदी मौत हांणी क्योंकि पूराणे संसारे दियां सारियां चीजां गायब होई गियां न।

5 कने जड़ा सिंहासने पर बैठया था, उनी बोलया, “दिख, मैं सब कुछ नोआ करी दिन्दा है।” फिरी उनी बोलया, “लिख ले, क्योंकि जड़ा मैं बोलदा है उदे पर भरोसा करी सकदा है। ऐ गल्लां पक्का ही होणियां।”

6 फिरी उनी मिंजो बोलया, सब कुछ मुकी गया है। मैं अलफा कने ओमेगा, कने शुरुआत कने अंत है। जड़ा कोई प्यासा है, मैं उसयो उस पाणिए ला मुफ्त पांणी पिणे तांई देणा जड़ा हमेशा दी जिन्दगी दिन्दा है। 7 जड़ा शैताने जो हराई दिन्दा है, उसयो मिंजो ला सै ऐ सारियां आशीषां मिलणियां; कने मैं उदा परमेश्वर होणा कने सै मेरा पुत्र होणा। 8 पर जड़े मिंजो पर भरोसा नी रखदे, उना जो जोर लाईकरी गंधक बालिया उसा झिला च पाई देणा, जड़ी दुज्जी मौत है। कने सेई अंजाम उना दा भी होणा, जड़े लोकां दे सामणे मिंजो अपनाणे ला डरदे

न, बुरे कम्म करदे न, जड़े हत्यारे न, गंदे कम्म करदे न, जादू टोणा करदे न, मूर्तियां दी पूजा करदे न, या झूठ बोलदे न।

११११११ ११ ११११११

९ फिरी उना सत्तां स्वर्गदूतां चे इकी जिना माणुए दिया जाति पर सत्त आखरी मुसीबतां ला भरयो कटोरे न्योरे थे, मिंजो सोगी गल्ल किती कने उनी बोलया, “ओथु ओआ, मैं तिजो लाड़ी दसणी जिदा जल्दी ही छेलुये सोगी बियाह होई जाणा है।”

११११ ११११११११

१० तालू परमेश्वरे दिया आत्मा इक दर्शन दसया। उस दर्शने च स्वर्गदूत मिंजो इक बड़े बड़े पाड़े पर लेई गया। कने पबित्तर शेर यरूशलेम दसया, जड़ा परमेश्वरे दिया तरफा ला स्वर्गे ला थले उतरया था। ११ शेर परमेश्वरे ला मिलणे बालिया लौई ला चमका दा था, कने उदी ज्योति बड़े कीमती पथर मतलब की यशब नाए दे बेशकीमती पथरे सांई चमका दी थी, कने शीशे सांई साफ थी। १२ शेर दियां चारो पासे दियां दिबारां बड़िया उच्चिया थियां, कने शेर च बारा दरबाजे थे कने उना सारे दरबाजयां च इक स्वर्गदूत पेहरा दे दा था कने उना दरबाजयां पर इस्राएलियां दे बारा गोत्रां दे ना लिखयो थे। १३ शेर दिया चारों दिशां च तिन दरबाजे थे: पूर्व, पश्चिम, उत्तर कने दक्षिण च। १४ उना शेर दियां दिबारां बारा बड़े-बड़े पथरां उपर बणाईयां थियां, कने उना हर इक पथरे पर छेलुये दे बारह प्रेरितां दे नां लिखयो थे। १५ सै स्वर्गदूत जड़ा मिंजो सोगी गल्लां करा दा था, उदे बाल दरबाजयां कने उदियां दिबारां जो नापणे तांई इक सोने दा गज था। १६ उस शेर दे चार सिरे थे कने चारो सिरे इकोदे थे। स्वर्गदूते उस सोने दे फीते ला शेर जो नापया; इदी लम्बाई दो हजार चार सौ किलो मीटर थी। इदी चौड़ाई कने उच्चाई लम्बाईया बराबर ही थी। १७ इदे बाद स्वर्गदूते दिबारां दी उच्चाई नापी। उनी इसयो भी इयां ही नापया जियां लोक चीजां जो नापदे न। दिवार छियासठ मीटर उच्ची थी। १८ शेर खरे सोने ला बणया था जड़ा शीशे सांई चमकदा था कने उदियां दिबारां यशब नाए दे कीमती पथरे ला बणियां थियां। १९ उस शेर दियां नियां कीमती बारा बड़े-बड़े पथरां पर बणियां थियां; पैली नीं यशबे दी, दुज्जी नीलमणी दी, तीजी लालड़ीए दी, चोथी मरकते दी, २० पंजमी गोमेदके दी, छेमी माणिक्ये दी, सतमी पीतमणिए दी, अठमी परोजे दी, नौमी पुखराजे दी, दसमी लहसनिये दी, गयारमी धूम्रकांते दी, कने बारमी याकूबे दी थी। २१ बारा दरबाजे भी इक-इक कीमती मोतियां ला बणयो थे, कने शेर दियां सड़कां खरे सोने दियां बणियां थियां जड़ियां शीशे सांई चमकदियां थियां।

१११ १११११११ १११११ ११ १११११

२२ मैं इस शेर च कोई मंदिर नी दिखया क्योकि सारयां ला शक्तिशाली प्रभु परमेश्वर कने छेलू उस शेर च है। इस तांई ओथु मंदरे दी कोई जरूरत नी है। २३ उस शेर च ना सूरजे दी कने ना चन्द्रमे दी जरूरत है, क्योकि सै शेर परमेश्वरे कने छेलुये दिया रोशनिया ला रोशन है। २४ उस शेर च चमक संसारे चरणे बालयां सारे लोकां जो रौशनी दिन्दी है कने संसारे दे सारे राजयां अपणिया-अपणिया दौलता जो उस शेर च लेई ओणा है। २५ उस शेर दे दरबाजे दिन भर खुले रेंदे न। सै कड़ी कदी भी बंद नी होंदी क्योकि ओथु कदी भी रात नी होंदी। २६ संसारे दे लोकां संसारे दियां सारियां खुबसुरत चीजां जो कने लोकां दिया धन दौलता जो उस शेर च लेई ओणा है। २७ पर जड़े कुछ भी गंदा था या सै लोक जड़े बुराई करदे न या झूठ बोलदे न, उना जो पक्का ही उस शेर च अंदर ओणे दी इजाजत नी है। ओथु सिर्फ सेई लोक अंदर जाई सकदे न जिना दे ना छेलुये दिया जिन्दगिया दिया कताबा च लिखयो थे।

22

१११११११११ ११ १११११११ ११ ११११

१ तालू स्वर्गदूते मिंजो इक नदी दस्सी जिदे च जिन्दगी दा पांणी था। पांणी शीशे सांई चमका दा था। ऐ नदी परमेश्वर कने छेलुये दे सिहांसने दे थले ला बेह दी थी। २ नदी शेर दिया सड़का दे बिचो बिच ला गुजरदी थी। नदिया दे हर इक किनारे पर जिन्दगी देणेबाले रुख लगयो थे जड़े हर साल बारा बरी फल दिन्दे थे मतलब की हर मिने च इक बरी। संसारे दे लोक उना दे पत्तयां दा उपयोग अपणियां बिमारियां जो ठीक करणे तांई करदे न। ३ उस शेर च कुछ भी ऐसा नी है जड़ा परमेश्वरे दे श्राप दे अधीन है। परमेश्वर कने छेलुए दा सिहांसन उस शेर च होणा, कने परमेश्वरे दे सेवकां उदी अराधना करणी। ४ उना परमेश्वरे जो आमणे सामणे दिखणा, कने परमेश्वरे दा नां उना दे मथे पर लिखया होणा। ५ कने ओथु फिरी कदी रात नी होणी, कने शेर दे लोकां जो रस्ते च चलणे तांई दिख्ये दी जरूरत नी होंगी कने ना ही सूरजे दिया लौई दी जरूरत थी, क्योकि परमेश्वरे ही है जड़ा लोकां जो लौ दिन्दा है। जड़े लोक ओथु रेंदे न उना हमेशा तांई राजयां सांई राज करणा।

१११११ ११ १११११११ १११

६ तालू स्वर्गदूते मिंजो ला बोलया, “ऐ सारियां गल्लां जड़ियां तिजो दसियां न, सै सच्च न कने पुरे तरीके ला भरोसा करणे दे काबिल न। क्योकि प्रभु परमेश्वरे जिनी संदेश देणेबालयां दे मना दा मार्गदर्शन करणे तांई अपणा आत्मा दितया था, सेई है जिनी मिंजो, जड़ा की

